

ଅନୁରାଧା ଦେବୀ
ନିର୍ବାଚିତ
ସଭାପତି

প্রকাশক
শ্রীঅনিল সরকার
এ. কে. সরকার এণ্ড কোং
৬ বঙ্কিম চ্যাটার্জী স্ট্রীট
কলিকাতা ১২

প্রথম সংস্করণ
১৩৫৩

মুদ্রক
শ্রীধনঞ্জয় রায়
মুদ্রণশ্রী প্রেস
১৫/১ ঈশ্বর মিন লেন
কলিকাতা-৬

মূল্য—নয় টাকা

নিবেদন

সাহিত্যচর্চার আলো মধু-বন্ধিম-রবীন্দ্র-প্রতিভার পর্বতচূড়া ঘিরে বিচ্ছুরিত হচ্ছে। তা-ই স্বাভাবিক। কিন্তু যে-সব লেখক সমতলভূমির কাছাকাছি, জনমনের সাময়িক রসনিবৃত্তিতে তাঁদের মুক্ত হস্তের উদার দান ছিল অকুণ্ঠিত তাঁদের কথাও যেন ভুলে না যাই। আজ সাধারণ পাঠকের রসোপভোগের আয়োজনে হেমচন্দ্রের কবিতা স্থান পাবে না ঠিকই। কিন্তু সাহিত্যের চর্চা ধারা করবেন তাঁদের দৃষ্টি মাঝারি শক্তির লেখকদের উপরেও পড়ুক। আমাদের সাধনায় জাতির সাহিত্যিক ঐতিহ্যের সামগ্রিক পরিচয় যেন স্পষ্ট হয়ে ওঠে। অন্ধকার সমুদ্র-ঘেরা নিরাবলম্ব পর্বতশীর্ষ নন মধু-বন্ধিম-রবীন্দ্রনাথ। যুগের যে তপস্কার এঁরা অমৃতসিদ্ধি তার নিদর্শন আছে বহুসংখ্যক সাহিত্যিকের অস্তিত্বে। বহুসংখ্যার মধ্যে হেমচন্দ্রের নামটি অবশ্য চিহ্নিত হবার মত।

হেমচন্দ্রের নির্বাচিত কবিতাবলী প্রকাশ করে তাঁর সাহিত্য যে আমাদের সাধনসীমার বহির্ভূত নয় সে কথাটাই স্মরণ করতে চেয়েছি।

বন্ধুবর শ্রীঅনিল কুমার সরকার গ্রন্থটির মুদ্রণ ও প্রকাশ-পারিপাট্য সাধনে প্রভূত যত্ন নিয়েছেন। শ্রীবিশ্বনাথ মুখোপাধ্যায় মুদ্রণ-প্রমাদ সংশোধন এবং সম্পাদনার নানা কাজে সহযোগিতা করেছেন। তাঁদের কাছে আমি কৃতজ্ঞ।

২৮ এ মহেন্দ্র শ্রীমানী স্ট্রীট

কলকাতা-২

১৫ অগস্ট ১৯৪৬

ক্ষেত্রশুশ্রূ

সম্পাদকের অন্যান্য গ্রন্থ

মধুসূদনের কবি আত্মা ও কাব্য শিল্প

নাট্যকার মধুসূদন

কবি মধুসূদন ও তাঁর পত্রাবলী

মধুসূদন-রচনাবলী (সমগ্র, ইংরেজি রচনাবলী সহ সম্পাদনা

মধু-বিচিত্রা

প্রাচীন কাব্য-সৌন্দর্য জিজ্ঞাসা ও নবমূল্যায়ন

কুমুদরঞ্জনের কাব্যবিচার

সত্যেন্দ্রনাথের কাব্যবিচার

কবি মুকুন্দরাম

সেকালীন শ্রেষ্ঠ ব্যঙ্গ কবিতা (সম্পাদনা)

সূচীপত্র

ভূমিকা			[৭]
বৃক্ষসংহার	১
দশমহাবিভা	১২২
কবিতাবলী	১৪৫

স্বদেশ ও সমাজ

- ভারত সঙ্গীত ১৪৫
- ভারত বিলাপ ১৪৭
- বিধবা-রমণী ১৪৯
- ভারত-কামিনী ১৫১
- ভারতে কালের ভেরী ১৫৪
- ইউরোপ এবং আসিয়া ১৫৬

রঙ্গ ও ব্যঙ্গ

- বাঙালীর মেয়ে ১৬০
- সাবাস হজুক আজব সহরে ১৬২
- নেতার-নেতার ১৭০
- হায় কি হলো ১৭৪
- দেশলাইএর স্বব ১৭৭
- বাজিমাৎ ১৭৮

জীবন-ভাবনা

- জীবন-মরীচিকা ১৮৪
- পরশমণি ১৮৭
- জীবনসঙ্গীত ১৮৯
- পদ্মের মৃগাল ১৯০
- লজ্জাবতী লতা ১৯৪
- জীবনের লীলা ফুরালো ১৯৫
- কল্পনা ১৯৬
- অতৃপ্তি ১৯৮

প্রকৃতি ও প্রেম

- চাতক পক্ষীর প্রতি ২০০
- পদ্মকুল ২০২
- গঙ্গা ২০৫
- বৃন্দাবনে ২০৭
- অশোকতরু ২০৮

[৬]

কোন একটি পাখীর প্রতি ২১০

প্রিয়ভার প্রতি ২১১

দূরে কাননের কোলে পাখী এক ডাকিছে ২১৪

নানা-প্রসঙ্গ

রেলগাড়ী ২১৬

শিশুর হাসি ২১৮

টীকা ও মন্তব্য

...

...

২২১

ভূমিকা

প্রথম অধ্যায়

যুগ : জীবনী : জীবনভাষ্য : গ্রন্থসংস্কার

এক

মধুসূদন বাংলা কাব্যে যুগান্তর ঘটালেন। জাতীয় শিল্প-সংস্কার-প্রচেষ্টা বিস্তারনে মুক্ত হল। কবি হিসেবে হেমচন্দ্রের আবির্ভাব তারই অন্ততম ফলশ্রুতি। ১৮৬২ সালে মধুসূদনের মেঘনাদবধকাব্যের দ্বিতীয় সংস্করণের টীকা এবং ভূমিকা লিখে দিতে গিয়ে নবীন কাব্য রাজ্যের প্রতি আকৃষ্ট হয়েছিলেন তিনি। রামগতি গায়রত্বের অনুমান—

“হেমবাবু যখন মাইকেল মধুসূদন দত্ত প্রণীত মেঘনাদবধের টীকা লেখেন, বোধ হয়, তৎকালেই ঐরূপ প্রণালীতে কাব্য লিখিতে তাঁহার ইচ্ছা জন্মে—বৃত্তসংহার সেই ইচ্ছার ফল।”

বৃত্তসংহার কাব্য লিখেই হেমচন্দ্র খ্যাতির শীর্ষে উঠলেন। বৃত্তসংহার প্রকাশের আগে হেমচন্দ্র সমালোচক মহলে বিশেষ স্বীকৃতি পান নি। ১৮৭১ সালে ক্যালকাটা রিভিউ পত্রে বেনামীতে লেখা এক প্রবন্ধে বঙ্কিমচন্দ্র লিখেছিলেন, “যদিও হেমচন্দ্র বন্দ্যোপাধ্যায় তেমন খ্যাতিলাভ করেন নাই...।” ১৮৭২ সালে মহেন্দ্রনাথ চট্টোপাধ্যায়ের “বঙ্গভাষার ইতিহাস” পুস্তকে হেমচন্দ্রের নামও ছিল না। ১৮৭৩ সালে রামগতি গায়রত্বের “বাঙ্গালা ভাষা ও বাঙ্গালা সাহিত্য বিষয়ক প্রস্তাবে” অন্যান্য লেখকদের মধ্যে হেমচন্দ্রের নামটির মাত্র উল্লেখ পাওয়া যায়। ১৮৭৩ সালে মধুসূদনের মৃত্যু উপলক্ষে বঙ্কিমচন্দ্র অকস্মাৎ হেমচন্দ্রের সোচ্চার প্রশংসা করেন।

“কিন্তু বঙ্গকবি-সিংহাসন শূন্য হয় নাই। এ দুঃখ সাগরে সেইটি বাঙ্গালীর সৌভাগ্য নক্ষত্র। মধুসূদনের ভেরী নীরব হইয়াছে, কিন্তু হেমচন্দ্রের বীণা অক্ষয় হউক!”

সন্দেহ নেই এই সমালোচনায় কাব্য বিচারের চেয়ে ভাবোচ্ছ্বাসই বড় হয়ে উঠেছে। কিন্তু জনমনে এবং সমালোচকদের উপরেও বঙ্কিমচন্দ্রের এই মন্তব্যের গুরুতর প্রভাব সহজেই অনুমেয়।

কিন্তু হেমচন্দ্রকে নিয়ে গুরুতর উত্তেজনা দেখা দিল আরও কয়েক বছর পরে “বৃত্তসংহার” প্রকাশের ফলে। বঙ্কিমচন্দ্র “বঙ্গদর্শনে” সম্পাদকীয় প্রবন্ধ লিখলেন প্রথম খণ্ড প্রকাশের সঙ্গে সঙ্গে। সঞ্জীবচন্দ্র সেই রীতি অনুসরণ করলেন দ্বিতীয় খণ্ড প্রকাশের পরে। রমেশচন্দ্র দত্ত তাঁর ইংরেজি সমালোচনার বইয়ে বিস্তারিত আলোচনা করলেন। রামগতি প্রথম সংস্করণের ত্রুটি সামলে নিলেন।

রাজনারায়ণ বসু ১৮৭৮ সালে “বাঙ্গালা ভাষা ও সাহিত্য বিষয়ক বক্তৃতা”য় লিখলেন,

“এক্ষণকার কবিদিগের মধ্যে বাবু হেমচন্দ্র বন্দ্যোপাধ্যায় সাধারণ দ্বারা সর্বপ্রধান বলিয়া পরিগণিত।”

ঐ একই বক্তৃতায় মধুসূদনের ব্যক্তিগত স্মৃতি এবং তাঁর রচনাবলীর অন্ততম প্রধান সমালোচক মধুসূদনের কবিতার বিজাতীয়ত্বের প্রতি তীব্র কটাক্ষপাত করলেন। বালক রবীন্দ্রনাথ “ভারতী” পত্রিকায় মধুসূদনের সঙ্গে তুলনায় হেমচন্দ্রকেই জয়মালা দিলেন।

হেমচন্দ্র বাঙালিকে জয় করলেন। জয় করলেন প্রধানত বৃত্তসংহারের অঙ্গে। কবিতাবলীর রাজনৈতিক উত্তেজনা এবং ব্যঙ্গের তীক্ষ্ণতার প্রতিও পাঠক সমালোচকদের আগ্রহ সৃষ্টি হতে দেবী হল না। বিশেষ করে মধুসূদনের সঙ্গেই তাঁর প্রতিভার তুলনা চলতে লাগল। কেউ তা প্রকাশ করে বললেন, কেউ তা মনে ভাবলেন। ফল হল মধুসূদনের মৃত্যুর দশ বছরের মধ্যে বিজাতীয় ভাবের কবি হিসেবে তিনি গৌরব হারাতে বসলেন, হেমচন্দ্র নূতন যুগের শ্রেষ্ঠ কবিরূপে অভিনন্দিত হতে লাগলেন। হেমচন্দ্রের জাতীয়তাবাদের উত্তেজনা বাঙালি সাধারণ পাঠককে সবচেয়ে বেশি আকৃষ্ট করল। বৃত্তসংহারের অনাহত হিন্দু সংস্কার, অগভীর রসাবেদন এবং বিপুলতা সমালোচকদের খুশি করল। অহিন্দু মধুসূদনকে মুখের মত জবাব দেবার সুযোগ পেয়ে তুষ্ট হলেন অনেকেই।

কিন্তু মহাকাল নির্মম বিচারক। এযুগের রসিক পাঠকের কাছে হেমচন্দ্র নিন্দিত অথবা অবহেলিত ; কচিং স্বল্পস্বীকৃত। সে স্বীকৃতিও যতটা ঐতিহাসিক ততটা কাব্যিক নয়।

বিংশ শতকের দ্বিতীয় দশক থেকেই হেমচন্দ্রের স্তুতিগানে উন্টো স্বর বাজল। মধুসূদনের শিল্পমাহাত্ম্য নূতন করে স্বীকৃতি পেতে লাগল। “সাহিত্য” পত্রিকার লেখকদের এ বিষয়ে কিছু বিশেষ ভূমিকা ছিল। সম্পাদক স্বরেশচন্দ্র সমাজপতির মধুসূদন বিষয়ক প্রবন্ধটির কথা এ প্রসঙ্গে স্মরণ করা যেতে পারে। পাঁচকড়ি বন্দ্যোপাধ্যায়ও সাহিত্য পত্রিকায় হেমচন্দ্র সম্পর্কে প্রবন্ধ লিখতে গিয়ে দুই কবির তুলনার কথা না তুলে পারেন নি—

“মধুসূদন গুরু, হেমচন্দ্র শিষ্য ; মধুসূদন ওস্তাদ, হেমচন্দ্র সাকরেদ। কিন্তু হেমচন্দ্র এক গুরুর শিষ্য নহেন—তিনি ভারতচন্দ্রকেও গুরু করিয়াছিলেন। তিনি পূর্বগামী কবিগণের ছন্দের ও ভাষার অনুশীলন করিয়াছিলেন। তাই হেমচন্দ্র পুরাদম্বর মধুসূদনের অন্তবর্তী হইতে পারেন নাই ; তাই ‘বৃত্তসংহার’ ভাষায় ও ছন্দে কতকটা জগাধিচুড়ি হইয়া গিয়াছে ; তাই ‘বৃত্তসংহার’ মহাকাব্য হইলেও জাতি-বৈরের ব্যাখ্যা পুস্তক হইলেও, ভাষার বাধনীর হিসাবে, ভাষার

জমাট হিসাবে, মেঘনাদের নিম্নস্তরে অবস্থিত। মেঘনাদে মিল্টনের গন্ধ পাইলেও সে গন্ধ দুর্গন্ধ বলিয়া মনে হয় না। কবির শব্দসম্পদে ও ভাবৈবশ্ব্যে সে-গন্ধ তীব্র ও মনোমোহন বলিয়া বোধ হয়। ‘বৃদ্ধসংহারে’ তেমনই দাস্তুর ইনফার্মোর গন্ধ পাওয়া যায়; সঙ্গে দেখিতে পাওয়া যায়, কবি যেন সে গন্ধ ঢাকিবাব প্রয়াস পাইয়াছেন; পদে পদে যেন সেই ব্যর্থ চেষ্টায় গলদঘর্ষ হইয়াছেন। এইখানে ওস্তাদে ও সাকরেদে পার্শ্বক্য; এইখানে কে ছোট, কে বড় স্পষ্ট বুঝা যায়।”

পরবর্তী কালে সুর আরও চড়েছে। উনবিংশ শতাব্দীর শেষার্ধের অতিপ্রশংসার প্রতিক্রিয়ায় বিংশ শতকের প্রথমার্ধে কখনও অতিনিন্দা হয় নি এমন কথা জোর করে বলব না। উত্তরকালের প্রতিক্রিয়া তীব্র হয় প্রধানত সমকালের প্রগল্ভ অতিভাষণের প্রতিক্রিয়ায়। গিরিশচন্দ্র ঘোষের সমালোচকেরা তাঁকে নির্দিধায় সেক্সপিয়রের চেয়ে উচ্চ স্থান দিয়েছিলেন বলেই উত্তরকালে শিল্পরসিকের মনে প্রতিক্রিয়া তীব্র হয়ে উঠেছিল। এই মনোভাব গিরিশচন্দ্রের সত্যকার মূল্য আবিষ্কারেও অনীহা প্রকাশ করেছে। শরৎচন্দ্রের ভক্তেরাও এক সময়ে বন্ধিমকে নশ্রাং করেছিলেন। একালের সমালোচকের সিদ্ধান্তের উদ্দা শরৎচন্দ্রের বিরুদ্ধে সেকারণেই এত বেশি তীব্র হয়ে উঠেছে। হেমচন্দ্রের প্রতি অতিশ্রদ্ধায় যাঁরা বিচারহীন স্তুতির বণ্ডা বহিয়েছেন তাঁরা সমকালে কবিকে জনপ্রিয়তার শীর্ষে বসালেও তাঁর বিশেষ উপকার করেন নি। আজকের সমালোচকের শিল্পবোধের বিচারে হেমচন্দ্রের কাব্য সেই বিশেষণগুলির কোনো শর্তই পূরণ করে না। হেমচন্দ্র তাঁর ভক্ত সমালোচকদের জন্ত একালে বিবেচিত হলেন শ্রেষ্ঠ কাব্যগুণের মাপকাঠিতে— তুলিত হলেন মধুসূদনের সঙ্গে। তার ফলে অকিঞ্চিৎকরতাই বড় হয়ে দেখা দিল। এবং তা-ই অনিবার্য। খুব বড় কবির রচনারীতিকে আদর্শরূপে ধরে বিচার করলে অল্পশক্তির লেখকদের ভরাডুবির আশঙ্কা। যে প্রশংসাবাক্য কবির সৌভাগ্য সূচিত করেছিল শেষ পর্যন্ত তাই হল কবির দুর্ভাগ্যের কারণ। হেমচন্দ্রের প্রতি যে সব কঠোর নিন্দাবাক্য আধুনিক সমালোচকেরা বর্ষণ করেছেন তার কিঞ্চিৎ নিদর্শন মোহিতলালের প্রবন্ধ থেকে উদ্ধার করা হল।

“হেমচন্দ্র, কি প্রাচীন কি নবীন—কোন বিশিষ্ট কাব্যরীতির অনুসরণ করেন নাই; কাব্য-কলা বলিয়া কোনও বস্তুর চেতনা বা সাধনা তাঁহার ছিল না। তিনি পুরাতন কবিগণের ছন্দমাত্র ব্যবহার করিয়াছিলেন—অতিশয় সহজ, সুলভ ও অভ্যস্ত বলিয়া। তৎকালে যে নূতন স্মসংস্কৃত গণ্ডভাষা প্রচলিত হইয়াছিল, তাহাকেই একটি সহজ ছন্দঃ-শ্রোতে গতিমান করিয়া, তিনি কতকগুলি ইংরেজী

ভাব ও ভাবুকতার উচ্ছ্বাস, বাঙ্গালীর সংস্কার ও সেন্টিমেন্টের উপযোগী করিয়া কবিতার আকারে প্রকাশ করিয়াছিলেন।”

হেমচন্দ্র বন্দ্যোপাধ্যায় মাঝারি শক্তির কবি। এই কথা মনে রেখে তাঁর সাহিত্যসাধনার বিচারই সঙ্গত। কোনো কবির মূল্য নিরূপণে কাল্পনিক প্রত্যাশার পেছনে না ছোঁটাই ভালো। তাছাড়া ভাষার সব সাহিত্যিক মধু-বক্ষিম-রবীন্দ্রনাথ হবেন এরূপ ভেবে নেবারই বা কি কারণ আছে ?

দুই

হেমচন্দ্র ছাত্রজীবনের কালপর্ব মোটামুটিভাবে ১৮৫০ থেকে ৬০ সাল। পরবর্তী কুড়ি বাইশ বছর তাঁর সৃষ্টির স্বর্ণযুগ। এই কালের বাংলাদেশের জীবনে ভাবান্দোলনের যে পটভূমি বিস্তৃত হয়েছিল হেমচন্দ্রের ব্যক্তিত্ব এবং কাব্যগঠনে তার প্রতিফলন পড়া স্বাভাবিক। এবং সে প্রতিফলনের গতি অনেকটা সরল রেখায় ; কারণ হেমচন্দ্রের মন ছিল মূলত বহিমুখি এবং অগভীর।

হেমচন্দ্র হিন্দুকলেজের (পরিবর্তিত নাম হিন্দু স্কুল এবং প্রেসিডেন্সি কলেজ) ছাত্র ছিলেন। ১৮৫০ সাল পর্যন্ত এই কলেজ বাংলাদেশের বৈপ্লবিক নব্যভাবনার ধাত্রীর ভূমিকা পালন করেছে। পরের বছরগুলিতে প্রতিষ্ঠানটি একটি উচ্চ শ্রেণীর শিক্ষা কেন্দ্র হিসেবে আপনার গৌরব বজায় রাখলেও, পাশ্চাত্য ভাবাদর্শের একটি প্রধান উৎস হিসেবে বৈশিষ্ট্যপূর্ণ রইল না। সে আদর্শ তখন আরও বহু প্রতিষ্ঠানের মাধ্যমে ছড়িয়ে পড়েছে। কিন্তু ৫০ সাল পর্যন্ত নবজাগৃতির যে মানসপ্রবণতা গড়ে উঠছিল তারই শৈল্পিক প্রকাশ ঘটতে আরম্ভ করল এই পর্বে।

বস্তুগত ভাবে এই কালপর্ব অর্থনৈতিক ও রাজনৈতিক চাঞ্চল্যে পূর্ণ। এই সময়ে রেললাইনের প্রতিষ্ঠা হওয়ায় শিল্পযুগের আবির্ভাব ঘটল। এবং বিপুল দেশের বিভিন্ন অংশের মধ্যে জাতীয় ঐক্য প্রতিষ্ঠার সম্ভাবনাও দেখা দিল। ১৮৫৭ সালে কলকাতা বিশ্ববিদ্যালয়ের প্রতিষ্ঠার ফলে জাতীয় শিক্ষার ক্ষেত্রে এক উল্লেখযোগ্য নূতন পদক্ষেপ ঘটল। অগ্রদিকে ঐ একই বছরে সিপাহী বিদ্রোহের দেশ জোড়া রাষ্ট্রব্যবস্থায় বিপুল আলোড়ন দেখা দিল। সমকালীন বাঙালি বুদ্ধিজীবীর জাতীয়তাবোধের কাছে তা শুধু বিরূপতাই সৃষ্টি করল। বাংলার কৃষকশ্রেণীর এই পর্বে নীল ধর্মঘট, ফরিদপুরের ফারজি আন্দোলন, কোলবিদ্রোহ প্রভৃতির মাধ্যমে বৃটিশ শাসনের প্রতিবাদ করেছে। কিন্তু একমাত্র নীলান্দোলনই সাংবাদিকতা ও সাহিত্যের সহযোগিতায় বুদ্ধিজীবীদের মনে কিছুটা ইংরেজ-শিরোধিতার ষোঁড়াক জোগাল।

প্রত্যক্ষ ভাবান্দোলনের ক্ষেত্রে এই পর্বে কতগুলি প্রতিষ্ঠান রাজনৈতিক

সমাজনৈতিক চেতনা বিস্তারে গুরুত্বপূর্ণ ভূমিকা গ্রহণ করল। নবগোপাল মিত্র পরিচালিত “হিন্দুমেল্লা” (১৮৬৭), কেশবচন্দ্র সেন স্থাপিত “ভারত সংস্কার সভা” (১৮৭০), “ভারতীয় বিজ্ঞান সভা” (১৮৭৬) স্বরেন্দ্রনাথ-আনন্দমোহন-শিবনাথ-দ্বারকানাথের নেতৃত্বে প্রতিষ্ঠিত “ইণ্ডিয়ান এসোসিয়েশন” (১৮৭৬), অবশেষে কংগ্রেসের প্রতিষ্ঠা (১৮৮৫) উল্লেখযোগ্য ঘটনা।

জাতীয় জাগরণই এই যুগের বিশিষ্ট রাগিনী এবং হিন্দু পুনরুত্থানের স্বর তার মধ্যে বিশেষ প্রবলভাবে বেজেছে।

এই ভাবপরিমণ্ডলেই হেমচন্দ্রের কবিমনের বিকাশ।

তিন

হেমচন্দ্র বন্দ্যোপাধ্যায়ের জীবন-কাহিনী উনবিংশ শতাব্দীর মধ্যবিত্ত শিক্ষিত বাঙালির মামুলী জীবন। মনুখনাথ ঘোষ প্রণীত “হেমচন্দ্র” (তিন খণ্ড) এবং ব্রজেন্দ্রনাথ বন্দ্যোপাধ্যায়ের “সাহিত্য সাধক চরিতমালা”র অন্তর্ভুক্ত কবিজীবনী থেকে তাঁর চরিতকথা সংক্ষেপে বিবৃত করা হল।

হেমচন্দ্রের জন্ম হয় ১৮৫৮ সালের ১৭ এপ্রিল মাতুলালয়ে, হুগলী জেলার রাজবল্লভহাটে। পিতা কৈলাসচন্দ্র এবং মাতা আনন্দময়ী। পিতৃভূমি ছিল উত্তরপাড়া। দরিদ্র কৈলাসচন্দ্র খুলুরালয়ে বাস করতেন।

কবির মাতামহ রাজচন্দ্র চক্রবর্তী মধ্য অবস্থার মানুষ। মোক্তারি করে খিদিরপুরে ছোট একটি বাড়ী করেছিলেন। হেমচন্দ্র শৈশবে রাজবল্লভহাটের পাঠশালায় লেখাপড়া শুরু করেন। নয় বৎসর থেকে তিনি খিদিরপুরে মাতামহের সঙ্গে বাস করতে থাকেন। দুর্লভ উচ্চশিক্ষার ব্যয় বহনের ক্ষমতা কবির পিতা বা মাতামহের ছিল না। প্রতিবেশী সহৃদয় শিক্ষক প্রসন্নকুমার সর্বাধিকারী হেমচন্দ্রের মেধার পরিচয় পেয়ে তাঁকে হিন্দু কলেজে ভর্তি করিয়ে দিলেন। কলেজের বেতনও তিনিই দিতেন। হেমচন্দ্র তখন পনেরো বছরের কিশোর।

ছাত্র হিসেবে তিনি মেধাবী ছিলেন। হেমচন্দ্রের ছাত্রাবস্থায় হিন্দু কলেজ প্রেসিডেন্সি কলেজে রূপান্তরিত হল। স্কুল বিভাগের নামকরণ হল হিন্দুস্কুল। হেমচন্দ্র হিন্দুস্কুলের ছাত্র হলেন। জুনিয়র বৃত্তিপরীক্ষায় তিনি দশটাকা বৃত্তি পেয়েছিলেন। ১৮৫৫ সাল থেকে তিনি প্রেসিডেন্সি কলেজে পড়তে লাগলেন। ছাত্রাবস্থায়ই তিনি শিক্ষকতার যোগ্যতামূলক পরীক্ষায় উত্তীর্ণ হলেন। সিনিয়র বৃত্তি পরীক্ষায়ও তিনি সাফল্য লাভ করে মাসিক পঁচিশটাকা বৃত্তি পেলেন।

১৮৫৭ সালে কলিকাতা বিশ্ববিদ্যালয় স্থাপিত হলে হেমচন্দ্র এন্ট্রান্স পরীক্ষায় এবং ১৮৫৯ সালে বি. এ. পরীক্ষায় প্রথম বিভাগে উত্তীর্ণ হন।

১৮৬১ সালে আইন পরীক্ষা দিয়ে তিনি এল, এল এবং ১৮৬৬ সালে বি. এল. উপাধি লাভ করেন।

বি. এ. পরীক্ষার কিছুদিন আগে হেমচন্দ্র একটি কেরাণীর কাজ পেয়েছিলেন। বি. এ. পাস করে তিনি সংস্কৃত কলেজে শিক্ষকতা পেলেন। কিন্তু এই কাজটি গ্রহণের আগেই তিনি “ক্যালকাটা ট্রেনিং স্কুলের” প্রধান শিক্ষকের পদটি লাভ করলেন। শিক্ষকতা করতে করতে তিনি আইনের প্রথম উপাধি পেলেন। শিক্ষকবৃত্তি ত্যাগ করে হাইকোর্টে ওকালতি শুরু করলেন। ভালো পসার না হওয়ায় ওকালতি ছেড়ে দিয়ে মুন্সেফের চাকরি নিলেন। অল্পদিনের মধ্যে সে চাকরি ছেড়ে দিয়ে আবার হাইকোর্টে ফিরে এলেন। ক্রমে আইন ব্যবসায় উন্নতি হতে লাগল। মাসিক আয় দু হাজার আড়াই হাজারে গিয়ে পৌঁছল। পরিণত বয়সে তিনি প্রধান উকিলের পদটি লাভ করেছিলেন।

হাইকোর্টে প্রবেশের সময় থেকেই হেমচন্দ্র কাব্যরচনায় মনোনিবেশ করেন। ১৮৬১ সালে তাঁর প্রথম কাব্য প্রকাশিত হয়। তাঁর শেষ কাব্যের প্রকাশকাল ১৮৯৮ সাল। দীর্ঘকাল তিনি বাংলা সাহিত্যের সেবা করেছেন এবং মোট আঠারোখানা পুস্তক-পুস্তিকা প্রকাশ করেছেন। হেমচন্দ্রের কবি জীবনের শুরুতে মধুসূদনের মেঘনাদবধকাব্যের সম্পাদনা একটা গুরুতর ঘটনা। অপর ঘটনা বঙ্কিমচন্দ্রের উচ্চকণ্ঠ প্রশংসালভ। বৃত্তসংহার প্রথম খণ্ড প্রকাশের পরে হেমচন্দ্রের খ্যাতি বিস্তৃত হতে থাকে এবং অল্পকালের মধ্যে তিনি জনপ্রিয়তার শীর্ষে ওঠেন।

হেমচন্দ্রের শেষজীবন খুবই দুঃখে কেটেছে। বিশেষ করে দৃষ্টিশক্তি হারিয়ে তিনি দেহ-মনে একেবারেই ভেঙে পড়েছিলেন।

১৯০৩ সালে ২৪ মে তাঁর মৃত্যু হয়।

চার

হেমচন্দ্রের কাব্য গ্রন্থাবলীর একটি তালিকা প্রকাশকালসহ দেওয়া হল।

এক.	চিন্তাতরঙ্গিনী ১৮৬১
দুই.	বীরবাহু কাব্য ১৮৬৪
তিন.	কবিতাবলী ১৮৭০
চার.	বৃত্তসংহার ১ম খণ্ড ১৮৭৫
পাঁচ.	ভারতভিক্ষা ১৮৭৫
ছয়.	আশাকানন ১৮৭৬
সাত.	বৃত্তসংহার ২য় খণ্ড ১৮৭৭
আট.	কবিতাবলী ২য় খণ্ড ১৮৮০

নয়.	ছায়াময়ী ১৮৮০
দশ.	দশমহাবিছা ১৮৮২
এগারো.	হতোমপ্যাচার গান [বাংলা] ১২২১
বারো.	ভারতেশ্বরী মহারাণী ভিক্টোরিয়ার জুবিলী উৎসব ১৮৮৭
তেরো.	চিত্তবিকাশ ১৮২৮

এদের মধ্যে “ভারতভিক্ষা”, “হতোম প্যাচার গান”, “ভারতেশ্বরী মহারাণী ভিক্টোরিয়ার জুবিলী উৎসব” কবিতামাত্র, পুস্তিকাকারে মুদ্রিত হয়েছিল। গ্রন্থাকারে সংবদ্ধ হয় নি এমন অনেকগুলি কবিতাও মাসিকপত্রে ছড়িয়ে ছিল। “বিবিধ” নাম দিয়ে সজনীকান্ত দাস মহাশয় তাদের গ্রন্থবদ্ধ করেছেন “হেমচন্দ্র গ্রন্থাবলী”তে বঙ্গীয় সাহিত্য পরিষদ সংস্করণ, দ্বিতীয় খণ্ড।

এছাড়া হেমচন্দ্র “নাকেশ্বর” নামে একটি ছন্দোবদ্ধ কৌতুকনাট্য লিখেছিলেন; সেক্সপিয়রের টেম্পেস্ট অবলম্বনে “নলিনিবসন্ত নাটক” এবং রোমিও জুলিয়েতের ছায়া অবলম্বনে “রোমিও জুলিয়েট” নামে অপর একটি নাটকও লিখেছিলেন। উভয় নাটকের সংলাপই অমিত্রাক্ষর ছন্দে রচিত। হেমচন্দ্রের অপর রচনাগুলি অকিঞ্চিৎকর এবং অমূল্য।

পাঁচ

হেমচন্দ্রের জীবনকথা এবং কাব্যগ্রন্থাবলী বিশ্লেষণ করে তাঁর অন্তর্জীবন তথা কবিপ্রাণের একটি রূপের আভাস পাওয়া যেতে পারে। কবিশিল্পীর অন্তর্জীবনের পরিচয় পেলে তাঁর সৃষ্টিরহস্যের অনেকটাই ব্যাখ্যাগম্য হয়ে পড়ে।

হেমচন্দ্রের জীবনে কোনোরূপ নাট্যচমক নেই, প্রবল অস্থিরতা নেই। অন্তর্লীন শক্তির অগ্ন্যুৎসার তাঁর কর্মে ও ভাবনাকে আর্ত করে তোলে নি। দূরের রহস্য, অতীতের বর্ণাঢ্যতা তাঁর কাছে ব্যর্থ। নিজেকে ছাপিয়ে যাবার বীর্ষ নেই, প্রাণকে বাজি রাখবার দুঃসাহস নেই।

হেমচন্দ্র একান্ত সাধারণ বাঙালি ভঙ্গলোক। প্রথম জীবনে দারিদ্র্য-দুঃখ পেয়েছেন। কিন্তু দৃষ্টিকে তা বক্র করে নি, মনকে শান্ত ও আক্রমণোত্তর করে তোলে নি। বৃত্তিপাওয়া ভালো ছাত্র, পরীক্ষার গণ্ডিগুলো সহজে ডিঙিয়ে গিয়েছেন। প্রথম কয়েক বছরের অনিশ্চয়তার পরে ওকালতিতে সাফল্য পেয়েছেন। কাব্য লিখে খ্যাতি হয়েছেন। চোখে ছানি পড়ে অন্ধ হয়ে শেষ জীবনে কিছু দুঃখ পেয়েছেন। এর মধ্যে বড় শক্তির, বড় প্রতিভার, বড় কামনার, বড় ব্যর্থতার পরিচয় নেই। এ জীবন একান্ত নিয়মিত, বৃত্তাকার পথের নিশ্চিত যাত্রী।

উত্তেজনাহীন সে-জীবনে মাঝে মাঝে রাজনৈতিক ভাবধারা বিক্ষোভ সৃষ্টি করত ; কিন্তু আন্দোলনের আবর্তে তা কবিকে টেনে নেয় নি। বার এসোসিয়েশনের টেবিলের চারপাশে উচ্চকণ্ঠ তর্কেই তার সমাপ্তি ঘটত। সাময়িক বিচিত্র ঘটনা—ভবানীপুরে মুখ্জেদের বাড়িতে যুবরাজের জানানা দর্শন বা মিউনিসিপাল আইন সংস্কার, ইলবার্ট বিল প্রভৃতি থেকে শুরু করে বন্ধু বিশেষের পাঁচশ টাকার নোট হারিয়ে যাওয়া পর্যন্ত বড় ছোট নানা প্রসঙ্গ আশ্রয় করে উকিলদের আসরে যে হট্টগোল জমে উঠত তার আগুন পোহানোর মাধ্যমে হেমচন্দ্রের কবিমন মধ্যবিত্তের একঘেয়ে জীবনাবর্তনে বৈচিত্র্যের সন্ধান পেত।

আর ছিল ইংরেজি ভাষায় যুরোপীয় কাব্যচর্চা। তাতেও কিছু স্বাদবদল ঘটত। হেমচন্দ্র এটুকুতেই তৃপ্ত ছিলেন। কিন্তু এ শুধুই মুখ বদল, অন্তরের গভীরে মধ্যবর্গীয় জীবন থেকে মুক্তির তীব্র কামনা তাঁর ছিল না ; ছিল না মনোজগতের গভীরে রহস্যবিজড়িত নিভৃত রাজ্য গড়ে তুলে আশ্রয় নেবার বাসনা—বস্তুজীবনের সামান্যতার জগৎ কোনো ক্ষোভ, তা থেকে মুক্তির কোনো আন্তরিক ইচ্ছা।

সত্য-মিথ্যা-পাপ-পুণ্য, মানব-কল্যাণ বিষয়ে কতগুলি সাধারণ মোটা ধরনের ভাবনা তাঁর ছিল, কিন্তু তাতে বিশ্বজিজ্ঞাসার সুর বাজে নি। সাধারণ শিক্ষিত মানুষের নিয়ম মারফিক ভাবনার সঙ্গে দেশিবিদেশি কাব্য চিন্তার মিশ্রণের ফলেই এই সব নৈতিক চিন্তার উদ্ভব ঘটেছে।

যে জাতীয়তার প্রচারের জগৎ তাঁর এত খ্যাতি সে-ক্ষেত্রেও তাঁর ভাবনায় কোনো মৌলিকতা প্রকাশ পায় নি। বন্ধিমের দূরদৃষ্টি ও সামগ্রিক চেতনা কিংবা নেতৃত্বদানের ক্ষমতা তাঁর ছিল না। মহাকাব্যিক জীবন বোধের গভীরতা ও ব্যাপকতায় এই মনের স্বাভাবিক অধিকার থাকবার কথা নয়।

হিন্দু ধর্মাচরণের প্রতি হেমচন্দ্রের সুগভীর শ্রদ্ধা তাঁর ব্যক্তিত্বের এবং কবিত্বের একটি বিশেষ উপাদান ছিল। কেশবচন্দ্র তাঁর গায় শিক্ষিত হিন্দুর ব্রাহ্ম পন্থা গ্রহণ করার উপযোগিতা ব্যাখ্যা করে একবার মস্তব্য করেছিলেন। হেমচন্দ্র তার উত্তরে এক ইংরেজি পুস্তিকা লিখে ফেললেন, "Brahmo Theism in India". শিক্ষিত ভারতবাসীর ব্রাহ্মধর্ম গ্রহণের বিরুদ্ধে তিনি সুস্পষ্ট ভাষায় অভিমত ব্যক্ত করেছিলেন। হেমচন্দ্রের এই হিন্দু জাতীয়তাবাদের সঙ্গে মিশে হয়ে দাঁড়িয়েছিল হিন্দু জাতীয়তাবাদ। অবশ্য হেমচন্দ্রের হিন্দু জাতীয়তাবাদ বন্ধিমোচিত মৌলিক প্রতিভায় ভাস্বর হয়ে জাতির জীবন-সত্য অনুধ্যানের পাথের হয়ে দাঁড়ায় নি। উভয়ের শক্তির তারতম্য মনে রাখলে সেরূপ প্রত্যাশা করাও উচিত হবে না।

আসলে হেমচন্দ্র উনবিংশ শতাব্দীর শিক্ষিত মধ্যবিত্তের কবি—মধ্যবিত্ত কবি,—যাঁর জাতীয়তার উত্তেজনা বক্তৃতামঞ্চে কথার ফুলঝুরি ফোটায়, তটস্থ মন নিয়ে শাণিত ব্যঞ্জেই যাঁর সামাজিক চেতনা নিবৃত্ত, কল্পনা যাঁর বস্তুলোকের বন্ধন কেটে ভাবের স্বাধীন লোকে উড়তে জানে না, চায়ও না ॥

ছয়

হেমচন্দ্রের নির্বাচিত রচনাবলীতে তাঁর শ্রেষ্ঠ এবং প্রতিনিধিত্বমূলক কাব্য-কবিতাগুলি সঙ্কলিত হয়েছে। উল্লিখিত রচনাগুলিকে কি কারণে সর্বোৎকৃষ্ট এবং কবির প্রতিভার যোগ্য প্রতিভূ বলে মনে করেছি পরবর্তী আলোচনায় তাঁর পরিচয় পাওয়া যাবে। এই রচনাগুলি সম্পর্কিত প্রয়োজনীয় তথ্যাদি এখানে প্রদত্ত হল।

বৃত্তসংহার

মহাকাব্যটি দুই খণ্ডে প্রকাশিত হয়। দুই খণ্ডের প্রকাশকালের ব্যবধান প্রায় তিন বৎসর। আখ্যাপত্র দুটি এখানে উদ্ধৃত হল।

বৃত্তসংহার। [কাব্য।] প্রথম খণ্ড। শ্রীহেমচন্দ্র বন্দ্যোপাধ্যায় বিরচিত।

শ্রীক্ষেত্রনাথ ভট্টাচার্য্য কর্তৃক প্রকাশিত (৫৫ নং কলেজ স্ট্রীট, কলিকাতা।) ১২৮১ সাল।

বৃত্তসংহার। [কাব্য।] দ্বিতীয় খণ্ড। শ্রীহেমচন্দ্র বন্দ্যোপাধ্যায় বিরচিত।

শ্রীক্ষেত্রনাথ ভট্টাচার্য্য কর্তৃক কলিকাতা, ভবানীচরণ দত্তের লেন, ১৭ সংখ্যক ভবনে প্রকাশিত। ১২৮৪।

প্রথম খণ্ডের প্রারম্ভে কবি যে বিজ্ঞাপনটি লিখেছিলেন কবির মনোভাব বুঝবার দিক থেকে তার প্রয়োজন আছে। বিজ্ঞাপনটি সম্পূর্ণ মুদ্রিত হল।

“কতিপয় কারণবশতঃ অসম্পূর্ণ অবস্থাতেই এই পুস্তক প্রচার করিয়া প্রসিদ্ধ প্রথার অন্তথাচারে প্রবৃত্ত হইয়াছি। ভরসা করি, পাঠকবর্গ আমার এ দোষ মার্জনা করিবেন।

নিরবচ্ছিন্ন একই প্রকার ছন্দঃ পাঠ করিলে লোকের বিতৃষ্ণা জন্মিবার সম্ভাবনা আশঙ্কা করিয়া পয়ারাদি ভিন্ন ভিন্ন ছন্দঃ প্রস্তাব করিয়াছি। এই গ্রন্থে মিত্রাকর ও অমিত্রাকর, উভয়বিধ ছন্দঃই সন্নিবেশিত হইয়াছে। মৃত মহোদয়, মাইকেল মধুসূদন দত্ত সর্বপ্রথমে বাঙ্গালা কাব্য রচনায় অমিত্রাকর ছন্দে পদ-বিজ্ঞাস করিয়া বঙ্গভাষার গৌরব বৃদ্ধি করেন। আমি তৎপ্রদর্শিত পথ যথাযথ অবলম্বন করি নাই।

তদীয় অমিত্রাকর ছন্দঃ মির্টন্ প্রভৃতি ইংরেজ কবিগণের প্রণালী অনুসারে বিরচিত হইয়াছে। কিন্তু ইংরেজি ভাষাপেক্ষা সংস্কৃতের সহিত বাঙ্গালা ভাষার সমধিক নৈকট-সম্বন্ধ বলিয়া যে প্রণালীতে সংস্কৃত শ্লোক রচনা হইয়া থাকে, আমি কিয়ৎপরিমাণে তাহারই অনুসরণ করিতে চেষ্টিত হইয়াছি। বাঙ্গালায় লঘু গুরু উচ্চারণ-ভেদ না থাকায় সংস্কৃত কোন ছন্দেরই অনুকরণ করিতে সাহসী হই নাই, কেবল সচরাচর সংস্কৃত শ্লোকের চারি চরণে যেরূপ পদ সম্পূর্ণ হয়, তদ্রূপ চতুর্দশ অক্ষরবিশিষ্ট পংক্তির চারি পংক্তিতে পদ সম্পূর্ণ করিতে যত্নশীল হইয়াছি। পয়ারের যতি সংস্থাপনার যেরূপ প্রথা আছে, তাহার অন্তথা করি নাই; কেবল শেষ ছয় অক্ষর সম্বন্ধে একটি নির্দিষ্ট নিয়ম অবলম্বন করিয়াছি। প্রথম কিংবা তৃতীয় চরণের শেষে তিন তিন করিয়া ছয় অক্ষর থাকিলে দ্বিতীয় ও চতুর্থ চরণের শেষে দুই চারি, চারি দুই, অথবা দুই দুই দুই করিয়া ছয় অক্ষর বিস্তৃত করিতে হইয়াছে। তদ্রূপ প্রথমে দুই চারি, চারি দুই ইত্যাদি অক্ষর থাকিলে তাহার পরবর্তী চরণে তিন তিন করিয়া ছয় অক্ষর সন্নিবেশিত করিয়াছি। যে যে স্থলে এই নিয়মের ব্যতিক্রম ঘটিয়াছে সেইখানেই কিঞ্চিৎ দোষ জন্মিয়াছে। কেবল তাদৃশ স্থলে যেখানে সংযুক্ত বর্ণ ব্যবহার করিয়াছি, সেই সকল পদ ততদূর দোষাবহ হয় নাই।

শিকাভেদ অনুসারে গ্রন্থকারের রচি ও রচনার প্রভেদ হইয়া থাকে। বাল্যাবধি আমি ইংরেজি ভাষা অভ্যাস করিয়া আসিতেছি, এবং সংস্কৃত ভাষা অবগত নহি, সুতরাং এই পুস্তকের অনেক স্থানে যে ইংরেজী গ্রন্থকারদিগের ভাবসঙ্কলন এবং সংস্কৃত ভাষার অনভিজ্ঞতা-দোষ লক্ষিত হইবে, তাহা বিচিত্র নহে।

সর্বত্র সম্বোধনপদে সংস্কৃত ব্যাকরণের নিয়ম রক্ষা করি নাই, প্রকৃত প্রস্তাবে বাঙ্গালাভাষায় সম্বোধনপদ নাই বলিলে অত্যাক্তি হয় না, কিন্তু পূর্ব লেখকদিগের প্রদর্শিত পথ একেবারে পরিত্যাগ করিতেও পারি নাই।

← এ পুস্তকে বঙ্গসৃষ্টির পূর্বে বিদ্যাতের অস্তিত্ব কল্পিত হইয়াছে। দেখিয়া পাঠকবর্গের আপাততঃ বিশ্বাস জন্মিতে পারে। অধুনাতন বিজ্ঞান-শাস্ত্র অনুসারে বিদ্যাচ্ছটার প্রকাশ ও বঙ্গধ্বনির উৎপত্তি একই কারণ হইতে হইয়া থাকে; একের অভাবে অন্নের অস্তিত্ব সম্ভাবিত নহে। কিন্তু ইঙ্গের বঙ্গ বিজ্ঞানশাস্ত্র-নিরূপিত বঙ্গ নহে। অতএব ইঙ্গের বঙ্গসৃষ্টির পূর্বে বিদ্যাতের অস্তিত্ব কল্পনা করা বোধ হয় তাদৃশ উৎকট হয় নাই ▷

পরিশেষে নিবেদন এই যে, সকল বিষয়ে কিংবা সকল স্থানে পৌরাণিক বৃত্তান্তের অবিকল অনুসরণ করি নাই। দৃষ্টান্তস্বরূপ এ স্থলে কৈলাসের উল্লেখ করিতেছি। পৌরাণিক বৃত্তান্ত অনুসারে কৈলাসের অবস্থিতি হিমালয় পর্বতের উপর না করিয়া অত্র কল্পনা করিয়াছি। ইহার দোষগুণ পাঠকগণ বিবেচনা করিবেন।

খিদিরপুর
১৮ পৌষ ১২৮১ সাল }

শ্রীহেমচন্দ্র বন্দ্যোপাধ্যায়

দশমহাবিদ্যা

দশমহাবিদ্যা কাব্যটি ক্ষুদ্র। কিন্তু এটি প্রকাশের সঙ্গে সঙ্গে বাংলা দেশে সাহিত্য-রসিকদের মধ্যে তুমুল বিতর্ক দেখা দিয়েছিল। কাব্যটি হেমচন্দ্রের পরিণত মনের মৌলিক সৃষ্টি।

কাব্যটির প্রথম সংস্করণের আখ্যাপত্র ছিল নিম্নরূপ।

দশমহাবিদ্যা। গীতিকাব্য। শ্রীহেমচন্দ্র বন্দ্যোপাধ্যায় প্রণীত।

“Where shall I grasp thee, infinite Nature, where ?

...

...

...

How all things live and work, and ever blending

Weave one vast whole from Being's ample range !”

Goethe's *Faust*.

কলিকাতা। শ্রীঈশ্বরচন্দ্র বসু কোং কর্তৃক বহুবাজারস্থ ২৪৯নং ভবনে
ট্যানহোপ যন্ত্রে মুদ্রিত ও প্রকাশিত। সন ১২৮২ সাল, ইং ১৮৮২।

[All rights reserved.]

গ্রন্থকারের বিজ্ঞাপনে লেখা হয়,

“ইহাতে গুটি কত নূতন ছন্দ বিদ্যস্ত হইয়াছে। সেগুলি কোনও সংস্কৃত অথবা প্রচলিত বাঙ্গলা ছন্দের অবিকল অনুকরণ নহে। আপাততঃ দুই একটিকে কোন কোন সংস্কৃত ছন্দের অনুরূপ বলিয়া মনে হইতে পারে, কিন্তু প্রকৃত প্রস্তাবে তাহাদের গঠন-প্রণালী এবং লক্ষণ অন্তরূপ। সেই সকল ছন্দের অক্ষর যোজনা এবং আবৃত্তির নিয়ম সম্বন্ধে এখানে বিশেষ কিছু বলিবার আবশ্যিকতা নাই; কিঞ্চিৎ মনোনিবেশ করিলেই তাহা সহজে বুঝা যাইবে। অপিচ, কতিপয় ছন্দের নিম্নভাগে সে বিষয়ে কিছু কিছু আভাস দেওয়া হইয়াছে এবং ছন্দোবিশেষে দীর্ঘ উচ্চারণের স্থান নির্ণয় জন্ত মাত্রার উপরিভাগে গুরুতাজ্ঞাপক (—)

এইরূপ চিহ্ন প্রদর্শিত হইয়াছে। তাহাতে অন্ত্র দোষের সংশোধন না হউক, সেই সকল ছন্দের গঠন বুঝিবার এবং পাঠ করিবার সুবিধা হইবে, মনে করিয়াছি।

গুরু উচ্চারণমূলক ছন্দগুলি সম্বন্ধে এই কয়টি স্থূল কথা মনে রাখা আবশ্যক—সংস্কৃত ব্যাকরণ-নির্দিষ্ট সকল গুরু বর্ণেরই সর্বত্র, গুরু উচ্চারণ না করিয়া কেবল চিহ্নিত স্থানগুলিতে স্বর এবং ব্যঞ্জনবর্ণের গুরু উচ্চারণ করিলেই চলিবে। চিহ্নগুলিও সেইভাবে প্রয়োগ করা হইয়াছে। সংযুক্ত বর্ণের সর্বত্র যথাযথ উচ্চারণ হইবে। আর একটি বিশেষ নিয়ম, অকারান্ত পদের অন্তস্থিত অকার হসন্ত চিহ্ন না থাকিলে, উচ্চারণ করিয়া পাঠ করিতে হইবে। কেবল কয়টি গুরু উচ্চারণ-মূলক ছন্দ সম্বন্ধে এই নিয়ম, অন্ত্র নহে।

দশমহাবিছা লইয়া এই গ্রন্থ বিরচিত হওয়াতে পাঠকগণ ভাবিবেন না যে, তৎসম্বন্ধে পুরাণাদির আখ্যান, সকল স্থানে ঠিক ঠিক অনুসরণ করিয়াছি। বস্তুতঃ আমি কবিতা রচনার প্রয়াস পাইয়াছি, শাস্ত্রিকতা অথবা চলিত মতের প্রস্তুততার মীমাংসায় প্রবৃত্ত হই নাই।

খিদিরপুর।

অগ্রহায়ণ। ১২৮২ সাল

কবিতাবলী

দুই খণ্ডে প্রকাশিত “কবিতাবলী” এবং “চিত্তবিকাশ” প্রধানত এই দুটি কাব্যে হেমচন্দ্রের খণ্ড কবিতাগুলি ধৃত হয়েছে। এই কাব্য দুটি থেকে, এবং কাব্যে গ্রথিত হয় নি এমন কবিতাসম্ভার থেকেও কয়েকটি কবিতা গ্রহণ করে বিষয়ানুসারে বিভক্ত করা হয়েছে বর্তমান সংস্করণে।

“কবিতাবলী” থেকে সংকলিত—ভারত-সঙ্গীত, ভারত-বিলাপ, বিধবা রমণী, ভারত-কামিনী, ভারতে কালের ভেরী, ইউরোপ এবং আসিয়া, বাঙালীর মেয়ে, জীবন-মরীচিকা, পরশমণি, জীবন-সঙ্গীত, পদ্মের মৃগাল, লজ্জাবতী লতা, চাতক পক্ষীর প্রতি, পদ্মফুল, গঙ্গা, যমুনা-তটে, অশোকতরু, কোন একটি পাখীর প্রতি, প্রিয়তমার প্রতি, রেলগাড়ী, শিশুর হাসি এবং হতাশের আক্ষেপ।

“চিত্তবিকাশ” থেকে সংকলিত—কল্পনা, অতৃপ্তি এবং বিভূ, কি দশা হবে আমার।

গ্রন্থাকারে সংবদ্ধ হয়ে প্রকাশ পায় নি. সাময়িক পত্রাদিকাদিতে প্রকাশিত একরূপ কবিতাভাণ্ডার থেকে—জীবনের লীলা ফুরালো, দুয় কাননের কোলে

পাখী এক ডাকিছে, দেশলাইএর স্তব, নেভার-নেভার, বাজিমাং, সাবাস হুজুক
আজব সহর, হায় কি হলো ?

“কবিতাবলী”র আখ্যাপত্র এখানে দেওয়া হল ।

কবিতাবলী । শ্রীহেমচন্দ্র বন্দ্যোপাধ্যায় প্রণীত । শ্রীবামাচরণ বন্দ্যোপাধ্যায়
কর্তৃক এডুকেশন গেজেট ও অবোধবন্ধু হইতে পুনর্মুদ্রিত ও
প্রকাশিত । কলিকাতা । শ্রীযুক্ত ঈশ্বরচন্দ্র বসু কোং বহুবাজারস্থ
২৪৯ সংখ্যক ভবনে ষ্ট্যানহোপ যন্ত্রে মুদ্রিত । সন ১২৭৭ সাল ।

কবিতাবলী দ্বিতীয় খণ্ড । শ্রীহেমচন্দ্র বন্দ্যোপাধ্যায় প্রণীত । প্রথম
সংস্করণ । “The soul is dead that slumbers” । *Longfellow*.
কলিকাতা । ৩৫ বেনিয়াটোলা লেন, পটলডাঙ্গা, রায়ঘন্টে,
শ্রীবিপিনবিহারী রায় দ্বারা মুদ্রিত । এবং ১৪ কলেজ স্কোয়ার,
রায় প্রেস ডিপজিটরীতে প্রকাশিত । ১২৮৬ সাল ।

কবিতাবলীতে গ্রন্থকারের লেখা কোনো ভূমিকা ছিল না ।

“চিন্তাবিকাশ” কবিতা সঙ্কলনটির প্রথম সংস্করণের আখ্যাপত্র ছিল নিম্নরূপ ।
চিন্তাবিকাশ । শ্রীহেমচন্দ্র বন্দ্যোপাধ্যায় প্রণীত ।

Renounce all strength but strength divine ;
And peace shall be forever thine.

—Cowper.

শ্রীঅনিলচন্দ্র বন্দ্যোপাধ্যায় কর্তৃক প্রকাশিত । ভেলুপুরা, বেনারস
সিটি । ৩কাশীধাম । ১৩০৫ দশাশ্বমেধ ঘাট, অমর যন্ত্রালয় ।
শ্রীঅনিলচন্দ্র বন্দ্যোপাধ্যায় কর্তৃক মুদ্রিত । মূল্য ৯ ছয় আনা ।

প্রথম সংস্করণের ভূমিকায় লেখকের স্বাক্ষরিত একটি বিজ্ঞাপন ছিল ।

“শরীর সুস্থ এবং মনের সুখ না থাকিলে কোন চিন্তার কার্য হয় না,
বিশেষতঃ গ্রন্থপ্রণয়ন অথবা কবিতা রচনা করিতে হইলে ঐ দুইটি
নিতান্ত প্রয়োজনীয় । দুর্ভাগ্যক্রমে আমার ঐ দুইটিরই অভাব
হইয়াছে. তথাচ চিন্তায় কালাতিপাত না করিয়া আত্মকল্পনা ও
প্রকৃতির শোভা সন্দর্শনে মনে যে সকল ভাবের উদয় হইয়াছিল, তাহা
কবিতাকারে নিবন্ধ করিলাম । উপরিলিখিত অবস্থাক্রমে ইহা
যে সকল সহৃদয় মহাত্মাগণের চিন্তাবিনোদক হইবে, ইহার আশা
নাই । তবে বিদ্যালয়ের ছাত্রদিগের কিছু উপকারে আসিতে পারে,
এই ভাবিয়া ইহা মুদ্রিত করিলাম ।

ইং ১৮৯৮। ২২ ডিসেম্বর
বাং ১৩০৫। ৯ পৌষ

{

শ্রীহেমচন্দ্র বন্দ্যোপাধ্যায়

এই সঙ্কলনে পাঠনির্গয়ের ব্যাপারে বঙ্গীয়-সাহিত্য-পরিষদ কর্তৃক প্রকাশিত এবং সজনীকান্ত দাস-সম্পাদিত দুই খণ্ড “হেমচন্দ্র গ্রন্থাবলী”কে আদর্শরূপে গ্রহণ করেছি। মুদ্রণ সৌকর্যের জন্তু কোথাও কোথাও চরণ ভাঙা হয়েছে বা ত্রিপদীর মধ্য চরণের দুটি অংশ কাছে আনা হয়েছে। অবশ্য কবির ব্যবহৃত ছন্দের কোনোরূপ ব্যাঘাত ঘটিয়ে এরূপ করা হয়নি। বৃত্তসংহারে অমিত্রাকর ছন্দে চৌপদীগুলি স্বতন্ত্র করে দেখিয়েছিলেন কবি। আমি অপ্রয়োজনীয় বোধে এবং মুদ্রণের সুবিধার জন্তু সেই ভাগ তুলে দিয়েছি।

আরও চয়টি ত্রিপদী জুড়ে এই একই জাতের -ইল অঙ্ক মিল চলেছে। অস্ত্যাপ্রাসের এই বিশেষ রীতিটি হেমচন্দ্রের বড়ই প্রিয় ছিল। বাংলা পয়ারের চরণে চরণে যে মিলের মঞ্জীর বেজে আসছে মধ্যযুগের মধ্যস্তরের বহু কবির রচনা থেকেই, হেমচন্দ্রের কানে তা সাড়া তোলে নি। আসলে শব্দ-সঙ্গীতে ইন্দ্রিয়-বিকলতাই হেমচন্দ্রের কবিপ্রতিভার প্রধান দুর্বলতা বলে মনে হয়। চিন্তাতরঙ্গিনী থেকেই তার প্রমাণ পাওয়া যাচ্ছে।

চিন্তাতরঙ্গিনীতে স্বভাবতই ভারতচন্দ্র-যুগের ভাবকল্পনা এবং বিশ্বাসের পরিচয় নেই। একান্ত তরল ভাবোচ্ছ্বাসের অসংঘের মধ্য থেকেও আধুনিকতার কিছু স্পর্শ এ-কাব্যে অনুভব করা যায়। অবশ্য নায়কের আত্মহত্যার পরিণাম যে নরকের প্রায়শ্চিত্তভোগ, মধ্যযুগীয় সে বিশ্বাস থেকে হেমচন্দ্র মুক্ত নন। তাই তাঁর প্রাসঙ্গিক মন্তব্য—

ভ্রাস্ত হয়ে, অহে নর, কুমার্গে পশিলে।

কেমন করাল পরকাল না বুঝিলে ॥

কোটি কোটি পাপী তথা কৃতাজলি করে।

‘ক্ষমা কর ক্ষমা কর’ ডাকিছে কাতরে ॥

নিকটে যাইবা মাত্র নহিবে নিস্তার।

আগে হবে প্রায়শ্চিত্ত পরেতে উদ্ধার ॥

কিন্তু আধুনিক নিসর্গমুগ্ধতা এবং নিসর্গভাবুকতার কিছু কিছু এই একান্ত দুর্বল এবং কাব্যমূল্যে অকিঞ্চিৎকর রচনাটিতেও আছে। হৃদয়যন্ত্রণা এবং দৈনন্দিন পারিবারিক কর্তব্য-কর্মের বন্ধন থেকে প্রাকৃতিক পরিবেশে মুক্তি খোঁজা, প্রকৃতিকে আপনার বেদনাসূত্রের সঙ্গে যুক্ত করার মধ্যে নবীনতা আছে, এবং তা নিঃসন্দেহে ইংরেজি কবিতাপাঠের ফলে কবিচিত্তে বর্তেছে।

আর আছে কিছু কিছু আধুনিক সমাজ-ভাবনা, এ-সমাজে নারীর বন্দীদশা সম্বন্ধে আক্ষেপ—

একে ত নারীর জাতি পরের অধীনা।

তাহাতে অভাগা দেশে দাসী মত কেনা ॥

পৃথিবী ভিতরে জানে পরিবার জন।

রন্ধনশালার সীমা ভিতরে ভ্রমণ ॥

আছে বিতাহীনতার ডঃখ অর্থাৎ স্ত্রীশিকার মূল্যবোধ, দেশাচার-রাক্ষসীর প্রতি ক্রোধ এবং ধর্মভাবনায় প্রত্যাক্ত ব্রাহ্ম মনোভাবের প্রভাব—

দুর্বল মানব-মন সেই সে কারণ।

পূজে ভবদেব করি প্রতিমা গঠন ॥

সাকার স্বরূপে তাই নিরাকারে ভাবে।

মাটি পূজা করি ভাবে মোক্ষপদ পাবে ॥

একবার এরা যদি প্রকৃতি মন্দিরে ।
প্রবেশি ডাকিতে পারে জগতবন্ধুরে ।
শিব-দুর্গা-কালী নাম ভুলিবে সকল ।
পরব্রহ্ম নাম মাত্র জপিবে কেবল ॥

বাংলা কাব্যের ইতিহাসে ১৮৬১ সালে এ জাতীয় ভাবনা প্রকাশে কিছু একটা যুগসৃষ্টির মহিমা নেই। তাছাড়া আছে শিল্পরূপের দৈন্ত ; ভাবনা প্রায় কোথাও ভাবকল্পনা হয়ে ওঠে নি। তবুও হেমচন্দ্রের সমাজচেতনার এই চিহ্নগুলি অবহেলার বস্তু নয়।

বীরবাহু কাব্য

বীরবাহু কাব্য প্রকাশের ছবছর আগে তিনি মেঘনাদবধ কাব্যের টীকা ও ভূমিকা লিখেছিলেন। কিন্তু এ-কাব্যে একটি স্তবকও অমিত্রাক্ষর ছন্দের কবিতা নেই। মেঘনাদবধের অল্পমরণের চেষ্টা নেই। শুধু “বীরচূড়ামণি বীরবাহু”র নামটি কাব্য-শিরোনামে গ্রহণ করেই কি মহাকবিকে প্রণামী দিলেন হেমচন্দ্র? সম্ভবত মধুসূদনের কাব্যাদর্শ গ্রহণে সচেতন ভাবেই সঙ্কচিত ছিলেন হেমচন্দ্র। অর্ধচেতনায় হয়তো আপনার যোগ্যতা সম্বন্ধেই তাঁর সংশয় ছিল। তাছাড়া তাঁর কাব্যরসবোধে তখনও মধুসূদনের তুলনায় বিদ্যাসুন্দরের কবিরই শ্রেষ্ঠত্ব অগিচল ছিল।

এ-কাব্যেও তাঁর গুরু মুখ্যত ভারতচন্দ্র এবং কতকাংশে রজনীলালও। কবির ছন্দে মাঝে মাঝে ভারতের পদধ্বনি নিশ্চিত বেজেছে। যেমন—

করিছে বাষ্প, ধরণী কম্প,
করাল রূপাণ ধরে রে ॥
ধেন কৃতান্ত, করিতে অস্ত,
শূলপাণি শূল ধরে রে ।
ধেন চামুণ্ডা, ঘুরায়ে গাণ্ডা,
রক্তবীজাসুরে মারে রে ॥

অথবা,

কেহ করে হাহাকার, কেহ বলে মার মার,
ভীম শব্দ কোলাহলে স্বর্গমর্ত পুড়িল ।
হুয়া রবে ডাকে শিবা বায়সেরা উর্দ্ধগ্রীবা,
ভয়ঙ্কর রণভূমি ঘোররূপে ঘেরিল ॥

কিন্তু ভারতের কবিতার ঝঙ্কার এখানে অশ্রুত। ছন্দের বিচিত্রতা সৃষ্টিতেও রায়গুণাকর ছিলেন তাঁর আদর্শ। অবশ্য রঙ্গলাল বন্দ্যোপাধ্যায়ের কাহিনী-কাব্য দুটির কিছু প্রভাবও এই রচনায় লক্ষ্য করা যায়।

বাংলা কাহিনী-কাব্যের নবধারার অস্পষ্ট সূচনা “পদ্মিনী”তে (১৮৫৮ সাল) এবং শিল্পসমৃদ্ধ প্রতিষ্ঠা “তিলোত্তমাসম্ভব”-এ (১৮৬০)। মহাকাব্য “মেঘনাদবধ” (১৮৬১) আধুনিক কাহিনী-কাব্যের শ্রেষ্ঠ সম্পদ। রঙ্গলালের “কর্ন্দেবী”ও ১৮৬২ সালে প্রকাশিত হয়েছে। মধুসূদনের প্রভাব তিনি সম্বন্ধে এড়িয়েছেন। অবশ্য ষোড়শশতাব্দীর প্রমোদবিলাস-মগ্ন বীরবাহুর বৃহত্তর জাতীয় ভাবনায় উদ্বুদ্ধ হবার প্রসঙ্গ প্রভাসা-রূপিনী রাজলক্ষ্মীর কাছে বীরবাহুর মৃত্যুসংবাদ পেয়ে মেঘনাদের কুসুমদাম ছিঁড়ে ফেলে যুদ্ধযাত্রার কথা মনে করিয়ে দেয়। কিন্তু মধুসূদন থেকে তিনি দূরে থাকতেই চেয়েছেন। রঙ্গলাল সম্বন্ধে কবির সাবধানতা ছিল না। সহজেই তাঁর কাব্যভাবনার কিছু আদর্শ হেমচন্দ্রের বীরবাহুতে বর্তেছে। রঙ্গলালের পূর্বের দুটি কাব্যই রাজহানী ইতিহাসের পটভূমিতে লেখা। ঊনবিংশ শতাব্দীর বাঙালির স্বাভাৱ্য চেতনা মুসলমান রাজশক্তির বিরুদ্ধে রাজপুত্রদের স্বাধীনতারক্ষার সংগ্রামের মধ্যে প্রতিধ্বনিত হয়েছে। চিন্তাতরঙ্গিনীতে ছিল প্রথম তীর্যকের অকস্মাৎ উচ্ছ্বাস-তারল্য; বীরবাহুতে এসে তা সমকালীন যুবজন-চিত্তজয়ী তিনটি প্রত্যয়—প্রণয়, বীরত্ব ও জাতীয়তার চারপাশে আবর্তিত হয়েছে।

তিলোত্তমাসম্ভবে কল্পনার যে গভীরতা এবং বর্ণনার যে সৌকর্য আছে, তার তুলনায় বীরবাহু অকিঞ্চিৎকর হলেও রঙ্গলালের কাব্য দুটির চেয়ে হেমচন্দ্রের এই প্রথম উল্লেখ্য রচনায় কিছু বেশি গুণপন্য প্রকাশ পেয়েছে। রঙ্গলালের কাব্য ঘটনার বিবরণে পূর্ণ, বর্ণনায় দীন এবং রচনা-দৌর্বল্যে বর্ণনার চেষ্টাও বর্ণহীন তালিকা নির্মাণে পর্যবসিত। (হেমচন্দ্র ঘটনা বর্ণনা ও সংলাপের একটা আত্মপাতিক সামঞ্জস্যের কথা অস্তুত মনে ভেবেছেন একরূপ চিহ্ন পাওয়া যায়। বর্ণনার প্রতি তাঁর প্রবণতা, কিন্তু ঘটনার প্রাচুর্য ও লক্ষ্য করবার মত। (তুলনায় তিলোত্তমাসম্ভবে ঘটনার বিরলতা এবং বর্ণনার আধিক্যে কিছু সামঞ্জস্য-চ্যুতি ঘটেছে। মধুসূদন রচনার শক্তিতে তা পূরণ করেছিলেন।) বীরবাহুর প্রণয় বিহার—ষোড়শশতাব্দীর উপদেশে জাতীয় ভাবের উদ্দীপন ও যবন বিমুখতা—যবনাক্রমণের সংবাদ ও যুদ্ধযাত্রা। আহত বীরবাহুর পরাজয়—শত্রুসৈন্যের হাতে কনৌজ ধ্বংস—বন্দিনী হেমলতা দিল্লী প্রেরিত—বাদশাহের অন্তঃপুরে বাস্বী প্রাপ্তিতে আসন্ন সঙ্কট থেকে জাগ। বীরবাহুর কনৌজ গমন ও প্রতিজ্ঞা। কলিঙ্গ গমন—সৈন্যসজ্জা—ঝটিকায় সৈন্যবাহিনীর সমুদ্র নিমজ্জন। মায়াবনে বীরবাহু—ছয় নারীর সহায়তা—যবনাধিপতির সঙ্গে বন্দ্যুক্ষে জয়লাভ। যবনপরাজয় ও দম্পতিমিলন। একরূপ ক্ষুদ্র কাব্যে এতগুলি প্রসঙ্গের সমাবেশ

ঘটনাবহুলতার প্রমাণ দেয়। কবি এর মধ্যেই বহু প্রসঙ্গের সংক্ষিপ্ত উল্লেখমাত্র করে সেইসব বিষয়কে প্রাধান্য দিয়েছেন যেখানে বিস্তৃত বর্ণনার স্ফুটন আছে। বর্ণনার মধ্যেও কবির বিশেষ আকর্ষণ কমনীয় মাধুর্য, প্রণয়লীলা, বর্ণাঢ্য রূপাক্ষরের দিকে। তাই বীরবাহু-হেমলতার উপবন-বিলাসের কথা এত বহুলতায় পেয়েছে। কতকটা সাকল্যও।

এস প্রিয়ে দুই জনে,
গিয়ে গ্রীষ্ম উপবনে,
মিথুন দম্পতি সম বনে বনে ভ্রমিব।
মালতীর মালা পারি,
পদপাতে ছত্র করি,
দৌহে মেলি ফুলকুল পরিমল লুটিব ॥
শ্রোতকূলে দৌহে মেলি,
করিব মলিল কেলি,
বাহুতে বাহুতে বাঁধি শ্রোতধারা ধরিব।
রাজহংস পিছে পিছে,
যাব বারি সিঁচে সিঁচে,
পদবন মাঝে গিয়া সরোবরে ভাসিব ॥

এসব বর্ণনায় উচ্চস্তরের নিসর্গকল্পনার রূপসিদ্ধি না ঘটলেও প্রকৃতি-ভাবুকতা এক ধরনের রসনিবিড় প্রণয়মুগ্ধতা সৃষ্টি করেছে। তার স্বাচ্ছন্দ্য একান্ত অস্বীকার্য নয়। যুদ্ধবর্ণনায় কবির আকর্ষণ এখনও তুলনামূলকভাবে গৌণ। ভারতচন্দ্রের কাছ থেকে ধার করা ছন্দে প্রত্যাশিত গাঙ্গীর্ষ প্রকাশ পায় নি। রঙ্গলালও তাঁরই মত এ-পদ্ধতি অনুসরণ করে ব্যর্থ হয়েছেন।

সংলাপের ক্ষেত্রে মাত্রাতিরিক্ত দৈর্ঘ্যের কারণ প্রায়ই জাতির অতীত মাহাত্ম্যের কীর্তন এবং স্মৃতিরোমস্থন তথা বক্তৃতার চণ্ডে স্বাদেশিক উত্তেজনার প্রকাশ। পুরাণ-ইতিহাসের রূপচিত্রনিরপেক্ষ বহুল উল্লেখ এবং যাত্রাসুলভ ফাঁকা দস্ত প্রকাশের ফলে এর কাব্যানু্য সঙ্কচিত—প্রচারমূল্য যত বেশিই হোক না কেন।

মাত্র একটি ক্ষেত্র ছাড়া বীরবাহু কাব্যে পাত্র-পাত্রীদের স্পর্শযোগ্য বা ধ্যানগম্য কোন মূর্তি প্রকাশ পায় নি। নায়ক বীরত্ব এবং প্রেম উভয় ক্ষেত্রেই পারদর্শিতা দেখিয়ে হাততালি পেয়েছে। কিন্তু তার দৃষ্টি এবং লীলালাশ্বে, অতিশ্ফীত আত্মবোধে এবং ক্লাস্ত হতাশ জীবননাশের চেষ্ঠায় কাল্পনিক জগতের বর্ণবস্ত্র আয়োজন ভেদ করে বাঙালি তরুণের রূপ ফুটে উঠেছে।

সবশেষে কাব্যের সবচেয়ে অপ্ৰয়োজনীয় প্রসঙ্গের কথা। সমগ্রত কাহিনীটি কল্পনাশ্রয়ী হলেও একটা ছন্দইতিহাসের ছাপ থাকায় একেবারে দেশকালচ্যুত নয়। সমুদ্রসীপের ছয় নারীর রূপস্থানসুলভ গল্পকল্প আখ্যানটিকে মৃত্তিকাতৃষ্ণ

করেছে। এই অপ্রয়োজনীয় গ্রন্থি কাহিনী-বিকাশে যেমন প্রকৃত সহায়ক হয় নি, তেমনি তরল কল্পজগৎ গড়ে তুলে রচনাবন্ধকে আরও শিথিল করেছে। বোধ হয় স্বাভাবিক কল্পনাদৈন্ত্য কবিকে অন্তরের গভীরে পীড়িত করেছে। অথচ ক্লাসিকতার দিগন্তও দেখা দেয় নি। তাই এই আত্মছলনা।

আশাকানন

বীরবাহু রচনার কিছু পরে এবং বৃদ্ধসংহারের কিছু আগে এই কাব্যটি লেখা হয়। প্রকাশিত হয় বৃদ্ধসংহার প্রথম খণ্ড প্রকাশের কিছু পরে। ইংরেজি এলিগরি জাতীয় কাব্যের রীতি অনুসারে গ্রন্থটি রচিত। অবশ্য সংস্কৃত সাহিত্যে সাক্ষরূপকধর্মী রচনা অপ্রচলিত ছিল না। দয়া-মায়া-লোভ-বিবেক প্রভৃতি মানব-বৃত্তিগুলিকে ব্যক্তিমূর্তি দান লৌকিক যাত্রার একটি জনপ্রিয় পদ্ধতি ছিল। প্রত্যক্ষত নব্যশিক্ষিত হেমচন্দ্র এর অনুসরণ করতে চান নি, কিন্তু তাঁর মনের মধ্যে এর কিছু প্রভাব সঞ্চিত হয়ে থাকবে। তাছাড়া অক্ষয়কুমার দত্তের “চারুপাঠ”-এর (১৮৫৩-৫৯) অন্তর্গত স্বপ্নদর্শন প্রসঙ্গগুলির আদর্শ কবির সামনেই ছিল।

আশাকানন বর্ণনাপ্রধান রূপককাব্য, স্পেন্সরের “ফেয়ারি কুইন”-এর ন্যায় আগ্যানধর্মী নয়। দশটি কল্পনায় বিভূষিত এই কাব্যে নিম্নোক্ত বিষয়গুলি আলোচিত হয়েছে। আশাদেবীর সঙ্গে কবির সাক্ষাৎ এবং তাঁর সঙ্গে আশাকাননে প্রবেশ। কর্মক্ষেত্রের ছয় দ্বারে শক্তি, অধ্যবসায়, সাহস, ধৈর্য, শ্রম, উৎসাহের পাহারা, পুরীমধ্যে যশঃশৈল। রত্নমণ্ডিত আকাজক্ষাভবন, ছুরাকাজ্জার রূপ। যশঃশৈলে আরোহণপ্রথা—ভিন্ন ভিন্ন শিখর দর্শন, স্নেহ ভক্তি বাৎসল্য প্রণয় প্রভৃতির নিবাস—পরিণয়-সেতু। প্রণয়োত্তান—সতী-নির্বাহ—প্রণয়ের মূর্তি দর্শন। স্নেহ-উপবন—সান্ত্বনা মন্দির—দ্বারদেশে ভাস্কির অবস্থান। বিবেকের আগমন, আশার অন্তর্ধান—শোকারণ্যে প্রবেশ এবং শোকের মূর্তিদর্শন। নৈরাশ্রক্ষেত্র—মধ্যভাগে মরুপ্রদেশে চিরপ্রদীপ্ত অনলকুণ্ড—হতাশের মূর্তিদর্শন। কবির এ ভাবনার মধ্যে মৌলিকতা নেই। রচনাটি আত্মস্বপ্নপরিপক্বিত—এলিগরিতে সচেতন ও নিপুণ পরিকল্পনা না থাকলে চলে না। খাঁটি কাব্যকল্পনা এবং তার আনন্দ শ্রেষ্ঠ এলিগরিগুলিতেও প্রাপ্তব্য নয়। যদি রূপজগৎ ভাবলোককে সম্পূর্ণ আবৃত করতে পারে তবে সেই রূপের স্বাদে কিছু আনন্দ পাওয়া সম্ভব। আশাকাননে ভাবনাকে একটা স্বচ্ছ রূপাবরণ দেবার চেষ্টা হয়েছে। রূপ যে গৌণ প্রতি মুহূর্তে তার প্রমাণ মিলেছে। তা ছাড়া বর্ণনাংশগুলি মামুলি এবং ভাষাশিল্পের উপরে কবির অধিকারের বিশেষ প্রমাণ মেলে নি।

কাব্যটিসেবে মূল্যহীন হলেও আশাকানন কবির মনোলোকের কিছু

শুরুত্বপূর্ণ পরিচয় বহন করে। হেমচন্দ্র যে-সব কারণে আলোচ্য কাব্যটি রচনার তাগিদ অনুভব করেছিলেন তা হল—প্রথমত, ইংরেজি কাব্যধারা থেকে বাংলা কবিতায় একটি বিশেষ রূপাকর্ষণের বাসনা; দ্বিতীয়ত, পূর্ববর্তী কাব্য বীরবাহুতে বাঙালির স্বাদেশিকচিন্তা ব্যক্ত করার পরে মানবভাগ্যের এবং জীবনের সর্বজনীন এবং সর্বকালীন সত্য প্রকাশ করার ইচ্ছা। মানুষের পাপপুণ্য, আশা-নৈরাশ্য সম্বন্ধে কিছু ভাবনা কবির চিন্তালোককে দীর্ঘকাল ধরে আলোড়িত করেছে। কবিতাবলীর মননপ্রধান (Reflective) কবিতাগুলি থেকে শুরু করে আশাকানন, ছায়াময়ী এবং দশমহাবিজ্ঞা পর্যন্ত সে ভাবনাধারার একটি ক্রমবিকাশ লক্ষ্য করা যায়। আশাকাননে কবি আশার মায়ালোকে ভ্রমণের পরে নৈরাশ্যমরুতে যন্ত্রণাদাহে নিপতিত হয়েছেন এবং তখনই তাঁর নিজাভঙ্গ হয়েছে। এই ভাবনাটি তাৎপর্যপূর্ণ। আশাকাননে শেষপর্যন্ত কবি নিরাশার অঙ্ককারেই নিমজ্জিত হয়েছেন। এখান থেকে ছায়াময়ীর দূরত্ব বেশি নয়।

ছায়াময়ী

আশাকানন এবং ছায়াময়ীর মধ্যে হেমচন্দ্রের বৃহৎসংহার মহাকাব্যটি রচিত। বৃহৎসংহারে কবি দীর্ঘকাল কাব্যরীতি, রূপ ও রসের একটি স্বতন্ত্র জগতে বিচরণ করলেও ভাবনার সে গ্রন্থি মোচিত হয় নি। আশাকাননে আশার স্বপ্ন ভীষণ নৈরাশ্যে সমাধি লাভ করেছিল। এ হল জীবনযন্ত্রণা। আর জীবনাবসানে মানবাত্মার পার্থিব কর্ম ও বাসনার ফলে যে নরকভোগ তারই বিবরণ সঙ্কলিত হল ছায়াময়ী কাব্যে। দাস্তুর “ডিভাইন কমেডি”র ভাবাবলম্বনে আলোচ্য গ্রন্থ রচিত।* তবে খ্রীষ্টীয় বিশ্বাসের যথাযথ অনুসরণ না করে কবি মাঝে মাঝে হিন্দুস্থলভ দৃষ্টিভঙ্গি প্রকাশ করেছেন। এ কাব্যের মোট কথা শশাঙ্কমোহন সেনের সমালোচনায় ধরা পড়েছে।

“ছায়াময়ীতে সংসারের এক ভয়াবহ নিয়তি চিত্রিত! এই চিত্রে কুত্রাপি অনুমাত্র সাধনা নাই। জীবরক্তভূমে, ষড়রিপুর এই অনিবার্য সংগ্রাম এবং ভীষণ কোলাহলের মধ্যে কণকালের জন্ম ও স্থলিতপদ

* আলিঘিরেরি দাস্তুর “ডিভাইন কমেডি” চিরায়ত সাহিত্যরূপে মহিমাবিত হয়েছেন। এই গ্রন্থের পরিচয় প্রসঙ্গে Encyclopaedia of Literature (Vol. I)-এ বলা হয়েছে, “The Commedia, probably begun in 1307/10—though some scholars say 1313/14—was finished shortly before Dante died. Its literal sense is a journey made by the poet through Hell, Purgatory and Heaven; its spiritual sense is mankind as answerable to divine justice. Divided into three parts of 33 cantos each, with one introductory canto, its intricate logical and imaginative construction reflects a mind of wonderful richness, simplicity and depth.”

দুর্বল মনুষ্যের জন্ত কোন্‌ বিভূ এই ভীষণ নরকযন্ত্রণার সৃষ্টি করিয়া রাখিয়াছেন, জানি না। কিন্তু হেমচন্দ্র উহার চিত্র অল্পমভাবে বাঙ্গালীকে দেখাইয়াছেন।”

সমালোচকের সব কথা মানা যায় না। কারণ চিত্র মোটেই অল্পম নয়। বিশেষ করে বীভৎস রসের রূপনির্মিত সচরাচর কাব্যসৌন্দর্যের বাহন হয়ে ওঠে না। লৌকিক জুগুপ্সার ভাবকে রসে রূপান্তরিত করা সহজ নয়, বাংলা কাব্যপাঠে মনে হয় আদৌ সম্ভব নয়। মধুসূদন সে চেষ্টায় ব্যর্থ হয়েছেন, হেমচন্দ্রও। তাছাড়া গোটা ভাবনার পেছনেই মধ্যযুগীয় নরকভীতি এবং পাপপুণামূলক নীতিবোধ সক্রিয় থাকায় আধুনিক মনের কাছে তা তাৎপর্যহীন এবং আবেদনহীন। হেমচন্দ্রের চিন্তালোকের এক পা নব্য ভাবনার দিকে প্রসারিত কিন্তু অন্য পা মধ্যযুগের বিশ্বাসে বদ্ধ। মধুসূদন মেঘনাদের অষ্টম সর্গে নরক বর্ণনায় বর্ণনার রস বিস্তার করতে তথা প্রাচীরের স্তর বাজিয়ে তুলতে চেয়েছিলেন। বৃত্তসংহারে বঙ্গনির্মাণ প্রসঙ্গে হেমচন্দ্রেরও ছিল ঐ একই লক্ষ্য। কিন্তু ছায়াময়ীর নরকচিত্রণের পেছনে কবির গৃঢ়তর জীবনভাবনা ছিল সক্রিয়।

তৃতীয় অধ্যায়

বৃত্তসংহার

এক

হেমচন্দ্র বৃত্তসংহার নামে হঠাৎ একটি মহাকাব্য লিখে ফেললেন। মহাকাব্য অবশ্য কোনো কবিই অনেকগুলি করে লেখেন না। এক একটি মহাকাব্য দীর্ঘ সাধনার ফসলশ্রুতি। তবে খাঁটি মহাকবির মহাকাব্যিক মেজাজটি অগ্ণাত রচনার মধ্যেও নানারূপ ছায়া ফেলে। হেমচন্দ্র সারা জীবনে আখ্যান-কাব্য লিখেছেন একটি আর এই মহাকাব্য বৃত্তসংহার। চিন্তাতরঙ্গিনীতে আখ্যানধর্ম নেই বললেই চলে। কাব্যভাষায় কাহিনীকথন এবং চরিত্র গঠনে হেমচন্দ্রের কোনো স্বাভাবিক প্রবণতা ছিল না। তাঁর গ্রন্থতালিকার দিকে লক্ষ্য করলে এ সত্যে সংশয় থাকবে না। নানা জাতের খণ্ডকবিতা, বিদেশি কাব্য-কবিতার ভাবাকর্ষণ ও রূপানুকরণ, বর্ণনাধর্মী আখ্যানবিরহিত রচনার সংখ্যাই বেশি। কিন্তু তবুও তিনি মহাকাব্য লিখলেন। মহাকাব্যের কাঠামোটি দাঁড়িয়ে থাকে কাহিনী সংগঠনের উপরে, চরিত্র এর প্রাণস্বরূপ। অবশ্য বর্ণনার মধ্য দিয়েই আখ্যান ও ব্যক্তি উভয়ের প্রকাশ। কিন্তু হেমচন্দ্র ঐ দুটি বিষয়ে পরিণতি লাভের জন্য বিশেষভাবে সাধনা করেছিলেন বলে মনে হয় না। বীরবাহুর পরে তিনি লিখলেন কবিতাবলী, তারপর আশাকানন (পরে মুদ্রিত)। অথচ ১৮৩২ সালেই মধুসূদনের মেঘনাদ-বধকাব্যের টীকা ও ভূমিকা লিখতে গিয়েই এদিকে তাঁর দৃষ্টি আকৃষ্ট হয়েছিল। ১৮৬২ সালে প্রথমবার এবং ১৮৬৭ সালে দ্বিতীয়বার মেঘনাদের সম্পাদনা করেন হেমচন্দ্র। প্রথমবারের ভূমিকাটি পরে পরিবর্তিত হয়। এই পাঁচ বছরের মধ্যে হেমচন্দ্রের কবিপ্রকৃতি তথা কাব্যরসবোধে যে গুরুতর পরিবর্তন ঘটেছে, পূর্বোক্ত সমালোচনা দুটির অংশ বিশেষের তুলনা করলেই তা বোঝা যাবে।

প্রথমবারে ভারতচন্দ্রের সঙ্গে মধুসূদনের তুলনা প্রসঙ্গে তিনি মন্তব্য করেন,

“সত্য বটে, ভারতের তুল্য স্থলেখক আজ পর্যন্ত এ দেশে জন্মগ্রহণ করে নাই, এবং বোধ হয় আর জন্মিবে না। তেমন মধুমাথা কথা বুঝি আর কেহ কখন গৌড়বাসীদের শুনাইতে পারিবে না।...প্রাত্যহিক ব্যাপার সমস্ত সুন্দররূপে সাজাইয়া, তাহাতে বাক্যামৃত বর্ষণ করাই তাঁহার সাধ্য ছিল, এবং তাহাতেই তিনি অপ্রমেয় দক্ষতা দেখাইয়া গিয়াছেন। কিন্তু তাঁহার উৎপাদিকা শক্তি এত দুর্বল ছিল.....। রসিকতা চতুরতা ও মহুশ্যপ্রকৃতিতে দৃষ্টি তাঁহার বিলক্ষণরূপ ছিল। ...যেখানে যে কথাটি খাটে, যে ব্যক্তির মুখে যে রূপ উক্তি সম্ভব, কোন্ উৎপ্রেক্ষা কোন্ কালের উপযোগী, কোন্ শব্দটি, কোন্

পদটি উচ্চারণ করিলে কোন্ রসের উদ্দীপন করে, এই সকলের প্রতি যে লেখক দৃষ্টি রাখিতে পারেন, তাঁহার লেখাই সমৃৎকৃষ্ট হয়। কবি মাইকেলের কি এসকল গুণ নাই—এমন নয়। কিন্তু বোধ হয়, যেন তিনি পদবিজ্ঞানসকালীন কথার হ্রস্বতা ও দীর্ঘতার প্রতিই কেবল লক্ষ্য রাখেন; তাহাদের উপযোগিতা অল্পযোগিতা বিবেচনা করেন না। ভারতচন্দ্রের কিন্তু যে কথাটি না হইলে নয়, সেই কথাটি প্রয়োগ করা আছে; সুতরাং সে সকল কথা একবার কর্ণে প্রবেশ করিলে বিশ্বস্ত হওয়া দুঃসাধ্য। মালিনীর প্রতি বিজ্ঞার লাঞ্ছনা-উক্তি, বকুলবিহারী সুন্দর দর্শনে নাগরীয় কামিনীগণের রসলাপ, কোটালের প্রতি মালিনীর ভৎসনা, রাজার প্রতি রাণীর গঞ্জনাভাস, কি চমৎকার কুহকিনীশব্দে বিগ্ৰস্ত হইয়াছে।”

যেট কথার সৃজনক্ষমতার অভাব থাকলেও রচনাসৌকর্ষের জন্ত ভারত-চন্দ্রকেই তিনি মধুসূদনের চেয়ে উচ্চতর আসন দিতে চেয়েছিলেন। পাঁচ বছর পরে এই ভূমিকাটি সংশোধন করে তিনি লিখলেন,

“বিদ্যাসুন্দর এবং অন্নদামঙ্গল ভারতচন্দ্র-রচিত সর্বোৎকৃষ্ট কাব্য, কিন্তু যাহাতে অসুন্দর হইয়, শরীর রোমাঞ্চিত হয়, বাহ্যে প্রিয় স্বরূপ হয়, তাদৃশ ভাব তাহাতে কই? কল্পনারূপ সমুদ্রের উচ্ছ্বসিত তরঙ্গবেগ কই, বিদ্যাসুন্দর-কৃত বিখ্যাত বর্ণনাছটা কোথায়? তাঁহার কবিতা-শ্রোতঃ কুঞ্জবনমধ্যস্থিত অপ্রশস্ত, যুদ্ধগতি প্রবাহের গায়; বেগ নাই, গভীরতা নাই, তরঙ্গগর্জনে নাই; যুদ্ধ স্বরে ধীরে ধীরে গমন করিতেছে অথচ নয়ন এবং শ্রবণ তৃপ্তিকর। মালিনীর প্রতি বিজ্ঞার লাঞ্ছনা-উক্তি, বকুলবিহারী সুন্দরদর্শনে নাগরীয় কামিনীগণের রসলাপ, বিদ্যাসুন্দরের প্রথম মিলন, কোটালের প্রতি মালিনীর ভৎসনার গায় সরল সুকোমল বাক্যলহরী মেঘনাদবধে নাই, কিন্তু উহার শব্দপ্রতিঘাতে দুন্দুভিনিদাদ এবং ঘনঘটা গর্জনের গভীর প্রতিধ্বনি শ্রবণগোচর হয়।...বিদ্যাসুন্দরের শব্দাবলীতে মেঘনাদবধ বিরচিত হইলে অতিশয় জঘন্য হইত। যুদ্ধ এবং তবলার বাজে নটাদিগেরই নৃত্য হয় কিন্তু রণতরঙ্গ-বিলাসী প্রমত্ত যোধগণের উৎসাহবর্ধন জন্ত তুরী, ভেরী এবং দুন্দুভির ধ্বনি আবশ্যিক;—ধনুষ্টিকারের সঙ্গে শব্দনাদ ব্যতিরেকে সুশ্রাব্য হয় না।”

এই দীর্ঘ উদ্ধৃতির সাহায্যে হেমচন্দ্রের মনের ছবিটি ধরা যায়। কবি ১৮৬৭ সালের আগে মহাকাব্যরচনা সম্পর্কে উৎসাহী হয়ে ওঠেন নি। ভাষা ও সৃজনশীল কল্পনায় গভীর বিপুলের আবেদন সম্বন্ধে এই সময় থেকেই তিনি কতকটা সচেতন হয়ে উঠেছিলেন।

কবি নানা ধরনের কাব্যরচনা করেছিলেন অনেকগুলি। তার মধ্যে “রণ তরঙ্গবিলাসী প্রমত্ত যোধগণের উৎসাহবর্ধন জন্ত তুরী ভেরী এবং

ছন্দুভির ধ্বনি বিদ্যাংছটাকৃতি বিখোজ্জল বর্ণনাছটা” সৃষ্টির চেষ্ঠা একমাত্র বৃত্তসংহারেই আছে। দ্বিতীয় পত্রাংশটির মধ্যে মহাকাব্যরচনার প্রেরণাবীজটি কবি কতক ব্যক্ত করেছেন, হয়ত পুরো না জেনেই। মেঘনাদবধকাব্যের ক্রমবর্ধমান খ্যাতি এ-জাতীয় কাব্যের দিকে হেমচন্দ্রকে আকর্ষণ করে থাকবে। ১৮৬৭ সালে মেঘনাদের ভূমিকাটি তিনি পুনর্লিখিত করেন। তখন গ্রন্থটির চতুর্থ সংস্করণ প্রকাশিত হতে যাচ্ছে। মাত্র কয়েক মাসের মধ্যে কাব্যটির তৃতীয় সংস্করণ নিঃশেষিত হয়ে যায়। এই সময় থেকেই মেঘনাদের আদর্শে একটি মহাকাব্য রচনা করবার বাসনা তিনি পোষণ করতে থাকেন।

বৃত্তসংহারের আগে নানা জাতের অনেকগুলি কাব্য তিনি লিখেছিলেন। তাদের মধ্যে ভাবনার বিচিত্রতা এবং আঙ্গিকেরও নানা আদর্শ অনুসৃত হয়েছে। কিন্তু এই রচনাবলী তাঁকে বিশেষ খ্যাতি দিতে পারে নি। মধুসূদন প্রদর্শিত পথে এই খ্যাতিলাভ সম্ভব বলে তাঁর ধারণা জন্মেছিল। প্রসঙ্গত উল্লেখ করা যায় যে ১৮৬৯ সালের মধ্যে মেঘনাদের ছয়টি সংস্করণ প্রকাশ করা প্রয়োজন হয়ে পড়েছিল।

কবির বৃত্তসংহার রচনার প্রেরণা যে অনেকাংশে বাইরের ব্যাপার, কবিপ্রকৃতির মূল থেকে উৎসারিত নয় সে বিষয়ে সন্দেহ নেই।

ফলে বৃত্তসংহার হয়ে উঠেছে ষড়টা গড়ে তোলা জিনিস ততখানি শিল্প-প্রতিভার সৃষ্টি নয়।

দুই

হেমচন্দ্র পৌরাণিক কাহিনী অবলম্বন করলেন। বিষয়টি বৃত্তসংহার। মহাভারতে এ কাহিনী আছে। অনেক প্রাচীন পুরাণে এর প্রসঙ্গ আছে। এমন কি বৈদিক গ্রন্থাদিতে পর্যন্ত ইন্দ্রের বৃত্তবিনাশের উপাখ্যান স্থান পেয়েছে। এই সব কাহিনীর মধ্যে পার্থক্যের পরিমাণও কম নয়। কোথাও এর সঙ্গে প্রাকৃতিক তাৎপর্য জড়িত, কোথাও আবার প্রাক-ঐতিহাসিক।* কেহ বলেন বৃত্ত বিশ্বকর্মার সন্তান, কারও মতে বিশ্বকর্মার রচনা বৃত্ত-বিনাশের মহা-আয়ুধ বস্তু। তবে সে-সব আলোচনা একত্রে প্রাসঙ্গিক নয়। হেমচন্দ্র যে মহাভারতের বনপর্বের অন্তর্গত শততম এবং একাদিকশততম অধ্যায় দুটি থেকে আখ্যানাংশ সংকলন করেছিলেন, অন্ত্যন্ত পুরাণ-কথা বা বৈদিক কাহিনীসূত্রের কাছে যে তিনি ঋণী নন তা বুঝতে অসুবিধা হয় না। গ্রন্থশেষে মহাভারত থেকে প্রাসঙ্গিক অংশটুকু উদ্ধৃত হয়েছে। কাব্যটির সঙ্গে মিলিয়ে পড়লেই বৃত্তসংহারের উৎস কোথায় বোঝা যাবে।

* কোনো কোনো গ্রন্থে বৃত্তাসুর ইরাণীয় আর্ষদের প্রতিনিধিত্বানীর ঐতিহাসিক ব্যক্তিত্ব এবং ইন্দ্র ভারতীয় আর্ষগণ সেবিত কোনো প্রাচীন পুরুষরূপে বর্ণিত। কোথাও বৃত্ত কথার তাৎপর্য মেঘ, বজ্রের সাহায্যে মেঘ বিদীর্ণ করে বারিপাত ঘটান ইন্দ্র।

৫/ মধুসূদন প্রাচীন কাহিনীর দিকে ঝুঁকেছিলেন আমাদের পুরাণের অত্যাশ্চর্য আখ্যানগুলির সৌন্দর্যাকর্ষণে। তিনি একটি চিঠিতে লিখেছিলেন হিন্দুধর্মের প্রতি তাঁর সামান্য আকর্ষণ না থাকলেও হিন্দু পুরাণের সৌন্দর্য দিয়ে তিনি আপনার রচনাবলী সজ্জিত করবেন। তাঁর তিনটি কাব্যের কাহিনী-ভিত্তি প্রধানত রামায়ণ-মহাভারত এবং কতকটা ভাগবত পুরাণ বা ব্রহ্মবৈবর্তের কাহিনী।) চতুর্দশপদীরও অনেকগুলি কবিতার অবলম্বন পুরাণপ্রসঙ্গ। শমিষ্ঠা নাটকটি পুরাণ অবলম্বনে লেখা। ব্রহ্মাঙ্গনা কাব্যের বিষয় মধ্যযুগীয় হলেও পুরাণের যুগের থেকে এর কাল্পনিক কালস্থিতি বড় দূরবর্তী নয়। (পুরাণ-প্রসঙ্গ মধুসূদনের কাব্যাদির দেহগঠনে উপমাদির উপাদান রূপে সর্বাধিক ব্যবহৃত। কবি যেন পুরাণের প্রাচীন রাজ্যের রূপরসকে জীবন্ত করে তুলেছিলেন তাঁর সাহিত্য-সাধনায়। দার্শনিক দেশি বিদেশি প্রাচীন ভাষা ও সাহিত্য চর্চা করবার ফলে মধুসূদন একটি ক্লাসিক দৃষ্টিভঙ্গির অধিকারী হয়েছিলেন। তাঁর রচনায় তাই “প্রাচীনের কণ্ঠস্বর” ভাষা পেয়েছে। অথচ তাঁর আধুনিকতা সবচেয়ে অমিশ্র। উৎসের রসাবেদন, ঘটনা ও চরিত্রভাবনাকে সম্পূর্ণ পরিবর্তিত করতে এরূপ নির্বিধা অস্তুত আমাদের সাহিত্যে স্থলভ নয়। প্রাচীন লোকে পরিক্রমা এবং তার আধুনিকীকরণ দুটি বিপরীত প্রান্তের অদ্বয় সম্বন্ধ মধুসূদনের কাব্যের একটি অতিরিক্ত মূল্য, একটি অভিনব স্বাদ।

হেমচন্দ্রের পুরাতনপ্রীতি এতটা গভীর নয়, আন্তরিকও নয়। তবে নবযুগের বাংলা সাহিত্যে পুরাণ এবং ইতিহাসের নব ব্যাখ্যানের যে ধারাটি আগেই শুরু হয়েছিল হেমচন্দ্রও তাকে অনুসরণ করেছেন) “কবিতাবলী”র কয়েকটি রচনায় (যেমন “ইন্দ্রালয়ে সরস্বতী পূজা”, “ইন্দ্রের স্থাপান” প্রভৃতি) কবি পুরাণ জগতকে স্মরণ করেছেন। পরবর্তী “দশমহাবিছা”র তিনি পৌরাণিক ও তাত্ত্বিক ভাবনাকে বরণ করে নিয়েছিলেন। নুবজাগরণের ফলে ভাবাবেগ এবং মননে যে মুক্তির আশ্রয় দেখা দেয় তার অন্ততম লক্ষণ পুরাতন কাব্য দর্শনাদির উদ্ধার, মানবিক দৃষ্টি এবং যুক্তিবাদের আলোকে তার নূতন মূল্যায়ন। যুরোপেও গ্রীক-রোমক শাস্ত্র ও কাব্যাদির উদ্ধার ও ব্যাখ্যান চলেছে। আমাদের জ্ঞানতপস্বীরা প্রাচীন বৈদিক-ঔপনিষদিক গ্রন্থরাজি বিশ্বতির অঙ্ককার থেকে খুঁজে বের করেছেন। মূল মহাভারতাদির অনুবাদ করেছেন। আমাদের কবিরা পুরাতন কাহিনীর নবরূপ দান করেছেন। বঙ্কিম-যুক্তিবাদের তীক্ষ্ণতায় জাতীয় আদর্শরচনার নিষ্ঠায় কৃষ্ণচরিত্র গড়েছেন, হেমচন্দ্র বৃজসংহারের প্রাচীন কাহিনীরনে নব্য স্বাদেশিক ভাবনার মসলা মিশিয়ে পরিবেশন করেছেন, নবীনচন্দ্র মহাভারত বিষয়টিকেই নূতন তত্ত্বব্যাখ্যায় একটি অভিনব রূপ দিতে চেয়েছেন।

৬/ পুরাণের রসজগৎটি গড়ে তোলা বড় সহজ নয়। ঠাণ্ডা অতীতের ধমনীতে উত্তপ্ত রক্ত চলাচল করানো চাই। না হলে তা সত্য হয়ে উঠবে না। আবার সঙ্গে সঙ্গে তার তাৎপর্যটি বদলে দেওয়া তো খুবই কঠিন কাজ।) অথচ

পৌরাণিক কাহিনীটি যেন রূপক না হয়ে ওঠে। এই অসাধা সাধন করেছিলেন মধুসূদন মেঘনাদবধকাব্যে। এ-বিষয়ে ডঃ রবীন্দ্রকুমার দাশগুপ্তের বিশ্লেষণ মনে রাখবার মত।

“The honest reader of Meghnadbadh Kavya, I mean one with no critical axe to grind, must look for the ancientness in the spirit of the whole poem till he believes that the modern age is not so modern and what is ancient is not so archaic, and he is encouraged in this effort by a quick realisation of two very important things about the poem : first, that it does not use mythology as a subtle allegory to dramatize a new social reality and secondly, it is not just mythography in elegant verse. Here the Gods are like the Gods of Homer, not hopelessly divine, and demons shed human tears, here the walls of a city of gold smoulder and fall in a battle-fire raised by the monkey army of a mendicant prince who is clad in bark, and all creation, the waves of the sea or the sands on its shore, the gorgeous throne—room or the bare camps are instinct with a life such as it appeared to the eye of an elder world.”

হেমচন্দ্র এই রসজগৎটি পুরো গড়ে তুলতে পারেন নি। পুরাণাশ্রিত উপমাচিত্রের এ-বিষয়ে একটি গুরুত্বপূর্ণ ভূমিকা আছে। কবি মেঘনাদবধের সতর্ক পাঠক হয়েও সে-বৈশিষ্ট্যটির তাৎপর্য ধরতে পারেন নি। রাবণের সভা বর্ণনায় কুড়িটি চরণের মধ্যে একরূপ চিত্রের উদাহরণ মিলবে পাঁচটি ক্ষেত্রে।

এক। শ্বেত, রক্ত, নীল, পীত স্তম্ভ সারি সারি
ধরে উচ্চ স্বর্ণছাদ, ফণীন্দ্র খেমতি,
বিস্তারি অযুত ফণা, ধরেন আদরে
ধরারে।

দুই। ধরে ছত্র ছত্রধর ; আহা
হরকোপানলে কাম যেন রে না পুড়ি
দাঁড়ান সে সভাতলে ছত্রধর রূপে।

তিন। ফেরে দ্বারে দৌবারিক, ভীষণ মুরতি,
পাণ্ডব শিবির দ্বারে রুদ্রেশ্বর যথা
শূলপানি !

চার। মনোহর, যথা
বাঁশরী স্বরলহরী গোকুল বিপিনে !

পাঁচ। কি ছার ইহার কাছে, হে দানবপতি
ময়, মণিময় সভা, ইন্দ্রগ্রহে যাহা
স্বহস্তে গড়িলা তুমি তুষিতে পৌরবে ?

মধুসূদনের কাব্যের প্রথম সর্গের চল্লিশতম-ষাটতম চরণশ্লোকের মধ্য থেকে উদ্ধৃতিগুলি নির্বাচিত। মুহূর্ত্তঃ পৌরাণিক চিত্রশৃষ্টির রসঘটিত ফলশ্রুতি যে কত গভীর এবং ব্যাপক হতে পারে মেঘনাদবধকাব্যের পাঠকমাত্রের তা অজানা নেই। এ জাতীয় চিত্ররচনা বৃত্তসংহারে খুবই কম। স্বল্প যে কয়েকটি স্থানে আছে তা উল্লেখমাত্রে পৰ্ব্ববসিত, পূর্ণ নয়নবিনোদন রূপ হয়ে উঠতে পারে নি। হেমচন্দ্র অল্প উপায়ে এই অভাব পূরণ করতে চেয়েছেন। প্রাচীন ভাবপরিবেশ গড়ে তোলায় পৌরাণিক উল্লেখগর্ভ শব্দযোজনার ব্যাপক চেষ্টা করেছেন তিনি এ কাব্যে। টীকা ও মন্তব্য প্রসঙ্গে এ জাতীয় শব্দপ্রয়োগের বিস্তারিত পরিচয় দেওয়া হয়েছে। তাছাড়া ধ্বনি-গভীর তৎসম শব্দ বিশেষ করে অপ্রচলিত শব্দের ব্যবহার হেমচন্দ্রে অত্যধিক। বৃত্তসংহারের প্রারম্ভিক একটিমাত্র পৃষ্ঠা থেকে এভাবে প্রযুক্ত শব্দ প্রয়োগের একটি তালিকা প্রস্তুত করা যাক।

আদিত্যগণ। তমঃ আচ্ছাদিত। নির্ঝাণপ্রায় কলেবর-
জ্যোতিঃ। ত্বিষাম্পতি। অদিতি-নন্দনগণ। রসাতলপুরে।
আরাব। স্বন্দ। জীমুতবৃন্দ। মঞ্জিল। দানবারি। সুরভোগ্য।
দমুজ। অজর অমর শূর। স্বরভ্রষ্ট। অসুর-মর্দন।

তালিকার দৈর্ঘ্য প্রমাণ করে যে প্রায় একরূপ শব্দ দিয়েই কাব্য-দেহ গঠিত। ফলে একটি প্রাচীনতার পরিমণ্ডল যে রচিত হয়েছে তাতে সন্দেহ নেই।

হেমচন্দ্র বৃত্তসংহারের মূলটি নিয়েছেন মহাভারত থেকে। প্রাসঙ্গিক অংশ গ্রন্থশেষে মুদ্রিত হয়েছে। বৃত্তকথা বৈদিক সাহিত্য এবং অপরাপর পুরাণ গ্রন্থেও ছিল। ইন্দ্রকে ভারতীয় আৰ্যদের প্রধান দেবতা এবং বৃত্তকে ইরাণীয় আৰ্যদের অহরমুখ্য (দেবরাজ)-রূপে গ্রহণ করে ঐতিহাসিক সংঘর্ষের বীজ কেউ কেউ ইন্দ্র-বৃত্তের সংঘাতের মধ্যে খুঁজে পেতে চেয়েছেন। মেঘরূপী বৃত্তকে বজ্রাঘাতে বারিবর্ষণে রূপায়িত করেন দেবরাজ ইন্দ্র একরূপ প্রাকৃতিক ভাবনার ইঙ্গিতও প্রাচীন গ্রন্থে আছে; কোনো কোনো পুরাণ মতে বিশ্বকর্মা ইন্দ্রকে নিধন করার উদ্দেশ্যেই বৃত্তকে নির্মাণ করেছিলেন। সে সব কাহিনীর দ্বারা হেমচন্দ্র বিচলিত হন নি। প্রথমোক্ত সূত্র ছুটি নিঃসন্দেহে নব্য যুক্তি-বাদীর কাছে খুবই আকর্ষণীয় হবার কথা। প্রসঙ্গত নবীনচন্দ্রের মহাভারতাত্মীয়ী মহাকাব্যাত্মীয়ী কথা মনে করা যেতে পারে। নবীনচন্দ্র মহাভারতের কাহিনী-

রসে স্নাত হন নি, তা থেকে ঐতিহাসিক-রাজনৈতিক তত্ত্ব বের করতে চেয়ে-
ছিলেন। অসুমান করা অসঙ্গত নয়, মহাভারতের সহজ কাহিনীর তুলনায়
ইতিহাস বা অন্য কোনো জাতীয় ইঙ্গিতগত কথাই তাঁকে বেশি আকর্ষণ করত।
তাঁর বৈরতক-কুরুক্ষেত্র-প্রভাসের দিকে তাকালেই সে কথার প্রমাণ মিলবে।
গল্পরসে ছিল না তাঁর আকর্ষণ—মহাভারতীয় জীবন-রূপের বর্ণনায় প্রাচীনতা
ফুটিয়ে তুলবার কিছুমাত্র বাসনা শিল্পী হিসেবে তিনি অনুভব করেন নি।
আধুনিক রাষ্ট্রনৈতিক ভারত ঐক্যের ভাবনা এবং হিন্দুপুনরুত্থান-চিন্তার সহিত
জড়িত ঐতিহাসিক ব্যাখ্যান তথা বৈষ্ণবীয় ভাবাতিরেক প্রকাশের একটি
কাহিনী-আধার তিনি খুঁজেছিলেন মহাভারতে। এ জাতীয় মন নিয়ে পুরাণ-
কাহিনীর অনুবর্তন শিল্পকর্ম হিসেবে তাৎপর্যহীন হতে বাধ্য। হেমচন্দ্রের মনে
নব্য ভাবনা ছিল, কিন্তু তিনি বৃত্তের কাহিনীর প্রতি আকর্ষণ বোধ করেছেন,
মহাভারতোকৃত কাহিনীটিকে বিকশিত করে তুলেছেন, পল্লবিত করেছেন,
নূতন যুগোপযোগী ব্যাখ্যা দিয়েছেন। কিন্তু কাহিনীর নিজের আবেদন নষ্ট
করে ফেলেন নি। প্রাচীনের রস-সৃষ্টিতে তাঁর সাফল্য সীমাবদ্ধ কিন্তু নবীনের
শক্তি তা নাস্ত্যর্থক নয়। ২

✓ মহাভারতের কাহিনীটি তিনি অবলম্বন করেছেন। নূতন কল্পনায় অসুতকে
পূর্ণ করে তুলেছেন—কিন্তু মধুসূদনের মত সে কাহিনীর বিরুদ্ধে বিজোহ করেন
নি। মহাভারতের কাহিনীতে নীচের প্রসঙ্গগুলি বর্ণিত হয়েছে। ১. একু।
দানবাদের নেতা বৃজাসুরের প্রবল পরাক্রম। ইন্দ্র প্রভৃতি দেবগণের পরাভব
ও স্বর্গচ্যুতি। দুই। ব্রহ্মার পরামর্শ। দধীচির অস্থিনির্মিত বজ্রই বৃজাসুরের
বধাস্ত্র। তিন। দেবতাদের হিতার্থে দধীচির সানন্দে অস্থিদান। চার।
বজ্রশোভিত ইন্দ্রের নেতৃত্বে দেবতাদের দানবাক্রমণ। বৃজাসুরের সঙ্গে যুদ্ধে অপারগ
ও ভীত ইন্দ্র-সহায়তা। এবং কোনোক্রমে ইন্দ্রকর্তৃক বৃজনিধন। এর মধ্যে
শেষের সূত্রটিই কিছু বিস্তারিতভাবে বর্ণিত হয়েছে। দধীচির আশ্রমের
রূপটিও তাৎপর্যপূর্ণ, বিশেষ করে স্বাপদসজ্জের মৈত্রী আচরণ।

হেমচন্দ্র কাব্যের মূল কাঠামোটি উক্ত চারিটি স্তরের উপরেই বসিয়েছেন।
প্রায় কিছু চ্যুতি নেই। বজ্র নির্মাণের পরামর্শ এখানে দিয়েছেন শিব,
মহাভারতের মতো ব্রহ্মা নয়—উল্লেখ্য স্বাতন্ত্র্য এইটুকুই। এমন কি বর্ণনায়ও
মূলের ছায়াপাত ঘটেছে। ইন্দ্র-বৃজের শেষ যুদ্ধের কথা স্মরণ করা যেতে পারে।
মহাভারতে বলা হয়েছে,

বৃজাসুর সুরপতিকে এইরূপ অবলোকন করিয়া ক্রোধভরে
অতি ভীষণ সিংহনাদ পরিত্যাগ করিলে মহীতল, দিক সকল,
অস্তরীক ও দেবলোক কম্পমান হইতে লাগিল।

হেমচন্দ্র লিখেছেন,

সে চীৎকারে, সে কম্পনে বিশ্ববাসী প্রাণী
চন্দ্র, সূর্য্য, শুক্র, গ্রহ, নক্ষত্র ছাড়িয়া,

ছুটিতে লাগিল ভয়ে, রোধিয়া শ্রবণ,
কৈলাস, বৈকুণ্ঠ, ব্রহ্মলোকে ! সে প্রলয়ে
স্থির মাত্র এ তিন ভুবন !—মহাকাল
শিবদূত কৈলাস-দুয়ারে, নন্দী দ্বারী
কাপিতে লাগিল ভয়ে ! কাপিতে লাগিল
ব্রহ্মলোকে ব্রহ্মার তোরণ ঘন বেগে !
কাপিল বৈকুণ্ঠদ্বার ।

কিন্তু কাঠামোটি ঘিরে দেহগঠন করতে গিয়ে আপনার কল্পনাকে কতকটা স্বাধীনতা দিয়েছেন কবি । হেমচন্দ্র-কল্পিত এই স্বাধীন কাহিনী বিষ্ণুসের মুখ্যগ্রন্থি শচীহরণ । শচীকে সেবিকারূপে দেখতে চেয়েছে ঐন্দ্রিলা । শচী নৈমিষারণ্যে গুপ্তভাবে বাস করছিল । কামদেবের কাছে সংবাদ পেয়ে সে পাতালে পলায়িত পুত্র জয়স্তুকে স্মরণ করে এনেছে । বৃদ্ধকর্তৃক ভীষণ নামক দানব প্রেরিত হয়েছে । জয়স্তু তাকে বধ করেছে । পুত্র রুদ্রপীড়কে তখন পাঠানো হয়েছে নৈমিষারণ্যে । কৌশলে স্বর্গবেষ্টিত দেববৃহৎ অতিক্রম করে রুদ্রপীড় অরণ্যে এসেছে । জয়স্তু পরাভূত হয়েছে । শচী বলপূর্বক নীত হয়েছে স্বর্গে । দ্বিতীয়, অংশত তৃতীয়, চতুর্থ, পঞ্চম, অংশত ষষ্ঠ, নবম এই ছয়টি সর্গের বিস্তারিত আয়োজনে শচীহরণ ঘটেছে । চতুর্দশ সর্গে অপহৃত শচীর বেদনা প্রকাশ পেয়েছে । এর প্রতিক্রিয়াও বহুদূর প্রসারিত । দৈত্যকুলবধু ইন্দুবালা থেকে রুদ্র মহাদেব—সকলেই এ ঘটনায় বিচলিত । ইন্দুবালায় দেখি বিবেকদংশন, ভীতি, শেষ পর্যন্ত শচীর পায়ে আত্মসমর্পণ (অষ্টম এবং অষ্টাদশ সর্গ) । শচীহরণের ফলেই রুদ্রের ক্রোধ বৃদ্ধের চরম সর্বনাশে উত্তীর্ণ হয়েছে । দশম, একাদশ ও দ্বাদশ সর্গে তার ছবি এঁকেছেন কবি । ইন্দ্রের বৃদ্ধ-বিরোধিতায় স্বর্গোদ্ধারের রাজকীয় কর্তব্যের সঙ্গে প্রণয়ীর উদ্বেল উত্তেজনাও যুক্ত হয়েছে (দশম সর্গ) । শেষ পর্যন্ত ঐন্দ্রিলার অপমান ও আঘাতের হাত থেকে শচীকে উদ্ধার করিয়ে স্মেরু শৃঙ্গে স্থাপন করেছেন কবি (অষ্টাদশ সর্গ) । শচীর দৈবী-মর্যাদা বজায় রাখবার অল্প কোনো পছা তাঁর জানা ছিল না ।

শচীহরণের এই কাল্পনিক প্রসঙ্গ দেবাসুর যুদ্ধের তাৎপর্যকে অনেকটা ধারণ করতে সমর্থ হয়েছে । দানবীয় শক্তিমত্তার চরম রূপ এই ঘটনায় প্রকাশ পেয়েছে । স্বয়ং ইন্দ্রপত্নীকে হরণ করার সাফল্যে তাদের অমোঘ শক্তির হৃন্দুভি যেমন বেজেছে, অন্ধ প্রবৃত্তিবেগের আসন্ন পতনের অন্ধকারও করাল ছায়া ফেলেছে ।

এই কল্পবৃত্তাস্তটি সংযোজিত হয়েছে মধুসূদনের আদর্শে । অবশ্যই সীতার তুল্য আকর্ষণ শচীতে নেই । তবে সীতার পঞ্চবটী বাসের সঙ্গে শচীর নৈমিষারণ্যে অবস্থিতি তুলনার যোগ্য । রক্ষবধু সরমায় সীতা-সাহচর্যের গায় ইন্দুবালায় মধ্যে শচীর প্রতি সেবাপরায়ণতার ভাবটি দেখানো হয়েছে ।

সীতাহরণের পাপে রাবণের পতনের জায় (রাবণ নিজে না বুঝলেও মেঘনাদবধ-কাব্যের অনেক পাত্রপাত্রীর মুখেই এরূপ অভিযোগ শ্রুত হয়েছে।) শচী-হরণের ফলেই যে বুড়ের পতন সম্ভব হল কবি তা দেখিয়েছেন। কিন্তু সীতার সৃষ্টিমাহাত্ম্যের সামান্যই শচীতে বর্তমান। ৫

হেমচন্দ্রের কল্পনায় মানববাদের বিদ্রোহী নবরূপের কোনো গভীর প্রত্যয় ধরা পড়ে নি। কবির এগাস্ত ভঙ্গ শাস্ত প্রথাবদ্ধ মার্জিত জীবনচর্চা এর জন্ত হয়তো কিছুটা দায়ী। মধুসূদনের কাব্যের অম্লসরণে তিনি অম্লরূপ ভাবনার প্রতি আকৃষ্ট হয়েছিলেন। কিন্তু কাব্যে তা পরিকল্পনার স্তর অতিক্রম করে কল্পনার গভীরে প্রবেশ করতে পারে নি।

বৃদ্ধ ও রুদ্রপীড়ের প্রতি প্রাচীনপন্থীর মতো ঘৃণাবর্ষণ করতে পারেন নি তিনি নির্বিধায়। পিতাপুত্রের উপরে কবির প্রীতি ছিল, ছিল সহানুভূতিও। তাদের বীর্ষ সম্পর্কে প্রকায় কবি উচ্চকণ্ঠ। বীর্ষেই মনুষ্য—মানুষের মুক্তি ভীকতা, পদলেহী বৃষ্টি থেকে, প্রথাবদ্ধ চিন্তধ্বংসী অপমান থেকে—এই ভাবনা সামান্যত হলেও হেমচন্দ্রকে আকর্ষণ করেছিল। মধুসূদনের গভীরতা সেখানে অবশ্যই ধুঁজব না।

পাশাপাশি এ কথাও সত্য যে দেবসম্মুখি এ কাব্যে দানবদমী কল্যাণ ও সত্যের শক্তিরূপে বৃত। শেষ পর্যন্ত সব বীর্ষ নিয়েও বৃদ্ধ প্রতিনায়কই হয়ে ব্রহ্মলোক। ৩) নূতন যুগভাবনা প্রধানত জাতীয়তাবোধের সত্যে প্রকট হয়ে উঠেছিল হেমচন্দ্রের কাছে। মধুসূদনের মহাকাব্যে স্বদেশিকতার অঙ্কুর ছিল। রামচন্দ্র সেখানে পররাজ্য আক্রমণকারী রূপে চিত্রিত। বিভীষণ দেশদ্রোহী। মধুসূদনের মানব-চেতনার বিদ্রোহী নূতনত্বের সঙ্গে এর সহজ মিলন ঘটেছিল। মেঘনাদ পরিচিত হয়েছিল জাতীয় বীররূপে। প্রসঙ্গত স্মরণ করা যেতে পারে তার সৈন্যপত্যালাভে বন্দীদের বন্দনার ভাষা। বিভীষণের প্রতি মেঘনাদের অম্লবোধ ও ভৎসনার কথা। হেমচন্দ্রের যুগে জাতীয় আন্দোলন স্পষ্টতর প্রবলতর হয়ে উঠেছিল। হেমচন্দ্র নিজেও ব্যাপক ভাবে এর প্রত্যক্ষ চর্চা করেছিলেন কাব্য-কবিতায়। হেমচন্দ্রকে বিশেষ করে জাতিবৈরের কবি বলে অনেকেই সোৎসাহ মন্তব্য করেছিলেন সেকালে। তাঁর পুরাতন কাহিনী-আখ্যায়ী এই মহাকাব্যে নূতনের মুখ্য সুর এই স্বদেশমন্ত্রের উপস্থাপনায়। তবে কাহিনীর স্বাভাবিকতা তা লঙ্ঘন করে নি। গল্পের রসকে নষ্ট করে স্বদেশিক ভাবনাটিকে উচিয়ে রাখে নি।

এ কাব্যের স্বর্গচ্যুত দেবতাদের হ্রস্বহারা, বেদনায়, অপমানবোধে স্বদেশচ্যুত গৌরবহারা সমকালীন ভারতীয়দের অন্তর বাণীটি বেজেছে। ইন্দ্রের কঠোর সাধনা, দধীচির আত্মদানে হারানো স্বাধীনতা ও গৌরব ফিরে পাবার কল্পনায় উজ্জল ভবিষ্যৎ দিগন্তে উঁকি দিয়েছে। কাম-রতি-কুবের এ কাব্যে দানববিজিত স্বর্গে হীন দাস্ত্রে নিযুক্ত থেকেছে। এদের মাধ্যমে হয়তো

আমাদের জাতীয় পরাধীনতা ও দাস্তবৃত্তির গ্লানির প্রতি ইঙ্গিত করতে চেয়েছেন কবি। দেশচ্যুতির অগৌরবের মধ্যেও বীরবান্ ইন্দ্র ও দেবগণের সাধনায় পৌরুষ আছে। বিজয়ী শত্রুর পদলেহনে আছে শুধুই হীনমগ্ন লাঞ্ছনা। কাম-রতি-কুবেরই হেমচন্দ্রের বাস্তব অভিজ্ঞতা। কবিতাবলীতে এদেরই উত্তেজিত করবার জন্য কবির ভাষায় শিঙাধ্বনি শোনা গিয়েছে, ব্যঙ্গের শাণিত তীরে এদেরই চিত্র ক্ষত করার অভিলাষ প্রকাশ পেয়েছে। এরা ইন্দ্রিয় ও অর্থসর্বস্ব ভোগের দেবতা। বিশেষ করে এদের তিনজনকে দানবদাস রূপে চিত্রিত করার পেছনে কিছু প্রতীকছোতনা আছে। সাঙ্গরূপক কাব্য 'আশাকানন'-এর কবির ভাবনা কখনও কখনও রূপক ও প্রতীক আশ্রয়ী হয়ে ওঠা খুবই সম্ভব। ভোগবাসনায় ও অর্থ বিত্তের লোভেই জাতি নিবিকার চিত্রে পৌরুষ হারিয়ে পর-পদানত হয়ে থাকছে, এই কথাটিই হেমচন্দ্র বলতে চেয়েছেন। আর ইন্দ্র-দধীচি কবির স্বপ্ন—যে স্বপ্ন আদর্শলোকের ছবি একে চরম দুর্দিনেও ছুরবস্থায় মানবমনকে আশ্বস্ত করে।

শচীকে বন্দী করে স্বর্গে নিয়ে আসা হয়েছে (চতুর্দশ সর্গ)। প্রবাসীর দেশে ফিরবার আনন্দ অনুভব করেছে শচী, দেশের পরাধীনতার বেদনাও।

কে আছে ত্রিলোক মাঝে প্রাণী হেন জন
সুদূর প্রবাস ছাড়ি স্বদেশে ফিরিয়া।
(কি পঙ্কিল, কিবা মরু, কিবা গিরিময়
সে জনমভূমি তার) নিরখি পূর্বের
পরিচিত গৃহ, মাঠ, তরু, সরোবর
নদী, খাত, তরঙ্গ, পর্বত, প্রাণিকুল,
নাহি ভাসে উল্লাসে, না বলে মত্ত হ'য়ে
“এই জনমভূমি মম !” কে আছে রে, হায়,
ফিরিয়া স্বদেশে পুনঃ না কাদে পরাণে
হেরে শত্রু-পদাঘাতে পীড়িত সে দেশ !
বিজেতা চরণতলে নিত্য বিদলিত,
বলিতে আপন যাহা—প্রিয় এ জগতে !
বিজন অরণ্যভূমি বনের (ও) কুসুম
ভুঞ্জিতে পরাণে ভয় ! শত্রুর অর্চনা
দেব-অর্চনার আগে ত্রিসঙ্ঘ্য সেখানে !
কে না ভোগে নরকের যন্ত্রণা সে দেশে ?

আনন্দ-বেদনার এই মিশ্রস্বরে পরাধীন জাতির মনোভাবের ছবিই ধরা পড়েছে, শচী এখানে উপলক্ষ মাত্র। অগুত্র শচী ব্রহ্মা বিষ্ণু মহেশ্বরের শরণ নিয়ে দানবদের অত্যাচার থেকে আত্মরক্ষা করতে অস্বীকার করেছে। তার ভাষায় স্বাধীনতাপ্রীতির নবযুগের বাণীই প্রকাশ পেয়েছে (পঞ্চম সর্গ)।

স্বপ্নে স্বাধীন চিত্ত, স্বাধীন প্রয়াস,
স্বাধীন বিরাম, চিন্তা স্বাধীন উল্লাস,
সসর্প গৃহেতে বাস, পরবশ আর,
দুই তুল্য জীবিতের, দুই তিরস্কার ।
ঊক্ষলোক বৈকুণ্ঠ কৈলাসে নাচি ভেদ,
যেইখানে পরবশ, সেইখানে খেদ ।

এ স্বর্গ চাই না, ঐশ্বর্য চাই না—যদি তার সঙ্গে পারবশের লজ্জা জড়িত থাকে ।
এ কথা আধুনিক স্বাধীনচিত্ততার কথা ।

(১) স্বদেশভাবনার মুখ্য রাগের পাশে ব্যক্তিস্বাতন্ত্র্যের গৌণ রাগিনীও মাঝে মাঝে আলাপিত হয়েছে এ কাব্যে । শচীর চরিত্রাশ্রয়ে তার কিঞ্চিৎ প্রকাশ লক্ষ্য করা যায় । দানবাক্রমণ থেকে আত্মরক্ষার উদ্দেশ্যে শচীকে ছদ্মবেশ ধরবার পরামর্শ দিয়েছিল চপলা । শচী তা প্রত্যাখ্যান করে যা বলেছে তাতে তার ভীত আত্মাভিমান ফুরিত হয়েছে (পঞ্চম সর্গ) । ক্রুদ্রপীড়ের ভাবনায় এর সূষ্ঠতর প্রকাশ লক্ষ্য করা যায় । পিতার বীরখ্যাতি, কুলগর্বে মগ্ন হয়ে থাকায় জীবনের সার্থকতা নেই, আপনার ব্যক্তিগত মহিমা প্রতিষ্ঠায়ই মনুষ্য জন্মের চরিতার্থতা । সে বলেছে (ষষ্ঠ সর্গ)—

জন্ম বৃথা ! কর্ম বৃথা ! বৃথা বংশ খ্যাতি !
কীর্তিমান জনকের পুত্র হওয়া বৃথা !
স্বনামে যদি না ধন্য হয় সর্বলোকে—
জীবনে, জীবন-অস্ত্রে চিরস্মরণীয় ।

আবার কচিং ঐন্দ্রিলার কণ্ঠে প্রকাশ পেয়েছে নবযুগের নারী মুক্তির ভাবনা (দ্বাদশ সর্গ)—

বামা আমি, দম্ভজেদ্র, রমণী কি হেয় ?
তুচ্ছ কীটপতঙ্গ সদৃশ কি হে বামা ?
পুরুষের বন্ধু বামা—যন্ত্রী পুরুষের,
বীরের একই মাত্র সহায় রমণী ।

হেমচন্দ্রের কাব্যে নব্য ভাবনা অবশ্য বিধাহীন নয় । প্রায়ই তা ব্যক্তির ভাবনা মাত্র—চরিত্রের গভীরতম প্রদেশ থেকে উৎসারিত জীবনমন্ত্র নয় । কিন্তু কাহিনীরসকে বর্জন করে, চরিত্রের স্বাভাবিক প্রাচীনতা ও পৌরাণিক বৈশিষ্ট্য বিনষ্ট করে আধুনিক চিন্তার আরোপ ঘটান নি কবি ।

চরিত্র

তিন

১২ বৃত্ত সংহারের মুখ্য চরিত্র ইন্দ্র বৃত্ত শচী ঐন্দ্রিল্য জয়ন্ত ক্রুদ্রপীড় এবং ইন্দুবাল্য । রতি চপলার চরিত্রাভাস মাত্র প্রকাশ পেয়েছে । দেবতাদের

ব্যক্তিস্বাতন্ত্র্য আঁকবার চেষ্টা বিশেষ সফল হয় নি। রুদ্র ব্রহ্মা বিষ্ণু পার্বতী লক্ষ্মী প্রভৃতির ব্যক্তিত্ব সম্বন্ধে কবির ধারণা পৌরাণিক বিশ্বাসের অনুসরণ করেছে।

চরিত্রভাবনায় হেমচন্দ্র ছিলেন দ্বিধাগ্রস্ত। মধুসূদনের মেঘনাদবধের প্রভাব তিনি এড়াতে পারেন নি। কিন্তু মধুসূদনের মন তাঁর নয়। হেমচন্দ্রের মত মধ্যবিত্ত হিন্দুভদ্রলোক ধর্মত্যাগী বিদ্রোহী প্রতিভার ঔজ্জ্বল্যে মুগ্ধ হতে পারেন কিন্তু সেই জীবনদৃষ্টিকে আপনার বলে আত্মসাৎ করতে পারেন না। পৌরাণিক সংস্কার তথা সাধারণ হিন্দু বিশ্বাসের প্রতি লক্ষ্যপন্থী হওয়া হেমচন্দ্রের পক্ষে আদৌ সম্ভব ছিল না। বৃত্তের বীর্ষ তাঁকে উদ্ভুদ্ধ করলেও তার পাপ এবং পতন কবির মনে কোনো রূপ সমস্তার সৃষ্টি করে নি। দানবেরা পাপাসক্ত। এবং পাপের মূল্য মৃত্যুতে। কবি প্রাচীনপন্থীর এই বিশ্বাসে সংশয় বোধ করেন নি। কিন্তু মধুসূদন এই ভাবনার অমুগামী হতে পারেন নি। রাক্ষস-মাত্রকে পাপী বলে ধরে নিতে তিনি প্রস্তুত ছিলেন না। ভাই রাবণের সীতা-হরণ মেঘনাদবধকাব্যের এক গুরুতর নৈতিক সঙ্কট।

উচ্চাঙ্গের সৃষ্টি না হলেও হেমচন্দ্রের কাব্যের সবচেয়ে উজ্জ্বল চরিত্র বৃত্ত। L. বৃত্ত মহাবীর। বীরত্বের তুলনায় দেবগোষ্ঠিকে সে কীটের স্থায় ক্ষুদ্র বলে মনে করে। তার চেহারার বিশালতা কতকটা সফলতার সঙ্গেই প্রকাশ করেছেন কবি (তৃতীয় সর্গ)।

ত্রিনেত্র, বিশালবক্ষ, অতি দীর্ঘকায়,
বিলম্বিত ভুজদ্বয়, দোহল্য গ্রীবায়
পারিজাত পুষ্পহার বিচিত্র শোভায়।
নিবিড় দেহের বর্ণ মেঘের আভাস ;
পর্কতের চূড়া যেন সহসা প্রকাশ।
নিশাস্ত্রে গগনপথে ভাসুর ছটায় ;
বৃত্তাসুর প্রকাশিল ভেমতি সভায়।

সোচ্চার তার বীরত্বদর্প (তৃতীয় সর্গ)।

সঙ্কল্প করিহু অঘ, শুন, দৈত্যকুল,
সঙ্কল্প করিহু হের পরশি ত্রিশূল
সূর্যেরে রাখিব করি রথের সারথি ;
চন্দ্র সঙ্ক্যামুখে নিত্য যোগাবে আরতি ;
পবন ফিরিবে সদা সম্মার্জনী ধরি,
অমরার পথে পথে রক্তঃ স্নিগ্ধ করি ,
বরণ রক্তক-বেশে অসুরে সেবিবে,
দেব সেনাপতি স্বন্দ পতাকা ধরিবে।

বীর-রোজ রসের সমন্বয়ে গঠিত বৃত্তের চরিত্র তার গর্জনে আক্ষাণনে ষাড্রার

আসরের কথাই বারবার মনে করিয়ে দেয়। বীরত্বদর্প অত্যাচ কণ্ঠে ঘোষণা করেই কোনো চরিত্র বীরবস্ত হয়ে ওঠে না। কুস্তির আখড়ার বড়ো পালোয়ানের সতেজ মাংসপেশীর আন্দোলন একটা স্থূল বহিরঙ্গ ব্যাপার মাত্র। চরিত্রবীর আভ্যন্তরীণ সত্য। মেঘনাদবধকাব্যের রাবণ আপনার বীরত্ব নিয়ে অহঙ্কার করে নি। বরং পরাজয়ের গ্লানি ও অন্তর্দাহই তার কণ্ঠে বার বার শুনেছি আমরা। কিন্তু তবু বীর অপ্রমাণিত থাকে নি। তার বিশালতা দৈহিক নয় এ তার ব্যক্তিত্বের অন্তর-ধর্ম।

বৃত্তকে পরিবার-ধর্মে প্রতিষ্ঠিত করেছেন হেমচন্দ্র। মানবিক হৃদয় বৃত্তির নানা তরঙ্গভঙ্গ মাহুশকে পূর্ণতা দেয়। কবি তাকে পত্নী সংসর্গে দেখিয়েছেন, বৎসলস্বভাব করেও আঁকতে চেয়েছেন। শচীহরণ বৃত্তের ব্যক্তিগত কাম বাসনার ফল নয়। দানব বৃত্তও নীতিবোধের দিক থেকে মধ্যভিক্টোরিয় যুগের ভাবনার বাহিরে নয়। ঐন্দ্রিলার আবদারেই শচীহরণ। হেমচন্দ্রের গার্হস্থ্য ভাবনার প্রতিফলন এখানে পড়েছে। ধনাঢ্য গৃহস্থ দুখানা মূল্যবান অলঙ্কার দিয়ে যেমন স্ত্রীর মনোরঞ্জন করে বৃত্তও স্বর্গাধিকারের আনন্দে ঐন্দ্রিলার জন্ত দাসীরূপে শচীকে সংগ্রহ করে দিয়েছে। পত্নীপ্রেম তার চরিত্রের গভীর কোনো প্রত্যয় হয়ে ওঠে নি। বরং দানবীয় বীরত্বের সঙ্গে অতি তরল ইন্দ্রিয়ালুতা সামঞ্জস্যপূর্ণ হয়ে উঠতে পারে নি।

বৃত্তের বাৎসল্য মেঘনাদবধের আদর্শে পরিকল্পিত। পুত্রের বীরত্বে গর্ব, অকালমৃত্যুতে বেদনা ও ক্রোধ বৃত্তকে বিচলিত করেছে। ~~শেখ মুহর্তেও~~ বৃত্ত ক্রতপীড়ের নাম স্মরণ করেছে কিন্তু এ সবই মামুলি উপলক্ষির উদ্দেশ্যে ওঠে নি। রাবণের বাৎসল্য তার জীবনসাধনার সামগ্রিক সত্যকে ধরে রেখেছিল। মেঘনাদ তার পিতার কামনার প্রতীকে পরিণত হয়েছিল। মেঘনাদের মৃত্যু তাই সেই কাব্যের কেন্দ্রীয় বিষয়। রাবণ বেঁচে থেকেও সে-মৃত্যুশায়কে আমূল বিদ্ধ। রাবণের বাৎসল্য তার ব্যক্তিত্বের এক মূল উপাদান। ক্রতপীড়ের বীরত্ব ও মৃত্যু বৃত্তের জীবনের প্রাসঙ্গিক বিষয়মাত্র।

বৃত্তের ভাবনাকল্পনার কেন্দ্রটি হেমচন্দ্র প্রতিষ্ঠিত করতে পারেন নি। ক্রতের ক্রোধে তাকে একবার চিস্তিত হতে দেখি (দ্বাদশ সর্গ)। আসন্ন সর্বনাশের আশঙ্কা তাকে ক্ষণকাল সংশয়ান্বিত করে রেখেছিল। কিন্তু বৃত্ত চরিত্রে মনোধর্ম একেবারেই অপ্রধান। এ সবই বহিরঙ্গ আয়োজনে সীমিত থেকেছে।

ভাগ্য সঙ্কে হেমচন্দ্রের ধারণা বাঙালি সংস্কারের অনুগামী ছিল, তার ছিল না কোনো বিশিষ্ট রূপ। কারণ কবির ব্যক্তিগত জীবন-জিজ্ঞাসার অংশরূপে একে দেখা হয় নি একবারও। বাঙালি হিন্দুর ভাগ্য-ভাবনার সঙ্গে ব্যক্তি চরিত্রের কোনো রূপ যোগাযোগ নেই। বৃত্তের ভাগ্য, নিয়তি পুরুষের কল্পনা সবই একান্ত বাহিরের ব্যাপার হয়ে থেকেছে, দানব বীরের চরিত্রের অঙ্গ হয়ে ওঠে নি।

বৃত্তের চরিত্র সবচেয়ে জীবন্ত হয়ে উঠেছে কাব্যের শেষ সর্গে। তার ক্রোধোদ্দীপ্ত অমানুষী বীর্য দানবীয় ভীষণতা নিয়ে আত্মপ্রকাশ করেছে। কবির কল্পনা এই একটিমাত্র ক্ষেত্রে বৃত্তের মধ্যে নৈসর্গিক প্রলয় শক্তিকে অনুভব করেছে, মনোধর্মের আবরণটুকু খসে পড়েছে। কবির ভাষাও সর্বোত্তম ফলপ্রসূ হয়েছে কাব্যের এই অংশে।

ঘোর নাদে বিকট চীৎকারি,
লক্ষ্যে লক্ষ্যে মহাশূণ্ডে ভীম ভূজ তুলি
ছিঁড়িতে লাগিলা গ্রহ নক্ষত্রমণ্ডলী,
ছুঁড়িতে লাগিলা ক্রোধে—বাসবে আঘাতি,
আঘাতি বিষমাঘাতে উচ্চৈঃশ্রবা হয়।
ব্রহ্মাণ্ড উচ্ছিন্ন প্রায়—কাঁপিল জগৎ,
উজাড় স্বর্গের বন—উড়িল শূণ্ডেতে
স্বর্গজাত তরুকাণ্ড! গ্রহ, তারাদল,
খসিতে লাগিল যেন, প্রলয়ের ঝড়ে।
উছলিল কত সিন্ধু, কত ভূমণ্ডল
খণ্ড খণ্ড হৈল বেগে—চূর্ণ রেণুপ্রায়।

বৃত্তের যদি কোনো বিশিষ্ট পরিচয় হেমচন্দ্রের কাব্যে প্রকাশ পেয়ে থাকে তবে তা এই রুদ্র প্রলয় শক্তিতে। মনোধর্মে নয়। অগুত্র সে জড় পিণ্ডমাত্র। কবির কথায় জানি সে পরম শক্তিময়, আর জানি তার দস্তে। কিন্তু ভাষায় তার সমর্থন পাই না। এখানে ভাষার সহযোগে এমন এক বৃত্তকে পাই যা অগ্নুদগারে, ভূকম্পনে, দাবানলে, মহাবন্যার উৎসে সক্রিয়—প্রাকৃতিক শক্তির মত সত্য এবং মনোহীন।

রুদ্রপীড়ে মেঘনাদের আদর্শ মনে রাখতে চেয়েছেন কবি। কিন্তু রুদ্রপীড়কে দিয়ে তিনি শচীহরণ করিয়েছেন। অথচ পাপবোধে তার চিত্ত দীর্ণ নয়। ঐন্দ্রিলার প্রতি উক্তিতে প্রকাশ, মাতার আচরণে সে কিঞ্চিৎ ক্ষুব্ধ অর্থাৎ কবি তাকে গায় অগ্নায়ের কোনো স্বতন্ত্র বোধ-পীঠিকায় স্থাপন করতে পারেন নি। যশোলাভের মোহে রুদ্রপীড়ে দেখেছি শচীহরণে মোৎসাহ কর্তৃত্বপরতা। আবার শচীর দাসীত্ব প্রসঙ্গে মাতার কথা ও কর্মের প্রতি কীর্ণ সমালোচনা।

রুদ্রপীড় কহে, “মাতঃ, কষ্ট কি কারণে?
দাসী হৈতে আসিয়াছে হইবে সে দাসী;
মহত্ব হারাও কেন লঘুত্ব প্রকাশি?”

বিবেকের এই কণা থেকে হয় বিদ্রোহ, অথবা অনুশোচনায় আত্মভেদী ট্র্যাঙ্কেডি আসতে পারে। আভ্যন্তরীণ এই অসঙ্গতির কথা কবি ভাবেন নি। এই বিবেক নিয়েও রুদ্রপীড় পরম আফ্লাদে শচীহরণ করেছে এবং নীতি-

ভাবনায় বিচলিত হয় নি। মেঘনাদের স্রষ্টা তাকে অপাপবিদ্ধ করে রেখেছেন। তাই পাঠকের ভালোবাসার অনাবিল ধারা কবির ভালোবাসার সঙ্গে সহজে মিলেছে। তার মৃত্যু তাই দুর্দৈব বলে মনে হয়।

রুদ্রপীড় বীর খ্যাতিলাভের জগ্ন বড় বেশি চাঞ্চল্য প্রকাশ করেছে। যুদ্ধ তার কাছে খ্যাতির সোপান। পুরাণে বা আধুনিক কাব্যে যে সব বীরদের দেখা পেয়েছি তারা কোনো বিশেষ উদ্দেশ্যে—জাতীয় বা ব্যক্তিক স্বার্থে লড়াই করেছে। ফলে যশ পেয়েছে। রুদ্রপীড়ের কাছে যুদ্ধ জয়ে নয়, কোনো বিশেষ লক্ষ্যভেদে নয়, খ্যাতিলাভেই একমাত্র চরিতার্থতা। শচীহরণেও তার বিধা নেই। হিতাহিতজ্ঞানশূন্য যশোলোলুপ রুদ্রপীড়। একারণেই তার বীরত্ব আভিনয়িক বলে সংশয় জন্মে।

মাতাপিতার বাৎসল্যে এবং পত্নীপ্রেমের পরিমণ্ডলে কবি তাকে স্থাপন করেছেন। কিন্তু কারও প্রতি তার ভালোবাসা আস্তরিক বলে মনে হয় না। তাই রুদ্রপীড় যতটা চাঞ্চল্য প্রকাশ করে ততটা প্রাণোত্তাপপূর্ণ বলে প্রত্যয় জাগায় না।

ঐন্দ্রিলার চরিত্রে প্রোট রাজমহিষীর গান্ধীর্ষ এবং ব্যক্তিত্ব নেই। রূপগর্ব এবং দর্পে সে আত্মহারা। আপন লক্ষ্যসিদ্ধির জগ্ন দেহরূপ এবং কামচাতুর্ষকে ব্যবহার করায় সে নিপুণা এবং প্রগল্ভা। একি শুধুই প্রয়োগচাতুর্ষ অথবা তার চরিত্রগত অতিরিক্ত কামলোলুপতার প্রতিফলন? বেশি ও ভাবে, স্বামীর প্রতি বারবার কামবাণ সজ্জানে তার একপ্রকার অস্তর দৈগ্ধ্য প্রকাশ পেয়েছে। এই দৈগ্ধ্য নিয়েই সে সত্য এবং সে জীবন্ত তার প্রবৃত্তি-উৎক্ষেপ ও ইন্দ্রিয়তারল্য নিয়ে।

নারীচরিত্রের প্রশাস্তরূপেরই প্রাধান্য বাংলা সাহিত্যে। যেখানে সে বীর্ষময়ী^৬ সেখানেও সে শুভদা। নারীর ঈর্ষা-দর্প-গর্বকে আলোড়িত করে প্রলয়ঙ্করী অকল্যাণী রূপ গড়ে তোলা হয়েছে ঐন্দ্রিলায়। তাকে আমরা পছন্দ না করতে পারি, কিন্তু সে যে একটা ব্যক্তিত্ব পেয়েছে তাতে সন্দেহ নেই। অতিরিক্ত তরলতার জগ্ন শিল্পাঙ্গাদে কিছু বাধা ঘটেছে। কিন্তু ঐন্দ্রিলার চরিত্র রচনায় হেমচন্দ্র ব্যর্থ নন।

ইন্দুবারা কোমল অশ্রমুখি এবং ভাবাতিরেক কম্প মূর্তির সৃষ্টি-উৎসে কবির বাস্তব অভিজ্ঞতা ছিল। বাঙালি কুলবধূর কল্যাণী রূপটি তার পৌরাণিক পোষাকের স্বচ্ছ আবরণ সহজেই ভেদ করে প্রকাশ পেয়েছে। কোমলতা ও কল্যাণকে ভাবগান্ধীর্ষে মহিমাম্বিত করে তোলা হয়েছে। না হলে পুরাণাশ্রয়ী মহাকাব্যের মধ্যে তরল ভাবালুতা রসচ্যুতি ঘটায়। স্বতন্ত্রভাবে ভাবলে ইন্দুবারাকে, কৃত্রিম মনে হয় না। সহজ বুদ্ধির ও মাঝারি শক্তির কবি বাস্তব অভিজ্ঞতাকে কাজে লাগাতে পেরেছেন। কিন্তু বৃত্তসংহার কাব্যে

তাকে মানায় নি। ঐন্দ্রিলার একেবারে বিপরীত কোটিতে ইন্দুবালাকে স্থাপন করে রসবৈচিত্র্য ঘটাতে চেয়েছিলেন কবি।

দেবরাজ ইন্দ্র এ কাব্যের নায়ক। বৃত্রের মৃত্যু কাব্যের মুখ্য বিষয় হলেও বৃত্র এর নায়ক নয়। যেমন সংস্কৃত মহাকাব্য ‘শিশুপালবধ’-এর নায়ক অবশ্যই নয় শিশুপাল। মহাকাব্যের নায়কের লক্ষণ নির্ণয় করতে গিয়ে বিশ্বনাথ চক্রবর্তী ‘সাহিত্য দর্পণ’-এ বিশেষ করে ধীরোদাত্ত গুণসম্পন্ন দেবচরিত্র বা উচ্চবংশের ক্ষত্রিয়ের জন্ম সুপারিশ করেছেন।

স্বর্গবন্ধো মহাকাব্যং তত্রৈকো নায়কঃ সুরঃ

সদ্বংশ ক্ষত্রিয়ো বাপি ধীরোদাত্তগুণাশ্রিতঃ।*

ধীরোদাত্তগুণ সম্পর্কে বলা হয়েছে—

অবিকখনঃ ক্ষমাবানতিগন্তীরো মহাসম্বঃ

হেয়াম্ নিগূঢ়মানো ধীরোদাত্তো দৃঢ়ব্রতঃ কথিতঃ।

অর্থাৎ নিজের প্রশংসা নিজে করেন না, যিনি ক্ষমাবান এবং অতিগন্তীর, যিনি হর্ষ বা শোকতাপে অভিভূত হন না, যিনি বিনয়ী কিন্তু হীন বিনয়-সম্পন্ন নন, যিনি সঙ্কল্প করে তা সিদ্ধ করেন এমন ব্যক্তিকেই ধীরোদাত্ত বলা হয়।

নব্য ইংরেজি কাব্যের উৎসাহী পাঠক এই আদর্শের ছবছ অনুসরণ করবেন এরূপ প্রত্যাশিত নয়; কিন্তু হেমচন্দ্র সংস্কৃত মহাকাব্যের এবং তার নায়ক লক্ষণের কথা মনে রেখেছিলেন।

। হেমচন্দ্রের কাব্যের অন্তান্ত দেবচরিত্রের তুলনায় ইন্দ্র অনেক বৈশিষ্ট্যপূর্ণ। এ বিশিষ্টতা শুধুমাত্র আপন বীরধর্মের দ্বারা দেবরাজ অর্জন করে নি। আপন দৃঢ়ব্রতের দ্বারা লাভ করেছে। বৃত্রকে হত্যার সঙ্কল্প নিয়ে ইন্দ্র সাধনা করেছে। তার এই সাধনারত রূপটি এবং সমাপ্তির সিদ্ধি কয়েকটি সর্গে বর্ণিত হয়েছে। প্রথমে ইন্দ্রকে দেখতে পাই নিয়তির পূজারত। বৃত্রবধের সম্ভাবনায় আশ্বস্ত হয়ে সে কৈলাসে গিয়ে শিবের কাছে থেকে বৃত্রবধের উপায় জানতে চেয়েছে (দশম সর্গ)। এই প্রসঙ্গে ইন্দ্র-চরিত্রের কিছু উজ্জ্বলতর পরিচয় প্রকাশ পেয়েছে। শিবের কাছে ব্যক্ত তার অভিমানের রূপটি প্রশংসার যোগ্য। আপন শক্তিতে তার বিশ্বাস আছে। কিন্তু সব গৌরব আজ বিসর্জিত। পরাজয়ের দিকার স্বর্গচ্যুতির বেদনার মধ্যে অপমানবোধ আরও কঠিন হয়ে বাজছে। আর এই দুর্দৈব ঘটতে পারছে বৃত্রের প্রতি শিবের নির্বিচার আশীর্বাদে। দেবপ্রধান শিব দেবতাদের পিতৃস্বরূপ। তাই ইন্দ্রের কণ্ঠে নিরুপায় সম্ভানের অপমানরূত নিগূঢ় অভিমানরূপে প্রকাশ পেয়েছে। এই অভিমান বাঙালি পরিবার-ধর্মের অনুবর্তী একটা আশ্চর্য সঞ্চারি ভাব। আধুনিককালে শরৎচন্দ্র নারীব্যক্তিত্ব সৃষ্টিতে এই উপাদানটিকে বিশেষভাবে

*সঙ্গীত গ্রন্থ “কাব্যাদর্শে” বলা হয়েছে : চতুর্ভূজকলারস্তঃ চতুরোদাত্তনায়কম্ ।

ব্যবহার করেছেন। লক্ষণীয় মহাকাব্যের বিপুল আড়ম্বরের মধ্যেও হেমচন্দ্রের পরিবার-জীবনের অভিজ্ঞতা মাঝেমাঝে কাজে লেগেছে।)

ইন্দ্রকে প্রাচীন আলঙ্কারিকদের ভাবনামুখায়ী শোকে স্মৃতি অচঞ্চলচিত্ত রাখেন নি কবি। দশম সর্গে ইন্দ্রের চরিত্রে যে ব্যাকুলতা দেখানো হয়েছে ইন্দ্রের প্রাণবন্তা তাতেই অনস্বীকার্য হয়ে উঠেছে। শচীহরণের সংবাদে ক্রোধেক্রোধে ইন্দ্র দেবাদিদেবের সামনেও আত্মসংবরণে সমর্থ হয় নি।

বাসনা কি, শিব, তব ইন্দ্রের লাঞ্ছনা -
না থাকিবে বাকি কিছু বৃদ্ধাঙ্গুর কাছে ?
কেন তবে সৃষ্টিমাঝে রেখেছ অমর ?
কেন এ ব্রহ্মাণ্ড ষত বিধি-বিরচিত
নাহি চূর্ণ কর তবে ?—কেন, হে বিধাতঃ
করিলে দেবের সৃষ্টি যন্ত্রণা ভুগিতে ?
... ..

নাহি চাহি কোন ভিক্ষা, না চাহি জানিতে
বৃদ্ধবধ কি উপায়ে, ছাড়হ আমায়,
দেখ পশুপতি, এবে কোদণ্ড-সহায়
একা ইন্দ্র কি সাধিতে পারে স্বর্গপুরে।

এবং এখানেই ইন্দ্রের মনুষ্যত্ব পূর্ণপ্রতিষ্ঠিত। ইন্দ্রকে অবশ্য কবি সদাচঞ্চল ব্যক্তিরূপে চিত্রিত করেন নি। উদ্দেশ্যসিদ্ধির জন্য ধীরভাবে সে সাধনা করেছে। সংযম রক্ষা করে চলেছে সতর্কভাবে। কুমেরু থেকে শিবধামে, কৈলাস থেকে দধীচি-আশ্রমে, সেখান থেকে বিশ্বকর্মার কর্মশালে ইন্দ্র সুপরিকল্পিতভাবে বৃদ্ধসংহারের সিদ্ধির দিকে এগিয়েছে। দধীচির প্রাণঘাতীয়ায় তার কিঞ্চিৎ সঙ্কোচ খুবই সঙ্গতভাবে চিত্রিত হয়েছে। কিন্তু মুখ্যত ইন্দ্রের ব্যক্তিত্ব স্বল্পবাক্য, চিত্ত অনতিচঞ্চল। তার চরিত্র পরিকল্পনার সামগ্রিকরূপের পটভূমিতে শিবসকাশে ক্রোধ ও বেদনামিশ্র অগ্ন্যুদ্গার নিঃসন্দেহে তাৎপর্যবহ।

ইন্দ্রচরিত্র আমাদের মন কেড়ে নেয় না। কিন্তু মোটামুটি তার চিত্র অস্বার্থ মনে হয় না। সে কৃত্রিম নয়, অবিশ্বাস্ত নয়। কিন্তু কাব্যশেষে যুদ্ধের আধিপত্য সর্বগ্রাসী হয়ে উঠেছিল। তার শক্তির ঝগা অল্প সব কিছুর অস্তিত্ব অকিঞ্চিৎকর করে তুলেছিল। ভীত বিমূঢ় ইন্দ্রের যে ছবি সেখানে প্রকাশ পেয়েছে তাতে নায়কের গৌরব একেবারে ধূলিসাৎ হয়ে গিয়েছে।

ঘোর কোলাহল

সে তিন ভুবনমুখে, ঘন উচ্চৈঃস্বর—
“হে ইন্দ্র, হে সুরপতি, দস্তোলি নিক্কেপি
বধ বৃদ্ধে—বধ শীঘ্র—বিশ্বলোপ হয়।”

এতক্ষণ সুরপতি ইন্দ্র সে দুর্ধোগে
ছিল হতচেতপ্রায়—বিশ্বকোলাহলে
স্বপনে জাগ্রত যেন, বজ্র দিলা ছাড়ি ;
না ভাবিলা, না জানিলা ছাড়িলা কখনু ।

বৃহৎ সম্পর্কে কবির বিশিষ্ট ভাবনার সম্যকপ্রকাশ সেখানে ঘটলেও ইন্দ্রের চরিত্রবীর্ষ বিনষ্ট হয়েছে। মহাভারত কাহিনীর নির্বিচার অমূল্যস্বরূপও এর জন্ম অনেকটা দায়ী।

শচীর চরিত্র আঁকতে মেঘনাদবধের সীতার কথা ভেবেছেন কবি। সীতার পঞ্চবটীবাসের সঙ্গে শচীর নৈমিষারণ্যবাস তুলনীয়। শচী হরণের পরিকল্পনা সীতা প্রসঙ্গের আদর্শে ভাবিত। লক্ষ্মায় বন্দিনী সীতার সরমা-সাহচর্যের ধারায় স্বর্গে শচীর ইন্দুবালার সেবালাভের চিত্র রচিত। কিন্তু দুই চরিত্রের কল্পনামূলে পার্থক্য আছে ; দৃষ্টিক্রমতার ভিত্তিতে রয়েছে যোজন ব্যবধান।

(৬) তবুও শচীর চরিত্রাক্ষরে হেমচন্দ্র সামর্থ্যানুগ নিপুণতা দেখিয়েছেন। শচীর দৌন্দর্যে গাভীর আছে ; তীক্ষ্ণ আত্মসম্মানবোধ এবং ব্যক্তিমহিমার দীপ্তি আছে। নব্যযুগের মানবীর মুক্ত হৃদয় কতকটা তাকে অবলম্বন করেই প্রকাশ পেয়েছে বৃত্তসংহারে। শক্তিমানের আশ্রয় গ্রহণ করে নিশ্চিত নিরাপত্তা সে চায় নি। ছদ্মবেশে আত্মরক্ষার গ্নানি থেকে সে আপনাকে উদ্ধে রেখেছে। ফলে তার মধ্যে আত্মার একধরণের দীপ্তি প্রকাশ পেয়েছে। ঐন্দ্রিলার প্রবৃত্তিদাহের অতিচঞ্চল্যের বিপরীতে তার অকম্প ব্যক্তিত্ব মহিমাম্বিত হয়ে উঠেছে।

বৃত্তসংহারে অপর চরিত্রগুলি বিশেষ উল্লেখযোগ্য নয়।

শিবের সমাহিত তত্ত্বজিজ্ঞাসাকে দর্শনের আত্মভোলা বাঙালি অধ্যাপকের প্রতিবিম্বন বলে মনে হয়। বর্ণনা-সৌকর্যের পরিমণ্ডলেও বিশ্বকর্মা পরিচিত কর্মকারের অতিশায়িতরূপ ছাড়া কিছু নয়। দধীচির আত্মবিসর্জনের গৌরব বক্তৃতার তোড়ে ভেসে যাবার আশঙ্কা ছিল। কিন্তু চরিত্রটির মধ্যে একটা প্রশান্ত দ্যুতি আছে। একটা জালাহীন আলোকের ব্যঞ্জনা আছে। পাঠকের মনের সেই আরাম কবির পরিবেশ বর্ণনার ভাষায় কমনীয় হয়ে উঠেছে।

আরস্তিলা তারস্বরে চতুর্বেদগান,
উচ্চ হরিসঙ্কীর্ণন মধুর গস্তীর,
বাম্পাকুল শিষ্যবৃন্দ—ধ্যানমগ্ন ঋষি
মুদ্রিতা নয়নধর বিপুল উল্লাসে।
মুনি-শোকে অকস্মাৎ অচলপবন,
তপনে মূহুর রশ্মি, স্নিগ্ধ নভস্বল,

সমূহ অরণ্য ভেদি নৌরভ উচ্ছাস,
বনলতা-তরুণ শোকে অবনত ।

চার

আধুনিককালের পাঠকের কাহিনীকাব্যে রুচি নেই । কাব্য বড় আকারের এবং কবি মধ্যশক্তির হলে বিরুদ্ধতা ছেগে ওঠাই স্বাভাবিক । এর জন্য অভিযোগ বৃথা । যুগধর্মে রুচির পরিবর্তন ঘটবেই । সে পরিবর্তনের ঝড়ে বড় জাহাজ বানচাল হয় । ছোট বোটের ভরাডুবির আশঙ্কা ।

হেমচন্দ্রের বৃত্তসংহার দীর্ঘকাব্য । খুব উচ্চাঙ্গেরও নয় । সে কাব্যটিকে সৌন্দর্যের বিচার ও আশ্বাদের পাত্রে পাঠকদের কাছে নিবেদন করার উদ্দেশ্যেই এ অধ্যায়ের পরিকল্পনা । ফলে কিছু পাঠকের আগ্রহ সৃষ্টি হতেও পারে—এরূপ প্রত্যাশা করি ।

কাব্যের প্রথম সর্গ স্বর্গচ্যুত দেবপ্রধানদের সমাবেশের চিত্র । তিলোত্তমা-সম্ভব কাব্যের দ্বিতীয় সর্গে মধুসূদন অমুরূপ একটি ছবি এঁকেছিলেন । হেমচন্দ্র প্রত্যক্ষত সে-আদর্শের অনুবর্তী হয়েছেন । তিলোত্তমাসম্ভব মধুসূদনের অপরিণত রচনা । তবুও পরাভূত দেবতাদের ক্রোধ ও কোভের কথা বলতে গিয়ে তিনি তাদের চরিত্র-পার্থক্য নির্ণয়ের কিছু চেষ্টা করেছিলেন । সে চেষ্টা সামান্যই সফল হয়েছিল । শুধুমাত্র কবির মর্ত্যপ্ৰীতি কুবেরের ভাষায় আশ্চর্য মধুর স্বরে বেজেছিল ।

কঠিন হিয়া হেন কার আছে ?
কে পারে নাশিতে তোরে, জগৎজননি
বসুধে, রে ঋতুকুলরমণি, যাহার
প্রেমে সদা মত্ত ভাসু, ইন্দু—ইন্দীবর
গগনের ! তারা-দল যার সখী-দল !
সাগর যাহারে বাঁধে রজভূজ-পাশে ।
সোহাগে বাসুকি নিজ শত শিরোপরি
বসায় !

দুর্বল রচনারও বড় কবির প্রতিভার ছায়া ইন্দ্রিতে-ভক্তিতে প্রকাশ পায় ।

স্বন্দ, অগ্নি, বক্রণ, সূর্য, প্রভৃতি দেবগণের উত্তেজনাপূর্ণ ভাষণের মধ্যে তাদের চরিত্রবৈশিষ্ট্য প্রকাশ করতে হেমচন্দ্রও চেয়েছিলেন । স্বন্দে ব্যক্তিত্ব ও বীর্যের সমন্বয়, অগ্নিতে রক্ত ক্রোধ, বক্রণে অপ্রগল্ভ বিবেচনাবোধ, সূর্যে হিতাহিতবোধরহিত অসৈর্ষ্য । এভাবে ব্যক্তিত্বাত্ম্য সৃষ্টি করা সম্ভব

হয়নি হেমচন্দ্রের পক্ষে। তবে দেবসেনাপতিদের বক্তৃতায় সমকালীন স্বাধীনতা-ভাবনার উত্তেজনা কবি সঞ্চারিত করতে পেরেছেন। তবুও প্রথম সর্গে হেমচন্দ্র মধুসূদনের অক্ষয় অমুকারণক মাত্র। বর্ণনায়, ছন্দোময়ীতে বা চরিত্রভাবনায় রূপসিদ্ধি ঘটেনি এখানে।

দ্বিতীয় সর্গে হেমচন্দ্র বৃত্ত ঐন্দ্রিলাকে পাঠকদের সঙ্গে পরিচিত করিয়েছেন। কিন্তু সে প্রথম পরিচয়ে বিশ্বয় নেই, নাটকীয় চমৎকারিত্ব নেই। প্রচলিত রীতিতে একটি মদনোৎসবের লঘু তরল চিত্র রচিত হয়েছে। কবি দ্বিতীয় সর্গে মধুসূদন থেকে স্বতন্ত্র পথ ধরতে চেয়েছেন। একটিমাত্র সর্গে অমিত্রাক্ষর ছন্দ ব্যবহার করেই কবি বৈচিত্র্যপ্রয়াসী হয়েছেন। সে-ছন্দ পরিত্যাগ করেছেন। অবশ্য এ সর্গের লঘু চটুল ভাষা এবং তরল ছন্দ ভাবানুযায়ী হয়েছে সন্দেহ নেই। এক্ষেত্রে কবির উপরে ভারতচন্দ্রের প্রভাব পড়েছে।

কভু হাস্যরস করে উদ্দীপন, কোথায় বসন কোথায় ভূষণ
ঐন্দ্রিলা উল্লাসে অধীর হয়।

ক্ষণে পড়ে ঢলি পতির উৎসঙ্গে, ক্ষণে পড়ে ঢলি ফুলদল-অঙ্গে,
উৎফুল্ল বদন লোচনদ্বয় ॥

অমনি অপ্সরা হইয়া বিহ্বল, চলে ধীরে ধীরে তনু ঢল ঢল,
নেত্র করতল অলকা কাঁপে।

ঈষৎ হাসিতে অধর অধীর, অঙ্গুলি-অগ্রেতে অঞ্চল অস্থির,
টানিয়া অধরে ঈষৎ চাপে ॥

প্রভৃতি চরণগুলির সঙ্গে 'বিদ্যাসুন্দর'-এর সাদৃশ্য অনেকেই দেখতে পাবেন। ভারতচন্দ্রের প্রতি হেমচন্দ্রের আঁকার কথা এ প্রসঙ্গে স্মরণ করা যেতে পারে। অবশ্য মধুসূদনের কাব্য একেবারে ভুলে যাওয়া তাঁর পক্ষে সম্ভব ছিল না। তিনি চান বা না-চান, পারেন বা না-পারেন, মধুসূদনের প্রভাব তাঁকে প্রত্যক্ষত বা পরোক্ষত সর্বদা তাড়া করে ফিরেছে। এ সর্গে মদনের ভূমিকা এবং ঐন্দ্রিলার বিলাসসজ্জার পেছনে মেঘনাদবধের দ্বিতীয় সর্গের পার্বতী কর্তৃক শিবকে মোহিত করার চেষ্টার ছায়া পড়েছে।

হেমচন্দ্র বৃত্তসংহারের প্রথম সর্গে দেবদৈত্য সংগ্রামে দেবতাদের পরাভবের পটভূমি এঁকেছিলেন। আলোচ্য সর্গে কাহিনীগত সমস্তার সূচনা ঘটলো শচীকে দাসীরূপে পাবার জন্য ঐন্দ্রিলার দাবিতে।

তৃতীয় সর্গে বৃত্তের সভার বর্ণনায় পয়ার ছন্দের আশ্রয় নিয়েছেন কবি। স্বর্গাভিমুখে দেবসৈন্তের আগমনবার্তায় বৃত্তের বীরত্ব আফালন এবং রক্তপীড়ের যুদ্ধোত্তাপ প্রকাশ পেয়েছে। সুসজ্জিত সৈন্যবাহিনীর রণযাত্রার বর্ণনায় বীররস প্রকাশের কিঞ্চিৎ চেষ্টা আছে।

স্বর্গ-দ্বারে দ্বারে চলে দৈত্য মহারথী,
 হর্ষাক্ত বিপুলবক্ক পূর্বে কৈলা গতি ।
 ঐরাবণী—বল যার ঐরাবত প্রায়,
 পশ্চিমে চলিলা বেগে নদী যেন ধায় ।
 শঙ্খধ্বজ দৈত্য—যার শঙ্খের নিনাদে
 অমর কম্পিত হয়—উত্তর আচ্ছাদে ।
 দক্ষিণেতে সিংহজটা—সিংহের প্রতাপ
 চলিলা দুর্ধ্ব দৈত্য, ভয়ঙ্কর দাপ ।

ছন্দের ভঙ্গি বর্ণনার গতিকে লক্ষ্য করেছে । শব্দব্যাকারের অভাবে রণোন্মত্ত
 সৈন্যবাহিনীর উল্লাস এবং মেদিনীকম্প মত্ততা ভাষাবদ্ধ হয়নি, যদিও মেঘনাদবধ-
 কাব্যের প্রথম ও সপ্তম সর্গে রাক্ষস সেনাপতিদের যুদ্ধযাত্রার বর্ণনায় যে বর্ণাঢ্য
 গতিময়তা ফুটে উঠেছিল তার স্বর হেমচন্দ্রের ভাবনায় বাজছিল ।

এ সর্গ বৃত্তসংহারের কাহিনীকে বিশেষ এগিয়ে নেয় নি । চরিত্রের কোনো
 নূতন পরিচয় এর মধ্যে যেমন উল্লেখিত হয় নি তেমনি কোনো বিশেষ বর্ণনা-
 মৌক্যের জন্মও এ সর্গ লোভনীয় হয়ে ওঠে নি ।

ত্রিপদীর ঢঙে লেখা চতুর্থ সর্গে দৃশ্যপট নৈমিষারণ্যে স্থানান্তরিত । স্বর্গচ্যুতির
 যন্ত্রণা এবং মর্তবাসের অস্বস্তি প্রকাশ পেয়েছে শচী-চপলা সংবাদে ।

স্বপনে যতপি ছাই, সে কথা ভুলিতে চাই,
 দেবেরে স্বপন নাহি আসে !
 জাগ্রতে সে দেখি যাহা, চিত্ত দগ্ধ করে তাহা,
 প্রাণে যেন মরীচিকা ভাসে !
 নয়নের কাছে কাছে, সতত বেড়ায় আঁচে,
 স্বরণের মনোহর কায়া ।
 সকলি তেমতি ভাব, দৃষ্টিপথে আবির্ভাব
 কিঙ্ক জানি সকলি সে ছায়া !
 ভ্রান্তি, যদি হৈত কভু, কিছুকণ স্থখে তবু,
 থাকিতাম যাতনা ভুলিয়া ।
 পোড়া মনে ভ্রান্তি নাহ, দেবের কপালে ছাই,
 বিধি স্বজে অস্বপ্ন করিয়া !

স্বর্গের দেবতার চোখে স্বপ্ন নেই, বিভ্রম-বিলাস নেই—বাস্তব দুঃখ থেকে
 মুক্তি পাবার ছুটি গবাক্‌ই তার রুদ্ধ । এরূপ চিত্রে রোমাঞ্চিক কল্পনার বীজ
 আছে । তবে সে কল্পনা অমিশ্র নয় । 'ছাই' শব্দের বার বার ব্যবহারে
 লৌকিকতা যেমন প্রকট হয়ে পীড়িত করে, তেমনি—

অতি গাঢ়তর বায়ু, আই-টাই করে আয়ু,
 বুক যেন নিবদ্ধ নিগড়ে !

বস্তু ভাবনার স্থূলতা কল্পনার ভাবময়তাকে একেবারেই ছিঁড়ে ফেলে। এ জাতীয় জ্ঞানক্রিয়া খাঁটি কল্পনার সম্পূর্ণ বিরোধী।

বর্গ হারিয়ে শচীর হৃৎপ্রকাশ স্বাভাবিক। কিন্তু এখানে তা যে ভাব ও রীতি আশ্রয় করেছে তাতে তার চরিত্রের অন্তর্লীন মাহাত্ম্যের কতি হয়েছে। শচী চরিত্রের সে গভীর দীপ্তির কথা আগে বলেছি।

হেমচন্দ্রের ভাবনার একটা বড় অংশ বাস্তবজীবনের অভিজ্ঞতার ভাণ্ডার থেকে সংকলিত। যুদ্ধের ঘনঘটা এবং পৌরাণিক ভাব-পরিমণ্ডল ভেদ করে বাঙালির পরিবার জীবনের ছবি মাঝে মাঝে ভেসে এসেছে। তার সাজানো সংসার—সম্পদ, শয্যা, অলঙ্কার—বৃহজ্জায়া ঐন্দ্রিলার ভোগে লাগছে—একথা বারবার সে স্মরণ করেছে। তার ভাষায়ও বাঙালির পুরনারীর কথার সুর লেগেছে ‘এ নরক মম ভাগে, সখী, নাহি জানি আগে’ অথবা ‘রতির কপাল ভাল’ প্রভৃতি চরণগুলি এ প্রসঙ্গে মনে পড়বে।

মদনের কাছ থেকে বৃত্তের শচীহরণ বাসনার সংবাদ পেয়েছে সে এ-সর্গে। কাহিনী ঐক্যের স্বকঠিন নীতির দিক থেকে এ ঘটনার অপরিহার্যতার প্রশ্ন তোলা চলে। তবে মোটামুটি ভাবে এ সর্গ কাহিনী-বৃত্তের বাইরে নয়।

পঞ্চম সর্গের প্রারম্ভে শচীর চরিত্র ব্যক্তিত্ব বিশেষ করে স্বাধীনচিত্ততা কতকটা সাক্ষ্যের সঙ্গে প্রকাশ করেছেন কবি। জয়ন্ত প্রসঙ্গে শচীর মাতৃমূর্তি কিছু অসাধারণ নয়। তবে দু-একটি উপমা-চিত্রে গৌরব আছে, আছে কল্পনার বিস্তার।

তরু যথা নবোদগত কিসলয়রাজি,
বসন্ত-প্রারম্ভে ধরে নীলপীতে সাজি ;
নিদ্রা যথা ভূজঘর প্রসারণ করি,
ক্লাস্ত পরাণীয়ে রাখে বক্ষস্থলে ধরি ;
সুকৃতারা ধরে যথা নিশান্তে যামিনী ;
সেইরূপ ধরে পুত্রে ইন্দ্রের কামিনী ।

কবি একান্তভাবে শব্দচেতনহীন ছিলেন না, ‘ইন্দ্রের কামিনী’ কথাটির ব্যবহারে তা প্রমাণিত হয়।

এ সর্গে নৈমিষারণ্যের সৌন্দর্য বর্ণনায় বিশিষ্টতা আছে, ‘মানস-মোহকর নবজয়রাজি’ ইত্যাদি। চপলা মায়াবলে মর্তের অরণ্যে নন্দন-তুল্য সৌন্দর্য প্রকটিত করে তুলল। বনস্থলের আকস্মিক রূপান্তরের ছবি আঁকতে গিয়ে কবি অক্ষরবৃত্ত ত্যাগ করে কিছুকণের জন্য মাত্রাবৃত্তের মহলে পদ দিয়েছিলেন। মধ্যযুগীয় কাব্যরীতির আদর্শ এর পেছনে সক্রিয়। সে বর্ণনা প্রথাগত এবং জীর্ণ।

পঞ্চম সর্গের কাহিনী-সংশ শচীহরণে আগত দৈত্য সেনাপতি ভীষণের

অসুস্থ-হস্তে মৃত্যু বিবৃত হয়েছে। সে প্রসঙ্গে কিছু মামুলি বীর ও রৌদ্রসের প্রবেশ ঘটেছে। তবে তা অহুল্ল্যেখ্য।

চার সর্গ পরে ষষ্ঠ সর্গে আবার অমিত্রাকর ছন্দ। সর্গের আরম্ভেই দেবদানব যুদ্ধ। দেবসৈন্য নেতাদের বক্তৃতা শুনে নূতন উত্তমে অসুরাধিকৃত স্বর্গ আক্রমণ করেছে। এ সংবাদে বৃদ্ধ প্রচুর উত্তেজনা প্রকাশ করেছে। রুদ্রপীড় উল্লসিত হয়েছে। বীরখ্যাতি লাভের জন্তু সে যেন দিশাহারা। এমন সময়ে ভীষণের পতন-সংবাদ এল। বৃদ্ধ রুদ্রপীড়কে শচীহরণের জন্তু প্রেরণ করল। রুদ্রপীড় বিধাহীন চিন্তে, বরং সানন্দে এই পাপকর্মে নিযুক্ত হল এবং মিথ্যাচারের সাহায্য নিয়ে অবরোধী দেবসৈন্যদের বিভ্রান্ত করে নৈমিষারণ্যে চলল। রুদ্রপীড়কে মহাশক্তিধর রূপে আঁকা হয়েছে। কিন্তু এই তরুণ অসুরকুমারের প্রতি কবির কিছুমাত্র প্রীতি ছিল না। তাহলে হেমচন্দ্র তাকে এত অনায়াসে পাপকর্মে প্রবৃত্ত হতে দিতেন না। অবশ্য রুদ্রপীড়ের মুখে ব্যক্তিস্বাতন্ত্র্যের বাণী ভাষায় কিছু প্রাণচাঞ্চল্য এনেছে।

এ সর্গের শ্রেষ্ঠ অংশ বৃদ্ধের আত্মবিশ্লেষণ। বৃদ্ধের রণলিপ্সা যশোলিপ্সা নয়।

অন্ত সে লালসা,
নারি ব্যক্ত করিবারে বাক্যে বিণ্যাসিয়া !
অনন্ত তরঙ্গময় সাগর গর্জন,
বেলাগর্ভে দাঁড়াইলে, যথা সুখকর ;
গভীর সর্করীষোগে গাঢ় ঘনঘটা
বিছাতে বিদীর্ণ হয়, দেখিলে সে সুখ—

তখন অস্তুর যথা, শরীর পুলকি,
দুর্জয় উৎসাহে হয় সুখ বিমিশ্রিত,
সমর-তরঙ্গে পশি, খেলি যদি সদা,
সেই সুখ চিন্তে হার হয় রে উখিত।

বৃদ্ধের এই ভাবনায় বৈশিষ্ট্য আছে। মনোহীন প্রাকৃতিক ধ্বংসশক্তির সঙ্গে তার যে চরিত্র-সাদৃশ্যের কথা চরিত্র-বিশ্লেষণ প্রসঙ্গে বলেছি, এখানে তার প্রমাণ মিলবে।

উল্লিখিত অংশ ছাড়া এ সর্গে বর্ণনায় প্রাণ নেই, ছন্দ গতিহীন এবং সঙ্গীতহীন।

সপ্তম সর্গে দেবরাজ ইন্দ্রের সঙ্গে পাঠকদের প্রথম পরিচয়। নায়ক ইন্দ্র। তার এই উল্লিখিত আবির্ভাবের কারণ হুরধিগম্য। প্রথম ছয় সর্গ জুড়ে ইন্দ্রের জন্তু যদি কোনোরূপ আগ্রহ সৃষ্ট হত পাঠকের মনে তবে তার একটা অর্থ পাওয়া যেত।

ইন্দের নিয়তিপূজা, নিয়তির দর্শনদান এবং বৃদ্ধসংহারের কালনির্দেশ। নিয়তির পরামর্শে বৃদ্ধবধের উপায় জানতে ইন্দের কৈলাসযাত্রা—এ সর্গের কথাবস্তু। সূক্ষ্মদর্শী অবশ্যই প্রশ্ন করতে পারেন, এ সর্গের অবতারণা কেন? নিয়তি কোন্ কার্য সাধন করল? দীর্ঘদিন ধরে তার পূজার সত্যই কোনো প্রয়োজন ছিল কি? এতদিন ইন্দের কৈলাসে যাবার বাধা ছিল কোথায়? ইন্দ্র-নিয়তি-সংবাদ নিরপেক্ষ ভাবেই শিবের কাছ থেকে বৃদ্ধবধের উপায় জানা যেত। কাহিনীর দেহবিস্তার ছাড়া এ অংশের সার্থকতা প্রশ্নের বিষয়।

একটি কারণ অস্বীকার করা যায়। হেমচন্দ্র কোনো স্বযোগে নিয়তি চরিত্রকে উপস্থিত করতে চেয়েছেন কাব্য মध्ये। মেঘনাদবধকাব্যের ট্র্যাজেডিকেন্দ্রেও নিয়তিবাদ রয়েছে, কিন্তু তাকে মূর্ত করেন নি কবি। নিদ্রা তন্দ্রা স্বপ্ন—অনেককে দেহ দিলেও মধুসূদন নিয়তি বা বিধিকে রেখেছেন, দেহহীন, অজ্ঞাত এবং অজ্ঞেয়। হেমচন্দ্র নিয়তিকে দেবীরূপে মূর্ত করে তুলেছেন। বাংলাদেশের লোকপ্রিয় যাত্রায় আলুলায়িতকুস্তলা নিয়তি এবং তার গানের সঙ্গে অস্বাভাবিক অনেকেই পরিচিত। নিঃসন্দেহে সেখানে থেকে প্রেরণা পেয়েছেন হেমচন্দ্র। অবশ্য নিয়তির একটি নিরাসক্তরূপ গড়তে চেয়েছিলেন তিনি :

আবির্ভাব হৈলা আমি সন্মুখে তাঁহার
পাষণমূর্তি, দৃষ্টি অতি নিরদয়।
মাধুর্য কি সহৃদয়তা কিম্বা দয়ালেশ,
বদন, শরীর, নেত্র, গাত্র কি ললাটে,
ব্যক্ত নহে বিন্দুমাত্র,

এ রূপ-ভাবনায় অভিনবত্ব আছে। কিন্তু কৌতুকের ব্যাপার, দেবরাজ বলে ইন্দের প্রতি তার পক্ষপাত ঘটেছে :

কহিতে উচিত কিন্তু নহে সে আমার ;
তুমি না হলেও অন্তে জানিত না কিছু।
তুমি স্বরপতি ইন্দ্র—তোমায় কিঞ্চিৎ
ভবিতব্য গূঢ় লিপি করি প্রকটন।

কবি আপনার পরিকল্পনাটি আপনিই খণ্ডিত করেছেন।

অষ্টম সর্গে ইন্দুবালার পরিচয়। রুদ্রপীড় সম্বন্ধে চিন্তা, শচীর ভবিষ্যৎ ভেবে করুণা খুবই ইনিরে-বিনিরে-ফেনিয়ে প্রকাশ করা হয়েছে। কোমলতা, দয়া প্রভৃতি নানা সদগুণে কবি তাকে ভূষিত করেছেন। ইন্দুবালার চরিত্র বিশ্লেষণ অসম্ভব করেছি। বর্ণনার দিক থেকে এ সর্গে উল্লেখ্য কিছু নেই।

নবম সর্গে শচীহরণ। রুদ্রপীড়ের সঙ্গে দীর্ঘস্থায়ী যুদ্ধে অয়স্কের পতন। যে যুদ্ধবর্ণনায় বৈশিষ্ট্য কিছু নেই। কাশীরামদাসে, ধর্মমঙ্গলকাব্যে, ঈশ্বর গুপ্ত-রঙ্গলালে যুদ্ধের যে বর্ণনা পড়েছি হেমচন্দ্র তা থেকে স্বতন্ত্র নন, উন্নত তো

ননই। মেঘনাদবধের সপ্তম সর্গে এ বিষয়ে মধুসূদন সীমাবদ্ধ সাফল্য লাভ করেছিলেন। বাংলা কাব্যে যুদ্ধ প্রসঙ্গে তা-ই সাফল্যের সীমা। হেমচন্দ্রকে তা প্রভাবিত করতে পারে নি। বর্ণনা এত মামুলি এবং মৌখিক আশ্ফালন এত বেশি যে পেশাদারি যুদ্ধ-খেলা বলে মাঝে মাঝে মনে হয়। বর্ণনায় কবি প্রাকৃতিক ছর্ষোগের পরিমণ্ডল রচনা করে বীর-রৌদ্ৰ-ভয়ানক রসের আবেদন সৃষ্টি করতে চেয়েছেন।

উদ্গিরিল বিশ্বস্তরা গর্তস্থ অনল

অথবা

নিমেষে নিমেষ ভঙ্গ,

দগ্ধ গিরি-চূড়া-অঙ্গ.

অত্রিকুল ভয়াকুল ছাড়ে ঘোর রাব

এরূপ ছএকটি শব্দব্যাকারময় চরণ সাধারণ বর্ণহীনতার মধ্যে দৃষ্টি আকর্ষণ করে। হেমচন্দ্র মধুসূদনের স্তায় পৌরাণিক প্রসঙ্গ উল্লেখের সাহায্য নেন নি। দীর্ঘ বর্ণনার মধ্যে একবার গরুড়-সর্পকুলের সংঘর্ষের কথা, অন্যবার সমুদ্রজলে ভীমের সস্তরণের প্রসঙ্গমাত্র এসেছে।

তাই দিনব্যাপী যুদ্ধে স্তরের একঘেয়েমী দূর করে বৈচিত্র্য আনতে চেয়েছিলেন কবি। শচীর বাৎসল্য-কোমলতা সে স্থযোগ দিয়েছে। এ জাতীয় অতি-সরল চেষ্টার ফলশ্রুতি অগভীর হতে বাধ্য। সর্গের সমাপ্তিতে শচী মূর্ছিত পুত্রের জন্তু যে শোকপ্রকাশ করেছে তা-ও প্রকাশভঙ্গির জীর্ণ প্রথাগুণ্ডে পাঠকহৃদয় স্পর্শ করতে পারে নি।

দশম সর্গ বৃত্তসংহারের অন্যতম প্রধান অংশ। ইন্দ্রচরিত্র ব্যাখ্যান কালে সে কথা অনেকটা বলা হয়েছে।

এ সর্গে বর্ণনা-সাফল্যের নিদর্শন আছে। রামগতি স্তায়রত্ন হেমচন্দ্রকে 'অস্তরীকের কবি' অভিধা দিয়েছিলেন। প্রবীণ সমালোচকের আলোচনায় শিল্পবোধের বিশেষ পরিচয় পাঠকলেও এ মন্তব্যটিতে যথার্থ্য আছে। হেমচন্দ্র মহাশূন্তের বর্ণনায় সত্যই আসক্তি দেখিয়েছেন। বৃত্তসংহারে একাধিকবার এবং দশমহাবিচার মহাবিশ্বের চিত্রাঙ্কন মাঝে মাঝে 'সাব্লাইম'কে স্পর্শ করেছে। ইন্দ্র কুমেরু শৃঙ্গ ছেড়ে কৈলাসাতিমুখে যাত্রা করেছে। অস্তরীক পথের বর্ণনা থেকে অংশবিশেষ উদ্ধৃত হল।

অদৃশ্য ধরণী শেষ—বাসব যখন

ছাড়িয়া সূদূর নিরে এ সৌরজগৎ,

বায়ুবিরহিত ঘোর অনন্তের মাঝে

উত্তরিলি আসি ভীম কৈলাসপুরাতে।

শব্দশূন্ত, বর্ণশূন্ত, প্রশান্ত, গভীর,

ব্যাপ্ত সে ব্যোমদেশ, ব্যাস অস্তরীক,

বিকীর্ণ তাহার মাঝে ছায়ার আকার,
অনন্ত ব্রহ্মাণ্ড মূর্তি কোটি কোটি কত !
বিশ্বপ্রতিবিশ্ব হেন দশদিক্ যুড়ি
বিরাজিছে সে গগনে দেখিলা বাসব—
ফুটিতেছে, মিশতেছে, অনন্ত শরীরে,
মুহূর্তে মুহূর্তে কোটি জলবিষুবৎ ।

এ চিত্র ব্যাপ্ত এবং গম্ভীর । মানবভাবনাকে স্তম্ভিত এবং বিশ্বয়বিমূঢ় করে । কবির ভাষার স্বাভাবিক জড়তা কতকটা দূর হয়েছে এখানে । হেমচন্দ্রের অমিত্রাক্ষর ছন্দ স্বভাবত গতিহীন । উদ্ধৃত অংশে তা অনেক পরিমাণ গতিময় ও প্রাণময় হয়ে উঠেছে ।

রুদ্র ভয়ঙ্কর দৃশ্যের বর্ণনায়ও কবির আগ্রহ ছিল । সন্দেহ নেই শিবের নিম্নোক্ত প্রলয়মূর্তি ভাষারূপসিদ্ধ ।

ব্রহ্মাণ্ডের বিশ্ব যত শূন্যে মিশাইল,
পরশিল জটাজুট অনন্ত আকাশে,
গরজ্জিল শিরে গঙ্গা বিভীষণ নাদে ।
গর্জ্জিলা তেমতি, যথা হিমালি বিদারি
তাগীরথী ধায় মর্তে গোমুখী-গহ্বরে ;
জলিল ললাট-বহি প্রদীপ্ত-শিখায়—
বহ্নিময় হৈল সেই শূন্যব্যাপী দেশ ।
ধরিল সংহার মূর্তি রুদ্র ব্যোমকেশ
গর্জ্জিয়া সংহার-শূল করিলা ধারণ,
তুলিলা বিষণ তুণ্ডে—দীপ্ত শ্বেত তনু,
অনল-সমুদ্রে যেন ভাসিল মৈনাক ।

বলাবাহুল্য, মধ্য শক্তির কবির শব্দভাণ্ডারের দারিদ্র্যের প্রমাণও এর মধ্যে আছে । উদ্ধৃত এগারোটি পংক্তির মধ্যে গর্জন শব্দটি তিনবার, শূন্য, সংহার, দীপ্ত, বহ্নি প্রভৃতি শব্দ দুবার করে প্রয়োগ করা হয়েছে । অবশ্য এই ক্রটি সন্দেহও বর্ণনাটি সার্থক ।

এ সর্গের ন্যায় অন্যত্রও এ-জাতীয় চিত্রাঙ্কনে হেমচন্দ্র অল্পাধিক কৃতিত্ব দেখিয়েছেন । কিন্তু এটি তাঁর কবিপ্রবৃত্তির একটি গৌণ প্রবণতা । মনে হয় এ বাসনাটুকুই তাঁর মহাকাব্যচর্চার ফল এবং মহাকাব্য রচনার ক্ষীণ এবং একমাত্র অন্তর-প্রেরণা ; মধ্যবিত্ত জীবন-সীমা থেকে উর্ধ্বায়নের সূত্র । তবে খুবই স্বল্পস্থায়ী । কাজেই কতগুলি বিচ্ছিন্ন চিত্ররসসাকল্যেই মাত্র তাঁর অধিকার বর্তেছে ।

একাদশ সর্গে শচীকে স্বর্গে আনা হয়েছে । ঐন্দ্রিলা পুত্রের মুখে শচীর মৌন্দর্ঘ-মাহাত্ম্যের কথা শুনে আরও ক্রুদ্ধ হয়েছে । শচীকে অবিলম্বে দাশে

নিযুক্ত করবার সিদ্ধান্ত করেছে। ঐন্দ্রিলার রূপগর্ভ ও ঈর্ষা এই সর্গে যথাযোগ্য ভাবে প্রকাশিত।

সর্গের শেষভাগে শচীর অপমানে 'রুদ্রের ক্রোধাগ্নিচ্ছি' প্রকাশ পেয়েছে। হেমচন্দ্রের বর্ণনায় তার সার্থক চিত্ররূপ লক্ষ্য করবার মত।

সংহার-ত্রিশূলাকৃতি জ্যোতিঃ বায়ুস্তরে
 ভ্রমিতে লাগিল দীপ্ত বৈজয়স্ত পরে।
 চমকিল ব্যোমমার্গে ভাস্করের রথ ;
 অতল ছাড়িয়া কুর্শ উঠে অদ্ভবৎ ;
 বাহুকি গুটায় ফণা, মেদিনী কম্পিত ;
 উত্তাল উল্লোলময় সিদ্ধু বিধূনিত ;
 ভয়েতে ভুজঙ্গকুল পাতালে গজ্জয়,
 সগোজাত শিশু মাতৃস্তন ছাড়ি রয় ; ইত্যাদি।

ঘটনার গুরুত্ব পাঠকের মনে যে ভীতিজড়িত ভাবাবেগ সঞ্চারিত করেছে তা কতগুলি নৈসর্গিক প্রতিক্রিয়ার চিত্রমালা রচনার মধ্যে ধরে রাখা হয়েছে। এ-রীতি মধুসূদনের কাব্যে বহু ব্যবহৃত।

ছাদশ সর্গ। রুদ্রের ক্রোধাগ্নি শিখা প্রত্যক্ষ করে বৃত্র চিন্তাশ্রিত হয়েছে। সে চিন্তা অবশ্য খুবই বহিরঙ্গ। শিবের বরে প্রাপ্ত জয় ও রাজ্যসম্পদ পাছে তাঁর ক্রোধে হস্তচ্যুত হয় এই ভয় ছাপিয়ে গোটা অস্তিত্বের আর্তরব রুদ্রের ভাবনায় শ্রুত হয় নি। ঐন্দ্রিলা বৃত্রকে নানাভাবে উত্তেজিত করতে চেয়েছে। কিন্তু বৃত্র শচীর মুক্তির আদেশ দিয়ে শিবের ক্রোধোপশমের ব্যবস্থা করেছে। অবশ্য সর্গের শেষে বৃত্রের চরিত্র প্রসঙ্গে তাৎপর্যপূর্ণ ইঙ্গিত আছে। শিবের ক্রোধের কাছে আত্মসমর্পণ করে নিকরপায় বৃত্র অপমানের অন্তরজালা দেবধ্বংসী যুদ্ধে নিবারণ করতে চেয়েছে।

দস্ত কড়মড়ি দৈত্য, নিখাসে হকারি,
 ফিরিল আকুল-চিত্ত মস্ত্র সভাতলে !
 উচ্ছলিত হৃদিতল অশুভ চিন্তায়,
 ক্রোধে, তাপে, প্রজ্জ্বলিত রণক্ষেত্র হেরি,
 ভুলিতে চিত্তের বাধা সমর-প্রাসঙ্গে
 প্রতিজ্ঞা করিলা দৈত্য ; স্মিত্রে ডাকিয়া
 আজ্ঞা দিলা সেনাবৃন্দে সমরে সাজিতে।

এ সর্গে বিবৃত ঘটনা মহাকাব্যের আত্মসমর্পণ কাহিনী-বীজটির গুরুত্বপূর্ণ অংশ। তবে বৃত্রের প্রতিরোধহীন মতিস্বীকার কাহিনী-কেন্দ্রকে দুর্বল করে ফেলেছে।

ত্রয়োদশ সর্গের আরম্ভে অরণ্য প্রদেশে সন্ধ্যাসমাগমের চিত্র আছে। সাধারণভাবে সে বর্ণনা বৈশিষ্ট্যপূর্ণ নয় এবং কাব্যকাহিনী বা চরিত্রভাবনার দিক থেকে তাৎপর্যপূর্ণ নয়। ছু একটি উপমাচিত্রে রমণীয়ত্ব আছে। যেমন—

সন্ধ্যার তিমির

গাঢ়তর স্নেহে যেন দিয়া আলিঙ্গন,
আদরে ধরেছে সুখে অটবী-সখীরে।

সন্ধ্যার মহারণ্যে কোমল ছায়াবিস্তারে, খঞ্জোতদ্যুতিতে, পবন নিশ্বনে কবি কমণীয়তা অনুভব করতে চেয়েছেন এবং ঘনীভূত অঙ্ককারে, শ্বাপদগর্জনে, মহীকহের শাখা-জটিলতায়, পেচকের চীৎকারে ভীতিজড়িত ভাব আনতে চেয়েছেন। কিন্তু এ বৈচিত্র্যের অন্তরে কোনো ঐক্য নেই। এক স্বরগ্রাম থেকে অন্য স্বরগ্রামে হঠাৎ যাতায়াতে মনের তার ছিঁড়ে যায়। প্রকৃতি বিষয়ে কোনো নিবিড় ভাবঘনতা সঞ্চারিত হয় না।

(সন্ধ্যা বনপথে ইন্দ্র চলেছে দধীচি আশ্রমের দিকে। পথের মধ্যে দেব রমণীদের সঙ্গে তার সাক্ষাতের বর্ণনাটি কৌতূহলোদ্দীপক। অশ্বরের ভয়ে দেবসুন্দরীরা মর্তধামে বিবিধ বস্তু প্রাণীর ছদ্মবেশে আত্মরক্ষার চেষ্টা করছে। রাজের আবরণে তারা নিজ রূপ ধারণ করে আত্মবন্ধুস্বজনের সঙ্গে মিলিত হচ্ছে। এ জাতীয় কল্পনাকে imagination না বলে Fancy বলা যেতে পারে। কিন্তু কল্পনার ভিত্তিতে গহনতা না থাকলেও এর দ্বারা চিত্রাঙ্কনের কিছু রম্য সন্যোগ করে নিয়েছেন হেমচন্দ্র।

কেহ বা শিখণ্ডী-মূর্তি ছাড়িয়া সুন্দর
ধরিছে সুন্দরতর, সুর-বিমোহন
অপূর্ব অঙ্গনারূপ লাষণ্যমণ্ডিত।

... ..

কুরঙ্গিনী তনু ত্যজি কোন মনোরমা
কুরঙ্গলাঙ্গন নেত্রে তরঙ্গ তুলিছে,
তাপসের চিত্ত-হর। কোন সীমস্তিনী
ছাড়িয়া শাদ্দুল-বেশ, দেহে প্রকাশিছে
অনুপম চাক্রকাস্তি রতিকাস্তি ধিনি,

লক্ষণীয় কবি শিখণ্ডী কুরঙ্গিনীর পাশে শাদ্দুলকে বসিয়েছেন, কিন্তু যতিভঙ্গ হয় নি। কমণীয় সৌন্দর্য সমানই প্রকাশ পেয়েছে। কবি শাদ্দুলের চর্মবর্ণের চাক্রকাস্তির সঙ্গে সাহসে ভর করে কোনো সীমস্তিনীর দেহকাস্তিকে উপমিত করতে পারেন নি সোজা হুজি। কিন্তু ব্যঙ্গনায় সে সৌন্দর্য আভাসিত। হিংস্রতার সঙ্গে 'শাদ্দুল' শব্দের নিত্য ভাবানঙ্গকে কবি বাক্যবিষ্ঠাসে অতিক্রম করেছেন ঠিকই।

ত্রয়োদশ সর্গ কাহিনীর অতিপ্রয়োজনীয় অংশ। দধীচির আত্মত্যাগ এখানে বর্ণিত হয়েছে। বিষয় গৌরবে এ অবশ্যই বৃহৎ কথা। বর্ণনায়ও

কবি যে সে-মাহাত্ম্য অক্ষুণ্ণ রেখেছেন দধীচির চরিত্র ব্যাখ্যান প্রসঙ্গে তার কিছু পরিচয় দেওয়া হয়েছে। মহাভারতের মহাকবিকেও দধীচির আত্ম-বিসর্জনের পরিমণ্ডল রচনা করতে হয়েছিল সম্বন্ধে। আশ্রমের বর্ণনায় কৃষ্ণ-ঐশ্বর্য লিখেছেন :

‘নানাবিধ তরুরাজি ও লতাবিতানে যাহার সুধমা সম্পাদন করিতেছে, যাহাতে সামগানসদৃশ ষট্‌পদসমূহের সঙ্গীতধ্বনি জীবজীবক ও পুংক্ষোকিকুলের কলরব সহকারে উথিত হইতেছে, যাহাতে মহিষ, বরাহ, শুমর ও চমরগণ শাদ্দুল ভয় পরিত্যাগ করিয়া ইতস্ততঃ সঞ্চরণ করিতেছে, যাহাতে মদপ্রাবী করিগণ সরোবরে অবগাহনপূর্বক করেছকার সহিত ক্রীড়া করিতেছে, যাহাতে গুহা-কন্দরশায়ী সিংহ ও অন্যান্য বনচরগণ ঘনঘটার গায় ঘোরতর গজ্জর্ন করিতেছে, দেবগণ সেই স্বর্গসদৃশ শোভমান আশ্রমে প্রবিষ্ট হইয়া দেখিলেন, প্রভাকরপ্রভ দধীচি ঋষি পিতামহের গায় দীপ্যমান কলেবরে বিরাজ করিতেছে।’

ঐ অহিংস প্রশান্তির পরিবেশেই দধীচির অস্তিত্ব সত্য হয়ে উঠতে পারে। হেমচন্দ্র অবশ্য এ বর্ণনার প্রত্যক্ষ অনুসরণ করেন নি, কিন্তু একটি প্রগাঢ় প্রশান্তির ভাব তিনিও ফুটিয়ে তুলতে সমর্থ হয়েছেন। ভারতীয় তপোবনের ধ্যানগম্ভীর মহিমা কবির বর্ণনায় অপ্রকট থাকে নি।

অজিন-রঞ্জিত

শোভিছে কুটীর-দ্বার ; শ্রুতি-সুখকর
স্তুতিধ্বনি চারিদিকে উচ্চে উচ্চারিত ;
কোথাও ভাস্কর-স্তোত্র-ললিত-লহরী,
গায়ত্রী-বন্দনা কোথা সঙ্ঘা-আরাধনা,
বিশদ সুরেতে বেদ-সঙ্গীত কোথাও,
কোনখানে ‘মহিমনঃ’ মহাস্তব পাঠ !

এখানে নিঃসন্দেহে ‘প্রাচীরের কর্ণধর’ শোনা যায়।

দধীচির অহিংসামন্ত্রের উপদেশাবলী কিঞ্চিৎ বক্তৃতার মত মনে হতে পারে ; কিন্তু আশ্রম পরিবেশ, দধীচির আত্মদান প্রভৃতি পূর্বাপর প্রসঙ্গের সঙ্গে আশ্চর্য সঙ্গতির ফলে কোথাও শিল্পরূপের স্থলন হয়েছে বলে মনে হয় না। শিষ্যদের সাক্ষনেজে বিদায় দান মানবিক কারুণ্যমিশ্র কোমলতার সঞ্চার করে প্রসঙ্গের মহিমা বাড়িয়েছে।

দধীচির প্রাণদান চাইবার পূর্বে ইন্দ্রের সসঙ্কোচ ভাবনারও মাধুর্য ছিল, কিন্তু উপমাগত বিভ্রাটে তা নষ্ট হয়েছে। বলিদানের ছাগের সঙ্গে দধীচির তুলনা অনোচিত্যে দুষ্ট। ইন্দ্রের বক্তৃতাও কাগ ও ভাবোপযোগী নয়। মৌনই ছিল এ স্থানের একমাত্র বিশ্বয়বিমূঢ় স্বাভাবিক প্রতিক্রিয়া।

স্বর্গপুরে শচীর বাস এবং দেবতার পরাভব-দুঃখে কাতরতার চিত্র দিয়ে চতুর্দশ সর্গের আরম্ভ। বৃত্ত কর্তৃক প্রেরিত রতি শচীর মুক্তিসংবাদ নিয়ে এসেছে। শচী এই ভিষ্কার দান গ্রহণে অসম্মত হয়ে বলেছে—

শচী কি সে দানবের আজ্ঞাবহ দাসী,
আদেশে ছুটিবে তার বলিবে যেখানে ?
মোচন করিতে আমা নাহি কি সে কেহ,
অকূল অমরকূল থাকিতে এখানে ?
না রতি, কহ গে দৈত্যো, চাহি না উদ্ধার
সহিব এ কারাবাসে অশেষ যন্ত্রণা,
পতিহস্তে যতদিন মুক্তি নহে মম !

শচীর যে চরিত্রগৌরব এখানে প্রকাশ পেয়েছে তার কণামাত্র স্বর্গের বড় বড় বীর দেবসেনাপতিদের রণকৌশলে ফুটে ওঠে নি।

শচীকে নিজেদের মধ্যে বহুকাল পরে পেয়ে স্বর্গপ্রকৃতির আনন্দশিহরণ এ সর্গের প্রথম দিকে বর্ণিত। সে বর্ণনা ব্যর্থ নয়। কিন্তু এর ভিত্তিতে নিসর্গ সৌন্দর্যের কোনো নব রোমাটিক কল্পনা সক্রিয় এরূপ মনে করার কারণ নেই। তিলোত্তমাসম্ভব কাব্যের চতুর্থ সর্গে বিশ্বনিখিলের আদর্শ সৌন্দর্য-মূর্তিকে পেয়ে প্রকৃতির আনন্দ উৎসবের রমণীয় চিত্র আছে। হেমচন্দ্র সে আদর্শেরই অনুগমন করেছেন।

বন্দিনী শচীর মনে দেবপরাভবের তীব্র যন্ত্রণা কয়েকটি চিত্রে আশ্চর্য কোণে প্রতিফলিত। তরলমতি চপলা স্বর্গের ভাস্কর্য-সৌন্দর্যের বর্ণনা দিয়েছে। ইন্দ্র কর্তৃক নমুচি, পাকদৈত্য, বলাহর বধের মূর্তি শচীর চিত্তে তীক্ষ্ণ শেলবিদ্ধ করেছে। ইন্দ্রের পরাভব ও স্বর্গচ্যুতির সঙ্গে এই বীরস্ব-বিজয় ব্যঞ্জনায যে তুলনার সৃষ্টি করেছে ব্যাখ্যা করে না বললেও তার মর্মঘাতী প্রতিক্রিয়া পাঠকচিত্ত আলোড়িত করে তোলে।

পঞ্চদশ সর্গ যুদ্ধপূর্ণ। সে বর্ণনায় বিশিষ্টতা নেই। শুধু বৃত্তের মধ্যে দানবিক প্রলয়শক্তির উদ্বোধন সার্থক রূপ পেয়েছে।

ত্রিনেত্র ঘুরিল ঘন বহ্নিচক্রপ্রায়
উজলি বিশাল ভাল ; দস্তে হুঙ্কারি
বাডায়ে বিপুল বপু করিলা দীঘল—
দীঘল ভূধর মেরু যথা, কিম্বা যথা
ফণীন্দ্র বাহুকি সিদ্ধু-মস্থন-প্রলয়ে।
দাঁড়াইলা রণস্থলে দম্ভজেন্দ্র শূর ;
প্রসারি সঘনে বাহু, ঘন লক্ষ ছাড়ি,
প্রচণ্ড চীৎকার-ধ্বনি হুঙ্কারি নাসায়,
দূর শূন্যে দেহমান ধরিতে লাগিলা,

আছাড়ি আছাড়ি চূর্ণ কৈলা ক্ষণকালে
রথ অথ অস্ত্রকুল হৃদ্রে নিক্ষেপি ।

যখনই হেমচন্দ্র বৃজের এই বিশেষ রূপটির বর্ণনা দিতে চেয়েছেন, মোটামুটি সাকল্য এসেছে তাঁর ভাষাচিত্রে ।

এ দিনের যুদ্ধে দেবতারা বৃজের দানবিক বল এবং শিবদত্ত শূলের প্রভাবে শেষ পর্যন্ত পরাভূত হয়েছে । কিন্তু দেববীর্যে দানববাহিনী ধ্বংসপ্রায় হয়েছে দেখে জয়ী হয়েও বৃজ বিষণ্ণ চিত্তে স্বর্গে ফিরেছে ।

ষোড়শ সর্গে ঐন্দ্রিলা মোহিনী বেশ ধারণ করে বৃজ সকাশে চলেছে । উদ্দেশ্য শচীকে দাস্ত্র নিযুক্ত করায় নূতন করে বৃজকে স্বীকৃতি করানো । সর্গটির পরিকল্পনা অবাস্তর । কারণ ঘটনা এখানে গতিময় নয় । কোনো নূতন সম্ভাবনার দ্বার এখানে উন্মোচিত হয় নি । তাছাড়া এ জাতীয় বেশবিজ্ঞাস ও আদিরসাত্মক ভাবভঙ্গির বর্ণনা ছবছ দ্বিতীয় সর্গের অনুরূপ । ঐন্দ্রিলা চরিত্রের কোনো নূতন রূপ এর মধ্যে প্রকাশ পায় নি ।

সপ্তদশ সর্গের আরম্ভে সেনানীদের পতনে এবং দৈত্যকুলের অবক্ষয়ে বৃজ আক্ষেপ করেছে । মেঘনাদবধ কাব্যের প্রথম সর্গে রাবণের উক্তির প্রতিধ্বনি এর মধ্যে শোনা যায় । অবশ্য ট্র্যাজেডির মে-গভীরতা এখানে প্রত্যাশিত নয় ।

দেবতাদের বিরুদ্ধে যুদ্ধে রুদ্রপীড়ের সৈন্যপত্যা গ্রহণ, এবং মাতা-পত্নীর কাছ থেকে তার বিদায় আলোচ্য সর্গের বর্ণিত বস্তু । মধুসূদনের আদর্শ অনুসরণ করেছেন কবি । সেনাপতিরূপে রাবণ কর্তৃক মেঘনাদকে বরণ (প্রথম সর্গ), মন্দোদরী-প্রমীলার নিকট থেকে মেঘনাদের শেষ বিদায় দৃশ্য (পঞ্চম সর্গ) পাঠকের মনে পড়বে । পার্থক্য যা আছে তা চরিত্র-পরিকল্পনার স্বাতন্ত্র্যের আর মধুসূদনের বর্ণনায় ক্লাসিক সংঘম থাকার ফল ।

হেমচন্দ্র রুদ্রপীড়কে কেন্দ্র করে করুণ রসের পরিমণ্ডল গড়ে তুলতে চাইছেন । কিন্তু ঘটনাবিজ্ঞাসে একান্তভাবে পূর্বসূরীর অনুসরণ করায় তাঁর মে প্রচেষ্টা আর গভীরভাবে বিশ্লেষণের যোগ্য থাকে নি ।

অষ্টাদশ সর্গে কাব্যকাহিনী বিকশিত হয়েছে । শচী-ইন্দুবালার আলাপে সর্গের আরম্ভ । যুদ্ধের বেশে সেজে সশস্ত্র পরিচারিকাদের নিয়ে ঐন্দ্রিলা প্রবেশ করল এবং শচীকে পদাঘাত করতে উদ্বৃত্ত হল । এমন সময়ে অগ্নি এবং জয়স্তের নাটকীয় উপস্থিতি । ভীষণ যুদ্ধে দৈত্যদের পরাভূত করে স্বর্গের একাংশ তারা অধিকার করেছে এবং শচীকে উদ্ধার করতে এসেছে । ঐন্দ্রিলা কিন্তু ভীত হল না, খড়্গ নিয়ে তাদের আক্রমণ করল । জয়স্ত এবং অগ্নি নারীদেহে অস্ত্রাঘাতে দ্বিধা করতে লাগল । তখন জলন্ত মহাশূল হস্তে

শিবদূত বীরভদ্র এসে শচীকে মুক্ত করে নিয়ে গেল। স্বমেরু শিখরে শচীকে রাখা হল ঐন্দ্রিলা-বৃত্রের নাগালের বাইরে। ইন্দুবালী শচীর কাছে আশ্রয় পেল।

শচীকে স্বর্গোদ্ধারের পূর্বেই উদ্ধার করে কবি কাহিনীভিত্তিকে কতকটা শিথিল করে ফেলেছেন। কিন্তু ঐন্দ্রিলার প্রবৃত্তিকে তিনি এরূপ অপ্রতিরোধনীয় করে তুলেছিলেন যে শচীর গৌরব অক্ষত রাখার অন্ত কোনও উপায় কবির ছিল না। অবশ্য এরূপ ঘটনাসঙ্কি কবির বিদ্যাসগত ক্রটির পরিচয় দেয়। ইন্দ্রের স্বর্গোদ্ধার চেষ্টার পেছনে যে মানবিক কারণভিত্তি তিনি গড়ে তুলেছিলেন তা পূর্ব থেকেই অপসৃত হওয়ায় গল্পের জোর নিঃসন্দেহে কমেছে।

স্বর্গের সূচনায় ইন্দুবালীর কাছে শচী স্বর্গের পূর্বতন সৌন্দর্য ও মহিমার বর্ণনা দিয়েছে। কিন্তু এই বর্ণনার মধ্যে একমাত্র উল্লেখ্য অংশ হল সৃষ্টি রহস্যের কথা।

কিরূপ উজ্জল

কনক-নির্মিত ব্রহ্মার কমল,
সতত চঞ্চল কারণ-জলে।
কিবা অদভূত সে রেণু-সমুদ্র ;
বীচিমালা তায় কি বিপুল, ক্ষুদ্র,
কত অপরূপ সৃজনের লীলা
প্রকাশ তাহাতে ; কিরূপ চঞ্চলা
পরমাণুময়ী মহী সে জলে।

কবি হিন্দু পৌরাণিক সৃষ্টিতত্ত্বের সঙ্গে উনবিংশ শতাব্দীর বিজ্ঞান ভাবনাকে যুক্ত করেছেন।

উনবিংশ সর্গ বৃত্রসংহারের অন্ততম সার্থক অংশ। বিশ্বকর্মার কর্মশালায় ইন্দ্রের উপস্থিতি এবং বজ্র নির্মাণের বর্ণনা এ সর্গে স্থান পেয়েছে। এ প্রসঙ্গে হেমচন্দ্র মধুসূদন এবং হোমরের কাছে কতটা ঋণী তার পরিচয় দিয়েছি 'টীকা ও মন্তব্য' অংশে। প্রভাবের কথা যেনে নিয়েও বলতে হবে কবি গভীরের বিপুলের আবেদন সৃষ্টিতে ব্যর্থ হন নি। কবির অমিত্রাকর ছন্দ ভাবনায় যে মৌল ক্রটি ছিল, ব্যাকরণময় শব্দ চয়নে তা অনেকটা আবৃত হয়েছে। কবির তৎসম শব্দ চয়নের ভূমিকা এ দিক দিয়ে লক্ষ্য করবার মত।

প্রকাণ্ড মৃদগর-ধ্বনি কোটি কোটি ঘন,
পড়িছে আঘাত শূন্য, নিনাদি বিকট—
সহস্র বাসুকি-গজ্জ ভয়ঙ্কর বধা,
দধ-ধাতু স্রোত বেগে ছুটিছে সলিলে।

তবে কিছুদূর পড়লেই কবির শব্দ ভাঙার যে যথেষ্ট ধনী ছিল না বোঝা যায়। শব্দের পুনরুজ্জীবনের মাত্রা সতর্ক শ্রুতিতে বিধবে। কবির উপমা-চিত্রগুলি মাঝে মাঝে বর্ণবস্ত্র হয়ে উঠেছে। অবশ্য অল্পবর্ণের তুলনার চোখ ধাঁধানো অগ্নিময় ঔজ্জ্বল্যের প্রাধান্য লক্ষণীয়। আবার স্থিতিশীল ছবির চেয়ে গতিময় ছবি আঁকতেই তাঁর বেশি উৎসাহ। বর্তমান প্রসঙ্গে দু' একটি বিশ্বয়মথিত চিত্র উপহার দিয়েছেন কবি। যেমন—

কোনখানে ধূমবর্ণ লৌহ-ধাতুরাশি
পশিছে পৃথিবী-গর্ভে,— শত শত যেন
মহাকায় অজগর পুচ্ছে পুচ্ছে বাধি
ছুটিছে মহীজঠরে।

কিন্তু একই প্রসঙ্গে বেশ কয়েকবার সাপের উপমা ব্যবহার করায় কবির উদ্ভাবনী শক্তির সীমাবদ্ধতা প্রকাশিত হয়েছে।

বিংশ সর্গে রুদ্রপীড়ের ভীষণ যুদ্ধ এবং দীর্ঘকাল অল্পস্থিতির পরে ইন্দ্রের যুদ্ধস্থলে আগমন বর্ণিত। যুদ্ধবর্ণনার দৈর্ঘ্য এবং পুনরুক্তিতে বৃত্তসংহার কাব্যটিকে মাঝে মাঝেই ক্লাস্তিকর বলে মনে হয়। ইন্দ্রের আগমনে রুদ্রপীড়ের অবশ্য মৃত্যু-সম্ভাবনায় দেবসৈন্যে আনন্দ কলরব উত্থিত হল। সূমেরু শিখর থেকে শচী সেই আনন্দধ্বনি শুনে উৎফুল্ল হয়ে উঠল।

সহস্র বদন চাহিয়া চপলা
কহে শচী “সখি, গেল চিত্তমলা
জুড়াল হৃদয়, নয়ন মন।”
বলি, অকস্মাৎ চাহি ইন্দুবালা
মলিন-বদনে, শচী শিহরিল। ;...

এই শেষ কথা কয়টির মধ্যে যে করুণ মাধুর্যের স্পর্শ এনেছেন কবি, তার জগ্ন্য তিনি অবশ্যই প্রশংসিত হবেন। গোটা সর্গে উল্লেখ করবার মত আর কিছুই নেই।

একবিংশ সর্গের বিষয়বস্তু বৃত্তের ভাগ্যালিপিখণ্ডন। কালপূর্ণ না হতেই বৃত্তের পূর্বনির্ধারিত ভাগ্যের বদল হয়েছে। সেজগ্ন্য দেবলোকের উর্ধ্বতম স্তরে সর্বোচ্চ পর্যায়ে যে কর্মতৎপরতা দেখা গিয়েছে তার মধ্যে মেঘনাদ বধ কাব্যের দ্বিতীয় সর্গের বহিরঙ্গ প্রভাব লক্ষ্য করা যায়। স্বয়ং পার্বতী ব্রহ্মা-বিষ্ণু-মহেশ্বরের সম্মিলন ঘটিয়ে এই দুর্কৃত্য কর্ম সম্পাদন করেছেন।

ঐহেমচন্দ্রের দেবকল্পনা অবশ্য মধুসূদনের ভানরাজ্য থেকে বহু দূরবর্তী। মধুসূদনের দেবতারা তাঁর প্রকার পাত্র নন, হিন্দুর জাতীয় সংস্কারের বশীভূত হয়ে তিনি দেবচরিত্র রচনা করেন নি। গ্রীক প্যাগান আদর্শ, নব্যযুগের দৈবী

অবিশ্বাস এবং স্বর্গের বিরুদ্ধে মানবতার বিজ্রোহের সুর তার মধ্যে ধ্বনিত। হেমচন্দ্রের উপরেও হোমরের কিঞ্চিৎ প্রভাব পড়েছে। বিশেষ করে ভাগ্যদেবের ভাগ্যমানচিত্র দর্শনপর মূর্তির কল্পনা জুসের ভাগ্য-মানদণ্ডের দিকে স্থিরদৃষ্টিতে বসে থাকার সঙ্গে অবশ্যই তুলনীয়। হিন্দু বিশ্বাসানুযায়ী শিবের ধ্যানস্থ রূপই হেমচন্দ্রের কাব্যে প্রত্যাশিত ছিল। কিন্তু দেখা যাচ্ছে হেমচন্দ্রের শিব কোথাও দর্শনশাস্ত্রের তত্ত্বব্যাখ্যাতা অধ্যাপক, কোথাও ভাবুক দর্শক। বিশ্ব-সংহারলীলার একটি প্রতিক্রম বা মডেলের দিকে তিনি তাকিয়ে আছেন, কতকটা গবেষণাগারের বিজ্ঞানকর্মীর মত। অলিম্পাস অথবা ইডা পর্বতশিখরে উপবিষ্ট জুসের মূর্তি হেমচন্দ্রের মনের কোণে জাগ্রত ছিল।)

তবে হেমচন্দ্রের দেবতারা খাঁটি হিন্দুর ভক্তি ও বিশ্বাসের স্বর্গে আসীন। এখানে সেখানে আধুনিকতার স্পর্শ কিছু লাগলেও তাদের মূল পৌরাণিক রূপের প্রতি কবির অবিচল আনুগত্য। এই দেবতারা সৃষ্টি-স্থিতি-প্রলয় সংগঠন করে থাকেন। এতাদের ঘিরে কবি আবার অন্তরীকলোক এবং বিশ্বলীলাবর্ণনার স্ফোয়গ করে নিয়েছেন। মহাশূন্য এবং গ্রহ-নক্ষত্র লোকের বর্ণনায় কবির স্বাভাবিক প্রবণতা এখানেও সক্রিয়। আংশিক সাফল্য থেকে এই সব বর্ণনাংশ ভ্রষ্টও নয়। কিন্তু কবির ভাবনা বহুচারি ছিল না। এবং কল্পনার ডানায় বিশ্বপরিভ্রমার শক্তি ছিল না। ফলে একঘেয়েমি এসেছে। অনন্ত অসীমে বিশ্ববিশ্বের বৃহদ চাকল্য অথবা নৈসর্গিক মৃত্যুপ্রলয় রঙ্গ—বারংবার একই জাতের প্রসঙ্গ উত্থাপিত হওয়ায় পাঠকচিত্তের কৌতূহল ক্লান্ত হয়ে পড়ে। কবির বর্ণনায় ভক্তিরসের কিঞ্চিৎ স্পর্শ আছে। পূর্ণব্রহ্মা এবং ত্রিদেবকল্পনার সমন্বয়চেষ্টা ব্রাহ্মসমাজের প্রভাবের যুগে হিন্দু চিন্তাধারার বৈশিষ্ট্য সূচিত করে। ব্রহ্মলোকের বর্ণনায় কবি কিছুটা নিরাকার-সাকার তত্ত্বের ব্যাখ্যা করতে চেয়েছেন।

ভাগ্যদেবের ছবিতে কবির ভাবনাদৈগ্য় সবচেয়ে বেশি প্রকট হয়ে উঠেছে। আসলে ভাগ্য বিষয়ে তিনি কোনো অকৃত্রিম চিন্তা বা উপলব্ধিতে পৌঁছতে পারেন নি। নিয়তির যাত্রাধর্মী চরিত্রাকনের পরেও তিনি ভাগ্যদেবের একটি স্বতন্ত্র মূর্তি গড়ে এই দুই কল্পনাকে নিঃসম্পর্কিত করে ফেলেছেন। অনেকটা ভারতীয় ভবিষ্যদ্বক্তা জ্যোতিষীদের স্মাদর্শে চরিত্রটি আঁকা হয়েছে। তার সামনের ভাগ্যমানচিত্রটি আসলে বিশ্বকোষ্ঠির মত একটা বস্তু। কিন্তু কর্মফল ভাগ্যের নিয়ন্ত্রা। বৃজের পাপেই তার পতন। পাপের শাস্তা ভগবান ভাগ্যালিপি খণ্ডন করেন—হেমচন্দ্র এরূপ একটা কথাই বলতে চেয়েছেন।

ষাণ্মিশ সর্গে রুদ্রপীড়ের মৃত্যু বর্ণিত। কাব্যকাহিনী সমাপ্তিমুখি। বিশেষ করে এই সর্গের বিষয়বস্তুর অহুরোধে ছন্দের গাভীর্ষ প্রত্যাশিত ছিল। সর্গের গোষ্ঠার ঐচ্ছিকা চরিত্রের প্রগল্ভতা অকারণে আবার দেখা দেওয়ার

এর বিষয়গুরুত্বের হানি ঘটেছে এবং সামগ্রিক বেদনারসের উপযুক্ত পটভূমি গড়ে ওঠে নি।

ঐন্দ্রিলা ছলনার আশ্রয়ে শচীপ্রসঙ্গ ব্যক্ত করতে চেয়েছে এবং ইন্দুবালার হরণবার্তা বৃত্তকে জানিয়েছে। শচী কাহিনীর কেন্দ্র থেকে অপসৃত হওয়ায় ঐন্দ্রিলায় চরিত্রগুরুত্বও নেপথ্যে সরে গিয়েছে। কারণ এ কাব্যে তাঁর মহিষীপরিচয়, জননীপরিচয় প্রাণবন্ত হয়ে ওঠে নি। শচীবৃত্তান্ত শেষ হওয়ায় ঐ দুই পরিচয়েই কাহিনীভূমিতে দাঁড়াতে পারত ঐন্দ্রিলা। এই সর্গে ঐন্দ্রিলায় ঈর্ষা-ছলনাময় প্রগল্ভ চরিত্রভঙ্গি আবার প্রকাশ পাবার কোনরূপ স্বাভাবিক সুযোগই ছিল না।

রুদ্রপীড়ের বীরত্বের বিস্তারিত বর্ণনা বিংশ সর্গে দেওয়া হয়েছে। কবি তাতেও তৃপ্ত হন নি। তার যুদ্ধের বর্ণনা আবার ফেনিয়ে তোলা হয়েছে এই সর্গে। হেমচন্দ্রের মাত্রাবোধের অভাব ছিল। কোথায় থামতে হবে শিল্পসৃষ্টির সেই রহস্যটির সন্ধান তাঁর জানা ছিল না। অবশেষে ঈন্দ্রের হাতে রুদ্রপীড়ের মৃত্যু হল। ইন্দ্র এই সুযোগে প্রচুর শিভাল্পির পরিচয় দিল। কবি রুদ্রপীড়ের মৃত্যুবর্ণনাকে করুণ রসের আকর করে তুলতে, আকর্ষণীয় রূপ দিতে চেষ্টা করেছেন। কিন্তু জীবনে বা মৃত্যুতে রুদ্রপীড় কখনই পাঠকচিত্তের অন্তরমহলে প্রবেশপথ খুঁজে পায় নি।

ইন্দুবালাপ্রসঙ্গে বৃত্তের স্নেহকোমল একটি উক্তি লক্ষ্য করবার মত। বৃত্তের মধ্যে বাঙালি পরিবারের বৎসল খশুরের রূপ এবং ঐন্দ্রিলায় মধ্যে নিষ্ঠুরা শাশুড়ির রূপ কল্পনা করতে চেয়েছিলেন হেমচন্দ্র। হেমচন্দ্রের পুরাণাশ্রিত মহাকাব্যের উৎসে বাঙালির পরিবার-ধর্মের প্রভাব অকিঞ্চিৎকর ছিল না।

রুদ্রপীড়ের মৃত্যুসংবাদ এবং পরিচ্ছদাদি বহন করে বৃত্তসভায় সারথির আগমন ত্রয়োবিংশ সর্গের বর্ণিত বিষয়। পুত্রের মৃত্যুতে বৃত্তের খেদ, ঐন্দ্রিলায় ক্রোধশোকমিশ্র উত্তেজনা, স্বর্গবাসী অমরদের যুদ্ধসজ্জার বর্ণনায় এ সর্গ পূর্ণ।

এই সর্গের সবচেয়ে উল্লেখযোগ্য বিষয় হল মধুসূদনের ব্যাপক অম্লসরণ। মেঘনাদবধকাব্যের প্রথম সর্গে রাবণের কাছে বীরবাহুর মৃত্যু সংবাদ এসেছিল। সপ্তম সর্গে মেঘনাদের মৃত্যুসংবাদ। এই দুটি ঘটনাসঙ্ঘির অম্লরূপ পরিস্থিতি এখানে গড়ে তুলেছেন কবি। ভগ্নদূত মৃত বীরবাহুর বীরত্ব বর্ণনা করে রাবণের শোকসাগর উদ্বেলিত করে তুলেছিল। বহ্লিকও একই সুরে রুদ্রপীড়ের যুদ্ধনৈপুণ্যের কথা বলেছে :

স্মৃত আমি, কি বণিব, কি জানি বণিতে,

সে কার্মুক-ক্রীড়াভঙ্গী...। ইত্যাদি।

বীরবাহুর মৃত্যুতে চিত্রাঙ্গদা এবং মেঘনাদের মৃত্যুতে মন্দোদরী রুকোমভায় প্রবেশ করে শোকপ্রকাশ করেছে। এই আদর্শে বৃত্তসমীপে অশ্রুমুখী ক্রুদ্ধ ঐন্দ্রিলাকে এনেছেন হেমচন্দ্র। তাছাড়া ঐন্দ্রিলায় প্রতিহিংসা গ্রহণের বাসনা

যে ভাষায় প্রকাশ পেয়েছে তার সঙ্গে মধুসূদনের 'নীলধ্বজের প্রতি জনা' পত্রের (বীরাননা কাব্য) জনার উক্তি তুলনীয়। রাবণ যে ভাষায় মন্দোদরীকে সাশ্বনা দিয়েছিল অনেকটা একই ধরণের ভাষায় বৃজাসুর ঐন্দ্রিলাকে শাস্ত করতে চেয়েছে।

মধুসূদনের প্রত্যক্ষ অহুগমনের মাত্রা এ সর্গে একটু বেশি। ফলে রসিক পাঠক ফুলনার ভাবটিকে কিছুতেই মন থেকে সরাতে পারেন না। ত্রয়োবিংশ সর্গে হেমচন্দ্রকে তাই একান্ত জলো বলে মনে হয়।

সর্গশেষে চরমযুদ্ধে দানবদের প্রস্তুতির দৃশ্যটি কবির নিজের ভাবনার পথ ধরেছে। এখানে পারিবারিক রসের স্নেহকোমলতা ক্ষয়িত। আসন্ন সর্ষধ্বংসী পরিণতির পটভূমি হিসেবে এই স্নেহাত্ম পরিস্থিতিটি তাৎপর্যপূর্ণ। অবশ্য বর্ণনামৌর্ধ্বে কিছু অসাধারণ নয়।

চতুর্বিংশ সর্গের বিষয় বৃহ-বিনাশ। সর্গারম্ভে ইন্দ্রের নেতৃত্বে দেবসেনাদের সোৎসাহ রণসজ্জার বর্ণনা। বজ্রের শক্তি অহুভব করে দেবতারা উল্লসিত হল। কিন্তু কাল পূর্ণ না হলে বৃত্রনাশ সম্ভব হবে না শুনে তারা বিমর্ষ হল। এমন সময়ে শিবদূত বৃত্রের ভাগ্যালিপি খণ্ডনের সংবাদ নিয়ে এল। অবশেষে দেবদানবের ঘোরতর যুদ্ধে দানবদের পরাজয় ঘটল, বৃহ বজ্রাঘাতে নিহত হল।

যুদ্ধের দীর্ঘস্থায়ী বর্ণনায় কবি নূতনতর শক্তির পরিচয় দিতে পারেন নি। শুধুমাত্র বৃত্রের প্রলয়শক্তির ছবি আঁকায় কৃতিত্ব দেখিয়েছেন। সে কথা আগে বলেছি।

দেবতাদের শিবিরে আভ্যন্তরীণ কলহের কিছু পরিচয় এ সর্গের প্রথম দিকে প্রকাশ পেয়েছে। ইলিয়াড কাব্যের আকিলিস ও আগামেমননের কলহের কথা এ প্রসঙ্গে মনে আসতে পারে। কিন্তু ভারতযুদ্ধে যুধিষ্ঠির-অর্জুনের মধ্যেও তীর মতাস্তরের ছবি ব্যাসদেব এঁকেছিলেন। এক্ষেত্রে হেমচন্দ্র হোমরের দ্বারাই প্রভাবিত এমন কথা নিশ্চিতভাবে বলা যায় না। ইন্দ্র চরিত্রকে নানা দিক থেকে আলো ফেলে গৌরবাধিত করতে চেয়েছিলেন হেমচন্দ্র। সূর্ষের সঙ্গে বিতর্কের উদ্ভাবনা সে কারণেই।

দেবশিবিরে বিবাদ প্রসঙ্গে কবি বাঙালি পরিবারের দিকে দৃষ্টিপাত করেছেন।

তাদের (৩) সম্প্রীতি কত সোদরে সোদরে,
কতই সখ্যতা স্নেহ আত্মীয় স্বজনে,
সৌভাগ্য সে যতদিন। সৌভাগ্য ফুরালে
সূর্ষের সংসার ছার—শার্দূল-কলহ
আত্মীয়-কলহে গৃহে। ভ্রাতৃত্ব উচ্ছেদ।

ভাষা এখানে গঢ়াঢ়াক। কিন্তু কবির মনের দিগদর্শনের দিক থেকে উল্লেখযোগ্য।

যুদ্ধ ও মৃত্যুর ঘনঘটার কবি একটি লঘুতরল কল্পনাবিলাসের অবকাশ করে নিয়েছেন। বজ্র এবং ইন্দ্রসহচরী চপলার প্রথম দর্শন, প্রণয় এবং বিবাহ সঙ্গতভাবেই নবীনচন্দ্র সেনের ব্যঙ্গের বিষয় হয়েছিল।*

এ সর্গেও কবি একবার মহাকাশের বর্ণনার সুযোগ করে নিয়েছেন। শূন্য-লোকবাসী প্রাণীগণ দেবাসুরের চরম যুদ্ধ দেখতে সমাগত। হেমচন্দ্র অস্তরীকের ছবি আঁকার এই অবকাশটুকুকে ব্যর্থ হতে দেন নি।

সে রণ দেখিতে

খুলিল ব্রহ্মাণ্ডদ্বার অম্বর সাজায় ;
নানাবর্ণ হেম, মণি, প্রবাল, অয়স,
রচিত বিচিত্র কত গবাক্ষ, তোরণ,
কত দিব্য বাতায়ন খুলে চন্দ্রালোকে,
ছড়ায় বিমানপথে চন্দ্রালোক-শোভা।
সূর্যালোকে কত কোটি বাতায়ন, আহা ;
খুলিল অতুলমূর্তি লোম-হর্ষকর,
অদ্ভুত সৌন্দর্য-রশ্মি প্রকাশি গগনে। ইত্যাদি।

এ ছবিতে রঙ আছে। তবে কবির শব্দভাণ্ডারটি সীমাবদ্ধ হওয়ায় একই শব্দের পুনরুক্তি প্রতিরম্যতায় হানি ঘটিয়েছে।

পাঁচ

বৃজসংহারের কব্যপরিচয় নেওয়া হল। এর সাহায্যে কবির কাহিনীগঠন এবং বর্ণন-নৈপুণ্যের সামগ্রিক বিচার করা সহজ হবে।

হেমচন্দ্র দেবদানব সংগ্রামের রাঙনৈতিক রণনৈতিক পটভূমির কেন্দ্রে শচীহরণকে স্থাপিত করে একটি মানবিক রসপুঞ্জ কাহিনী গ্রন্থনের চেষ্টা করেছিলেন। শচীহরণের সঙ্কল্প ও চেষ্টা থেকে শুরু করে শচীকে বন্দী করে স্বর্গে নিয়ে যাওয়া; ঐন্দ্রিলার ঈর্ষান্বিত এবং মহাদেবের ক্রোধ; বৃজের পাপ এবং ইন্দ্রের আদর্শবাদের সঙ্গে ব্যক্তিগত, হৃদয়গত, উদ্দেশ্যের (পত্নীকে অপমান থেকে উদ্ধার করা) সংযোগ কাহিনীকে ঘনীভূত করে তুলতে পারত। কিন্তু শচীকে স্বর্গোদ্ধারের পূর্বেই নিরাপদ স্বমেক শূন্য স্থানান্তরিত করে, গল্পের গ্রন্থি একেবারেই মোচন করা হয়েছে।

গল্পকথনের ভঙ্গিটিতে কারুকার্য নেই। পাত্রপাত্রীকে প্রয়োজনমত উপস্থিত করানো এবং দীর্ঘকাল অনুপস্থিত রেখে কোতূহলকে তীব্র করে তোলার বহুমুখি নৈপুণ্যের সন্ধান পাই না। প্রতিটি সর্গ নাটকের দৃশ্যের স্রায় স্থানিক

* আমার জীবন : নবীনচন্দ্র সেন।

সীমায় বদ্ধ। কাব্যে দ্রুত স্থান পরিবর্তনের যে সুযোগ আছে, স্বর্গ-মর্ত-
রসাতল পরিক্রমার যে অবাধ স্বাধীনতা আছে হেমচন্দ্র তাকে কাজে লাগাবার
কথা চিন্তাও করেন নি। ঘটনা এবং বর্ণনার মধ্যে ভারসাম্য রক্ষার চেষ্টা তিনি
করেছেন। তবে কোনো কোনো সর্গের পরিকল্পনা ঘটনা এবং বর্ণনার দিক
থেকে যে অবাস্তব ভার বাড়িয়েছে তাতে সন্দেহ নেই। হেমচন্দ্রের মহাকাব্যের
অভির্দৈর্ঘ্য শুধুমাত্র কাহিনীর জটিলতা ও বিস্তারের জন্তই নয়, অনেকখানি
অপ্রয়োজনীয় প্রসঙ্গের সংযোজন এবং বর্ণনার পুনরুক্তির ফলে ঘটেছে। কবির
ভাষাভঙ্গি অথবা বিষয় উত্থাপন-কৌশলে নাটকীয়তা নেই। নাট্যচেতনা
রচনারীতিতে সঞ্চারিত হলে কাব্যের আশ্বাদে গুণগত সমৃদ্ধি ঘটতে পারে।
সে বিষয়ে হেমচন্দ্রের কোনো ধারণাই ছিল না।

হেমচন্দ্রের বর্ণনায় প্রণয়রস একান্ত তরল ইন্দ্রিয়াসক্ত স্থূলতায় পর্যবসিত।
যুদ্ধের প্রসঙ্গে কবির ঝাঁক অত্যধিক। মহাকাব্যকে ধাঁচি 'Heroic
Poetry' করে তুলবার বাসনায় কবি বারবারই যুদ্ধের ছবি এঁকেছেন। যুদ্ধ
বর্ণনায় অধিকাংশ ক্ষেত্রে প্রাণের স্পর্শ নেই। অবশ্য প্রলয়মূর্তির কল্পনায়,
কল্পনার ছবি আঁকায় তিনি অনেকটা সার্থক। এসব বিষয়ে ভাবগাম্ভীর্য
শব্দঘটিত সাহচর্য পেয়েছে। অস্তরীক্ষ প্রদেশের ছবিও তাঁর কল্পনাকে
আলোড়িত করেছে। এক্ষেত্রেও তাঁর ভাষা ব্যর্থ নয়।

হেমচন্দ্রের ভাষাচিত্রে উপমাশ্রুত অলঙ্কারের সহায়তা মধুসূদন প্রমুখের
তুলনায় অনেক কম। উপমাদিতে পুরাণঘটিত ব্যাপ্তি সৃষ্টির চেষ্টা বড় নেই।
নিসর্গবস্তুর তুলনায়ই কবি তৃপ্ত।

শব্দচয়নের ক্ষেত্রে তিনি মধুসূদনের আদর্শে বিশ্বাসী। কিন্তু শব্দনির্মিতির
অসামর্থ্য তথা শব্দভাণ্ডারের অতি সঙ্কীর্ণতা তাঁকে বহুক্ষেত্রে পুনরুক্তির মধ্যে
নিয়ে ফেলেছে। ইঙ্গিত সাফল্য দেয় নি। পৌরাণিক ভাবনাগর্ভ শব্দের
ব্যবহার সুপ্রচুর। কিন্তু বাক্যবিজ্ঞানের গুণপ্রবণতা তাঁকে প্রায়ই লক্ষ্যভ্রষ্ট
করেছে।

ছয়

বৃহৎসংহার মহাকাব্যের চব্বিশটি সর্গের মধ্যে তেরোটি সর্গে অমিত্রাক্ষর
ব্যবহৃত হয়েছে, এগারোটি সর্গে পয়ার ত্রিপদী প্রভৃতি প্রচলিত ছন্দ প্রযুক্ত।
হেমচন্দ্র বন্দ্যোপাধ্যায় মধুসূদনের মেঘনাদবধকাব্যের সমালোচনা প্রসঙ্গে যে-
সব মন্তব্য করেছিলেন তাতেই বোঝা যায় এ ছন্দের প্রাণ-লক্ষণটি তিনি
অস্বীকার করতে পারেন নি। তিনি যাকে বিরামঘটিত স্থাপনের দোষ বলে
মনে করেছিলেন সেখানেই যে এই ছন্দের নূতন শক্তি তা বুঝবার কান ছিল
না হেমচন্দ্রের। তিনি লিখছেন :

“বিরাম ষতি সংস্থাপনের দোষে স্থানে স্থানে প্রতিদুষ্ট হইয়াছে।
যথা—

‘কাদেন রাঘব-বাহা আধার কুটীরে
নীরবে !—’
‘নাচিছে নর্ভকীবন্দ, গাইছে স্ততানে
গায়ক ;—’
‘হেনকালে হনু সহ উত্তরিল। দূতী
শিবিরে ।—’
‘রক্ষোবধু মাগে রণ ; দেহ রণ তারে
বীরেন্দ্র ।—’
‘দেবদত্ত অস্ত্রপুঞ্জ শোভে পিঠোপরি,
রঞ্জিত রঞ্জন-রাগে, কুসুম-অঞ্জলি—
আবৃত ;—’

এই সকল স্থলে ‘গায়ক’, ‘শিবিরে’, ‘বীরেন্দ্র’, ‘আবৃত’ শব্দের পর বাক্য
সমাপ্ত হওয়ায় পদাবলীর স্রোতোভঙ্গ হেতু জ্বলন-কঠোর হইয়াছে।”

[মেঘনাদবধ কাব্যের ‘ভূমিকা’ (সংশোধিত)]

আমলে ষতি-সংস্থাপনের যে স্বাধীনতায় অমিত্রাকর ছন্দের গৌরব তাই-ই
হেমচন্দ্র বুঝতে পারেন নি। মেঘনাদ বধের আলোচনা প্রসঙ্গে অগ্রত তিনি
লিখেছিলেন,

‘এই অভিনব ছন্দ গঠনের নিমিত্ত পুরাতন প্রচলিত, কাল-
প্রসিদ্ধ কবিতা বিগ্রাসের নিয়ম সংযোজন ব্যতিরেকে, ছন্দাংশে সে
সকল নিয়মের অতিক্রমণ করা হয় নাই।’

[মেঘনাদবধ কাব্যের ‘মুখবন্ধ’]

এই প্রসঙ্গে কতগুলি উদাহরণ তুলে তিনি দেখিয়েছেন, বহুক্ষেত্রে তিনি
চার, আট বা চৌদ্দ মাত্রার পরে বিরাম ষতি বসিয়েছেন। হেমচন্দ্রের
বিশ্বাসমতে অমিত্রাকরের ছন্দ-সাকল্যের মূল এখানে, প্রাচীন রীতি ভঙ্গ করে
তিন বা অল্পরূপ মাত্রার পরে বিরাম ষতি বসানোয় নয়। এ-বিষয়ে মধুসূদনের
বক্তব্য তাঁর একটি চিঠিতে প্রকাশ পেয়েছে।

“I find that the ষতি instead of being confined to
the 8th syllable, naturally comes in after the 2nd ,
3rd , 4th , 6th , 7th , 8th , 10th , 11th , and 12th.
Examples—

‘জয় জয় অমরারি যার ভূজবলে,
পরাজিত আদিত্যেয় দিতিস্ত-রিপু
বন্দী ।’—তিলো—৪।

‘চল রঙ্গে মোর সঙ্গে নির্ভর হৃদয়ে
অনঙ্গ ।’—মেঘ—২ ।

‘কেহ কহে ছরন্ত কৃতান্তে গদা মারি
খেদাইলু ।’—তিলো—৪ ।

‘আইলেন রক্ষেশ্বরী, মুরজা-সুন্দরী
কুঞ্জর গামিনী ।’—তিলো—২ ।”

[‘কবি মধুসূদন ও তাঁর পত্রাবলী’ : ক্ষেত্র গুপ্ত, পত্রসংখ্যা-৬৩]

হেমচন্দ্র অমিত্রাকর ছন্দের রহস্যভেদ করতে পারেন নি। তাই ছন্দের উপরে তিনি পূর্ণ আস্থাও রাখতে পারেন নি। কবির মনে প্রাচীন ছন্দের আদর্শ আগ্রত ছিল। তিনি লিখেছেন,

“বঙ্গ-কবিগুরু কবিকঙ্কণ ও কবিতাকেশর ভারতচন্দ্র, উভয়েই
পয়ারাদি মিলিত ছন্দে লিখিয়া গিয়াছেন। চণ্ডীতে পয়ার ও ত্রিপদী
ছন্দই বিস্তর। এবং অন্নদা-মঙ্গল ও বিদ্যাসুন্দর মিলিত ছন্দের
আদর্শ। এমত স্থলে কোন ব্যক্তি

‘গাঁথিব নূতন মালা—

রচিব মধুচক্র, গোড়জন যাহে

আনন্দে করিবে পান সুধা নিরবধি ।’

এই সদর্প উক্তি করিলে সকলেই মনে মনে জিজ্ঞাসা করে,
ভারতব্রাহ্মণ নূতন প্রণালীতে কবিতাগ্রন্থন করিবার কি পথ রাখিয়া
গিয়াছে? সত্য বটে, সেই পথ সহজে লক্ষিত হয় না,...

[মেঘনাদবধকাব্যের ‘মুখবন্ধ’]

নূতন রীতিতে যেমন তাঁর পূর্ণ বিশ্বাস আসে নি, তেমনি পুরানো রীতির প্রতি আকর্ষণও বড় কমে নি। ফলে দু ধরনের ছন্দই ব্যবহার করেছেন কবি।

হেমচন্দ্র কৈফিয়ৎ দিতে গিয়ে বৈচিত্র্যের কথা বলেছেন। চব্বিশ সর্গে
বিস্তৃত কাব্যে আশুত অমিত্রাকর ছন্দের ব্যবহার একঘেয়ে মনে হতে পারে।
অমিত্রাকর ছন্দে যে সর্ববিধ ভাব ও ‘মুড’ প্রকাশ করা সম্ভব মেঘনাদে তা পুরো
বোঝা না গেলেও বীরাদনায় সে সত্য প্রতিষ্ঠিত হয়েছিল। হেমচন্দ্রের কানে
তা ধরা পড়ে নি। তাই তিনি নানাবিধ ছন্দের মিশ্রণই পছন্দ করেছেন।
কিন্তু সত্যকার বড়ো কবিরা বৈচিত্র্যসৃষ্টির জগু বিভিন্ন ছন্দের ব্যবহার
প্রয়োজনীয় মনে করেন নি। এ বিষয়ে মিলটনের সমালোচক র্যাগলে
লিখেছিলেন,

‘In a long poem variety is indispensable, and
he preserved the utmost freedom in some respects.
He continually varies the stresses in the line, their
number, their weight, and their incidence, telling

them fall when it pleases his ear, on the odd as well as on the even syllables of the line.'

বাংলা আখ্যানকাব্যে মধ্যযুগে নানা ছন্দের ব্যবহার দেখা যেত। পয়ার-ত্রিপদীই বেশি। ভারতচন্দ্র কিছু সংস্কৃত ছন্দের আমদানিও করেছিলেন। বিশ্বনাথ কবিরাজের 'সাহিত্যদর্পণ'-এ মহাকাব্য-লক্ষণ প্রকাশ করতে গিয়ে সর্গে সর্গে ছন্দের বৈচিত্র্যের কথা বলা হয়েছে। সে কথা হেমচন্দ্রের মনে থেকে থাকবে।

একবৃন্তময়ৈ পঠৈরবসানেহম্বৃন্ত কৈ:
নাতিশ্লগ্না নাতিদীর্ঘা সর্গা অষ্টাধিকা ইহ।
নানাবৃন্তময়ঃ কাপি সর্গকচ্চন দৃশ্যতে....।

সর্গে সর্গে ছন্দের ভিন্নতার নির্দেশ তো আছেই, এমন কি এক সর্গেও নানাজাতীয় ছন্দের মিশ্রণ কখনো কখনো চলতে পারে বলে সিদ্ধান্ত করা হয়েছে। হেমচন্দ্র তাই নিশ্চিত মনেই সর্গে সর্গে ভিন্ন ভিন্ন ছন্দের প্রয়োগ করেছেন।

প্রধানত যুদ্ধ বর্ণনা, গম্ভীর ও রুদ্র ভাব প্রকাশের জন্য কবি অমিত্রাকর ছন্দের আশ্রয় নিয়েছেন। তরল কোমল ভাব ও রূপ প্রকাশের জন্য সচরাচর অন্ত ছন্দ প্রযুক্ত। তবে এর ব্যতিক্রমও রয়েছে। অর্থাৎ কবি একটা স্থল ধারণার ভিত্তিতে মোটামুটি ছন্দ বিজ্ঞাস করতে চেয়েছেন। †

‡ হেমচন্দ্রের অমিত্রাকর ছন্দ সার্থক হয় নি কেন আগের আলোচনায় তার কারণ বিশ্লেষণ করা হয়েছে। এ ছন্দে অধিকাংশ ক্ষেত্রেই ষতিপাতের স্বাধীনতা নেই—ভাষায় প্রবহমানতা এবং ধ্বনিসঙ্গীত নেই। কবি বৃজসংহারের ভূমিকায় দুঃখ করেছেন যে বাংলা উচ্চারণে গুরুলঘুর ভেদ নেই বলে সংস্কৃত ছন্দের অনুসরণ করা সম্ভব নয়। তিনি সংস্কৃত আদর্শে অত্যন্ত প্রাণহীন চারটি চরণের মিলে এক একটি শ্লোক সম্পূর্ণ করেছেন—বিরাম ষতি সেখানেই পড়েছে। ফলে অমিত্রাকর ছন্দের যে অপ্রতিহত গতি-সঙ্গীত-ঝঙ্কার তা থেকে কাব্যটি বঞ্চিত হয়েছে। গুরুলঘু উচ্চারণের অভাব পূরণের জন্য কোনো পদ্ধতি তিনি সচেতনভাবে অনুসরণ করেন নি। অথচ চার চরণের শ্লোক-বন্ধন করেছেন। [গোটা বৃজসংহারের অমিত্রাকর ছন্দে লেখা সর্গগুলিতে এই শ্লোক বিভাগ বুঝাবার জন্য চার চরণের স্তবকবিভাগের স্মারক মুদ্রিত করা হয়েছিল। আমরা অপ্রয়োজনীয় বিধায় মুদ্রণকালে সে দূরত্ব রক্ষা করি নি।] অপরপক্ষে সংস্কৃত শব্দের সচেতন ব্যবহারের ফলে মধুসূদন বাংলা বর্ণবৃত্তে স্বরতরঙ্গলীলার সৃষ্টি করেছিলেন, বাংলা ভাষাকে জাতিচ্যুত করেন নি—কিন্তু নিশ্চিতভাবে মিলটনের আদর্শেই এই নবছন্দ গড়ে তুলেছিলেন।

হেমচন্দ্র স্বাধীন পথে চলতে চেয়েছেন, পূর্বসূরীর সৃষ্টি-মাহাত্ম্য উপলব্ধি করেন নি। এবং ক্ষমতার স্বল্পতার জন্য ব্যর্থ হয়েছেন। (৮)

সাত

অহাকাব্য কি বস্তু তা নিয়ে নানা আলোচনা এদেশে এবং বিদেশে হয়ে গেছে।) স্বাভাবিক এবং সাহিত্যিক মহাকাব্যের প্রসঙ্গ সাহিত্যের প্রথম শিক্ষানবীশির কাছেও বহুশ্রুত। এখানে শুধু তার প্রাণধর্মের কথাই সংক্ষেপে বিবৃত হল।

রূপ ও ভাবে নানাবিধ বৈচিত্র্য পৃথিবীর বিখ্যাত মহাকাব্যগুলির পাঠক-মাত্রই লক্ষ্য করেছেন। রামায়ণ মহাভারতের আদর্শবোধ এবং সার্বভৌম কল্যাণে বিশ্বাস ইলিয়াড-ওডেসিতে নেই। ইলিয়াডে কাহিনীর সের বৃত্তাকার বনপিনকতা, ওডেসিতে অসুস্থীন পথপরিক্রমা। টাসোর কাব্যে ক্রুসেডের সঙ্গে রোমান্টিক কাল্পনিক কাহিনীর মালা গ্রথিত হয়েছে। মিলটন মানুষ এবং তাঁর স্রষ্টার সম্পর্কে কাব্যধৃত করতে চেয়েছেন। অথচ খ্রীষ্টীয় ধর্ম-বিশ্বাস উভয়ের কাব্যের প্রেরণা স্থল। সমালোচক সি. এম. ইন্ড Encyclopaedia of Literature, Vol I গ্রন্থের epic বিষয়ে আলোচনা প্রসঙ্গে লিখছেন :

‘Valour and Sagacity are recommended by examples to Homer’s hearers. Virgil presents an instructive embodiment of Roman Virtue, Camoes gives the Portuguese a model of their own best characteristics and Milton constructs ‘an imitation of an action’ that demonstrates man’s relation to his just creator.’

[From Virgil to Milton]

যুগে দেশে এবং কবি প্রতিভার স্বাতন্ত্র্যের ফলে মহাকাব্যের রূপে বৈচিত্র্য আসে তা যেমন স্বীকার্য, তেমনি এদের আভ্যন্তরীণ ঐক্যসূত্রটিও দৃষ্টি এড়াবার নয়। এই আভ্যন্তরীণ মূল স্বাদটিই মহাকাব্যের প্রাণ। ইন্ড-সাহেবের মতে :

‘Many of the devices mentioned are directed towards establishing large scale in the poem. The epic writer’s intention is always to magnify his theme and his men, for in early days he was teaching his countrymen about the greatness of

the ancestors whom they must emulate and in later days he was sometimes deliberately creating human symbols of valour and piety in order to induce noble aspiration and effort in his readers; for he took seriously the poet's function as prophet and teacher.'

এর মধ্যে একটি কথা হল 'large scale', কাহিনী ও চরিত্রকে 'maginly' করা। অপর কথাটি হল প্রচারক হিসেবে দায়িত্ব গ্রহণ।

শ্রীযুক্ত এরিস্টটল বিশাল গান্ধীর্ষের কথা বলেছিলেন ('grandeur of effect')। এরিস্টটল দেখিয়েছেন " 'এপিক'-'প্যাথটিক' বা 'এথিকাল' হে শ্রেণীরই হোক—'element of the wonderful' থাকা চাই-ই চাই।" ['এরিস্টটলের পোয়েটিকস ও সাহিত্যতত্ত্ব' : ডঃ সাধনকুমার ভট্টাচার্য।]

সর্গসংখ্যার কথা বলতে গিয়ে বিশ্বনাথ চক্রবর্তী আয়তনগত বিস্তারের প্রতিই ইঙ্গিত করতে চেয়েছেন। তাছাড়া বর্ণনা বৈচিত্র্য সম্বন্ধে তিনি বলেন,

সম্ব্যা-সূর্যেন্দু রজনী-প্রদোষ-ধ্বাস্তবাসরা:

সম্ভোগ-বিপ্রলম্বো চ মুনি-স্বর্গ-পুরাধরা

রণপ্রয়ানোপযম-মন্ত্রপুত্রোদয়াদয়:

বর্ণনীয়া ষথাযোগ্যং সাক্ষোপাঙ্গা অমী ইহ ॥

এরও একটিই উদ্দেশ্য—আয়তনগত বিস্তার। বিশালতা যে মহাকাব্যের মূখ্যলক্ষণ তা অসুধাবন বিশ্বনাথ করেছিলেন। কিন্তু আকারগত ব্যাপ্তির মধ্যে অভ্যন্তরীণ বিশালতা কি উপায়ে সৃষ্টি করা সম্ভব সে বিষয়ে কোনো নির্দেশ দিতে পারেন নি।

এবারকোন্দি তাঁর বিখ্যাত 'The Epic'-গ্রন্থেও এই গান্ধীর্ষ ও মহিমার উপরেই সবচেয়ে জোর দিতে চেয়েছেন,

'It will tell its tale both largely and intensely...
epic poetry must be an affair of evident largeness.'

রবীন্দ্রনাথও জাত মহাকাব্যের স্বরূপনির্দেশ করতে গিয়ে দেশকালের যে ব্যাপ্তির কথা বলেছেন, গোটা জাতির জীবনস্বরের যে অসুরণনের প্রসঙ্গ তুলেছেন তা সাহিত্যিক মহাকাব্যের ক্ষেত্রেও অপ্রযোজ্য নয়। ['প্রাচীন সাহিত্য'-গ্রন্থের 'রামায়ণ' এবং 'সাহিত্য'-গ্রন্থের 'সাহিত্যসৃষ্টি' প্রবন্ধ দুটি জটব্য] প্রথমশ্রেণীর মহাকাব্য দানবাক্রুতি বীরদের ব্যক্তিগত কাহিনীর মধ্যেই তাকে সহজভাবে ধরে রাখে, দ্বিতীয় শ্রেণীর মহাকাব্য জাতীয় স্বার্থ ও সমস্রাকে সামনে এনে উপস্থিত করে।

এসব মিলিয়ে সিদ্ধান্ত করা যায়, উদাত্ত গান্ধীর্ষ ও বিশালতারই সন্ধান করা হয় মহাকাব্যে। স্বভাবতই উপস্থাসের বাস্তবতা এবং প্রাত্যহিক জীবনের খুঁটি-নাটি বিশ্লেষণ নয়, রোমান্সের বর্ণন্য অতীত-পরিক্রমা নয়, সৌন্দর্যতৃষ্ণার

রোমান্টিক সূদূরাভিসারও নয়। মহাকাব্য কাব্য বলেই এই গাভীর্ষ ও ব্যাপ্তির সঙ্গে আবেগের ঘনিষ্ঠ-সম্পর্ক। তবে স্নেহ আবেগ ঘনীভূত, তরল নয়। চরিত্র-চেতনায়, কাহিনী-বিন্যাসে, বর্ণনা ভঙ্গিতে Sublimity-ই মহাকবির কাম্য।*

কিন্তু অপর একটি দিকের কথাও বিশিষ্ট সমালোচকেরা বলেছেন। জাতীয় জীবনের গৌরব-গাথার প্রচারক হিসেবে মহাকবির ভূমিকার কথা। ডার্জিল প্রসঙ্গে সি. এম. বাওরা লিখেছেন,

‘...he wished to write a poem about something much larger than the destinies of individual heroes, he created a type of epic in which the characters represent something outside themselves, and the events displayed have other interests than their immediate excitement in the context... His first aim is to praise the present,.....’

[From Virgil to Milton]

বাওরা দেখাবার চেষ্টা করেছেন কামোস, তামো, মিল্টন—এঁরা সবাই স্বকালের বিশাল অভিজ্ঞতা ও যুগসত্যকে কাব্যরূপ দিতে চেয়েছিলেন। সত্যপ্রচারের মনোভাব এঁদের সকলের মহাকাব্যসৃষ্টির পেছনেই সক্রিয় ছিল। ডার্জিল চেয়েছিলেন রোমের ভবিষ্যৎ ব্যাখ্যা করতে; কামোস, তামো ইসলামের ধর্মযুদ্ধে সমগ্র জাতিকে উদ্বুদ্ধ করবার ব্রত নিয়েছিলেন। আর মিল্টন ভাবাবুদ্ধ করতে চেয়েছিলেন ভগবৎ অমুগ্রহের চিরস্তনী বাণী।

মহাকাব্যে যুগসত্য জাতীয় জীবনের সামগ্রিক আকৃতিকে যে কত বড় আকারে নিয়ে দেখা দিয়েছিল হেগেল তা লক্ষ্য করেন—

‘...collective world outlook and objective presence of a national spirit, displayed as an actual event in the form of its self-manifestation, constitutes and nothing short of this does so, the content and form of the true epic poem.’

[The Philosophy of Fine Art.]

হেমচন্দ্রের মহাকাব্যে উনবিংশ শতাব্দীর দ্বিতীয়ার্ধে বাঙালি জাতির মধ্যে যে স্বাধীনতার নূতন স্বপ্ন দেখা দিয়েছিল, পরাধীনতার নাগপাশ থেকে মুক্তির যে বাসনা জেগেছিল তার কথাই বিশেষভাবে বলা হয়েছে। পৌরাণিক ইন্দ্রের মধ্যে নব্য জাতীয় বীরের আদর্শ অমুভব করতে চেয়েছেন কবি। দধীচির

*মহাকাব্য প্রসঙ্গে আমার ‘মধুসূদনের কবিস্বাস্তা ও কাব্যশিল্প’-বইয়ে নানা কথা বলেছি। এ বিষয়ে আলোচনার জন্ত ডঃ সাধনকুমার ভট্টাচার্যের ‘মহাকাব্য জিজ্ঞাসা’ এবং ‘এরিস্টটলের প্যারোটিক্স ও সাহিত্যতত্ত্ব’ বিশেষভাবে কৃতজ্ঞ।

আত্মত্যাগে শচীর স্বদেশপ্রেমে যে গভীর সুর বাজেতে চেয়েছেন ব্যক্তিগত চরিত্র-বৈশিষ্ট্য ছাপিয়ে তা সেকালের বিশিষ্ট বাণী হয়ে গৌরবাঙ্কিত হয়েছে। এ বিষয়ে আমরা আগেই আলোচনা করেছি।

কিন্তু তবুও হেমচন্দ্রের কাব্য সামগ্রিকভাবে মহাকাব্যের রসনিবেদন করতে পারে নি। কারণ উপরে যে দ্বিতীয় লক্ষণটির কথা বলা হয়েছে তা প্রথম লক্ষণ 'সাবলাইম'-এ পৌছবার একটি উপায়মাত্র। কাহিনীটি শুধু অতীতাত্মীয় রোমান্স রস সঙ্কোচ নয়, পুরাতন কল্পকাহিনী ও জীবনের উদ্দীপ্ত ভাবনার চঞ্চল। এই গহনগভীর জীবন ও সাহিত্য ভাবনারও যৌগপত্য থেকেও অনেকখানি এসেছে সমকালীন যুগচিন্তা প্রকাশের তাগিদ। কিন্তু একে বলা যায় না মহাকাব্যের কেন্দ্রধর্ম। মহাকাব্যের মূল রস সেই বিশাল গভীর মহিমায়। সেকারণেই হেমচন্দ্র মহাকাব্যোচিত বহিরঙ্গ কাহিনীবিস্তারে যথেষ্ট যুগভাবনা প্রকাশ করেও মহাকাব্যের প্রাণধর্ম সামান্যতই মাত্র আয়ত্ত করেছেন।

হেমচন্দ্রের জীবনদৃষ্টিতে মহাকাব্যোচিত 'সাবলাইম'-এর চেতনা ছিল না। না থাকাই স্বাভাবিক। মহাকাব্যরচনার প্রেরণা অনেকখানিই তিনি বাইরে থেকে সংগ্রহ করেছিলেন। এজন্য একে কৃত্রিম বলা হলে আপত্তি করা যাবে না। নানামুখী চেষ্টার মধ্যে মহাকাব্য রচনা তাঁর অন্ততম প্রয়াসমাত্র। তবে চব্বিশ সর্গে বিস্তৃত গ্রন্থটি রচনার অম ও নিষ্ঠার প্রয়োজন ঘটেছিল। লিখতে লিখতে কোথাও কোথাও মহাকাব্যের রসসৃষ্টি কিছুটা প্রকাশ পেয়েছে। তবে সামগ্রিক রসগিদ্ধি থেকে তা বহুদূরে।

নবম সর্গ পর্যন্ত কবি স্বপ্রচুর যুদ্ধবর্ণনার এবং উত্তেজনার ছবি একে মহাকাব্যিক আবহাওয়া গড়ে তুলতে চেয়েছেন। কিন্তু দশম সর্গের আগে সত্যকার মহাকাব্যোচিত সুর বাজে নি। দশম সর্গে রুদ্রের ক্রোধের বর্ণনা মহান গভীরকে স্পর্শ করেছে। এই আংশিক সাফল্য এসেছে নবম সর্গের শ্রমসাধ্য সাধনার ফলে। পর্বত-অরণ্যের বর্ণনা—মুহূর্ত্ত যুদ্ধক্ষেত্রের মধ্যে পাঠকদের নিয়ে গিয়ে তিনি যে রসনিবেদন করতে চেয়েছিলেন এতক্ষেণে তা বহিরঙ্গ ছাপিয়ে কাব্যের প্রাণধর্মকে কতকটা স্পর্শ করেছে। সন্দেহ নেই, এখানে বহু পরিশ্রমের চিহ্ন লেগে আছে। পরবর্তী সর্গগুলির মধ্যে ত্রয়োদশ, উনবিংশ এবং চতুবিংশ সর্গের কল্পনায় ও ভাষারূপে মহাকাব্যোচিত সমুন্নতি অনেকখানি আয়ত্ত। ত্রয়োদশ সর্গে দধীচির আত্মদানের প্রশান্ত গভীর মহিমা হেমচন্দ্র বেশ সাফল্যের সঙ্গেই ভাষাবদ্ধ করেছেন। বিষয় সাহায্যেই শুধু নয়, ভাষায়ও সে গরিমা যথোচিত প্রকাশ লাভ করেছে। যুদ্ধের বর্ণনা, বীর ও রৌদ্ররসের আয়োজন, পর্বত সমূহের প্রসঙ্গ ছাড়াই—আত্মত্যাগের শাস্তরসকে অবলম্বন করে এ-জাতীয় মহাকাব্যিক রসাবেদন বড় সুলভ নয়। উনবিংশ সর্গে বিশ্বকর্মার কর্মশালার বর্ণনা—গাভীরে ধ্বনি ঝড়ারে চিত্তবিস্তার ঘটায়। বিষয়বস্তুর মধ্যে যে সম্ভাবনা ছিল হেমচন্দ্র তাকে কাব্যরূপে মোটামুটি নিপুণভাবেই বদ্ধ করতে পেরেছেন। চতুবিংশ সর্গে রুদ্রের যুদ্ধবর্ণনা

কাব্যের অপরাপর অংশের যুদ্ধবর্ণনার তুলনায় কতকটা জীবন্ত। কিন্তু দানবোচিত নৈসর্গিক প্রলয়শক্তি বৃত্তচরিত্রে ঘূনীভূত রূপ ধারণ করেছে যেখানে সেখানেই প্রকৃত মহাকাব্যিক রস প্রকাশ পেয়েছে।

কাব্যের বিভিন্ন অংশের বর্ণনা-সৌকর্য বিচার প্রসঙ্গে আগেই এ বিষয়ে বিস্তারিত আলোচনা করা হয়েছে।

বর্ণনা ছাড়াও অনেকখানি বৃত্ত চরিত্রের কল্পনায়, দখীচির সংক্ষিপ্ত চরিত্ররূপে, শচীর অপ্রগল্ভ ব্যক্তিগরিমায় মহাকাব্যিক সিদ্ধি এসেছে। কিন্তু ইন্দুবালার চরিত্রের অতি কোমল এবং মেরুদণ্ডহীন রূপ, ঐন্দ্রিলার তরল প্রবৃত্তিচাঞ্চল্য প্রভৃতি এমন লঘু কল্পনাকে প্রশ্রয় দিয়েছে, ভাষা ও ছন্দরূপে এমন চটুলতার সৃষ্টি করেছে যাতে মহাকাব্যিক আবেদন বারবারই ছিন্ন হয়ে যায়।

এক কথায় বলা যায় বৃত্তসংহারের মহাকাব্যিক আবেদন আংশিক, অগভীর এবং বাধাগ্রস্ত। তবুও তিনচারটি সর্গে বিচ্ছিন্নভাবে এর যে স্বাদ মেলে মেঘনাদ-বধকাব্য ছাড়া এদেশের কাব্য-সাহিত্যে তা বড় সুলভ নয়।

আগেই কাব্যের বর্ণনাসৌকর্য বিচার এবং চরিত্র বিশ্লেষণ প্রসঙ্গে এ বিষয়ে অনেক কথা বলা হয়েছে। এখানে আর তার পুনরুক্তি করা হল না।

চতুর্থ অধ্যায়

দশমহাবিভা

এক

‘ছায়াময়ী’ কাব্যের পরে হেমচন্দ্র ‘দশমহাবিভা’ লিখলেন। খ্রীষ্টীয় নরক বর্ণনায় তাঁর বর্ণনা-প্রবণতা তৃপ্ত হলেও হিন্দুবিশ্বাস তৃষিত হয়ে উঠল। হয়ত দশমহাবিভায় তৃষিত কবিচিত্ত পৌরাণিক-তান্ত্রিক আশ্বাসের অমৃত আকর্ষণ পান করে নিল। অবশ্য পুরাণ-তন্ত্রের সঙ্গে নব্য ইতিহাস চেতনাকে কিঞ্চিৎ সমন্বিত করার চেষ্টাও হয়েছে।

দশমহাবিভা এক ধরনের খণ্ডকাব্য। এ জাতীয় খণ্ডকাব্যের রীতিটি যুরোপীয় সাহিত্য ভাণ্ডারে বিশেষ পরিচিত ছিল না। হেমচন্দ্র যুরোপীয় রীতির আখ্যান-কাব্য, গীতিকবিতা অন্যান্য নানা জাতের খণ্ড খণ্ড কবিতা, মহাকাব্য লিখলেন। এলিগরির আদর্শে লেখা হল সাক্ষরূপক। দাস্তের অনুবাদ করলেন। এই একটিমাত্র কাব্যে তিনি প্রাচ্য রীতির অনুসারি। বর্ণনাই এ কাব্যের লক্ষ্য। তবে কাহিনীর একটি ক্ষীণ পটভূমি আছে। দু’একটি পাত্রপাত্রীর সমাবেশ ঘটানোও হয়েছে। ভাবে রূপে সম্পূর্ণ বিসদৃশ হলেও বিখ্যাত মেঘদূত কাব্যের রীতিটিও একই।

প্রত্যক্ষত বিষয়বস্তু সংগ্রহের জন্য হেমচন্দ্র পুরাণ-তন্ত্রের ঋণ তো গ্রহণ করেছেনই, সরাসরি ভারতব্রাহ্মণের শিষ্যত্ব মেনে নিয়েছেন। দশমহাবিভা পড়তে গিয়ে পাঠক ভারতচন্দ্রের অনন্দামঙ্গলের কথা মনে না করে পারবেন না। ‘সতীর দক্ষালয়ে গমনোচ্ছোগ’ এই শিরোনামে ভারতচন্দ্র দশমহাবিভার দশ রূপের ছবি এঁকেছেন। তন্ত্রের বর্ণনা থেকেই তিনি এই ছবির আদর্শ নিয়েছেন। কিন্তু বিশ্বাসটি কবির নিজের। সেখানেই তাঁর নিপুণতা। ভারতচন্দ্র পুরাণ কাহিনীর মধ্যে তন্ত্রোক্ত বর্ণনাকে স্নকৌশলে বিস্তৃত করেছেন।

কাহিনীটি এইরূপ। দক্ষযজ্ঞে শিব-সতী নিমন্ত্রিত হয় নি। সতী তবু পিতৃগৃহে যেতে চাইল। শিব রাজি নয়। তখন সতী অকস্মাৎ কালীমূর্তি পরিগ্রহ করলেন। কালীতে এই রূপান্তর আকস্মিক। অপ্রত্যাশিতের চমকটুকু ব্যর্থ হতে দেন নি কবি। ভাষায় ধরে রেখেছেন ভারতচন্দ্র।

যত কন সতী শিব না দেন আদেশ।

ক্রোধে সতী হৈলা কালী ভয়ঙ্করী বেশ ॥

তারপরে কালীরূপের তন্ত্রানুসারী বর্ণনায় বর্ণনা। বর্ণনাস্ত্রে মহাদেবের ভীতি-বিহ্বলতার উল্লেখ। বর্ণনা নয়, সংক্ষিপ্ত একচরণের উল্লেখমাত্র। এবং পটপরিবর্তন।

দেখি ভয়ে মহাদেব ফিরাইলা মুখ।

তারার রূপ ধরি সতী হৈলা সন্মুখ ॥

এবং তারার চিত্র। একই রীতি অনুসরণ। মহাদেবের মানসপ্রতিক্রিয়ার বিস্তৃত পরিচয়ের অবতারণা করলে রূপ থেকে রূপান্তরের চলচ্চিত্র গতিহীন হয়ে পড়ত। কবির প্রযুক্ত পদ্ধতিতে তা না-হয়ে মহাদেবের ভীতি বিস্ময়

মিশ্রিত ব্যাকুলতা ও বিহ্বলতার সূত্রে কৃত অপস্ফয়মান দশরূপের মালা গাঁথা হয়েছে। তাছাড়া দশমহাবিষ্টাকে সর্বদা নির্বিকার দূরত্বের ক্রমে স্থির করে রাখেন নি কবি। কালীর সঙ্গে ক্রোধের অচ্ছেদ্য সম্বন্ধে কিন্তু আরও অস্তুত দুবার কবির বর্ণনায় লক্ষণীয় ইঙ্গিত দেখা দিয়েছে। যেমন—

এক। দেখি ভয়ে মহাদেব গেলা এক ভিতে।

ভৈরবী হইয়া সতী লাগিলা হাসিতে ॥

দুই। দেখি ভয়ে ভোলানাথ যান পলাইয়া।

পথ আগুলিলা সতী মাতঙ্গী হইয়া ॥

সতীর ভৈরবীরূপে হাস্য এবং মাতঙ্গীরূপে পথ আগলানোর পেছনে নিখিলেশ্বরীর অস্তরে মানবীসত্তার অগ্ৰভূতি সক্রিয়। মহাদেবের ভীতভ্রম অবস্থায় সতীর কৌতুকই যেন এখানে ধরা পড়েছে।

ভারতচন্দ্র নিশ্চিন্তচিত্তে পুরাণ ও তন্ত্রের বিখ্যাসকে কাব্যভাত করেছেন। বিশেষ করে অষ্টাদশ শতাব্দীতে শাক্ত-ভক্তির ক্ষেত্রে মৃতন জোয়ার এসেছিল। কবি সেই যুগপ্রভাবের প্রেরণা বিশেষ করে অনুভব করেছিলেন। এবং এই আয়োজন থেকে যতটা সম্ভব কাব্য সৌন্দর্য সৃষ্টি করলেন।

হেমচন্দ্র দশমহাবিষ্টার রূপের বর্ণনায় তন্ত্র এবং ভারতচন্দ্রকৃত তার ভাবাঙ্ক-বাদ উভয়ের প্রভাবই স্বীকার করে নিয়েছেন। তবে চিত্রগুলির বিস্তারিত তিনি ভারতচন্দ্র থেকে স্বতন্ত্র পথ ধরে চলেছেন। শিবসতীর পুরাণাশ্রিত কাহিনী প্রসঙ্গেই তিনি চিত্রগুলি বিস্তৃত করেছেন। কিন্তু দক্ষযজ্ঞে সতীর দেহত্যাগের পরে দশমহাবিষ্টার রূপ অস্তরীক্ষে প্রকটিত করেছেন।

তাছাড়া পুরাণ-তন্ত্রের অনুসরণে অষ্টাদশ শতকের কবি কোনোরূপ সমন্বিত অনুভব করেননি। উনবিংশ শতাব্দীর কবিকে আধুনিক জীবনভাবনার সঙ্গে তার সম্বন্ধ আবিষ্কার করতে হয়েছে। এবং দশমহাবিষ্টার রূপ-বৈচিত্র্য চিত্রণের বিষয়ক শিল্পীগলভ তৃষ্ণাই কবিকে আকর্ষণ করেছে এমন কথাও বলা যায় না। মুখ্যত তন্ত্রভাবনার মধ্যে সমাজেতিহাসের ক্রমবিবর্তনের স্তরগুলি আবিষ্কারের ব্যাকুলতায় এই কাব্যের সৃষ্টি। সম্ভবত আরও একটি লক্ষ্য ছিল। সে লক্ষ্যের দিকে কবি ইঙ্গিত করতে চেয়েছেন কাব্যের আখ্যাপণে উদ্ধৃত পংক্তি কয়টিতে :

Where shall I grasp thee, infinite Nature, where ?

...

...

...

How all things live and work, and ever blending

Weave one vast whole from Being's ample range !

—Goethe's *Faust*.

হেমচন্দ্র তাঁর অল্প ক্ষমতা নিয়ে অনন্ত প্রকৃতির রহস্য উন্মোচনে ব্রতী হয়েছিলেন। অবশ্যই পুরাণ-তন্ত্র এবং নব্য ইতিহাস-বিজ্ঞানে আস্থার মূল্য।

মহাকালীর ব্রহ্মাণ্ডের ছবি আঁকতে গিয়ে আত্ম-প্রকৃতির যে ভীষণ রূপ তিনি সৃষ্টিয়ে তুলেছেন তাতে এক ভীতিবিহ্বলতার সৃষ্টি হয়। মাহুষের

জীবন, তার কমনীয় কামনা অর্থহীন হয়ে পড়ে প্রকৃতির জড় ভয়ঙ্কর মহামৃত্যু-শ্রোতে। অবশ্য অনন্ত ভীষণপ্রকৃতিকে বরদা মূর্তির অহুভাবনায় কবি শেষ পর্যন্ত আশ্রয় হয়েছেন। প্রসঙ্গত রবীন্দ্রনাথের নিঃসর্গ-ভাবনার একটি অপরিণত স্তরের কথা মনে পড়বে।

সৃষ্টি শ্রোত কোলাহলে বিলাপ শুনিবে কেবা কার !

আপন গর্জনে বিশ্ব আপনারে করিছে বধির।

শতকোটি হাহাকার

কলধ্বনি রচে তার ;

পিছু ফিরে চাহিবার কাল নাই, চলেছে অধীর।

হায় স্নেহ, হায় প্রেম, হায় তুই মানবহৃদয়,

খসিয়া পড়িলি কোন্ নন্দনের তটতরু হতে ?

যার লাগি সদা ভয়,

পরশ নাহিক সয়,

কে তারে ভাসালে হেন জড়ময় সৃজনের স্রেতে ?

[মানসী। নিষ্ঠুর সৃষ্টি।]

রবীন্দ্রনাথ অল্পকালের মধ্যেই প্রকৃতির এই জড় ভীষণ রূপের কথা বিশ্বিত হয়েছেন। বিশ্বপ্রকৃতিকে মাতৃরূপে অনুভব করেছেন। তার সঙ্গে জন্ম-জন্মান্তরের স্নগভীর সম্বন্ধের কথা ঘোষণা করেছেন।

বঙ্কিমচন্দ্র রবীন্দ্রনাথের গায় রোমাণ্টিক ভাবুকতার দ্বারা স্বভাবভীষণাকে কোমলা শৃঙ্খলায় রূপান্তরিত করতে চান নি। মনে করা যেতে পারে কপালকুণ্ডলার চরিত্র-পরিকল্পনার কথা, চন্দ্রশেখরের নিম্নোক্ত বর্ণনার কথা।

‘তুমি জড় প্রকৃতি। তোমায় কোটি কোটি কোটি প্রণাম।

তোমার দয়া নাই, মমতা নাই, স্নেহ নাই ;—জীবের প্রাণনাশে সঙ্কোচ নাই ; তুমি অশেষ ক্লেশের জননী—অথচ তোমা হইতে সব পাইতোছি—তুমি সর্বস্বথের আকর, সর্বমঙ্গলময়ী, সর্বার্থসাধিকা, সর্বকামনাপূর্ণকারিণী, সর্বাক্ষয়ন্দরী।.....তুমি অবিখ্যাসযোগ্যা সর্বনাশিনী। কেন জীব লইয়া তুমি ক্রীড়া কর, তাহা জানি না—তোমার বুদ্ধি নাই, জ্ঞান নাই,—চেতনা নাই—কিন্তু তুমি সর্বময়ী, সর্বকর্তা, সর্বনাশিনী এবং সর্বশক্তিময়ী। তুমি ঐশী মায়া, তুমি ঈশ্বরের কীর্তি, তুমিই অজ্ঞেয়। তোমাকে কোটি কোটি কোটি প্রণাম।’

বঙ্কিম আশ্রয় হন নি। আত্মসমর্পণ করেছেন। হেমচন্দ্র প্রকৃতির একহাতে খড়্গ অস্ত্রহাতে বরাভয় দেখেছেন। এবং কল্যাণ-সমাপ্তিতে আস্থা পোষণ করেছেন। বঙ্কিম রহস্য ভেদের সাধনায় শুধুই বিশ্বয়বিমূঢ় হয়েছেন এবং অপরিহার্য বোধে সেই জড় প্রকৃতির কাছে মাথা নীচু করেছেন।

হেমচন্দ্রের সাধ বড় ছিল, সাধ্য তত ছিল না। দশমহাবিচার সেই সাধের পরিচয় আছে। আর সিদ্ধিহীনতার।

দুই

দশমহাবিচার ক্ষুদ্র কাব্য। কিন্তু ভাবকল্পনায় গাভীর আছে। মহিমাকে স্পর্শ করবার চেষ্টা আছে। বৃত্তসংহারে সাবলাইমে পৌছবার যে শ্রম-কৃত সাধনা কবি করেছিলেন দশমহাবিচার ক্ষুদ্রদেহে সেই রুজের প্রকাশ-সম্ভাবনা ছিল। অস্তুত এ খণ্ডকাব্য ভাব-কল্পনায় বৃহৎ ছিল।

কিন্তু রূপসিদ্ধি কবির সহযোগী হলো না সে তীর্থযাত্রায়। ফলশ্রুতিতে ব্যর্থতাই দেখা দিল।

এ কাব্যের আরম্ভে সতীশোকে শিবের ও কৈলাসের বেদনার চিত্র। চিত্রটি ষথাসম্ভব বিবর্ণ। শুধু শিবের শোকের মৌন কিঞ্চিং ভাবগম্ভীর।

জটালগ্ন মণিমালা, মিলাইয়ে জিহ্বাজালা,
লুকাইল জটার ভিতর।

নিম্পন্দ পবনস্বন্দ নিরানন্দ পুষ্পগণ

অপ্রস্ফুট ঝরে রেণু পর

খামিল গঙ্গার রব, নির্ঝাঁক প্রমথ সব,

কৈলাস-জগৎ অচেতন।

পরবর্তী কবিতা 'মহাদেবের বিলাপ'-এ 'রে সতি রে সতি'-রবে ষে নাটকীয় প্রগল্ভতা প্রকাশ পেয়েছে বাক্যহীন শোকস্বক্লতা তার তুলনায় অনেক গভীরভাবে মনকে নাড়া দেবে। মহাদেবের বিলাপের সূত্রে নানা পৌরাণিক কাহিনীর সংক্ষিপ্ত উল্লেখ করেছেন কবি। উল্লেখগুলি শিবমাহাত্ম্যজ্ঞাপক। মূল বিলাপের সুর এই সব উল্লেখের মধ্য দিয়ে বাজাতে চেয়েছেন। যোগীকে গৃহী করেছিলেন সতী। তাই বিরহে এই গভীর দুঃখপ্রবাহ। কিন্তু বেদনার আন্তরিক গভীরতা প্রকাশ পায় নি। পৌরাণিক প্রসঙ্গগুলি ভক্ত পাঠকের রসতৃষ্ণা কিছু মেটাতেও পারে।

পরের কবিতা নারদের গান। বিশ্বরহস্য উদ্ঘাটনের বাসনা এই গানে প্রকাশ পেয়েছে :

অনন্ত পরমাণু,

বিকট জগদ্ভানু—

উদ্ভব কোথা হতে, কি হইবে চরণে ?

এইরূপ নানা গভীর দার্শনিক জিজ্ঞাসা। জড় চেতনে পার্থক্য কি ? অড়ের মধ্যে চেতনা সঞ্চারের রহস্য কি ? সুখ দুঃখ নির্বাণের অর্থ কি ? কল্যাণময় ভগবানই কি অশ্রুভয়ও স্রষ্টা ? আদিভূত কি পাঁচটি মাত্র, অথবা অসংখ্য ? কিন্তু বিশ্বরহস্যভেদী ভাবনা শুধুই তদ্বচিস্তারূপে এখানে প্রকাশ পেয়েছে,

কিছুমাত্র কবিতা হয়ে ওঠেনি। এবং শেষ পর্যন্ত হরিনামের ভক্তিরসস্রোতে সব জিজ্ঞাসা নিবৃত্ত করতে চেয়েছে নারদ।

পরের কবিতা 'নারদের বীণাবাদন'। হরিনাম গান করতে করতে নারদ আনন্দবিহ্বল হয়ে পড়ল। পরমানন্দে বীণা বাজাতে লাগল। বীণার বৈচিত্র্য শব্দবন্ধে বাঁধতে চেয়েছেন কবি। কবিতাটিতে ভাববস্তু প্রায় কিছু নেই। শুধু শব্দঝঙ্কারে বীণার গুঞ্জনসঙ্গীত—কিঞ্চিৎ কোমল নিকণ, কিঞ্চিৎ গুরুগর্জন ফুটিয়ে তুলবার চেষ্টা। শব্দের অর্থ অংশকে যথাসম্ভব নূন করে ধ্বনি অংশকে মুখ্য করে তোলার এই চেষ্টা কতকটা সফল হয়েছে। কিন্তু চরণান্তিক মিত্রাকর ব্যবহারে কবি গলদঘর্ম হয়ে পড়েছেন। ক্রিয়াপদে ক্রিয়াপদে মিল সৃষ্টি করায় কোনরূপ সুরই বাজে নি। তা শুনবার কান কবির ছিল না।

নারদের গান ও বীণাবাদন শিবকে দুঃখমুক্ত করল। 'শিবনারদসংবাদ' শীর্ষক পরবর্তী কবিতায় কিছু তত্ত্বকথা প্রকাশ পেয়েছে। শিব সতীকে 'অনাচারুপিণী ভবপ্রসবিনী' বলে অনুভব করতে পেরেছেন। তার অল্প মানবিক রীতির শোকপ্রকাশ যে কত অসঙ্গত তিনি বুঝতে পেরেছেন। চৈতন্যরূপিণী সতীর মৃত্যু নেই। তিনি সর্ব অন্তিস্থের এবং অনন্তিস্থের মূল বীজ।

পরমা প্রকৃতি পরমাণু-মূল।

কারণকলাপমালিনী।

চেতনা ভাবনা মমতা কামনা

নিখিল অমুরূপিণী ॥

তিনি স্তম্ভীরূপ পরিহার করে ব্রহ্মাণ্ড বপুতে জড়িয়ে লীলাবিলাস করছেন। হেমচন্দ্রের এই প্রকৃতি ভাবনায় ব্যক্তি উপলব্ধির বর্ণ নেই, হিন্দু তাত্ত্বিক বিশ্বাসেই এর ভিত্তি। অবশ্য এ তত্ত্বচিন্তা শিল্পরূপ লাভ করে নি। ভক্তের বিবৃতিতে মাত্র পর্যবসিত হয়েছে। কবি অবশ্য মর্তমানবের প্রীতিবন্ধনের প্রতি কিঞ্চিৎ অমুরাগ প্রকাশ করেছেন :

ভালবাসাময় জগত নিখিলে

সমব্যথা কত জীবনে !

কিন্তু কাব্যশিল্প হিসেবে সেখানে কোনোরূপ উন্নতি সূচিত হয়নি। এ কবিতার শেষে মানবদেহহীন হয়ে সতী যে বিশ্বময়ী হয়েছেন তা প্রদর্শন করে নারদকে আশ্বস্ত করতে চেয়েছেন মহাদেব।

পরের কবিতার শিরোনাম 'শিবকর্তৃক সৃষ্টি আচ্ছাদন অপসারিত'। মহাদেব সৃষ্টির আবরণ উন্মোচিত করে নারদকে অনাদি প্রবাহের উৎসে নিয়ে চললেন। তত্ত্ববিবৃতি নয়, কবিকল্পনার বিপুলতা এখানে ভাষায় রূপ নিয়েছে। শিবের বিশ্ববিভূত এবং বিশ্বভেদী এই রূপ বৃন্দসংহারে প্রকাশিত তাঁর প্রলয়রূপের সঙ্গে তুলিত হবার যোগ্য। এর আদি আদর্শ গীতার বিশ্বরূপদর্শনে। অবশ্য হেমচন্দ্র সে ছবির অমুকরণ করেন নি। হয়তো

সেখান থেকে প্রেরণা পেয়েছেন। রসাতল বিদীর্ণ হয়ে পদযুগ ঠেকেছে পাতালে। মাথা পৌঁছেছে মহাকাশে। দীপ্ত তাম্রশলার স্তায় জটাজাল সূর্যকিরণের স্তায় আচ্ছন্ন করেছে শূণ্য প্রদেশকে। অস্তরীক্ষের বর্ণনায় কবি বৃদ্ধসংহারেও উল্লেখ্য সাফল্য দেখিয়েছিলেন। কিন্তু গম্ভীর বিশালতা প্রকাশের ছন্দে এরূপ প্রগল্ভতা সাজে না। দক্ষযজ্ঞনাশে ভৌতিক কোলাহলের বর্ণনায় ভারতচন্দ্র এ-জাতীয় ছন্দের ব্যবহার করেছিলেন :

ভূতনাথ ভূতসাথ

দক্ষযজ্ঞ নাশিছে ।

যক্ষরক্ষ লক্ষ লক্ষ

অট্টঅট্ট হাসিছে ।

ভারতচন্দ্রের স্তায় এখানেও ক্রিয়াপদে মিল—যা আদৌ মিল বলে গণ্য হবার নয়। রায়গুণাকর প্রথম দ্বিতীয় পদে অতিরিক্ত মিল দিয়ে সে ক্ষতি পূরণ করেছেন। হেমচন্দ্রে তারও অভাব। অবশ্যই ‘ভূতনাথ’ ‘ভূতসাথ’-এর মধ্যে যে অন্ত্যাহুপ্রাপ ‘মহাদেব’ ‘মহাবেশ’-এ সেরূপ কিছু নেই। আলোচ্য কবিতায় ছন্দ তাঁর প্রতি বিশ্বাসঘাতকতা করেছে।

পরবর্তী কবিতা ‘নারদের মহাকাশ দর্শন’। অস্তরীক্ষের বর্ণনা। প্রধানত কোমলতা ও সৌন্দর্য মিশ্রিত। মাঝে মাঝে বিহারীলালের ‘সারদা মঙ্গল’-এর অংশ বিশেষের কথা মনে পড়ে। ব্রহ্মার মানসসরে ভাসমান সারদার বিশ্ব-ভরা বিচিত্র অঙ্গপ্রতিবিম্বের ছবি।

‘মহাশূণ্ডে দশ ব্রহ্মাণ্ডের স্থান নির্দেশে’ ভিন্নভিন্ন রাশিচক্রে দশমহাবিষ্ণুকে স্থাপন করা হয়েছে। তালিকা ছাড়া এ কবিতায় উল্লেখযোগ্য কিছু নেই। সম্ভবত মহাকাশের অথও অনন্তের ধারণাটি পাঠকচিত্তে কতকটা স্পষ্ট করে তুলতে চেয়েছেন কবি। রাশিচক্রের স্তায় পরিচিত নক্ষত্রমণ্ডলীর সাহায্য নেওয়া হয়েছে সেই উদ্দেশ্যেই।

পরবর্তী অংশ ‘শিবনারদ বার্তা’র মানব সংসারের চিত্র :

মাটির শরীরে ধরে দেবের বাসনা ।

মিটে না মনের সাধ হৃদয়ে বেদনা ॥

আধ ভাঙ্গা সাধ কত পরাণে জড়ায় ।

অস্থখে কতই দুখে জীবন খেয়াল ॥

দেবতুল্য বাসনায় উর্ধ্বদিকে গতি ।

পশুতুল্য পিপাসায় সদা দগ্ধমতি ॥

কবির মানবপ্রীতি, মানবদেহধারণের গৌরব ও যন্ত্রণার ঐকতান এ অংশে বেজেছে।

পরের কবিতার শিরোনাম ‘নারদের মহাকালীর ব্রহ্মাণ্ডদর্শন’। জীবদুঃখে নারদের কাতরতা প্রকাশ পেয়েছে। দয়াহীন নিখিলের কৃষিরাঙ্গ পটভূমিতে দেবর্ষির মানবপ্রীতির করুণস্বর বেজেছে।

না কাঁদে পরাণী ত্রিলোক ভিতরে
নাহি কি এমন ঠাই ?

হেমচন্দ্রের মনে এ ভাবনাটি 'বৃদ্ধসংহার' রচনার কাল থেকেই দেখা দিয়েছিল।
দশম সর্গে পার্বতী শিবকে অমুরূপ প্রদর্শন করেছিলেন :

সুখ হৈতে মানবের দুঃখ পরিমাণ
শুক্রতর কেন এত জগতীমণ্ডলে !

দশমহাবিজ্ঞায় এই প্রদর্শনের উত্তর একাগ্রভাবে খুঁজবার কিছু স্বযোগ নিয়েছেন
কবি।

এর পরে একে একে মহাকালী, তারা, ষোড়শী, ভুবনেশ্বরী, ভৈরবী, মাতঙ্গী,
ধূমাবতী, বগলা, ছিন্নমস্তা, মহালক্ষ্মী—দশমহাবিজ্ঞার:রূপবর্ণনা। অশাস্তি ও
হিংসাময় দুঃখের জগতে শাস্তি ও প্রীতি ধীরে ধীরে একাধিপত্য বিস্তার
করবে দশমহাবিজ্ঞার মূর্তিপরম্পরার মধ্য দিয়ে এই সত্য প্রত্যয় হল নারদের।

জগৎ অশুভ নয়, কালেতে হইবে লয়
জীবদুঃখ সমুদয় ত্রিগুণার ভঞ্জে।

নারদের মুখ দিয়ে মানুষকে আশ্বাসের বাণী শোনালেন কবি। এবং আশ্বাসের
সঙ্গে ভক্তির সুরটি মিশিয়ে দিলেন নিদ্বিধায়।

জড় জীব দেহ মন ষাঁ হইতে প্রকটন,
অনুরূপ সেই রূপ হৃদিমাঝে জাগারে।

শেষ কবিতাটি ক্ষুদ্র। শিব নিজ দেহে বিশ্বরূপ সংহরণ করেছিলেন।
আবার চন্দ্র, সূর্য, গ্রহ, তারা বিধে নিজ নিজ স্থানে ফিরে গেল। আত্মপ্রকৃতি
সতী দশরূপ সঙ্কুচিত করে পার্বতী রূপ নিলেন। কৈলাসে হরপার্বতীর রূপ
শোভা পেল। আধুনিক কবি ভক্তিপ্রফুল্ল চিন্তে কাব্য শেষ করলেন।

তিন

দশমহাবিজ্ঞার একটি প্রধান অংশ শক্তির দশরূপের বর্ণনা। কাব্যটির প্রায়
এক তৃতীয়াংশ জুড়েই এই রূপাঙ্কন। শব্দচিত্র নির্মাণে কবির সাফল্যের
পরিমাণ বিচার্য। এবং নূতন যুগের ভাবনা দ্বারা প্রাচীন বিষয়বস্তুতে নূতন
জীবননক্ষার-চেষ্টা কতটা সত্য হয়ে উঠেছে তার সন্ধান নেওয়াও প্রয়োজন।

চিত্ররচনায় হেমচন্দ্রের কৃতিত্ব বেশি নয়। বলা যেতে পারে
মূর্তিগুলি একান্ত বিবর্ণ নয়। তবে তন্ত্রের কল্পনাগাষ্ঠীর্ষ এবং ঘনীভূত চিত্র-
রূপের কাছে পৌঁছতে পারেন নি কবি। ভারতচন্দ্রের আঁকা ছবিগুলিতে
মৌলিকতা নেই, আছে তন্ত্রের অমুরূপ। কিন্তু সেগুলি রূপহীন নয়।
রামপ্রসাদের কবিতাগুলিতে কল্পনায় এবং রূপনির্মাণে মৌলিকতা আছে।
তন্ত্রোক্ত ভীষণ কালিকা স্নেহময়ী বরদা মাতৃ ভাবনার সঙ্গে সহজ সমন্বয়ে
বন্ধ হয়েছে তাঁর কবিতায়। যেমন :

শঙ্কর পতদলে, মগনা রিপুদলে, বিগলিত কুস্তলজাল ।
 বিমল বিধুবর, শ্রীমুখ সুন্দর, তনুক্রটি বিজিত তরুণতমাল ॥
 যোগিনী সকল, ভৈরবীসমরে, করে করে ধরে তাল ।
 ক্রুদ্বা মানস উর্ধ্ব শোণিত পিবতি নয়ন বিশাল ॥

কবির বিগলিত ভক্তিধারার কঠিন দ্রবীভূত হয়েছে । অনুকরণাত্মক অথবা মৌলিক উভয়ধারার কালীচিত্র রচনায় অষ্টাদশ শতকের বাঙালি কবিরা যে সাফল্যের নজির রেখে গিয়েছিলেন তার সঙ্গে তুলনায় হেমচন্দ্র কোনো নতনত্ব দেখাতে পারেন নি—অস্তুত শুধুমাত্র চিত্ররচনার দিক থেকে । এখানে সেখানে সামান্য যে সব বৈশিষ্ট্যের ইঙ্গিত মেলে তার সংক্ষিপ্ত উল্লেখ করছি ।

প্রচণ্ডবেগে ঘূর্ণমান মহাকালীর ব্রহ্মাণ্ডের কল্পনাটি কবির নিজের । করাল-বদনা কালীর নৃত্যবেগে আবর্তিত বিশ্বনিখিল । এই গতিপ্রবাহ জন্ম থেকে মৃত্যু পর্যন্ত । মৃত্যুরূপা মহাকালীই আদি প্রকৃতি—সৃষ্টির উৎস ।

হেন বেগে বিশ্ব ঘুরে	নাহি ধরে কল্পনা ।
ধূমকেতু ভীমগতি	নহে তার তুলনা ॥
আপনার বেগে স্থির	মেরুদণ্ড উপরি ।
শ্রোতরূপে খেলে তাহে	বেগধারা লহরী ॥
সচেতন অচেতন	যত আছে নিখিলে ।
কুমি কীট প্রাণিকায়ী	জনমে সে কল্লোলে ॥
বিশ্বরূপ প্রাণী জড়	জন্মে যত সেখানে ।
ঘোররূপা মহাকালী	গ্রাসে মুখব্যাদানে ॥
অঙ্গ হতে বেগে পুনঃ	বেগধারা বিহারে ।
করাল বদনা কালী	নৃত্য করে ছকারে ॥

ছন্দে নৃত্যের বহিরঙ্গ তালটি ধরে রাখবার চেষ্টায় ভাবকল্পনার সামগ্রিক গাঙ্গার্যে অনেকটা হানি ঘটেছে । কিন্তু গোটা ব্যাপারটা নিরর্থক হয়ে যায় নি । সন্দেহ নেই গতিময় নৃত্যের তাল বাইরে ছন্দদেহে এত প্রত্যক্ষ করে না তুলে অস্তরের গভীরে সত্য করে তোলা গেলে উচ্চতর শিল্পকৃতি পাওয়া যেত ।

কবি সর্বদা চিত্ররচনার প্রতি মোহ অনুভব করেন নি । বোড়শী এবং বগলার প্রসঙ্গ উল্লেখ মাত্র পর্যবসিত । এবং ছিন্নমস্তার তন্বোক্ত বিস্তৃত বর্ণনা কয়েকটি চরণে সঙ্কচিত ।

হেমচন্দ্র সভ্যতার বিভিন্ন স্তর এবং ক্রমবিকাশ সম্বন্ধে কিছু ইঙ্গিত করতে চেয়েছেন এ কাব্যে । ইঙ্গিতগুলি স্পষ্ট, এবং প্রত্যক্ষ প্রশংসার সঙ্গে প্রায়ই সম্বন্ধ-বদ্ধ । ব্যতিক্রম অল্প ।

জীবধর্মের আদি সত্য হিংসা । আত্মরক্ষায় ঘোরতর সংগ্রাম এবং সংহার । চারদিকে রক্ত ধ্বংস এবং মৃত্যুর বিভীষিকা । কালিকার মহাভয়ঙ্করী মূর্তির সঙ্গে এই ভাবনার সংঘর্ষ কোথাও নেই । কবির মে-বর্ণনা (‘শোণিত-

অর্গব কলকল ডাকিছে' প্রভৃতি) ছন্দের অসম্ভব পরীক্ষা নিরীক্ষার দ্বারা আহত না হলে অনেক কলপ্রদ হত।

তারপরে প্রথম জ্ঞানের অক্ষুর সঞ্চার হল জীব হৃদয়ে। কবি তারার মধ্যে সভ্যতার সেই প্রথম সোপানের চিহ্ন দেখেছেন। উলঙ্গিনী আত্ম-প্রকৃতি এবারে ব্যাক্র চর্ম পরেছেন। খড়্গ-খর্পরের পাশে এক হাতে নীল-পদ্মও শোভা পাচ্ছে। তা ছাড়া—

জলন্ত চিতামাঝে পদে দ্বিপদ সাজে।

বিশ্বব্যাপী হিংসা বহ্নি ও মৃত্যুর মধ্যে মহুগ্ৰাছ পদ্যের মত বিকশিত হয়ে উঠেছে। এখনও চিতায় লেলিহান শিখা। কিন্তু ভরসা এই, সে-আগুন থেকেই জন্ম হয়েছে শোভা ও শুচিতা সূচক পদ্যের। কবির ভাবনা ব্যর্থ হয় নি—রূপের সঙ্গে তার স্বাভাবিক সম্বন্ধ ঘটেছে আলোচ্য কবিতায়।

সভ্যতার বিকাশ-সম্ভাবনা তারায়। পরের স্তর জীবহৃদয়ে প্রণয়সঞ্চার। কবি তন্ত্র থেকে সরে এসেছেন। জবাকুসুম সদৃশা রক্তবর্ণা দেবীকে 'শ্বেতবরণ বামা পূর্ণকলা কামিনী'-রূপে বর্ণনা করেছেন। তন্ত্রবর্ণিত বিস্তৃত চিত্রের স্থানে একটি মাত্র চরণ। সেখানে অবশ্য ষোড়শীকে 'সর্বশৃঙ্গার বেশাঢ্যা' 'সর্বাভরণভূষিতা', 'জগদাহ্লাদের কারণ' এবং 'বিশ্বরঞ্জনকারিণী' বলে বর্ণনা করা হয়েছে। হেমচন্দ্র অনায়াসে এই রূপের সহায়তায় আপনার বিশিষ্ট ভাবটি গোতীত করতে পারতেন।

ভুবনেশ্বরী দেখা দিয়েছেন জীবদুঃখবিনাশিনী সর্বমঙ্গলারূপে। হেমচন্দ্র দেবীকে 'সদা স্নহাস্তযুতা' বলে বর্ণনা করেছেন। কবি তাঁর ত্রিনয়নে দেখেছেন প্রফুল্লতা এবং 'প্রভাত-আভা দেহে'। রক্তিমাত না বলে 'প্রভাত-আভা' শব্দটি ব্যবহার করায় বর্ণের সৌকুমার্য প্রকাশ পেয়েছে। এবং তা কবির ভাবনার যোগ্য বাহন হয়েছে।

সভ্যতার ক্রমবিকাশে পরবর্তী স্তরে দেখা দিয়েছে জ্ঞান ও ভক্তি। ভৈরবীর শাস্ত্র-কথিত স্তবে তাঁকে 'বিষ্ণামভীতিং' বরদাত্রী বলা হয়েছে। কবি তার সঙ্গে ভক্তির প্রসঙ্গ যুক্ত করেছেন মাত্র। নৃতনত্ব বিশেষ নেই। রূপে ও ভাবে অভিনব কোনো ভাবাসঙ্গ তাঁকে গড়ে তুলতে হয় নি।

মাতঙ্গীমূর্তির বর্ণনায় সৌন্দর্যের একটি কোমলকাস্তুররূপ প্রকাশ পেয়েছে। 'দলমলকুস্তল', 'কলহংস শোভাসম শ্বেতমালা নিরূপম' এবং 'শ্রামানী' দেবীর দুই করে শব্দের বালা। এই রূপের আধারে সর্বজীবে প্রীতি-ভাবটির সহজ সুন্দর মিলন ঘটেছে।

ধূমাবতীর অমক্লাস্ত, স্কুংপিপাসাতুর, বিবর্ণা, বিধবাবেশে কবি জীবের অম-ক্লাস্তির অপনোদন লক্ষ্য করেছেন। এ দেবীকে বরং দারিদ্র্য ও অমের প্রতীক বলা যেত। এঁর রূপে অম বিনাশের ইঙ্গিত কোথায়?

বগলাকে তিনি দারিদ্র্যদলনী বলে কল্পনা করতে চেয়েছেন। কিন্তু কবির

ভাবনা বিবৃতি ছাপিয়ে রূপধৃত কাব্যসত্য হয়ে ওঠে নি। কারণ বগলার কোনো রূপই এখানে প্রকাশ পায় নি।

ছিন্নমস্তার বর্ণনা সংক্ষিপ্ত হলেও মদনোন্মত্ততা এবং বিপরীত রতিমূর্তিতে জগতের সর্বপাপের ছোতনা এসেছে। ভয়ঙ্করী তিনি। আপনি ছিন্ন করেছেন আপনার মস্তক। আপনি শোষণ করেছেন আপনার রক্ত। নিঃসন্দেহে এই চিত্রে বীভৎস বিকৃত সভ্যতার আত্মঘাতী রূপ ধরা পড়েছে।

মহালক্ষ্মীর মধ্যে প্রকাশ পেয়েছে সভ্যতার সর্বোত্তম আশা-উজ্জ্বল রূপ। তিনি রোগ শোক তাপ হরণ করেন। 'লীলারসে নিমগন' স্মমোহন-বেশ মহালক্ষ্মী সহজেই মৃতিমতী দয়া, জীবের 'সর্বমুখসন্নে' পরিণত হয়েছেন।

চার

হেমচন্দ্রের এই কবিতায় সভ্যতার ক্রমবিকাশের কোনো পারম্পর্ষপূর্ণ ছবি, কোনো ঐতিহাসিক প্রজ্ঞাপূর্ণ বিশ্লেষণ না পেলে ক্ষুদ্র হবার কারণ নেই। মানব সভ্যতার ইতিহাস বিষয়ে জ্ঞানলাভের জন্য নিশ্চয়ই কেউ দশমহাবিছা পড়বেন না।

হেমচন্দ্র প্রাচীন হিন্দু বিশ্বাস ও ভক্তিকে আধুনিক শিক্ষিত মানুষের জীবন-ভাবনার কাছে এনে ফেলতে চেয়েছেন। এই চেষ্টা নবজাগরণের একটি মুখ্য প্রবণতা। বৃত্তসংহারের আলোচনায় সে কথা বলেছি।

হেমচন্দ্র এর মধ্য দিয়ে মানুষকে একটি সহজ আশার বাণী শুনিয়েছেন। মানবজীবনের দুঃখ নিয়ে তিনি মাঝে মাঝেই ভাবুকতা প্রকাশ করেছেন। অবশ্য এ দুঃখবোধের পেছনে কোনো গভীর দার্শনিকতা নেই। নেহাৎই সাধারণ মানবের বিচিত্র বাস্তব দুঃখবেদনা, অভাব-অভিযোগ, কামনার অপূর্ণতাই কবিকে চিন্তাশ্রিত করেছে। 'কবিতাবলী'তেও সে দুঃখের কথা আছে। 'জীবন-মরীচিকা' প্রভৃতির কথা মনে করা যেতে পারে। বৃত্তসংহারে পার্বতীর মুখে সে কথাই একবার শুনিয়েছেন কবি।

পাপ-পুণ্য কিসে হয় ; দুষ্কৃতি, স্নকৃতি,
অদৃষ্ট অধীনগণে ঘটে কি প্রকারে ;
সুখ হৈতে মানবের দুঃখ পরিমাণ
গুরুত্তর কেন এত জগতীমণ্ডলে !

দশমহাবিছা সম্পূর্ণত সেই দুঃখবোধ এবং দুঃখমোচনের কাব্য। মানব দুঃখে ব্যথিতচিত্ত কবি যে প্রশ্ন তুলেছেন তা কিন্তু ঊনবিংশ শতাব্দীর মানবপ্রীতিরসে পূর্ণ নব্যপ্রত্যয়ের ফল। হিংসাই জীবজগতের আদি সত্য। কঠিন সংগ্রাম এবং অপরের ধ্বংসসাধনের মধ্য দিয়েই আত্মপ্রতিষ্ঠা। ব্যক্তিগত প্রশ্নের মধ্য দিয়ে সেই আদিম হিংস্রতা ছাপিয়ে ওঠে মানুষ। জ্ঞানচর্চা মানুষকে ক্ষুদ্রতা মুক্ত করে। তবুও থাকে দারিদ্র্য-দুঃখ। আর আধুনিক সভ্যতা তো বিকারগ্রস্ত, আপনার

হননে আপনি উচ্চত। সর্বব্যাপিনী প্রীতিই মানব সভ্যতার উচ্চতম ফলশ্রুতি।
দুঃখজয়মন্ত্র। বঙ্কিমচন্দ্রের গভীর মননও ঐ একই সিদ্ধান্তে পৌঁছেছিল।

‘প্রীতি সংসারে সর্বব্যাপিনী—ঈশ্বরই প্রীতি। প্রীতিই
আমার কর্ণে একগণকার সংসার সঙ্গীত। অনন্তকাল সেই মহাসঙ্গীত
সহিত মনুষ্য-হৃদয়-তন্ত্রী বাজিতে থাকুক। মনুষ্যজাতির উপর যদি
আমার প্রীতি থাকে, তবে আমি অণু সুখ চাই না।’

[কমলাকান্ত। প্রথম সংখ্যা]

কবি বিশ্ববিধানের দিকে তাকিয়েছেন উনবিংশ শতাব্দীর মানবভাবনার
বশবর্তী হয়ে। কিন্তু প্রাচীন বিশ্বাসের প্রতি বিরূপতা দেখান নি। তাকে
স্বীকার করে নিয়েছেন। পৌরাণিক-তান্ত্রিক বিশ্বাসে অবিচল কবিমন নারদের
কণ্ঠে আশুস্ত ভক্তির সুরটি বাজিয়েছেন। শাস্ত্রীয় ভাবনার সঙ্গে কোথাও
স্বাতন্ত্র্য দেখা দিলেও তা একান্তই বহিরঙ্গ।

পাঁচ

দশমহাবিচার পাঠক প্রথমেই চমকে যাবেন শব্দের উপরের রেখাঙ্কন দেখে।
কবির নির্দেশ ‘চিহ্নিত স্থানে দীর্ঘ উচ্চারণ এবং পদের অস্তিত্বিত ‘অ’ স্পষ্ট
উচ্চারিত হইবে।’ বাংলা ছন্দের প্রধান দুর্বলতা এ ভাষার উচ্চারণে গুরুলঘুর
ভেদ নেই। অনেকেই তা লক্ষ্য করেছিলেন। মধুসূদনের একটি চিঠির
অংশবিশেষ উদ্ধার করা যেতে পারে।

‘...our language, as regards the doctrine of
accent and quantity, is an ‘apostate’, that is to say,
it cares as much for them as I do for the blessing
of our family-priest.’

[কবি মধুসূদন ও তাঁর পত্রাবলী : ক্ষেত্র গুপ্ত। পত্রসংখ্যা—৫৮]

কিন্তু মহাকবি নূতন ছন্দ সৃষ্টি করতে গিয়ে বাংলা ভাষার স্বাভাবিক উচ্চারণ-
রীতির ব্যত্যয় ঘটান নি। হেমচন্দ্রের এ ধারণা ছিল না যে কোনো ভাষার
উচ্চারণ ভঙ্গিকে ইচ্ছামত বিপর্যস্ত করে নূতন ছন্দের প্রবর্তন করা সম্ভব নয়।
সে-জাতীয় পরীক্ষা হাস্তকর হয়ে পড়তে বাধ্য।

তা ছাড়া কি উদ্দেশ্যসাধনের জন্ত তিনি এই ছন্দঘটিত পরীক্ষা-নিরীক্ষার
ব্রতী হয়েছিলেন? ভাবকল্পনার মধ্যে, কবির জীবনবোধের মধ্যে এমন কিছু
বিশিষ্টতা ছিল কি যার জন্ত অল্পরূপ নূতন ছন্দ ব্যবহার ছিল অপরিহার্য? কবি
মাঝে মাঝে অল্পরূপরীতির প্রয়োগ করেছেন। তাদের সাহায্যে বুঝবার
উপায় নেই, সেরূপ কোনো আভ্যন্তরীণ তথা শৈল্পিক কারণ আছে কি না।

কবির এ প্রচেষ্টা সম্পূর্ণই ব্যর্থ হয়েছে—কারণ অস্বাভাবিক উচ্চারণের
কৃত্রিমতা ফলশ্রুতিতে ব্যর্থতা ডেকে আনতে বাধ্য।

পঞ্চম অধ্যায়

কবিতাবলী

এক

হেমচন্দ্র স্বল্পদীর্ঘ কবিতারচনায় উৎসাহী ছিলেন। দুই খণ্ড 'কবিতাবলী' (১৮৭০,৮০) এবং 'চিত্তবিকাশ' (১৮৯৮) গ্রন্থে এরূপ কবিতার সঙ্কলন। পুস্তিকার আকারেও কয়েকটি রচনা প্রকাশিত হয়েছিল। সাময়িক পত্রের পৃষ্ঠায়ও কিছু কবিতা ছড়িয়ে ছিল। 'এডুকেশন গেজেট'-এ ১৮৬৮ সালে এই জাতীয় কবিতা প্রথম লিখতে আরম্ভ করেন হেমচন্দ্র। বাংলার গীতিকবিতার ক্রমবিকাশে এই সব কবিতার গুরুত্বপূর্ণ ভূমিকা আছে।

আধুনিক কালে ঈশ্বর গুপ্ত প্রথম নানা বিষয়ে স্বতন্ত্র কবিতা লিখতে শুরু করেন। আখ্যানকাব্য থেকে এরা রূপেগুণে একেবারে আলাদা। সংস্কৃত কাব্যশাস্ত্রের অন্তর্সরণে এদের অনেকে খণ্ডকাব্য বিশেষণে ভূষিত করে থাকেন। এরা পুরাতন বাংলা সাহিত্যের গায় 'পদ' নয়। বৈষ্ণব ও শাক্ত পদাবলীর সঙ্গে তুলনা করলেই এই পার্থক্য বোঝা যাবে। আবার নব্য গীতিকবিতার সঙ্গে এর আকার ঘটিত সাদৃশ্য থাকলেও প্রকৃতিগত দূরত্ব কম নয়। তবুও এই 'খণ্ড' কবিতা থেকেই গীতিকবিতার জন্ম, যেমন খণ্ড কবিতার ভিত্তিতে পুরাতন 'পদ'-এর রূপও রীতির বৈশিষ্ট্য। অবশ্য খণ্ড কবিতার সঙ্গে গীতিকবিতার পার্থক্যের রেখাটি যে সর্বদা স্পষ্ট করে আঁকা যায় এমন নয়। খণ্ড কবিতায় যেখানে কবির আত্মকথন প্রধান সেখানে রচনা হয়ে ওঠে গীতিধর্মী। এই আত্মোদঘাটনে কখনও ব্যক্তিগত ভাবানুভূতির স্পষ্ট তরঙ্গস্পন্দন শোনা যায়, কখনও তা অস্পষ্ট অনির্বচনীয় রহস্যঘন হয়ে ওঠে। কখনও তা স্বদেশচেতনায় উচ্চকণ্ঠ এবং উত্তেজিত, কোথাও একান্ত ব্যক্তি-ভাবনায় অল্পচার। কোথাও বস্তুর চারপাশে কল্পনার স্বল্পরেখা আলিঙ্গন, আবার বস্তুকে আত্মসাৎ করে সুদূরাভিমার কল্পনার কামস্বর্গে। কিন্তু যেখানে রচনা বস্তুনিষ্ঠ বা ব্যঙ্গবিদ্ধ, অথবা ব্যক্তিগত জীবনোপলব্ধির চেয়ে বস্তুমুখি জীবন-ভাবনা মুখ্য তাদের গীতিকবিতার সীমায় টানা শক্ত। এদের খণ্ড কবিতা নামেই পরিচিত করা যাক।

ঈশ্বর গুপ্তের 'সংবাদ প্রভাকর' পত্রিকা এদিক দিয়ে ঐতিহাসিক ভূমিকা পালন করেছিল। সামাজিক বিষয়, প্রাকৃতিক শোভা, রাজনৈতিক ভাবনা, ধর্মচেতনা, মানবিক অনুভূতি—কোনো বিশেষ ঘটনা বা দৃশ্য—এমনি নানা প্রসঙ্গে ছোট ছোট কবিতা লেখার সূত্রপাত ঈশ্বর গুপ্তের হাতে। রত্নলাল বন্দ্যোপাধ্যায়, দীনবন্ধু মিত্র গুপ্তকবির শিষ্যত্ব মেনে নিয়েছিলেন। উনবিংশ শতকের ষষ্ঠ দশকে তাঁদের বেশ কিছু কবিতা 'রূপক' শিরোনামে প্রভাকরে

বেরিয়েছে। ১৮৬৫-৬৭ সালে 'রহস্যসন্দর্ভ' পত্রিকায়ও এ জাতীয় কবিতা রঞ্জলাল লিখেছেন। দীনবন্ধুর খণ্ডকবিতার সঙ্কলন 'দ্বাদশ কবিতা' নামে প্রকাশিত হয়েছিল ১৮৭২ সালে। মধুসূদনের 'আত্মবিলাপ' (১৮৬১), 'বঙ্গভূমির প্রতি' (১৮৬২) খণ্ড কবিতার রূপরীতিতে নিয়ে এল গীতিকবিতার স্বর। এদের মধ্যে রোমান্টিক স্বদূরাভিসার নেই, তবু এরা খাঁটি গীতিকবিতা—কবির আত্মোদঘাটনে, স্বাদেশিকতা ও ব্যক্তিত্বের বিশ্বয়কর মিশ্রণে, চিত্তদীর্ণ যজ্ঞায়। কবির 'চতুর্দশপদী কবিতাবলী'তে (১৮৬৬) লিরিকেরই একটা ঘনীভূত রূপ সনেটের সংহত আকার নিয়ে দেখা দিল। সেখানে কবির আত্মাহুসন্ধান। বিহারীলালের 'সঙ্গীতশতক' (১৮৬২) অনেকটা গানের রাজ্যের। পঠা কবিতায় স্থিত হল 'বঙ্গসুন্দরী', 'নির্গমসন্দর্ভ' 'প্রেম প্রবাহিনী'। ১৮৭০ সালে বইয়ের আকারে প্রকাশিত হলেও দুতিন বছর আগে এদের কোনো কোনো অংশ সাময়িকপত্রে মুদ্রিত হয়েছিল। রোমান্টিক গীতিকবিতায় কল্পনা আকাশচারি হয়ে উঠল। 'সারদামঙ্গল'-এ (১৮৭২) তা অনির্বচনীয় রহস্যমণ্ডিত দিগন্তরেখার মত বিলীয়মান এক মায়াময় বিশ্বয়কর রূপ নিল। নবীনচন্দ্র সেনের দুই খণ্ডে প্রকাশিত 'অবকাশরঞ্জিনী' (১৮৭১, ৭৮) তে বস্তুমুগ্ধি, আত্মমুগ্ধি দুজাতের কবিতারই দেখা মেলে। এর প্রথম খণ্ডের কিছু কবিতা চার-পাঁচ বছর আগে 'এডুকেশন গেজেটে'-এ বেরিয়েছিল।

১৮৭০ সাল নাগাদ বাংলা গীতিকবিতার প্রতিষ্ঠা। এবং তার পর থেকে এ ধারার ক্রম-প্রাধান্য বিস্তার। প্রায় বিশ-পঁচিশ বছর ধরে সমকালীন বিশিষ্ট কবিরা খণ্ডকবিতা-গীতিকবিতার বিবিধ রূপ ও বিচিত্র স্বাদ নিয়ে সাধনা করেছেন। (এককভাবে বিহারীলালকে বাংলা গীতিকবিতার জনক বলে বিশেষিত করা ঐতিহাসিক নিদ্বন্দ্ব নয়।) এই বিন্দ্বিত প্রতিষ্ঠার কারণ ছিল! মহাকাব্য আখ্যানকাব্যের প্রচলন। ক্ষুদ্রাকার খণ্ড কবিতার তুলনায় এদের মাহাত্ম্য ও শ্রেষ্ঠত্বে সমকালীন সাহিত্যপ্রধানদের বিশ্বাস। ফলে বিহারীলালের আগে কেউই একাগ্রচিত্তে নব্যধারার অমুশীলনে আগ্রহ দেখান নি। তাছাড়া গীতিকবিতার আঙ্গিক ও রসাবেদন সম্বন্ধে সুস্পষ্ট ও সূনির্দিষ্ট ধারণা ধীরে ধীরে বিচিত্রমুগ্ধি চেষ্টার মধ্য দিয়ে গড়ে উঠেছে।

এই ঐতিহাসিক পটভূমিতেই হেমচন্দ্রের কবিতাবলীর মূল্য বিচার্য।

দুই

বিশ্রান্তালাপের উদ্দেশ্যে মহাকাব্যিক বিপুল আয়োজনের ফাঁকে ফাঁকে হেমচন্দ্র মুষ্টিমেয় খণ্ডকবিতা লেখেন নি। তাঁর কাব্যসাধনার একটি মুখ্য

প্রচেষ্টা এই ধারার বয়ে চলেছে কবিতা জীবনের প্রায় আশ্রয় জুড়ে। ১৮৬৮ সালে খণ্ড কবিতা লিখতে শুরু করেন তিনি। আমৃত্যু লিখেছেন। উল্লেখযোগ্য শেষ রচনা 'চিত্তবিকাশ' গীতিকবিতার সঙ্কলন।

খণ্ডকবিতা-গীতিকবিতায়ই হেমচন্দ্র বেশি কৃতিত্ব দেখিয়েছেন— সাহিত্যজগতে এদেরই স্থায়িত্বের সম্ভাবনা আছে, এমন সমালোচনাও শোনা যায়। অবশ্য দীর্ঘস্থায়ী হবার প্রশ্ন আসে না। হেমচন্দ্রের কোনো রচনায়ই প্রতিভার সেই সর্বোচ্চ স্তরের পরিচয় নেই যাতে যুগান্তরের রসিক পাঠক কাব্যস্বাদের অঞ্জলি ভরে নিতে পারে। আলোচ্য কাব্যভাণ্ডারে সন্ধানী মন কিছু মাঝারি ধরনের কবিতার খোঁজ পাবেন। কবি বৃহৎসংহার-দশমহাবিছায় যে স্তরের ক্ষমতার পরিচয় দিয়েছেন কবিতাবলীর মান তার চেয়ে কোনো দিকেই উচু নয়। হেমচন্দ্র বিশেষ করে খণ্ডকবিতা-গীতিকবিতা রচনার উপযোগী প্রতিভা নিয়ে এসেছিলেন—মহাকাব্যিক কৃত্রিম প্রচেষ্টায় তাঁর কবিপ্রাণের সত্য পরিচয় নেই, এমন সিদ্ধান্তে আস্থা রাখা চলে না। যুরোপীয় কাব্যরীতির নানা মহল থেকে রূপ ও আঙ্গিক আকর্ষণ করতে চেয়েছেন তিনি। এক্ষেত্রেও তাঁর গুরু মধুসূদন। কিন্তু গুরুর মত উচ্চ প্রতিভা বা শিল্পবোধের হ্রস্বভিষ্ট ভারকেই না থাকায় তাঁর সে সাধনার বৈচিত্র্যের মধ্যে বৃহত্তর কোনো একের সন্ধান মেলে না।

হেমচন্দ্রের কবিতা ভাণ্ডারে বস্তুনিষ্ঠ এবং আত্মনিষ্ঠ ছন্দরনের লেখাই আছে। কিছু আছে খাঁটি লিরিকও। অনেকগুলি কবিতা ব্যঙ্গমুখ্য। কোথাও মানবজীবন ও ভাগ্য সম্বন্ধে ভাবনা যেমন আছে তেমনই একান্ত ব্যক্তিগত বেদনার উপলক্ষ্যিকও প্রকাশ করতে চেয়েছেন কবি মাঝে মাঝে।

তিন

স্বাধীনতার চেতনা, স্বদেশপ্রেম নবজাগৃতির মন্ত্র—আধুনিক কালের ভাবনা। মধ্যযুগে রাজকীয় আনুগত্য ছিল, ছিল আত্মরক্ষার জৈব প্রয়োজনও। রাজপুতানা, মহারাষ্ট্রে প্রভৃতি অঞ্চলে এক জাতের স্বাদেশিকতার উন্মেষও ঘটেছিল। কিন্তু তার সঙ্গে ধর্মকুলগৌরব প্রভৃতি প্রসঙ্গগুলির সম্পর্ক ছিল ঘনিষ্ঠ। বিস্তৃত জাতীয় ভাবনা উনবিংশ শতাব্দীর ইংরেজ সংস্পর্শের ফল। প্রাচীন সাহিত্য ও শাস্ত্রগ্রন্থাদির উদ্ধারে এবং ঐতিহ্যচর্চায়ও এই জাতীয় মনোভঙ্গি কতকটা সক্রিয় ছিল। আবার এর ফলে এই মনোভাবই পুষ্ট হয়েছিল। হেমচন্দ্রের সমকালে রাষ্ট্রনৈতিক ভাবনা সচেতন আন্দোলন এবং সংগঠনের অভিমুখি হয়েছিল। সে-পরিচয় আগেই দেওয়া হয়েছে।

ঈশ্বর গুপ্তে দেশাত্মবোধক কবিতার শুরু। মধুসূদনের সনেটে স্বদেশ প্রীতির স্তরীকৃত ভাববাগ্ননা প্রকাশ পেয়েছে। নবীনচন্দ্রের অবকাশরঞ্জিনীতে জাতীয়

ভাবোদ্দীপক কবিতা আছে। হেমচন্দ্রের এ জাতীয় কবিতার সংখ্যাও অনেক। সমকালে এদের মূল্যেই কবি আকাশ-ছোঁরা জনপ্রিয়তা পেয়েছিলেন।

রঙ্গলাল মধুসূদন নবীনচন্দ্রের কাহিনী-কাব্য (এবং মহাকাব্য) গুলিতেও নানা সূত্রে স্বদেশপ্রেম প্রকাশ পেয়েছে। হেমচন্দ্রের বীরবাহু বৃহৎসংহারের কথা আগেই মোটামুটি বিস্তারিতভাবে বলেছি। বঙ্কিমের অনেকগুলি উপন্যাসের কথা এই প্রসঙ্গে বিশেষ করে মনে পড়বে। পরোক্ষত হলেও বাঙালির স্বদেশি ভাবনার বিকাশে নীলদর্পণের ভূমিকাও বিশেষভাবে উল্লেখ্য। তবে ঋগু কবিতায় কাহিনীর আবরণটি অপসৃত হওয়ায় এই বিশেষ ভাবটি অনেক প্রত্যক্ষ ও স্পষ্ট হয়ে প্রকাশের সুযোগ পেয়েছে।

ভারতীয় চিন্তানায়কদের স্বদেশি চিন্তার মধ্যে ঊনবিংশ শতাব্দীতে তো বটেই, বিশেষ কোঠায়ও দীর্ঘকাল ধরে দ্বিধা ছিল প্রবল। যুরোপীয় গণতন্ত্রের কথা এঁরা ভাবছেন কিন্তু জাতীয় স্বাধীনতার দাবিটি তুলে ধরতে পারছেন না উচ্চকণ্ঠে।

একালের ভারতবাসীর কাছে হেমচন্দ্রের কবিপ্রাণের এই দৃষ্ট আহ্বান স্পষ্ট এবং উত্তেজক।

আর ঘুমাইও না, দেখ চক্ষুমেলি,
দেখ দেখ চেয়ে অবনীমণ্ডলী
কিবা সুসজ্জিত কিবা কুতূহলী,
বিবিধ মানবজাতিরে লয়ে।

...
বাজরে শিক্ষা বাজ এই হবে,
শুনিয়া ভারতে জাগুক সবে,
সবাই স্বাধীন এ বিপুল ভবে,
সবাই জাগ্রত মানের গৌরবে,
ভারত শুধু কি ঘুমায়ে রবে ?

[ভারত-সঙ্গীত]

কবিকে এই তীব্রতার চারপাশে একটি আবরণ টানতে হয়েছে শিবাজীর সমকালীন চারণ মাধবাচার্যের প্রসঙ্গ নিয়ে এসে। কবিতার ভূমিকাটি অবশ্য আমরা অগ্রাহ করতে পারি। তা যে সরকারী বিরূপতা প্রতিরোধ করবার একটি একান্ত বহিরঙ্গ চেষ্টা তাতে সন্দেহ নেই। কিন্তু শুধু বাইরেই ছিল না এই প্রতিবন্ধক। কবির অন্তরেও ছিল। সে বিষয়ে হেমচন্দ্র একক নন।

মধুসূদন জাতীয় পরাধীনতা ও দীনতায়, সর্বব্যাপী দুর্দশায় বেদনার্ত হয়ে লিখেছিলেন,

‘The Hindu, as he stands before you, is a
fallen being—once—a green, a beautiful, a tall, a

majestical, a flowering tree ; now blasted by lighting !'

[The Anglo Saxon and the Hindu]

এবং এই পরাভূত অবদমিত জাতির উন্নয়ন যে ইংরেজ সংস্কৃতির হাতে সেকথা স্পষ্টভাবে বলেছিলেন উক্ত রচনার সমাপ্তিতে ।

'It is the glorious mission, I repeat, of the Anglo Saxon to renovate, to regenerate, or in one word to Christianize the Hindu.'

পাশ্চাত্য সংস্কৃতির কথাই কবি বলতে চেয়েছেন । হিন্দুকে খ্রীষ্টান করার প্রস্তাবটি নেহাংই বহিরঙ্গ ।

ইংরেজদের সাহিত্য-সংস্কৃতি-শিক্ষা থেকে তাদের অর্থনৈতিক শোষণ এবং রাজনৈতিক দমননীতিকে পৃথক করে দেখতে পারেন নি সেকালের চিন্তানায়কেরা । তাছাড়া মধ্যযুগীয় নবাবী ব্যবস্থায় ফিরে যাবার ভয় ছিল । রাষ্ট্রীয় স্বাভাব্য এবং মূল অর্থনৈতিক সম্মুখনের ভাবনা তাই স্বচ্ছ হয়ে উঠতে পারে নি অধিকাংশের ভাবনায় । কেউ ইংরেজকে 'বড়' আর 'ছোট' বলে পৃথক করে দেখে নিশ্চিত হয়েছেন । প্রসঙ্গত বঙ্কিমের 'আনন্দমঠ'-এর সমাপ্তি অংশের কথা মনে পড়বে ।

'সত্যানন্দের দুই চক্ষে জলধারা বহিতে লাগিল । তিনি উপরিস্থিতা, মাতরুপা জন্মভূমি প্রতিমার দিকে ফিরিয়া জোড়হাতে বাষ্পনিকরকণ্ঠে বলিতে লাগিলেন, 'হায় মা ! তোমার উদ্ধার করিতে পারিলাম না । আবার তুমি স্নেহের হাতে পড়িবে । সন্তানের অপরাধ লইও না । হায় মা ! কেন আজ রণক্ষেত্রে আমার মৃত্যু হইল না !'

চিকিৎসক বলিলেন, 'সত্যানন্দ, কাতর হইও না ।...ইংরেজ বহিবিষয়ক জ্ঞানে অতি সুপাণ্ডিত, লোকশিক্ষায় বড় সুপটু । সুতরাং ইংরেজকে রাজা করিব । ইংরেজী শিক্ষায় এদেশীয় লোক বহিস্তম্ভে সুশিক্ষিত হইয়া অস্তুস্তম্ভ বৃত্তিতে সক্ষম হইবে ।...ব্রত সফল হইয়াছে—মার মঙ্গল সাধন করিয়াছ—ইংরেজরাজ্য স্থাপিত করিয়াছ । যুদ্ধবিগ্রহ পরিত্যাগ কর, লোক কৃষিকার্যে নিযুক্ত হউক, পৃথিবী শস্যশালিনী হউন, লোকের শ্রীবৃদ্ধি হউক ।

সত্যানন্দের চক্ষু হইতে অগ্নিস্ফুলিঙ্গ নির্গত হইল । তিনি বলিলেন, 'শক্রশোণিতে সিক্ত করিয়া মাতাকে শস্যশালিনী করিব ।'

উক্তভাংশে সত্যানন্দ ও মহাপুরুষের মধ্যে চিন্তার যে দ্বন্দ্ব প্রকাশ পেয়েছে তাতে মোটামুটিভাবে সমকালীন বাঙালি বুদ্ধিজীবীদের স্বদেশ চিন্তার বিধা প্রতিফলিত ।

হেমচন্দ্রও তাই 'ভারত-সঙ্গীত'-এর মত কবিতার পাশে পাশে 'ভারত ভিক্ষা', 'ভারতবিলাপ'-এর গ্রানিজর্জর স্বতিবাদে আত্মসমর্পণ করেছেন।

যার ভয়ে মাথা না পারি তুলিতে
হিমগিরি হেঁট বিক্ষোর প্রায়,
পড়িয়া যাহার চরণ-নগরে
ভারত-ভুবন আজি লুটায়—
সেই ব্রিটনের রাজকুলচূড়া
কুমার আসিছে জলধি-পথে,
নিরখিয়া তায় জুড়াইতে আগি
ভারতবাসীরা দাঁড়ায় পথে।

'নেভার নেভার' কবিতায় ব্যঙ্গাত্মক দৃষ্টিতে হলেও কবি বিদ্ব ক করেছিলেন বৃটেনের সাম্রাজ্যবাদী শোষণক মনোভাবের প্রকৃত স্বরূপ। তাঁর সে ধিক্কারের ভাষা ছিল অত্যন্ত তীব্র।

চিরশিক্ষা ব্রিটনের পৃথিবীর লুট—
ভারত ছাড়িয়া যাব—টুট টুট টুট ॥...
স্পষ্ট কথা বলা ভাল বিঘ্ন বড় ভারি,
'মিলচ কাউ' ইণ্ডিয়ায় চেড়ে যেতে নারি ॥

এই কবি যখন এমিয়বাসীর উপরে ইংরেজের বিজয় দেখে বিগলিত হন, অথবা দুর্ভিক্ষকালীন সরকারী দাক্ষিণ্যে অত্যাংসাহী হয়ে 'ভারতে কালের ভেরী বাজিল আবার' লিপে ফেলেন তখন বাঙালি বুদ্ধিজীবীদের মনের দ্বিধা কত ব্যাপক ছিল অনুভব করা যায়।

'স্বদেশ' শীর্ষক কবিতায় জনভূমির দিকে বাঙালিকে মুখ ফেরাতে আহ্বান জানিয়েছেন কবি ঈশ্বরগুপ্ত। বাংলা ভাষায় এই আমন্ত্রণ নূতন। কবি ইংরেজ শাসনের বিরুদ্ধতার কথা বলেন নি। কিন্তু বাঙালির মন স্বজাতি এবং স্বদেশের দিকে ফেরাতে চেয়েছেন। তাদের পরজাতি-পরদেশের প্রতি আসক্তিকে তীক্ষ্ণ কটাক্ষ-বিদ্ব করেছেন। কবির ভাষায় আন্তরিকতার উদ্ভাপ আছে। যদিও তা প্রবল ও গভীর হয়ে আবেগে রূপান্তরিত হয় নি। অনেকটা বিবৃতিধর্মী এই কবিতার শিল্পগুণ বেশি নয়, যতটা মনে রাখবার মত এর সামাজিক-ঐতিহাসিক মূল্য।

মধুসূদনের 'বঙ্গভূমির প্রতি'তে স্বদেশপ্রেম ব্যক্তিক উপলক্ষিতে ঘনীভূত হয়ে রূপ ধারণ করেছে। হেমচন্দ্রের স্বদেশপ্রাণ কবিতাগুলির চেয়ে এদের দূরত্ব অনেক। তাঁর মনেটেও দেশপ্রেম একটি মুখ্য স্বর। কিন্তু তা হেমচন্দ্রের জ্ঞান ততখানি সংগ্রামস্কন্ধ নয়। পরাধীনতার বেদনা-বোধ সেখানেও কম নয়, কিন্তু বিদেশি শাসনের অবমান কর্তব্য কিনা এ জাতীয় রাজনৈতিক সমস্যা নিয়ে কবি কোনোদিনই ভাবিত হন নি। দেশের পরাধীনতার কথা বলতে

গিয়েও মধুসূদন বর্ণাঢ্য রূপসৃষ্টির কবিজনোচিত দায়িত্বই পালন করেছেন। যেমন দেশের স্বাধীনতা চ্যুতির কারণে যে তার অতুল ঐশ্বর্য একথা বিবৃতি-বক্তৃতার আকারে নয় বেদনাজব রূপধ্যানের মধ্যে দেখা দিয়েছে।

কেনা লোভে, ফণিনীর কুস্তলে যে মণি
ভূপতিত তারারূপে, নিশাকালে বলে ?
কিন্তু কৃতাস্তের দূত বিষদস্তে গণি
কে করে সাহস তারে কেড়ে নিতে ব'লে ?
হায় লো ভারত-ভূমি। বৃথা স্বর্ণজলে
ধুইলা বরাক তোর, কুরঙ্গ নয়নি,
বিধাতা ? রতন সিঁথি গড়ায়ে কোশলে,
সাজাইলা পোড়া ভাল তোর লো, যতনি।

মধুসূদনের এই স্বদেশভক্তির পেছনে কোনো রাজনৈতিক-অর্থনৈতিক চেতনা ক্রীড়াশীল নয়। এখানে হেমচন্দ্রের সঙ্গে তাঁর বড় রকমের পার্থক্য। দেশকে মধুসূদন ভালোবেসেছেন দেশের ভাষাকে ভালোবেসে। এ প্রেম কবিপ্রাণের উৎসেই জন্মেছে। স্বদেশ-প্রকৃতির রূপসম্ভোগে তা স্পষ্ট ও বাস্তব হয়ে উঠেছে। কবির আত্মপরিচিতি তাই দেশের সৌন্দর্য-বর্ণনায় মুখর।

যে-দেশে উদয়ি রবি উদয়-অচলে
ধরণীর বিশ্বাধর চূষেন আদরে
প্রভাতে ; যে দেশে গেয়ে, স্তমধুর কলে,
ধাতার প্রশংসা গীত, বহেন সাগরে
জাহ্নবী ; যে দেশে ভেদি বারিদ মণ্ডলে
(তুঘারে বাপিত বাস উর্ধ্ব কলেবরে,
রক্তের উপবীত শোভঃ-রূপে গলে,)
শোভেন শৈলেন্দ্র-রাজ, মান-সরোবরে
(স্বচ্ছ-দয়পণ !) হেরি ভীষণ মুরতি,—
যে দেশে কুহরে পিক বসন্ত কাননে,
দিনেশে যে দেশে সেবে নলিনী যুবতী,—
টাদের আমোদ যথা কুমুদ-স্বপনে ;—
সে দেশে জনম মম ; জননী ভারতী।

হেমচন্দ্র স্বদেশের সেখানে পরিচয় দিতে গিয়ে বীরছোজল অতীত ইতিহাসের তথ্যময়ন করেছেন।

নির্নাঙ্গিল শৃঙ্গ করিয়া উচ্ছ্বাস,
“বিংশতি কোটি মানবের বাস,
এ ভারত ভূমি স্ববনের দাস,
রয়েছে পড়িয়া শৃঙ্খলে বাঁধা !

আর্য্যাবর্ত জয়ী পুরুষ বাহারা,
সেই বংশোদ্ভব জাতি কি ইহারা ?
জন কত শুধু প্রহরী পাহারা,
দেখিয়া নয়নে লেগেছে ধাঁধা।”

বঙ্কিমের স্বদেশমন্ত্র জাতীয় ঐতিহ্যের সঙ্গে বাঙালি হিন্দুর সর্ব প্রধান ধর্মোৎসবকে একাত্ম করে জন্মভূমির একটি মাতৃমূর্তি গড়ে তুলেছে।

‘...সুবর্ণ মণ্ডিতা এই মণ্ডমীর শারদীয়া প্রতিমা ! জলে হাসিতেছে, ভাসিতেছে, আলোক বিকীর্ণ করিতেছে। এই কি মা ! হাঁ, এই মা। চিনিলাম, এই আমার জননী জন্মভূমি—এই যুগ্ময়ী—যুক্তিকারুণিণী—অনন্তরত্নভূষিতা—এক্ষণে কালগর্ভে নিহিতা। রত্ন-মণ্ডিত দশ ভূজ—দশ দিক্—দশ দিকে প্রসারিত, তাহাতে নানা আয়ুধরূপে নানা শক্তি শোভিত ; পদতলে শত্রু বিমদিত, পদাঞ্জিত বীরজন কেশরী শত্রুনিষ্পীড়নে নিযুক্ত ! এ মূর্তি এখন দেখিব না—আজ দেখিব না, কাল দেখিব না—কালশ্রোত পার না হইলে দেখিব না—কিন্তু একদিন দেখিব—দিগ্ভূজা, নানা প্রহরণপ্রহারিণী শত্রুমর্দিনী, বীরেন্দ্রপৃষ্ঠবিহারিণী—দক্ষিণে লক্ষ্মী ভাগ্যারুণিণী, বামে বাণী বিদ্যাবিজ্ঞানমূর্তিময়ী, সঙ্গে বলরূপী কান্তিকেয়, কার্য্য-সিদ্ধিরূপী গণেশ, আমি সেই কালশ্রোতোমধ্যে দেখিলাম, এই সুবর্ণময়ী বঙ্গপ্রতিমা।’

[কমলাকান্ত]

বঙ্কিমের কল্পনায় ধৃত স্বদেশের জননীমূর্তি বাঙালির ধর্ম-ভাবনা, ঐতিহ্য চেতনাকে তৃপ্ত করে জাতীয় উপলক্ষিতে চিরস্থায়ী সত্য রূপে প্রতিষ্ঠিত হয়েছে।

হেমচন্দ্রের কবিতায়ও স্বদেশের একটি রমণীমূর্তি বার বার উঁকি দিয়েছে।

আগে ছিল রাণী ধরা রাজধানী
স্মরণে যেন গো থাকে সে কাহিনী,
এবে সে কিঙ্করী হয়েছে ছুগিনী
বলিয়ে দস্ত করো না গরিমা।

বঙ্কিমের কমলাকান্ত প্রকাশের আগেই এক ভাগ্যাহতা রমণীরূপে কবি স্বদেশকে কল্পনা করেছেন। কিন্তু সে ভাবনায় ব্যাপ্তি বা গভীরতার অভাব। তুলনায় নবীনচন্দ্র যখন অশোকবনে বন্দিনী সীতার মধ্যে দেশজননীর খোঁজ পান, ‘তুমিই অশোকবনে সীতাবিবাদিনী’ তখন কবির সাদৃশ্য আবিষ্কারের অভিনবত্বে চমক লাগে এবং সঙ্গে সঙ্গে তাৎপর্যও অনুভব করা যায়।

হেমচন্দ্রের স্বদেশপ্রেমমূলক কবিতা কাব্যবিচারে প্রায়ই উত্তীর্ণ নয়। বক্তৃতার উদ্দীপনা আছে, তাই আছে জনচিন্তকের স্বেচছা। কিন্তু নেই

ভাবাবেগের চিত্তরূপসিদ্ধি। নবীনচন্দ্রের নিয়োক্ত কবিতায় স্বদেশপ্রেমের উত্তেজনা যেমন রূপবদ্ধ হয়েছে,

না পার,—বসিয়া এ মহাশ্মশানে
বিংশতি কোটিক শবের উপর,
উগ্র উদ্দীপনা—মহাসূরা-পানে,
সাধ মহামন্ত্র অভয় অস্তর।

[শব-সাধন]

হেমচন্দ্রে প্রায়ই তেমন ঘটেনি। তিনি বরং ইতিহাস পুরাণ মন্বন করে নামের মালা চয়ন করেছেন। তথ্যপুঞ্জ ভারাক্রান্ত হয়ে উঠেছে তাঁর কবিতা :

লুটাইল 'আসমান' রুসিয়ার চরণে।
লুটাইল 'জুলুরাজ' পশুরাজ-বিক্রমে...
ঘুচাইয়া বন্যজাতি 'আফ্রিকে'র বিক্রমে!
লুটে 'ওলন্দাজ' পায় এখনও 'জাভা'য়।

[ইউরোপ এবং আসিয়া]

ম্যারাথন, খার্মপলি হয়েছে শ্মশানস্থলী,
গিরীস আধারে আজ পোহাইছে রাত্তি,
[পদ্মের মৃগাল]

জ্ঞানচর্চাও স্বাহ হয়ে উঠতে পারে—সেজন্তু চাই তথ্যের রসরূপে রূপান্তর। অথবা ভাষায় মননের গুঞ্জল্য সঞ্চার। হেমচন্দ্রে তা নেই। তথ্য তাই কাব্যসাকল্যে সাহায্য করে নি।

চার

হেমচন্দ্রের কবিতায় স্বদেশপ্রেমের দুই ভাব। রাজনৈতিক প্রসঙ্গ এবং সমাজ ভাবনা। প্রকাশের দুই স্বতন্ত্র রীতি—দুই ভিন্ন স্বর। গম্ভীর, উত্তেজক এবং লঘু হাস্যোদ্দীপক। অর্থাৎ কবির শিল্প-চেতনার যে উৎসে স্বদেশ ও সমাজ বিষয়ক কবিতাগুলির জন্ম, ব্যঙ্গ কবিতার উদ্ভবও সেখান থেকেই। বিষয় এক, দৃষ্টি কোণ ভিন্ন, রস ভিন্ন।

ব্যঙ্গদৃষ্টিতে হেমচন্দ্রের অধিকার ছিল। তার প্রমাণ এই কবিতাগুলির সাকল্যে। কবির লেখায় খাঁটি আবেগ—খাঁটি সৌন্দর্যমূলক কল্পনার অভাব লক্ষ্য করা যায়। আবেগের স্রোতে যে চিত্ত ভাসমান নয়, কৌতুকের সত্য তাঁরই আয়ত্তে। সৌন্দর্যের বর্ণসজ্জা ঠাকে আচ্ছন্ন করে নি তাঁর ব্যঙ্গদৃষ্টিতেই বিহ্বল বস্তুর ভয়ঙ্করীণ বামাবর্ত।

হেমচন্দ্রের অন্যান্য রচনায় যে অভাব সাকল্যের পরিপন্থী এ-জাতের কবিতায় তা-ই রসসিদ্ধির কারণ।

আধুনিক বাংলা ব্যঙ্গকবিতার শুরু ঈশ্বর গুপ্ত। ঈশ্বর গুপ্তের ব্যঙ্গ সর্বত্র প্রসারিত। তপসে মাছ, আনারস, পাঠা, পৌষপার্বণ প্রসঙ্গে যে কৌতুক সৃষ্টি করেছেন কবি তার ভিত্তিতে আছে বাংলার গ্রাম্য রঙ্গরস—চণ্ডীমণ্ডপ-বটতলা-পুকুরের বাধানো ঘাটের আসরে প্রচলিত প্রবাদ-মন্তব্য, গালগল্প, রসিকতা। কবি ভাষায় শ্লেষধমকের চমক লাগিয়ে তাকে আধুনিক রুচির উপভোগ্য করে তুলেছিলেন। ঈশ্বর গুপ্তের অল্প এক শ্রেণীর কবিতায় অবশ্য ইংরেজ সভ্যতার সংস্পর্শজাত ভারসাম্যচ্যুতিই তীক্ষ্ণ ব্যঙ্গে আহত হয়েছে।

যত হুধের শিশু, ভোজে ঈশু,
 ডুবে মোলো ডবের টবে।
 আগে মেয়েগুলো, ছিল ভালো,
 ব্রত ধর্ম কোর্তো হবে।
 একা 'বেথুন' এসে, শেষ কোরেছে,
 আর কি তাদের তেমন পাবে ?
 যত ছুঁড়ীগুলো, তুড়ী মেরে
 কেতাব হাতে নিচ্ছে যবে।
 তখন 'এ', 'বি', শিখে বিবি সেজে,
 বিলাতী বোল কবেই কবে ॥

কোম্পানীর হাত থেকে ভিক্টোরিয়ার রাজ্যভার গ্রহণ প্রসঙ্গে কবির রাজনৈতিক ব্যঙ্গের ('তুমি মা কল্পতরু, আমরা তোমার পোষা গরু') কথা স্মরণ করা যেতে পারে।

ব্যঙ্গকবি হেমচন্দ্র ঈশ্বর গুপ্তের সচেতন শিষ্য। অবশ্য পুরাতন গ্রাম্য রসিকতার সঙ্গে গুরুর যে সম্পর্ক ছিল, শিষ্যে তা সম্পূর্ণই লুপ্ত হয়েছে। হেমচন্দ্র সম্পূর্ণই নাগরিক। সমাজভাবনার নানা দিক, রাজনৈতিক প্রসঙ্গ, মিউনিসিপাল ভোট, দেশলাইয়ের প্রচলন, যুবরাজের বঙ্গজেনানা দর্শন প্রভৃতি সাময়িক নানা বিষয় তাঁর আক্রমণের ও কৌতুকের অবলম্বন রূপে গৃহীত।

হেমচন্দ্রের ব্যঙ্গ মাঝে মাঝে আক্রমণে শাণিত। ইংরেজ শাসকদের হিন্দু প্রীতি সম্বন্ধে তিনি লিখেছেন :

লাথি কিল পটাপট, জুতো চড় চটাচট,
 'লিভর' পীলে ফটাফট আপনি যেতো ফেটে।
 আমরাই করণায় মলম মাখায়ে গায়
 রাখিতাম কোলে করে হিন্দুর সন্তানে।
 সিংহ যেন মৃগ রাখে স্বর্গের বাগানে !

এদেশি রাজনীতিবিদদের আফালনে কবির মন্তব্য :

পরের অধীন দাসের জাতি 'নেমন' আবার তারা ?
 তাদের আবার 'এজিটেসন্'—নরুন উচু করা !

কোথাও ব্যক্তিগত কটাক্ষ প্রত্যক্ষ ও তীব্র হয়ে উঠেছে ভাগ্য-তৈরীর নেশামত্ত
জর্নৈক মুখুজ্জেকে* লক্ষ্য করে :

বেলগেছেতে খানা দিয়ে খেটে হলে খুন ।
বিষ্ণুপুরে মিসের দেখে বড়ে টেপার গুণ ॥
ছি ! রাজেন্দ্র ! কাল কাটালে পুথি ঘেটে ঘেটে ।
শেষে আইনপেসার পেছারিতে মান্টা গেল ঘেটে ॥
ধন্য হে মুখুষ্যে ভায়া বলিহারি যাই ।
বড় সাপ্টা দরে মাং করিলে খেতাব 'সি. এস. আই' ॥

এ কবিতায় ব্যক্তিগত আঘাত বড় কম ছিল না । কিন্তু সতর্ক পাঠক অনুভব
করবেন এ কবিতার অঙ্গুলি সঙ্কেত সর্বকালের সুবিধাবাদী, শক্তিমানের পদলেহী,
আত্মমর্ষাদাহীন মানুষদের দিকে প্রসারিত ।

হেমচন্দ্রের ব্যঙ্গকবিতা চিত্রময় । চিত্রময় বাণীর অভাবে স্বদেশ বিষয়ে
লেখা গভীর কবিতাগুলি কবিতা হিসেবে হয়েছিল অনেকটা ব্যর্থ । এখানে
ব্যঙ্গব্যক্র চিত্ররচনার নৈপুণ্যে কবিতা হয়েছে উপভোগ্য । এ প্রসঙ্গে 'হতোম
প্যাচার নকশা'-র কথা মনে পড়বে । ব্যঙ্গের তুলিতে আঁকা ছবির সে-এক
মিছিল । ভাষার গুণে এবং গ্রন্থন কৌশলে চিত্র হয়ে উঠেছে চলচ্চিত্র । এর
সুপ্রচুর নিদর্শন আছে 'সাবাস হজুক আজব সহর' এবং 'বাজিমাং'
কবিতায় ।

মিউনিসিপাল ভোটরঙ্গ জমে উঠেছে প্রথম কবিতায় । ভোটের ব্যাপার
ব্যঙ্গরসিকদের সমভাবে আকর্ষণ করেছে সেকালেও । কারণ এখানে খ্যাতির
নেশায় মত্ত হয়ে মনের ভারসাম্য হারাবার উদাহরণ মেলে ভুরি ভুরি । বিপক্ষের
সঙ্গে লড়াইয়ে আদর্শ ও নীতির বালাই থাকে না একেবারেই । জনমনরঞ্জনের
স্বল চেষ্টি হাশ্বকর হয়ে ওঠে । ব্যঙ্গরসিক এর সুযোগ গ্রহণ করেন । আলোচ্য
কবিতায় ভোরবেলা ভোটীদের নানা শ্রেণীর সাজসজ্জা এবং প্রস্তুতির কয়েকটি
স্বতন্ত্র এবং সুত্রবদ্ধ দ্রুত চলমান ছবি । সময়মত ভোট দিতে না গেলে
সাহেব শাসকেরা 'চাবুকে করিবে লাল সদা প্রাণে ভয়', তাই 'পরিবার
পুত্রকণা হাহাকার করে' ।

ভোট কেন্দ্রে ভোটীদের মধ্যে তুমুল কোলাহল আর বিশৃঙ্খলা চলছে :

কৈদে বলে হ'সিয়র ভোটর সে কোনো ।
ছেড়ে দেও 'দণ্ডবিধি' কাণ্ড কি তা শোনো ॥
ঘরে আছে পাঁচটি ছেলে, একা রোজগারী ।
আমার ওপর বিনি দোষে 'পত্নর' কেন জারি ?

তারপরে পোষাক, টুপি, ঘড়ির চেন দেখে মেঘর বাছাই । ভোটশেষে কবির
ব্যঙ্গদৃষ্টি অন্তঃপুরে প্রবেশ করেছে । ভোটার্থীদের পত্নীকূলে চলছে প্রচণ্ড কলহ ।

*'বাজিমাং' কবিতা রচনার ইতিহাস বর্তমান গ্রন্থের পরিশিষ্টে পাওয়া যাবে ।

মধ্যযুগ থেকে বাঙালি কবিরা নারীকোন্দলের কৌতুক-চিত্র রচনার নৈপুণ্যে প্রতিষ্ঠিত। নূতন প্রসঙ্গে নূতন ভাষায় হেমচন্দ্র সেই পুরাতন ধারায় অভিনবত্ব এনেছেন। ছই রমণীর সংলাপ উদ্ধৃত হল। সদস্য নির্বাচন প্রসঙ্গে তাদের যুক্তিক্রম এবং যোগ্যতা বিচার উপহাসের উচ্চহাস্যের বিষয় হয়েছে। ছাতবিহারিণী জনৈকার উক্তি :

মেগের হাতে রাঁড়া কলি, পেগের বড়াই খালি।
বাগীচা, বাগান, বোট, নাই একটি মালী ॥
সে আবার হইতে চায় ভোটের মেঘার।
পোড়া কপাল, কালামুখ, ধিক্ ধিক্ ছার ॥

উলেনধারিণী অপরাধ প্রত্যুক্তি :

কড়িতে কি যোটে মান, বড়িতে খিচুড়ি।
গুড়েতে কি খাজা হয়, এক আঙ্গুলে তুড়ি ॥
আঙ্গটি, ঘড়ির চেন, বানরে কি সাজে।
আমার ভাতার হলে, আমি পালাতেম লাজে ॥
হরপের এক অক্ষর যার ঘটে নাই।
সে হবে মেঘার তার মেগের মুখে ছাই ॥

‘বাজিমাং’ কবিতার শেষাংশেও রমণীকুলে প্রবেশ করে কবি আরও সার্থক হয়েছেন। কবিতার পূর্বার্ধে তীক্ষ্ণ আক্রমণ উত্তরাধে ব্যঙ্গকে স্পর্শ করে রঙ্গরস প্রগল্ভ হয়ে উঠেছে। এক্ষেত্রেও কবি মধ্যযুগীয় একটি বিশেষ রূপরীতির আভ্রয় নিয়েছেন। ভারতচন্দ্রের ‘বিদ্যাসুন্দর’-এ নারীদের পতিনিন্দার মাধ্যমে সমাজব্যঙ্গ প্রকাশ পেয়েছিল। ভারতচন্দ্র-ভক্ত হেমচন্দ্র পুরাতন ভঙ্গিকে যুগোপযোগী করে ব্যবহার করেছেন।

রাজপুত্রকে অস্তঃপুরে আমন্ত্রণ জানিয়ে উকিল মুখুজ্জে ভবিষ্যতের বন্দোবস্ত পাকা করেছে। মুখুজ্জে-গিন্নি দেশজোড়া আলোচনার কেন্দ্রে এসে দাঁড়িয়েছে। নগরবাসী গৃহিনীকুল ঈর্ষার জালায় পতিদের গঞ্জনা দিচ্ছে। এই গঞ্জনার সমাজ প্রধানদের ইংরেজসেবা এবং বিলাস-ব্যসনের প্রতি তীব্র কটাক্ষ আছে। নারীসমাজের প্রতিও কবির উপহাস জ্বলে উঠেছে। জজিয়াতিটা খাম বিলায়েতি পদ হলেও শুধু নামেই অনারেবল, জজগিন্নি আজ তা বুঝে নিয়েছে। না হলে ‘তোমার কোটের উকিল তোমাকে হারায়।’ জমিদারপত্নীর মস্তব্য, সাটিনের সাজে, ফেটিন হাঁকিয়ে, লবিতে ঘুরে ঘুরে ‘ক্লাইব লাটের আমল থেকে পেসা খোসামুদি’ সত্ত্বেও যে পুরুষ কাজ গুছাতে পারে না, ‘এমন স্বামীর নারী বিড়ম্বনা খালি।’ শিক্ষিতা রমণীর অভিমান, মুখ মুখুজ্জেগিন্নির হলুদ মাথা হাতের কাছে ‘সাতপুরুষে সভ্য মোরা হলাম গুদামজাং।’

পড়তে পারি, বলতে পারি,—ইংরাজী ভাষায়।
পিয়ানো বাজাতে পারি ইংরাজী প্রথায় ॥

‘এনলাইটেন’ সবার আগে কর্তা বিলেত যান ।
তোমার গুণে গুণমণি হারালে সে মান ॥
পায়ে বুট, জোকা গায়ে গলায় সোনার চেন ।
তকমাওয়ালার আরদালিতে হয়না শুধু ‘ফেম’ ॥
বাপ পিতামোর নামে খালি হয় নাকো রাঙভেট ।
‘টাইম পেয়ে রাইট নেলে হিট্, চাই ট্রেট্’ ॥

হেমচন্দ্র মধ্যযুগীয় রীতিকে আপন প্রয়োজনে সুব্যবহার করেছেন। ব্যঙ্গ চিত্ররচনায় তথা গ্রন্থন-নৈপুণ্যে উল্লেখ্য সাফল্য দেখিয়েছেন।

অবশ্য গ্রন্থনে ‘ভারত উদ্ধার’-এর (১৮৭৭) কবি ইন্দ্রনাথ বন্দ্যোপাধ্যায়ের নৈপুণ্য বোধ হয় আরও বেশি। নব্যরীতির মহাকাব্যের আঙ্গিকে তিনি চার সর্গে একটি গোটা ব্যঙ্গকাব্য লিখেছিলেন। নকল বীররস এবং অমিত্রাকর ছন্দের প্যারোডিতে সেখানে জমে উঠেছে কৌতুক রস। হেমচন্দ্রের সঙ্গে তাঁর আঙ্গিক সাধনার এবং রসাবেদনের পার্থক্য লক্ষ্য করা যেতে পারে।

আঙ্গিকে হেমচন্দ্র বৈচিত্র্যমুখি। নকসাধর্মী চলচ্চিত্রের পাশে তাই বসেছে রণদামামাসহ মার্চ-সঙ্গীতের ঢঙে লেখা ‘নেভার নেভার’, অথবা দেবস্বোত্র রচনার ছলনা (‘দেশলাই-এর স্তব’)।

দেশলাইয়ের স্তবে বিষয় এবং ভঙ্গির বিরুদ্ধতা-জনিত সংঘর্ষে আছে কৌতুকের চমক। ইংরেজ স্তোত্র, গর্দভস্তব প্রভৃতি প্রসঙ্গে বঙ্কিম এ-জাতীয় আঙ্গিকের চর্চা করেছিলেন ‘লোকরহস্য’ (১৮৭৪) বইয়ে। সংস্কৃত দেবস্বোত্রের প্রশংসাত্মক ভঙ্গিতে তীব্র নিন্দাই লেখকের লক্ষ্য ছিল। সেখানে তীক্ষ্ণ আক্রমণের রস কিঞ্চিৎ বক্রভাবে প্রকাশ পেয়ে বিশিষ্ট হয়ে উঠেছে। হেমচন্দ্রের কবিতায় অবশ্য বিস্তৃত কৌতুকই লক্ষ্য। বিষয় আধুনিক এবং একান্ত বাস্তব, ভঙ্গি প্রাচীন এবং আধ্যাত্মিক। রূপ ও ভাবের বৈপরীত্যে হাস্যরস এখানে ঘনীভূত।

ব্যঙ্গকবিতার ভাষা হেমচন্দ্রের সচেতন সাধনার বস্তু। তাঁর ভাবগম্ভীর কবিতায় ভাষা প্রায়ই তরল এবং শিথিল। কিন্তু ব্যঙ্গকবিতার ভাষা খস্কের ছিলার মত টান করে বাঁধা, কখনও শাণিত তীরসন্ধানে অব্যর্থ, কখনও শুধু টঙ্কার শব্দে চমকে দিতে উত্তত।

তাঁর ভাষায় ইংরেজি শব্দের ব্যবহার সুপ্রচুর। ঈশ্বর গুপ্তের কিছু কবিতায় এই পদ্ধতি প্রথম প্রযুক্ত হলেও, হেমচন্দ্রে এ-জাতীয় শব্দ বহুল প্রযুক্ত। এদের সাহায্যে একটি লঘু পরিবেশ বজায় রাখতে চেয়েছেন কবি। ইংরেজি-বাংলা শব্দের মিশ্রণ ব্যাপারটিই পাঠকের কাছে কৌতুকবহু। মাঝে মাঝে এর দ্বারা ব্যঙ্গের আঘাত তীক্ষ্ণতর করা হয়েছে। অনেক ফার্সি শব্দও এদের

সঙ্গে এসে মিলেছে। ভিন্নজাতের শব্দ মিলিয়ে ধ্বনিসাম্য বাজিয়ে তোলা হয়েছে। যেমন—

- “মিষ্টি কথা—‘মিষ্টিরি’ তলায়।”
 “রাষ্ট্র জুড়ে ‘ফাষ্ট’ খ্যাতি।”
 “এক বাহাদুর ‘হক্কে’ ভারী ‘বন্ধ’ ফাঁপা পেট।”
 “দানাদার দাতা।”
 “অস্থল থেকে ‘অনারেবল’।”

কোথাও শব্দের নির্বাচনে ও বয়নে ব্যঙ্গের আঘাত। যেমন—

- “নবাব নমুদ আলী, খানসামা গোলাম।”
 “ঘড়েল সাবুই বাগ্।”
 “ডিপুটি নফর বক্স।”

কখনও আবার দেশি বা বিদেশি শব্দকে সংস্কৃতরীতিতে সমাসবদ্ধ করে তোলা। যেমন—

- “নমামি ফরফরশব্দ ‘ফফর’-বেষ্টন।”
 “র্যাফেল’-বধা ছ বিগুলি ঘরে দোরে সাঁটা।”
 “ডাকিল ‘বৃটিশ’-বৃষ গাঁক্-গাঁক্ ডাক।”

উপমাদি প্রয়োগেও কবির ব্যঙ্গাত্মক মনোভাবই প্রাধান্য পেয়েছে। আপাত অসম্ভব প্রসঙ্গকে তুলনার সূত্রে বেঁধেছেন কবি। বাঙালির পোলিটিকল এজিটেসনকে বলেছেন নরুন-উগানো, দেশলাইকে বলেছেন মাথায় শালের বিড়ে খাটি একহারা চেহারার ডেপুটি। বৃটিশকে বৃষ, ভারতকে মিল্চ কাউৎ শব্দের সার্থক বক্র প্রয়োগে উপমাসৃষ্টি হাশ্বের কারণ হয়ে উঠেছে।

মোট কথা ব্যঙ্গ কবিতা রচনায় হেমচন্দ্রের সাকল্য উচ্চতরের। মামুলিক গণ্ডিতে তাকে ফেলা যায় না।

পাঁচ

বাংলা ভাষার আত্মনিষ্ঠ গীতিকবিতার বহুল প্রচলন হবার আগে এক ধরনের চিন্তামুখ্য কবিতা দেখা যেত। নীতিকবিতার সঙ্গে এদের কিছুটা মিল আছে। অনেকটা অমিলও। নীতিকবিতায় উপদেশটি প্রত্যক্ষ, বিষয়টি সর্বপরিচিত, অস্বত সর্বগ্রাহ্য। রচনারীতি প্রচারমুখি। ছন্দের আশ্রয় গ্রহণই এদের কবিতা বলে পরিচিত হবার একমাত্র দাবি। চিন্তাপ্রধান কবিতায় কোনো প্রত্যক্ষ উপদেশদানের চেষ্টা নেই। এদের মধ্যে প্রকাশিত ভাবনাটি অনেকটা ব্যক্তিগত অভিজ্ঞতা ও পর্যবেক্ষণের ফল। তাড়াড়া বহিরঙ্গ যে-প্রসঙ্গ অবলম্বন করে ভাবনাটি দেখা দেয় তা একান্ত মূল্যহীন নয়।

হেমচন্দ্রের কবিতাগুলো এ-জাতীয় রচনার সংখ্যা বড় কম নয়। তাদের বৈশিষ্ট্য এবং সাফল্যের পরিমাণ নিরূপণের আগে বলা দরকার কাব্যজগতে প্রথম স্তরের উৎকর্ষের দাবি এদের নেই।

এ ধারার কবিতার মধ্যে 'পদ্মের মৃগাল' দেকালে খুব খ্যাতি অর্জন করেছিল। কবিতাটি কিন্তু শিল্পসফল নয়। সরোবরে পদ্মের মৃগাল হাওয়ার বেগে ডুবছে এবং ভাসছে। দেখে কবির মনে শোকের বেগ কল্লোলিত হল। কবি বিশ্বইতিহাস মন্বন করে বিভিন্ন জাতির উত্থান-পতনের তালিকাগ্রন্থন করলেন। রাজনৈতিক কবিতায় যে ভাবনা প্রকাশ পেয়েছে, ঐতিহাসিক তথ্যচয়নে যে আগ্রহ দেখা গিয়েছে, পদ্মের মৃগাল অনেকটা তার সমগোত্রের। মানবসভ্যতায় কোনো গৌরবই চিরস্থায়ি নয়। কবিতার এই বাণী বইয়ে পড়া পুরানো কথা; ব্যক্তিপ্রজ্ঞায় কবি একে আবিষ্কার করেন নি। ব্যক্তিগত অভিজ্ঞতার উত্তাপ লাগে নি এ ভাবনায়। তাছাড়া বহিরঙ্গ প্রসঙ্গ, পদ্মের মৃগালটি নেহাৎই উপলক্ষ্য। তার রূপ কবির মুগ্ধ দৃষ্টি আকর্ষণ করে নি। এর বস্তুরূপের বর্ণনা যেমন সংক্ষিপ্ত তেমনি কবিতার মূলভাবনার সঙ্গে নিঃসম্পর্কিত।

'লজ্জাবতী লতা'র দিকে কবির চোখ পড়েছিল। কিন্তু তাও এর কমণীয় সৌন্দর্যের জন্ত নয়। কবি শেষ পর্যন্ত নীতি কথা শোনাতে চেয়েছেন। লজ্জাবতী লতার মত 'সদা সঙ্কুচিত প্রাণ রমণী পুরুষগণে কে করে ষতন?' কবির এই প্রশ্ন কোনরূপ জ্ঞাত্য ও স্বাভাবিক অধিকার ছাড়াই সহজ নিসর্গবর্ণনার দেহলয় হয়ে বিরাজ করছে। পদ্মের মৃগালের তুলনায় লজ্জাবতী লতাটি কিছু গুরুত্ব পেয়েছে কবিতায়। কিন্তু প্রধান হয়ে ওঠে নি। একটি জীবন-ভাবনার বা ঐতিহাসিক চেতনার সঙ্গে যুক্ত করতে না পারলে নিসর্গবর্ণনার যেন কিছু মূল্য নেই।

মানবজীবন, সুখদুঃখ সম্বন্ধে কিছু চিন্তা হেমচন্দ্রের অন্যান্য কাব্যেও মাঝে মাঝে উঁকি দিয়েছে। 'জীবন মরীচিকা', 'জীবনসঙ্গীত', 'পরশমণি' এই শ্রেণীর রচনা। যৌবনের দৃষ্টিতে যে পৃথিবী রঙিন মনে হয়, তা যে মনের রচনা, কঠিনতর অভিজ্ঞতার মধ্য দিয়ে মানুষ তা বুঝতে পারে। বার্ধক্যে আশার অবশ্যে জীবন একটা মরীচিকা বলেই মনে হয়। এ কবিতাগুলি জীবনপ্রবাহের তীরে দাঁড়িয়ে ভাবুক দর্শকের উক্তি। ব্যক্তিগত উপলব্ধির আর্তনাদ এর মধ্য দিয়ে শোনা যায় নি বলেই এ কবিতা গীতিকবিতা হয়ে ওঠে নি। এই হতাশার অন্ধকার থেকে মানবকে আশা-উজ্জ্বল কর্মের মধ্যে জাগ্রত করবার আশ্বাসও ('বলো না কাতর স্বরে') একান্তই বহিমুখি। কবিতার আশ্বকথন নয়। চক্কুরপ 'পরশমণির' গুণকীর্তনও চিন্তানীল ব্যক্তির নিরুত্তাপ জীবনচিন্তা মাত্র।

রচনাগুলি কবিতা হিসেবে অকিঞ্চিৎকর। শুধু বিবৃতি মাঝে মাঝে উপমাদির আশ্রয়ে রূপে ধরা দিতে চেয়েছে। কিন্তু রূপে-ভাবে অচ্ছেদ্য বন্ধন গড়ে উঠে নি। উঠবার সম্ভাবনাও ছিল না। এসব কবিতার উৎসে তাঁর চিন্তাবিদ বস্তুমুখি মন ষতটা সক্রিয় ছিল, ভাবশুদ্ধিত রূপচেতন কবিচিন্তের স্পন্দন ততটা অনুভূত হয় নি।

কিন্তু প্রকৃতি-প্রসঙ্গে এবং জীবন-আশ্রয়ে লেখা এই সব কবিতার মূল্য আছে হেমচন্দ্রের লিরিক প্রাণতার ক্রমবিকাশের স্তর নির্দেশক হিসেবে। এই বস্তুকেন্দ্রিক ভাবনা ক্রমে আত্মকেন্দ্রিক হয়েছে। সর্বব্যাপী চিন্তা আত্মগত হয়ে উঠেছে। নিকরতাপ তটস্থ দর্শক শ্রোতে ভেসেছেন। অলোড়িত হয়েছেন। স্বপ্নাবিহীন হয়েছেন।

ছয়

গীতিকবিতা লেখায় হেমচন্দ্র ক্রমে আগ্রহ অনুভব করলেন। বস্তুমুখি রচনা আত্মমুখি হয়ে উঠল। ভাবনার স্থানে ব্যক্তিগত ভাবব্যাকুলতা দেখা দিল। অবশ্য বিহারীলালের যুগে এদের গীতিকবিতা হিসেবে অনেকেই মেনে নিতে সঙ্কোচ বোধ করবেন। হেমচন্দ্রের এইসব কবিতার মধ্যে আত্মকথন আছে। কিন্তু আপন কবি-আত্মার কল্পমূর্তির দ্বারা বিশ্বগ্রাসের সাধনা নেই। বিহারীলালের সারদা হৃদয়পদ্মে স্থিতা এবং বিশ্বময়ী। বিহারীলালের মাহাত্ম্য এই সাধনায় হলেও তা ব্যর্থ সাধন। হেমচন্দ্রের গীতিভাবনায় এমন নিগূঢ় উপলব্ধি নেই। আপনার ব্যক্তিত্বকে এবং নিখিলকে একই কাস্তিতে বিদ্ধ করার চেষ্টা নেই। বিহারীলাল গীতিচেতনার সাহায্যে বিশ্বরহস্য বুঝতে চেয়েছেন, ভাব-রূপ, জীবন-মৃত্যু, প্রকৃতি-মাছুষ সব কিছু মিলিয়ে সামগ্রিক ব্যক্তিবোধ গড়ে তুলতে চেয়েছেন। হেমচন্দ্রের গীতিবোধে এই সমগ্রতা নেই। তার কোনো বিশিষ্ট গীতিদর্শন (lyric philosophy) নেই। কারণ তিনি শুধু গীতিকবি নন। কাব্যসাহিত্যে তাঁর নানামুখি পরীক্ষার একটি ধারাই মাত্র গীতিধর্মী হয়ে উঠেছে।

হেমচন্দ্রে আত্মগত উপলব্ধি বস্তুর সঙ্গে সন্ধি করেছে। বিহারীলাল বস্তুকে জয় করতে চেয়েছেন। বিহারীলাল অনির্বচনীয় রহস্যলোকে তাঁর দূরযাত্রী কল্পনাকে নিয়ে যেতে চেয়েছেন। কেন তার বেদনা, কি তাঁর কামনা কবি কি তা নিজেই জানেন? না-জানার ব্যাকুলতাই এ-কবিতার মুখ্য সুর। হেমচন্দ্রের বেদনা-কামনা সবই স্পষ্ট ও প্রত্যক্ষ। বরং মধুসূদনের 'আশার ছলনে ভুলি' এবং 'রেখো মা দাসেরে মনে'—কবিতাদুটির সঙ্গে গীতিধর্মের দিক থেকে হেমচন্দ্রের এ-দ্বাতীয় কবিতার সাদৃশ্য আছে, যদিও ভাষারূপে নেই সাদৃশ্য সফলতা।

‘পদ্মফুল’, ‘ষমুনাতটে’, ‘অশোকতরু’, ‘কোন একটি পাখীর প্রতি’ প্রভৃতি প্রকৃতি-বিষয়ক কবিতা ‘পদ্মের মৃগাল’, ‘লজ্জাবতী লতা’ থেকে মূলে গৃহক। হেমচন্দ্র প্রথমোক্ত কবিতাগুলিতে নিসর্গ প্রসঙ্গে মুগ্ধতা প্রকাশ করেছেন। শোষাক্ত দুটি কবিতায় অবলম্বিত বিষয়টি বহিরঙ্গ। কবি এদের রূপে বশীভূত হন নি। এদের আশ্রয় করে ভাবনার মধ্যে প্রবেশ করেছেন। কবিতা হিসেবে এরা দুই স্বতন্ত্র রাজ্যের।

প্রকৃতি-বিষয়ে কবির কোনো ঘনীভূত দৃষ্টিভঙ্গি প্রকাশ পায় নি। তবে যুগপ্রভাবে তাঁর মনেও প্রশ্ন জেগেছে :

হায় রে প্রকৃতি মনে মানবের মন,
বাঁধা আছে কি বন্ধনে বুঝিতে না পারি,
নতুবা যামিনী দিবা প্রভেদে এমন,
কেন হেন উঠে মনে চিন্তার লহরী ?
কেন দিবসেতে ভুলি থাকি সে সকলে
শমন করিয়া চুরি নিয়াছে যাহায় ?
কেন রজনীতে পুনঃ প্রাণ উঠে জলে,
প্রাণের দোসর ভাই প্রিয়ার ব্যথায় ?
কেন বা উৎসবে মাতি

থাকি কভু দিবারাতি
আবার নির্জনে কেন কাঁদি পুনরায় ?
[ষমুনা তটে]

কিন্তু কোথাও তা গভীর ও একাগ্র হয়ে ওঠে নি।

কবির মন মাঝে মাঝে সৌন্দর্যরূপে মগ্ন হয়েছে। শব্দচিত্রে তার প্রমাণ আছে। যেমন—

এক। কি যে কোমলতা তোর থরে থরে থরে
পত্রদলে শতদল।

[পদ্মফুল]

‘থরে’ শব্দ এবং ‘ল’ ধ্বনির পুনরুক্তিতে কোমলতা ব্যঞ্জিত হয়েছে।

দুই।

—আমিই পাগল
আমিই একা কি মত্ত পিয়ে ও গরল
ওরে উন্মাদক পদ্ম ?

[পদ্মফুল]

কবিচিত্রের রূপমত্ততা ‘পাগল’, ‘গরল’ প্রভৃতি শব্দে জ্যোতিত হয়েছে।

তিন। তখন বিজন বন, শাস্ত বিভাবরী
শাস্ত নিশানাথ জ্যোতি বিমল আকাশে,
প্রশান্ত নদীর তট, পর্বত-উপরি...

[ষমুনা তটে]

চিত্রকল্পনার শাস্ত্র বিবাদ ঘেরা নির্জনতা প্রকাশ পেয়েছে ।

চার । পুষ্পগুচ্ছ ধরে ধরে

...

সিন্দুরের ঝারা যেন বিটপী উপরে ।

[অশোকতরু]

উপমা প্রয়োগে বর্ণাঢ্য হয়ে উঠেছে শব্দচিত্র ।

পাঁচ । তলদেশে মধমল, তৃণ করে ঢল ঢল ।

[অশোকতরু]

ভাষাবন্ধে রূপায়িত হয়েছে স্পর্শ স্থখ ।

অবশ্য একান্ত প্রধানুগ মধ্যযুগস্থলভ প্রকৃতি বর্ণনারও অভাব নেই ।

প্রকৃতিতে প্রেমে সহজে মেশামেশি কয়েকটি কবিতায় । নিগূঢ় কল্পনার ছায়াপাত নেই সেখানে, তবে কৃত্রিম বলে তাদের মনে হয় না । হেমচন্দ্রের প্রণয়-কবিতার প্রধান ত্রুটি, কবির হৃদয়ভাব প্রায়ই চিত্ররূপ হয়ে ওঠে নি । অনেকখানি ভাবতারণ্য ঘনীভূত হয়ে একটুখানি রূপ হয়ে ওঠায়ই কবিতার সাক্ষ্য * । প্রায়ই প্রেমকবিতা ভাবের আবেগে কল্পিত, উচ্ছ্বাসে তরল, ভাষা ব্যবহারে শিথিল ।

হেমচন্দ্রের প্রেমের কবিতায় একটি বিষাদের সুর আছে । কচিং তা উচ্চগ্রামে উঠেছে । নবীনচন্দ্রের ‘অবকাশরঞ্জিনী’তে অনেকগুলি প্রেমের কবিতা আছে । সেখানে ‘প্যাসন’-এর প্রগল্ভ লীলা :

শরীরি ! তোমার অঙ্গে চাপিয়া হৃদয়,

হাসিয়াছি, কাঁদিয়াছি,

মরিয়াছি, বাঁচিয়াছি,

দহিয়াছি, মহিয়াছি তীব্র জালারাশি ;

শরীরি ! কহ না তুমি কেন ভালবাসি ?

[কেন ভালবাসি]

অনুরূপ তীব্রতা ও জালা নেই হেমচন্দ্রের প্রেমকবিতায় । তাঁর কবিতা অধিকাংশই বিরহমূলক । কোথাও কিন্তু ইন্দ্রিয়ভাবনার অসংঘম দেখা যায় নি । অনুরক্তজিত যুত্ সুর, একান্ত সাংসারিক প্রসঙ্গের স্থূল উল্লেখ (যেমন, বিবাহ-পূর্ব প্রণয়ীর নিকট নায়িকার খেদোক্তি : ‘বিধবা হয়েছি নাথ’) এবং শব্দে ব্যঞ্জনাময়তার অভাব এদের বিশিষ্ট হয়ে উঠতে দেয় নি । প্রেম-বিরহের কবিতায়ও হেমচন্দ্রের মধ্যবিত্ত মন একেবারে দাঁড়ের পাখি । কামনার অসংঘমে অথবা আকাশচারি কল্পনাপ্রাধান্তে শিকল কাটার চেষ্ঠাও তার নেই ।

* বঙ্গসাহিত্যে নবযুগ : প্রথম চৌধুরী ।

হেমচন্দ্রের শেষকাব্য 'চিত্তবিকাশ'-এ সঙ্কলিত হয়েছে কবির শেষ জীবনের দুঃখ-দারিদ্র্য-অঙ্কুশ-পীড়িত কয়েকটি কবিতা।

পূর্বে কবি 'পরশমণি' নামে একটি কবিতা লিখেছিলেন। তাতে সাধারণভাবে মানবজীবনে চোখের মূল্য সহজে অনেক প্রয়োজনীয় এবং জ্ঞানগর্ভ কথা বলা হয়েছিল। আলোচ্য কাব্যে 'বিভূ, কি দশা হবে আমার' প্রভৃতি বেশ কয়েকটি কবিতায় ঐ একই কথা বলেছেন। কিন্তু এবার কবি আর তটস্থ ভাবুক নন। অঙ্কুরের আঘাতে কতচিত্ত। তার আর্তনাদ চিত্তবিকাশে স্থান পেয়েছে। 'জীবন মরীচিকা' প্রভৃতি কবিতায় হেমচন্দ্র এককালে যৌবনাবসানে নৈরাশ্রের প্রসঙ্গ নিয়ে চিন্তামূলক মস্তব্য করেছিলেন। সর্বজনীন সত্যদর্শনের চেষ্টা করেছিলেন। বর্তমানে চিত্তবিকাশের বহু কবিতায় হেমচন্দ্র ব্যক্তিগত উপলব্ধির বীণায় বিলুপ্ত আশা, ভগ্নস্বথ, অপগত যৌবন-বেদনার সুর বাজাতে চেয়েছেন। অবশ্য কবির ব্যথা প্রকাশ পেলেও প্রায়ই তা গান হয়ে ওঠে নি, শিল্পরসসিদ্ধি ঘটে নি।

চিত্তবিকাশের কবিতায় অঙ্ককবি দর্শনযোগ্য সৌন্দর্যের স্মৃতি রোমন্থন করেছেন। বিশেষত চোখ হারিয়েছেন বলেই প্রজাপতির ডানায় খেয়ালি বিধাতার রঙের খেলার মানস স্বাদ পেতে চেয়েছেন। খড়্গোত্তের 'দৃষ্টি মনোলোভা' ক্ষুদ্ররূপের কথা ভেবেছেন।

কবির অতৃপ্ত রূপতৃষ্ণা স্মৃতিস্বখে মগ্ন হতে চাইছে। কিন্তু ব্যথায় তীব্রতা নেই। বৃদ্ধ কবি ব্যথাতুর অতৃপ্ত হৃদয় নিয়ে ভগবানের কাছে আত্মসমর্পণ করেছেন।

ব্রহ্মসংহার

প্রথম খণ্ড : প্রথম সর্গ

বসিয়া পাতালপুরে ক্ষুধা দেবগণ,—
নিঃস্বপ্ন, বিমর্ষভাব, চিন্তিত, আকুল,
নিবিড় ধূমাক্ত ঘোর পুরী সে পাতাল,
নিবিড় মেঘডগরে যথা অমানিশি ।
ধোজন সহস্র কোটি পরিধি বিস্তার—
বিস্তৃত সে রসাতল, বিদূনিত সদা ;
চারিদিকে ভয়ঙ্কর শব্দ নিরন্তর
সিক্কর আঘাতে স্বতঃ নিয়ত উথিত ।
বসিয়া আদিত্যগণ তমঃ আচ্ছাদিত,
মলিন নির্ঝাঁপ-প্রায় কলেবর-জ্যোতিঃ
মলিন নির্ঝাঁপ যথা সূর্য্য ত্রিষাম্পতি,
রাহু যবে রবিরথ গ্রাসয়ে অস্থরে ;
কিংবা সে রজনীনাত হেমন্ত-নিশিতে
কুঞ্জাটি-মণ্ডিত যথা হীন দীপ্তি ধরে,
পাণ্ডুবর্ণ, সমাকীর্ণ পাংশুবৎ তনু,—
তেমতি অমরকাস্তি ক্লান্ত অবববে ।
ব্যাকুল, বিমর্ষভাব, ব্যথিত অন্তর
অদিতি-নন্দনগণ রসাতল-পুরে,
স্বর্গের ভাবনা চিন্তে ভাবে সর্বক্ষণ—
কিরূপে করিবে ধ্বংস দুর্জয় অস্থরে ।
চারিদিকে সমুখিত অক্ষুটী আরাব,
ক্রমে দেববৃন্দ-মুখে বহে গাঢ় শ্বাস,—
বাটিকার পূর্বে যেন বায়ুর উচ্ছ্বাস
বহে যুড়ি চারিদিক আলোড়ি সাগর ।
সে অক্ষুটী ধ্বনি ক্রমে পুরে রসাতল
ঢাকিয়া সিক্কর নাদ গভীর নিনাদে ;
দেব-নাসিকায় বহে সঘন নিশ্বাস,
আন্দোলি পাতালপুরী, তীর

৫৫

ঝড়বেগে ।

দেব-ধেনাপতি স্বন্দ উঠিয়া তখন
কহিলা গভীর স্বরে—শূন্যপথে যেন

একত্রে জীমূতবৃন্দ মন্ডিল শতেক—
মহাতেজে স্বরবৃন্দে সম্ভাষি কহিলা :—
“জাগ্রত কি দানবারি স্বরবৃন্দ আজ ?
জাগ্রত কি অন্নপন দৈত্যভারী দেব ?
দেবের সমরকাস্তি ঘুচিল কি এবে ?
উঠিতে সমর্থ কি হে সকলে এখন ?
হা ধিক ! হা ধিক দেব ! অদিতি-প্রসূত !
স্বরভোগ্য স্বর্গ এবে দহুজের বাস !
নির্ঝাঁপিত স্বরগণ রসাতল-ধ্বমে,
অবসন্ন, তেজঃশূন্য, অশক্ত, অলস ।
দুর্ঝিনীত, দেবদেবী দহুজ-প্রবেশে
পবিত্র অমরধাম কলঙ্কিত আজ,
অজর অমর শূর স্বর্গ-অধিকারী,
দেববৃন্দ স্বরভ্রষ্ট পড়িয়া পাতালে !
ভ্রান্ত কি হইলা সবে ? কি ঘোর প্রমাদ !
চিরসিদ্ধ দেবনাম খ্যাত হোচরে,
‘অস্থর-মর্দন’ আখ্যা—কি হেতু হে তবে
অবসন্ন আজি সবে দৈত্যের প্রতাপে ?
চিরযোদ্ধা—চিরকাল যুঝি দৈত্য সহ
জগতে হইলা শ্রেষ্ঠ সর্বত্র পূজিত ;
আজি কি না দৈত্যভয়ে ভ্রাসিত সর্বকর্তা
আছ এ পাতালপুরে অমরা বিশ্বরি !
কি প্রতাপ দহুজের, কি বিক্রম হেন,
শক্তিত সকলে যাহে স্বর্গীয় পাণরি ?
কোথা সে শূরত্ব আজ বিজয়ী দেবের
শতবার রণে যায় দহুজে জিনিলা ?
ধিক দেব ! যুগাশূন্য অক্ষুটী-হৃদয়
এত দিন আছ এই অন্ধতমপুরে,
দেবত্ব, ঐশ্বর্য্য, সুধা, স্বর্গ তেয়াগিয়া,
দাসত্বের কলঙ্কেতে ললাট উজলি ।
ধিক হে অমর নামে, দৈত্যভয়ে যদি

অমরতা পশিতে ভয় এতই পরাণে,
 অমরতা পরিণাম পরিশেষে যদি
 দৈত্য-পদাঙ্কিত পৃষ্ঠ, চির-নির্কাসন !
 বল হে অমরগণ—বল প্রকাশিয়া
 এইরূপে চিরদিন থাকিবে কি হেথা ?
 চির-অন্ধতম পুরী এ পাতাল দেশে,
 দম্ভের পদ-চিহ্ন ললাটে আঁকিয়া ?”
 কহিলা পার্শ্বতীপুত্র দেব-সেনাপতি ।
 দেবগণ বিচলিত করিয়া শ্রবণ,
 কাঁপিতে কাঁপিতে ক্রমে সক্রোধ-মূর্তি,
 নামারন্ধ্রে বহে শ্বাস বিকট উচ্ছ্বাসে ।
 যথা দম্ভগিরি শ্রাব উদ্গিরণ আগে,
 অগ্নির ভূধরে ধূম সতত নির্গমে,
 ঘন জলকম্প, ঘন কম্পিত মেদিনী ;
 পার্শ্বতী-নন্দন বাক্যে সেইরূপ দেবে ।
 তুলিয়া স্পৃষ্টে তুণ, পাশ, শক্তি ধরি,
 উঠিলা অমরবৃন্দ চাহি শূণ্যপানে,
 পুনঃ পুনঃ খরদৃষ্টি নিক্ষেপি তিমিরে,
 ছাড়িতে লাগিলা ঘন ঘন ভূঙ্কার ।
 সর্বাগ্রে অনলমূর্তি—দেব বৈশ্বানর,
 প্রদীপ্ত রূপাণ করে উন্নত স্বভাব,
 কহিতে লাগিল, দ্রুত কর্কশ-বচনে,
 ফুলিঙ্গ ছুটিল ঘেন ঘোর দাবান্নিতে ।
 কহিলা, “হে সেনাপতি ! এ মণ্ডলী-মাঝে
 কোন্ ভীক আছে হেন ইচ্ছা নহে যার
 অমর-নিবাস স্বর্গ উদ্ধারিতে পুনঃ
 পুনঃ প্রবেশিতে, তায় স্ববেশ ধরিয়া ?
 দানবে যুঝিতে, আর কি ভয় এখন ?
 ভীকতার তেতু আর আছে কি হে কিছু ?
 অমরের তিরস্কার সম্ভব যতেক
 ঘটেছে দেবের ভাগ্যে দৈব-বিড়ম্বন ।
 স্বর্গ-অধোদেশে মর্ত, অধোদেশে তার,
 অতল গভীর সিঙ্কু—তাহার অধোতে,
 অন্ধতম পুরী এই বিষম পাতাল,

তাহে এবে দৈত্য-ভয়ে লুক্কায়িত সবে ।
 দুঃখে বাস—ধূমময় গাঢ়তর তমঃ
 মুহূর্তে মুহূর্তে, ঘন ঘন প্রকম্পন,
 সিঙ্কুনা দ শিরোপরি সদা নিনাদিত
 শরীর-কম্পন হিমস্তূপ চারিদিকে ।
 এ কষ্ট অনন্তকাল যুগ যুগান্তরে
 ভুঞ্জিতে হইবে দেবে থাকিলে এখানে,
 যত দিন প্রলয়ে না সংহার-অনলে
 অমর-আত্মার ধ্বংস হয় পুনর্বার ।
 অথবা কপটি হ'য়ে ছদ্মবেশ ধরি
 দেবের ঘৃণিত ছল ধূর্ততা প্রকাশি,
 ত্রৈলোক্য-ভিতরে নিত্য হইবে ভ্রমিতে,
 মিথ্যক-বঞ্চকবেশে নিত্য পরবাসী ।
 নিরন্তর মনে ভয় কাপটা প্রকাশ
 হয় পাছে কার(ও) কাছে, চিত্ত জাগরিত
 বিষম দুঃসহ চিন্তা ঘণা লজ্জাকর
 সতত কতই আরো হৃদয়ে যন্ত্রণা ।
 সে কাপটা ধরি প্রাণে জীবন যাপনা
 শরীর-বহন আর, দুর্গতির শেষ ;
 বরঞ্চ নিরয়-গর্ভে নিয়ত নিবাস
 শ্রেয়স্কর শতগুণ জিনি সে শঠতা ।
 অথবা প্রকাশ্যভাবে হইবে ভ্রমিতে
 চতুর্দশ-লোক-নিন্দা সহ অবিরত,
 শত্রু-তিরস্কার অঙ্গে অলঙ্কার করি,
 কপালে দাসত্ব-চিহ্ন করিয়া লাঙ্কিত !
 যখনি ক্রকুটি করি চাহিবে দানব,
 কিম্বা সে অঙ্গুলি তুলি ব্যঙ্গ-উপহাসে
 দেখাইবে এই দেব স্বর্গের নায়ক,
 শত নরকের বহি অস্তর দাহিবে !
 অথবা বজ্জিত হয়ে দেবত্ব আপন
 থাকিতে হইবে স্বর্গে মার আছে যথা
 অস্তর-উচ্ছিষ্ট গ্রাসি পুষ্ট-কলেবর,
 অস্তর-পদাঙ্ক-রজ্জ্বঃ ভূষণ মস্তকে ।
 তার চেয়ে শতবার পশিব গগনেঃ

প্রকাশি অমর-বীর্ষা, সমরের শ্রোতে
ভাসিব অনন্তকাল দম্বজ-সংগ্রামে,
দেবরক্ত যত দিন না হইবে শেষ ।
অমর করিয়া সৃষ্টি করিলা যে দেবে
পিতামহ পদ্মাসন—স্বমনস্ খ্যাতি—
ব্রহ্মাণ্ড ভিতরে যারা সর্বগরীয়ান্
অদৃষ্টের বশতায় তাদের এ গতি !
দেবজন্ম লাভ করি অদৃষ্টের বশ,
তবে সে দেবত্ব কোথা হে অমর্ত্যগণ ?
দেব-অস্ত্রাঘাতে নহে দানব-বিনাশ.
সে দেববিক্রমে তবে কিবা ফলোদয় ?
নিয়তি স্বতঃ কি কভু অশুকুল কারে ?
দেব কি দানব কিংবা মানব সন্তানে ?
সাহসে যে পারে তার কাটিতে শৃঙ্খল,
নিয়তি কিঙ্কর তার শুন দেবগণ !
ধর শক্তি, শক্তিধর, হও অগ্রসর,
জাঠা, শক্তি, ভিন্দিপাল, শেল, নাগপাশ,
স্বরবৃন্দ স্বরতেজে কর বরিষণ,
অদৃষ্ট খণ্ডন করি সংহার অসুরে ।”
কহিলা সে হুতাশন—সর্ব অঙ্গে শিখা
প্রজ্বলিত হৈল তেজে পাতাল দহিয়া,
অগ্নির বচনে মত্ত আদিত্য-সকলে
ছুটিল হুকার শব্দে পুরি বসাতল ।
একেবারে শত দিকে শত প্রহরণে,
কোটি বিজলার জ্যোতি খেলিতে লাগিল ;
পাতালের অন্ধকার ঘুচায়ে নিমেষে
দেখা দিল চারিদিকে জ্যোতির্ময় দেহ ।
তখন প্রচেতা মর্ন্তে বরুণ বিখ্যাত—
উঠিলা গভীরভাব, ধীর মুক্তি ধরি,
পাশ-অস্ত্র শূন্য 'পরে হেলাইয়া যেন,
উন্নত জলধিজল প্রশাস্ত করিল ।
দেখিয়া প্রশাস্ত-মূর্তি দেব প্রচেতার
নিস্তরু অমরগণ, নিস্তরু যেমন
স্নিগ্ধ বসুন্ধরা, যবে ঝটিকা নিবাড়ে

ত্রিরাত্রি ত্রিদিবা ঘোর হুকার ছাড়ি ।
কহিলা প্রচেতা ধীর গভীর বচন—
“তিষ্ঠ দেবগণ ক্রমকাল শাস্তভাবে,
হেন প্রগল্ভতা নহে মহতে উচিত,
এ ঔদ্ধত্য অল্পমতি প্রাণীরে সম্ভবে ।
যুদ্ধে দৈত্য বিনাশিয়া স্বর্গ উদ্ধারিতে
অনিচ্ছা কাহার দৈত্যঘাতী দেবকুলে ?
কে আছে নারকী হেন দেব-নামধারী
দ্বিক্রান্তি করিবে এই পবিত্র প্রস্তাবে ?
তথাপি প্রতিজ্ঞাবাক্য উচ্চারণ আগে
উচিত ভাবিয়া দেখা ফলাফল তার ;
সামান্তের(ও) উপদেশ শুভপ্রদ কভু,
জ্ঞানীর মঙ্গলা কভু না হয় নিফল ।
কি ফল প্রতিজ্ঞা করি বিফল যত্বপি ?
সর্বজন-হাস্যাম্পদ হ'য়ে কিবা ফল ?
অসিদ্ধ-প্রতিজ্ঞ লোক অনর্থ প্রলাপি,
নমস্তু জগতে, কার্যে অসিদ্ধ যে জন ।
অনেক মহাত্মা বাক্য কহিলা অনেক,
কার্যাসিদ্ধি নহে শুধু বাক্য আড়ম্বরে ;
কোদণ্ড-নির্ঘোষ কর্ণে প্রবেশের আগে,
শরলক্ষ্য ধরাশায়ী হয় শরাঘাতে ।
দেব-তেজ, দেব-অস্ত্র, দেবের বিক্রম,
বার বার এত যার কর অহকার,
এত দিন কোথা ছিল, অসুরের সনে
যুঝিলে যখন রণে করি প্রাণপণ ?
কোথা ছিল সে সকল যবে দৈত্য-শূল
নিক্ষেপিল স্বরবৃন্দে এ পুরী পাতালে ?
সমর্থ কি হয়েছিল করিতে নিস্তেজ
দুর্জয় বৃত্তের হস্ত দেব অস্ত্রাঘাতে ?
অস্ত্র সেই, বীর্ষ্য সেই, সেই দেবগণ,
অক্ষুণ্ণ অসুর(ও) সেই, সুপ্রসন্ন বিধি
এখনো রক্ষিছে তারে অনিবার্য তেজে,
কি বিশ্বাসে পুনঃ চাহ পশিতে সংগ্রামে ?
ভাগ্য নাই ! ভাগধেয় মুঢ়ের প্রলাপ !!

সাহস যাহার সদা সেই ভাগ্যধর !
 তবে কেন ইন্দ্রবাণ-তেজঃ ছুনিবার
 অক্ষত-শরীরে দৈত্য ধরিল বক্ষেতে ?
 কেন ইন্দ্র স্বরপতি সর্বরাজ্যী
 দম্বজমর্দন নিত্য, শূলের প্রহারে
 অচেতন রণস্থলে হইলা আপনি,
 চেতন-বিরতি যার নহে ক্ষণকাল ?
 কেন বা সে ইন্দ্র আজি নিয়তির ধ্যানে,
 সঙ্কল্প করিয়া দৃঢ় প্রগাঢ় মানসে,
 কুমেরু-শিখরে একা কাটাউছে কাল,—
 কেন স্বরপতি বৃথা এ ধ্যানে নিরত ?
 দেবগণ, মম বাক্য—অকর্তব্য রণ
 যত দিন ইন্দ্র আসি না হন সহায় ;
 অগ্রে কোন(ও) দেব তাঁর করুন উদ্দেশ্য,
 পশ্চাৎ যুদ্ধ-কল্পনা হবে সমাপিত ।”
 বক্রণের বাক্যে সূর্য্যদেব ত্রিষাম্পতি
 উঠিলা প্রথরতেজঃ—কহিলা সবেগে—
 “বক্তব্য আমার অগ্রে শুন সর্বজন,
 ভাবিও সে বৈধাবৈধ বাঞ্ছনীয় শেষ ।
 ত্রিজগতে জীবশ্রেষ্ঠ নির্জর অমর,
 অদিতি-নন্দনগণ চির-আয়ুস্মান্
 অনশ্বর দেববীর্ষা, শরীর অক্ষয়,
 সর্বকালে, সর্বলোকে প্রসিদ্ধ এ বাদ ।
 অশ্বর অচিরস্থায়ী, অদৃষ্ট অস্থির ;
 চঞ্চল দানবচিত্ত রিপু-পরবণ ;
 মন্ত্রী মিত্র কেহ নহে চির-মাজ্জাবহ ;
 জয়োৎসাহ প্রভুভক্তি অনিত্য সকলি,
 সর্বকালে সর্বজনে জান তথা এই,
 ছরস্তু দানব তবে কত দিন সবে
 ছুর্বার সমরক্ষেত্রে স্বরবীর্ষ্যানল,
 কত কাল রবে দৈত্য সে রণে তিষ্ঠিয়া ?
 মম ইচ্ছা স্বরবৃন্দ ছরস্তু আহবে,
 দহ হে দানবকুল ভীম উগ্রতেজে,
 যুগে যুগে কল্পে কল্পে নিত্য নিরস্তর

জলুক গগন ব্যাপী অনন্ত সময় !
 জলুক দেবের তেজ অমরা ঘেরিয়া,
 অহোরাত্রি অবিশ্রান্ত প্রথর শিখায় ;
 দহুক দানবকুল দেবের বিক্রমে,
 পুত্রপদম্পরা ঘোর চিরশোকানলে ।
 চিরযুদ্ধে দৈত্যাদল হইবে ব্যথিত,
 না জানিবে কোন কালে বিশ্রামের স্থপ,
 নারিবে তিষ্ঠিতে স্বর্গে দেব-সন্নিধানে,
 হইবে অমর-হস্তে পরাস্ত নিশ্চিত ।
 অদৃষ্ট এতই যদি সদয় দানবে,
 কোন যুগে নাহি হয় যুদ্ধে পরাজিত,
 ভৃগুক অদৃষ্ট তবে তিত্ত আশ্বাদনে
 চিরযুদ্ধে ঠরতেজে দানব দুঃখতি ।
 ধিক লজ্জা ! অমরের এ বীর্ষা থাকিতে,
 নিষ্কটকে স্বর্গভোগ করে বৃত্রাস্তর !
 স্বর্গে নিছা যায় নিত্য দেবে উপেক্ষিয়া—
 স্বর্গ-বিরহিত দেব চিন্তায় ব্যাকুল !
 নাহিক বাসব হেথা সত্তা বটে তাহা,
 কিন্তু যদি পুরন্দর আরো বহুযুগ
 প্রত্যাগত নাহি হন, তবে কি এখানে
 এইভাবে রবে সবে চির-অন্ধকারে ?
 চল হে আদিত্যাগণ প্রবেশি শূন্যতে,
 দৈত্যের কণ্টক হ'য়ে অমরা বেষ্টিয়া
 দগ্ধ করি দৈত্যকুল, যুগ-যুগকাল,
 যুদ্ধের অনন্তবহি জালায়ে অশ্বরে ।
 স্বর্গের সমীপবর্তী পর্বতসমূহে
 শিখরে শিখরে জাগি শস্ত্রধারিবশে
 সূশাণিত দেব-অস্ত্র নিত্য বরিষণে
 দম্বজের চিত্তশাস্তি ঘুচাই আহবে ।”
 কহিলা এতক সূর্য্য । ঝটিকার বেগে
 চারিদিক হৈতে দেব ছুটিতে লাগিল,
 উখিত বালুকা যথা, যখন মরুতে
 মত্ত প্রভঞ্জন রঙ্গে নৃত্য করি ফেরে ।
 কিংবা যথা যবে ঘোর প্রলয়ে ভীষণ,

সংহার-অনলে বিশ্ব হ'য়ে ভস্মাকার
উড়ে অস্তরীকপথে দিগন্ত আচ্ছাদি,
তেমতি অমরবৃন্দ ঘেরিলা ভাস্করে ।
সকলে সম্মত শীঘ্র উঠি বোমপথে,

বেষ্টিয়া অমরাবতী অরাত্রি অদিবা,
চিরসমরের শ্রোতে ঢালিয়া শরীর,
দেবনিন্দাকারী দুষ্ট অস্থরে ব্যথিতে ।

দ্বিতীয় সর্গ

হেথা ঈশ্বালয়ে নন্দন-ভিতর
পতিসহ প্রীতিস্থগে নিরস্তর,
দানব-রমণী করিছে ক্রীড়া ।
রতি ফুলমালা হাতে দেয় তুলি,
পরিছে হরিষে সুষমাতে তুলি,
বদন-মণ্ডলে ভাসিছে ব্রীড়া ॥
মদন-সজ্জিত কুম্ভ-আসন,
চারিদিকে শোভা করেছে ধারণ,
বিচিত্র সৌন্দর্য্য সুরাভিময় ।
হাসিছে কানন ফুলশয্যা ধরি,
স্থানে স্থানে যেন মৃত্তিকা-উপরি
কতই কুম্ভ-পালঙ্ক রয় ॥
কত ফুল-ক্ষেত্র চারিদিকে শোভে,
মুনি ব্রাস্ত হয় কান্তি হেরি লোভে,
রেখেছে কন্দর্প করিতে খেলা ।
বসন্ত আপনি স্ময়োহন বেশ,
ফুটাইছে পুষ্প কত সে আবেশ,
হয়েছে অপূর্ব্ব শোভার মেলা ॥
দানব-রমণী ঐন্দ্রিলা সেখানে,
শোভাতে মোহিত বিহ্বলিত প্রাণে,
ফুলে ফুলে ফুলে করিছে কেলি ।
করিছে শয়ন কভু পারিজাতে,
মুহূল মুহূল স্মীতল বাতে,
মুদিয়া নয়ন কুম্ভে হেলি ॥
বসিছে কখন অমুরাগভরে,
ইন্দ্রি-কমল-পর্য্যাক উপরে,
দৈত্যপতি হাসে পারশে বসি ।

হাসে মনোস্থখে ঐন্দ্রিলা স্নন্দরী,
রতিদত্ত মালা করতলে ধরি,
বসনবন্ধন পড়িছে গসি ॥
মূর্ত্তিমান্ ছয় রাগ করে গান,
রাগিণী ছত্রিশ মিলাইছে তান,
সঙ্গীত-তরঙ্গে পীযুষ ঢালি ।
স্বরে উদ্দীপন করে নব রস,
পরশ, আঘ্রাণ, সকলি অবশ,
শ্রবণ-ইন্দ্রিয় ব্যাপ্ত খালি ॥
ভ্রমে রতিপতি মাজাইয়া বাণ,
কুম্ভ-ধনুতে স্ম-ঈষৎ টান,
মুচকি মুচকি মুচকি হাসি ।
নাচে মনোরমা স্বর্গ-বিজ্ঞাধরী,
কন্দর্প-মোহন বেশ-ভূষা পরি,
বিলাস-সরিং-তরঙ্গে ভাসি ॥
এইরূপে ক্রীড়া করে দৈত্য সনে,
দৈত্যজায়া স্থগে নন্দন কাননে,
বৃত্তাসুর স্থগে বিহ্বল-প্রায় ।
ধরি অমুরাগে পতি-করতল,
কহে দৈত্যরামা নয়ন চঞ্চল,
হাব ভাব হাসি প্রকাশ তায় :-
“শুন দৈত্যেশ্বর, শুন শুন বলি,
বৃথা এ বিলাস, বৃথা এ সকলি,
এখনও আমরা বিজিত নয় ।
বিজিত যে জন, বিজয়ী-চরণ,
নাহি যদি সেবা করিল কখন,
সে হেন বিজয়ে কি কলোদয় ॥

তুমি স্বর্গপতি আজি দৈত্যেশ্বর,
আমি তব প্রিয়া খাত চরাচর,
ধিক লজ্জা তবু সাধ না পুরে !
কটাক্ষে তোমার আশুপ্রাপা যাহা,
তব প্রিয় নারী নাহি পায় তাহা,
তবে সে কি লাভ থাকি এ পুরে ?
স্বয়ম্বর্য হ'য়ে করেছি বরণ,
হেরিয়া তোমাতে মহেন্দ্রলক্ষণ,
ইচ্ছাময়ী হব হৃদয়ে আশ।
যে ইচ্ছা যখন ধরিবে হৃদয়,
তখনি সফল হবে সমুদয়,
জানিব না কারে বলে নিরাশ ॥
তাজি নিজকুল গন্ধর্ব ছাড়িয়া,
বরিলাম তোমা যে আশা করিয়া,
এবে সে বিফল হইল তাহা !
নিফলা বাসনা হৃদয়ে যাহার,
কিবা স্বর্গপুরী, কিবা মর্ত্ত আর,
যেখানে সেখানে নিঃসৃত হাহা ॥
কিবা সে ভূপতি কিবা সে ভিখারী,
কান্দালী সে জন যেখানে বিহারী,
প্রাণের শূন্যতা ঘুচে না কভু।
পতিত্ব বরণ করিয়া তোমায়,
তবু সে বাসনা পুরিল না হয়,
আমার (ও) এ দশা ঘটিল তবু ॥
ভাল ভেবে যদি বাসিতে হে ভাল,
সে বাসনা পূর্ণ হৈত কত কাল,
সহিতে হ'ত না লালসা-জালা।
ভালবাসা এবে কিসে বা জাগাই,
দিয়াছি যা ছিল, সে যৌবন নাই,
ভালবেসে বেসে হয়েছি আলা ॥
ইন্দ্রাণী যদি সে করিত বাসনা,
না পুরিতে পল পুরিত কামনা,
মরি সে ইন্দ্রের লৈয়ে বালাই।

প্রণয়ী যে বলে প্রণয়ী ত সেই,
না চাহিতে আগে হাতে তুলি দেই,
সে প্রণয়ে এবে পড়েছে ছাই ॥”
বলিয়া নেহালে পতির বদন,
আধ ছল-ছল ঢলে হৃ-নয়ন,
অভিমাণে হাসি জড়িয়ে রয়।
শুনি দৈত্যেশ্বর বলে ধীরে ধীরে,
“কি বলিলে প্রিয়ে বল শুনি ফিরে,
প্রেয়সী নারীর এ দশা নয় ?
কি দোষে ভৎসনা করিছ আমায়,
না দিয়াছি কহ কিবা সে তোমায়,
অদেয় কিবা এ জগতী মাঝ ?
দিয়াছি জগৎ চরণের তলে,
কৌস্তভ যেমত মাণিক মণ্ডলে,
তুমি সে তেমতি নারীতে আজ ॥
কে আছে রমণী তুলনা ধরিতে,
ঐশ্বর্য বিভব গোরব খ্যাতিতে,
তোমার উপমা কাহাতে হয় ?
আর কি লালসা বল তা এখন,
আছে কিবা বাকি দিতে কোন্ ধন,
কি বাসনা পুনঃ হৃদে উদয় ?”
কহিল ঐন্দ্রিলা — “দিয়াছ সে সব,
জানি হে সে সব বিভব, গোরব,
তবু সর্বজন-পূজিতা নই।
মাণিকুলে যথা কৌস্তভ মহৎ,
নারীকুলে আমি তেমতি মহৎ,
বল, দৈত্যপতি, হয়েছি কই ?
এখনও ইন্দ্রাণী জগতের মাঝে,
গোরবে তেমতি স্মৃতে বিরাজে,
এখনও আয়ত্ত হলো না সেই ॥
স্বর্গের ঈশ্বরী আমি সে থাকিতে,
কিবা এ স্বরগ কিবা সে মহীতে,
শচীর মহত্ব ভুলে না কেহ !

রাতমুখে আমি শুনিছ সেদিন,
স্বমেক এখন হয়েছে শ্রীহীন,
শচীর সৌন্দর্য্য দেহে না ধরি ।

ইন্দ্রাণী যখন আছিল এখানে,
অমর-সুন্দরী সকলে সেখানে,
থাকিত হেমাঙ্গি উজ্জল করি ॥

শুনেছি না কি সে পরমা রূপসী,
বড় গরবিণী নারী গরীয়সী,
চলনে গোরব ঝরিয়া পড়ে ।

গ্রীবাতে কটিতে স্ফারিত উরসে,
কিবা সে বিষাদ কিবা সে হরষে,
মহত্ব যেন সে বাঁধে নিগড়ে ॥

শচীরে দেখিব মনে বড় সাধ,
ঘুচাইব চক্ষু-কর্ণের বিষাদ,
আমার চিত্তের বাসনা এই ।

থাকিবে নিকটে শিখাবে বিলাস,
ধরিব অঙ্গেতে নবীন প্রকাশ,
ভূলাতে তোমারে শিখাবে সেই ॥

আসিবে যতক অমর-সুন্দরী,
শচী সঙ্গে অঙ্গে দিব্য শোভা ধরি,
অমর-কৌতুক শিখাবে ভালো ।

এই বাঞ্ছা চিতে শুন দৈত্যপতি,
শচী দাসী হবে দেখিবে সে রতি,
হয় কি না পুনঃ স্বমেক আলো ॥”

শুনে বৃত্তাস্তর ঈষৎ হাসিয়া,
কহিল ঐন্দ্রিলা-নয়নে চাহিয়া,
“এই ইচ্ছা প্রিয়ে হৃদে তোমার ?”

বলিয়া এতক দানব-ঈশ্বর,
কন্দর্পে ডাকিয়া জিজ্ঞাসে সত্ত্বর,
“কোথা শচী এবে করে বিহার ?”

কহিল কন্দর্প মুখে চিরহাসি,
“অমরা বিহনে এবে মর্ত্যবাসী,
নৈমিষ-অরণ্যে শচী বেড়ায় ।

সঙ্গে প্রিয়তমা সখী অল্পগত,
ভ্রমে সে অরণ্যে দুঃখেতে সতত,
না পেয়ে দেখিত স্বমেক-কায় ॥

কষ্টে করে বাস শচী নরনোকে,
ইন্দ্র, ইন্দ্রালয়, ইন্দ্রেশ্বর শোকে,
অস্তরে দারুণ দুঃখহতাশ ।”

শুনি দৈত্যপতি কহিলা, “সুন্দরী,
পাবে শচীসহ শচী-সহচরী,
অচিরে তোমার পুরিবে আশ ॥”

ঐন্দ্রিলা শুনিয়া মহর্ষ হইলা,
অধরে মধুর হাসি প্রকাশিলা,
পতি-কর স্বখে ধরে অমনি ।

হাসিতে হাসিতে কন্দর্প আবার,
ধনুকে ঈষৎ করিল টঙ্কার,
শিহরে দানব দৈত্যরমণী ॥

পুনঃ ছয় রাগ রাগিণী ছত্রিশ,
গীত-বৃষ্টি করে ভুলে আশীবিষ,
নব নব রস বিভাস করি ।

পুনঃ সে ইন্দ্রিয় অবশ সঙ্গীতে,
অম্বর-অম্বরী শুনিত শুনিত,
চমকে চমকে উঠে শিহরি ॥

কতু বীর-রসে ধরিছে স্ততার,
দানব উঠিছে করি মার মার,
আবার সমরে পশিছে যেন ।

অমর নাশিতে ধরিছে ত্রিশূল,
আবার যেন সে অমরের কুল,
বিনাশে সংগ্রামে ভাবিছে হেন ॥

কখন করুণা-সরিতে ভাগিয়া
চলেছে ঐন্দ্রিলা নয়ন মুছিয়া,
কখন অপত্য স্নেহেতে ভোর ।

যেন সে কোলেতে হেরিছে কুমার,
স্তনযুগে স্বতঃ বহে ক্ষীরধার,
এমনি ত্রিদিব-সঙ্গীত-ঘোর ॥

কভু হাশুরস করে উদ্দীপন,
কোথায় বসন, কোথায় ভূষণ,
ঐন্দ্রিনী উল্লাসে অধীর হয় !
কখনে পড়ে চলি পতির উৎসঙ্গে,
কখনে পড়ে চলি ফুলদল-অঙ্গে,
উৎফুল্ল বদন লোচনদয় ॥
অমনি অপ্সরা হইয়া বিহ্বল,
চলে ধীরে ধীরে তনু চল চল,
নেত্র করতল অলকা কাঁপে

ঈষৎ হাসিতে অধর অধীর,
অঙ্গুলি-অগ্রেতে অঞ্চল অস্থির,
টানিয়া অধরে ঈষৎ চাপে ॥
চারি দিকে ছুটে মধুর স্রবাস,
চারি দিকে উঠে হরষ উচ্ছ্বাস,
চারি দিকে চারু কুমুম হাসে
খেলে রে দানবী দানবে মোহিয়া,
বিলাস-সরিং-তরঙ্গে ডুবিয়া,
প্রমোদ প্রাবনে নন্দন ভাসে ॥

তৃতীয় সর্গ

উঠিছে দানবরাজ নিদ্রা পরিহরি
ইন্দ্রালয়ে শশব্যস্ত নানাঙ্গা ধরি
দান গন্ধর্বি, যক্ষ বেড়ায়,
গৃহ গথ রথ অথ সত্তরে সাজায় ;
সাজায় সুন্দর করি পুষ্পমালা দিয়া,
গবাক্ষ গৃহের দ্বার শোভা বিজ্ঞাসিয়া ;
উড়ায় প্রাসাদ-চূড়ে দানবপতাকা—
শিবের ত্রিশূল-চিহ্ন শিবনাম আঁকা ।
ঘন করে শঙ্খধ্বনি ; ঘন ভেরীনাদ ;
চারিদিকে স্তবশব্দ ঘন ঘোর হ্রাদ ।
শিগরে শিগরে বাজে ছন্দুভি গভীর ;
ঘন ঘন ধনুর্ঘোষে গগন অস্থির ।
ইন্দ্রালয় বিলোড়িত দানবের দাপে ;
জয়শব্দ চরাচর মেরু-শীর্ষ কাঁপে ।
বাসবের বাসগৃহ গগন যুড়িয়া,
হিমাদ্রিভূধর তুলা, আঃছ বিস্তারিয়া ।
ক্ষটিকের আভা তায় ফুটিয়া পড়িছে,
হিমালীর রাশি ঘেন আকাণে ভাসিছে ।
দ্বারদেশে ঐরাবত হস্তী সুসজ্জিত ;
সুসজ্জিত পুষ্পরথ দ্বারে উপস্থিত ।

ইন্দ্রপুরীশোভাকর সভার ভবন,
কুবের সাজায় আনি বিবিধ ভূষণ ;
সারি সারি মণিস্তম্ব সাজাইছে তায়,
সাজাইছে পুষ্পদাম চন্দ্রাতপ-গায় ।
হায় রে সে ইন্দ্রাসন বসিত যাহাতে
বাসব অমরপতি রাখিছে তাহাতে
মন্দার-পুষ্পের গুচ্ছ করিয়া যতন,
দানব আসিয়া ভ্রাণ করিবে গ্রহণ ।
ইন্দ্রের মুকুট দণ্ড আনি দ্রুতগতি
রাখিছে আসন-পার্শ্বে ভয়ে যক্ষপতি ।
সভাতলে বাণ্যযন্ত্র প্রস্তুত করিয়া
তটস্থ কিন্নরগণ, দেখিছে চাহিয়া ।
আতঙ্কে প্রবেশদ্বারে ;— বিজ্ঞাধরী ২ত ;—
উর্কশী, মেনকা, রম্ভা, ঘৃতাচী বিনত—
বসন ভূষণ পরি সকলে প্রস্তুত,
কেবল নর্তন বাকী বাদনসংযুত ।
সমবেত সভাতলে, করি যোড়কর,
অপ্সরা, কিন্নর, যক্ষ, সিদ্ধ, বিজ্ঞাধর ।
সমবেত দৈত্যবর্গ সুদীর্ঘ শরীর—
হেনকালে শঙ্খধ্বনি হইল গভীর ;

অমনি সুষম্ভে বাণ্ড বাজিল মধুর ;
 অমনি অঙ্গুরা-পায়ে বাজিল নৃপুর ;
 পূরিল স্ফধার ভ্রাণে সভার ভবন ;
 বহিল অমরপ্রিয় সুরভি পবন ।
 প্রবেশিল সভাতলে অমুর দুর্জয় ;
 চারিদিকে স্তুতিপাঠ জয় শব্দ হয় ।
 ত্রিনেত্র, বিশালবক্ষ, অতি দীর্ঘকায়,
 বিলম্বিত ভুজ্জয়, দোদুল্য গ্রীবায়
 পারিজাত পুষ্পহার বিচিত্র শোভায় ।
 নিবিড় দেহের বর্ণ মেঘের আভাস ;
 পর্কতের চূড়া যেন সহসা প্রকাশ ।
 নিশাঙ্ক গগনপথে ভানুর ছটায় ;
 বৃত্তাসুর প্রকাশিল তেমতি সভায় ।
 ক্রকটি করিয়া দর্পে ইন্দ্রাসন 'পরে
 বসিল, কাঁপিল গৃহ দৈত্য-দেহভরে ।
 মন্ত্রীরে সম্ভাষি দৈত্য কহিলা তখন—
 “সুমিত্র হে, ভীষণে করে প্রেরণ
 মন্ত্রে অবনীতলে, নৈমিষ কাননে ;
 ভ্রমে শচী সে অরণ্যে সুররামা সনে ;
 আনুক স্বরগপুরে অমরী সকলে ;
 যে বিধানে পারে কহ আনিতে কৌশলে ;
 কৌশলে না সিদ্ধ হয় প্রকাশিবে বল ;
 ঐন্দ্রিলার অভিলাষ করিব সফল ।
 বড লজ্জা দিলা কাল ঐন্দ্রিলা আমারে—
 শচীভ্রমে স্বতস্তুরা না সেবি তাহারে !
 সুমিত্র, মন্ত্রে কার্য কর সম্পাদন,
 ভীষণে নৈমিষারণ্যে করহ প্রেরণ ।”
 দৈত্যোক্তবচনে মন্ত্রী কহিলা সুমিত্র,—
 “মহিষী-বাঞ্ছিত যাহা কিবা সে বিচিত্র !
 তব আঞ্জা শিরোধার্যা, দহুজের নাথ,
 নৈমিষ-অরণ্যে দৈত্য যাবে অচিরাৎ ।
 নিবেদন আছে কিছু দামের কেবল,
 আদেশ পাইলে পদে জানাই সকল ।”
 দৈত্যোক্ত কহিলা, “মন্ত্রি, কহ কি কহিবে,
 অবিদিত বৃত্তাসুরে কিছু না থাকিবে ।”

কহিলা সুমিত্র তবে “শুন দৈত্যানাথ,
 অমর আসিছে স্বর্গে করিতে উৎপাত ।
 কহিলা প্রহরী যারা ছিল গত নিশি
 দেখেছে দেবের জ্যোতিঃ প্রকাশিছে দিশি
 অতি শীঘ্র, বোধ হয়, দেবতা সকল,
 রণ-আশে প্রবেশ করিবে স্বর্গস্থল ;
 এ সময় ভীষণে প্রেরণ উচিত
 হয় কি না, দৈত্যপতি, ভাবিতে বিহিত ।
 সামান্য বিপক্ষ নহে ঙ্গান, দৈত্যপতি,
 কঠোর সে অমরের যুদ্ধের পদ্ধতি !
 দিবারাত্রি ক্ষণকাল নহিবে বিশ্রাম,
 দুর্দম বিক্রমে সবে করিবে সংগ্রাম ।
 যত যোদ্ধা দানবের হৈবে প্রয়োজন—
 এ সময়ে উচিত কি ভীষণে প্রেরণ ?”
 শুনিয়া, হাসিলা বৃত্তাসুর দৈত্যোক্তর
 কহিলা, “প্রলাপ না কি কহ মন্ত্রিবর ?
 আসিবে সমরে ফিরে অমর আবার !
 এ অযথা কথা মন্ত্রি রচিত কাহার ?
 দানবের ভয়ে স্বর্গ পৃথিবী ছাড়িয়া,
 লুকায়িত আছে সবে পাতালে পশিয়া !
 সাধ্য কি দেবের পুনঃ হয় স্বর্গমুগ,
 যাক কত কাল আরো ঘুচুক সে দুগ !
 দৈত্যের প্রহার অঙ্গে যে করে ধারণ,
 ফিরিবে না যুদ্ধে আর কখন সে জন্ম ।
 বৃত্তাসুর থাকিতে, সে সৈন্য দেবতার
 স্বর্গের দিকেও কড় চাহিবে না আর ।
 বোধ হয়, প্রতীহার, রক্ষক যাহারা,
 অণু কিছু শূন্যপথে দেখেছে তাহারা—
 হয় কোন উল্লা, কিম্বা নক্ষত্র পতন,
 নিজাঘোরে শূন্য 'পরে করেছে দর্শন ।”
 কহিলা সুমিত্র, “দৈত্যপতি, অন্তরূপ
 বলিলা প্রহরিগণ, কহিয়া স্বরূপ ।
 গগনমার্গেতে দেব-জ্যোতির আভাস
 দেখিয়াছে স্থানে স্থানে জ্যোতির
 প্রকাশ ।

রক্ষক-প্রধানে ডাকি জিজ্ঞাসা করিলে,
বিদিত হইবে সর্ব স্বকর্ণে শুনিলে।”
দৈত্যেশ আদেশে আ(ই)সে রক্ষক প্রধান
দাঁড়াইলা সভাতলে পর্বত-প্রমাণ।
কহিলা দানবপতি, “কহ, হে ঋক্ষভ,
কি দেখিলা গত নিশি কিবা অনুভব?”
কহিলা ঋক্ষভ দৈত্য, “শুন দৈত্যানাথ,
ত্রিষাম রজনী যবে, হেরি অকস্মাৎ
দিকে দিকে চারিধারে ঈষৎ প্রকাশ,
জ্যোতির্ষয় দেহ যেন উজলে আকাশ।
নক্ষত্র উদ্ধার জ্যোতিঃ নহে সে আকার ;
জানি ভাল দেব-অঙ্গে জ্যোতিঃ যে প্রকার।
ভ্রম না হইল কভু ক্ষণকাল তায়,
চিনিলাম দেব-অঙ্গ-জ্যোতি সে শোভায়
ফুটিতে লাগিল ক্রমে ক্রমে দশ দিশে,
যতক্ষণ অন্ধকার অংশুতে না মিশে ;
দেখিলাম কত হেন সংখ্যা নাহি তার,
উঠিছে আকাশ-প্রান্তে ঘেরি চারিধার ;
বহু দূরে এখন (ও) সে জ্যোতির উদয়—
দেবতা তাহারা কিঙ্ক কহিহু নিশ্চয়।”
বৃত্রাসুর জিজ্ঞাসিলা ঘুচাতে সন্দেহ,
“ইন্দ্রের কোদণ্ডনাদ শুনিলি কি কেহ ?
ইন্দ্র যদি সঙ্গে থাকে অবশ্য সে ধ্বনি
শুনিতে পাইত স্বর্গে সকলে তখনি।”
কহিলা ঋক্ষভ, “অন্য দানব যতেক,
ইন্দ্রের কোদণ্ডধ্বনি না শুনিলি এক।”
তখন দানব-ইন্দ্র বৃত্রাসুর কয়—
“দেবতা আসিছে সত্য কিবা তাহে ভয় ?
একবার অগ্নাঘাতে পাঠাই পাতাল,
এইবার একেবারে ঘুচাব জঞ্জাল।
ইন্দ্র সঙ্গে নাই, যুদ্ধে পশিছে দেবতা ;
বাতুল হয়েছে তারা, কি ঘোর মূর্খতা !
সকল করিহু অণু, শুন, দৈত্যকুল,
সকল করিহু হের পরশি ত্রিশূল—

স্বর্ঘ্যে রাখিব করি রথের সারথি ;
চন্দ্র সন্ধ্যামুখে নিত্য যোগাবে আরতি ;
পবন ফিরিবে সদা সন্মার্জনী ধরি,
অমরার পথে পথে রজঃ স্নিগ্ধ করি ;
বরণ রজক-বেশে অস্থরে সেবিবে,
দেবসেনাপতি স্কন্দ পতাকা ধরিবে।
নির্ভয়ে সকলে নিজ নিজ স্থানে যাও,
স্বমিত্র, নৈমিষারণো ভীষণে পাঠাও।”
কহিয়া এতেক, বৃত্রাসুর দৈত্যপতি,
সভা ভাঙ্গি স্বমেকর দিকে কৈলা গতি।
এখানে ত্রিদিব যুড়ে ছুটিল সংবাদ,
স্বর্গপুরী পূর্ণ করি হয় সিংহনাদ।
বাজিল হৃন্দুভিধ্বনি শিখরে শিখরে ;
কোদণ্ড-টঙ্কারে ঘন গগন শিহরে।
প্রাচীরে প্রাচীরে উড়ে দৈত্যের পতাকা—
শিবের ত্রিশূলচিহ্ন শিবনাম আঁকা।
মহাকোলাহলে পূর্ণ হৈল সর্বস্থল,
সাজিল সমরসাজে দানব সকল।
বৃত্রাসুরপুত্র, বীর রুদ্রপীড় নাম,
সুধনু দানব-কুলে, বিচিত্র ললাম।
ভূষিত ললাটদেশ, বিশাল উরস,
বাল্যকাল হৈতে যার অসীম সাহস,
সজ্জিত মাণিকগুচ্ছ কিরীট শীরষে,
দেবতা আসিছে যুদ্ধে শুনিয়া হরষে,
স্বমিত্রের করে ধরি, কত সে উল্লাস,
উৎসাহ-হিল্লোলে ভাসি করিল প্রকাশ।
মহাযোদ্ধা বৃত্রপুত্র, পূর্বের সমরে,
লভিলা বিপুল ধন যুব্বিয়া অমরে।
আবার আসিছে যুদ্ধে দেবতা সকল,
শুনি মহোৎসাহে মত্ত হৈলা মহাবল।
চলিলা মন্ত্রীর সহ আপন আশয়ে,
আন্দোলিয়া নানা কথা যুদ্ধের বিষয়ে।
স্বর্গধারে ঘারে চলে দৈত্য মহারথী,
হৃদ্যক বিপুলবন্ধ পূর্বের কৈলা গতি।

ঐরাবণী—বল যার ঐরাবত প্রায়,
পশ্চিমে চলিলা বেগে নদী যেন ধায় ।
শঙ্খধ্বজ দৈত্য—যার শঙ্খের নিনাদে
অমর কম্পিত হয়—উত্তর আচ্ছাদে ।

দক্ষিণেতে সিংহজটা—সিংহের প্রতাপ
চলিলা দুর্ধ্ব দৈত্য, ভয়ঙ্কর দাপ ।
স্বর্গের প্রাচীরে ভ্রমে দৈত্য কোটি জন—
ভীষণ নৈমিষারণ্যে করিলা গমন ।

১০৭

চতুর্থ সর্গ

সায়াকে সখীর সনে,
বসিয়া নৈমিষবনে,
শচী কহে সখীরে চাহিয়া ।
“বল আর কত দিন,
এ বেশে হেন শ্রীহীন,
থাকিব লো মরতে পড়িয়া !
না হেরে অমরাবতী,
চপলা, দুঃখেতে অতি,
আছি এই মানব-ভুবনে ।
না ঘুচে মনের ব্যথা,
জাগে নিত্য সেই কথা,
পুনঃ কবে পশিব গগনে ॥
স্বপনে যতপি ছাই,
সে কথা ভুলিতে চাই,
দেবেরে স্বপন নাহি আসে !
জাগ্রতে সে দেখি যাহা,
চিত্ত দৃষ্টি করে তাহা,
প্রাণে যেন মরীচিকা ভাসে
নয়নের কাছে কাছে,
সতত বেড়ায় আঁচে,
স্বর্গের মনোহর কায়া ।
সকলি তেমতি ভাব,
দৃষ্টিপথে আবির্ভাব
কিন্তু জানি সকলি সে ছায়া

ভ্রাস্তি যদি হৈত কভু,
কিছুক্ষণ স্থখে তবু,
থাকিতাম যাতনা ভুলিয়া ।
পোড়া মনে ভ্রাস্তি নাই,
দেবের কপালে ছাই,
বিধি সৃজে অস্বপ্ন করিয়া !
অমৃত করিলে পান,
তবে বা জুড়াত প্রাণ,
সে উপায় নাহিক এখন ।
কিরূপে, চপলা, বল,
নিবসি এ ভূমণ্ডল,
চিরদুঃখে করিব খাপন ॥
মানবের এ আগারে,
থাকি যেন কারাগারে,
পুরিয়া নিশ্বাস নাহি পড়ে !
অতি গাঢ়তর বায়ু,
আই-টাই করে আয়ু,
বুক যেন নিবন্ধ নিগড়ে !
নয়ন ফিরাতে ঠাই,
কোথাও নাহিক পাই,
শূন্য যেন নেত্রপথে ঠেকে !
স্থখে নাহি দৃষ্টি হয়,
চারিদিক্ বহিময়,
আগুনে রেখেছে যেন ঢেকে !

হায় ! এ মাটির ক্ষিতি,
 পায়ে বাজে নিতি নিতি,
 শিলা যেন কঠোর কর্কশ !
 শুনিতে না পাই ভাল,
 শব্দ যেন সর্বকাল,
 কর্ণমূলে ঝটিকাপরশ !
 এ ক্ষুদ্র ক্ষিতিতে থাকি,
 কেমনে শরীর রাখি,
 সগী রে সকলি হেথা স্থল !
 নিত্য এ খর্বতাজ্ঞান,
 আকুল করে পরাণ,
 কেমনে সে বাঁচে নর-কুল !
 অমর—মরণ নাই,
 কত কাল ভাবি তাই,
 এত কষ্টে এখানে থাকিব ।
 যখনি ভাবি লো মই,
 তখনি তাপিত হই,
 চিরদিন কেমনে সহিব ॥
 অনন্ত যৌবন লৈয়ে,
 ইন্দ্রের বনিতা হৈয়ে,
 ভোগ করি স্বর্গবাসস্থল ;
 কিরূপে থাকিব হেথা,
 হইয়া অনন্ত-চেতা,
 নরলোকে সহিয়া এ দুঃ !
 নরজন্ম ভাল সখী,
 মৃত্যু হয় বিষ ভণি,
 মরিলে দুঃখের অবসান ।
 অল্পদিন অল্পক্ষণ,
 নিদ্রাহীন অশ্বপন,
 জলে না লো তাদের পরাণ !
 বরং সে ছিল ভাল,
 নাহি যদি কোন কাল,
 দেখিতাম স্বরগ নয়নে ।

আগে সুখ পরে পীড়া,
 আগে যশঃ পরে ব্রীড়া,
 জীবিতের অসহ্য সহনে !
 জানি সখী গুল্ম ছাড়ি,
 তৃণদলে না উপাড়ি,
 মহা ঝড় তরুতেই বহে ।
 জানি সর্বসহা ভিন্ন,
 উত্তাপে না হয়ে পিন্ন,
 অগ্নিদাহ অগ্নে নাহি সহে ॥
 তথাপি অন্তর দহে,
 এ ঘৃণা না প্রাণে সহ,
 পূর্বকথা সদা পড়ে মনে ।
 যে গৌরব ছিল আগে,
 বাসবের অনুরাগে,
 কার হেন ছিল ত্রিভুবনে !
 কেমনে ভুলিব বল,
 মেঘে যবে আশুগল,
 বসিত কাশ্মুক ধরি করে ;
 তুই সে মেঘের অঙ্গে,
 খেলাতিস্ কত রঙ্গে,
 ঘটাই করি লহরে লহরে !
 কি শোভা হইত তবে,
 বসিতাম কি গৌরবে
 পার্শ্বে তাঁর নীরদ-আসনে !
 হইত কি ঘন ঘন,
 মৃদু মন্দ গরজন,
 মেঘ যবে দুলাত পবনে !
 ইন্দ্রের সে মুখকাস্তি,
 ঘুচায়ে নয়নভ্রাস্তি,
 কত দিন সখী রে না হেরি !
 কত দিন বৈসে নাই,
 ঘুচায়ে চক্ষু বালাই,
 সুরবৃন্দ বাসবেরে ঘেরি !

স্তম্বে-শিখরে যবে,
 স্তম্বে খেলিতাম সবে,
 অমর সঙ্গিনীগণ সহ,
 উপরে অনন্ত শূণ্য,
 অনন্ত নক্ষত্র-পূর্ণ,
 সদা স্নিগ্ধ সদা গন্ধবহ ।
 ভ্রমিত নির্মল বায়,
 ফুটিয়া ফুটিয়া তায়,
 কত পুষ্প স্তম্বেক শোভিত,
 নির্মল কিরণশোভা,
 মথী রে কি মনোলোভা।
 মেরু-অঙ্গে নিত্য বরষিত !
 মগী সেই মন্দাকিনী,
 চিরানন্দ-প্রদায়িনী,
 দেবের পরশ সুপকর ।
 চলেছে নন্দনতলে,
 উছলি মধুর জলে,
 ভাবিতে রে হৃদয় কাতর !
 কার ভোগ্য্য এবে তাহা,
 কার ভোগ্য্য এবে আহা,
 আমার সে নন্দনবিপিন !
 কে ভ্রমিছে এবে তায়,
 কেবা সে আশ্রয় পায়,
 পারিজাতে কে করে মলিন !
 জগতের নিরুপম,
 মথী পারিজাত মম,
 দৈত্যাজয়া পরিছে গলায় !
 যে পুষ্প শচীর হৃদি,
 স্নিগ্ধ করিবারে বিধি,
 নিরমিলা অতুল শোভায় !
 মথী রে, দানবজায়া,
 ধরি কলুষিত কায়া,
 বসিছে সে আসন-উপরে ;

যেখানে অমরীগণ,
 ক্রীড়াস্তম্বে নিমগন,
 বিরাজিত প্রফুল্ল অন্তরে !
 হায় লজ্জা ! চপলা রে,
 আমার শয়নাগারে,
 অমর পরশে নাহি যাহা,
 ইন্দ্র বিনা যে শয়ন,
 না ছুঁইলা কোন জন,
 বৃত্রাসুর পরশিল তাহা !
 দিক্ লজ্জা দিক্ দিক,
 কি আর কব অধিক,
 এ পীড়ন সহি লো এ প্রাণে !
 এত দিনে দৈত্যবালা,
 এ মুগ করিয়া কালা,
 শচীরে বিক্লিল বিষবাণে !
 সাজে লো আমার সাজে,
 আমার সপ্তকী বাজে,
 ঐন্দ্রিলার কটিতটে হায় !
 আমার মুকুট-রত্ন,
 অমরে করিত যত্ন,
 কুবের আনিয়া দেয় তায় !
 শচী বলি কেবা আর,
 গৌরব করিবে তার,
 কে আর আসিবে শচী-স্থান !
 আর না আসিবে লক্ষ্মী,
 বাহুতে বাঁধিতে রক্ষী,
 লইতে ইন্দ্রিরা-পুষ্পঘ্রাণ !
 ইন্দ্রিয়ার প্রিয় পদ্য,
 সুধাজাত সুধাসদ্য,
 কত স্তম্বে লইত কমলা ;
 এবে সে ছোঁবে না আর,
 হাতে তুলে দিলে তাঁর—
 শচীর পরশ এবে মলা !

উমা নাহি ফিরে চাবে,
 ব্রহ্মাণী সরিয়া যাবে,
 কাছে যদি কখন দাঁড়াই ।
 সুররামা অন্ম যত,
 লজ্জা দিবে অবিরত,
 চূর্ণ করি শচীর বড়াই !
 কোথায় পলাব বল ?
 কোথা আছে হেন স্থল ?
 এ মুখ না দেখাব কাহারে ;
 বরঞ্চ মানবদেহে,
 পশিয়া মানবগেহে,
 জন্মিব, মরিব, বারে বারে !
 ভুলে রব যত কাল,
 জ্বীয়ে রব তত কাল,
 ভাবিলে সে আবার মরণ ।
 তবে বা ঘুচিবে তাপ,
 ভাবনার অপলাপ,
 তবে যাবে চিত্তের পীড়ন ॥”
 হেন কালে পুষ্পধনু,
 নিত্য মনোহর তনু,
 চিরহাসি অধরে প্রকাশ ।
 আসি শচী সরিধান,
 বাড়ায়ে শচীর মান,
 ইন্দ্রাণীরে করিলা সম্ভাষ ॥
 চপলা হেরি সত্বর,
 কহিলা, “হে পঞ্চশর,
 হেথা গতি কোথা হৈতে বল
 আছ ত, আছ ত ভাল,
 গোরী ছিলে হৈলে কাল,
 তুমি আর রতির কুশল ?
 শুনি না কি মাল্যকার
 হৈয়ে এবে আছ মার ।
 ঐন্দ্রিলার উত্তান সাজাও ?

নিজ করে গাঁথ মালা,
 সাজাতে দানব-বালা,
 মালা গাঁথি অসুরে পরাও ?
 এত গুণপনা তব,
 জানিলে হে মনোভব,
 নিত্য গাঁথাতাম পুষ্পহার ।
 থাকিতে সে অন্মমনে,
 ত্যজি পুষ্পশরাসনে,
 ত্রিভুবন পাইত নিস্তার ॥
 বড় আগে হেলি হেলি,
 পুষ্পধনু পৃষ্ঠে ফেলি,
 বেড়াইতে স্মমোহন বেশ ।
 ত্যক্ত করি বারে বারে,
 সর্বলোকে সবাকারে,
 শুন, কাম, এই তার শেষ ॥
 ছি ছি মরি, নাহি লাজ,
 ধরি মালাকার-সাজ,
 এখন (ও) সে আছ স্বর্গপুরে ।
 রতির কি লজ্জা নাই,
 মুখেতে মাথিয়া ছাই,
 ঐন্দ্রিলারে সাজায় নূপুরে !”
 শচী কহে, “চপলা রে,
 গঞ্জনা দিও না মারে,
 শুখে আছে শুখে থাক কাম ।
 এ পীড়া হৃদয়ে ধরি,
 স্বর্গপুরী পরিহরি,
 পুরাইত কিবা মনস্কাম ?
 ভাবনা যাতনা নাই,
 সদা স্থখী সর্বঠাই,
 চিরজীবী হ(উ)ক সেই জনা ।
 রতির কপাল ভাল,
 শুখে আছে চিরকাল,
 সহে না সে এ পোড়া যাতনা

প্রদায়, কৌশল কিবা,
 আমারে শিখায়ে দিবা,
 সদা সুখ চিন্তে কিসে হয় ;
 কিরূপে ভুলিব সব,
 তুমি যথা মনোভব,
 নিত্যসুখী নিত্য হান্তময় !”
 কন্দর্প অপাঙ্গ ঠারে,
 শাসাইয়া চপলারে,
 সমস্তমে শচী প্রতি কয়—
 “সুখ দুঃখ ইন্দ্রপ্রিয়া,
 সকলি বাসনা নিয়া,
 যুক্তির আয়ত্ত সে নয় ।
 ছাড়িয়া নন্দন-বনে,
 কোথায় বা ত্রিভুবনে,
 জুড়াইবে কন্দর্পের প্রাণ ;
 কামের বাঞ্ছিত যাহা,
 নন্দন-ভিতরে তাহা,
 না পাইব গিয়া অন্ত স্থান !
 সেবি বা অশ্বর নর,
 কি দানবী কি অমর,
 তাই স্বর্গ না পারি ছাড়িতে
 যার যেথা ভালবাসা,
 ভার সেথা চির-আশা।
 সুখ দুঃখ মনের খনিতে !
 সে কথা বৃথা এখন,
 আসিয়াছি যে কারণ,
 তুমি আগে বাসবরমণী ।
 আসন্ন বিপদ জানি,
 আপনি কর্তব্য মানি,
 জানাইতে এসেছি অবনি ॥
 নির্দয় অদৃষ্ট অতি,
 এখন (ও) তোমার প্রতি,
 শুনে চিন্তে যুচিল হরিষ ।

কর্তব্য যা হয় কর,
 না থাক অবনী'পর,
 নিকটে আসিছে আশীবিষ ॥”
 “শচীর অদৃষ্ট মন্দ,
 আছে কি শচীর ধন্দ,
 সে কথা শুনাতে আ(ই)লে মার !
 স্বর্গ তাজি ধরাবাস,
 ইন্দ্রের ইন্দ্রত্ব নাশ,
 ইহা হৈতে অভাগ্য কি আর ?”
 শুনিয়া কন্দর্প কয়,
 “এই যদি কষ্ট হয়,
 না জানি সে কি বলিবে তায় ।
 ঐন্দ্রিলা সেবিতে যবে,
 রতি-সহচরী হবে,
 অর্ঘ্য দিবে বৃক্রাসুর-পায় !
 ক্ষমা কর, সুরেশ্বরী,
 এ কথা বদনে ধরি,
 চেতাইতে বলিতে সে হয় ।
 স্বকর্ণে শুনেছি যত,
 ঐন্দ্রিলার মনোরথ,
 তাই মনে পাই এত ভয় !
 বসিয়া নন্দনবনে,
 ঐন্দ্রিলা দৈত্যের সনে,
 আমার সে সাক্ষাতে কহিলা,
 ‘শচীরে স্বরগে আন,
 থাকুক আমার মান,
 শচী সেবা মোরে না করিলা—
 বৃথা এ ইন্দ্রত্ব তব,
 বৃথা এ ঐশ্বর্য্য সব,
 বৃথা নাম, ঐন্দ্রিলা আমার !
 শুনি শচী গরবিণী,
 চিরসুখী বিলাসিনী,
 সে গৌরব ঘুচাব তাহার ।

থাকিবে স্বরগে আমি,
 হইয়া আমার দাসী,
 হাব-ভাব শিখাবে আমায় ।
 শিখাবে চলন-ভঙ্গি,
 কর পদ দিবে রঙ্গি,
 তবে মম চিত্তক্ষোভ যায় !'
 লজ্জা পায় বুত্রাস্তর,
 আসিতে অবনিপুর,
 আঞ্জা দিলা ভীষণ দৈতোরে ।
 মহাবল দৈতা সেই,
 ভোগার রক্ষক নেই,
 ইন্দ্রপ্রিয়া পড়িলা সে ফেরে ॥”
 কন্দর্প-বাকোতে শচী,
 কুন্তলে ফণিনী রচি,
 একদৃষ্টে দৃষ্টি করে তায়,
 স্তম্ভ ভাণ নিকন্তর,
 গণ্ড রাখে হস্ত'পর,
 ভায়া ঘেন পড়ে সর্ব গায় ।
 নিস্পন্দ শরীর মন,
 সচেতনে অচেতন,
 নিঃশ্বাস না সরে নাসিকায় ।
 অজানিত অচিন্তিত,
 চিন্তা ঘেন উপস্থিত,
 হৃদয়েতে ঘুরিয়া বেড়ায় ॥
 কুন্তলরচিত ফণী,
 নিরগি মেঘবাহনী,
 কহে শচী চপলা চাহিয়া,
 “এ নরক মম ভাগে,
 সগী, নাহি জানি আগে,
 দেখি নাহি কখন ভাবিয়া ॥
 দুর্গতির শেষে যাহা,
 শচীর হয়েছে তাহা,
 ভাবিতাম সদা মনে মনে ।

আরো যে শত ধিক্কার
 কপালে আছে আমার
 সে কথা না উদ্দিনা চেতনে ॥
 কেমনে চপলা বল,
 পরশিবে করতল,
 দানবীর চরণ-নৃপুর ?
 কেমনে গো স্তনহার
 স্তন শোভিবারে তার,
 ভুজে দিব কেমনে কেয়ুর ?
 কেমনে স্কন্ধাধী ধরি'
 দিব কটিতট 'পরি,
 কেমনে বা কবরী বাঙ্কিব ?
 বিনাব কুন্তলে বেণী,
 কিরূপে মুকুতা শ্রেণী
 ভালে তার সাজাইয়া দিব ?
 সগি রে যে জানি নাই,
 কিরূপে সে ভাবি তাই
 সাজাইব দানব-মহিলা,
 যার কাছে যাব এবে,
 কেবা সে শিখায় দেবে
 দাসীপনা তুষিতে ঐন্দ্রিলা !
 যার অঙ্গে যত্ন ক'রে
 দক্ষ-কন্যা সমাদরে
 পরাইত বসন ভূষণ ।
 সে আজি লো দাসী হৈয়ে,
 বস্ত্র আভরণ লৈয়ে,
 ঐন্দ্রিলা করিবে সেবন !
 হায় লজ্জা ! হায় ধিক্ !
 শ্রবণেরে শত ধিক্ !
 এ কথা কুহরে স্থান দিল ।
 দাসীপনা বাকি কিবা,
 সিংহী ছিন্ন হৈল শিবা,
 যখন এ স্তনিতে হইল !

কেন হে কন্দর্প তুমি,
 আইলা মরত-ভূমি,
 কেন কহ শুনালে আঁমায় ?
 হৃদি'পরে গুরু শিলা,
 কেন বল চাপাইলা,
 অনঙ্গ হে কি দোষ তোমার ?
 ঘটিত কপালে যদি,
 ঘটিত হে সে অবধি,
 দাসত্বে যাইত যবে শচী ।
 আগে কৈয়ে কেন মার,
 অস্তরে দাসত্ব-ভার,
 শচীরে হে করিলে অশচী ।
 চপলা সত্যই কি লা,
 সেবিত হে ঐন্দ্রিলা,
 শচীর কি কেহই রে নাই !
 অপাঙ্গ পড়িলে যার,
 ভয় হৈত দেবতার,
 দেব যক্ষ তুষিত সবাই ;
 তাহার এ দুর্কিপাকে,
 কেহ নাই তারে রাখে,
 দানবেরে করিয়া দমন,
 ইন্দ্র যেন তপে নিষ্ঠ,
 কোথা দেব অবশিষ্ট,
 সূর্য্য চন্দ্র বরুণ পবন ?
 কোথা স্কন্দ হুতাশন,
 কোথা গণদেবগণ,
 বৃথা নাম লই সে সবার ;
 ইন্দ্রত্ব গিয়াছে যবে,
 আর কে শুনিবে সবে,
 শচীরে ভাবিবে কেবা আর ॥

তবুও ত নিরাশ্রয়
 ইন্দ্রাণী এখন (ও) নয়,
 ইন্দ্রাণী ত পুত্রের জননী ।
 সখী রে বাসব মম,
 আছে ত জয়ন্ত মম,
 ইন্দ্রাণী ত বীরপ্রসবিনী ॥
 কোথা পুত্র হে জয়ন্ত,
 জননীর দুঃখ অস্ত,
 কর শীঘ্র আসিয়া হেথায় ।
 তোমার প্রসূতি, হায় !
 দৈত্যের দাসত্বে যায় !
 রক্ষ আসি পুত্র তব মায় ॥”
 এত কহি ইন্দ্রপ্রিয়া,
 ধ্যানে দৃঢ় মন দিয়া,
 জয়ন্তেরে করিলা স্মরণ ।—
 জননী ভাবেন যদি,
 সে ভাবনা, গিরি, নদী,
 ভেদি, স্মৃতে করে আকর্ষণ ॥
 জয়ন্ত পাতালদেশে,
 শুনিলা ক্ষণ-নিমেষে,
 মায়ের সে মানসের ধ্বনি !
 ব্যথিত কাতর মনে,
 কটি বান্ধি সারসনে,
 অবনীতে চলিলা তখনি ॥
 কন্দর্প শচীর স্থান,
 বিদায় পাইয়া যান,
 পুনঃ সেই নন্দন-কানন ।
 শচীর সাস্তন্য আশে,
 চপলা দাঁড়ায় পাশে,
 কহে স্নিগ্ধ বিনীত বচন ॥

পঞ্চম সর্গ

চপলা শচীরে কহে, “শুন, ইন্দ্রপ্রিয়া,
অতাপি জয়ন্ত না আইসে কি লাগিয়া ?
বুঝি বা বিভ্রাটে কোন পড়িলা আপনি !
তাই সে বিলম্ব এত আসিতে অবনি ।
কন্দর্পের কথায় অন্তরে ভাবি ভয়,
মর্ত্ত ছাড়ি, চল দেবি, বৈকুণ্ঠ-আলয় ;
কিহা সে কৈলাসে চল উমার নিকটে ;
বিশ্বাস কর্তব্য কভু না হয় কপটে ।
কমলা, অথবা গৌরী, অথবা ব্রহ্মাণী,
নিশ্চয় আশ্রয় দান দিবে, ইন্দ্রাণি ।”
ইন্দ্রাণী চপলাবাক্যে কহে, “কিবা কহ,
অন্তের আশ্রয়ে বাস শচীর দুঃসহ ।
পরবাসে পরবশ, সদা চিন্তে মলা ;
আশ্রয়দাতার মতি-গতি বুঝে চলা ;
চিন্তিত সতত, ভয়ে কুণ্ঠিত সদাই ;
পরের আশ্রয়ে বাস প্রাণের বালাই !
স্ববশে স্বাধীন চিত্ত, স্বাধীন প্রয়াস,
স্বাধীন বিরাম, চিন্তা স্বাধীন উল্লাস ;
সমর্প গৃহেতে বাস, পরবশ আর,
দুই তুল্য জীবিতের, দুই তিরস্কার !
ব্রহ্মলোক বৈকুণ্ঠ কৈলাসে নাহি ভেদ,
যেইখানে পরবশ, সেইখানে খেদ !
শুন, প্রিয়তমা সখি, সে আশা বিফলা,
মর্ত্ত ছাড়ি পরাশ্রয়ে যাব না, চপলা ।”
চপলা শুনিয়া দুঃখে কহিলা তখনি,
“ছদ্মবেশে থাক তবে বাসব-ঘরণি ।”
কহে ইন্দ্রপ্রিয়া, “সখি, শুন লো চপলা,
শচী কভু নাহি জানে কুহকীর ছলা ।
ঘৃণিত আমার, সখি, গোপন-নিবাস ;
ছদ্মবেশ কদাচ না করিব প্রকাশ ।
চিরদিন যেই রূপ জানে সর্কজন,
সহচরি, যেই রূপ শচীর(৬) এখন ।

আসিছে দংশিতে ফণি করুক দংশন—
নিজরূপ, সখী, নাহি ত্যজিব কখন ।”
বলিতে বলিতে আশ্রয় হইল প্রকাশ
অপূর্ব গরিমা-ছটা কিরণ-আভাস ।
নয়ন, ললাট, গণ্ড হৈল জ্যোতির্ময়—
সৃষ্টির সৃজনে যেন নব সূর্য্যোদয় !
ঘোর ক্ষিপ্ত প্রচণ্ড উন্মাদ(৩) যেই জন,
হেরে শুক হয় সেহ, সে নেত্র বদন ।
নিরখি চপলা-চিত্তে অসীম আহ্লাদ ;
চিন্তিতে লাগিল মনে নানাবিধ সাধ ।
ভাবিতে লাগিল শেষে বিপুল হরিষে—
“নন্দন-সদৃশ বন সৃজিব নৈমিষে ।
মহেন্দ্রাণী-যোগ্য তবে হইবে এ বন ;
এ মূর্ত্তি তবে সে শোভা করিবে ধারণ ।
কপটী দানব মুগ্ধ হইবে মায়ায়,
না পারিবে পরশিতে শচীর কায়ায় ।
প্রকাশিব ক্ষিতির ঐশ্বর্য্য এত আজি ;
শচী রবে আজি এই মরতে বিরাজি ।”
চপলা এতেক ভাবি বিচিত্র কানন,
শচীর অজ্ঞাতসারে, কৈলা প্রকটন ।—
মানস-মোহকর নবক্রমরাজি
প্রকাশিল সুন্দর কিসলয়ে সাজি ।
ধাবিল সমীরণ মলয়-সুগন্ধি,
চূষনে ঘন ঘন কুসুম আনন্দি ।
কাঁপিল ধরধর তরুশিরে সাধে,
শিহরিত পল্লব মরমর নাদে ।
হাসিল ফুলকুল মঞ্জুলমঞ্জুল,
মোদিত মৃদুবাসে উপবন-ফুল ।
কোকিল হরষিল কুহরবে কুঞ্জ ;
শোভিল সরোবরে সরোভিনীপুঞ্জ ।
নাচিল চিত-সুখে যয়র কুরঙ্গ ;
গুঞ্জরে ঘন ঘন মধুপানে ভৃঙ্গ ।

সুন্দর শতদল প্রিয়তর আভা—
 সুর্য অরধ ; অরধ শশিশোভা ;
 শোভিল স্তূতরূপ স্থল জল অঙ্গে—
 বিরচিলা হ্রাদিনী মায়াবন রঙ্গে ।
 হেনকালে ইন্দ্রসুত আসিয়া সেখায়,
 দাঁড়াইলা প্রণমিয়া জননীর পায় ।
 জননী পুত্রের মুখ বহু দিন পরে
 দেখে যদি, হৃদয়ের সর্বচিন্তা হরে ;
 অন্ম আশা, অভিলাষ ক্ষোভ যত আর,
 অস্তরে বিলীন হয় বাষ্পের আকার,—
 প্রভাতে যেমন সূর্য্য-তরুণ কিরণ
 ধরণী পরশি করে কুজ্বাট হরণ !
 পুত্র পেয়ে, শচী যেন পাইলা আবার
 স্বর্গের বৈভব যত, ঐশ্বর্য্য তাহার ।
 বারংবার শিরভ্রাণ, চিবুক আভ্রাণ,
 লইলা, ধরিল কোলে, পুনর্কিত প্রাণ ।
 পূর্ণিমায় পূর্ণচন্দ্র হইলে প্রকাশ,
 সূধাকরে ধরে যেন প্রফুল্ল আকাশ ;
 মরুদেহে সরিতের প্রবাহ বহিলে,
 ধরে যেন মরু সেই প্রবাহ-সলিলে ;
 তরু যথা নবোদগত কিসলয়রাজি,
 বসন্ত-প্রারম্ভে ধরে নীল পীতে সাজি ;
 নিদ্রা যথা ভুজ্জয় প্রসারণ করি,
 ক্রান্তপরাণীরে রাগে বক্ষস্থলে ধরি ;
 শুক্রভারা ধরে যথা নিশান্তে যামিনী ;
 সেইরূপ ধরে পুত্রে ইন্দ্রের কামিনী ।
 অঞ্চলে মুখের ধূলি ঝাড়ি স্তূথে চায়,
 যত পরশনে কর সর্বান্ধে বুলায় ।
 কাতর অস্তরে কহে চপলা-চাহিয়া—
 “দেখ, সখি, সে শরীর গিয়াছে ভাঙ্গিয়া ;
 পঙ্কলের শুষ্ক পদ পঙ্কতে যেমন,
 সখি রে, বৎসের আশ্রু তেমতি এখন !
 খোল, বৎস, খোল তব কবচ অঙ্গের,
 এ ভূষণ নহে যোগ্য এ শুষ্ক দেহের ।

সহিতে নাগিবে ভার বাজিবে শরীরে,
 স্নিগ্ধ হও কিছু কাল মহীর সমীরে ;
 স্বর্গের অনিলতুল্য নহে এ সমীর,
 তথাপি জুড়াবে, বৎস, হইবে স্থস্থির ;
 পাতালবাসের ক্লেশ হৈবে অবমান
 সেবিলে এ সমীরণ—খোল অঙ্গভ্রাণ ।”
 বলিতে বলিতে বর্ষ খুলিলা আপনি ;
 উরসে অস্ত্রের চিহ্ন দেখিলা তখনি ।
 আশ্চর্য্য ভাবিয়া শচী জিজ্ঞাসে, “তনয়,
 এ কি দেখি বক্ষ কেন ক্ষতচিহ্নময় ?
 কখন ত দেখি নাই উরসে তোমার
 হেন চিহ্ন—এ কি সব অস্ত্রের প্রহার ;”
 জয়ন্তু কহিল, “মাতা, আমার উরসে
 ছিল না কলঙ্ক কভু অস্ত্রের পরশে ;
 কেবল সে শিবদত্ত অশ্রু-ত্রিশূল
 এবার ধরেছি বক্ষে—হৈও না ব্যাকুল—
 অন্ম অস্ত্রে দেব-অঙ্গ ভেদ নাহি হয়,
 শিবের ত্রিশূল-চিহ্ন অচিহ্ন এ নয় ।”
 শুনিয়া পুত্রের বাণী কহিলা ইন্দ্রাণী,
 “বৎস রে, কতই কষ্ট ভুগিলা না জানি ;
 জান নাই কভু আগে অস্ত্রের ষাতনা—
 না জানি সহিলা কত বিষম বেদনা !
 হায় শিব ! হে শঙ্কর ! হে দেব শূলিন্ !
 বাম কি শচীর প্রতি তুমি চিরদিন ?
 হায় উমা ! শচীরে কি কিছু স্নেহ নাই ?
 কি দোষ করেছি কবে, কহ তব ঠাই ?
 তোমার নন্দনে, গৌরি, কতই যতনে
 রেখেছি অমরালয়ে, বিদিত ভুবনে ;
 পার্শ্বতীনন্দন স্বন্দ, দেব-সেনাপতি—
 শচীর নন্দনে উমা কৈলা এ দুর্গতি !
 শিবের ত্রিশূল বৃজ করিলা প্রহার ।
 সেই বৃজ মাহেশ্বরী, আশ্রিত তোমার !”
 কহি দুঃখে কহে শচী, “আমায় উদ্ধারি
 কাজ নাই, বৎস, আর হৈয়ে অঙ্গধারী ।

জানিলে অগ্রে কি আমি মানসে স্মরণ
করিতাম তোরে হেথা করিতে গমন ?
শতবার ঐঞ্জিলার চরণ সেবিব,
অকাতরে স্বর্গের আসন তারে দিব ;
তোমার কমল অঙ্গে ত্রিশূল-প্রহার,
জয়ন্ত, নারিব চক্ষে দেখিতে আবার ।”
শুনিয়া মাতার বাক্য ইন্দ্রহৃত কয়—
“জননি, ছাড়িব তোমা ? যাতনার ভয় ?
চিন্তা দূর কর, স্থির হও গো জননি,
আশীর্বাদ কর পুত্রে বাসবঘরনি,
পারিব ধরিতে বক্ষে আরো লক্ষ বার
তব আশীর্বাদে শিবত্রিশূল-প্রহার ।
কহ, মাতঃ, কি কারণে স্মরিলি আমায় ;
কি বিপদ উপস্থিত, বিপক্ষ কোথায় ?”
চপলা, শুনিয়া শচী-নন্দন-বচন,
বিস্তারি কহিলা তারে সর্ব-বিবরণ ।
কন্দর্প নৈমিষে আসি ভীষণ-বারতা
প্রকাশিলা যেইরূপ, প্রকাশিলা তথা ।
শুনিয়া জয়ন্ত যেন দীপ্ত হতাশন,
জ্বলিতে লাগিলা ক্রোধে, বিস্তৃত নয়ন ।
দেখি শচী কহে, “বৎস, হও রে শীতল,
ভ্রম কিছুক্ষণ এই নৈমিষ-মণ্ডল ;
হের, বৎস, সুধাকর উঠিছে গগনে,
স্নিগ্ধ হও কিছুক্ষণ শশীর কিরণে ।
মহীতে মাধুরীময় সুধার সঙ্কাশ,
একমাত্র আছে এই চন্দ্রমা-প্রকাশ !
উহারি কিরণে তব তনু সুকুমার,
জুড়াবে কিঞ্চিৎ, কর অরণ্যে বিহার ।”
শুনিয়া জননী-বাক্য, জয়ন্ত তখন
অগ্রেতে কবচ পুনঃ করিলা বন্ধন ;
চিন্তিয়া চলিলা ধীরে কানন-ভিতরে,
শীতল সমীর সেবি হেরি শশধরে ।
চপলা, কানন রচি, আনন্দে বিহ্বলা,
বেড়ায় চৌদিকে স্থখে হইয়া চঞ্চলা ।

ভ্রমিতে ভ্রমিতে হেরে পুরুষ তাজন
কানননিকটে ভাবে সংশয়ে যেমন ।
জিজ্ঞাসিছে এক জন চাহি অগ্ন প্রভি,
“কোথায় আনিলা দূত, আ(ই)লা কোন্ পদি ?
নৈমিষ-অরণ্য কোথা ? দেখি যে উত্থান,
স্বর্গের নন্দনতুলা পূর্ণ পুষ্পভ্রাণ ;
চারু মনোহর লতা ; পল্লব মধুর,
পক্ষিকলকাকলিত নিকুঞ্জ মঞ্জুর ;
মোহকর মনোহর স্নিগ্ধ বাতাস,
কিরণ জিনিয়া চন্দ্র পূরণপ্রকাশ ;
কোথায় নৈমিষবন ? অমরাবতীতে
এখন(ও) ভ্রমিছ ভ্রমে, না আ(ই)স মহীতে ।”
দূত কহে, “জানিতাম এখানে নৈমিষ,
না জানি কি হৈল তবে হারায়েছি দিশ !
হইল সে বহুদিন মর্ত্তে নাহি আসি—
হবে বা নৈমিষ এই—এবে কুঞ্জরাশি ।”
হেনকালে চপলারে দেখিতে পাইয়া,
জিজ্ঞাসা করিলা তায় নিকটে আসিয়া ।
চপলা কহিলা, “কেন, কিসের কারণ,
নৈমিষ-অরণ্য দৌহে কর অব্বেষণ ?
এই সে নৈমিষ, আমি নিবসি এখানে ;
প্রকাশিয়া বল শুনি কি বাসনা প্রাণে ?
দিব ইচ্ছা যাঞ তব, এ বন আমার—
দেখ অরণ্যেরে কৈনু নন্দন-আকার ।
বল আগে, কার দূত, পুরুষ কি নারী ?
পার কি চিনিতে ? বুঝি আমি যেন পারি ।
হাতে দেখি পারিজাত, না হবে মানব—
হায় রে সে স্বর্গ, যথা অমর-বৈভব !”...
ভাবিলা ভীষণ, তবে এই হবে শচী,
মায়ায় নন্দনবন মর্ত্তে আছি রচি ।
প্রফুল্ল পরাণে কহে “ধর এই ফুল—
পাছে নাহি মান, চিহ্ন আনিয়াছি স্থল ;
দেব-দূত আমি, দেবি, ইন্দ্রের প্রেরিত,
তুমি সুরেশ্বরী শচী ভুবনে বিদিত ।

যুদ্ধে জয়, অমরের স্বর্গ অধিকার ;
 তিরস্কৃত দৈত্যকুল তাড়িত আবার,
 স্বর্গ এবে শাস্ত পুনঃ, তাই স্বরপতি
 পাঠাইলা লৈতে তোমা আপন বসতি ।”
 ঈষৎ হাসিয়া তাহে চপলা কহিলা,
 “আমায়, সন্দেশবহ, চিনিতে নারিলা ।
 পেয়েছ দূতের পদ, শিখ নাহি ভাল—
 ইন্দ্রের দূতত্বপদ বড়ই জঞ্জাল !
 শিখাব উত্তমরূপে পাই সে সময়,
 তুমি দূত, আমি দূতী, জানিহ নিশ্চয় ।
 পুরাতনে প্রয়োজন নহিলে কি এত ?
 নৃতনে নৃতন জালা, বুঝে না সঙ্কেত !”
 ‘শিব !’ বলি, দূতবেশী কহে দৈত্যাচর,
 “চিনেছি চিনেছি—ভ্রাস্তি নাহি অতঃপর ।
 শচী-সহচরী তুমি বিষ্ণুর মহিলা”—
 “আবার ভুলিলা দূত,” চপলা কহিলা—
 “থাক মেনে, আর কেনে দেও পরিচয়—
 মুখের অশেষ দোষ, কহিহু নিশ্চয় ;
 অহে দূত, বুঝা গেছে তব গুণপনা—
 নারী চেনা, মণি চুনা দুর্ঘট ঘটনা ।
 নহি হরিপ্রিয়া আমি বৈষ্ণবী কমলা ;
 শুন দূত, শচী-দূতী আমি সে চপলা ।
 আশা করি আসিয়াছ ইন্দ্রের আদেশে,
 না হবে নৈরাশ, ভাগ্যে ঘটে যাহা শেষে ।”
 বলিয়া চপলা চলে ; পশ্চাতে তাহার
 চলিলা পুরুষ, পারিজাত হস্তে খার ।
 দেখিয়া কানন-শোভা মোহিত ভীষণ ;
 শত শত উপবন অমরমোহন,
 নিরখিলা চারিদিকে—নিরখিলা তায়
 কুরঙ্গ বিহঙ্গ কত আনন্দে বেড়ায় ;
 পলাশ, বল্লরী, পুষ্প, তরুণ লতায়
 স্ত্রশোভিত, নন্দনের সদৃশ শোভায় !
 লতায় লতায় ফুল, লতায় লতায়
 শিখিনী নাচায় পুচ্ছে চন্দ্রক-মালায় ;

ঝাঁকে ঝাঁকে সরোবরে ব্রততী উপরে
 মধুলিহ পড়ে ঢলি স্থপে মধুভরে ;
 তরুণ অরুণ, কিবা মৃদু শশধর,
 জিনিয়া মৃদুল রশ্মি কাননভিতর !
 শ্রবণ-স্বস্নিগ্ধকর মধুর নিঃস্বন
 কাননে ঝরিছে নিত্য করিয়া প্লাবন ।
 মধ্যস্থলে ইন্দ্রপ্রিয়া বৈসে ধীরবেশ ;
 জলদবরণ পৃষ্ঠে স্ত্রনিবিড় কেশ ।
 মুখে আভা ভান্ন যেন উথলিয়া পড়ে !
 গাঙ্গীরী-প্রতিমা বিধি দেহে যেন গড়ে !
 দেখিয়া স্তিমিতনেত্র হইলা ভীষণ,
 বাকশূন্য, শ্রুতিশূন্য করে দরশন ।
 বিশ্বসৃষ্টি করি, যবে ব্রহ্মা অকস্মাৎ
 করিলা মানব-চিত্তে চৈতন্য প্রভাত,
 আদিমুহুর্তে সেই প্রাণী নবসূর্য্যোদয়
 যে ভাবে দেখিলা, দৈত্য সেই ভাব হয়,
 সংজ্ঞা নাই, চিন্তা নাই, নাহি আত্মজ্ঞান,
 চক্ষুতেই গত যেন চৈতন্য, পরাণ !
 প্রহরেক কাল হেন স্তম্ভিত থাকিয়া ;
 চপলারে জিজ্ঞাসিলা ভাবিয়া চিন্তিয়া—
 “পুরন্দর-ভার্য্যা শচী এই কি ইন্দ্রাণী ?”
 চপলা কহিলা, “এই ত্রিদিবের রাণী ।”
 ভাবিতে লাগিলা মনে ভীষণ তখন,
 “সত্যই স্বর্গের রাণী ইন্দ্রাণী এ জন !
 কোথায় ঐন্দ্রিলা—বুঝি, দাসীর সে দাসী
 তুলনায় নহে এর, চিতে হেন বাসি ।
 ধন্য স্বরপতি ইন্দ্র ! এ অরুণ যার
 চিরোদিত গৃহমাঝে ঘুচায় আঁধার ।”
 নানা চিন্তা এইরূপ কবে মনে মনে,
 না বুঝে স্বরগে শচী লইবে কেমনে ;
 অচল নিরখি যার বদনপ্রভায়,
 পরশে কেমনে তায় ভাবিয়া না পায় ;
 বিষম বিপদ ভাবে, উভয় সঙ্কট,
 ভাবিলা সে কার্য্যসিদ্ধি অসাধ্য, দুর্ঘট ;

অনেক চিস্তিলা, স্থির নারিলা করিতে ।
 কিরূপে লইবে শচী অমরাবতীতে ।
 হেনকালে ইতস্ততঃ ভ্রমিতে ভ্রমিতে
 জয়ন্ত, ভীষণে দূরে পাইলা দেখিতে ।
 “অরে রে কপট দৈত্য” বলিয়া তখন,
 ধাইলা তুলিয়া খড়্গ, যেন হতাশন ।
 কহিলা ভীষণে চাহি কুটদৃষ্টি ধরি,
 ক্ষণকাল খড়্গ শূণ্ডে সম্বরণ করি—
 “চল, এ কানন-বহির্ভাগে শীঘ্র চল,
 জননীৰ বাসভূমি নহে যুদ্ধস্থল ;
 নহে বৈধ স্ত্রীজাতির সম্মুখে সমর,
 চল এ উদ্যান ছাড়ি, পাষাণ বর্ষর !”
 জয়ন্তে দেখিবা মাত্র চিস্তা গেল দূর,
 ধরিল বিকট মূর্ত্তি ভীষণ অম্বর ।
 গর্জিল সিংহের নাদে শেল ধরি করে,
 ঘুরায় শূণ্ডেতে ঘন মেঘের ঘর্ঘরে ।
 না ছাড়িতে শেল শীঘ্র বাসব-নন্দন
 “জননী, অন্তর হও” বলিয়া, তখন
 বেগে হেলাইয়া খড়্গ ভীষণ গর্জিয়া,
 পড়িল বিদ্যায় যেন নিকটে আসিয়া ;

শূণ্ডে খেলাইয়া অসি বিজুলি আকার,
 চকিতে কঙ্করমূলে করিল প্রহার ।
 বিচ্ছিন্ন হইয়া মুণ্ড পড়িল অন্তরে,
 ঘোর শব্দে পড়ে গাত্র ভূতল উপরে ।
 শালবৃক্ষ পড়ে যেন হইয়া ছেদিত,
 অথবা আগ্নেয়শৃঙ্গ অগ্নি-বিদারিত ।
 শব্দ শুনি ভীষণের সঙ্গী যেই জন
 প্রবেশিল দ্রুতগতি, ভেদিয়া কানন ।
 দেখিয়া তাহারে, কহে জয়ন্ত কর্কশ—
 “তুই তুচ্ছ, তোরে নাহি করিব পরশ ।
 যা রে দাস, যা রে ফিরে দৈত্যের নিকট,
 সমাচার দিস্— ‘তার ভীষণ বিকট
 জয়ন্তের খড়্গাঘাতে লুটে ধরাতল’ ;
 অন্য আর যারে ইচ্ছা পাঠাইতে বল ।
 ভেট দিস্ দৈত্যরাজে—ধব্ মুণ্ড ধব্ !”
 বলিয়া নিক্ষেপি মুণ্ড ফেলিল অন্তর ।
 ত্রাসিত, অস্থির দূত বিস্মিত ভাবিয়া
 বৃত্তাস্তরে বার্তা দিতে চলিল ফিরিয়া ।
 জয়ন্ত, আনন্দচিত্ত, জননী-নিকটে—
 উপস্থিত হৈলা অসি এড়ায়ে সঙ্কটে ।

ষষ্ঠ সর্গ

বেষ্টিয়াছে ইন্দ্রপুরী দেব-অনীকিনী,
 চৌদিকে বিস্তৃত যেন সাগর-সিকতা
 যোজন যোজন ব্যাপ্ত, প্রদীপ্ত ভানুতে—
 দেবকুল সেইরূপ দিক্ আচ্ছাদিয়া ।
 দূরস্থিত, সন্নিহিত, যত শৈলরাজি,
 অন্তোদয়-গিরিশৃঙ্গ, প্রভায় ইঞ্জল ;
 অনন্তের সমুদায় নক্ষত্র বা যথা
 বিস্তীর্ণ হইয়া দীপ্তি ধরে চতুর্দিকে ।
 প্রাচীরে প্রাচীরে দৈত্য ভীষণ-দর্শন—
 পাষণ-সদৃশ-বপু, দীর্ঘ উরস্বান্—

নানা অস্ত্র ধরি নিত্য করে পরিক্রম,
 ভীমদর্পে ভীম-তেজে গর্জিয়া গর্জিয়া ।
 জাগ্রত, সুসজ্জ সদা যুদ্ধের সজ্জায়,
 ভ্রমে দৈত্য বত্সে বত্সে, স্বর্গ আন্দোলিয়া,
 আচ্ছাদি সুমেরু-অঙ্গ, বৈজয়ন্ত ঢাকি,
 ঘোর শব্দ সিংহনাদে, অম্বর বিদারি ।
 অস্ত্রবৃষ্টি, শৈলবৃষ্টি, প্রতি-অহরহঃ,
 অনন্ত আকুল করি উভয় সৈন্তেতে ;
 রাত্রি-দিবা যেন শূণ্ডে নিয়ত বর্ষণ,
 বিদ্যায়-মিশ্রিত শিলা দিকে দিকে ব্যাপি ।

ত্রিংশ-আলয়ে হেন অমর দানবে
 জ্বলিছে সমরবহ্নি নিত্য অহরহঃ ;
 বেষ্টিত অমরাবতী দেব-সৈন্যদলে,
 সুদৃঢ়সঙ্কল্প উভ দেবতা-দমুজে ।
 অর্গবের উন্মিরশি যথা প্রবাহিত
 অহর্নিশি, অক্ষুণ্ণ, বিরত-বিশ্রাম,
 স্রোতস্বতী বিধাবিত নিয়ত যদ্রুপ
 ধারা প্রসারিয়া সদা সিন্ধু-অভিমুখে ;
 অথবা সে শূন্যে যথা আফ্রিক গতিতে
 ভ্রমে নিত্য ভূমণ্ডল পল অল্পপল ;
 কিম্বা নিরন্তর যথা অবিচ্ছেদ-গতি
 অশব্দ তরঙ্গ চলে কালের প্রবাহে ;
 সেইরূপ অবিশ্রাম দানব-অমরে
 হয় যুদ্ধ অহরহঃ, স্বর্গ-বহির্দেশে,
 জয়, পরাজয়, নিত্য নিত্য অনিশ্চয়—
 দৈত্যের বিজয় কভু, কখন ত্রিংশে ।
 সভাসীন বৃত্তাঙ্গর স্মিত্রে সস্তাষি
 কহিছে গর্জ্জন করি বচন কর্কশ—
 “যুদ্ধে নৈম পরাজিত এগন(ও) দেবতা !
 এগনও স্বরগ বেষ্টি দৈবত সকলে !
 সিংহের নিলয়ে আসি শৃগালের দল
 প্রকাশে বিক্রম হেন নির্ভয়-হৃদয়ে ?
 মত্তমাতঙ্গের শুণ্ডে করিয়া আঘাত
 স্থাপদ বেড়ায় হেন করি আফালন ?
 ধিক্ আজ দৈত্য নামে ! হে নৈনিকগণ!
 সমরে অমর ত্রস্ত করিলা দানবে !
 কোথা সে সাহস, বীর্য, শৌর্য, পরাক্রম,
 দমুজ যাহার তেজে চির-রণজয়ী ?
 সমাগরা বহুধরা যুদ্ধে করি জয়,
 প্রকাশিলা কতবার অতুল বিক্রম ;
 নাহি স্থান বহুধার কোথাও এমন,
 কম্পিত না হয় আজি দানবের নামে !—
 পশিলা অমরাবতী জিনিয়া অবনি,
 বিস্মিত করিয়া বহুধরাবাসিগণে,
 জিনিলা স্বরগ যুদ্ধে অদ্ভুত প্রতাপে
 মহাদম্ভী সুরকূলে সমরে লাঙ্ঘিয়া ;

খেদাইলা দেববৃন্দে পাতালপুরীতে—
 শশকবৃন্দের মত—দৈত্য-অস্রাঘাতে
 অচৈতন্য দেবগণ ব্যাপি যুগকাল
 ছুনিবার দৈত্যতেজ না পারি সহিতে !
 সেই পরাজিত ; তিরস্কৃত সুরসেনা
 আবার আসিয়া দম্ভে পশিলা সংগ্রামে ;
 না পার জিনিতে তায় সজ্জিষ্ণু হইয়া
 রে ভীকু দানবগণ ! নামে কলঙ্কিলা !
 স্বয়ং যাইব অগ্ন, পশিব সমরে ;
 ঘুচাইব অমরের সময়ের সাধ ।
 আন রে সে শিবশূল—আন রে আমার
 বিজয়ী শ্রিশূল যাহা অর্পিলা শঙ্কর ।”
 বলিয়া গঞ্জিলা বীর বৃত্ত দৈত্যপতি,
 ধরিলা শিবের শূল সিংহের বিক্রমে ।
 দেখিয়া ত্রাসিত যত দানব-সৈনিক,
 বৃত্তাঙ্গর-আশ্র হেরে নিস্তক সকলে ।
 নিরপে মাতঙ্গযুগ যথা গজপতি
 বিশাল বৃক্ষের কাণ্ড উপাড়ি শুণ্ডেতে
 তুলিয়া গগনমার্গে বিস্তারে যখন,
 সু-উচ্চ শব্দের নাদে বৃংহিত করিয়া !
 তখন বৃত্তের পুত্র বীর রুদ্রপীড়—
 শোভিত-মাণিকগুচ্ছ কিরীট যাহার,
 অভেদ শরীর যার উদ্ভাস ব্যতীত,
 কহিলা পিতারে চাহি হ’য়ে ক্রতাজ্জলি ;
 কহিলা—“হে তাত ! জিষ্ণু দৈত্যকুলেশ্বর
 অভিলাষ নন্দনের নিবেদি চরণে,
 কর অবধান, পিতঃ, পুরাহ বাসনা,
 দেহ আজি আমি অগ্ন যাই এ সংগ্রামে ।
 যশস্বিন্ ! যশঃ যদি সকলি আপনি
 মণ্ডিবেন নিজ শিরে, কি উপায় তনে,
 আত্মজ আমরা তব হৈব যশোভাগী ?
 কোন্ কালে আর তবে লভিঃ স্থখ্যাতি ?
 কীর্ত্তি যাহা—বীরলক বীরের আরাধ্য—
 বীরের বাঞ্ছিত যশঃ ত্রিভুবনে যাহা,
 সকলি আপনি পিতা কৈলা উপার্জন,
 কি রাখিলা রণকীর্ত্তি মণ্ডিতে তনয়ে ?

ভাবিতে ত হয়, তাত, ভবিষ্যতে চাহি,
 সন্ততি পিতার নাম রাখিবে কিরূপে ?
 জালিলা যে যশোদীপ, প্রদীপ্ত কেমনে
 রাখিবে তব অঙ্গজগণ অতঃপরে ?
 জন্ম বৃথা ! কৰ্ম বৃথা ! বৃথা বংশখ্যাতি !
 কীর্ত্তিমান জনকের পুত্র হওয়া বৃথা !
 স্বনামে যদি না ধন্য হয় সৰ্বলোকে—
 জীর্ণে জীবন-অস্তে চিরস্মরণীয় !
 বিভ্রম, ঐশ্বর্য, পদ, সকলি সে বৃথা !
 পিতৃভাগ্য হয় যদি ভোগ্য তনয়ের ;
 পূজা সেহ কোন কালে নহে কোন লোকে,
 জলবিষুবৎ ক্ষণে ভাসিয়া মিশায় !
 বিজয়ী পিতার পুত্র নহিলে বিজয়ী ;
 গৌরব, সম্পদ, তেজঃ, নাহি থাকে কিছু,
 ভ্রমিতে পশ্চাতে হয় ফেরবৃন্দবৎ,
 দানব-অমর-যক্ষ-মানব-ঘণিত !
 স্ববৃন্দ পুনর্বার কিরিবে এ স্থানে,
 তব বংশজাতগণে ভাবি তুচ্ছ কীট,
 না মানিবে কেহ আর বিশ্ব-চরাচরে,
 তেজস্বী দৈত্যের নামে হইয়া শঙ্কিত ।
 যশোলিপ্সা কদাপিহ ভীকর অস্তরে
 উদ্দীপ্ত হইয়া তারে করে বীর্যবান্ !—
 বীরের স্বর্গই যশঃ, যশ(ই) সে জীবন ;
 সে যশে কিরীট আজি বান্ধিব শিরসে ।
 কর অভিষেক, পিতঃ, এ দাসেরে আজ
 সেনাপতি-পদে তব, সমরে নিঃশেষি
 ত্রিংশতত্রিকোটি দেব, আসিয়া নিকটে
 ধরিল মস্তকে স্মখে অই পদরেণু ।
 জানিবে অমর সুরে—নহে সে কেবল
 দানবকুলের চূড়া দানবের পতি,
 অজেয় সংগ্রামে নিত্য—অনিবার্য রণে
 অস্ত্র বীর আছে এক—আজ্ঞা তাঁহার ।”
 চাহিয়া সর্ষচিহ্ন পুত্রের বদনে,
 কহিল দমুজেশ্বর বৃত্তাহর হাসি ;—

“রুদ্রপীড় ! তব চিত্তে যত অভিলাষ,
 পূর্ণ কর যশোরশ্মি বান্ধিয়া কিরীটে ;
 বাসনা আমার নাই করিতে হরণ
 তোমার সে যশঃপ্রভা, পুত্র যশোধর !
 ত্রিলোকে হয়েছ ধন্য, আরও ধন্য হও
 দৈত্যকুল উজ্জলিয়া, দানব-তিলক !
 তবে যে বৃত্তের চিত্তে সমরের সাধ
 অত্মপি প্রোজ্জল এত, হেতু সে তাহার
 যশোলিপ্সা নহে, পুত্র, অস্ত্র সে লালসা,
 নারি ব্যক্ত করিবারে বাক্যে বিণ্যাসিয়া !
 অনন্ত তরঙ্গময় সাগরগর্জ্জন,
 বেলাগর্ভে দাঁড়াইলে, যথা স্মথকর ;
 গভীর শর্করীযোগে গাঢ় ঘনঘটা
 বিদ্যতে বিদীর্ণ হয়, দেখিলে সে স্মথ—
 কিংবা সে গঙ্গোদ্রী-পার্শ্বে একাকী দাঁড়ায়ে
 নিরখি যখন অমুরাশি ঘোর নাদে
 পড়িছে পর্বতশৃঙ্গ শ্রোতে বিলুপ্তিয়া,
 ধরাধর ধরাতল করিয়া কম্পিত !
 তখন অস্তরে যথা, শরীর পুলকি,
 দুর্জয় উৎসাহে হয় স্মথ বিমিশ্রিত,
 সমর-তরঙ্গে পশি, খেলি যদি সদা,
 সেই স্মথ চিত্তে মম হয় রে উখিত ।
 সেই স্মথ সে উৎসাহ হায় কত কাল
 না ধরি হৃদয়ে, জয় স্বর্গ যে অবধি,
 চিত্তে অবসাদ সদা—কোথাও না পাই
 দ্বিতীয় জগৎ যুদ্ধে লভি পুনর্বার ।
 নাহি স্থান ত্রিভুবনে ত্রিনিতে সংগ্রামে,
 ভাবিয়া বৃত্তের চিত্তে পড়িয়াছে মলা ;
 দেখ্ এ ত্রিশূল অগ্রে পড়িয়াছে যথা
 সমর-বিরতি-চিহ্ন, কলঙ্ক গভীর !
 যাও যুদ্ধে, তোমা অস্ত্র করি অভিষেক
 সেনাপতি পদে, পুত্র, অমর ধ্বংসিতে,
 যাও, যশোবিমণ্ডিত হইয়া আবার
 এইরূপে আসি পুনঃ দাঁড়াও সাক্ষাতে ।”

কুম্বপীড় প্রফুল্লিত, পিতৃ-পদধূলি .
 সাদরে লইয়া শিরে শুনিয়া ভারতী,
 এ হেন সময়ে দূত, নৈমিষ হইতে
 প্রত্যাগত, সভাতলে হৈলা উপনীত ।
 দূত দেখি দৈত্যপতি, উৎসুক-হৃদয়,
 কহিলা, “সন্দেশবহু, কি বারতা কহ ?
 কিরূপে এ পুরীমধ্যে প্রবেশ বা ভূমি ?
 কোথা ইন্দ্রজায়া শচী, কোথা বা ভীষণ ?”
 নাশস্ত হইয়া দূত কিঞ্চিৎ তখন,
 কহিতে লাগিলা পুরী-প্রবেশ-উপায়,
 বায়ুতে চঞ্চল যথা বিস্তৃত পলাশ,
 রমনা তেমতি দ্রুত বিকম্পিত তার !
 কহিলা, “প্রথম যবে আইলু এ স্থানে,
 দূর্গ হৈতে বহুদূর হিমাচল পথে,
 উত্তর পর্বত-শৃঙ্গ, প্রথম সাক্ষাৎ
 হইল আমার দেব-অনীকিনী সহ ।
 নানা ছল নানা বেশ বিবিধ কৌশল
 আশ্রয় করিয়া পথে হৈলু অগ্রসর,
 চিনিতে নারিলা কেহ ; অতঃপর শেষে
 পুরী-প্রান্তভাগে আসি হৈলু উপনীত ।
 প্রাচীর-নিকটে আসি অনেক চিন্তিয়া
 উদয় হইল চিত্তে, জাগরিত যথা
 সূর্য্য আদি দেব যত নিত্য অস্বধারী,
 ভ্রমে নিত্য অবিরত দ্বার নিরখিয়া ।
 আসন্ন বিপদে চিত্তে হইল উদয়,
 জটিল কৌশল এক, গৃঢ় প্রতারণা—
 ‘ঐন্দ্রিয়ার পিতৃভূমি হিমালয়-পারে,
 হয় যুদ্ধ সেইখানে গন্ধর্ব্ব-দানবে,
 সেই সমাচার লয়ে অরিত-গমনে
 ঐন্দ্রিলা-নিকটে যাই, পিত্রাদেশে তাঁর,
 দৈত্যকুলেশ্বর বৃত্ত মহাবলবান্
 সমরে সহায় হ’ন এ তার প্রার্থনা ।’—
 এ প্রস্তাবে দেবগণ শুভ ভাবি মনে
 আদেশ করিলা মোরে পুরী প্রবেশিতে ।

আদেশ পাইবামাত্র পুরীতে প্রবেশ
 করিয়া প্রভুর পদে আসি উপনীত ।”
 শুনিয়া দূতের বাক্য কহে বৃত্তাসুর ;—
 “এ বারতা, দূত, তোর অলীক করুনা,
 সঙ্গে শচী ইন্দ্রপ্রিয়া ভীষণ সংহতি—
 শচী কি সে সূর্য্য আদি দেবে অবিদিত ?”
 দানবরাজের বাক্যে দূতের রমনা
 হইল জড়তাপূর্ণ কম্পবিরহিত—
 যথা নব কিশলয় বরষার নীরে
 আর্দ্রতনু, বিলম্বিত তরুর শাখায় ।
 স্মিত্র, দানব-মন্ত্রী কহিলা তখন,—
 “দৈত্যেশ্বর ! দূত বুঝি হৈলা অগ্রগামী,
 পশ্চাতে ভীষণ ভাবি আ(ই)সে শচী সহ
 মঙ্গলবারতা নিত্য তড়িত-গমনা ।”
 নতমুখ, নিম্নদৃষ্টি, দূত, ক্ষুণ্ণমতি,
 কহিলা—“না মন্ত্রি বার্থ আশ্বাস তোমার ;
 নৈমিষ-অরণ্যে শচী জয়ন্তের সনে
 করিছে নির্ভয়ে বাস—ভীষণ নিহত ।”
 “ভীষণ নিহত !”—গজ্জিলা দানবপতি ।
 “হা রে রে বালক—জয়ন্ত ইন্দ্রের পুত্র,
 আমার সংহতি সাধ বিবাদে একাকী !—
 দস্ত তোর এত ?” বলি ছাড়িলা নিশ্বাস ;
 “কুম্বপীড় পুত্র, শুন কহি সে তোমারে,”
 কহিলা তনয়ে চাহি, গাঢ় নিরীক্ষণ—
 “যশোলিপ্সা চিত্তে তব অতি বলবতী
 কর তৃপ্ত জয়ন্তেরে করিয়া আশ্রিত ;
 শচীরে আনিতে চাহ অমরাধতাতে,
 অশ্রুথা না হয় যেন, যাও ধরাধামে ;
 শত যোদ্ধা স্মৈনিক বীর-অগ্রগণ্য
 লহ সঙ্গে, অচিরাৎ পালহ আদেশ ।”
 কৃতাজলি হ’য়ে মন্ত্রী স্মিত্র তখন
 কহিলা,—“দৈত্যেশ্বর, এবে দেব-পরিবৃত্ত
 বিস্তীর্ণ এ স্বর্গপুরী, কি প্রকারে কহ
 কুম্বর ভেদি এ বাহু হইবে নির্গত ?

যুদ্ধে পরাজয়ি যদি দেব-অনীকিনী,
 নির্গত হইতে হয় আনিতে শচীরে,
 না বুঝি তবে বা সিদ্ধ সত্তরে কিরূপে
 হইবে কুমার-কল্প, তব অভিপ্রেত ।
 অসংখ্য এ দেবসেনা দুর্দম সংগ্রামে,
 অমর তাহাতে সবে, হৃদয়-প্রতিজ্ঞ,
 শঙ্কিত নহেক কেহ অন্ম অস্বাঘাতে,
 মূচ্ছিত না হবে শিব-ত্রিশূল বিহনে ।
 তবে কি আপনি যুদ্ধে করিবেন গতি ?
 কুমার সংহতি অন্ম, দানব ঈশ্বর ?
 বিমুক্ত করিয়া পথ পাঠান যতপি,
 কি প্রকারে পুনঃ হেথা হবে বা নিবেশ ?”
 দৈত্যোশ কহিলা—“মন্ত্রি, সেনাপতি-পদে
 বরণ করেছি পুত্র, না যাব আপনি,
 রুদ্রপীড়ে দিব এই ত্রিশূল আমার,
 যাইবে আসিবে শূলহস্তে অনারিত ।”
 নিষেধ করিলা মন্ত্রী তেয়াগিতে শূল,—
 “পুরী-রক্ষা না হইবে অভাবে তাহার,
 উপস্থিত হয় যদি সঙ্কট তাদৃশ
 সমূহ দৈত্যের বল হবে নিঃসহায় ।”
 ক্রকুটি করিয়া তবে ললাট-প্রদেশে,
 স্থাপিয়া অঙ্গুলীদ্বয়, গর্ভ প্রকাশিয়া
 কহিলা দানবপতি,—“সুমিত্র হে, এই—
 এই ভাগ্য যতদিন থাকিবে বৃদ্ধের,
 জগতে কাহার সাধ্য নাহি সে আমায়
 সমরে পরাস্ত করে—কিষ্ণা অকুশল ;
 অঙ্কুল ভাগ্য খার অসাধ্য কি তায়—
 ধর রে ত্রিশূল, পুত্র, বীর রুদ্রপীড় !”
 রুদ্রপীড় কহে “মন্ত্রি, কেন ত্রস্ত এত ?
 জান না কি অভেদ এ আমার শরীর ?
 বাসবের অস্ত্র ত্রিবিদীর্ণ কখন
 না হইবে এই দেহ অন্ম প্রহরণে ।
 ইন্দ্র নাহি উপস্থিত, চিন্তা কর দূর,
 যাইব অমর-ব্যূহ ভেদিয়া সত্তর,

আসিব আবার ব্যূহ ভেদিয়া তেমতি
 শচীরে লইয়া সঙ্গে এ স্বরগপুরে ।
 হে তাত, ত্রিশূল রাখ, নাহি রুদ্রতেজ
 দেহেতে আমার, উহা নারিব তুলিতে ;
 বীর কভু নাহি রাখে নিষ্ফল আয়ুধ
 বিব্রত হইতে পশি সংগ্রামের স্থলে ।”
 একপে করিয়া ক্রান্ত মন্ত্রী, বৃত্রাশরে,
 শত স্তমৈনিক দৈত্য-সংহতি লইয়া
 অমর-কুমার শীঘ্র প্রাচীর সন্নিধি
 উপনীত হৈলা স্থপে স্তমজ্জিত-বেশ ।
 অঙ্কুসঙ্গী বীরগণ সহিত মন্ত্রণা
 করিতে, কহিলা কেহ যুদ্ধ অবিধেয়,
 কহিলা বা অন্ম কেহ সমর উচিত—
 রুদ্রপীড় নিপতিত উভয় সঙ্কটে ।
 নিজ ইচ্ছা বলবতী, যশোলিপ্সা গাঢ়,
 ঘটনা দুর্ঘট আর সুযোগ ঈদৃশ ;
 যুদ্ধই তাহার ইচ্ছা একান্ত প্রবল,
 ছল কি কৌশল তার নহে অভিপ্রেত ।
 নিরুপায়, কোনমতে সমরে সন্মত
 না পারি করিতে অন্ম সঙ্গিগণে সবে,
 অগত্যা সন্মতি দিলা অবশেষে তবে
 অন্ম কোন সত্বপায় করিতে স্থস্থির ।
 স্থির হৈল অবশেষে কাহার(ও) বচনে,
 ভীষণের সহচর দূত যে কৌশলে
 পশিলা নগরী মধ্যে, অবলম্বি তাহা,
 নির্গত হইয়া গতি কর্তব্য নৈমিষে ।
 কল্পনা করিয়া স্থির, দ্বারদেশে কোন
 আসি উপনীত ক্রত—আসিয়া সেখানে
 তুলিলা প্রাচীর-শিরে স্তম্ভ পতাকা,
 দানবের যুদ্ধ-চিহ্ন শূল-বিরহিত ।
 উড়িলা কেতন শুভ্র শূন্যে বিস্তারিত,
 প্রকাণ্ড অর্ণবপোতে ছিঁড়িয়া বন্ধন,
 বাদাম উড়িল যেন আকাশমার্গেতে,
 সমরকেতন অন্ম হৈল সঙ্কচিত ।

বাজিল সস্তাষ-শঙ্খ, দূত কোন জন
 বার্তা লয়ে প্রবেশিলা অমর-শিবিরে ;
 কহিলা সেনানীবর্গে উচ্চসঙ্কোচনে,—
 বৃত্রাসুর দৈত্যপতি যে হেতু প্রেরিলা ।
 “ঐন্দ্রিলার পিতৃরাজ্য হিমালয় পারে,
 গন্ধর্ব-সমরে তাঁর বিপন্ন জনক ;
 দৈত্যেশ বৃদ্ধের ইচ্ছা প্রেরিতে সহায়
 শত যোদ্ধা সেই স্থানে শীঘ্র অবিরোধে ।
 দেবকুল, তাহে যদি থাকহ সম্মত,
 সংগ্রামে বিশ্রাম তবে দেহ কিছুকাল,
 বহির্গত হৈতে তবে দেহ শত যোধে,
 ঐন্দ্রিলার পিতৃরাজ্যে করিতে প্রস্থান ।”
 বার্তা শুনি, দেবপক্ষ সেনাধ্যক্ষগণ—
 বক্রণ, পবন, অগ্নি, ভাস্কর, কুমার—
 মিলিত হইয়া সবে করিলা মন্ত্রণা,
 কি কর্তব্য দানবের এবিধ প্রস্তাবে ।
 নিষেধ করিলা পাশী—প্রচেতা সুধীর,—
 “উচিত না হয় পথ দিতে দৈত্যযোধে,
 কপট, বঞ্চক, ক্রুর, দিতিসুত অতি,
 নহেক উচিত বাক্যে প্রত্যয় তাদের ।
 ঐন্দ্রিলার পিতৃরাজ্য হৈতে দূত কেহ
 যদিও আসিয়া থাকে অজ্ঞাতে আমার,
 বিশ্বাস কি তথাপি সে দূতের বচনে ?
 সেখানে থাকিলে পাশী না ছাড়িত তায় ।”
 সূর্য্য অভিপ্রায়,—“দৈত্যযোদ্ধা শত জন
 ঐন্দ্রিলার পিতৃরাজ্যে যাক অবিরোধে,

দেব-যোদ্ধা কিন্তু কেহ পশ্চাতে তাদের
 গমন করুক যেন না পারে ফিরিতে ।”
 অগ্নি কহে—“দুই তুলা আমার নিকটে,
 নিষেধ নাহিক তায়, নাহি অনিষেধ,
 সমর দৈত্যের সনে যেইখানে থাক,
 সম্মুখে পশ্চাতে শত্রু কি তাহে প্রভেদ ?
 সতত অস্থিরচিত্ত পবন চঞ্চল,
 কভু অভিমতে এর, কভু অগ্ন্যমতে,
 অভিমতি দিলা তার—সদা অনিশ্চিত—
 যে কহে যখন মিলে তাহার (ঐ) সহিত ।
 মহাসেন, সেনাপতি, সকলের শেষে
 কহিলা পার্বতীপুত্র—“বিপক্ষে দুর্বল
 করাই কর্তব্য কার্য্য যুদ্ধের বিধানে ;
 দৈত্যের প্রস্তাব দেবপক্ষে শ্রেয়স্কর ।
 স্বর্গ ছাড়ি মহাযোদ্ধা বীর শত জন
 ধরাতে করিলে গতি, দেবেরই মঙ্গল,
 হীনবল হৈবে পুরী রক্ষক বিহনে,
 শ্রেয়ঃকল্প ছাড়িবারে অভিপ্রেত তাঁর ।”
 সেনাপতি-বাক্যে অগ্নি দেবতা সকলে,
 সম্মত হইলা—ধীর প্রচেতা ব্যতীত ;
 বার্তা লৈয়ে বার্তাবহ প্রবেশি নগরে
 রুদ্রপীড়-সন্নিধানে নিবেদিলা দ্রুত ।
 মহাহর্ষ হৈল সবে ; দৈত্য যোধ শত
 নিক্রান্ত হইলা শীঘ্র ছাড়িয়া অমরা,
 আহ্লাদে করিলা গতি পৃথিবী-উদ্দেশে,
 নৈমিষ-অরণ্যে যথা শচী-নিবসতি ।

সপ্তম সর্গ

হেথা সুরপতি ইন্দ্র কুমেরু-শিখরে
 নিয়তির পূজা মাজ করিয়া চাহিলা,—
 চাহিলা বিশ্বয়ে যেন, নিরগি নূতন
 গগন ভূতল মূর্ত্তি বিশ্ব অবয়ব ।

কহিলা বাসব—“হায়, গত এত কাল !
 যুগান্তর হৈল যেন হইছে বিশ্বাস !
 ভাবি যেন পরিচিত পূর্ব্বের জগৎ
 ধরিছে নূতন ভাব ছাড়ি পুরাতন ।

যেখানে তরুর চিহ্ন আগে নাহি ছিল,
 কুমেরু-শরীরে, এবে নিরখি সেখানে
 প্রকাণ্ড প্রসারি শূন্যে উন্নত-শিখর
 নিবিড় বিটপপূর্ণ মহীকহ কত !
 পূর্বে হেরিয়াছি যেথা ক্ষৌণী সমতল,
 পর্বত এখন সেথা শৃঙ্গবিমণ্ডিত,
 লতা গুল্মদমাকীর্ণ শ্যামল সুন্দর,
 বিরাজ গগনমার্গে অঙ্গ প্রসারিয়া ।
 গভীর সাগর পূর্বে ছিল যেইখানে,
 বিস্তীর্ণ এখন সেথা মহা মরুস্থল,
 তরু-বারি বিরহিত তাপদগ্ন সদা,
 নিরন্তর সমাকীর্ণ বালুকারাশিতে !
 নক্ষত্র নূতন কত, গ্রহ নবোদিত,
 নিরখি অনন্তমাঝে হয়েছে প্রকাশ ;
 সূর্যোর মণ্ডল যেন স্বস্থান বিচ্যুত,
 অপমৃত বহুদূর অন্তরীক্ষ-পথে !
 এত কাল হৈল গত পূজায় নিয়তি,
 নিয়তি এখন ও) তুষ্ট না হইলা মোরে ।
 আদিষ্ট না হই, কিম্বা না পাই সাক্ষাৎ,
 না বুঝি কেন বা দৈব এত প্রতিকূল !
 আবার পুঞ্জিব তাঁরে কল্পান্ত পুরিয়া,
 দেখি প্রতিকূল তিনি হন কত কাল !
 অল্প চিন্তা, আশা, ইচ্ছা, সব পরিহরি,
 বৃত্তের বিনাশ কিসে জানিব নিশ্চিত ।”
 এত কহি আয়োজন করে পুরন্দর,
 বসিতে পূজায়, পুনঃ নিয়তি তখন
 আবির্ভাব হৈলা আমি সম্মুখে তাঁহার
 পাষণমূর্তি, দৃষ্টি অতি নিরদয় ।
 মাধুর্য্য কি সঙ্গুতা কিম্বা দয়ালেশ,
 বদন, শরীর, নেত্র, গাত্র কি ললাটে,
 ব্যক্ত নহে বিন্দুমাত্র ; নিত্য নিরীক্ষণ
 করতলস্থিত ব্যাপ্ত ভবিতব্য পটে ।
 অনন্তমানস, দৃষ্টি আলেখ্যের প্রতি,
 কহিলা নীরস বাক্য চাহিয়া

বাসবে ;—

“কেন ইন্দ্র ! নিয়তির পূজায় ব্যাপ্ত ?
 নিয়তি নহেক তুষ্ট কিবা কুষ্ট কভু ;
 অজ্ঞাত নহ ত তুমি সৃষ্টি হৈলা যবে,
 তদবধি এ আলেখ্য অপীলা আমায়
 বিরিকি কমলাসন, নাহি সাধ্য মম
 ব্যর্থ করি অণুমাত্র ইহার লিখন ।
 অল্পথা সূচ্যগ্রে যদি হয় লিপি এর,
 এ বিশ্ব-ব্রহ্মাণ্ড ক্ষণতিলেক না রবে,
 খণ্ড খণ্ড হবে ধরা, শূন্য, জলনিধি,
 বিশাল শৈলেন্দ্র চূর্ণ হবে অচিরাৎ ।
 দিকলাগ্ন হবে বিশ্ব—মনুষ্য, দেবতা,
 চন্দ্র, সূর্য্য, গ্রহ, তারা, কাল, পরমাণু—
 বিশ্বজ্বল হৈবে স্বর্গ, মর্ত্ত, রসাতল,
 ভাগ্যের এ লিপি যদি তিলান্নি খণ্ডিত ।
 বাসব, আমার পূজা কি হেতু বৃথায় ?
 বিবেক হয়েছে হারা পড়িয়া বিপদে,
 নিশ্চল দেবের চিত্ত আচ্ছন্ন বিপাকে ।
 তাই ভ্রাস্ত হয়ে চাও অসাধ্য সাধিতে ।
 নাহি চাহি, ভাগ্য তব ভবিতব্য-লিপি
 খণ্ডন করিতে বিন্দু-বিসর্গ প্রমাণ ।”
 কহিলা বাসব দুঃখে—“না চাহি কদাচ
 অসাধ্য তোমার যাহা আমায় তা দিতে ;
 কহ শুদ্ধ কি উপায়ে হইবে নিহত
 দৈত্য-কুলপতি বৃত্ত ; কত দিনে পুনঃ
 সুরবৃন্দ সহ ইন্দ্র স্বর্গে প্রবেশিবে,
 কত দিনে পূর্ণ হবে দেবের দুগতি ?”
 নিয়তি কহিলা ;—“ইন্দ্র, কি উপায়ে হত
 হইবে দানবরাজ, কহিতে সে পারি,
 কহিতে উচিত কিম্ব নহে সে আমার ;
 তুমি না হলেও অগ্রে জানিত না কিছু ।
 তুমি সুরপতি ইন্দ্র—তোমায় কিঞ্চিৎ
 ভবিতব্য গূঢ় লিপি করি প্রকটন ;
 ‘ব্রহ্মার দিব্য অস্ত্রে বৃত্তের বিনাশ,’—
 জানিবে বিশেষ তথ্য যাও শিব-পাশে ।”
 এত কহি অস্তহিতা হইলা নিয়তি ।

বাসব সহর্ষচিত্ত চিন্তি কণকাল,
ভাগ্যের ভারতী চিন্তে

আন্দোলিয়া স্মৃথে,

অচিরাৎ স্বপ্নদেবে করিলা স্মরণ ।
কহিলা,—“হে দেবদূত স্মন্দেশবহ,
তোমার বারতা নিত্য মঙ্গলদায়িনী,
শীঘ্র যাও দেবগণ এখন যেখানে,
কহ গে তাদের দূত, এ স্তববারতা।
কুমেরু-পর্বতে ইন্দ্র পূজা সাজ করি
ধ্যান ভাঙ্গি এত দিনে হইলা জাগ্রত,
নিয়তি প্রসন্ন তাঁরে হইলা সাক্ষাৎ,
করিলা বিদিত বৃত্ত-বিনাশ ঘেরূপে ।
‘কৈলাসে ধূজ্জটি-পাশে করিলে গমন,
কহিবেন সবিশেষ দেব শূলপাণি,
ভবিতব্য-লিপি যথা, বৃত্তের বিনাশ,
ব্রহ্মার দিবার শেষে, ভাগ্যের ভারতী ।’
নিয়তি-আদেশে এবে কৈলাস-ভুবনে
জানিতে বিশেষ তথা, পিনাকী-নিকটে
গতি মম ; পুনর্বার লভি শিবাদেশ,
অচিরাৎ স্মরবৃন্দ-সংহতি মিলিব ।”
বলিয়া চলিলা ইন্দ্র শিবের আলায়ে ।
স্বপন, বাসব-বাক্যে স্বর্গ-অভিমুখে
দেবগণ সমুদ্দেশে করিলা গমন,
বাসবের সমাচার করিতে ঘোষণা ।
সেখানে আদিত্যগণ বসি নানা স্থানে
বিতণ্ডা করিছে নানা উৎসুক অস্তুর,
কি উদ্দেশে বৃত্তাসুর নন্দনে আপন,
সৈনিক-সংহতি শত মর্ত্তে পাঠাইলা ।
শক্রপক্ষে, প্রতাশারে যাইতে আদেশ,
কেহ বা উচিত কহে, কেহ অসুচিত,
অলীক কথনে দৈত্য ছলিলা অমরে,
কেহ বা সংশয়যুক্ত কেহ দ্বৈধহীন ।
প্রচেতা চিন্তায় মগ্ন, ভাবি কিছুকাল,
অসুভব কৈলা শেষে দৈত্য-অভিপ্রেত,—

শচীর প্রবাস মর্ত্তে ইন্দ্র কুমেরুতে,
তথ্য পেয়ে গেলা কোন(ও) সাধিতে অনর্থ
এরূপ সংশয় ভাবি প্রচেতা তখন,
প্রকাশিলা দেবগণে দ্বিধা আপনার,
কেহ কৈলা গ্রাহ তায় কেহ না শুনিলা,
মতামত নানামত প্রচেতা-বচনে ।
দেব সেনাপতি স্কন্দ পার্কর্তী-নন্দন,
কহিলা তখন—“বুখা তর্ক কেন এত ?
যাক মর্ত্তে দূত কোন(ও) আশুক জানিয়া
সমর যথার্থ কি না গঙ্কর দানবে ।
সমাচার পেয়ে পরে কর্তব্য বিধান
যা হয় হইবে শেষ, দূত কেহ যাক ।”
কহিলা প্রচেতা—“কিন্তু অবসর পেয়ে
ঘটায় উৎপাত যদি, কি উপায় তবে ?”
উগ্রমূর্ত্তি অগ্নি ক্রোধে উজ্জ্বল তখনি
যাইতে বসুধা মাঝে শত্রু সংহারিতে,
মঙ্গলায় কালক্ষয়, সর্বকর্মে ক্ষতি,
একাকী যাইবে মর্ত্তে সদর্পে কহিলা ।
তখন কহিলা সূর্য্য—“বিপদ যত্বপি
ঘটে কোন(ও) দেবে মর্ত্তে, তখনি স্মরণ
করিবে সে অগ্নি দেবে মানসে ডাকিয়া,
দূত মাত্র এক জন প্রেরণ উচিত ।”
হেন আন্দোলন হয় দেবগণ-মাঝে,
হেনকালে ইন্দ্র-দূত শুভবার্ত্তাবহ
স্বপন আইলা সেথা ; শীঘ্রতর অতি
একত্র হইলা তথা আদিত্যগণ ।
সহর্ষবদনে দূত অমরবৃন্দেরে
সম্ভাষি, কহিলা আজ্ঞা বাসবের যথা,
কহিলা—“আমারে ইন্দ্র শীঘ্র পাঠাইলা
শুনাইতে দেবগণে এ শুভ বারতা,—
কুমেরু পর্বতে ইন্দ্র পূজা সাজ করি,
ধ্যান ভাঙ্গি এত দিনে হইলা জাগ্রত,
নিয়তি প্রসন্ন তাঁরে হইলা সাক্ষাৎ,
করিলা বিদিত বৃত্ত-বিনাশ-উপায়

‘কৈলাসে ধূজাটি-পাশে করিলে গমন,
কহিবেন সবিশেষ দেব শূলপাণি,
ভবিতব্য গৃঢ়-লিপি বৃত্তের নিধন
ব্রহ্মার দিব্য অস্ত্রে—ভাগ্যের ভারতী ।’
নিয়তি-আদেশে এবে কৈলাস-ভুবনে,
জানিতে বিশেষ তথ্য পিনাকীর পাশে

গতি তাঁর ; পুনর্বার জানি সমুদয়
অচিরাং স্মরবৃন্দে দিবেন সাক্ষাৎ ।”
দূতের বচনে মহানন্দ দেবগণে
মহাদেবে পুনরায় সংগ্রামে সাজিল ;
পুনরায় দৈত্যকুল প্রাচীর-শিখরে
তুলিল পতাকা শিব-ত্রিশূল-অঙ্কিত ।

অষ্টম সর্গ

বৈজয়ন্ত-ধাম এবে দৈত্যাগর,
প্রকোষ্ঠ-অস্তরে তায়,
ইন্দুবালা নাম, রুদ্রপীড়-রামা
নিমগ্ন গাঢ় চিন্তায় ।
পূর্ণ মধুমাসে পূর্ণ কলেবর
পূর্ণকাঙ্ক্ষি সুশোভন,
যেন কিমলয় চারু মনোহর
তেমনি দেহ গঠন !
মধুর সুসমা অতি মৃদুতর
সরস শিরীষ ছলে,
মাধুরী-লহরী অঙ্গেতে যেমন
উছলি উছলি চলে ;
কাছে বসি রতি করেছে ধারণ
গ্রন্থনরঞ্জুর মূল ;
অসম্পূর্ণ মালা উরুদেশ 'পরে
চারিদিকে আলা ফুল ।
অবন্ধ কুস্তল পড়েছে বদনে
গ্রীবাতে, উরস-পরে,
যেন মেঘমালা বায়ুতে চঞ্চল
অর্ধাবৃত শশধরে ।
অর্ধভঙ্গ স্বর ঘর্ষ-বিন্দু ভালে
রতিরে চাহি সুধায়,
“পৃথিবী হইতে এ অমরাবতী
কত দিনে আসা যায় ।

নৈমিষ কাননে শচীরে রক্ষিতে
আছে কি অমর কেহ ?
বীর কি সে জন, সমরে নিপুণ,
যশস্বী কি রণে তেঁহ ?”
বলিতে বলিতে মণিবন্ধ'পরে
আন-মনে রাখে কর ;
পরখি আয়তি, চেতিয়া অমনি
স্মরে “শিব শিব হয় ।”
কন্দর্প-কামিনী কহে—“ইন্দুবালা,
চিন্তা কেন কর এত ?
পতি সে তোমার সমরে পণ্ডিত
সাধিবেন অভিপ্রেত ।
সত্বরে ফিরিয়া আসিয়া আবার
মিলিবেন তব সনে,
বীর-পত্নী হৈয়ে দানব-নন্দিনি,
এত ভয় কেন রণে ?”
কহে ইন্দুবালা ফেলি গাঢ় শ্বাস,
নেত্র আর্দ্র অশ্রুজলে,
“বীরপত্নী হায় ! সবার পুজিতা
সকলে আমার বলে ।
পতি বোকা যার তাহার অস্তরে
কত যে সতত ভয়,
জানে সে ক'জন, ভাবে সে ক'জন
বীরপত্নী কিসে হয় !

কতবার কত করেছি নিষেধ
 না জানি কি যুদ্ধপণ ;
 যশঃ-তৃষা হায় মিটে না কি তাঁর
 যশঃ কি স্বাদ্ধ এমন ?
 পল অনুলপল মম চিন্তে ভয়
 সতত অন্তরে দহি ।
 সে ভয় কি তাঁর না হয় হৃদয়ে
 সময়ের দাহ সহি ;”
 কহিয়া এতেক, উঠি অন্তমনে,
 অস্থির-চরণে গতি ;
 ভ্রমে গৃহ-মাঝে গৃহ-সজ্জা যত
 নেহালে যতনে অতি ।
 “এই জাতি ফুল তাঁর প্রিয় অতি”
 বলি কোন পুষ্প তুলে ।
 “এই পালঙ্কেতে বসিবারে সাধ”
 বলি তাহে বৈসে ভুলে ।
 “এই অস্ত্রগুলি খুলি কতবার
 তুলি এই সারসন,
 কহিলা, ‘নাছাব রণবেশে তোমা
 শিগাব করিতে রণ ।’
 এ কবচ অঙ্গে দিলা কত দিন,
 শিরে এই শিরস্বাণ ।
 কটিবন্ধে কসি দিলা এই অসি
 হাতে দিলা এই বাণ ।
 অতি প্রিয় তাঁর অস্ত্র এই সব
 আমার সাধের অতি,
 তাঁর সাধে অঙ্গে ধরি এক দিন,
 হেরে প্রিয় ফুলমতি ।
 আহা এই ধনু চাকু পুষ্পময় !
 মনমথ দিলা তাঁয় !
 যুদ্ধ ছল করি কত পুষ্পশর
 ফেলিলা আমার গায় !
 এবে শুকায়েছে হয়েছে নির্গন্ধ
 প্রিয়কর কত দিন,

না পরশে ইহা ; সময়-তরঙ্গে
 রত তিনি অহুদিন ।
 সকলি কোমল প্রিয়ের আমার
 সমরে শুধু নিদয় ;
 হেন সুকোমল হৃদয় তাঁহার
 কেমনে কঠোর হয় !
 আমিও রমণী, রমণীও শচী
 তবে তিনি কেন তায়,
 না করিয়া দয়া হইয়া নিষ্ঠুর
 ধরিতে গেলা ধরায় ?
 কি হবে শচীর, পতি কাছে নাই
 মহাবীর পতি মম,
 আমিও যতপি পড়ি সে কখন
 বিপদে শচীর সম ।
 ভাবিতে সে কথা থাকিয়া এখানে,
 আমার (ই) হৃদয় কাঁপে !
 না জানি একাকী গহন-কাননে
 শচী ভাবে কত তাপে ।
 ঐন্দ্রিল-হুহিতা সেবিত্তে কিঙ্করী
 স্বর্গে কি ছিল না কেহ ?
 ব্রহ্মাণ্ড-ঈশ্বরী দানব-মহিষী
 দাসী চাহি ভ্রমে সেহ !
 আমারে না কেন কহিলা মহিষী
 আমি সেবিতাম তাঁয়,
 পুরে না কি তাঁর সাধের ভাণ্ডার
 শচী না সেবিলে পায় ?
 কেন আ(ই) লা দৈত্য এ অমরালয়ে,
 আছিল আপন দেশ ;
 পরে দিয়া পীড়া লভিয়া এ যশঃ
 কি আশা মিটিবে শেষ ?
 যার দিয়া তারে ফিরি যদি দেশে
 যার পুনঃ দৈত্যপতি,
 এ পোড়া আশঙ্কা, এ যন্ত্রণা যত,
 তবে সে থাকে না, রতি !”

রতি কহে “আহা !—তুমি ইন্দুবালা
 দানব-কুলের মণি ।
 না দেখি শচীরে তার শোকে এত
 বিধুরা হইলা ধনি !
 দেখিলে তাহারে না জানি বা কিবা
 করিত তোমার চিতে ;
 বুঝি শোকভরে ক্ষণমাত্র কাল
 এই স্থানে না থাকিতে ।
 সে অঙ্গ-গঠন, মুখের সে জ্যোতি,
 সে চারু গ্রীবার ভান,
 মহিমাজড়িত, সে গুরু চলনি
 সে উরু, উরস-স্থান ।
 যে দেখেছে কভু চিরদিন তার
 হৃদয়ে থাকয়ে পশি !
 দেখিলা সে রতি এ পোড়া নয়নে
 পূর্ণিমার মেঠ শশী ।
 অমরার রাণী ইন্দ্রাণী সে শচী,
 তাহারে কিঙ্করী বেশে,
 রাখিবে এখানে ; রতির অভাগ্যে
 দেখিতে হইল শেষে !”
 সুকুমার-মতি কহে ইন্দুবালা
 “হায়, রতি, কি কহিলা !
 এ হেন রাগারে করিতে কিঙ্করী
 দৈত্যোদ্ভাণী আকাজিফলা !
 আমারে লইয়া, কন্দর্প-কামিনি,
 চল সে পৃথিবী’পর,
 হইতে দিব না নিদয় এমন
 ধরিব পতির কর ;
 আমার বিনয় নারিবে ঠেলিতে,
 রাখিবে আমার কথা ;
 নারীর বিনয় পতির নিকটে
 কখন নহে অন্তথা ।
 এত সাধ তাঁর করিবারে রণ,
 সে সাধ মিটাব আমি ;

শচী-বিনিময়ে থাকি বনবাসে
 ফিরায়ে আনিব স্বামী ।
 কি পৌরুষ তাঁর বাড়িবে না জানি
 রমণীর প্রতি বল ।
 চল, রতি, চল লইয়া আমারে,
 যাব সে অবনীতল ।”
 কহে কামপ্রিয়া, “দৈত্যকুল-বধু,
 তাও কি কখন হয় ?
 ভ্রমে চারিদিকে সদা দেব-সেনা
 পুরীতে দানবচয় ।”
 “তবে সে কেমনে যাইবেন তিনি ?”
 কহে ইন্দুবালা সতী ;
 “যাইতে অবশ্য আছে কোন(ও) পথ
 সেই পথে চল, রতি ।”
 ইন্দুবালা-বাক্যে মীনকেতু-জায়া
 কহে “শুন, দৈত্যোদ্ভাণী !
 যাবে বাহু ভেদি বীর পতি তব
 তুমি ত যুদ্ধ জান না ।”
 না ফুরাতে কথা উঠিয়া শিহরি,
 ইন্দুবালা দ্রুতগতি,
 গবাক্ষ-সমীপে আসিয়া আতঙ্কে
 কহে, “অই শুন রতি !
 অই বুঝি রণ হয় তাঁর সনে,
 শুন অই কোলাহল ;
 তুমুল সংগ্রাম, স্মর-সহচরি,
 করে দেবাস্মর-দল !
 নামিতে ধরায় অই কি সে পথ,
 অই দিকে, স্মর-সখি ?
 অই বুঝি হায় রক্তপীড়-ধ্বজ
 উড়িছে শূণ্ডে নিরখি !
 শূল-অঙ্কময় বিশাল কেতন
 বুঝি বা সে হবে অই ;
 এতক্ষণে, রতি, না জানি কি হ’ল
 কেমনে স্থস্থির হই !

শুন ভয়ঙ্কর কিবা সিংহনাদ !
 অগ্নিময় যেন শিলা,
 তাল তাল তাল কত অস্তুরাশি
 নভোদেশ আচ্ছাদিলা !
 হায়, রতি, মোরে কে দিবে সম্বাদ,
 কার সনে এই রণ !
 অইখানে পতি আছে কি আমার ?
 অনলে দহে যে মন !”
 কহে কামপ্রিয়া, “অগ্নি ইন্দুবালা,
 কই কোথা রণ কই ?
 স্বপনে দেখিছ সমর এ সব,
 অস্তরে আকুল হই ।
 আইলু শুনিয়া গিয়াছে ধরায়
 তোমার হৃদয়নেতা ;
 নাহি কোন ভয় মিছা এ ভাবনা,
 রুদ্রপীড় নাহি সেথা ।”
 শুনি চিন্তাবেগ উপশম কিছু,
 কহে খেদে ইন্দুবালা ;
 “পারি না সহিতে প্রহ্লাদ-কামিনি,
 নিতি নিতি এই জালা !
 দৈত্যসেনা কত মরে অহনিশি,
 পড়ে কত মহাবীর ;
 দেখি দৈত্যকুল এইরূপে ক্ষয়
 হৈবে বুঝি শেষ স্থির !
 কত দৈত্যসুতা হয় অনাথিনী,
 কত পিতা পুত্রহীন !
 কত দেব-তনু পড়িয়া মূর্ছাতে
 অমুকণ হয় ক্ষীণ !
 যুদ্ধেতে কি লাভ, যুদ্ধ করে যারা
 বিচারিয়া যদি দেখে,
 তবে কি সে কেহ যশের আকর
 বলিয়া উল্লেখে একে ?
 দানবের কুলে জন্ম হয় মম,
 বুঝি অদৃষ্টের ছলে ।

কাম-সহচরি, সত্য তোমা বলি,
 সতত অস্তর জলে !”
 “হায় ইন্দুবালা, তুমি সুকোমল
 পারিজাতপুষ্প যেন !
 পতি যে তোমার তাঁহার হৃদয়
 নির্দয় এতই কেন ?”
 “বলো না ও কথা, মন্থথ-প্রেয়সি,
 তুমি সে জান না তাঁয় ;
 দেখ না কি কভু শৈল-অঙ্গে কত
 স্বাদু নীর-ধারা ধায় !
 শচীর লাগিয়া না নিদ্রিহ তাঁরে,
 বীর তিনি রণ-প্রিয় !
 শচীর বেদনা ঘুচাব আপনি,
 ফিরিয়া আসিলে প্রিয় ।
 যাব শচী-পাশে, করিব শুশ্রূষা,
 যাতে সাধ দিব আনি !
 মহিষী-কিঙ্করী হইতে দিব না,
 কহিলু নিশ্চিত বাণী ।
 মন্থথ-রমণি ! নাহি কর খেদ,
 যাহ ফিরে নিজ বাস,
 পতির এ দোষ যাহে ভুলে শচী
 পাইব সদা প্রয়াস ।
 ভেবেছিহু আর গাঁথিব না ফুল,
 থাকিবে অমনি ঢালা ;
 এবে গুটাইয়া, আরো সুষতনে
 গাঁথিয়া রাখিব মালা ।
 যবে শচী ল'য়ে ফিরিবেন পতি
 পরাব তাঁহার গলে,
 পরাব শচীরে মনের আহ্লাদে
 মুছায় চক্ষুর জলে ।
 পতির মালিণ্য নারী না ঢাকিলে,
 কে ঢাকিবে তবে আর,”
 বলিয়া, লইয়া কুম্বমের রাশি,
 বসিলা গাঁথিতে হার ।

“কি মালা গাঁথিবে ইন্দুবালা তুমি,
কি মালা গাঁথিতে জান ?
নিজ হাতে রতি পুষ্প গাঁথি দিত,
তবু না জুড়াত প্রাণ ।
দেবকন্ঠা যারে সেবিত নিয়ত,
স্বমেক উজ্জ্বল করি,
সে আজ এখানে ঐন্দ্রিলা সেবিয়া
রবে দাসী-বেশ ধরি !
এ ছুঃখ তাহার করিবে মোচন,
দিয়া তারে পুষ্পহার ?
ফুলের রঞ্জিতে করিলে বন্ধন
বেদনা নাহি কি তার ?
আর কেন চাও ফুটাত্তে অঙ্গুর
চরণে দলিয়া আগে ;
দানব-নন্দিনি, জান না সে তুমি,
ছুঃখীয়ে পুঞ্জিলে লাগে !
মৃগেন্দ্রী আসিছে আপন আলয়ে
শৃঙ্খল বাঁধিয়া পায় !

রতির কপালে এও সে ঘটিল
দেখিতে হইল হায় !”
বলি বাম্পাকুল নয়নে তখনি
মগ্নথ-রমণী চলে ।
রতি-চক্ষু-জল নিরখি ভাসিল
ইন্দুবালা চক্ষু-জলে ।
পড়ে বিন্দু বিন্দু কুসুমের স্রজে,
ইন্দুবালা গাঁথে ফুল ;
ভাবিয়া পতির, ভাবি যুদ্ধভয়,
চিন্তাতে হৈয়ে আকুল ।
কুরঙ্গী যেমন শুনিয়া গহনে
মৃগয়ীর দূর রব,
চকিত চঞ্চল, প্রতি পলে পলে
মৃত্যু করে অনুভব ;
সেইরূপ ভয়ে চমকি চমকি
গাঁথিতে গাঁথিতে চায়,
ফুলমালা হাতে ইন্দুবালা রামা
রুদ্রপৌড়-ভাবনায় ।

নবম সর্গ

হেথা দৈত্য শত যোধ
চলে শূন্যে বিনা রোধ,
উদয়-অচল আদি হিমাচল-পথে ।
শৃঙ্গে শৃঙ্গে পদক্ষেপ,
ক্রমশঃ পথ-সংক্ষেপ,
শৈলপথ ছাড়ি শেষে উরয়ে মরতে
নৈমিষে জয়ন্ত লৈয়ে,
শচী অতি ব্যগ্র হৈয়ে,
জিজ্ঞাসে তনয়ে যত অমরের কথা,
“কোথায় দেবতাগণ ?
বাসব মেঘ-বাহন ?
পাতালের সমাচার স্বর্গের বারতা ।

অমর-অঙ্গনাগণ,
কোথায় সবে এখন ?
কত কালে পুনঃ সবে হইবে মিলিত ?
আখণ্ড পুনর্বার,
ধরিল কি অস্ত্র তাঁর,
অথবা কুমেক-চূড়ে ধ্যানে নিষ্প্রিত ?”
হেনকালে রণশঙ্খ,
মৃগেন্দ্র-শ্রুতি-আতঙ্ক,
অস্তুরের সিংহনাদ পুরিল গগন ;
বন আলোড়িত হয়,
কাঁপিয়া অচলচয়,
শিখরে শিখরে ধরে ধ্বনি অগণন ।

জয়ন্ত শুনে সে রব,
 শুনয়ে যথা বৃষভ
 ধাবমান অগ্নি কোন বৃষের গর্জন ;
 অথবা ঝটিকারশ্বে,
 পক্ষ প্রসারিয়া দশ্বে,
 শ্বেনপক্ষী শুনে যথা বায়ুর স্বনন ;
 অথবা বিদ্যুতাচ্ছন্ন
 উচ্চৈঃশ্রবা স্প্রসন্ন,
 শুনি যথা মেঘমন্ত্র গ্রীবা বক্র করে ;
 কিম্বা ফণীন্দ্রের নাদে,
 শুনিয়া যথা আহ্লাদে,
 গরুড় বিশাল পক্ষ বিস্তারে অঙ্গরে ;
 শুনিয়া দৈত্য-দংরাব,
 জয়ন্ত তেমতি ভাব,
 অরণ্য ছাড়িলা বেগে হৈলা অগ্রসর ।
 কালাগ্নি-সদৃশ অঙ্গে,
 কিরণ শত তরঙ্গে,
 আশ্রু, গ্রীবা, অসি, বর্ষ করিল ভাস্বর ॥
 রুদ্রপীড়ে কিছুক্ষণ,
 করি দৃঢ় নিরীক্ষণ,
 কহে, “হে দানবপুত্র, বহুদিন পরে,
 আবার সমর-রঙ্গে,
 ভেট হৈল তব সঙ্গে,
 নৈমিষ-কাননে আজ ধরণী-উপরে ।
 ছিল যে দুঃখিত গন
 না পরশি গ্রহরণ,
 দানব-সংহতি রণে ক্রীডন অভাবে ;
 তোমার সহিত ভেটে,
 আজি সেই দুঃখ মেটে,
 চিরকোভ জয়ন্তের আজি সে জুড়াবে ।
 যুঝিতে না লয় চিতে,
 কে আর জানে যুঝিতে,
 পতঙ্গ সহিত যুদ্ধে নাহি পুরে আশ ;

হস্তী যদি দস্ত-বলে
 গিরি-অঙ্গ নাহি দলে,
 অনর্থ তবে সে তার সামর্থ্য-প্রকাশ !
 সুরবৃন্দে বড় লাজ,
 গত যুদ্ধে দিলা, আজ
 সে আক্ষেপে মনসাধে পূর্ণাহুতি দিব ;
 বাসব-নন্দন-বল,
 সুরের রণ-কৌশল,
 ভুলিলা, দানব-সুত, পুনঃ চেতাইব ।
 রুদ্রপীড় তব মনে,
 সুখ বটে যুঝি রণে,
 বীর কিন্তু নহ এবে হয়েছ তঙ্কর ;
 মনে তাই ঘৃণা বাসি,
 সমরে তোমায়ে নাশি,
 সে সুখ এগন আর পাবে না অন্তর ।
 এ সব মশকবৃন্দে,
 কি আর হইবে নিন্দে,
 শালতরু পেলো ছিন্ন কে করে কদলী ?
 তোমার সমর-সাধ,
 আমার চিন্তের সাধ,
 ইন্দ্রের বাসনা অগ্নি পুরাব সকলি ।”
 রুদ্রপীড় ক্রোধে দহে,
 বাসব-নন্দনে কহে,
 “তুই কি জানিবি বল্ সমরের প্রথা ?
 বীরের উচিত ধর্ম,
 বীরের উচিত কর্ম,
 বৃত্তের নন্দনে কভু না হবে অগ্ন্যথা ।
 সংগ্রামে জিনেছি স্বর্গ,
 সমূহ অমরবর্গ,
 এখন সে অতি তুচ্ছ দানবের দাস ;
 ইন্দ্রের বনিতা যেই,
 দাসের বনিতা সেই,
 উচিত নহে সে ছাড়ে প্রভুপত্নী-পাশ ।

কি যুদ্ধ আমার দিবি,
 যুদ্ধ কি, তা কি জানিবি,
 জানে সে জনক তোর বাসব কিঞ্চিৎ ;
 জানে সে অমরগণ,
 অশুরের কিবা রণ,
 আছিল পাতালে প'ড়ে হারায়ে সন্ধিৎ ।
 লজ্জা নাহি চিতে আসে,
 নিন্দা কর হেন ভাষে,
 যে জন ত্রৈলোক্যজয়ী বৃত্তের কুমার ?
 হারায়েছি শতবার,
 হারাইব আর বার,
 তুই সে নির্লজ্জ বড় ছুঁইবি আবার
 সেই দীপ্ত হতাশন ?
 ভয়ে যার অদর্শন,
 হয়েছিলি এত কাল, হতাশে কোথায় !
 ধর অস্ত্র, কর রণ,
 বল যুদ্ধে সম্ভাষণ,
 সাহস ধরিয়া প্রাণে করিবি কাহায় ?”
 “বৃথা বাক্যে কাল যায়,
 সকলে একত্রে আয়,”
 কহিলা জয়ন্ত, “যুদ্ধ দেখরে দানব !
 ধর অস্ত্র শত যোধ,
 এখনি পাইবে বোধ,
 বাসব-নন্দন তুল্য বিজয়ী বাসব ॥”
 বলি কৈলা সিংহনাদ,
 দৈত্যের শব্দের হ্রাদ,
 অরণ্য আলোড়ি, শূন্য করিল বিদার ।
 শতযোদ্ধা একিবার,
 কোদণ্ডে দিল টঙ্কার,
 মেঘের নিনাদে ঘোর ছাড়িল হুঙ্কার ॥
 অন্ত শব্দ সব স্তব্ধ,
 দেব দৈত্যে যুদ্ধারম্ভ,
 কেবল হুঙ্কারধ্বনি, বাণের গর্জন ।

আন্দোলিত হয় সৃষ্টি,
 সুরাসুরে শরবৃষ্টি,
 শৈলেতে শৈলেতে যেন সদা সংঘর্ষণ ॥
 দ্রুঘণ, মৃষল, শলা,
 প্রক্ষেড়ন, চক্র, ভল্ল,
 দৈত্যের নিক্শিপ্ত অস্ত্র বরিষে করকা ।
 জয়ন্তের শররাশি
 চমকে তমসা নাশি,
 অস্ত্ররীক্ষে ধায় যেন নিক্শিপ্ত তারকা ॥
 কেশরি-শার্দূলদল,
 সুনিয়া সে কোলাহল,
 ভ্রমে ভয়ে ছাড়ি বন, পর্বত-গহ্বর ।
 বিহঙ্গ জড়ায়ে পাখা,
 ত্রাসেতে ছাড়িয়া শাখা,
 খসিয়া খসিয়া পড়ে ধরণী-উপর ॥
 ধূলিতে ধূলিতে ছন্ন,
 অভেদ নিশি মধ্যাহ্ন,
 উদগিরিল বিশ্বস্তরা গর্তস্থ অনল ।
 অশুর জয়ন্ত ক্শিপ্ত,
 শেল, শূল, শর দীপ্ত,
 ঘাত-প্রতিঘাতে ছিন্ন কৈল নভঃস্থল ॥
 ধরাতল টলটল,
 নদীকুল কল-কল,
 ডাকিয়া, ভাঙিয়া রোধ করিল প্লাবন ।
 ঘুরিতে লাগিল শূন্য,
 শৈলকুল হৈল ক্ষুণ্ণ,
 চূর্ণ চূর্ণ হয়ে দিগ্দিগন্তে পতন ॥
 হেন যুদ্ধ দেবাসুরে,
 হয় অর্ধ-দিন পুরে,
 তখন জয়ন্ত, করতলে দীপ্ত অসি,
 ছুটে যেন নভঃস্থল,
 কিম্বা ক্শিপ্ত গ্রহবৎ,
 পড়িল বেগেতে দৈত্য-মণ্ডলী ঝলসি ।

যথা সে অতলবাসী,
 তিমি তুলি জলরাশি,
 নাগর আলোড়ি করে পুচ্ছের প্রহার,
 যবে যাদঃপতি জলে,
 ভ্রমে ভীম ক্রীড়াচ্ছলে,
 উত্তুঙ্ক পর্বত-প্রায় দেহের প্রসার ;
 ক্রোশ যুড়ি শুষ্ক বারি,
 আবার ফেলে উগারি
 দূর অন্তরীক্ষে, বেগে ছাড়িয়া নিশ্বাস ;
 নাসিকায় উৎক্ষেপণ,
 অশুরাশি অনুক্ষণ,
 অস্থির অশুধিপতি ভাবিয়া সম্ভ্রাস ।
 কিম্বা গিরি-শৃঙ্গরাজি
 মধ্যে যথা তেজে সাজি,
 ক্ষণপ্রভা খেলে রঞ্জে করি ঘোর ঘটা,
 খেলে রঞ্জে ভীমভঙ্গি,
 শিখর শিখর লঙ্ঘি,
 শৈলে শৈলে আঘাতিয়া স্থূল তীক্ষ্ণ ছটা
 নিমেষে নিমেষ ভঙ্গ,
 দক্ষ গিরি-চূড়া অঙ্গ,
 অঙ্গিকুল ভয়াকুল ছাড়ে ঘোর রাব ;
 বেগে দীপ্ত গিরিকায়,
 বিদ্যুৎ আবার ধায়,
 ছড়ায় জলন্ত শিখা উল্লাসিত-ভাব ।
 জয়ন্ত তেমনি বলে,
 দানব-যোদ্ধায় দলে,
 রুদ্রপীড়সহ দৈত্যবর্গে ভীম দাপে ।
 পূর্ণ দেব-দিনমান,
 অস্তাচলে সূর্য্য যান,
 বিস্মিত দানবগণ জয়ন্ত-প্রতাপে ॥
 তখন বৃত্র-তনয়,
 জয়ন্তে সম্ভাষি কয়,
 “কাস্ত হও ক্ষণকাল যুদ্ধ পরিহরি ।

সূর্য্য হের অন্তগত,
 যুদ্ধ কৈলা অবিরত,
 বিশ্রাম করহ এবে, আইল শর্করী ॥
 প্রভাতে আবার শুন,
 সমরে পশিব পুনঃ,
 না ধরিব প্রহরণ থাকিতে রজনী ।
 বীরবাক্য সূনিশ্চয়,
 যুদ্ধে তব পরাজয়,
 নহে, যে অবধি শচী থাকিবে অবনী ॥”
 জয়ন্ত কহিলা ভাষ,
 “যথা তব অভিলাষ,
 আমার না হইল শ্রান্তি, শ্রান্তি যদি তব,
 কর সে বিশ্রাম লাভ,
 আমার সমান ভাব,
 দিবস রজনী মম তুল্য অনুভব ॥
 ধর অস্ত্র নাহি ধর,
 এ রজনী, দৈত্যবর,
 আমার সমর-বেশ থাকিবে এমনি,
 যখন বাসনা হয়,
 শুন হে বৃত্র-তনয়,
 সমরে ডাকিও, থাকে না থাকে রজনী ॥”
 বলিয়া নৈমিষ মাঝে,
 আবরিত যুদ্ধ-সাজে,
 বসিলা আসিয়া কোন তরুণ তলায় ।
 মনে মনে আন্দোলন,
 করে স্থখে অনুক্ষণ,
 দিবার যুদ্ধের কথা প্রগাঢ় চিন্তায় ॥
 প্রভাতে আবার রণ,
 চিন্তা মনে সর্বক্ষণ,
 কত আশা হৃদয়েতে তরুণ খেলায়—
 রুদ্রপীড়-বিনাশন,
 দৈত্যের দর্প-দমন,
 জননী-বিপদ-শান্তি, খ্যাতি অমরায়,

হিল্লোলে হিল্লোলে আসে ;
 কখন বা চিন্তে ভাসে,
 সমর-আশঙ্কা—পাছে দানব হারায় ;
 বৃক্ষকাণ্ডে পৃষ্ঠ দিয়া,
 হস্ত পদ প্রসারিয়া,
 চিন্তা করে কতক্ষণে রজনী পোহায় ॥
 গাঢ় ভাবনায় মগ্ন,
 যেন বা সে নিদ্রাচ্ছন্ন,
 বিশ্রান্ত নয়নদ্বয় মুদিত অলসে ।
 পত্রের বিচ্ছেদ দিয়া,
 চন্দ্ররশ্মি প্রবেশিয়া
 মৃদু মৃদু স্ত্রশোভিত ললাট পরশে ;
 শচী চপলার সনে,
 আসিয়া অনন্তমনে
 হেরে তনয়ের মুখে কৌমুদী-প্রপাত ।
 কত চিন্তা ধরে প্রাণে,
 কত আশা মনে মানে,
 ভাবে যেন সে রজনী না হয় প্রভাত ॥
 চপলার কানে কানে,
 মৃদু পবনের স্থানে,
 কহে “সখি, দেখ কিবা হয়েছে শোভন
 মৃদু রশ্মি ক্লাস্ত দেহে,
 যেন পড়িয়াছে স্নেহে,
 মন্দার-কুসুমের যেন চন্দ্রমা-কিরণ ॥
 এই স্তম্ভমার খেলা,
 চাঁদেতে চাঁদের মেলা,
 আহা, আজি না দেখিল, সখি, পুরন্দর !
 দেখা সে হইবে যবে,
 কহিব তাঁহারে তবে,
 দেখিলে সে কত তাঁর জুড়াত অস্তর ॥
 শুনে এ রণ-সংবাদ,
 করিতেন কি আহ্লাদ,
 দিতেন কতই সুখে পুত্রে আলিঙ্গন ।

আশীর্বাদ করি কত,
 স্নিগ্ধ হৈয়ে অবিরত,
 করিতেন স্নেহে অই বদন চূষন ॥
 যদি থাকিতাম আজ,
 অমর-বৃন্দের মাঝ,
 অমরাবতীতে, সখি, ইন্দ্রের ইন্দ্রাণী ।
 আজি কত মহোৎসবে,
 তুষিতাম দেব সবে,
 কতই আনন্দে আজি ভাসিত পরাণী ।
 জয়ন্তে করিয়া সঙ্গ,
 ভাসিয়া সুখ-তরণে,
 ভ্রমিতাম কতই আনন্দে ত্রিভুবন ।
 বিষ্ণুপ্রিয়া কমলারে,
 ঈশান-প্রিয়া উমারে,
 দেখাতাম ইন্দ্রপ্রিয়া শচীর নন্দন !
 একা যে করিলা রণ
 সহ দৈত্য শত জন !
 সমরে করিলা ক্লাস্ত রুদ্রপীড় শূরে !
 সে আনন্দে বিসর্জন—
 ধরাতে নৈমিষবন—
 অরণ্যবাসিনী শচী আজি মর্তপুরে !
 আবার অস্তরে ভয়,
 না জানি যে কিবা হয়
 কালযুদ্ধে, রাত্রি পুনঃ হইলে প্রভাত ;
 রুদ্রপীড় মহাবীর,
 জয়ন্ত ক্লাস্ত-শরীর,
 অস্তরের অস্ত্রবৃষ্টি যেন উদ্ধাপাত !”
 কহিয়া বিমর্ষ দুখে,
 চাহি চপলার মুখে,
 ফেলিয়া স্তম্ভস্বাস কহে ইন্দ্রজায়া,
 “তনয়ে স্মরি এখানে,
 শৃঙ্খল বেঁধেছি প্রাণে,
 সখি রে, দুঃস্বপ্ন বড় সস্তানের মায়া ।

পুল্ল-মুখ যতক্ষণ,
 না করিহু নিরীক্ষণ,
 দানব-আশঙ্কা চিত্তে ছিল না তিলেক ।
 আগে না ভাবিয়া, সখি,
 ও চারু-মুখ নিরখি,
 বিবশা হয়েছি এবে হারায়ে বিবেক ॥
 অন্তরে আশঙ্কা হেন,
 বিপদ নিকট যেন,
 সহসা আতঙ্কে কেন চিত্ত হৈল ভার ?
 সখি, অন্ম কোন্ দেবে,
 স্মরণ করিব এবে,
 সহায় হইতে যুদ্ধে জয়স্তু আমার ?”
 নিশি-শেষে নিদ্রা-ভঙ্গে,
 অর্দ্ধ-চেতনের সঙ্গে,
 অদূরে মুরলী-ধ্বনি বাজিলে যেমন ;
 স্বপ্ন সহ মিশাইয়া,
 পরাণেতে জড়াইয়া,
 জাগ্রত করিয়া চিত্ত পরশে শ্রবণ ।
 জয়স্তু-শ্রুতি-কুহরে,
 তেমতি প্রবেশ করে.
 শচীর সে স্মধুর কোমল বচন ।
 উন্মীলিত-নেত্রে বসি,
 হেরি অন্তপ্রায় শশী,
 কহিলা, জননী-পদ করিয়া বন্দন,
 “প্রভাত হইল নিশি,
 প্রকাশিছে পূর্বদিশি,
 দেখ, মাতঃ, চারু কাস্তি অরুণের রাগে ;
 পুল্লে আশীর্বাদ কর,
 না উঠিতে প্রভাকর,
 প্রবেশি সংগ্রামস্থলে দানবের আগে ॥”
 শুনি শচী শতবার
 শিরভ্রাণ লৈলা তার,
 যতনে অঙ্কিতে পুল্লে করিলা ধারণ ।

কহিলা “বাছা জয়স্তু,
 আশিস্ করি অনন্ত,
 চিরজয়ী হও রণে শচীর জীবন ॥
 কিন্তু প্রাণে এত ভয়,
 কেন রে উদয় হয়,
 আতঙ্কে কি হেতু এত শরীর অস্থির !
 যত চাই পূর্বপানে,
 ততই যেন পরাণে,
 অরুণ-কিরণ বিক্ষে স্প্রধর-তীর !
 না পারি সাহস ধরি,
 নয়ন প্রসার করি,
 যা হেরিতে যাই তাহে আতঙ্ক উদয় ;
 বিবর্ণ যেন মিহির,
 গগন—মহা-শরীর,
 সকলি বিবর্ণ হেরি, যেন মসীময় !
 নিমেষে নিমেষে চিত্তে,
 ইচ্ছা হয় নিরখিতে,
 তোমার বদন আজি ভ্রাস্তিতে যেমন !
 কাছে আছ ভাবি এই,
 ভাবি পুনঃ কাছে নেই,
 কোল শূন্য হৈল যেন ভাবি বা কখন !
 কখন(ও) সে শুনি ভুলে,
 তুমি যেন শ্রুতিমূলে,
 ‘জননি, জননি’ বলি করিছ নিনাদ ;
 ‘ কেন হেন হয় বল,
 নেত্র-কোণে আসে জল,
 কভু ত ছিল না হেন শচীর প্রমাদ !
 একাকী ঘাইবে রণে,
 ছাড়িতে না লয় মনে,
 অন্ম কোন্ দেবে এবে করিব স্মরণ ।”
 বলিয়া অধিক স্নেহ,
 ভূজেতে বাঙ্কিয়া দেহ,
 হৃদয়ের কাছে আনি করিল ধারণ ॥

জয়ন্তু কহিল “মাতঃ,
 হবে না বিপদপাত,
 স্নেহেতে ভাবিছ এত আশঙ্কা বৃথাই ।
 একাকী এ যুদ্ধে যাব,
 নহে বড় লজ্জা পাব,
 দেব-দৈত্যে উপহাস করিবে আমায় ॥
 বৃত্তান্তে কি ভাবনা,
 আমিও জানি আপনা,
 কালি সে বুঝিছ যত দৈত্যের বিক্রম
 স্মরি অশ্রু কোন দেবে,
 জননি, না কর এবে
 বৃথা, কৈলু গত কল্য যত পরিশ্রম ॥
 দেখ মাতঃ সূর্যোদয়,
 বিলম্ব উচিত নয়”,
 বলিয়া বন্দিয়া শচী-যুগল-চরণ ;
 যুদ্ধস্থানে কৈলা গতি,
 ইন্দ্রাণী দিলা সম্মতি,
 অপাঙ্গে অশ্রুর বিন্দু, আকুল বচন ।
 নিদ্রাভঙ্গে চিন্তাস্থিত,
 রুদ্রপীড় উৎকণ্ঠিত,
 ভাবিছে কি হৈবে পুনঃ সমরে সে দিন
 ছিল সঙ্গে যোদ্ধা শত,
 নবতি হইলা হত,
 জীবিত যে কয় জন, শ্রাস্তিতে মলিন ॥
 কখন(ও) বা ভাবে ভ্রমে,
 জয়ন্তের পরাক্রমে,
 রুদ্রপীড় নাম বুঝি হয় বা নিফল ;
 উদ্ধ-হস্ত হৈবে নাশ,
 মিথ্যা বুঝি সে বিশ্বাস,
 জেতু বুঝি নহে তার বাসব কেবল ॥
 এইরূপ চিন্তাস্থিত,
 যুদ্ধসাজে স্মসঙ্কিত,
 প্রতিজ্ঞা করিছে দৃঢ় স্মরিয়া শঙ্কর ;

হয় যত্ন নয় জয়,
 নহিলে কভু নিশ্চয়
 ত্রিদিবে না যাবে আর বিদারি অশ্বর
 ভাবিতে ভাবিতে চায়,
 জয়ন্তে দেখিতে পায়,
 সজরে লইয়া সঙ্গে দশ দৈত্যবীর,
 অগ্রসর হৈলা রণে,
 রণ-শঙ্খ ঘনে ঘনে,
 আবার নিনাদি শূন্য করিল অস্থির ॥
 দ্বিগুণ বিক্রমে এবে,
 দানব আক্রমে দেবে,
 ছাড়িয়া বিকট দর্পে গর্জন ভীষণ ।
 দেব দৈত্যে যুদ্ধারক,
 আবার ভুবন শুরু,
 শূন্যমার্গে অবিরত অস্ত্র-সংঘর্ষণ ।
 আবার কাঁপিল ধরা,
 মূর্ত্তি ধরি ভয়ঙ্করা,
 তুমুল যুদ্ধ-সঙ্কুল, স্কন্ধ জলস্থল ;
 দগ্ধ হৈল তরুকুল.
 বিচ্ছিন্ন পর্বতমূল,
 ভীষণ কর্কশ বেশে সাজে রণস্থল ॥
 জয়ন্তু দানব-মাঝে,
 যুঝিছে তেমতি সাজে,
 যুঝিলা যেমন পুর্বে বিনতা-তনয়
 গরুড়ান্ মহাবীর,
 ফণীন্দ্রে করি অস্থির,
 প্রবেশি পাতালপুরে ভুজঙ্গময় ।
 চারিদিকে আশীবিষ
 ফণা ধরি অহর্নিশ,
 গাঢ় অঙ্ককারে করে বিকট গর্জন,
 গরুড় ছুর্জয় দর্পে,
 ঝাপটে ঝাপটে সর্পে,
 প্রসারি বিশাল পক্ষ করায় ঘূর্ণন ।

একুপে পূর্বাঙ্কু গত,
 জয়স্তু-শরে নিহত,
 আবার দানব পঞ্চ পড়িল ভূতলে—
 পড়ে যথা ধরাধর,
 শৃঙ্গ ভাঙ্গি ভূমি 'পর
 ভূকম্পনে চলে জল উছলে উছলে ।
 তখন আক্রুদ্ধ-বেশ,
 আকুঞ্চিত ভুরু-কেশ,
 রুদ্রপীড় মুহূর্ত্তেক জয়স্তুে নিরখি,
 ভীষণ হুঙ্কার-রবে,
 শৃঙ্খতে তুলিলা তবে,
 প্রকাণ্ড ক্রোধে এক মুষ্টিতে থমকি,
 ঘুরায় ঘুরায় বেগে,
 ঘোর শব্দ যেন মেঘে,
 দুর্জয় প্রচণ্ড তেজে করিল প্রহার ।
 না করিতে সম্বরণ,
 জয়স্তু-অঙ্গে পতন,
 হইল প্রকাণ্ড মূর্ত্তি শৈলের আকার ॥
 না সহি দুর্ভহ ভার,
 অচল বিকুলি-হার,
 বিচ্ছিন্ন হইলে যেন, পড়িল তেমন !
 কিম্বা যেন রাশীকৃত,
 চন্দ্ররশ্মি আভা-হৃত,
 খসিয়া পৃথিবী অঙ্গে হইল পতন !
 শিরীষকুম্বস্বর,
 যেন বা অবনী'পর,
 পড়িয়া রহিল মহী করিয়া শোভন ।
 দেখিতে দেখিতে ছাতি,
 নিমেঘে যিশে তেমতি,
 ভস্মেতে অঙ্গার দীপ্তি মিশায় যেমন !
 মৃত্যুহীন দেবকায়ী,
 মূর্ছাই মৃত্যুর ছায়া,
 জয়স্তুে আচ্ছন্ন করি চেতনা হরিল ।

নিস্ত্রিত মানব যথা,
 নিশ্চল হইল তথা,
 রেণু-ধূসরিত তনু পড়িয়া রহিল ॥
 উল্লাসে দানবদল,
 জয়শব্দ-কোলাহল,
 নিনাদে, অবনি শূণ্য কৈল বিদারণ ।
 শিহরে যেমন প্রাণী,
 শববাহী-হরিধ্বনি,
 গভীর নিশীথকালে করিয়া শ্রবণ,
 তেমতি সে ভয়ঙ্কর,
 দানবের জয়-স্বর,
 শুনিয়া শিহরে শচী অন্তরে পীড়িয়া,
 চঞ্চল দামিনী যথা,
 ইন্দ্রপ্রিয়া বেগে তথা,
 হেরে আসি পুত্রতনু ধরাতে পড়িয়া ।
 “হা বৎস জয়স্তু” বলি,
 স্থলিত চরণে চলি,
 ধাইয়া আসিয়া পার্শ্বে ধরিল তনয় ;
 কোলেতে করিল তনু,
 ছিলাশূণ্য যেন ধনু,
 বদনে স্থাপিয়া দৃষ্টি স্পন্দহীন হয় ।
 না বহে শ্বাস প্রশ্বাস,
 কণ্ঠে রুদ্ধ গাঢ় ভাষ.
 কঠোর অশ্রুর বিন্দু নেত্রে নাহি খসে,
 নয়নে নিবদ্ধ হেন,
 শিশিরের বিন্দু যেন
 কমল-পলাশে বদ্ধ হিমের পরশে ।
 অন্তরে প্রবাহ ধায়,
 হৃদয় ভাঙ্গিতে চায়,
 নির্গত হইতে নারে সে শোক-নির্ব্বার ;
 যেন কল কল করি,
 গহ্বর সলিলে ভরি,
 পর্ব্বত নির্ব্বার স্রমে বেষ্টিত প্রস্তর ।

না পড়ে চক্ষের পাতা,
 যেন ধরাতলে গাঁথা,
 মলিন প্রসূর-মৃতি অর্দ্ধ-অচেতন !
 পুত্রতনু কোলে ধরি,
 নিরখে নয়ন ভরি.
 হৃদয়ে শোকের সিদ্ধু হয় বিলোড়ন !
 যত দেখে পুত্রমুখ,
 তত বিফারিত বুক,
 ক্রমে তেজোরশি তত প্রকাশে বদন ;
 বারিভারাক্রান্ত মেঘ,
 ভেদিলে কিরণ-বেগ,
 প্রকাশয়ে সূর্য্য যথা, দেখিতে তেমন ।
 নিকটে চপলা সখী,
 শচীর মুখ নিরখি,
 স্বক্ৰভাব উচ্চৈঃস্বরে কান্দিতে না পার ;
 নয়নে অশ্রু ধার,
 গলিত যেন তুষার,
 বদন উরস বহি দর-দর ধায় ।
 ভাবে দৈত্যসুত মনে,
 চাহিয়া শচী-বদনে,
 পরশিতে এ শরীর প্রাণে যেন বাধে ;
 ধরিতে না উঠে কর,
 চরণ হয় অচর,
 এর চেয়ে নাহি কেন উচ্চৈঃস্বরে কাঁদে ?
 বুঝি বা নিষ্ফলে যায়,
 জনকের অভিপ্রায়,
 সময়ের এত ক্লেশ, এত যে আয়াস !
 জয়ন্ত সময় হত,
 শুধু সে সুখ্যাতি কত ?
 বুঝি পূর্ণ না হইল চিত্ত-অভিলাষ ॥
 চিন্তা করি ক্ষণকাল,
 নিকটে ডাকে করাল,
 অমুচর দৈত্যে এক নিকঙ্কর নাম ;

চিন্তে নাহি দয়ালেশ,
 খল পামরের শেষ,
 তারে আজ্ঞা দিলা পুরাইতে মনস্কাম
 উল্লাসে দানব ক্রুর,
 সর্প যেন ছাড়ি দূর,
 শচীর পশ্চাতে দ্রুত করিয়া গমন ;
 ভূজঙ্গ জড়ায় যেন,
 করেতে কুস্তল হেন
 জড়ায়, তুলিলা কেশে করি আকর্ষণ ।
 হায় মতঙ্গ যথা,
 ছিঁড়িয়া মুগাল-লতা,
 শুণ্ডেতে ঝুলায়ে তুলে শতদল থর :
 দানব-করেতে তথা,
 নিবন্ধ কুস্তল-লতা,
 তুলিতে লাগিল শূণ্ডে শচী-কলেবর !
 করিয়া উল্লাসধ্বনি,
 মুহূর্ত্তে ছাড়ি অবনী,
 উঠিল অচল-পথে দানবের দল,
 শিখরে শিখরে পদ,
 এড়ায়ে কন্দর নদ,
 শূণ্ডমার্গে চলে দৈত্য কাঁপায়ে অচল ।
 সংহতি চলে চপলা,
 আকাশ করি উজলা,
 ক্রন্দন-নিমাদে পুরি অস্তরীক্ষদেশ ;
 ছাড়িয়া উদয়গিরি,
 নানা শৈলশিরে ফিরি,
 স্বর্গের নিকটে আসি উত্তরিল শেষ ।
 রুদ্রপীড় অগ্রসর,
 শঙ্খে ঘন ঘোর স্বর,
 অমরা কম্পিত করি বাজায় তখন ;
 শুনিয়া দমুজ যত,
 প্রাচীরে প্রাচীরে শত,
 শত কষুনাৎ করে নিশ্বন ভীষণ ।

সে নাদ পশিল কাণে,
 বাজিল শচীর প্রাণে,
 মহসা ঘুচিল স্তম্ভ, চেতনা জাগিল,
 স্মৃতি-পথে আচম্বিতে,
 উখিত হইয়া চিত্তে,
 চিন্তা-সরিতের শ্রোত উখলি চলিল ।
 “কোথায় জয়স্তু হায় !”
 বলি চারিদিকে চায়,
 “কে করিল শূন্য কোল, কে করিল তোরে !
 বিপদে রাখিতে মায়,
 আসিয়া, ফেলিলি তায়,
 অকুল আঁধারময় শোকসিন্ধু-ঘোরে !
 কি দেখিতে আসি হেথা,
 হে ইন্দ্র, সূর্য্য, প্রচেতা,
 কই কোথা আমার সে জিনি পারিজাত ?
 জয়স্তু কুমার কই,
 শচীর নন্দন কই,
 দেবরাজ-পুত্র কই ? হায় রে বিধাতঃ !
 হা শঙ্কর উমাপতি !
 হা বিষ্ণু কমলাপতি !
 হায় গৌরী, হায় রমা, হায় বাগ্‌বাণী—
 শুধু আজি অকস্মাৎ,
 শচী-হৃদি-পারিজাত,
 কি আর দেখাবে স্বর্গে ইন্দ্রের ইন্দ্রাণী !
 এসো সে দেখিবে এবে,
 দানবের পদ সেবে,
 দুঃখিনী সহায়হীনা শচী ইন্দ্রজায়া !
 কোথায় ত্রিদশকুল !
 কোথা আশাশক্তি মূল !
 দম্বুজ-পরশে শচী—কলুষিত-কায়া !”
 বলি কান্দে ইন্দ্রপ্রিয়া,
 ঘৃণাতাপে দম্বু হিয়া,
 প্রজ্বলিত শোকানল-শিখায় অস্থির,

“হা জয়স্তু” বলি চায়,
 নাসাপথে বেগে ধায়,
 উত্তপ্ত ভীষণ শ্বাস-প্রশ্বাস গভীর ।
 বহে চক্ষুে জলধারা—
 যথা সে ত্রিলোক-তারা,
 ত্রিপথগা গঙ্গা যবে বিষ্ণুর চরণে,
 বহিলা অনন্ত শ্বেদি,
 বোমকেশ-জটা ভেদি,
 বিপুল তরঙ্গে ভাসাইয়া ঐরাবণে ।
 শচীর ক্রন্দন নাদে,
 ত্রিলোকের জীব কাঁদে
 ব্যাকুলিত কৈলাস, বৈকুণ্ঠ, ব্রহ্মপুরী ।
 ব্যাকুলিত রসাতল,
 ব্যাকুল অবনীতল,
 শচীর আক্ষেপ ধায় ত্রিভুগং পুরি ।
 যথা মহাবাত্যা যবে,
 ধ্বনি করে ঘোর রবে,
 ঘন বেগে ঘন ধারা, মারুত-গর্জ্জন,
 কখন বা হয় শাস্ত,
 কখন দাপে হৃদীস্তু,
 ভীষণ প্রচণ্ড বায়ু, প্রচণ্ড বর্ষণ !
 শচী কান্দে সেই বেশ,
 শূন্যে আকর্ষিত কেশ,
 বৃত্রাসুর-দূত আসি রুদ্রপীড়ে কয় ;
 “প্রবেশ অমরাবতী,
 দেখ সে দেব-দুর্গতি,
 সমরে অমর সহ দানবের জয় ।”
 রুদ্রপীড় দেখে চেয়ে,
 আছে শৈলরাজি ছেয়ে,
 চারিদিকে দেব-তনু কিরণ প্রকাশি ;
 দিনাস্তে নদীর জল,
 ঈষৎ-বায়ু-চঞ্চল
 তাহে যেন ভাসিতেছে ভানু-রশ্মিরাশি ।

দেখিতে দেখিতে চলে,
বৃজাস্বর-সভাতলে,
নিকঙ্কর শচীদেহ সেখানে রাখিল ;

শচীমূর্তি দৈত্যপতি,
নেহারি অনন্তগতি,
চমকি সন্মমে শীঘ্র উঠি দাঁড়াইল

দশম সর্গ

হেথায় কুমেরুশৈল ছাড়িয়া বাসব,
ইন্দ্রায়ুধ অস্ত্রাদিতে হৈয়ে সুসজ্জিত—
চলিলা কৈলাসধামে নিয়তি-আদেশে,
নিত্য বিরাজিত যেথা উমা, উমাপতি ।
উঠিতে লাগিলা শূন্যে, নিম্নে ধরাতল
জলধি পর্বত-মালা, তরুতে সজ্জিত—
দেখাইছে একেবারে আলেখ্য যেমন
বিভূষিত বেশভূষা চাক্র অবয়ব ।
নীলবর্ণ শোভাপূর্ণ বিশাল শরীর
কোন স্থানে প্রকাশিছে শাস্ত্র জলনিধি ;
অরণ্যানী শত শত কত শোভাময়
কোন থানে বিরাজিত বিটপমণ্ডলী ।
কত বেগবতী নদী শাখা প্রসারিয়া
চলিছে ধরণী-অঙ্গে তরঙ্গ বিমল,
ঘেরিয়া কানন, গিরি, নগরী, সুন্দর—
সহস্র প্রবাহমালা দীপ্ত প্রভাকরে ।
স্তরে স্তরে মেঘাকারে শোভে কোনখানে
সজ্জিত শৈলের শ্রেণী কুজাটি-আবৃত,
সুদৃশ্য ধরণী-অঙ্গে কিবা স্থললিত,
মণ্ডিত শিখর চাক্র ভানুর ছটায় !
হিমাদ্রির উচ্চ শৃঙ্গ দূর অস্তরীক্ষে
দেখিলা কাঞ্চনতুলা কিরণ-মণ্ডিত,
দেবগণ লীলাচ্ছলে শিখরে যাহার
প্রকাশিলা কোন(ও) কালে পবিত্র ভারতে
দেখিলা শূন্যেতে তার গোমুখী-গহ্বরে
ধায় ভাগীরথী-ধারা, দেখিলা নিকটে

কালিন্দী-সরিৎ-স্রোত বহিছে কল্লোলে,
সাজাইতে পুণ্যভূমি আর্ষা-প্রিয় দেশ ।
ক্রমে ব্যোমগর্ভে যত প্রবেশে বাসব,
স্তরে স্তরে পরস্পরে করি প্রদক্ষিণ
নিরখিলা সুসজ্জিত অস্তরীক্ষ মাঝে
জ্যোতির্বিমণ্ডিত কোটি গ্রহের উদয় ।
দেখিলা ভ্রমিছে শূন্যে শশাঙ্কমণ্ডল
ধরাসঙ্গে ধরা-অঙ্গ করি প্রদক্ষিণ,
প্রকাশিয়া চাক্রদীপ্তি সূর্য চারিধারে
শীতল কিরণে পূর্ণ করি নভঃস্থল ।
ভ্রমিছে সে সুধাকর পৃথিবী ছাড়িয়া
আরো দূর শূন্য-পথে অতি দ্রুতবেগে,
চক্রমাবেষ্টিত চারি, চাক্র-শোভাময়,
দীপ্ত বৃহস্পতিতনু ঘেরিয়া ভাস্করে ।
সে সকলে দূরে রাখি গ্রহ শনৈশ্চর,
ভাতি-উপবীত অঙ্গে, চলেছে ছুটিয়া-
ভয়ঙ্কর বেগে শূন্যে ঘেরিয়া ভাস্করে ;
অষ্ট কলানিধি সঙ্গে কি শোভা সুন্দর !
দেখিলা সে কত গ্রহ উপগ্রহ হেন,
অস্তরীক্ষে ভ্রমে সদা নিজ নিজ পথে
বিবিধ বরণছটা অঙ্গে প্রকাশিয়া,
আনন্দিত করি শূন্য অপূর্ব ধ্বনিতে ।
দেখিতে দেখিতে বেগে চলিলা বাসব
উর্ধ্ব উর্ধ্ব বায়ুস্তর করি অতিক্রম—
ধরাতল ক্রমে সূক্ষ্ম সূক্ষ্মতর অতি,
সুদূর নক্ষত্র তুলা লাগিল ভাতিতে ।

ক্রমে কীর্ণ—লীনপ্রায় মসীবিন্দুবৎ
 হইল ধরণী-অঙ্গ, বাসব ক্রমশঃ
 উঠিতে লাগিল। যত অনন্ত অয়নে,
 চন্দ্র শুক্র শনৈশ্চর ছাড়ি নিম্নদেশে ।
 অদৃশ্য ধরণী শেষ—বাসব যখন
 ছাড়িয়া সুদূর নিয়ে এ সৌরজগৎ,
 বায়ুবিরহিত ঘোর অনন্তের মাঝে
 উত্তরিল। আসি ভীম কৈলাসপুরীতে ।
 শব্দশূন্য, বর্ণশূন্য, প্রশান্ত, গভীর,
 ব্যাপ্ত সে ব্যোমদেশ, ব্যাসঅস্তহীন,
 বিকীর্ণ তাহার মাঝে ছায়ার আকার,
 অনন্ত ব্রহ্মাণ্ড মূর্তি কোটি কোটি কত !
 বিশ্বপ্রতিবিশ্ব হেন দশ দিক্ যুড়ি
 বিরাজিছে সে গগনে দেখিলা বাসব—
 ফুটিতেছে, মিশিতেছে, অনন্ত শরীরে,
 মুহূর্তে মুহূর্তে, কোটি জলবিশ্ববৎ ।
 বসিয়া তাহার মাঝে শঙ্কু ব্যোমকেশ
 ঐশ্বর্য্য-ভূষিত অষ্ট, সংযত মূর্তি,
 প্রকাশিত বস্তু, ভালে প্রগাঢ় ভাবনা ;
 তনু মনোহর ঘেন রজতের গিরি ।
 গাঙ্গেয় সলিল-কণা কণা পরিমাণে
 ঝরিতেছে জটাজুটে—ঝরিছে তেমনি,
 হিমাদ্রি-অচল-অঙ্গে উত্তুঙ্গ শিখর,
 ধবলগিরিতে যথা হিমবরিষণ ।
 বসিয়া নিমগ্ন-চিত্ত গভীর কথনে ;
 গভীর কথনে মগ্ন উমা বাম দেশে,
 একে একে বিশ্বনাথ বিশ্ববিশ্ব যত
 দেখায়ে গৌরীয়ে তত্ত্ব কহেন বুঝায়ে,—
 কি হেতু হইলা সৃষ্টি, সৃষ্টি কি প্রকারে,
 পঞ্চভূত, আত্মা, মনঃ, প্রকৃতি প্রথমা,
 পরমাণু, পরমাণু, উৎপত্তি, বিনাশ,
 কাল, পরকাল, ভাগ্য, বিধি-সংস্থাপনা ।
 পুরুষ-প্রকৃতিভেদ হৈলা কিবা হেতু,
 হইলা বা কত কাল, কিরূপ সে ভেদ,

ছিল কিম্বা নাহি ছিল সে ভেদ আদিতে,
 হইবে কি না হইবে পুনঃ সে অভেদ !
 কত কাল কোন্ বিশ্ব বিরাজে কি ভাবে,
 সৃষ্টির প্রারম্ভে মূর্তি স্থিতি কি প্রকার,
 কেন বা জগৎ-গর্ভে সকলি অদ্বায়ী,
 সদা পরিবর্তনশীল জড় কি চেতন ।
 কিরূপে অগুর সৃষ্টি, জীবের অঙ্কুর,
 হইল আদি মুহূর্তে, বিনাশন যবে
 কোথায় কি ভাবে রবে পরমাণুকুল ;
 জীবাত্মা অনিত্য কিবা নিত্য চিরদিন ।
 এই বিশ্ব স্খপ্রত্যক্ষ—এ সৌর জগৎ—
 বর্তমান কত কাল থাকিবে এ আর ;
 নরদেহধারী প্রাণী মনুজ আখ্যাত
 ধরিবে কি মূর্তি পুনঃ কল্পাস্তর পরে ।
 পাপ পুণ্য কিমে হয় ; দুষ্কৃতি, সুকৃতি,
 অদৃষ্ট অধীনগণে ঘটে কি প্রকারে ;
 সুখ হৈতে মানবের দুঃখ-পরিমাণ
 গুরুতর কেন এত জগতীমণ্ডলে !
 অল্প জীব-আত্মা আর, নরের আত্মায়,
 কি ভেদ, কি ভেদ দেব-মানবসম্মানে,
 দুঃখ-সুখ ভোগাভোগ মুক্তি বা নির্কীর্ণ,
 দেবতা, মানব, দৈত্য ভিতরে কি ভেদ ।
 এইরূপ দেব নর-চিন্তার অতীত
 নিগূঢ় তত্ত্ব নির্ণীত করি ব্যোমকেশ
 কহিছেন ভবানীর ব্রহ্মাণ্ড দেখায়ে ;
 শুনিছেন কাত্যায়নী চিত্ত প্রফুল্লিত ।
 এরূপে ব্যাপ্ত হৈমবতী মহেশ্বর,
 মহাঘোর শূন্য-গর্ভ কৈলাস-ভিতরে ;
 হেনকালে সুরপতি আসিয়া সেথায়
 সম্মুখে বন্দিল। উমা, উমাপতি হরে ।
 বাসবে দেখিয়া দুর্গা মধুর বচনে
 কুশল জিজ্ঞাসি তায় কৈলা সস্তাষণ,
 জিজ্ঞাসিলা—“কি কারণে গত এতকাল,
 না আইলা পুরন্দর কৈলাসপুরীতে ?

কি হেতু মলিন দেহ, বদন বিরস ?
 সর্বাঙ্গ বিবর্ণ শুষ্ক সমাধিতে যেন,
 কিম্বা যেন রণস্থলে ছিলা কত কাল—
 কি বিপদ উপস্থিত আবার ত্রিদিবে ?”
 কহিলা মেঘবাহন—“হে আত্মা প্রকৃতি,
 ভুলিলা কি সর্বকথা—দেবের দুর্দশা
 কি করিলা বৃত্রাসুর মহেশ্বর-বরে,
 সমরে অমরাবতী জিনিয়া প্রতাপে ?
 দেবগণ স্বর্গচ্যুত, জ্যোতিঃশূন্য দেহ,
 শিবদত্ত মহাশূল-আঘাতে তাড়িত,
 রক্ষা পাইল কোন্‌মতে পাতালে পশিয়া ;
 সুরভোগা স্বর্গ এবে দৈত্যের আবাস ।
 শচী বৈজয়ন্তহারা ভ্রমিছে ধরায়,
 অরণ্যে নিবাস নিত্য অহর্নিশিকাল ;
 অগ্নি দেবীগণ যত স্বর্গচ্যুত সবে,
 না জানি কি ভাবে কোথা আছে লুকাইয়া।
 ত্রিদিব বিজয়াবধি নিয়তি পূজায়
 নিমগ্ন ছিলাম আমি কুমেরু-জঠরে,
 পরাজিত, পরাশ্রিত, শক্র-তিরস্কৃত—
 বিপদ ইহার হৈতে কি আর ভবানি ?
 ভুলিলা কি মহেশ্বর, মহেশের মত,
 সুরবৃন্দে একেবারে ? ভুলিলা বাসবে ?
 ভুলিলা কি ইন্দ্রাণীরে পর্বতনন্দিনি,
 পার্বতি, ভুলিলা কি গো পুত্র ষড়াননে ?
 জানি নাই, ভাবি নাই, বিপদ নূতন
 হৈল কিনা উপস্থিত অগ্নি কিছু আর—
 নিয়তি-আদেশে নিত্য অস্তরীক্ষপথে
 চলেছি ক্রমশঃ এই কৈলাস উদ্দেশে ।”
 ভবানী কহিলা—“সত্য গুহে ভগবন,
 ভ্রাস্ত হৈয়ে এত দিন তত্ত্ব-আলাপনে
 ছিলাম ঈশান সঙ্গে রত এইরূপে ।—
 জান ত আনন্দ কত সে তত্ত্ব শ্রবণে ।
 কি কব সে মৃত্যুঞ্জয়ে ; সদা আশুতোষ,
 যে যাহা বাসনা করে না ভাবি পশ্চাৎ

দেন তারে অচিরাৎ বর আকাজক্ষিত,
 আপনি নিমগ্ন সদা এই চিন্তাস্থখে ।
 এতক্ষণ, ইন্দ্র, তুমি উপস্থিত হেথা,
 কথোপকথন এত তোমায় আমায়,
 হের সে নিবিষ্টচিত্ত তথাপি তেমতি,
 উমাপতি সমভাব—সংজ্ঞা-বিরহিত ।
 অমরে যন্ত্রণা এত দিলা বৃত্রাসুর ;
 আহা, ইন্দ্র, এত কষ্ট ভুঞ্জিলা হে তুমি !
 শচীর ধরায় বাস অরণ্য-ভিতরে !
 কার্ত্তিকেয় মহামূর্ছা-যাতনা-পীড়িত !
 ইন্দ্র, আমি এইক্ষণে কহিব শঙ্করে,
 তাঁর আশীর্বাদ-পুষ্ট দৈত্য দুরাচার
 উচ্ছিন্ন করিল স্বর্গ দেবে তিরস্কারি,
 করেন এখন দৈত্যনিধন উপায় ।”
 এত কহি কাত্যায়নী চাষ্টি মহাদেবে
 কহিলা—“শঙ্কর, হের আউলা বাসব
 কৈলাসভুবনে, দেব, তোমার আশ্রয়ে,
 তব বরপুষ্ট বৃত্র দৈত্যের পীড়নে ।
 হে শূলিন্, সদা তুমি একরূপে বিভ্রাট
 ঘটাব অমর-বৃন্দে দৈত্য আশ্বাসিয়া,
 দেখ স্বর্গরাজ্য এবে হয় ছারখার—
 দানব-দৌরায্যে, দেব না পারে তিষ্ঠিতে ।
 মায়া নাই, দয়া নাই, স্নেহ-বিরহিত,
 দেব-দেবীগণে সবে নিক্ষেপি বিপদে,
 ভুলিয়া আপন পুত্র পার্বতী-তনয়ে,
 আছ নিত্য এই ধ্যান-স্থখে নিমীলিত ।
 রক্ষিতে না পার যদি সৃষ্টির নিয়ম,
 আশু তুষ্ট হৈয়ে তবে কেন দুষ্ট জনে
 বর দিয়া, পাড় এত বিষম উৎপাত ?
 উমাপতি, কর বৃত্র-নিধন উপায় ।”
 ত্রিপুর-অস্ত্রক শত্ৰু শিবানীরে চাহি
 কহিলা—“হে হৈমবতি, বৃত্রের সংহার
 এখন (৩) কি না হইল ? পাপিষ্ঠ দম্বজ
 এখন (৩) কি সুরবৃন্দে করে নিপীড়ন ?

রহ গৌরী, ঋণকাল” বলি চিন্তা করি,
 কহিলেন শূলপাণি—“শুন হে বাসব,
 দুঃখ-অবসান তব হইবে সত্ত্বর,
 বৃত্তের নিধন ব্রহ্মদিবা অবসানে !”
 ইন্দ্র কহে—“দেবদেব, জানি সে সন্মাদ,
 অদৃষ্ট পূজিয়া বহু কষ্টে বহুকাল ;
 আদেশে তাঁহার এবে এসেছি কৈলাসে,
 বৃত্ত-বিনাশের প্রথা জানিতে বিশেষ ।
 ইন্দ্রের যাতনা, দেব, পারিবে বুঝিতে,
 বৃত্তভুজদর্পে রণে হৈয়ে পরাজিত,
 বাসবের বলবীৰ্য্য নহে অবিদিত,
 ভ্রাস্কর, তোমার আর উমার নিকটে ।
 আপন মহিমা ব্যক্ত করিতে আপনি,
 নাহি পারি—না সম্ভবে আখণ্ডে কভু
 ত্রিপুরারি, তবু চিত্ত-বেদনার বেগ
 দমন করিতে নারি চেতনা থাকিতে ।
 ছিলাম স্বর্গের পতি সুরেন্দ্র বিখ্যাত,
 অসুরের রণে কভু নহে পরাভব,
 আজি সে ইন্দ্র মম বৃত্তাসুরে দিয়া,
 ভ্রমি হের নানা স্থানে ভিক্ষুক সদৃশ ।
 এ কোদণ্ডতেজে দৈত্য না বধেছি কারে,
 বৃত্ত কি সে অস্ত্রাঘাত সহিত আমার ?
 কি কব, করিল যুদ্ধে অজ্ঞেয় তাহারে,
 আপন ত্রিশূল দৈত্যে দিয়া শূলপাণি !”
 কহিতে কহিতে ইন্দ্র কৈলা আকর্ষণ
 ভীমতেজে আপনার ভীষণ কাশ্মুক,
 ইন্দ্রের পরশে গাঢ়, চমকে চমকে,
 জ্বলিতে লাগিল তাহে জ্যোতিঃ অপরূপ ।
 সামান্য মানবকুলে বীর যেবা হয়,
 অরাতির দস্ত তার চিত্তের গরল ;
 পতঙ্গকীটের তুল্য নহে সে পরাণী,
 শত্রু-নির্ধাতনে মৃত্যু সেও চাহে কভু ।
 মহাবীৰ্য্যবান্ ইন্দ্র দেবের প্রধান—
 দম্বুজ-বিজিত হৈয়ে, হুতি-প্রজ্বলিত

বহিতুল্য চিত্ততাপে দগ্ধ নিরস্তর,
 হৃদয়ের দীপ্ত জ্বালা বাক্যেতে প্রকাশে ।
 শুনে উমা, উমাপতি আকৃষ্ট হইয়া,
 ইন্দ্রের কাতর-উক্তি, চিত্তে তীব্র বেগ ;
 হেনকালে অকস্মাৎ ব্যোমকেশ-জটা
 ঈষৎ কাঁপিল শীর্ষে শঙ্করে চেতায়ে ।
 খসিয়া পড়িল ধনু আখণ্ড করে,
 উমার অশ্রুর বিন্দু গণ্ডেতে ঝরিল,
 সহসা উদ্বেগ চিত্তে হইল সবার,
 বিপদে স্মরিছে যেন অনুগত কেহ ।
 জিজ্ঞাসিলা মহেশ্বর চাহিয়া উমারে—
 “কেন হৈমবতি, হেন হয় অকস্মাৎ ?
 বিপদে স্মরণ শিবে করিছে কেহ বা ?
 সহসা নত্বা জটা কাঁপিছে কি হেতু ?”
 না ফুরাতে শিববাক্য, কহিলা পার্শ্বতী
 “হে উমেশ, শচী আজ করিছে স্মরণ,
 বিপদে পড়িয়া ঘোর দৈত্যের পৌড়নে ;
 নৈমিষ হইতে দৈত্য করিছে হরণ ।”
 ভবানীর বাক্যারম্ভে দেবেন্দ্র বাসব
 জানিতে পারিয়া সর্ব, ছাড়ি হত্কার,
 তুলিয়া কাশ্মুক শূন্তে—দিবা জ্যোতির্ময়
 স্বর্গ-অভিমুখে শীঘ্র হইলা ধাবিত ।
 “তিষ্ঠ, ইন্দ্র, ঋণকাল” বলিয়া মহেশ
 হস্ত প্রসারিয়া তারে কৈলা নিবারণ ।
 শিব-করে আকর্ষিত হ’য়ে আখণ্ড,
 গর্জিতে লাগিলা যেন ক্রোধিত অর্ণব,
 যবে বাত্যা-উত্তেজিত, মেদিনী গ্রাসিয়া,
 ধায় ক্রোধে যাদঃপতি, অবরোধে যদি
 সে বেগ নিবারি অঙ্গে উচ্চ শৈলকুল,
 বেষ্টি চতুর্দিক দৃঢ় পাষণ-ভিত্তিতে ।
 গর্জি হেন ঋণকাল শাস্ত্রভাবে কিছু,
 কহিলা—“ধূজ্জটি, তৃপ্ত নহ কি অঙ্গাপি ?
 যা ছিল ইন্দ্রের শেষে তাহাও দম্বুজে
 সমর্পিলা এত দিনে, মৃত্যুঞ্জয়ী দেব ?

পুল্ল মূর্ছাগত, পত্নী দৈত্য-অপহৃত,
 রক্ষা হেতু যাই তাহে করহ নিবেদ ?
 বাসনা কি, শিব, তব ইন্দ্রের লাঞ্ছনা
 না থাকিবে বাকি কিছু বৃত্রাসুর কাছে ?
 কেন তবে সৃষ্টিমাঝে রেখেছ অমর ?
 কেন এ ব্রহ্মাণ্ড যত বিধি-বিরচিত
 নাহি চূর্ণ কর তবে ?—কেন, হে বিধাতঃ,
 করিলে দেবের সৃষ্টি যজ্ঞা ভুগিতে ?
 শিবের শিবত্ব শুধু এই কি কারণে ?
 অমরে অপ্রীতি সদা, সম্প্রীতি অমরে ?
 এই কি সে সর্বজন-পূজিত শঙ্কর ?
 স্বজনের শত্রু যার মিত্র-আচরিত ?
 নাহি চাহি কোন ভিক্ষা, না চাহি জানিতে
 বৃত্রবধ কি উপায়ে, ছাড়হ আমায়,
 দেখ পশুপতি, এবে কোদণ্ড-সহায়
 একা ইন্দ্র কি সাধিতে পারে স্বর্গপুরে ।”
 ইন্দ্রের ভৎসনা শুনি ত্রিপুর-অস্তক
 কহিলা আনিতে শূল বীরভদ্রে চাহি,
 কহিলা বাসবে,—“শাস্ত হও সুরপতি,
 শচীর স্মরণে চিত্ত হয়েছে ব্যাকুল ।
 এত দর্প দহুজের অমরা হরিয়া,
 অমরাবতীর শোভা—শচী পুলোমজা—
 পরশে শরীর তার ?—হারে বৃত্রাসুর ?
 শিবের প্রদত্ত বর ঘণিত করিলি ?”
 বলিতে বলিতে ক্রোধ হইল মহেশে,
 ব্রহ্মাণ্ডের বিশ্ব যত শূণ্ডে মিশাইল,
 পরশিল জটাজুট অনন্ত আকাশে,
 গরজিল শিরে গঙ্গা বিভীষণ নাদে ।
 গজ্জিলা তেমতি, যথা হিমাদ্রি বিদারি
 ভাগীরথী ধায় মর্জে গোমুখী-গহ্বরে ;
 জলিল ললাট-বহি প্রদীপ্ত-শিখায়—
 বহিময় হৈল সেই শূন্যব্যাপী দেশ ।
 ধরিলা সংহার মূর্ত্তি, রুদ্র ব্যোমকেশ,
 গজ্জিয়া সংহার-শূল করিলা ধারণ,

তুলিলা বিষাণ তুণ্ডে—দীপ্ত খেত তনু,
 অনল-সমুদ্রে যেন ভাসিল মৈনাক ।
 ভয়ে পুরন্দর শীঘ্র সম্মুখ ছাড়িয়া
 ঈশানী-পশ্চাতে আসি কৈলা অধিষ্ঠান ;
 বীরভদ্র সজ্জাসিত দাঁড়াইল দূরে,
 পার্বতী ঈশানে উচ্চ করিলা সস্তাষ—
 “সম্বর সম্বর দেব, সংহার-ত্রিশূল,
 না কর বিষাণে ঘোর প্রলয়ের ধ্বনি,
 অকালে হইবে সর্বসৃষ্টি বিনাশন,
 সম্বরণ কর শীঘ্র সংহার-মূর্ত্তি ।
 কি দোষ করিলা কহ বিশ্ববাসিগণ ?
 কি দোস করিলা অন্য প্রাণী যে সকল ?
 কোন্ দোষে দোষী, দেব, দেবতা মানব ?
 একা বৃত্রে বিনাশিতে বিশ্ব ধ্বংস কর ?
 কহ ইন্দ্রে বৃত্রনাশ-বিধি, ত্রিপুরারি,
 নিক্ষেপে সংহারশূল সৃষ্টিনাশ হবে ;—
 ভবিতব্য-লিপি, দেব, না কর খণ্ডন,
 সম্বর সংহার-মূর্ত্তি ঈশ, উমাপতি ।”
 পার্বতী বাক্যেতে রুদ্র ত্যজি উগ্রবেশ,
 ধরিলা আবার পূর্ব-প্রশাস্ত মূর্ত্তি—
 রজত-গিরি-সন্নিভ ধবল অচল
 ভূষিয়া বরষে যথা হিমানীর কণা ।
 সহাস্ত-বদনে ইন্দ্রে সস্তাষি কহিলা—
 “আখণ্ডল, বৃত্রবধ অমুচিত মম,
 পার্বতী কহিলা সত্য, এ শূল-নিক্ষেপে
 সমূহ ব্রহ্মাণ্ড নষ্ট হৈবে অকস্মাৎ ।
 পুরন্দর, ভাগ্যে তার মৃত্যু তব হাতে,
 যাও শীঘ্র দধীচি মুনির সন্নিধান,
 মহাতেজঃপুঞ্জ ঋষি, দেব-উপকারে
 ত্যজিবে আপন দেহ, পবিত্র-হৃদয় ।
 দধীচির পুত্র অস্থি বিশ্বকর্মা-করে
 হইবে অদ্ভুত অস্ত্র—অমোঘ সন্ধান ;
 সংহার-ত্রিশূল তুল্য তেজঃ সে আয়ুধে,
 প্রলয়-বিষাণ-শব্দে নিনাদিবে সদা ;

অব্যর্থ হবে সে অস্ত্র তীব্র বহিময়
সর্বত্র সকল কালে সর্বসংহারক ;
ত্রিদিবে না রবে আর দানব-উৎপাত,
বজ্র নামে সেই অস্ত্র হৈবে অভিহিত ।
ব্রহ্মার দিবাক্ষ অস্ত্রে সায়াছে যখন
সূর্য্যরথ অস্ত্রাচল চূড়া পরশিবে,
নিষ্কেপ করিবে তাহা বৃত্ত-বক্ষস্থলে,
যাও শচী-উদ্ধারিতে, সত্তরে বাসব !

বদরী-আশ্রমে ঋষি দধীচি এক্ষণে
তপস্বী করিছে, বিষ্ণু-আরাধনা ধরি,
সেইখানে, স্তরপতি ইন্দ্র, কর গতি,
অস্থি লভি বৃত্তাস্তরে বিনাশ বজ্রেতে ।”
শুনিয়া শঙ্কর-বাক্য সহর্ষ বাসব,
বিশ্বমাতা উমারে বন্দিয়া ভক্তিভাবে,
বন্দি গাঢ় ভক্তি সহ দেব উমাপতি,
চলিলা দধীচি-পার্শ্বে স্ত্রেতে মিশায়ে ।

একাদশ সর্গ

সমরে অমর পুনঃ হৈলা পরাভব,
অমরাবতীতে দৈত্য করে মহোৎসব ।
জয়ধ্বনি, কোলাহল, পথে পথে পথে ;
ভ্রমিছে দানববৃন্দ পূর্ণ মনোরথে ।
রথব্রজ সুসজ্জিত, সুসজ্জিত হয়,
সজ্জনাশোভিত শাস্ত্র কুঞ্জর-নিচয় ।
আরুঢ় সৈনিকবৃন্দ উৎসবে নিরত ;
সমূহ অমরা ব্যাপি ভ্রমে অবিরত ।
পুষ্পমাল্যে পরিপূর্ণ গৃহহর্ম্যরাজি,
বজ্র-পাশে শোভে দিব্য পতাকায় সাজি
সিক্ত-সুগন্ধি-বারি স্নিগ্ধ পথিকুল,
চতুঃপথ-পথ-উর্দ্ধে বিগ্ৰাসিত ফুল ।
বাজিছে প্রাচীরে, শৈল-শিখরে-শিখরে
বিজয়ধ্বনি, মূহু জলদের স্বরে ;
ভাসিছে আনন্দে দৈত্যরমণীমণ্ডলী,
সংগ্রামনিবৃত্ত পুত্র, পতি, বন্ধু দলি ;
মার্জিত পুষ্পের হার গ্রথিত যতনে
পরাইছে পতিপুত্রে প্রফুল্লিত মনে ।
মঙ্গল-সূচনা নানা, মঙ্গল-বাদন,
আলয়ে আলয়ে সদা সঙ্গীত নর্দন ।
পদব্রজে গীতিজীবী চিত্ত-উৎসাহিত,
গাইয়া ভ্রমিছে স্থখে বিজয়সঙ্গীত ।

অসীম আনন্দ মনে, দিতিস্মৃতগণে
স্থখে নিরগিছে আশ্র আশার দর্পণে ;—
সমরে অমরজয়—স্বর্গপুরে শচী—
জড়াইছে চিত্তে নানা বাসনা বিরচি ।
ছুটিছে দেগিতে শচী দৈত্যবালাগণ,
বিচলিত কেশ-বেশ স্থলিত বসন ;
অঞ্চল লুটায় ভ্রমে, কঞ্চলিকা খসে,
রসনা ত্যজিয়া শ্রোণি নিতম্ব পরশে ;
বক্ষ ছাড়ি ভূজশিরে উঠে একাবলী,
কুণ্ডল চঞ্চল ভয়ে ধরে কেশাবলী ;
মঞ্জীর ছাড়িয়া পদ পড়ে ক্ষিত্তিতলে,
চরণ-অলক্ত লুপ্ত, পৃক্ত রেণুদলে ।
ছুটিছে আনন্দশ্রোত ত্রিদিব পুরিয়া,
ভ্রমিছে দানববৃন্দ জয়ধ্বনি দিয়া ;
রুদ্রপীড়-যশোগীত সর্বজনমুখে,
বৃত্তের বিক্রম সর্বজন ভাবে স্থখে ।
বৈজয়ন্ত-মাঝে ঐন্দ্রিলার নৃত্যাগারে,
দৈত্যপতি পুত্রমুখ আনন্দে নেহারে ।
ঐন্দ্রিলা বসিয়া বামপার্শ্বে হান্তমুখ,
শচীর হরণবার্তা শুনিত উৎসুক ।
রুদ্রপীড়ে সম্বোধন করি দৈত্যরাজ,
কহিলা “তনয়, দীপ্ত দৈত্যের সমাজ

তোমার যশঃপ্রভায়, তোমার বিক্রমে ;
 কিরূপে আনিলা শচী কহ অমুক্ৰমে ।”
 রুদ্রপীড়—বৃত্রপুল্ল—বাক্য স্ববিনীত,
 কহিলা পিতারে চাহি “সামান্য সে পিতঃ,
 সামান্য বারতা তুচ্ছ কহিব কি আর,
 দেখিলাম স্বর্গে আসি যেন চমৎকার,
 সে কথা অগ্রেতে, তাত, শুনাও তনয়ে—
 নির্জীব নিরখি কেন অমর-নিচয়ে ?
 কবে হৈল, কিবা যুদ্ধ, কে যুদ্ধ করিল ?
 কোন্ বীর বাহুবলে বিপক্ষে মথিল ?
 বড়ই রহিল ক্ষোভ—আমি সে সমরে
 না লভিহু কোন যশঃ যুঝিয়া অমরে !
 না জানি যে ভাগাধর কত সূনৈনিক,
 আমার পূর্কের যশঃ করিল অলীক ।
 কি সামান্য খ্যাতি লভি জয়ন্তে জিনিয়া ?
 কিবা কীর্তি করি লাভ শচীরে আনিয়া ?
 অস্ত না থাকিত, কীর্তি হইত অক্ষয়,
 এ যুদ্ধে অমরবৃন্দে কৈলে পরাজয় !
 বৃথা সে জল্পনা, তাত, কহিয়া সম্বাদ,
 প্রীতি দান কর পুত্রে—শুনিতে আহ্লাদ ।”
 রুদ্রপীড়বাক্যে তবে দমুজের পতি
 কহিলা—“তনয়, নাহি হও ক্ষুণ্ণমতি ।
 যশোভাগ্য বড় তব জানিহ নিশ্চয়,
 ছিলে না এ দেবাসুর-যুদ্ধে সে সময় ;
 থাকিলে সূখ্যাতিভাগ বৃদ্ধি না পাইত,
 অথবা পূর্কের যশে মালিগ্ন ধরিত ।
 মহাপরাক্রান্ত যত সেনাপতি মম,
 সর্বজনে এ সমরে হৈলা অসম্মম ।
 শুন তবে, চিন্তে যদি এতই আক্ষেপ,
 সংগ্রামের সমাচার কহি সে সংক্ষেপ ।
 নৈমিষ-কাননে গতি করিলা যখন,
 কিঞ্চিৎ বিলম্বে তায় যত সুরগণ,
 চারিধারে একেবারে বিধম সাহসে
 আক্রমণ কৈলা পুরী সহসা হরষে ;

পাইল কি না পাইল ইন্দ্র-সমাচার,
 কহিতে না পারি, কিন্তু বিক্রমে দুর্বার
 পশিতে লাগিল দ্বার করিয়া উচ্ছেদ,
 লজ্জিয়া প্রাচীর-চূড়া, ভিত্তি করি ভেদ ;
 তিন অহোরাত্রি দৃষ্টি-শ্রুতিপথ রোধে
 অস্থরে অস্ত্রের বৃষ্টি উভপক্ষ যোধে ।
 দেবতা দৈত্যের জান সমরের প্রথা,
 জান ত কি দুর্নিবার সংক্রুদ্ধ দেবতা ;
 বৈশ্বানর অরুণের জান ত প্রতাপ,
 একে একে যুঝে যদি ধরিয়া উত্তাপ,
 বরুণের তীব্রবেগ, প্রভঞ্জন-বল,
 পার্শ্বতী-পুত্রের বীর্য্য, সমর-কৌশল,
 অবগত আছ সর্ব ; একত্রে সে সবে,
 একেবারে প্রজ্জলিত করিল আহবে ।—
 অগ্নি প্রবেশিলা তেজে পশ্চিম তোরণে,
 সূর্য্য দেখা দিলা পূর্বে সহস্র কিরণে,
 উত্তর তোরণে দৌহে বরুণ পবন,
 পুরদ্বার লৈলা নিজে পার্শ্বতী-নন্দন ।
 অসংখ্য অমর নৈমিষ সংহতি সবার,
 একেবারে ভেদ কৈলা পুরী চারিধার ।
 পরা ক্রান্ত সেনাধ্যক্ষ, বীরবর্গ যত,
 রণক্ষেত্র আচ্ছাদিয়া পড়ে অবিরত ;
 তুমুলরণসংকুল উভয় সেনায়,
 পরাজয় দৈত্যদলে, জয় দেবতায় ।
 অসহ দুর্ধর বেগে একান্ত অস্থির,
 ভঙ্গ দিলা যুদ্ধ ত্যজি দৈত্যপক্ষ-বীর ।
 পুরীমধ্যে প্রবেশিলা আদিত্য সকল ;
 বিক্রান্ত অসুর-নৈমিষ আতঙ্কে বিহ্বল ।
 তখন একাকী যুদ্ধে হইয়া নিরত
 আদিত্যেয়গণে করি পুরী-বহির্গত ।
 পূর্ব-রণে ত্রিদশ পলায় রমাতলে,
 এবার রহিল সবে সংগ্রামের স্থলে ;
 করিল অদ্ভুত যুদ্ধ অদ্ভুত বিক্রম ;
 সম্প্রহারে আমারও হৈল বহু শ্রম ;

তখন সে শিবদত্ত ত্রিশূল-প্রহারে,
 একেবারে বিলুপ্তিত কৈলু সবাচারে ।
 দেবের যে মৃত্যু, সবে এবে সে মূর্ছায়—
 কত কাল না ভুগিব আর সে জালায় ॥”
 শুনিতে শুনিতে, রুদ্রপীড়-সর্বকায়
 লোমহর্ষ দেখা দিল উৎসাহ-ছটায় ;
 বিস্ফারিত নেত্র, উরঃস্থল বিস্ফারিত—
 গুণ-ছিন্ন হৈলে যথা ধনু প্রসারিত,
 অথবা ক্রোধিত ফণী যথা ফণা ধরে,
 ব্যালগ্রাহী-কোলাহল শুনিলে অন্তরে—
 সেই ভাবে রুদ্রপীড় চাহিয়া জনকে
 ছাড়িল নিশ্বাস দীর্ঘ, হলকে হলকে ।
 কহিল—“হা পিতঃ, মম না ঘটিল ভাগে,
 যুঝিতে সে দেবাত্ম-যুদ্ধে অনুরাগে ;
 সুযোগ তাদৃশ আর ঘটন হুঙ্কর—
 চির-আশা এত দিনে হইল অন্তর !”
 বৃত্তাস্তুর কহে “পুল, না ভাব বিষাদ,
 কহ এবে শুনি তব নৈমিষ-সম্বাদ ।
 বহু খ্যাতি কৈলা লাভ সে কার্য-সাধনে,
 পুরিছে অমরা তব যশের কীর্তনে ।”
 পিতার আদেশে রুদ্রপীড় আদি-অস্ত
 প্রকাশ করিলা জিনে যেরূপে জয়ন্ত ;
 কহিলা জিনিতে যত পাইলা আয়াস,
 আনিলা যেরূপে শচী করিলা প্রকাশ ।
 শুনিয়া ঐন্দ্রিলা মহা-আনন্দে মগন,
 মুখভ্রাণ লৈয়ে, শীর্ষ করিলা চূষন ;—
 কেমন দেখিতে শচী, কিরূপ বরণ,
 কিরূপ আকৃতি, কিবা অঙ্গের গঠন ;
 কিরূপ বসন, ভূষা, চলন কিরূপ,
 কত বয়ঃ, কার মত, কিবা তার রূপ ;
 হাব-ভাব, হাসি-ভঙ্গি, নামা, গুণধর,
 বক্ষ, বাহু, কটি, উরু, অঙ্গুলি, নখর,
 দেখিতে কিরূপ—জিজ্ঞাসয়ে শতবার,
 জিজ্ঞাসয়ে কেশপাশ, কুর কি প্রকার ;

তিল তিল করি শচীরূপের বর্ণন,
 শতবার শত ছলে করিলা শ্রবণ ।
 রুদ্রপীড় কহে “শচী অতি রূপবতী,
 বর্ণিতে সে রূপ নাহি আইসে ভারতী ;
 রূপ হৈতে গাভীর্য্য গভীর অতিশয়,
 কণিক আমার (ই) চিত্তে সন্মম উদয় ;
 বসিল নৈমিষে যবে পুল কোলে করি,
 দেখিয়া সে মূর্ত্তি চিত্ত উঠিল শিহরি ;
 দেবী বটে, বটে শচী শক্রর বনিতা,
 তথাপি সে মূর্ত্তি চিত্তে আছে প্রভাষিতা ।”
 শুনিয়া উথলে ঐন্দ্রিলা চিত্তবেগ ;
 বদন ঢাকিল যেন ঘোরতর মেঘ ।
 বহুদিন হৈতে শচীরূপের গরিমা,
 বহুদিন হৈতে তার গর্বে মাহিমা,
 শুনিত ঐন্দ্রিলা পূর্বে—কখন কদাচ,
 আঁচে শুনা, আঁচে জানা, কটুতার আঁচ
 পরাণে আছিল অগ্রে, শুনিত ভুলিত ;
 শচীও না ছিল কাছে, ধরাতে থাকিত ।
 এবে নিত্য নিত্য তার শুনি রূপগুণ,
 হৃদয়ে জ্বলিল যেন জ্বলন্ত আগুন ।
 হিংসার ভাজন যদি থাকে বহুদূরে,,
 হিংসকের চিত্ত তবু কালকূটে পুরে ;
 নিকটে আইলে বিষ উথলে তখন,
 অসহ, হৃদয়ে জলে, চিত্তার দহন ।
 আছিল বিশ্বাস অগ্রে, গরবে কেবল,
 শচীর সূখ্যাতি ব্যাপ্ত জিলোকমণ্ডল ;
 সৌরভ যে এত তার, মাধুর্য্য নির্মল,
 না জানিত, এবে শুনি হইল পাগল ;
 তাহে পুল মুখে তার রূপের বাখানি—
 জ্বলন্ত গরলে যেন পুরিল পরাণী ।
 লুকাইতে ঈর্ষাবেগ না পারিয়া আর,
 বৃত্তাস্তুরে কহে দর্পে নখে ছিঁড়ি হার—
 “যে আইসে সেই কহে এমন তেমন,
 রতি কহে নাহি শচীরূপের তুলন ;

সত্যই কি শচী তবে এতই রূপসী ?
আমার অঙ্কের বর্ণ তার অঙ্কে মসী ?
আমার এ কেশ, তার কুস্তল তুলায়,
চারুতায়, মৃদুতায় শুনি লজ্জা পায় ।
এ শরীরে নাহি তার দেহের গরিমা ?
এ গ্রীবাতে নাহি সেই গ্রীবার ভঙ্গিমা ?
জানে না চরণ মম চলন-প্রণালী ?
সিংহীর চলনি তার, আমি সে শৃগালী ?
শুন, হে দানবপতি, শুন তোমা কহি,
আর সে তিলার্ককাল বিলম্ব না সহি,
এখনি আনহ শচী, কিঙ্করীর বেশে,
দাঁড়াক আসিয়া পার্শ্বে,

রূপব্যাখ্যা শেষে ;

রূপ আছে, আছে তার, রূপ কেবা চায় ?
দেখি আগে কেমন সে চামর তুলায় ;
দেখি আগে হাতে দিয়া তাধুল-আধার,
দেখি সে কেমন জানে অঙ্গ-সংস্কার ;
কেমন পরায় বাস, সাজায় ভূষণ ;
জানে কি না ভালরূপে কবরী-রচন :
জানে যদি ভালমত হাব-ভাব হাস,
রাখিব নিকটে তারে শিখাবে বিলাস ;
নতুবা যেমন সিংহী—সিংহীর আচারে
থাকিবে পিঞ্জরাগারে চতুষ্পাথ ধারে ;
দেখাইতে আছে রূপ, দেখাইবে সবে,
পাবে সুখ, রূপব্যাখ্যা পথিকের রবে ।
আন তারে, দৈত্যপতি, বিলম্ব না কর,
চল আজ মহোৎসবে স্মেরু-শিখর ;
পশ্চাতে চলুক মম শচী গরবিনী,
হইয়া বসন-ভূষা-তাম্বুলবাহিনী ;
দেখুক দানব সবে গৌরব কাহার—
পুলোম-দুহিতা কিম্বা দৈত্য-মহিলার !”
শুনিয়া জননী-বাক্য, বিনীত-বচনে,
রুদ্রপীড় কহে, ‘মাতঃ, কষ্ট

কি কারণে ?

দাসী হৈতে আসিয়াছে হইবে সে দাসী ;
মহম্ব হারাও কেন লঘু প্রকাশি ?”

পুলের বচনে, চাহি ব্যাধীর সদৃশ,
কটাক করিয়া কূট, নেত্র অনিমিষ
ঐন্দ্রিলা কহিলা, “পুল, তুমি শিশু অতি,
কি জানিবে আমার এ চিত্তের যে গতি ?
বামন কি পারে কভু শিখর পরশে ?
গরুড়ের নীড়ে সাধ করে কি বায়সে ?
নারীমাঝে আমা হৈতে অগ্র যদি কেহ
অধিক গৌরব ধরে, দহে যেন দেহ—
হৃদে জলে হলাহল—সে যদি না মম
কাছে থাকি সেবা করে কিঙ্করীর সম ;
শুন কহি ঐন্দ্রিলার স্মৃদূচ বচন—
অনন্তে রঞ্জিবে শচী আজি এ চরণ ।”
কৈলাসে ঐন্দ্রিলাবাক্য শুনিল ঐশানী ;
শচীরে ভাবিয়া হৈল আকুল পরাণী ॥
কহিলা মহেশে, মহেশের ক্রোধানল
জলিল প্রদীপ্ত করি গগনমণ্ডল ;
বাজিল প্রলয়শব্দ শ্রুতি-বিদারণ ;
বহিল ঘন হুঙ্কারে ভীষণ পবন ;
সংহার-ত্রিশূলক্রুতি জ্যোতিঃ বায়ুস্তরে
ভ্রমিতে লাগিল দীপ্ত বৈজয়ন্ত পরে ।
চমকিল ব্যোমমার্গে ভাস্করের রথ ;
অতল ছাড়িয়া কুর্ম উঠে অদ্রিবৎ ;
বাহুকি গুটায় ফণা, মেদিনী কম্পিত ;
উত্তাল উল্লোলময় সিন্ধু বিধূনিত ;
ভয়েতে ভূঙ্গকুল পাতালে গর্জয়,
সমুজাত শিশু মাতৃস্তন ছাড়ি রয় ;
বিদীর্ণ বিমানমার্গ, গিরিশৃঙ্গ পড়ে ;
চেতনে জড়ের গতি, গতিপ্রাপ্ত জড়ে ;
টলমল্ টলমল্ ত্রিদশ-আলয়,
মুচ্ছিত দেবতা-দেহে চেতনা-উদয় ;
দোহল্য সঘনে শূন্যে স্মেরু-শিখর ;
ঘোর বেগে বৈজয়ন্ত কাপে থর থর !
ঐন্দ্রিলার হস্ত হৈতে খসিল কঙ্কণ,
রুদ্রপীড়-অঙ্কে হৈল লোম-হরষণ ;
নিঃশব্দ বৃত্তের নেত্রে পলক পড়িল,
“রুদ্রের ক্রোধায়ি-চিহ্ন” বলিয়া উঠিল ।

প্রথম খণ্ড সমাপ্ত ।

দ্বিতীয় খণ্ড : ষাটশ সর্গ

কহ, মাতঃ শ্বেতভূজে, স্বয়ম্ভূনন্দিনি,
 কি হইলা অতঃপর বৈজয়স্বধামে ?
 শিবের ক্রোধাগ্নি-শিখা, ব্যাপি ষোড়শদেশ,
 ত্রাসিত করিলা যবে ত্রৈলোক্য-মণ্ডল ।
 কি করিলা বৃত্তাস্তুর, কি ভাবিলা চিতে,
 গুনিয়া সে ভয়ঙ্কর প্রলয়-বিষাণ ?
 দাঙ্গিকা গন্ধর্ব্ব-বালা দৈত্যেন্দ্র-মহিষী
 সে দৈব উৎপাতে, কহ, চিত্তে কি ভাবিলা
 ইন্দ্রপুরী প্রবেশিয়া পুলোমানন্দিনী
 যাপিলা কিরূপে কাল রিপুদলমাঝে ?
 কি করিলা দেবগণ দানবে দণ্ডিতে ?
 কিরূপে যুঝিলা স্বর্গ, শচী উদ্ধারিতে ?
 কেমনে দেবেন্দ্র ইন্দ্র, অভীষ্ট সাধিতে,
 লভিল দধীচি-অস্থি ? বিশ্বকর্মা তায়
 কিরূপে গঠিলা বজ্র—ভীম প্রহরণ ?
 বধিলা কিরূপে ইন্দ্র বৃত্ত মহাসুরে ?
 কহ, মাতঃ, অমরার কোন্ স্থানে এবে
 শিব-শক্তিধর বৃত্ত ? কি চিন্তা-পীড়িত ?
 শূন্য কেন বৈজয়স্বস্ত সভাগৃহ আজি ?
 হে দেবি, করিয়া দয়া, কহ সে ভারতী ।
 উত্তুঙ্গ সূমেরু-শৃঙ্গ উঠেছে যেখানে
 অনন্ত গগনমার্গে—স্বর্গ শোভা করি,
 মস্তকে বিশাল শূন্য ধরি যেন স্মৃথে,
 হর্ষে হাসিতেছে নিজ সামর্থ্য নিরগি,
 শূল হস্তে দৈত্যপতি একাকী সেখানে
 দাঁড়ায়ে ভূধর-অঙ্গে অঙ্গ হেলাইয়া,
 একদৃষ্টি শূন্যদেশে কটাক্ষ হানিছে—
 যেখানে শিবের ক্রোধ-বহ্নি দেখা দিল ।
 অপূর্ব্ব দেখিতে চিত্র !—সূমেরু-অচলে
 বৃত্তের বিশাল বপুঃ, গিরি যেন কোন(ও)

অন্য কোন(ও) গিরি-অঙ্গে পড়েছে হেলিয়া,
 পরীক্ষা করিছে শক্তি দেহে কার কত !
 ভীমদৃষ্টি ভয়ানক, কুঞ্চিত ক্রভাগ,
 তিমিরে আচ্ছন্ন মুগ তিন চক্ষু জলে,
 মেঘেতে আচ্ছন্ন যেন গগন গম্ভীর
 বিদ্যাতের ছটা ধরি ! ভাবে বৃত্তাস্তুর—
 “শিবের ক্রোধাগ্নি কি এ ? শিবের বিষাণ
 গজ্জিন কি অইখানে ত্রৈলোক্য কাঁপায় ?
 জাগাতে নিদ্রিত বৃত্তে—জানাতে তাহারে
 তাহার দিবস-অন্ত ! কৃতান্ত-শর্করী
 আসিছে তমসা-জালে ঢাকিতে দানবে ?
 দর্পে যার প্রকম্পিত, পল্লবের প্রায়,
 ভুলোক, ছালোক, শূন্য ! ভূজবলে যার
 স্বর্গে, মর্ত্তে দৈত্যনাম নিত্যপূজনীয় !
 মুণ্ড কাটি করি তপ কত কল্পকাল,
 গন্ধাধরে ভুষ্ট করি অভীষ্ট লভিত্ব !
 সিদ্ধ হৈলু শিব-বরে খ্যাতি ত্রিভুবনে—
 সে সৌভাগ্য-শিখা এবে হবে কি নির্বাণ ?
 পশু শিব-আরাধনা ? সামর্থ্য নিফল ?
 অবিশ্রান্ত রণ-ক্লেশ অশেষ যাতন,
 দুর্ব্বার সংহার-শূল শঙ্কর-অপিত,
 সব ব্যর্থ ? দৈব-বহ্নি ঘোষিল কি ইহা ?
 অথবা উন্মাদ আমি অলীক আতঙ্কে
 ভ্রাস্ত হয়ে ভাবি মনে—তবে কি কারণ
 সহসা ত্রিনেত্রে মম পলক পড়িল ?
 শিব-ক্রোধানল ভিন্ন বৃত্ত ভীত কিসে ?
 হবে বা দয়ার্দ্ৰচিত্ত দেব আশুতোষ
 ক্রুদ্ধ হৈলা ইন্দ্রজায়া শচী-কারাবাসে ?
 জানাইলা রোষ তাঁর—ভক্তপ্রিয় দেব
 জ্বলাইয়া ক্রোধানল গগনমণ্ডলে !”

এত ভাবি, দৈত্যপতি নিশাসি গভীর
কটাক হানিলা তীব্র শূণ্ডিতে আবার ;
নমিলা উদ্দেশে রুদ্রে, শিবদত্ত শূলে
সম্মুখে পূজিয়া যত্নে ফিরিলা আলায়ে ।
ইন্দ্রপুরী-ঘারে দৈত্যা, ঐন্দ্রিলা সুন্দরী,
ক্রত কৈলা আলিঙ্গন দানবে দেখিয়া,
সাদর-সম্ভাষ মুখে, নেত্রে প্রেমশিখা,
যতনে ধরিলা হস্ত অপাঙ্গ হেলায়ে ।
দৈত্যনাথ চিন্তামগ্ন, না কৈল উত্তর ।
চতুরা ঐন্দ্রিলা ভাব বুঝিলা ভঙ্গিতে,
ধরিলা গভীর মূর্ত্তি ; ধীর পাদক্ষেপে,
হস্ত ধরি, ধীরে ধীরে গৃহে প্রবেশিলা ।
বসাইল রত্নাসনে—হায়, যে আসনে
ইন্দ্র, ইন্দ্রজয়া, পূর্বে লভিত বিশ্রাম,
ত্রিদিবে যখন দেব মাতিত উৎসবে,
দৈত্য-রণে জয়ী হয়ে যত্নে আজি তায়
বসাইলা বৃত্তাস্তরে, গন্ধর্ক-নন্দিনী
বসিলা নিকটে, বার্তা সুধাইলা কত ;
করিল কতই যত্ন দানবে তুষিতে !
কুঞ্জরপালক যথা মত্ত করিরাছে
তোষে নানা স্তোক-বাক্যে, যবে করিরাছ
পাদক্ষেপে পরাঙ্গুখ উর্ধ্বে শুণ্ড তুলি !
তখন দম্বুজেশ্বর বৃত্ত বলবান্
চাতিয়া ঐন্দ্রিলা-মুখ কটাক হানিলা,
কহিলা গভীর স্বরে—নগেন্দ্র-গহ্বরে
গর্জিল পবন যেন ভীষণ নিশ্বনে—
“ঐন্দ্রিলে—ঐন্দ্রিলে, জাননাকি হেমকুন্ত
ভাঙ্গিলে দ্বিখণ্ড করি চরণ-আঘাতে ?
বিশাল সাম্রাজ্য এই ;—ব্রহ্মাণ্ড জুড়িয়া,
বৃত্তের দোর্দণ্ড দাপ, হেথা এই স্থখ,
এই স্বর্গে, ইন্দ্রধামে, অমর-বাঞ্ছিত
ঐশ্বর্য অপরিমীম খ্যাতি চরাচরে ;

বৃত্তের সম্বল—চন্দ্রশেখরের দয়া ;
চিরদীপ্ত চিরস্তন প্রাক্তনবিভাস,
সকলি হইল ব্যর্থ তোমা হৈতে বামা—
দানবি, দৈত্যের কুল উন্মূল তো হতে !
ক্রোধান্বিত বিশ্বনাথ শচী অপমানে,
জানাইলা রুদ্র-রোষ বিষাগে নিনাদি,
জাগাতে নিদ্রিত বৃত্তে—দগুিতে, ঐন্দ্রিলে,
গন্ধর্ক কণ্ঠার দর্প দম্বুজে আঘাতি ।
চেয়ে দেখ অস্তরীক্ষে সে বহির রেখা
এখন (ও) ভাতিছে মূঢ় সুমেধ-উপরে
দীপ্ত অন্ধকার যথা !” বলিয়া নীরব
দম্বুজ-ঈশ্বর, শিবভক্ত মহাম্বর ।
ঐন্দ্রিলা তখন—“দেব ! দৈত্যকুলনাথ,
ঐন্দ্রিলা-বল্লভ, দম্বুজী, শঙ্কুশূলধারী,
হেন অসম্ভব দ্বিধা অস্তরে তোমার ?
অম্বুনিধি আন্দোলিত শুণ্ডক-ফুৎকারে ?
নগেন্দ্র-ভৃধর-কম্প পতঙ্গ-নিশ্বাসে !
খগেন্দ্রে ভুজঙ্গ-ভয় ? কি প্রমাদ হায় !
কি দেখিলা—কোথা রুদ্রক্রোধ হতাশন ?
কোথা বা বিষাগ-শব্দ ? উন্মাদ কল্পনা !
কে কহিলা তোমারে এ হে দম্বুজেশ্বর,
হাস্তকর উপগ্রাস—রোগীর প্রলাপ ?
জান না কি শূর—স্বর্গে নিসর্গের খেলা
অনন্ত-মাঝারে হয় নিত্য কতরূপ ?
কিবা জালা চক্ষু ধাঁধি জলে শূণ্ডদেশে,
যখন প্রকাণ্ড কোন(ও) গ্রহের মণ্ডল
খণ্ড খণ্ড হয়ে ছোট্টে ব্রহ্মাণ্ড ঝলসি !
কিবা ভয়ঙ্কর ধ্বনি শ্রবণ বিদারি
ভ্রমণ করয়ে শূণ্ডে, নক্ষত্রে যখন
নক্ষত্র আঘাতি ধায় গভীর অস্থরে,
দৈব আকর্ষণ-বলে ? হে দম্বুজনাথ,
দেখেছ শুনেছ পূর্বে কত দৈব হেন ।

অথবা মায়াবী দেব দলুজে চলিতে,
সবে একত্রিত এবে যুদ্ধ-আড়ম্বরে,
ইন্দ্রজাল ইন্দ্রপুরে দেখায় অদ্ভুত,
দুর্বল করিতে ছলে দৈত্যভূজবল ।
শিবভক্ত শিবপ্রিয়, তুমি দৈত্যরাজ,
তোমাকে বিমুগ্ধ শঙ্কু ? চিন্তে দেহ স্থান
হেন কাল্পনিক চিন্তা ? কলঙ্ক তোমার,
কলঙ্ক, হে শিবভক্ত, ধূজ্জটির নামে !
আমি যদি, দৈতাপতি, তোমার আসনে
হতেম, দেখিতে তবে আমার কি পণ !
ভয়, চিন্তা, দ্বিধা, দয়া, আমার হৃদয়ে
স্থান না পাইত পণ অসিদ্ধ থাকিতে !
প্রতিজ্ঞা করিলে—দানবের পণ, প্রভু,
মনে যেন থাকে—দেব-সেনাপতিবৃন্দে
জিনিয়া সমরে, বান্ধি আনি অমরায়
ইন্দ্রের মন্দিরে বসি বন্দনা শুনিবে ।
সে প্রতিজ্ঞা নহে সিদ্ধ ! হামে দেবগণ,
আপনি হইলা বন্দী আপন সংশয়ে !
বৃথা নিন্দ ঐন্দ্রিলারে, দলুজ-ঈশ্বর,
অলীক স্বপনে মুগ্ধ তুমি সে আপনি !”
“বামা তুমি” বলি দৈত্য তুলিলা নয়ন ;
হেরিয়া ঐন্দ্রিলা-মুগ্ধ গর্বিত, গম্ভীর,
দস্তে ওষ্ঠ প্রস্ফুটিত, চাকু-বিশ্বাধর
বিস্ফারিত ঘন ঘন, প্রদীপ্ত নয়ন !
সে চিত্র নিরাধি বৃত্ত আবার নীরব ।
লাবণ্য-মণ্ডিত গণ্ড—দস্তের ছটায়
চিত্ত-প্রতিবিম্ব যেন প্রজ্জলিত এবে
সর্ক-অঙ্গে, অবয়বে, ললাটে, গ্রীবায়
যেন বা কি দৈববাণী, অন্বেয় অশ্রুত,
গোপনে শুনেছে বামা, তাই সে প্রত্যয়
দৃঢ়তর এত মনে,—তাই উপহাস
করিছে দলুজবাক্যে দলুজ-মহিষী ।
দেখিয়া দৈত্যের(৫) মনে দর্প উপজিল ;
ঐন্দ্রিলার গর্বে যেন চিন্তে ক্ষণকাল

জন্মিল প্রত্যয় হেন—তাহারি সে ভ্রম !
ঐন্দ্রিলা কহিলা তবে কটাক হাসিয়া—
“বামা আমি”—বলি দস্তে সস্তাষি গম্ভীর
দাঁড়াইল মহাদর্পে শির উচ্চ করি,
ভূজঙ্গী ঘাতকে লক্ষ্য দংশিবার আগে
সঘন গর্জিয়া যেন প্রসারয়ে ফণা ।
কিঞ্চা যেন রাজহংসী পদ্মবন লুটি.
মৃগাল আহারে তুষ্ট স্বচ্ছ সরোবরে,
চক্ষুতে পঙ্কজ-গোভা পক্ষ সাপটিয়া
মধ্যহৃদে স্থির হ'য়ে গ্রীবা উচ্চ করে !
“বামা আমি, দলুজেন্দ্র, রমণী কি হেয় ?
তুচ্ছ কীট-পতঙ্গ সদৃশ কি হে বামা ?
পুরুষের বন্ধু বামা—মন্ত্রী পুরুষের,
বীরের একই মাত্র সহায় রমণী ।
শুন, ওহে দৈতানাথ, ‘বামা’ সত্য আমি
ঐন্দ্রিলা-ত্রিলোকখ্যাত গন্ধর্ক হুহিতা ;
সামান্ঠা অবলা নহে দানবী ঐন্দ্রিলা ;
ঐন্দ্রিলা তোমার ভার্য্যা, শুন হে দানব ।
সত্যই যতপি শচী-হরণে ত্র্যম্বক
ক্রুদ্ধ হ'য়ে ক্রোধানল জালিলা গগনে,
সত্যই যতপি হয় সে উচ্চ নিনাদ
প্রলয়-বিষাণ-শব্দ—স্বক কেন তায় ?
পশুন অসাধ্য এবে সংঘটন যাহা ;
ক্রুদ্ধ যদি উমাপতি, সে ক্রোধ নির্ঝাণ
হবে না, জানিহ পুনঃ,—ভাবনা কি তবে ?
ভাবনা কার্ঘ্যের আগে, সাধন এখন ।
স্থলিত হিমালীশূপ কম্পিত ভূধরে
ঘর্ঘর নিনাদি, চূর্ণ করি শৃঙ্গমালা,
ধায় যবে ধরাতলে অরণ্য উজাড়ি,
কে নিবारे গতি তার—কার সাধ্য হেন ?
তেমতি জানিও ইহা ; নতুবা দৈত্যেশ
দানবেন্দ্র নামে ঘোর কলঙ্ক লেপিতে
বাসনা যতপি থাকে, স্বর্গজয়ী নাম
ঘুচাইতে চাও যদি—শচী ফিরে দাও,

ফিরে দাও শচী তার পতির নিকটে,
 নিজে ভেটবাগী হয়ে, নিঃশব্দ দানব !
 নহে কহ, আমি তার দানী হয়ে যাই,
 করযোড়ে ইন্দ্রাণীরে সঁপি ইন্দ্র করে !”
 দেখিল দানবরাজ গরিমার ছটা
 ঐন্দ্রিলার মুগপদে -- যথা সে পঙ্কজে
 সূর্যোর কিরণমালা, অরুণ যখন
 অরুণ স্নন্দনে চাপি, নীলাশ্বর পথে .
 আনন্দে চালায় রথ : মুহূকলস্বরে
 জাগায় মানবে সূখে বিহঙ্গমব্রজ ।
 নিরখি পূর্ণেন্দুমুগ, দৈত্যরাজ-মুখে
 ভাতিল অতুল জ্যোতি—শশাঙ্ক-কিরণ
 চূর্ণ মেঘস্তরে যথা । ঢাকিল আবার
 (ঢাকে যথা মেঘচূর্ণ পূর্ণশশধরে)
 দহুজেন্দ্র মুখকান্তি চিস্তার ছায়াতে ।
 কহিল মহাদানব চিস্তি ক্ষণকাল,
 “বামা তুমি, ইন্দুমুগি, গন্ধর্কনন্দিনি,
 এ নহে নিসর্গখেলা—তা হ’লে কি কভু
 আতঙ্কে আমার নেত্রে পলক পড়িত ?
 নিসর্গ ক্রীড়ার রঙ্গ দেখেছি নে কত ।”
 কহিল—“এ মহেশের ক্রোধই যদি
 কি চিস্তা এখন তাহে ? জান না ঐন্দ্রিলে,
 মৃত্যুঞ্জয় আশুতোষ—ক্রোধ নাহি রয় !
 শচীরে ছাড়িব আমি তুষিতে মহেশ ।”
 এত কহি রতির কহিল দৈত্যপতি,
 “শীঘ্র যাও, মদনমোহিনি, শচী-পাশে,
 কহ তারে আসিতে হেথায় ; কায়ক্লেশ
 ঘূসাব তাহার অচিরাৎ ।” জতগতি
 দৈত্যপতি হইল বাহির ; মহাবেগে
 উঠিল প্রাচীরে, চাহি দেখিলা চৌদিকে,
 দৈত্যদৃষ্টি যত দূর—দূর প্রান্তে তার,
 অধিত্যকা, উপত্যকা আচ্ছাদন করি
 জ্বলিছে দেবের তনু গভীর নিশীথে !
 স্থানে স্থানে রাশি রাশি—কোথাও বিরল

কোথা অবিরল শ্রেণী—দু’এটি কোথা
 দিগন্ত ব্যাপিয়া শোভা ! দেখিতে তেমতি
 হে কাশি, তোমার তটে—জাহ্নবী-সলিলে
 ভাসে যথা দীপমালা তরঙ্গে নাচিয়া
 কার্ত্তিকের অমানিশা-অঙ্ককার হরি,
 মত্ত যবে কাশীবাসী দেওয়ালী-উৎসবে !
 অথবা দেখিতে, আঁহা, নক্ষত্র যেমন—
 নক্ষত্র নিশীথ-পুষ্প—নীলাশ্বর মাঝে
 শোভে যবে অঙ্ককারে গগন আবার ।
 দীপ্ত সে আলোকে নানা বস্ম, প্রহরণ,
 ঋজু, অসি, শূল, ভল্ল, নারাচ, পরশু,
 কোদণ্ড বিশাল মৃত্তি, গদা ভয়ঙ্কর,
 জ্যোতির্ময় দীপ্ত-তনু তুণীর, ফলক,
 তোমর, মার্গণ, টাঙ্গী, ভীম খরশান,
 কোনখানে সূপাকার জ্বলিছে তিমিরে
 বিবিধ অস্ত্রের রাশি, কোথাও উঠিছে
 রথের ঘর্ঘর শব্দ, নেমি দীপ্তিময় ;
 কোথা শ্রেণীবদ্ধ রথ, কোথাও মণ্ডলে ।
 তুরঙ্গের হেয়ারব, করীর বৃহতি,
 মহিষের ঘোরশব্দ উঠিছে কোথাও,
 গাঢ়তর রজনীর নিঃশব্দতা হরি,—
 কোথাও মাধুর্ষ্যপূর্ণ অমরের বাণী ।
 কোন বা শিবির’পরে শিখিপুচ্ছ শোভে ;
 কোন শিবিরের চূড়ে যুগাঙ্ক অঙ্কিত ;
 হেমকুম্ভ কার(ও) ধ্বজে, কার(ও) ধ্বজে তারা,
 কোন বা শিবির-ধ্বজে জ্বলন্ত পাবক ।
 কত স্থানে সূপাকার মেঘের বরণ
 বিশাল শরীর, মুগু, ভুজদণ্ড, উরু,
 কধিরাক্র দৈত্যবপু, দেখিতে ভীষণ,
 ভয়ঙ্কর করিয়াছে দেব-রণস্থল ।
 দেখিতে দেখিতে নিশি প্রভাত হইল,
 স্বর্গের দিবার জ্যোতি উদিল পূর্বেতে,
 দস্ত কড়মড়ি দৈত্য, নিখাসে ছকারি,
 ফিরিল আকুল-চিস্ত মত্ত-সভাতলে

উচ্ছলিত হৃদিতল অশুভ চিন্তায়,
ক্রোধে, তাপে, প্রজ্বলিত রণক্ষেত্র হেরি,
ভুলিতে চিন্তের ব্যথা সমর-প্রাক্‌গণে
প্রতিজ্ঞা করিলা দৈত্য; স্মিত্রে ডাকিয়া

আজ্ঞা দিলা সেনাবৃন্দে সমরে সাজিতে ।
অমরা-উত্তর-দ্বারে—যেথা মহারথ
অমর-সেনানীগণ কার্তিকেয় আদি—
সাজিতে লাগিল সৈন্ত ভীমকোলাহলে !

ত্রয়োদশ সর্গ

নগেন্দ্র-অঞ্চলে—যেথা নগেন্দ্র-সমুবা
তটিনী অলকনন্দা কলকল স্বরে
কহিছে, অটবী-অঙ্গ ধীরে প্রক্ষালিয়া,
“দিনমণি অন্তগত”, উরিলা সুরেশ,
ছাড়িয়া অম্বরপথ বিশাল বিস্তৃত
রম্য সে অরণ্য-দেশ ! সঙ্ঘার তিমির
গাঢ়তর স্নেহে যেন দিয়া আলিঙ্গন,
আদরে ধরেছে স্বপ্নে অটবী-সখীরে ।
অরণ্য ভিতরে কত মহীকুহরাজি—
পলাশ, শিরীষ, বট, অশ্বথ, শালুলী,
জুটে জুটে, স্কন্ধে স্কন্ধে, জড়য়ে জড়য়ে
নিঃশব্দে ভাবিছে যেন ভীম বাত্যাতেজ !
বিরাজিছে অরণ্যানী দেখিতে তেমতি,
হাসি, কান্না, ক্রোধ যেন একত্রে
মিশ্রিত !

কোথা শাস্ত্র স্থির ভাব, কোথা ভয়ঙ্কর,
কোথা বা তমসা-পূর্ণ বিবর্ণ মলিন !
দীরপদে, শর্করীর ঘোর অঙ্ককারে
চলিলা বাসব বক্র অরণ্য-বয়েতে,
শুনিতে শুনিতে কত—ফক্ক-ঝিল্লী-রব,
দিকট-তক্ষকনাদ ভল্লুক-চীংকার,
পেচকের ঘোর ধ্বনি, কেশরি-গর্জন,
ভয়াতুর বিহঙ্গের পক্ষের নিশ্বন,
শাখাচ্যুত পল্লবের শব্দ মূহুরতর,
পবনের স্বন্ স্বন্ সুঘোর নিশ্বাস ।
নিবিড় তিমিরাচ্ছন্ন পল্লব-রাজিতে
দেখিলা খণ্ডোত-দ্র্যতি শোভিছে কোথাও

সাজাইয়া তরুরাজি অপরূপ রূপে,—
কোটি মণিখণ্ড যেন অটবী-মস্তকে ।
কোথাও আবার শাখা-ভটা ভয়ঙ্কর—
নিশাচর যেন ঘোর ঘন অঙ্ককারে
প্রসারণ করে কর !—দেখিতে দেখিতে
চলিলা অমরনাথ কোতুকে মগন ।
নিরখিলা এক স্থানে আসি কিছু দূরে,
রমণীমণ্ডলী-শোভা বন-অঙ্ককারে—
রজনী-সীমন্তে যথা তারকার দাম,
শোভে, শৃণু শোভা করি, মুহুর রশ্মিতে !
আলিঙ্গন পরস্পরে, মধুর সম্ভাষ
জিনি কলকণ্ঠ-ধ্বনি—স্বপ্নের মিলনে
প্রবাসী ভাসয়ে যথা স্বদেশী লভিয়া !
নির্ঝাসিত কিহ্না যথা ফিরে নিজালয়ে !
দেখিতে লাগিলা ইন্দ্র পৌলোমীবল্লভ
সে সুদৃশ্য মনোহর অদৃশ্য ভাবেতে,
মহাকুতূহল-মগ্ন ; দেখিলা বিস্ময়ে,
কেহ বা শিখণ্ডী-মূর্তি ছাড়িয়া সুন্দর
ধরিছে সুন্দরতর, সুর-বিমোহন
অপূর্ব অঙ্গনারূপ লাবণ্যমণ্ডিত ।
কেহ স্বপ্নে কুল-কণ্ঠ-রূপ পরিহরি
নিন্দিছে শশাঙ্ক-জ্যোতি রূপের ছটায় ।
কুরঙ্গিনী-তনু ত্যজি কোন মনোরমা
কুরঙ্গলাঙ্গন নেত্রে তরঙ্গ তুলিছে,
তাপসের চিত্ত-হর ! কোন সীমন্তিনী
ছাড়িয়া শার্দূল-বেশ, দেহে প্রকাশিছে
অনুপম চাক্র কাস্তি রতিকাস্তি জিনি,

কহিছে কোন ললনা,—সুচামর কেশ
লুটিছে চরণ-পার্শ্বে,—ভ্রমিছে যেমন
মধুকর-কুল রক্ত-কমল উপরে !
কহিছে, “হা, কত কাল, অদৃষ্ট রে আর
সুরাঙ্গনা এ দুর্গতি ভুঞ্জিবে ধরায় !
ধিক্ দেবগণে দৈত্য-রণে পরাজিত ।
ধিক্ ইন্দ্রে—জিষ্ণু নামে কলঙ্ক তাঁহার ।”
হেন কালে অগ্রসরি সুরেন্দ্র বাসব
রমণীমণ্ডলী-পার্শ্বে দিলা দরশন,
পৃষ্ঠেতে কার্মুক দীপ্ত, রত্ন-বিভাময়,
জলিছে উজ্জল করি অরণ্য বিশাল ।
হরষিত হংসীকুল নিরগিলে যথা
মরালে মণ্ডল-মাঝে, হরষিত তথা
দেবান্নাগণ ইন্দ্রে ঘেরিলা চৌদিকে,
ক্রত সুধাইলা স্বর্গ উদ্ধার কি রূপে ?
কহিলা, “হে শচীনাথ, দারুণ যন্ত্রণা
এত দিনে অবসান ; আর না হইবে
সহিতে প্রবাস-ক্লেশ, হৃদয়ের দাহ,
পশুপত্নী-রূপে ছদ্মবেশে ধরাবাসে ।
ত্রিদিবে অসুরদল-প্রবেশ অবধি
পলাইলু মোরা সবে—দাবাগ্নি যেমন
প্রবেশিলে বনে, ধায় কুরঙ্গিনীদল—
তদবধি অনন্ত যাতনা, হে সুরেশ ;
কেহ বিহঙ্গিনী-রূপে বৃক্ষের আশ্রয়ে,
কেহ বা কুরঙ্গী, কেহ ক্রৌঞ্চীবেশ ধরি,
মাতঙ্গী, শাদ্দুলী কেহ, কেহ বা —
মহিষী,
হা অদৃষ্ট—কেহ রূপে বরাহী জম্বুকী !
সে হৃদৈব অবসান এত দিনে দেব,
অমরী-উদ্দেশে আ(ই)লা স্বর্গ উদ্ধারিয়া
হে সুরেন্দ্র, শচীপতি, আ(ই)স এইখানে
অভিষেক করি তোমা অমর-উৎসবে ।”
বলি ধা(ই)লা নানা জনে পুষ্প অশ্বেষণে,
গাঁথি মালা সাজাইতে মহেন্দ্র-শীর্ষক,

ঝুলাইতে পুষ্পহার সুরেশ-গলায়—
অমর-সঙ্গীতে বন পুলকিত করি ।
ক্ষুদ্রচিত্ত পুরন্দর—যথা বলহীন
কেশরী পিঞ্জর-মাঝে—ছাড়িলা নিশ্বাস
গভীর প্রবল বেগে ! হায়রে ভূতলে
দেবেন্দ্র ভিক্ষুক আজি দৈত্য-ভুজদাপে ;
আশ্বাসে করিলা শাস্ত সুরকণ্ঠাদলে,
সুমন্দ গভীর স্বরে কহিলা প্রকাশি
কি হেতু ধরায় গতি ; কহিলা যে হেতু
গতি তাঁর দধীচি-আশ্রমে শিবাদেশে ;
যে বারতা দিলা তাঁরে স্তম্ভ-শিখরে
ইন্দ্রবাক্যে হরষ-বিষাদে ভাগ্যদেব ।
কহিলা অঙ্গনাদল, “হে পোলোমী-নাথ,
কিছু অগ্রে দধীচির পবিত্র আশ্রম ।
দয়ার সাগর ঋষি ঋষিকুলচূড়া
অধিতীয় সুরলোকে ! জেনেছি আমরা
যে অবধি ভূমণ্ডলে বাস, হে সুরেশ,—
জীব-উপকারে ঋষি জগতে অতুল ।
ব্রত—পর-উপকার, স্বার্থ-পরিহার,
কল্পনা, কামনা, চিন্তা পরের মঙ্গল;
কিবা কীটে, কি পতঙ্গে সদা দয়াশীল
মুনীন্দ্র রূপার সিন্ধু—জীব-চুড়ামণি ।
জীবন দিবেন তিনি দেবের কল্যাণে
না চিন্ত, অমরপতি !” দেখাইলা পথ
চলিলা সুরেশ ধীরগতি । কতকণে
দেখিলা গগনপ্রান্তে তরুণ কিরণ,
চাক্রমুত্তি প্রভাকর শূণ্ডে সাম্যভাব !
খেলিছে কুরঙ্গরাজি ; অজিন-রঞ্জিত
শোভিছে কুটীর-দ্বার ; শ্রুতি-সুখকর
স্বতিক্ষনি চারিদিকে উচ্চে উচ্চারিত ;
কোথাও ভাস্কর-স্তোত্র-ললিত-লহরী,
গায়ত্রী-বন্দনা কোথা, সঙ্ক্যা আরাধনা,
বিশদ সুরেতে বেদ-সঙ্গীত কোথাও,
কোনখানে ‘মহিমনঃ’ মহাস্তবপাঠ !

শিষ্যবৃন্দ, আনন্দে ঘেরিয়া তপোধনে,
 শুনিছে মহর্ষিবাক্য—অনন্তমানস ;
 হায়রে যেমতি বাগীশ্বরী-বীণাধ্বনি
 শুনিতে উৎসুক-চিত্ত অমরমণ্ডলী
 সৃষ্টির উৎসব দিনে—পদাঙ্গনা যবে
 দেব-চিত্ত-মোহকর শুনান ভারতী ।
 কহিছেন মহা-ঋষি কিরূপে কলহ,
 সর্ব-জীব-দুঃখমূল, আইল ধরায় !
 “এক দিন—হায় কেন উদিল সে দিন
 জলধি-সম্ভবা বিষ্ণু-জায়া স্বর্গধামে
 চাহিলা বিরিকি-পাশে, সৃষ্টিতে অতুল,
 অপরূপ রত্ন কোন(ও) সৃষ্টি দিতে তাঁরে !
 বিধাতা সৃষ্টিলা ফল অতুল ভুবনে—
 কাস্তি, চন্দ্র-শোভা জিনি,—ভ্রাস্তিনিরথিলে
 সৌরভ জিনিয়া চাক্র সুরভি পীযুষ,
 অমর-দলুজে ঘোর দ্বন্দ্ব যার লাগি,
 ফিরে যবে দেবাসুর অধুনিধি মথি
 শ্রাস্তদেহে অমরায়—দগ্ধ হলাহলে !
 অনন্ত যৌবন ফলে পরশিলে বামা,
 পুরুষের করস্পর্শে অক্ষয় প্রতাপ ।
 ব্রহ্মাণী মোহিলা হেরি, চাহিলা সে ফল,
 ক্রোধাক্ত কেশবজায়া ; দেবীবৃন্দ মাঝে,
 উপজিল ঘোরদ্বন্দ্ব ; না চিস্তি বিধাতা
 নিক্ষেপিলা বিষময় ফল ধরাতলে ।
 তদবধি ঈর্ষা, দ্বেষ, হত্যা এ জগতে !
 নররক্তে নিমজ্জিত এ ধরণীতল ;
 রণশ্রোত প্রবাহিত সে অবধি ভবে—
 মানব-নিধনে যাহা নিত্য মহামারি !
 কত দিনে বুঝিবে রে মনুজ-সন্তান
 কি কুটিল ব্যাধি লোভ ! কি কুট গরল
 নরকুল-দেহে দ্বন্দ্ব ! কবে সে বুঝিবে
 আত্মার পশুত্বলাভ সমর-প্রাক্ষণে ।
 কুটিল, কুট-কটাকী, হত্যা ভয়ঙ্করী
 সাধিতে যা পারে ভবে, নারে কিরে তাহা

অমর-নন্দিনী দয়া সরলা সুন্দরী ?
 কবে নরকুল—অবনী-সীমন্ত-রত্ন—
 মিলি সখ্যভাবে সুখে নিত্য ছড়াইবে
 ভ্রাতৃত্বের সুখ-ধারা ; যথা সে সুগদা
 বিমল-ভরঙ্গ গঙ্গা পুণ্যভূমি মাঝে
 ছড়ান সলিলধারা মানবে রক্ষিতে !
 হা দেব কমলাপতি, দেব বিশ্বস্তর !
 হর বিশ্বভার শীঘ্র এ ভ্রাস্তি ঘুচায়ে—
 ভ্রাস্ত নরকুলে, দেব, কর চিরস্বামী !
 হৃষীকেশ, হও, প্রভো, মানবে সদয় !”
 পোলোমী-ভরসা ইন্দ্র, মুগ্ধ ঋষিভাষে,
 অনক্ষ্যে অদৃশ্যভাবে ছিলা এতক্ষণ,
 পূর্ণজ্যোতি দেবকাস্তি এবে প্রকাশিলা ।
 নীরদ-লাঞ্জন কেশ প্রাবিত কিরণে,
 বক্ষেতে বিশাল বর্ম—ভাস্কর যেমন
 প্রভাতে অরুণোদয়ে কুহেলি আবৃত ।
 শোভিছে অতুল তুণ, সুন্দর কাঞ্চুক—
 কাদম্বিনী কোলে যাহা চির-শোভাময় !
 জলিছে সহস্র অক্ষি, যথা তারাদল
 নিশীথে শর্করী-কোলে উঠি তপোধন
 সশিষ্যে সম্মুখে সুখে অতিথি সস্তাষি,
 যোগাইলা মুগচর্ম—পবিত্র আসন ।
 জিজ্ঞাসিলা সুশীতল গম্ভীর বচনে
 “আশ্রমে কি হেতু গতি? কিবা অভিলাষ ?”
 ভগ্নচিত্ত আখণ্ডল নেহারি নিম্নল
 রূপালু ঋষির মুখ,—ভগ্নচিত্ত যথা
 দয়ালু দর্শকবৃন্দ নবমীর দিনে,
 যুপকাঠে বাক্কে যবে নির্দয় কামার,
 মহিষমর্দিনী দশভূজা-মূর্ত্তি আগে,
 অসহায় ছাগ, মেঘ পুজায় অপিতে !—
 কে পারে আনিতে মুখে সে নিষ্ঠুর বাণী—
 কে পারে চাহিতে অগ্নে প্রাণ ভিক্ষাদান,
 না পেয়ে হৃদয়ে ব্যথা ? কে হেন দারুণ
 প্রাণীমাঝে ? নিস্পন্দ, নিস্তর পুরন্দর !

হেরি ঋষি, ক্ষণকালে, ধ্যানেন্তে জানিলা
অতিথির অভিনাষ ; গদ-গদ স্বরে
মহানন্দে তপোধন কহিলা তখন,
“পুরন্দর, শচীকান্ত ? কি সৌভাগ্য মম,
জীবন সার্থক আজি—পবিত্র আশ্রম ।
এ জীর্ণ পঞ্জর অস্থি পঞ্চভূতে ছার
না হ'য়ে অমরোদ্ধারে নিয়োজিত আজি !

দেব, এ ভাগ্য মম স্বপ্নের(ও) অত্যন্ত
এতেক কহিয়া ধীরে মহাতপোধন—
শুদ্ধচিত্তে পটুবস্ত্র, উত্তরায় ধরি,
গায়ত্রী গভীর স্বরে উচ্চারি সঘনে,
আইলা অঙ্গন-মাবে, কৈলা অধিষ্ঠান
সুনিবিড়, সুশীতল, পল্লব-শোভিত,
শতবাহু বটমূলে । আনি যোগাইলা
সাশ্রুনেত্র শিষ্যবৃন্দ, আকুল-হৃদয়,
যোগামন, গাঙ্গেয় সলিল সুবাসিত ।
জালিলা চৌদিকে ধূপ, অগুরু, গুগ্গুল,
সর্জ্জরস ; সুগন্ধিত কুসুমের সুর
চর্চিত চন্দনরসে রাখিলা চৌদিকে,
মুনীন্দ্রে তাপসবৃন্দ মাল্যে সাজাইলা ।
তেজঃপুঞ্জ তনুকাঙ্ক্ষি, জ্যোতিঃ সুবিমল
নির্ম্মল নয়নদ্বয়ে, গণ্ড, ওষ্ঠাধরে ।
সুললাটে আভা নিরুপম ! বিলম্বিত
চারুশ্মশ্রু, পুণ্ডরীক-মালা বক্ষঃস্থলে !
বসিলা ধীমান্—আহা, ললিত দৃষ্টিতে
দয়াদ্র হৃদয় খেন প্রবাহে বহিছে !
চাহি শিষ্যকুল-মুগ্ধ, মধুর সস্তাবে
কহিলেন অশ্রুধারা মুছায়ে সবার,
সুধাপূর্ণ বাণী ধীরে ধীরে ;—“কি কারণ,
হে বৎসমগুলি, হেন সৌভাগ্যে আমার
কর সবে অশ্রুপাত ? এ ভব-মণ্ডলে
পরহিতে প্রাণ দিতে পার কত জন ?
হিতব্রত-সাধনেতে হৃদয়ে বেদনা ?
হায় রে অবোধ প্রাণী, এ নশ্বর দেহ

না ত্যজিলে পরহিতে কিসে নিয়োজিবে ?
লভি অন্ন নরকূলে কি ফল হে তবে ?
অনুকরণ জীবনের স্রোতধারা-ক্ষয়,
হয় সে কতই রূপে ! কেন তবে হেন,
ঘটে যদি কার(ও) ভাগ্যে সে দুর্লভ যোগ,
কাতর নরের চিত্ত সে ব্রত-সাধনে ?
হে ক্ষুদ্র তাপসবৃন্দ, হে শিষ্যমণ্ডলী,
জগৎ-কল্যাণ হেতু নরের সৃজন,
নরের কল্যাণ নিত্য সে ধর্ম্মপালনে ;
নিঃস্বার্থ মোক্ষের পথ এ জগতীতলে ।”
ঋষিবৃন্দে আলিঙ্গন দিলা এত বলি,
আশীষিলা শিষ্যগণে ; কহিলা বাসবে—
“হে দেবেন্দ্র, কৃপা করি অস্তিত্বে আমার
কর শুচি, দেহ মম বারেক পরশি ।”
অগ্রসরি শচীপতি সহস্র-লোচন,
তপোধনশিরঃ স্পর্শি স্বকর কমলে,
কহিলা আকুল স্বরে—শুনি ঋষিকুল
হরষ-বিষাদে মুগ্ধ—কহিলা বাসব—
“সাধু-শিরোরত্ন ঋষি তুমিই সাধিক !
তুমিই বুঝিলা সার জীবের সাধন !
তুমিই সাধিলা ব্রত এ জগতীতলে
চির-মোক্ষফলপ্রদ—নিত্য হিতকর !
জীবময় নররূপী—অকুল জলধি,
ভাসিছে মিশিছে তায় জলবিষমপ্রায়
জীবদেহ অনুদিন ! এ ভব-মণ্ডলে
অক্ষয় তরঙ্গময় জীবন-প্রবাহ ।
ক্ষুদ্র প্রাণী-দেহ ক্ষয়ে এ সিন্ধু-সলিল
হ্রাস বৃদ্ধি নাহি জানে—নিয়ত গভীর
স্রোতময় ! অহিত জগতে নহে তায়,
অহিত—নিষ্ফলে প্রাণী-দেহের নিধনে !
প্রাণীমাত্রে—কি মহৎ, কিবা ক্ষুদ্রতম—
সাধিতে পারয়ে নিত্য মানবের হিত,
সাধিতে পারয়ে নিত্য অহিত নরের,
আপন আপন কার্যে জীবন-ধারণে ।

বালিবৃন্দ যথা নিত্য রেণু-পরিমাণে
 বাড়ে দিবা, বিভাবরী, সাগর-গর্ভেতে,
 ক্রমে স্তূপ—দ্বীপাকার—ক্রমশঃ বিস্তৃত
 বৃহৎ বিপুল দেশ তরু-গিরিময়,
 তেমতি এ নরকুল উন্নত সদাই,
 সাধু কার্যে মানবের প্রতি অহরহঃ ।
 কর্তব্য নরের নিত্য স্বার্থ-পরিহার,
 জীবকুল কলাগণ-সাধন অল্পদিন !
 পরহিত ব্রত, ঋষি, ধর্ম যে পরম ;
 তুমিই বুঝিয়াছিলে উদ্যাপিলে আজ ।
 মুছ অশ্রু ঋষিবৃন্দ, ঋষিকুলচূড়া
 দধীচি পরম পুণ্য লভিলা জগতে ।
 কি বর অপিব আর নিষ্কাম তাপস,
 না চাহিলা কোন বর, এ স্বকীর্তি তব
 প্রাতঃস্মরণীয় নিত্য হবে নরকুলে !
 তব বংশে জনমি মহর্ষি দ্বৈপায়ন
 করিবে জগতখ্যাত এ আশ্রম তব—
 পুণ্য বদরিকাশ্রম পুণ্যভূমিমাঝে !”

বলিয়া রোমাঞ্চতনু হইলা বাসব,
 নিরখি মুনীন্দ্র-মুখে শোভা নিরমল !
 আরম্ভিলা তারস্বরে চতুর্বেদ গান,
 উচ্চ হরিসঙ্কীর্তন মধুর গম্ভীর,
 বাস্পাকুল শিষ্যবৃন্দ - ধ্যানমগ্ন ঋষি
 মুদিলা নয়নদ্বয় বিপুল উল্লাসে ।
 মুনি-শোকে অকস্মাৎ অচল পবন,
 তপনে মূঢ়ল রশ্মি, স্নিগ্ধ নভস্কল,
 সমূহ অরণ্য ভেদি সৌরভ উচ্ছ্বাস,
 বনলতা-তরুকুল শোকে অবনত !
 দেখিতে দেখিতে নেত্র হইল নিশ্চল,
 নাসিকা নিশ্বাসশূন্য নিস্পন্দ ধমনী,
 বাহিরিল ব্রহ্মতেজ ব্রহ্মরজ্জু ফুটি
 নিক্রপম জ্যোতিঃপূর্ণ - ক্ষণে শূন্যে উঠি
 মিশাইল শূন্যদেশে । বাহিরিল গম্ভীর
 পাঞ্চজন্ম—হরিশঙ্খ ; শূন্যদেশ যুড়ি
 পুষ্পামার বরমিল মুনীন্দ্রে আচ্ছাদি !
 দধীচি তাজিলা তনু দেবের মঙ্গলে ।

চতুর্দশ সর্গ

অমরার প্রাস্তভাগে মন্দাকিনী-তীরে
 মন্দির পাষণময়, নিভৃত আলয়,
 অনুতপ্ত অমরের চির চিন্তাধাম,—
 বন্দী এবে ইন্দ্রজায়া সে তপোমন্দিরে !
 চতুর্দিকে সেই সব নিকুঞ্জকানন,
 স্বর্গজাত তরুরাজ সৌরভপুরিত,
 সেই পারিজাতপুষ্প, শোভা—প্রাণে যার
 উন্মাদিত দেবচিত্ত । শোভিছে আলোকে
 দূরে বৈজয়ন্তপুরী—ইন্দ্র-অট্টালিকা—
 চারু কারুকার্যে যায় সৃষ্টিতে অতুল
 করিলা অমরশিল্পী—শিল্পীকুলরাজ
 বিশ্বকর্মে ; স্থপিত অমর-বাসগৃহ ।

দূরে সে নন্দনবন শোভিছে তেমতি
 প্রমোদ বিশ্রাম-স্থল চিরদিন যায়,
 লভিলা বাসব-জায়া ; শোভিছে
 তেমতি
 চির পরিচিত যত অমর-বিভব ।
 শচী পেয়ে পুনরায় অমরার মাঝে
 অমরা হাসিছে আজি । নব কুসুমিত
 নন্দনে কুসুমদল সুগন্ধ ছড়ায়
 ভাসিছে অপূর্ব সুখে ; উন্মাদিত প্রাণে
 পারিজাত পরিমল করি বিতরণ
 খুলিছে হৃদয়দ্বার ! নির্মল মলয়
 গন্ধে মুগ্ধ করি স্বর্গ আনন্দে ছুটিছে,

হরিতে শচীর শ্রাস্তি ! হরষে অধীর
 ছুটেছে তরঙ্গময়ী মন্দাকিনী-ধারা
 প্রফালি পবিত্র জলে শৈল নিকেতন—
 শচী-নিকেতন আজি ! মনঃশিলাতল
 আরো মনোরম মৃতি শচী-সমাগমে !
 কে আছে ত্রিলোকমাঝে প্রাণী হেন জন
 সুদূর প্রবাস ছাড়ি স্বদেশে ফিরিয়া,
 (কি পঙ্কিল, কিবা মরু, কিবা গিরিময়
 সে জনমভূমি তার) নিরখি পূর্বের
 পরিচিত গৃহ, মাঠ, তরু, সরোবর,
 নদী, খাত, তরঙ্গ, পর্বত, প্রাণিকুল,
 নাহি ভাসে উল্লাসে, না বলে মত্ত হ'য়ে
 “এই জনমভূমি মম !”

কে আছে রে, হায়,
 ফিরিয়া স্বদেশে পুনঃ না কাঁদে পরাণে
 হেরে শক্র-পদাঘাতে পৌড়িত সে দেশ !
 বিজেতা-চরণতলে নিত্য বিদলিত,
 বলিতে আপন যাহা—প্রিয় এ জগতে !
 বিজ্ঞন অরণ্যভূমি বনের (ও) কুসুম
 ভূঞ্জিতে পরাণে ভয় ! শক্রর অর্চনা
 দেব-অর্চনার আগে ত্রিসঙ্ক্যা যেখানে !
 কে না ভোগে নরকের যন্ত্রণা সে দেশে ?
 চিত্তময়ী ইন্দ্রপ্রিয়া শচীর হৃদয়ে
 সে পৌড়া-দহন আজি । গভীর উচ্ছ্বাসে
 বহিছে হৃদয়তলে চিন্তার হিল্লোল !
 নয়ন ফিরাতে চিন্তে বিচ্ছে তীক্ষ্ণশলা !
 চপলা তরলমতি সে শোভা হেরিয়া
 ধরিতে নারিলা ধৈর্য্য স্বরেশ-জায়ারে
 সন্ধান করি ধীরে কহিতে লাগিলা,
 দেখাইয়া অমরার শোভা চারিদিকে ;
 “হের, স্বরেশ্বর, হের, চারিধারে কত
 অমরের কীতিশুভ ! আহা, কি সুন্দর,
 জন্তভেদি প্রতিমূর্তি বিরাজে গুখানে !
 ভয় ডানি ভূজ এবে—তবু কি সুন্দর,

নমুচি-সুদন নাম যা হ'তে ইন্দ্রের,
 হের, ইন্দ্ররমা, সেই নমুচিনিধন
 হতেছে বাসব-হস্তে !—পাষাণে রচিত
 কি স্ফটিক মূর্তি, আহা, দেব বাসবের !
 অই পাকদৈত্য পড়ে স্বরেশ্বরের শরে !
 অই বলাসুর বীর রুধির উদগারি
 ত্যজিছে বিশাল বপু ! বিশ্বকর্মা-করে
 রচিত বিচিত্র আরো দেবকীর্তি কত !
 অই হের মনোহর সে শোভামণ্ডপ,
 রত্নাগার নাম যার ; পদুঘোনি যায়
 করিতেন অধিষ্ঠান ইন্দ্রপুরে আসি !
 তেমতি উজ্জল শোভা এখন(ও) তাহাতে
 অই সেই কমলার কমল-আসন
 মণিময় পদে গাঁথা ! দৈত্য দুরাচার
 হরেছে কতই দেখ মণিখণ্ড তার !
 বিষ্ণু-রত্নাসন-শোভা দেখ তার পাশে ।
 কি বিচিত্র, আহা মরি, বেদী নিরুপম
 ত্রিভুবন-মোহকর—ত্রিদিবে অতুল,
 বসিতেন আসি যায় জগতজননী
 কাত্যায়নী ত্রিনয়না—শূলপাণি সহ !
 অই বিরাজিছে সেই বাণীর মন্দির,
 শ্বেতভূজা আনন্দে বিহ্বলা যার মাঝে
 সপ্ততার বীণা ধরি গায়িতেন সুখে
 অমর-সুজন-বার্তা !—পড়ে কি স্বরণে,
 হে দেবেন্দ্র-মনোরমা, কি আনন্দ-শ্রোত
 ভাসিত অমরামাঝে ! মহর্ষি নারদ
 উন্নত সে গীত শুনি নাচিত হরষে !
 পঞ্চতালে তাল সুখে দিতেন মহেশ !
 হে স্বরেশ-প্রণয়িনি, কি চিন্তা মধুর
 হেরে পুনঃ এই সব ! কত যে স্বরণ
 হয় পুরাগত কথা । অনন্ত হিল্লোল
 উথলিত চিন্তমাঝে যেন অকস্মাৎ !
 আহা, প্রবাসের পরে, কিবা মনোহর
 মৃতি-রশ্মি চিন্তা-পথে খেলে মৃদুতর—

অস্ত্রসূর্য্যরেখা যথা কাঞ্চিনী-কোলে
 খেলায় সঙ্ঘার মুখে উজ্জলি গগন !
 বিষাদ-হরষ-মাথা মধুর বচনে
 কহিলা স্বরেশকাস্তা—“হে চাক্ৰহাসিনি,
 কোথা বল অমরার সে শোভা এখন !
 কোথা সে অতুল স্বর্গ ইন্দ্র-রমণীর !
 কেন আর চিত্ত-দাহ করিস, চপলে,
 শুনায়ে ও সব কথা ! শিথিব যখন
 সেবিত্তে ঐন্দ্রিলাপদ, শুনিব আহ্লাদে !
 স্বর্গ নহে, চপলা, এ—ইন্দ্রাণীর কারা ।”
 “কি কহিলা, ইন্দ্রজায়া, কারা এ তোমার”
 কহিলা চপলা দুঃখে অস্তরে আকুল
 “চারিধারে এই সব অমর বিভব
 হারিছে না আজ (ও) কি সে তেমতি
 গৌরবে !
 বলিছে না অই শোভা-মণ্ডিত স্বমেক, শিখর
 উঠেছে যার অনন্ত বিদারি, তোমার(ই)
 চরণ তার সেবিত্তে বাসনা ! বলিছে না
 এ দেবদেউল উচ্চশিরে ‘বৈজয়ন্ত শচীধাম’
 ? এই মন্দাকিনী কার পদ প্রকালিতে
 মহা গর্বে হেন চলেছে তরঙ্গ তুলি ?
 ভ্রমিছে হরষে, আবর্ত্ত পুঙ্কর
 আদি অই যে অম্বরে, কারে পৃষ্ঠামন
 দিতে ? অই যে বিজুলি কার রথচক্রনেমি
 ভাতিতে ছুটিছে ? শচী ঐন্দ্রিলা
 দাসী বলে কি উহারা ? কিম্বা বলে
 স্বরেশ্বরী মহিষী তাদের ?”
 উৎসুক উৎফুল্ল মুখ হেরি চপলার;
 স্বক্লে হারির রেখা, স্বরেন্দ্র-রমণী
 আলিঙ্গন দিল তায় ; কহিলা “চপলে,
 কহ শুনি সুখকর সে শুভ সন্বাদ,
 রুতি শুনাইলা যাহা সে দিন আমায়—
 জয়ন্ত-চেতনপ্রাপ্তি বারতা মধুর !
 না মিটে পিপাসা মম সে কথা শুনিয়া !

সখি রে, ধরার মাঝে নৈমিষ-বিপিনে
 থাকিতাম মনসুখে পুত্র কোলে করি,
 পেতাম যতপি নিত্য তায় ! কি আহ্লাদ,
 আহা সখি , ভুঞ্জিহু সে দিন মর্ত্তধামে
 পুত্র কোলে বসিহু যখন সে নৈমিষে !
 কোথা স্বর্গ তার কাছে, হায় লো চপলে !
 ক্ৰিপ্ত হয়ে ভাবিলাম না হতে অধিক
 সুখ এ অমরালয়ে ! পুত্র পেলে কোলে
 জননী স্বর্গসুখ—সর্বত্র সমান !
 কত দিনে চপলা রে, সে সুগঃআবার
 ভুঞ্জিতে পাইব চিত্তে ? কত দিনে বল
 জয়ন্তে করিয়া কোলে তুলি এ দুর্দশা—
 দৈত্য-করে আমার এ কেশ আকর্ষণ !”
 হেনকালে কামপ্রিয়া আসিয়া নিকটে
 বন্দিলা শচীর পদ । আশীষি ইন্দ্রাণী
 কহিলা—“মনমথপ্রিয়ে, সদা সুখী আমি
 হেরি তোরে—তুলিব না মমতা তোমার !
 কি সুখী করিলা হায় শুনায়ে সে দিন
 জয়ন্ত চেতনা-বার্ত্তা মধুর সন্বাদ !
 কহিতেছিলাম এই চপলারে পুনঃ
 শুনাতে সে সুসন্বাদ !—হও চিরসুখী
 কি বারতা কহ আজি ? কহ ইন্দুবালা
 চাক্ৰমতি দৈত্যবধু—কি কহিলা শুনি
 সে উত্তর ? ভাবিলা নিদয়া বুঝি মোরে—
 নিদয়া যেমন দৈত্যমহিষী ঐন্দ্রিলা ?
 কত সাধ, কামবধু, শুনি তোর মুখে
 ইন্দুবালা-বিবরণ দেখিতে তাহারে !
 কিন্তু ভাবি পাছে তার বাসনা পুরালে,
 পাপীয়সী ঐন্দ্রিলা পীড়য়ে সে বালায় ।”
 উত্তরিল মনমথরমণী—হাস্তছটা
 বিদ্বাধরে সদা মনোহর !—“হে বাসব-
 মনোরমে, বাসনা পুরিল এত দিনে ।
 মনোবাঞ্ছা পুরাইলা বিধি ! দিলা মোরে,
 স্বরেশ্বরি, শুনাতে তোমার এ সন্বাদ !

মৃত্যুঞ্জয় এত দিনে সদয় তোমায় !
 এত দিনে হৈমবতী হেরষ-জননী
 চাহিলা তোমার মুখ ! শিব-ক্রোধানলে
 (জ্বলিল যে ক্রোধানল সে দিন অশ্বরে)
 জ্বাসিত ত্রিদিবজয়ী দমুজ-ঈশ্বর,
 ভাবিলা ছাড়িবে তোমা মহেশে তুষিতে ।
 হে সুরেশ-রমা, দৈত্যনাথ কহিলা আমায়
 ‘শীঘ্র যাও, মদনমোহিনি, শচীপাশে,
 কহ তারে আসিতে হেথায়’ ; অচিরাৎ
 কারাবাস শেষ তব, সতি !” নীরবিলা
 কামকান্তা মধুরহাসিনী প্রিয়স্বদা ।
 ঝটিকার আগে যথা গম্ভীর আকাশ,
 পুলোম-ঋষির কণ্ঠা—পুরন্দর-জ্বায়া
 তেমতি গম্ভীর ভাব ! ভাবিতে লাগিলা
 অনঙ্গমহিলা-বাক্যে চিস্তিত অন্তর !
 কতক্ষণ পরে—“না রতি,” কহিলা ধীরে
 “মায়াবী অশ্বর ছলে ছিল তোমায় ।
 না বুঝিলে, কামবধু, কালভুজঙ্গিনী
 ঐন্দ্রিলার কুটখেলা । ছাড়িবে আমায় ?
 হে অনঙ্গ-সহচরি, এ কথা কিরূপে
 হৃদয়ে আশ্রয় দিলে ? যার তরে চর
 ধরামাঝে পাঠাইয়া কেশে ধরাইয়া
 আমায় আনিল হেথা, তার বাক্য হেলি,
 দৈত্যপতি ছাড়িবে শচীরে ! কহ শুনি
 কি ছলনে ভুলিলে এ ছলে ? সত্য যদি
 ভাবিলে তা, বল বা কিরূপে—স্বস্বাদ

ভাবিলে ইহায় ? রতি, শুভ সমাচার
 শুনাতে আমায়, যদি শুনাইতে আজ,
 তাপিতশরীর নাথ বাসব আপনি
 প্রবেশিলা অমরায়—স্বহস্তে মোচন
 করিতে ভার্যার দুঃখ । কিম্বা পুল্ল মম
 জয়ন্ত জননী-ক্লেশ করিয়া নিঃশেষ
 আসিছে বসিতে কোলে ! হে অনঙ্গরমে,
 শচী কি সে দানবের আঞ্জাবহ দাসী,
 আদেশে ছুটিবে তার বলিবে যেখানে ?
 মোচন করিতে আমা নাহি কি সে কেহ,
 অকুল অমরকুল থাকিতে এখানে ?
 না রতি, কহ গে দৈত্যো, চাহি না উদ্ধার
 সহিব এ কারাবাসে অশেষ যন্ত্রণা,
 পতিহস্তে যত দিন মুক্তি নহে মম ।”
 এত কহি স্থির-নেত্রে শূন্যদেশে চাহি
 উচ্ছ্বাসিলা চিত্তবেগ—“হে শিবে শৈলেশে,
 জীবদুঃখবিনাশিনি, শচী নিজালয়ে
 সেবিবে ঐন্দ্রিলা-পদ দেখিবে তা তুমি ?”
 নীরবিলা বাসব-বাসনা সুরেশ্বরী ।
 স্থলপদ্ম তুলা, মরি, উৎফুল্ল বদনে
 শোভা দিল অপরূপ ! প্রভাতিল যেন
 তাড়িত কিরণ স্থির তুষার-রাশিতে
 আভাময়,—আভাময় করি দশ দিক্ !
 শিহরিলা অনঙ্গ-মোহিনী হেরি শোভা,
 ভাবি মনে অশ্বরের ক্রোধন-মুরতি,
 কাঁদিয়া চলিলা ধীরে ঐন্দ্রিলা-আগারে !

পঞ্চদশ সর্গ

গেলা যবে দৈত্যপতি উত্তরতোরণে
 দণ্ডিতে অমরদর্প—দণ্ডিতে সমরে
 মহাবল বায়ুকুলপতি প্রভঞ্নে,
 দণ্ডিতে দুর্জয় পাশী জলকুলেশ্বরে,

প্রচণ্ড মার্ত্তণ্ডদেবে, শাসিতে সংগ্রামে
 ভীম শিখিধ্বজ শিবস্বতে—গেলা বরি
 ক্রত্বপীড়ে সেনাপতি-পদে । দম্ব ছাড়ি
 ঘারে ঘারে ফিরিতে লাগিলা দৈত্যস্বত ।

পূর্বদ্বারে ঘোর-রণ দেবতা-অশ্বরে—
 ভীমঃক্ষে যুঝিছে অনল, যুবো সঙ্গে
 ইন্দ্রসুত জয়ন্ত কুমার ধনুর্ধর ।
 বাজিছে অমরবাণ সমর-উল্লাসে ;
 দৈত্যরণবাণ বাজে অশ্বনিধি-নাদে,
 ভয়ঙ্কর কোলাহল বিদারে অশ্বর !
 অগ্রসরি চমুখে কোদণ্ড টঙ্কারি
 দাঁড়াইল রুদ্রপীড়—বাজে ঘোর রণ !
 ছুটিল অমরঠাট ত্রিদিব আকুলি ;
 ছুটিল দানব গজ্জি জলদ-গজ্জনে ;
 ঘন ঘন টলে স্বর্গ বীরপদভরে ।
 কভু ক্ষণকাল, দেবসৈন্য অগ্রসর
 বিগুণি দলুজে —কভু নিন্দি দৈত্যসেনা
 অমরবৃন্দেরে, ধায় ঘোর কোলাহলে ।
 ঝটিকা-তাড়নে যথা তরঙ্গ উত্তাল
 গেলে রঙ্গে বেলা সঙ্গে সাগরের কূলে—
 কভু জলরাশি দস্তে ছুটে উঠে তীরে,
 আবার পালটি ধায় সিন্ধুর গর্ভেতে—
 তেমতি সমর-রঙ্গ অমর-দানবে !
 লজ্জিয়া প্রাচীর ক্রমে উঠিতে লাগিল।
 অমর-বাহিনী ; অগ্নি অগ্নিময়-তন্তু,
 জয়ন্ত ভীষণ, দেব-সেনাদল আগে
 ছুটিছে উৎসাহে, সিংহনাদে সুরকুল
 করি উৎসাহিত ! পড়ে দেব-অস্বাঘাতে
 দৈত্য-অনীকিনী, পড়ে শিলাখণ্ড যথা
 আছাড়ি আছাড়ি, ছাড়ি উচ্চ গিরিশৃঙ্গ,
 কিম্বা যথা ক্রমরাজি ঝড়ে মড়মড়ি ।
 ঘোর উচ্চস্বরে বহি—“হে অমরচমু,
 আর (ও) ক্ষণকাল বীর্ঘ্য দেপাও এমনি,
 দেবহস্তগত তবে হয় এ নগরী ।
 অই স্থান, হে বীরেন্দ্র বাসব-তনয়,
 লজ্জিলে, দানবশূন্য নিমেষে এ দ্বার !
 দেখিবে অচিরে সে চির-আনন্দধাম,
 দেখ নাই দেবচক্ষে বহু কল্প যাহা,
 অমরার চির-রত্ন নন্দন উত্তান ।”

বলি অগ্নি, স্কুলিঙ্গ-মণ্ডিত কলেবর,
 লক্ষ লক্ষ সর্ক-অগ্রে উঠিলা প্রাচীরে,
 ছুটিলা জয়ন্ত ক্রত সসৈন্য পশ্চাতে ।
 নারে রুদ্রপীড়সেনা সে বেগ ধরিতে ;
 বৃত্তসুত যুঝিলা অশ্বুত পরাক্রমে,
 নারিলা ফিরাতে নিঃদলে ; ভঙ্গ দিলা
 সেনা সঙ্গে, সর্ক-অঙ্গে শোণিতের ধারা !
 এখার উত্তরদ্বারে অমর হরখী
 যুঝিছে দানব সঙ্গে ; সমরে মাতিয়া
 দেখাইছে সুরবৃন্দ অমর-বিক্রম,
 নিবারি দৈত্যোদ্ভ-ভুজবল ভয়ঙ্কর ।
 হুরক্ষিপ্ত শররাশি, বলনি গগন
 ছুটিছে আকুলি দিক—বিদারি যেমন
 বিদ্যুৎ-তরঙ্গ ধায় অনন্ত শরীরে—
 উগারি অনলরাশি বিভীষণ-শিখা ।
 পড়ে ভীম জটাস্বর (সঙ্গে ফিরে যার
 দ্বিকোটি দানব নিত্য) দৈত্য

মহাকাব্য,

দস্ত কড়মড়ি, ভীম গদার গ্রহারে ;
 ঘুরাই ঘর্গরে যাহা বায়ুপুলপতি,
 হানিছে চৌদিকে, নাশি দলুজের দল,
 একা লণ্ডণ্ড করি দ্বিকোটি দানবে ।
 কালাগ্নি জলিছে অঙ্গে, ধাইছে মার্ত্তণ্ড
 উজলি সমর-সিন্ধু— উজলি যেমন
 বাড়বাগ্নি ধায় জ্বালি সিন্ধু শতক্রোশ—
 ঘুরায় প্রচণ্ড চক্র অশ্বরে নাশিছে ।
 পলাইছে দস্তবক্র দানব দুঃখতি,
 (অমর জর্জর-তন্তু দস্তাঘাতে যার,
 ভয়ে যার লবণ-সমুদ্র প্রকম্পিত)
 পলাইছে স্বদল সহিত ভীমবেগে ;
 লক্ষ লক্ষ দৈত্যসেনা ছুটিছে পশ্চাতে—
 যথা ঘোর রঙ্গে ধায় ঘুরিতে ঘুরিতে
 ঘূর্ণবায়ু সঙ্গে বৃক্ষ, লতা, পত্রকুল !
 শত খণ্ডে খণ্ড করি মুণ্ড দানবের
 ফেলিলা মার্ত্তণ্ড দেব ; নিমেষে নাশিলা

সহস্র দহুজ বীর, শূণ্ডে ঘুরাউয়;
 দীপ্ত চক্রে ভয়ঙ্কর। পড়িলা সমরে,
 ছরস্ত বরণ-হস্তে দানব দুর্জয়
 সিংহতুণ্ড—সিংহের সদৃশ মুণ্ড গ্রীবা !
 কাঁপিত নাবিকবৃন্দ সদা যার ভয়ে
 পশিতে পিঙ্গলার্ণবে—পশিতে যেমনি
 কুতাস্ত-ভবনে পাপী। কেশরি গর্জনে
 বরণে নেহারি দৈত্য প্রসারি দ্বিভুজ
 (উন্নত বিশাল শাল তরুকাণ্ড যথা)
 ছুটিলা বিকট বেগে গগন আধারি।
 দিলা রড় বরণের অনুচর সেনা
 দেখিয়া অদ্ভুত কাণ্ড। গর্জিলা বরণ—
 গর্জিলা যে রূপে, পূর্বে যবে অহিরাড
 উগারিলা কালকুট নীলকণ্ঠ পেয় !
 কহিলা—“খা পলায়ে, রে ভীক

ফেরুপাল !

লুকা গিয়া নরকাঙ্ককারে সুরাধম !
 অমরকুল-কলঙ্ক ! ভঙ্গ দিলি রণে,
 পৃষ্ঠদেশে থাকিতে বরণ ? হা পামর !
 দেখ, দেব-কুলাঙ্গার, দেখ দূরে থাকি,
 সে সাহসও থাকে যদি, পাশীর কি

তেজঃ।”

বলি হুকারিলা, যথা হুকারি প্রলয়ে
 আন্দোলি অতলতল তরঙ্গ ছুটান ;
 ধরিলা সাপটি মহাপাশ— দিলা ছাড়ি !
 মেঘমন্দ্র মন্ডিল অম্বরে, পড়ে দৈত্য
 ভীমনাদে, নখে দস্তে মনঃশিলা ঘাতি—
 ছাইল সমরাঙ্গণ দৈত্য-শবদেহ।
 যুঝিছে অমরসৈন্য প্রাচীর-শিগরে,
 নিম্নদেশে হীনবল দহুজবাহিনী,
 নিরখি মহাদানব গর্জিলা ভীষণ—
 বাসুকিগর্জন ভীম যথা ; মহাদস্তে
 হানিলা প্রাচীরমূলে ঘোর পদাঘাত ;
 টলিল অটল ভিত্তি বিশাই নিশ্চিত !
 পড়িল ভাঙ্গিয়া শত খণ্ড খণ্ড হয়ে,
 ভূকম্পনে ভাঙ্গে যথা ভূধরশরীর।

তুলিলা তখন মহাপাশ—ভিন্দিপাল—
 হুই হস্তে মুষ্টিতে সাপটি ; পরশিল
 বিশাল অনন্ত প্রান্ত সে গড়া ভীষণ।
 আকুল বৃষভ তুল্য বিক্রমে দৈতোশ,
 খণ্ড খণ্ড করি শূণ্ড ভীমভিন্দিপালে,
 মথিতে লাগিলা বেগে দেব-চমূরাশি।
 উড়িল অমরতনু আছাদি অম্বর,
 যথা সে কার্পাসরাশি উড়ায় ধনারী
 টঙ্কারি ধুননযন্ত্র ক্ষিপ্ত দণ্ডাঘাতে।
 প্রবাহিল গ্ৰেত স্বচ্ছ অমর-শোণিত ;
 দেব-অঙ্গে বহিল তরঙ্গাকারে ধারা
 মনোহর—সৌরভে পুরিয়া অপরূপ।
 অক্ষত দেবের তনু অস্ত্রের আঘাতে,
 (অশরীরী মারুত যেমন) ছিন্ন নহে
 ক্ষণকাল সে ভীম প্রহারে—কিন্তু দেহ
 দহে অস্ত্রদাহে, দহে যথা নরদেহ
 কুট হলাহলে ঘোরতর। সুরবৃন্দ
 জলনে অস্থির, দৈত্য-প্রহারে আকুল,
 ছাড়ি স্বর্গতল শীঘ্র উঠিলা বিমানে ;
 উঠিলা নিমিষে শূণ্ডে কোটি ব্যোমযান
 আভাময়—দেব-অঙ্গ-শোভা অঙ্গে ধরি :
 অমৃত নক্ষত্র যেন উদিল সহসা
 নীল পরে ! অপূর্ব কিরণ অভ্রময়
 ছুটিতে লাগিল শূণ্ডে শতাব্দ-লহরী
 নিনাদি মধুর নাদে ; ছুটিল চকিতে
 শিখিধ্বজ মহারথ ইরশ্বদগতি,
 ছুটিল সূর্যের একচক্রে সুশুন্দন
 উত্তাপে ঝলসি নভঃচর প্রাণিকুল ;
 অপূর্ব নিনাদে পাশী বরণ স্তন্দন
 ছুটিতে লাগিল চক্রে চুণি মেঘদল ;
 মনোরথগতি বায়ু-রথ দ্রুতবেগে
 আকুল করিল ব্যোমদেশ। বৃষ্টিধারে
 দেবপুরী অমরা-উপরে বরষিল
 শরজাল—দৈত্যচমু মুণ্ড, গ্রীবা, বক্ষ,
 বাহু ভেদি ; চমকে উজলি অভ্রতনু—
 তড়িত নির্ঝর যথা। দহুজবাহিনী

অমুপায় !—দূর শূন্তে, অমর-স্বরথী ;
 না পারে স্পর্শিতে অস্ত্রে কিম্বা ভূজপাশে
 লাগিল পড়িতে, পলকে পলকে দৈত্য-
 সেনা অগণন । নিরখিলা বৃত্তাস্ত্র—
 ত্রিনেত্র ঘুরিল ঘন বহিচক্রপ্রায়
 উজলি বিশাল ভাল ; দস্তে ছুঁকারি
 বাড়ায়ে বিপুল বপু করিলা দীঘল—
 দীঘল ভূধর মেরু যথা, কিম্বা যথা
 কণীন্দ্র বাসুকি সিদ্ধ-মহন-প্রলয়ে ।
 দাঁড়াইলা রণস্থলে দমুজেন্দ্র শূর ;
 প্রসারি সঘনে বাহু, ঘন লক্ষ ছাড়ি,
 প্রচণ্ড চীৎকার-ধ্বনি ছুঁকারি নাসায়,
 দূর শূন্তে দেবযান ধরিতে লাগিলা,
 আছাড়ি আছাড়ি চূর্ণ কৈলা ক্ষণকালে
 রথ অশ্ব অস্ত্রকুল স্তদূরে নিক্ষেপি ।
 দেবসেনাপতিবৃন্দ ত্রাসিত তখন
 আরো দূরতর ঘোর অস্তুরীক্ষপথে
 চালাইলা দিব্য যান, দিব্য অস্ত্রকুল
 চাপে বমাইলা দ্রুত, শিঞ্জিনী টুকারি
 ঘোর নাড়ে ; মহাতেজে ছুটিল সঘনে
 অস্ত্রকুল, বিশ্বহর প্রলয় পবন
 ছুটে যথা ভাস্কি গিরিশঙ্করাজি—ভাস্কি
 ক্রম কাণ্ড-শাখা বেগে ; মুহূর্ত্তে উড়িল
 দশ দিকে, লক্ষ লক্ষ দৈত্য মহাকায় ;
 লণ্ডলণ্ড দৈত্যবাহ ! ভয়ঙ্কর বেগে
 ছুটিল বারীশ-অস্ত্র মহা প্রহরণ ;
 ত্রিভুবন স্তম্ভিত, কম্পিত চরাচর ;
 প্রলয়-প্রাবন-রঙ্গে টলিল ভূধর ;
 ভাসিল দমুজদল উত্তাল হিল্লোলে ;
 শূন্ত জুড়ি পড়িতে লাগিলা উর্দ্ধপদ
 অযুত দমুজ-তমু দূর নিয়ে বেগে—
 পর্বত, ভূতল, সিদ্ধ, অতল আছাদি ।
 ঘন হাহাকার শব্দ দৈত্যমণ্ডলীতে !
 বিকট মৃত্যু-আরাব দস্তের ঘর্ষণ !

দহিছে দিতিজগণে প্রচণ্ড ভাস্কর
 বরষি প্রথর কর—কালানল যেন—
 রণক্ষেত্রে অগ্নি দিকে । যুঝিছে কৌশলী
 সমর-পণ্ডিত ধীর শূর উমাসুত ;
 দেখি বৃত্তে অগ্নি শরে অভেদশরীর,
 হানিছে স্তম্ভীকৃতর শর চমৎকার ;—
 শূন্ত ব্যাপি একেবারে বাহিরিছে যেন
 কোটি ভূজঙ্গমগালা ; মালার আকারে,
 ঘেরিছে অম্বর-অঙ্গ বিক্টি খরতর,
 বিক্টি যথা বিষদস্ত বিষাক্ত তক্ষক
 যমদূত । শরদাহে আকুল অম্বর,
 লক্ষ্য করি শিবসুতে ধরিলা সাপটি
 সংহারীর শেষ শূল—দিলো শূন্তে ছাড়ি ।
 চলিলা সে অস্ত্রবর অম্বর উজলি,
 জলিল দুর্জয় শিখা ঝলকে ঝলকে ;
 ব্রহ্মাণ্ড পুরিল শূল-গর্জনে ভৈরব ।
 ঘোর-রঙ্গে ভ্রমে অস্ত্র—গ্রহপিণ্ড যেন
 হইলে স্বস্থানচ্যুত ভ্রমে শূন্তদেশে—
 কভু বক্র চক্রগতি, কভু স্থির ভাব,
 কখন নক্ষত্র তুল্য গতি অদভূত !
 স্তম্ভিত দমুজ দেব, অস্থির আকাশ,
 নেহারি শস্তুর শূল । কুমার-আদেশে
 অদৃশ্য হইলা সূর্য্য আদি ক্ষণকালে—
 লুকাইয়া তনু-অভা গভীর তিমিরে !
 ডুবিল, মরি রে, যেন আধারি গগন
 কোটি তারকার বৃন্দ ! হরিল দেবতা
 দেবতেজে গগনের তেজোরশি যত—
 না রহিল শর-লক্ষ্য অস্তুরীক্ষে আর !
 এক মাত্র প্রজলিত শূলের কিরণ
 জলিতে লাগিল শূন্তদেশে ক্ষণে ক্ষণে ।
 প্রাস্তে প্রাস্তে গগনের ভ্রমিলা ত্রিশূল
 ঘুরি অস্তুরীক্ষময়, লক্ষ্য না হেরিয়া
 ফিরিলা দৈত্যেন্দ্র-করে অভিমানে নত ।
 দেখিলা দমুজপতি সে অস্ত্র-আলোকে

রূপস্থল—ভীম শবস্থল এবে ! একা
সে প্রাক্ষণ-মাবে ! যথা নগরাজচূড়া
মৈনাক, মীনেন্দ্র তিমি বেষ্টিত সাগরে,
গজ-কুর্শ-রণে যবে উড়ে বৈনতেয় ।

দেখিলা অদূরে, হায়, ধূলি-বিলুপ্তিত
দম্বুজবিজয় কেতু ! নেহারি দুঃখেতে
দৈত্যানাথ স্বহস্তে ধরিলা সে পতাকা
ধীরগতি আনয়ে ফিরিলা চিন্তাকুল ।

ষোড়শ সর্গ

নিকুঞ্জ সুন্দর, নন্দন ভিতর,
চারু শোভাময় মুনি মোহকর,
নবীন পল্লবে ঝর ঝর ঝর
নিনাদ মধুর ; থর থর থর
মঞ্জরী দোলে ।

সুগন্ধ-মোদিত নিকুঞ্জ-কাননে
সুমন্দ মারুত আনন্দিত মনে
ঢলিয়া ঢলিয়া মধুর নিশ্বনে
ছুটিছে চৌদিকে—পড়িছে সঘনে
কুহুম-কোলে ॥

হাসে ফুলকুল তরুণ সুন্দর ;
সুললিত শোভা, রসে ভর ভর,
শ্বেত রক্ত নীল পীত কলেবর
থরে থরে থরে—হাসি মনোহর
মুকুল-মুখে ।

ঝরে সুধাকণা তনু স্নিগ্ধ করি
ঝরে হিম যথা নিশিগন্ধা 'পরি ;
ছোট্টে কুঞ্জময় মধুর লহরী
সঙ্গীত-বাদন শ্রুতিমূল ভরি
অতুল সুখে ॥

ডালে ডালে ডালে ডাকে পাখীকুল ;
স্বরগ-বিহঙ্গ আনন্দে আকুল ;
কেলি করে সুখে খুঁটিয়া মুকুল
উড়ি ডালে ডালে ; কুরঙ্গ ব্যাকুল
বেড়ায় ছুটে ।

অমে পঞ্চবাণ, পিঠে পুষ্পধনু
হাতে পুষ্পশর, সুমোহন তনু,
অরুণ অধরে প্রভাতয়ে জনু

স্বহাসি বিজুলী ; নেত্র কোণে ভানু
তরঙ্গে লুটে ॥

ঐন্দ্রিলা কহিছে “শুন হে মদন,
রচিলা নিকুঞ্জ বাসনা যেমন ;
আশার (ও) অধিক এ সুরভি বন
ত্রিদিবে অতুল—সফল সাধন
তোমার স্মর !

দৈত্যপতি হেরি এ কুঞ্জ সুন্দর
বাথানিবে তোমা, শুন গুণধর,
রণশ্রাস্ত যবে মহাদৈত্যবর
ফিরিবে এখানে ; রতি-মনোহর,
সুখে বিহর ॥”

বলি কুঞ্জে পশি, ঐন্দ্রিলা সুন্দরী
হাসে চারু হাসি স্তম্ভপর্ণ ধরি ;
হাসে চারু হাসি পীন-পয়োধরী
হেরি বিশ্বাধর,—অপাঙ্গ-লহরী
নয়নে খেলা ।

“বামা আমি, ওহে দৈত্যকুলেশ্বর”
কহে দৈত্যরামা অর্দ্ধ-স্বহস্বর,
“শচী ছাড়ি নাথ, আমায় কাতর
করিবে ভেবেছ—ইচ্ছায় আমার,
এতই হেলা ॥

আমি, দৈত্যনাথ, রমণী তোমার,
বাসনা পুরাতে আছে অধিকার
তোমার (ও) যেমন ভেমতি
আমার,
হে দম্বুজপতি, দেখিবে এবার
বামা কেমন ।”

হেনকালে শুনি ভূষণের ধ্বনি
ফিরিলা ঐন্দ্রিলা—যেন ভূঙ্গিনী
ভ্রমর রবে, ফিরয়ে তখনি
কণা ছুলাইয়া—ভাবিয়া ইন্দ্রাণী
করে গমন ॥

দেখিলা একাকী অনঙ্গমোহিনী
রতি আসে ধীরে, বাজিছে কিঙ্কিনী
চিন্তা-অবনত চাকু চন্দ্রাননী
মথা সূর্যামুখী, যবে সে যামিনী
হয় আগত ।

জিজ্ঞাসে ঐন্দ্রিলা, “মদন-মহিলা,
ইন্দ্রপ্রিয়া শচী কোথায় রাখিলা ?
বাসব-বনিতা, কহ, কি কহিলা
শুন সে বারতা,—শিরোপা কি দিলা
মনের মত ॥”

“দৈত্যেশ-মহিষি, আমি তব দাসী
কেন ব্যঙ্গ কর, মুখে নাই হাসি ;
ইন্দ্রের কাগিনী যে অভিমানিনী
জান ত সকলি—গন্ধর্ক-নন্দিনি,
শচী না আসে ।

না চাহে মোচন, চির কারাবাসে
রবে ইন্দ্রজায়া—এ স্বর্গ-নিবাসে
শচী নাহি চাহে আপন মঙ্গল
দগ্ধ-প্রসাদে—সহিবে সকল
না ভাবে ত্রাসে ॥”

প্রফুল্ল-আনন গন্ধর্ক-কুমারী
নয়ন-কোণেতে রতিরে নেহারি,
পেলায়ে অপাঙ্গে তড়িত-তরঙ্গ
দংশিলা অধর—করি গ্রীবা-ভঙ্গ
ক্ষণেক থাকি ॥

কহিলা, “কি রতি, ইন্দ্রের ইন্দ্রাণী
না আসিবে হেথা ? সাবাস্ মানিনী !
বৃথা কি হবে সে অশ্বরের বাণী
‘শচীর উদ্ধার’ ?—যাব লো আপনি
এ সব রাধি ॥

সাজা দেখি, রতি, ভাল ক’রে মোরে,
কেশ-বেশ্যাস আসে ভাল তোরে ;
সাজা লো তেমতি যেন হাসি-ভোরে
বাধি দৈত্যরাজে—রতি, মন ভ’রে
সাজা আমায় ।

জিনিয়া সমর ফিরিলে অশ্বর,
রণশ্রান্তি তাঁর করিব লো দূর
এ নিকুঞ্জ-বনে !—মরি কি মধুর
মদন-কৌশল ! মরি কি প্রচুর
সুগন্ধ বায় !”

সাজাইলা রতি গন্ধর্ক-কুমারী,
(ধন্য রতি, তোর গুণে বলিহারি !)
নীলোৎপল যথা ধুলে ধারাবারি
ঐন্দ্রিলার মুখ ; অলকার সারি
ভ্রমর তায় ।

সাজিলা ঐন্দ্রিলা ; মধুর মাধুরী
বসন-ভূষণে পড়ে যেন ঝুরি ;
পড়ে যেন ঝুরি চাকু-পয়োধরে !
লাবণ্য-তরঙ্গ থরে থরে থরে
নাচিল পায় !

বসন্ত-সময়ে কিবা সাজে রতি
ভূলাতে কন্দর্পে—রূপ-কুলপতি ?
শিবের সমাধি ভাঙিতে পার্বতী
সাজিলা বা কিবা ? মোহিনী যুবতী
সুধা-তুমুলে ?

নিন্দ্রিয়া সে সব ঐন্দ্রিলা রূপসী
সাজিলা সুন্দর, বাসে কটি কসি ;
কুস্তলে রতন ঝলিছে ঝলসি
তারকার মালা—মন্মথপ্রেয়সী
আপনি ভুলে !

অশ্বর-মোহিনী নেহারে মুকুরে
সে বেশ-লাবণ্য, গরবেতে পুরে ;
শচীরে পাইবে ভূলায়ে অশ্বরে
ভাবিল নিশ্চিত ; কোকিলা-কুহরে
কহে “লো রতি,

সাজা এইখানে যত অলঙ্কার,
যত বেশভূষা আছে লো আমার ;
রতন-মুকুট, মণিময় হার,
জয়লঙ্ক ধন—ধনেশ-ভাণ্ডার

ঢাল যুবতি ॥

আন যান, পুষ্পরথ, অশ্ব, গজ,
নেতের পতাকা, হেমময় ধ্বজ ;
আন বীণা, বেণু, মন্দিরা, মুরজ,
আমার যা কিছু ;—মানস-পঙ্কজ,
ফুটাব আজ ।

বল্ চেড়ীদলে সশস্ত্র সাজিয়া
দাঁড়াক সকলে এখানে আসিয়া—
ত্রিজটা, ত্রিগুণা, কপালী, কালিকা,
যে যথা আছে লো গন্ধর্ব-বালিকা,
দানবী-সাজ ।

যাও, হে অনঙ্গ, ফিরিলে অম্বর
জানাই(ও) বারতা, নিকুঞ্জে মধুর
ভ্রমি কিছুকাল ।”—বাজিল ঘুঙ্ঘুর
নাচিয়া কটিতে, চরণে নৃপুপ
মধুর তায় ।

“ঐন্দ্রিলার গতি কে ফিরাতে পারে ?”
কহিলা দানবী মূঢ়ল ঝঙ্কারে ;
“হে দমুজনাথ, ঐন্দ্রিলা হে নারে
বাসনা ছাড়িতে—বাসব-প্রিয়ারে
ধরাব পায় ।”

হেনকালে কাম কহিলা সংবাদ
ফিরিছে দৈত্যোক্ত সাধি নিজ সাধ
জিনিয়া সমরে—যথা সে নিষাদ
উজাড়ি অরণ্য, পুরাইয়া সাধ
কুটীরে যায় ॥

স্বগস্তীর গতি, অতি ধীর ভাব,
ভাবে দৈত্য মনে “এ জয়ে কি লাভ ?
সমূহ বাহিনী সংগ্রামে অভাবি
করিল অমর—এরূপে দানব
ক’দিন রবে ?

আমি যেন রণে লভিহু বিজয়,
আমার(ই) যেন এ শরীর অক্ষয়,
প্রতি রণে যদি দৈত্যকুল ক্ষয়
হয় হেন রূপে—কারে লয়ে জয়
ভুঞ্জিব তবে ?”

চলিলা ঐন্দ্রিলা আগু বাড়াইয়া,
বসন্ত-সথারে সংহতি লইয়া,
চলন-ভঙ্গীতে তরঙ্গ তুলিয়া
ভূলায়ে কন্দর্প—মধুর অমিয়া
হাসিতে ঢালি ।

দিলা আলিঙ্গন প্রফুল্ল লোচন,
নেহারি অম্বর দানবী-বদন
ভুলিলা সকল ভাবনা বেদন
যা ছিল অস্তরে—নিমেষে কালন
মনের কালি ।

কহিলা, “ঐন্দ্রিলে, এ কি মনোহর
শোভা হেরি আজ ! মরি কি সুন্দর,
রুধিরে ফুটিছে স্ন-ওষ্ঠ, অধর—
অক্রণের রাগে ! তনু-স্নিগ্ধকর
এ ভুজলতা !”

“রণশ্রাস্তি, নাথ, ঘুচাতে তোমার,
আমার আদেশে বিরচিলা মার
মধুর নিকুঞ্জ ; শোভা হেরি তার
সাজিহু আপনি ! রণচিন্তা-ভার
ঘুচাব চল ।”

রুগু রুগু ধ্বনি কিঙ্কিনী, নৃপুরে,
আগু হৈলা ধনী ধীরে ধীরে ধীরে,
অদীঘল-তনু এবে দৈত্যবরে
বাধি ভুজপাশে—চারু অঙ্গে ঝরে
শশাঙ্ক-আলো !

প্রবেশি নিকুঞ্জে শিহরে দানব !
চারিদিকে য়ুহু মধুর স্বরব—
যেন উথলিছে মাধুরী-অর্গব
ঢলিয়া চৌদিকে ।—মুকুল, পঙ্কব
অনঙ্গ-শর ।

অচেতন দৈত্য ভুঞ্জিয়া মাধুরী !
জাগাইল হাসি ঐন্দ্রিলা সুন্দরী,
রগশ্রান্ত শূরে শূরে শাস্ত করি,
চলিলা ভ্রমণে—ভূজপাশে ধরি

অসুরবর ॥

কিছু দূরে গিয়া কহে দৈত্যরাজ
“এ কি হেরি, প্রিয়ে, তব ভূষা, সাজ !
কেন এ সকল কেন হেথা আজ
পড়িয়া এ ভাবে ? চেড়ীরা সমাজ !

এ কি সমর ?”

“কোথা তবে আর রাখিব এ সব,
কহ শুনি, ওহে হৃদয়-বল্লভ !
কার গৃহ, হায়, ভবন ও সব,
দেখিছ ওখানে ?—অমর-বিভব !

শচী-ভবন !

অমরার রাণী, ইন্দ্রের ইন্দ্রাণী !
কহিলা রতির, কহিলা বাধানি,
এ ভবন তার ! কহিলা কি জানি
ভঙ্গর আমরা ? চাহে না সে ধনী,

কারা-মোচন ।

‘দৈত্য-বাক্য ছার’—কহিলা আবার
‘কারামুক্তি হায়, কে করে রে কার ?’
শুভ হে দানব, পুলোম-কন্টার
এ সুখ-ঐশ্বর্য, তার(ই) অধিকার

হেথা সকলি !

কি জানি কখন আসিবে সে ধনী,
মনোদুখে তাই আইলু আপনি
লতার নিকুঞ্জে !—ছাড়িব যখনি
শচী আঞ্জা দিবে ।” নীরব রমণী

এতেক বলি ।

শুনিতে শুনিতে ক্রোধেতে অধীর
বাড়িতে লাগিল অসুর-শরীর
পর্বত-আকার ; নিশ্বাস-সমীর
বহিল সবেগে—কহিল গম্ভীর

“রতি কোথায় !

রতি কাঁপি কাঁপি আসি দৈত্যপাশে
কহে—“ইন্দ্রপ্রিয়া রবে কারাবাসে ;
নাহি চাহে শচী আপন মঙ্গল
দৈত্যেশ-প্রসাদে—সহিবে সকল
থাকি এথায় ।”

রক্তবর্ণ আঁধি ঘুরিল সঘনে,
ফুলিল অধর ভীষণ বদনে,
কড় কড় ধনি রদনে রদনে,
উঠিল বিকট—কহিলা গর্জনে
ভীম অসুর ।

“আমার আদেশ হেলিলি, ইন্দ্রাণি ?
বিফল করিলি দৈত্যরাজ-বাণী ?”
বলি ছিঁড়ি কেশ দুই হস্তে টানি,
ছুটিল ভঙ্কারি.—হেরি দৈত্যরাণী
বামা চতুর ।

নিল ফুলধনু আপনার হাতে,
বাঁকাইল চাপ (ফুলবাণ তা’তে)
আকর্ণ পুরিয়া ; বসি হাঁটুগাড়ি
(সাবাস সুন্দরি !) বাণ দিল ছাড়ি
ঈষৎ হাসি ।

অদার্থ মঙ্গান ! মদনের বাণ
আকুল করিল দম্ভজ-পরাণ ;
ফিরিয়া দেখিল স্থির সৌদামিনী
হাসিছে ঐন্দ্রিলা—দানব-কামিনী
লাবণা-রাশি !

দাড়াইলা শূর । আসিয়া নিকটে
ঐন্দ্রিলা কহিলা মধুব কপটে
“এ নহে উচিত, হে দম্ভজনাথ,
তুমি যাকে সেথা করিতে সাঙ্গাৎ
শচীর মনে ।

তবে গর্ভ তার হবে যে সফল --
সেই স্বর্গরাণী ! হবে কি বিফল
দাসীর আদেশে দৈত্যরাজ-বল ?
ঐন্দ্রিলা-বাসনা জান ত সকল,

আছে ত মনে !”

কহে দৈত্যপতি “তোমায়, সুন্দরি,
 দিলাম সঁপিয়া ইন্দ্র-সহচরী ;
 যে বাসনা তব, তার দর্প হরি,
 পুরাও মহিষি, - ফণা চূর্ণ করি
 আনো ফণিনী

হরষে উন্নত হাসিল ঐন্দ্রিলা ;
 সুখে দৈত্যবরে আলিঙ্গন দিলা ;
 চেড়ীদল সঙ্গে গরবে চলিলা
 গজেন্দ্র-গমনে, কটাক্ষে হানিলা
 ঘোর দাগিনী ॥

সপ্তদশ সর্গ

দেবারি দনুজনাথ দৈত্য-সভামাঝে
 বেষ্টিত অমাত্যবর্গ ; সমর-কুশল
 মহাবল সেনাপতিবৃন্দ চার্বধারে ।
 নিকটে বসিয়া ধীর গুমিত্র ধীমান্
 কহিছে গভীর-স্বরে, “দৈত্যকুলেশ্বর,
 দিন দিন মরে দৈত্য দেবের উৎপাতে ;
 মরিল। যে কত, হায়, না হয় গণনা—
 বীরবংশ ধ্বংস-প্রায় দেবতার তেজে ।
 ক্রমে দর্প, নাহস বাড়িছে দেবতার ;
 বাড়ি’ বরিমায় যথা তরঙ্গিনী-ধারা
 ধায় রঙ্গে ভাঙ্গি নীধ দুকুল উছলি,
 গৃহ, শশু, পশু, প্রাণী নাশি অগণন ।
 হের দুনিবার তেজে জয়ন্ত, অনল,
 সমরে অসুরে জিনি অসম সাহসে
 প্রবেশিলা পূর্বদ্বারে, লজ্জিলা প্রাচীর
 অনংখা অমর-নৈগু ; তে দৈত্যশেখর,
 অর্ধেক অমরাবতী ভুজ্বলে দেব
 অধিকাঃ কৈলা এবে । উত্তর তোরণে,
 আবার সাজিছে রণে দেবসেনাপতি—
 মহারথী কুমার, বক্রণ, সূর্য্য, বায়ু ।
 ভাবিলা হে দনুঃস্রু, পলাইলা তার।
 লুকাতে ত্রিশূল ভয়ে পাতালে আবার,
 সে আশা নিফল, প্রভু, ইন্দ্রভালে ছলি
 করিছে কপট রণ অমর মায়াবী !
 হৈলা দেব অসুর-কণ্টক ! কি উপায়ে ;
 বুঝিতে না পারি, হায়, এ স্বর্ণ পুরী

হবে সুর-রথি-শৃগ—দুঃসহ সমর
 মহিবে ক’দিন আর একুপে দানব ;”
 দানবকুল-ঈশ্বর বৃত্তান্তর তবে—
 “মত্যা যা কহিলা, মস্ত্রি ! কিন্তু কহ শুধি,
 কি ফল বাঁচিয়া স্বর্গ ছাড়ি !—যার লাগি
 কত তপ কৈলু কত যুগ নিরাহারে ;
 জিনিতে সমরে যায় কত মগরথী
 দৈত্যবীরকুলশ্রেষ্ঠ ত্যাজিলা পরাণ ;
 যার লাগি অসংখা অসংখা দৈত্যসেনা
 পড়ে রণে, বীরদর্পে, শমনে না ডরি ।
 জনম বীরের কুলে—মরণ(ই) সফল
 শক্র ঘাতি রণস্থলে ! হে সচিবোত্তম,
 কে কোথা রাজত্ব ভুঞ্জে বিনা যুদ্ধ পণে—
 মৃত্যুভয়ে সমরে বিরত কবে শূর ?
 কবে নে বীরের চিত্তে কৃতান্তের ভয়
 হানিতে সমরে শক্র ? ত্যাজিতে
 পরাণ

যুঝি রঙ্গে রিপুসঙ্গে সমর-প্রাঙ্গণে ?
 শুন, মস্ত্রি, যত দিন এ দনুঃকুলে
 একমাত্র অসুধারী থাকিবে জীবিত,
 পারিব ধরিতে অস্ত্র এ প্রচণ্ড ভুজে,
 বহিবে রুধির-শ্রোত এ দেহে আমার,
 নহি ক্ষান্ত তত দিন এ হরন্ত রণে ।”
 হেনকালে রুদ্রপীড়, বীর-চুড়ামনি,
 মণ্ডিত সমরসাজে আসি দাঁড়াইলা
 নতশির, পিতার সন্মুখে কর যুড়ি ।

ঋষক উজ্জল শিরে, অঙ্গে সুকবচ,
 রত্নময় অসিমুষ্টি ঝলসে কটিতে—
 সারসনে ; পৃষ্ঠদেশে নিষঙ্গ ঝলসে ।
 কহিলা “হে তাত, তোমা দেখাতে এ মুখ
 পাই লাজ ; হে বীরেন্দ্র, তব পুত্র আমি
 চির অরিন্দম রণে—সমরে হারিহু,
 নারিহু রক্ষিতে পুরী তিন দিন কাল ।
 হারিহু অনল-হস্তে ! জয়ন্ত বালক
 অধিকার কৈল দ্বার রক্ষিত আমার !
 রণে ভঙ্গ দিল, পিতঃ, দম্বুজ-বাহিনী—
 আমি যার সেনাপতি ! জীবিত থাকিয়া
 তাহা চক্ষে নিরগিহু । এ নিন্দা ঘূচাব
 ত্রিলোকবিজয়ী দৈত্যপতি, রণস্থলে ;
 সমর-বহ্নিতে—যথা দাবাগ্নিতে বন—
 দহিব অমর-সৈন্য ; সমর-কুশল,
 জিনিব অনল দেবে—জয়ন্তে জিনিব ;
 নতুবা, হে তাত. এই শেষ দরশন
 ও চরণ অরবিন্দ । আজ্ঞা দেহ স্মৃতে ।”
 বলি পিতৃপদধূলি ধরিলা মস্তকে ।
 শুনিয়া পুত্রের বাণী বৃত্তের নয়নে
 দেখা দিল বাষ্পবিন্দু, দ্বিভুজ প্রসারি
 পুত্র দিলা আলিঙ্গন, কহিলা দৈত্যেশ—
 “এ প্রতিজ্ঞা, বীরশ্রেষ্ঠ, উচিত(ই)

তোমার,

দম্বুজকুলতিলক পুত্র রুদ্রপীড় !
 চির-অরিন্দম তুমি—কিন্তু শুনি পুনঃ
 সুরেন্দ্র আসিছে রণে, পশিবে সত্তর
 অমরায় — সুরনাথ দুর্জয় সমরে ;
 না পারে যুক্তিতে তারে ত্রিভুবনে কেহ,
 মৃত্যুজয়ী বৃত্ত বিনা, রক্ষঃ, সুরাসুরে !
 তার সনে সমরে পশিবি একা তুই ?
 রে সুধম্বি, একমাত্র পুত্র তুই মম ।”
 বলি পুনঃ গাঢ়তর দিলা আলিঙ্গন
 রুদ্রপীড়ে বক্ষে ধরি দম্বুজ-শেখর ।

কহিলা আবার ছাড়ি ঘন দীর্ঘশ্বাস
 “কিন্তু বীর তুই—বীরপুত্র—মহারথী,
 কেমনে নিবারি তোরে ? কেমনে বা বলি
 যাও, বৎস, দৈত্যকুল-রবি, অস্তে যাও ।”
 “হে পিতঃ,” কহিলা বৃত্তনন্দন তখন
 “কি ফল জীবনে, হেন কলঙ্ক থাকিতে,
 কি ফল তোমার(ই) তাত. হেন বংশধরে ?
 নিন্দা যার আজীবন ত্রিলোকে ঘুষিবে,
 হাসিবে অসুর. সুর যক্ষ যার নামে—
 জীবনে, জীবন-অস্তে, জগতে ঘৃণিত !
 ত্রিলোক-বিজয়ী পিতঃ, কহিবে সকলে,
 কুলাঙ্গার—কাপুরুষ—তনয় তাঁহার !
 পলাইলা প্রাণ ভয়ে, না ফিরিলা রণে
 পুনর্বার ! এ কলঙ্ক নহিলে মোচন
 জীবন নিষ্ফল মম ! হে দম্বুজনাথ,
 মরিব বীরের মৃত্যু সমরে পশিয়া !”
 উৎসাহ-প্রফুল্ল নেত্রে, আনন্দে অঙ্গর,
 নিরখিলা পুত্রমুখ ছটাবিমগ্নিত,
 ভ্রাতৃ-বিমগ্নিত যথা কনক-অচল
 সহস্র কিরণমালী টদিলে শিখরে !
 কহিলা সম্বর বেগ—“না নিবারি তোমা,
 যাও রণে, অরিন্দম, পুত্র রণজয়ী ;
 পালো বীরধর্ম, ভাগ্য যা থাকে
 আমার ।”

বলি কৈলা আশীর্বাদ অশ্রুবিন্দু মুচি ।
 বন্দি পদ জনকের আনন্দে চলিলা
 রুদ্রপীড় ; জননী-নিকটে গেলা দ্রুত ।
 দেখিলা ঐন্দ্রিলা চেড়ীদলে স্তমজ্জিতা
 চলে মন্দাকিনী-তীরে শর্চীরে বান্ধিতে ।
 আনন্দে জননী-পদ বন্দিলা বীরেশ ;
 কহিলা “জননি, স্মৃতে দেহ পদধূলি,
 দিলা আশীর্বাদ পিতা, প্রতিজ্ঞা আমার
 নির্দেব করিব স্বর্গপুরী ! কিন্তু মাতঃ,
 কে কহিতে পারে ক্রুর সমরের গতি,

না হেরি যতপি আর ও পদযুগল,
ও পদযুগলে, মাতঃ, এ মিনতি মম
রেখো মা, চরণে ইন্দুবালা সরলারে,
পতিগতপ্রাণা সতী স্নেহেতে পালিতা,
রক্ষা করো, জননি গো, স্নেহদানে তারে।”
হায় রে, ঝরিল অশ্রু বীরেন্দ্র-নয়নে !
স্মরি সে হৃদয়-ইন্দু—ইন্দুবালা-মুখ !
এ বিদায়ে কার, হায়, না আর্জিয়ে হিয়া ?
ঐঞ্জিলার(ও) শিলাময় হৃদয় তিতিল,
বাম্প-বিন্দু নেত্রকোণে, কহিলা দানবী
তনয়ের মুখপ্রাণ ল'য়ে ঘন ঘন ;

“এ অশুভ কথা, বৎস, কেন রে শুনালি ?
কাজ কি সমরে তোর ? একা দৈতানাথ
নাশিবে অমরকুল শঙ্কর-ত্রিশূলে ।
দৈত্যকুল পঙ্কজ সমরে নাহি যাও ।”
“না মাতঃ, অস্তুর জলে অনস্ত শিখায়
স্বর-হস্তে হারি রণে, নির্ধাণ-আহুতি
সমর্পিব এবে তায় অমরে দণ্ডিয়া,
তনয়ের শেষ ভিক্ষা মনে রেখো, মাতঃ !
পেয়েছি চরণধূলি জনকের ঠাই,
দেহ পদধূলি তব ।” এতক কহিয়া
ভক্তিভাবে প্রণমিলা জননী চরণে !
পুত্র কোলে করি স্নেহে দানব-মহিষী
বাঙ্কিলা শীর্ষক-চূড়ে বিল্ব সচন্দন,
কহিলা আশ্বাসি “বৎস, এ অর্ঘ্য সত্তত
অলক্ষ্য রক্ষিবে তোরে—এ মম আশীষ
যাও রণে, রণজয়ী অরিন্দম বীর !”
হেথা চারু ইন্দুবালা, কল্পতরু-মূলে,
(শুভ্র কুম্বের মালা লুটিছে উরসে)
বসি শ্বেত শিলাতলে, সখিদলে মেলি,
শুনিছে রণসংবাদ ভাসি অশ্রুনিরে ।
আহা, স্মলিন মুখ ! হৃদয় কাতর !
যেন রে নিদয় কেহ বিহঙ্গ ধরিয়া
হেমস্তের দেশ হ'তে আনিলা গ্রীষ্মেতে !
ভাবিছে দানববালা তেমতি আকুল !

কে পারে সহিতে, প্রাণ স্নকোমল যার,
সমরের ঘোর শিখা—জলিলে চৌদিকে ?
অহরহ দিবানিশি রণ-কোলাহল ?
করুণ ক্রন্দনাঘাত নিত্য শ্রুতিমূলে ?
কহিতে লাগিলা শেষে ব্যাকুল হইয়া
“কত দিনে, হায়, সখি, এ সমরশ্রোত
শুকায় নিঃশেষ হবে ? কত দিনে, পুনঃ
ধরিবে পূর্বের ভাব এ অমরাবতী ?
পুত্র শোকাভূরা, আহা, মাতার রোদন,
সখি রে, বিদরে হিয়া !—বিদরে লো

প্রাণ

স্বামিহীনা রমণীর করুণ ক্রন্দন !
ভগিনীর খেদ স্বর ভ্রাতার বিয়োগে !
হায়, সখি, বল তোর বল, কি উপায়ে
দহুজের এ দুর্দিশা ঘুচাইতে পারি ?
এ দেহ করিলে দান হয় যদি বল,
নিবাই সমরানল তনু সমর্পিয়া !
সখি রে, বুঝিতে নারি, কিরূপে এ সব
অস্বর-অমর-কূলে মহাবীর যত
(নিদয় নহে লো তারা) আপনা পাশরি,
জীবন-ঘাতক অস্ত্র হানে পরস্পরে ?
না ভাবে মমতা লেশ, নাহি ভাবে দয়া,
সদাই উন্নত-প্রায় নিষ্ঠুর সমরে ;
হানি অস্ত্র বধে প্রাণী, ভাবে না অস্তুরে
কত যে যাতনা জীবে—জীবন-নিধনে !
সমর-সুরাতে, হায়, অমর, দানব,
হয় কি এতই, সখি, অজ্ঞান উন্মাদ ?
কিষ্ণা, কি সে পরাণীর (ই) প্রকৃতি দ্বিভাব
কুটিল, কপটাচারী প্রাণীমাত্র সবে ?
কেমনে বা ভাবি তাহা ? হৃদয়বল্লভ
আমার যিনি লো সই, কপটতা তাঁরে
না পরশে কোন কালে ; তবু কি কারণ
সমরে নাশিতে প্রাণী না হন বিমুখ ?
দিব না দিব না নাথে সমর-প্রাক্ষণে
প্রবেশিতে পুনরায় ; রাখিব বাঁধিয়া

হৃদয়-উপরে এই ভূজলতা-পাশে,
নিদারুণ হ'তে তাঁরে দিব না লো আর ।”
হেনকালে রুজপীড় বৃত্তের তনয়
সজ্জিত সমর-সাজে, সুধীর গমন,
অধোমুখে ধীরে ধীরে উচ্চানে প্রবেশি,
অগ্রসর ক্রমে সেই কল্পতরুমূলে ।
দূর হৈতে দেখি পতি, উঠিয়া শিহরি,
ছুটিলা উতলা হয়ে ইন্দুবালা বামা,
পড়িলা বক্ষেতে তাঁর বাহু জড়াইয়া,
তরুণতা তরুদেহ ঘেরে যথা সুখে ।
কহিলা—কোকিলাধ্বনি কণ্ঠে কুহরিল,
(হায়, যবে ভগ্ন-ঘরে ডাকে পিকবধু)
কহিলা, “হে নাথ, কেন দেখি হেন সাজ !
রণসাজে কেন পুনঃ সাজালে স্তম্ভ ?
এখন(ও) সমর-ক্লেশ দূর নহে তব ;
এখন(ও) নিশিতে, নাথ, নিদ্রা নাহি যাও ।
কত স্বপ্ন সারা নিশি শুনাও, প্রাণেশ,
আবার এ বেশ কেন দহিতে আমায় ?
ছলিতে আমার বুঝি সাধ ছিল মনে —
ইন্দুবালা ভাবে ভয় সমরের বেশে,
তাই ভয় দেখাইতে, আইলে, প্রাণেশ ?
খোল, প্রভু, রণসাজ, না পারি সহিতে !
কি নিষ্ঠুর হায় তুমি, ললনা-হৃদয়
মথিতে আইলে, প্রিয়, ছলনা করিয়া !
তাজ রণসাজ শীঘ্র, দেখা(ই)ও না আর
বিভীষিকা, তরুণার হৃদয় তাপিতে ।”
“প্রেয়সি, নিষ্ঠুর আমি, সত্যই কহিলা;
পালিতে বীরের ধর্ম, দিলাম বেদনা
তোমার হৃদয়ে, হিয়ে, লভিতে বিদায়
এসেছি, বিদায় দেহ যাই রণস্থলে ।”
“যাবে নাথ ?” বলি, ধীরে চারু চন্দ্রাননী
তুলিলা বদন-ইন্দু পতিমুখতলে,
প্রদোষ-কমল যথা মুদিতে মুদিতে
নেহারে শিশিরে ভিজি অন্তগত ভাঙ্গু !

“যাবে নাথ, যাবে কি হে ছিঁড়িয়া এ লতা ?
বেঁধেছি তোমায় যাহে এত সাধ করি’
ছিঁড়ে কি হে তরুবর, ঘেরে যদি তায়
তরুণতা, ধীরে ধীরে আশ্রয় লভিয়া ?
ছিঁড়িলে, তবুও নাথ, লতিকা ছাড়ে না,
গতি তার কোথা আর বিনা সে পাদপ ?
কোথা নাথ, বল বল, তরুণের গতি
বিনা সে সাগরগর্ভ ? হে সখে, নির্বার
খেলিতে না বাসে ভাল শৈল-অঙ্গ বিনা
শত ফেরে ঘেরি তারে করয়ে ভ্রমণ
ঝর ঝর নাদে সদা—তেমতি হে আমি
থাকিব তোমার এই হৃদয়ে জড়ায়ে !”
শুনি, স্নেহভরে বীর ধরিল। তরুণী,
চারু চন্দ্রানন চুপি, ফেলি অশ্রুধারা ;—
শুকাইল ইন্দুবালা ! নিদাঘে যেমন
শুকায় কুম্মলতা ভানুর পরশে ।
কহিলা সরলা বালা—নয়নের জলে
ভিজিল বীরের বর্ম, হৈম সারসন,—
“যাবে যদি, নাশো আগে এই লতাকুল
পালিহু যে সবে দৌহে যত্নে এত দিন ;
এই পুষ্প-তরুণাজি কিসলয়ে ঢাকা,
হের দেখ কত পুষ্প ছলি ডালে ডালে
অধোমুখে ভাবে যেন দুঃখিনীর কথা—
দহস্তে অজ্জিহু যার কতই আদরে !
নাশো আগে সেই সব শিশুসরাজি
রঞ্জিত বিবধ বর্ণে—নয়নরঞ্জন !
প্রতিদিন পালিলা যে সবে হৃৎকদানে ;
স্বধার্ত্ত দেখিলে যায় হইতে কাতর !
নাশো এই সখীগণে, আজীবন ধারা
সুখের সঙ্গিনী মম, আজীবনকাল
সম্প্রীতে পালিলা, সদা—সেবিনা প্রাণেশ,
প্রাণ, মন, দেহ, স্নেহ-রসে মিশাইয়া ।
নাশো পরে এ দাসীরে—জীবন নাশিতে
নাহি ত তোমার মায়া, বীর তুমি, নাথ !

পাতিয়া দিলাম বক্ষ, হানো এ হৃদয়ে
 সে রক্ত-পিপাসু আমি—রণে যাও বীর!”
 বলি মূর্ছাগত ইন্দুবালা ইন্দুমুখী,
 সখীরা যতনে পুনঃ করায় চেতন,
 রুদ্রপীড় স্নেহে চুম্বি অধর ললাট,
 শিবিরে চলিলা দ্রুত চঞ্চলগতিতে ।
 নীরবে, চাহিয়া পথ, থাকি কতক্ষণ
 কহিলা দানব-কণ্ঠা চাকু ইন্দুবালা—
 “হায়, সখি, সংগ্রামের মাদকতা হেন,
 শিখিব সংগ্রাম আমি কিরিলে প্রাণেশ ।”
 হায়, ইন্দুবালা, তুমি কি জানিবে বলো,
 জীবের হৃদয়ার্ণবে কি অদ্ভুত খেলা ?
 মৃত্তিমতী সরলতা তুমি জীবকুলে !
 দানব-কুলের চাকু কোমল নলিনী !
 আকুল সরলা বালা ব্যথিত চঞ্চল,
 থাকিতে নারিলা স্থির স্নিগ্ধ শিলাতলে,
 স্নিগ্ধ কুসুমের দাম অস্তরে নিক্ষেপি
 তরু-ছায়া ত্যজি গৃহে করিলা প্রবেশ ।
 পতিগত-প্রাণা সতী ভাবিলা তখন
 করিবে শিবের পূজা—পতির মঙ্গল
 কামনা করিয়া চিতে ; লভি শুভ বর
 নিবারিবে চিন্তবেগ শান্তির সনিলে ।
 আঞ্জা দিলা সখীগণে, পূজা-আয়োজন
 করিতে বিধানমত, পবিত্র আগারে ;
 পরিলা সুপটুবাস ; স্নানে শুচি-তনু,
 প্রবেশিলা পূজাগারে সাধবা শুদ্ধমতি ;
 সুবিল্ব, চন্দন, পুষ্পমালা, সুবসন
 অপি শিবমূর্তি 'পরে স্থির ভক্তি সহ
 ধ্যানে শিবমূর্তি ভাবি, জপি শিবনাম,
 বর মাগিবার আগে উঠিলা সুন্দরী—
 উঠিলা সবিল্বজল ঢালিতে মস্তকে ;
 ধরিলা মঙ্গল-ঘট ভক্তির উল্লাসে ।
 হায় রে, বিমুখ যারে বিধাতা যখন,
 কোন সে কামনা সিদ্ধ নাহি হয় তার,

সহসা কাঁপিল হস্ত দানববালার,
 কাঞ্চন মঙ্গলঘট পড়িল খসিয়া
 মহাদেব-মূর্তি 'পরে থণ্ড থণ্ড হয়ে,
 বিল্বপত্র, জল, পুষ্প ছুটিল চৌদিকে !
 অধীর হইলা হেরি ইন্দুবালা সতী,
 দর দর ছনয়নে ঝরিল সনিল ;
 শিহরিল শীর্ণ তনু ; 'হে শঙ্কু' বলিয়া
 ভূতলে পড়িল বামা স্বামি মুখ স্মরি ।
 সখীগণে মেলি মবে করি কোলাকুলি
 পূজাগৃহ-বাহিরে লইল ইন্দুবালা ,
 রতি আসি নানা মতে বুঝাইলা তায়,
 সাস্তনা করিয়া কিছু করিলা স্থস্থির ।
 চেতন পাইয়া ঘন ফেলি দীর্ঘশ্বাস
 কহে দৈত্যরাজবধু দাক্ষণ আক্ষেপে—
 “হে শঙ্কর উমাপতি, দানবীর কপালে
 এই কি আছিল শেষে ? রতি সো, আমার
 পতি-আরাধনা ভার এত কি মহেশে ?
 কিদোষেদোষীলো দানবী প্রমথেশ-কাছে ?
 পাব না কি, রতি, আর হৃদয়েশে মম ।
 জানি না সে পাদপদ্ম ধিনা ত্রিভুবনে ।”
 কহিলা মদন-পত্নী “হে দানববধু,
 ভাবিতে কি আছে হেন এ অশুভ কথা ?
 বদনে এনো না, সতি, ইথে অকুশল—
 প্রিয়জন-অকুশল অশুভ চিন্তায় ।
 নাহি কি ভাবিতে অশু—হৃদয়-বেদনা
 জুড়াতে নাহি কি আর উপায়, সরলে ?
 সমদুঃখী পরাণীর যাতনা সকলি
 ভুলিলে কি চাকু মতি ? ভুলিলে শচীরে ?
 অমরায় ফিরে যবে আইলা তব প্রিয়
 নৈমিষ-অরণ্য হৈতে শচীরে বাঙ্কিয়া
 হে ইন্দু-বদনা, তুমি কাঁদিলা কতই—
 শচী-দুঃখে কত দুঃখ করিলা তখন !
 সে পুলোমকণ্ঠা এবে নিভৃত মন্দিরে
 নিরানন্দ দিবানিশি ! ভুলি দুঃখ তার,

বুধা ভয়ে হেন ভাবে ভাবিছ আপনি ?
আপন হৃদয়-ব্যথা এতই কি, সতি ?”
রাত-বাক্যে ইন্দুবালা সলজ্জবদনা,

স্মরি মনে মনে পতি, স্মরি শচীকথা,
অধোমুখে ভাবিতে লাগিলা অশ্রুমুখী ;
হিমবিন্দু-সিক্ত যেন শশাঙ্ক মলিন ।

অষ্টাদশ সর্গ

কুল কুল ধ্বনি ! চলে মন্দাকিনী,
দেবকুল-প্রিয়, পবিত্র তটিনী ;
লতায় লুটিছে স্মর-মনোহর
মন্দার ঢুকুলে—ছুকুল সুন্দর
স্মরভি বিমল ফুল-শোভায় ।

যে ফুলের দলে স্মরবালাগণে
হেলাইত তনু বিহ্বলিত মনে ;
না হেলিত ফুল স্মর-তনু ধরি
খেলিত যখন অমর অমরী

সিতপুষ্পরেণু মাগিয়া গায় ॥

যখন অমরা ছিল অমরের,
স্মরধামে দস্ত না ছিল দৈত্যের,
স্মরবালা কণ্ঠে মঙ্গীত বারিত,
যে গীত শুনিয়া কিঙ্গরী মোচিত,

কন্দর্প অনঙ্গ যে গীত শুনে ।

যখন পোলোমী আখণ্ডল-বামে
বসিত আনন্দে চিরানন্দধামে,
দেবঋষিগণ আনি পুণ্ডরীক
অমৃত-হৃদের—বাক্যে অমায়িক

দিত শচী-করে গরিমা-গুণে ॥

সেই মন্দাকিনী-ভীরে ত্রিয়মনা,
মন্দির আলিন্দে, শচী স্থলোচনা ।
কাছে স্নহাসনৌ চপলা সুন্দরী,
রতি চাক্রবেশে বসি শোভা করি--

ঘেরেছে মাধুর্য্যে অমরা-রাণী ।

প্রভাতের শশী চাক্র ইন্দুবালা
শচী-পদতলে, বসি কুতূহলা
হেরিছে শচীর বিমল বদন,
শুনিছে কেতুকে—বালিকা ঘেমন--

ইন্দ্রাণীর মৃদু-মধুর বাণী ।

কহিছে পোলোমী কোথা ব্রহ্মলোক,
দেখিতে কিরূপ, কিরূপ আলোক
প্রকাশে সেখানে ; কিরূপ উজ্জল
কনক-নির্মিত ব্রহ্মার কমল,

সত্তত চকল কারণ-জগে ।

কিবা অদভুত সে রেণু-সমুদ্র ;
বীচিমালা তায় কি বিপুল, ক্ষুদ্র ;
কত অপরূপ সৃজনের লীলা
প্রকাশ তাহাতে ; কিরূপ চকলা

পরমাণুময়ী মণী সে জলে ॥

কোথা বিষ্ণুলোক বৈকুণ্ঠ-ভূবন ।
ভকত-বৎসল কিবা জনাদিন ;
কিবা সে লক্ষ্মীর অক্ষয় ভাণ্ডার,
কতই অনন্ত দান কমলার ;

কিবা শ্রীপতির পালন-প্রথা ।

দেখিতে কিরূপ শ্রীবৎসলাঙ্কন ;
কি শোভা কোম্পভে—কেশব-ভূষণ ;
কমলা-লাবণ্যে কি চাক্রমাধুরী,
ক্ষীরোদ মধুর যে মাধুর্য্যে পূরি ;

কিবা স্মধাময় রমার কথা ॥

কৈলাস ভুবন কিরূপ ভৈরব ;
ভৈরব কিরূপ জটাধারী ভব ;
কিরূপে ত্রিশূলী করেন প্রলয়—
ত্রিলোক-ব্রহ্মাণ্ড যবে রেণুময়—

প্রলয়-বিষাগ কিবা সে ঘোর ।

কিবা দয়াময়ী শঙ্কর-গৃহিণী,
ভবে শুভঙ্করী, দুর্গতিহারিণী,
জীবদুঃখে উমা কতই কাতর,
কি, দেব, দানব, যক্ষ, রক্ষ, নর,

ভক্তজন স্নেহে সদাই ভোর ॥

আগে সে কিরূপে বাসবে তুষিতে
বিধি, হরি, হর অমরপুরীতে
আসিতেন স্থখে—আসিতেন উমা,
রাগ-মাতা বাণী, রমা পদ্মালয়া

ইন্দ্র-উৎসব যে দিন স্বরে ।

দুর্গাইতে ইন্দুবালা-মনোবাথা,
শুনাইলা শচী সে অপূর্ব কথা,
হরষে ত্রিদিব মাতিত যখন,
ধরি পঞ্চতাল নিজে পঞ্চানন

গায়িতেন যোগী গম্ভীরস্বরে ॥

গণপতি জ্ঞানী সে গীত শুনিয়া,
ছাড়ি যোগধ্যান, ভাবেতে ডুবিয়া
মিশাতেন স্বর সে স্বর সহিত ;
কমলা উতলা, বিধি রোমাঞ্চিত,

আনন্দে অধীরা ভবেশ-জায়া ।

শুনি গৃঢ় তন্ত্র হরি-গান তুলি,
ছাড়ি তুষযন্ত্র উর্দ্ধে বাহু তুলি,
নাচিত নারদ-হরষে বিহ্বল,
পঞ্চতালে ঘন ঘাতি করতল,

আনন্দ-সলিলে ভিজায়ৈ কায়া ।

শুনাইলা শচী দম্ভজবালায়—
ত্রিদিবে আসিয়া থাকিত কোথায়
মনুষ্য-জীবনে সফল সাধন
সাধু, পুণ্যশীল প্রাণী যত জন—

আত্মস্থখ-ভোগ কিবা সেথায় ।

কহিলা ইন্দ্রাণী “শুন রে সরলে,
এই স্বর্গধামে আছে কত স্থলে,
সুপবিত্র ঋষি আত্মা মোহকর
কত নিরুপম মাধুরী সুন্দর,

দিতিসুতগণ না জানে যায় ॥”

শুনি ইন্দুমুখী ইন্দুবালা বলে
“হে অমর-রাণি, আমি সে সকলে
শুনাইলে যাহা মধুমাথা স্বরে,
পাব কি দেখিতে ?—শুনিয়া অন্তরে
কত কুতূহল উথলে হায় ।”

কাতরহৃদয় কহে ইন্দ্রপ্রিয়া,
চাক্র ইন্দুবালা-চিবুক ধরিয়া,
মৃদুল নিশ্বাসে নাসিকা কম্পিত,
মৃদুল মধুর অধর স্ফুরিত,

বাম্পবিন্দু ধীরে নয়নে ধায় ;—

“রহিল এ খেদ শচীর অন্তরে,
অনুগত জনে মনে আশা ক’রে,
না পাইল ফল তাহার নিকটে !
বল, ইন্দুবালা, বল অকপটে

কি দিয়া এখন তুষি তোমায় ॥”

কহিলা সরলা সুশীলা দানবী,
(যেন নিরমল সরলতা-ছবি)

“ইন্দ্রপ্রিয়ে, মম চিত্তে অভিলাষ—
চিরদিন তব কাছে করি বাস,

বচনে তোমার স্থগেতে ভাসি !

চল, দেবি, চল আমার আলয়ে,
আমি নিত্য তোমা গন্ধ-পুষ্প লয়ে
করিব শুশ্রূষা ; হৃদয়ের স্তম্বে
হেরিব সতত, শুনিব ও মুখে

বীণা-বিনোদন বচন-রাশি ।

কেন, ইন্দ্রপ্রিয়ে, এ কাণা-মন্দিরে
দুঃখে কর বাস ? আমি মহিষীরে
করি অশ্রুনয়, রাখিব তোমারে
আপন আলয়ে—অশেষ প্রকারে

করিব যতন তোমার লাগি ।

স্বামী গেলা রণে কাতর হৃদয়,
তোমা কাছে পেলে তবু স্নিগ্ধ হয়
এ দক্ষ অন্তর—চল, সুরেশ্বরি,
আমার আলয়ে ; হে সুর-সুন্দরি,

নিকটে তোমার ইহাই মাগি ॥”

শুনি ইন্দ্রজায়া বাক্যেতে মৃদুল,
“হায় রে, সরলে, তুই দৈত্যকুল
করিলি উজ্জল” কহিলা বিশ্বয়ে,
নেহারি সঘনে, ব্যথিত হৃদয়ে,
তরুণীর আর্জ নয়নদয় ।

হেনকালে রতি চকিত, চঞ্চল,
(হরিণী যেমন কিরাতের দল
হেরিলে নিকটে) বলে,—“ইন্দুপ্রিয়া,
হের দেখে আই—চেড়ীদল নিয়া

ঐন্দ্রিলা আসিছে বাঘিনা-প্রায় ;
ইন্দুবালা, হায়, লুকা কোন(ও) স্থানে,
এখনি দানবী বধিবে পরাণে ;
না জানি ললাটে আমার(ই) কি ঘটে
মহেন্দ্র-রমণি, এ ঘোর সঙ্কটে

কি করি, সত্তর কহ উপায় !”

ইন্দুবালা ভয়ে, রতির-বচনে,
চাহি শচীমুখ কহে,—“কি কারণে
লুকাইব আমি ? কেন, সুরেশ্বরি,
বধিবে অমায় দৈত্যোশ-সুন্দরী ?

কোন দোষে আমি দোষী গো তাঁয় ?”

উত্তর করিলা সুরেশ-রমণী

(তানপুরাতাবে যেন তারধ্বনি)

“মীনকেতু-জায়া, কি হেতু এ ভয়,
ইন্দুপ্রিয়া শচী অমরী কি নয় ?

নারিবে রক্ষিতে আশ্রিতে তার ?

যাও, লো চপলে, যেখানে অনল,
রণজয়ী সুর—কহিও সকল,
কৈও তাঁরে মম আশীষ বচন,
সত্তরে এথায় করিয়া গমন

করুন দমুজ-বালা উদ্ধার ।

থাকো, আইখানে থাকো ইন্দুবালা,
কি ভয় তোমার ? কপটীর ছলা
শিখো না কখন, মেখো না হৃদয়ে
পাপ-পঙ্ক হেন কোন(ও) প্রাণী ভয়ে,

কপট-আচারে অনন্ত জালা ।

যাও কামবধু, প্রাণে যদি ভয়,
লুকাইয়া থাক ; শচী রতি নয়,
দানবী-ঝঙ্কারে নহে সে অস্থির,
আছে সে সাহস এখন (ও) শচীর,

পারিবে রক্ষিতে এ চাকুবালা ।”

লুকাইল রতি । হেরে ইন্দুজায়া,
হেরে ইন্দুবালা (যেন প্রাণী-ছায়া)
আসিছে সাজিয়া চেড়ীরা করাল,
কিরণে জলিছে প্রহরণ-জাল,

ভানু মাগি যেন তরঙ্গ-থর ।

চলেছে কালিকা ঘন-নিতম্বিনী
মৃদু-মন্দগতি—যেন কাদম্বিনী
বিজুলী পরিয়া করিছে নর্তন—
জলিছে কবচ ভীম-দরশন,

হাতে প্রভাবিত শাণিত শর ।

চলেছে ত্রিঙ্গটা বিশাল-লোচনা,
সিন্দুরের ফোটা ভালে বিভীষণা,
ভীম ভল্ল হাতে—মদ-মত্ত করী
ধায় যেন রঞ্জে শুণ্ড উচ্ছে ধরি—

জুলিছে ত্রিবেণী চলেছে বামা ।

প্রচণ্ডা-কপালী চলে খড়্গ তুলি,
পৃষ্ঠদেশে কেশ পড়িয়াছে খুলি ;
চামুণ্ডা-করেতে অসি খরশান,
ধামলী-পৃষ্ঠেতে নিষঙ্গেতে বাণ,—

চলে মহা দস্তে শতেক রামা ।

চেড়ীদল সঙ্কে চলেছে রে রঞ্জে
ঐন্দ্রিলা সুন্দরী, লাবণ্য-তরঞ্জে
সুবহু উজলি, ঝরে যেন অঞ্জে
বিদ্যুৎ-লহরী—নয়ন অপাঞ্জে

খেলে কালকূট গরল-শিখা ।

নিকটে আসিয়া চিত্ত চমকিত,
নেহারে ঐন্দ্রিলা হইয়া স্তম্ভিত,
অমরার রাণী ইন্দ্রাণী-বদন ;
চারু দীপ্তিময় অতুল কিরণ

সুচিত্রে যেমন স্বপনে লিপা !

কোথা রে ঐন্দ্রিলে তোর বেশভূষা ?
অভূষিত তনু জিনি চারু উষা
ভাতিছে আপনি, প্রকাশিয়া বিভা
তনু-শোভাকর, মনের প্রতিভা

উছলি হৃদয় জলিছে মুখে ।

হায় রে মলিন শশাঙ্ক যেমন
হেরি দিনমণি, দানবী তখন
মলিন তেমতি শচীর উদয়ে,
ঈর্ষা-বিষদাহ জলিল হৃদয়ে

শচীরে নেহারি অধীর ছুখে ।
ক্ষণে ধৈর্য পেয়ে, চাহি ইন্দুবালা,
ঢালি নেত্রকোণে অনলের জ্বালা
কহিলা—“দানবকুল-কলঙ্কিনি,
বধু-বেশে তুই কালভুজঙ্গিনী ;

বসিলি রিপূর চরণ-তলে ?
আমার কিঙ্করী—তার পদতলে
স্থান নিলি তুই ? অসুর-মণ্ডলে
অশ্রাব্য করিলি ঐন্দ্রিলার নাম,
পুরাইলি হায়, শচী মনস্কাম ?

কি কব হৃদয়ে গরল জ্বলে !
এখনি মুছায়ে এ কলঙ্ক-মসী,
ভিজাতাম তোম শোণিতে এ অসি,
কি বলিব হায় পুত্র-অনুরোধ
না দিলা লইতে সেই প্রতিশোধ,

চেড়ী-হস্তে তোম বধিব প্রাণ ।”
পরে বাঙ্ক-স্বরে বলিলা—“ইন্দ্রাণি,
জানিতাম তুমি অমরার রাণী,
বালিকা ছলিতে শিখিলা সে কবে ?
ইন্দ্রজাল-শিক্ষা স্বর্গে আছে তবে ?

হায়, এ ত্রিদিব অপূর্ব স্থান !”
বলি, ক্রোধে ভীমা তুলিলা চরণ
শচী-বক্ষঃস্থল করি নিরীক্ষণ ;
বন্ধন ছিঁড়িয়া ছুটিল কুম্বল
যেন ফণা তুলি দোলে ফণিদল

সুন্দরী-রমণী-ক্রোধ কি কটু !
চেড়ীদলে আঞ্জা করিলা নিদয়া,
বাক্সি আনি দিতে রুদ্রপীড়-জায়া,
বাক্সিতে শৃঙ্খলে ইন্দ্রের অঙ্গনা,—
ছুটিল কিঙ্করী করালবদনা,

ভীমাজ্ঞা পালিতে সতত পটু ।

হেনকালে রণবেশে বৈশ্বানর,
চপলার সনে আসিয়া সজ্বর
বন্দিলা শচীরে ; জয়ন্ত কুমার,
করতলে অসি ধরি খরধার,

নমিলা আসিয়া জননী-পদে ।
পুল্লে কোলে করি শচী স্নলোচনা,
বহ্নিরে তুমিলা, পীযুষ-তুলনা
বচনে মধুর ; চাহি ইন্দুবালা
অনলে কহিলা—“সত্বরে এ বালা

লয়ে কোন(ও) স্থানে রাখ বিপদে
বধিতে উহারে দানব-মহিলা
দেখ দাঁড়াইয়া,”—বলি, শুধাইলা
চাহি পুত্রমুগ, কুশল সম্বাদ,
কোলে পেয়ে পুনঃ অসীম আহ্লাদ

যতনে নয়নে হৃদয়ে ধরে ।
ইন্দ্রজায়া-বাক্যে হয়ে অগ্রসর
ইন্দুবালা-পার্শ্বে উগ্র বৈশ্বানর
চলিলা তখনি, সতৃষ্ণ-নয়নে
হেরে দৈত্যবধু শচীর বদনে,

কপোল বাহিয়া সলিল ঝরে ।
দেখি ইন্দুবালা-বদন-মুকুল—
হায় রে, যেমন নিদাঘের ফুল
নব তরুণিরে কিরণ-তাপিত—
পুরন্দর-জায়া শচী ব্যাকুলিত,

হৃদয়ের বেগ ধরিতে নারে ;
ভাবিতে লাগিলা বুঝি আকিঞ্চন,
“কিরূপে একাকী করিবে গমন
চারু ইন্দুবালা ? এ চারুসত্য
স্নেহনীরদানে কে পালিবে, হায় !

কে জুড়াবে তপ্ত হৃদয় তার ?”
অয়ি নিরুপমা সুরেশ-রমণি,
নিখিল-ব্রহ্মাণ্ড-মানসের মণি,
তব চিত্তে বিনা হেন মধুরতা
কার চিত্তে শোভে, এ স্নেহ-মমতা
বিপক্ষবধুরে কে করে আর ?

জয়ন্ত শচীরে করি অহুনয়
বুঝাইলা কত—তাজি সে আলয়
জুড়াতে সস্তপ্ত হৃদয়ের তাপ ;
কহিলা “হা মাতঃ, এ দাসের পাপ

ঘুচাও আদেশ করিয়া দাসে,
নারিনু রক্ষিতে নৈমিষে তোমায়,
সে মনোবেদনা, জননি গো, যায়
এ কারাবন্ধন ঘুচালে তোমার ;
আজ্ঞা কর, মাতঃ, দনুজ-বামার
দর্প চূর্ণ করি বাঁধিয়া পাশে।”

দনুজরাজেন্দ্র-বনিতা ঐন্দ্রিলা,
যথা বিস্ফারিত ধনুকের ছিল,
ছিল এতক্ষণ ; সহসা তখন
সাপটি ধরিয়া তুলিলা ভীষণ

চামুণ্ডার দীপ্ত খর কৃপাণ,
মনঃশিলাতলে শচী-তনু-ভাতি
প্রভাষিত যেন, চরণে আঘাতি
সঘনে তাহায়, দাঁড়াইল বামা ;
নিশ্চল-সমরে যেন দস্তে শ্যামা

দাঁড়ায় নিনাদি বিকট স্থান ।
হেরি ক্রোধে বহি জলিতে লাগিলা,
জয়ন্ত টঙ্কারে কোদণ্ডের ছিল ;
লজ্জিত আবার ভাবে চুই জনে
বামা-অঙ্গে শর হানিবে কেমনে,
কিরূপে দমন করে ভীমায় ।

আসি হেনকালে দাঁড়ায় সম্মুখে
বীরভদ্র বীর, ব্যোমশব্দ মুখে,
হাতে মহাশূল, গিরে বহি জলে,
শিবাঙ্গা শুনায়ে জয়ন্ত, অনলে,
সত্তরে দৌহারে করে বিদায় ।

সঙ্গে করি পরে ইন্দ্র-রমণীরে
চলে শিবদূত ; চলে ধীরে ধীরে
শচী স্থলোচনা, জননীর স্নেহে,
জড়াইয়া বাহু ইন্দুবাল্য-দেহে,

কনক-ভূধর স্মেরু যেন ;
হাসিল ত্রিদিব—শচী পদতলে
ত্রিদিব-কুম্ভ দলে দলে দলে
লুটিতে লাগিল ফুটিয়া ফুটিয়া,
যেন মনে সাধ সে পদ ধরিয়া

চিরদিন তরে রাখিবে সেথা ।
বীরভদ্র বীর কহে ঘোর বাণী
চাহি ঐন্দ্রিলারে “শুন রে নৈত্যানি,
রবে ইন্দ্রপ্রিয়া স্মেরুশিগরে
যত দিন বৃত্ত সমরে না মরে—
অসুরনিধন নিকট অতি ।”

মহোরগ যথা মহামন্ত্রে বশ,
শুনি শিবদূত-নির্ঘোষ কর্ণ
তেমতি ঐন্দ্রিলা—রহিলা স্তম্ভিত,
কে যেন চরণযুগলে জড়িত
করিয়া শৃঙ্খল নিবारे গতি ।

উনবিংশ সর্গ

গভীর ধরণীগর্ভে, গাঢ় তমোময়
নির্জন দুর্গম স্থান বিশাল বিস্তৃত,
বিশ্বকর্মা-শিল্পশাল ; ভীম শব্দ তায়
উঠিছে নিয়ত কত বিদারি শ্রবণ,

প্রকাণ্ড মুদগর-ধ্বনি কোটি কোটি যেন,
পড়িছে আঘাতি শূন্য ; নিনাদি বিকট—
সহস্র বাসুকি-গর্জ ভয়ঙ্কর যথা,
দধ-ধাতুশ্রোত বেগে ছুটিছে সলিলে ।

ধূম-বাম্প-পরিপূর্ণ গভীর মে দেশ,
 সপ্তদ্বীপ-শিল্পশালা একত্রিত যেন
 হইলা গহ্বরে আসি ; গাঢ়তর ধূম,
 ভস্মরাশি, বাষ্পরাশি, দধ্ব-বায়ুস্তর
 উঠিছে নিখাস রোধি তীব্র ঘ্রাণসহ ।
 প্রবেশিলা পুরন্দর মে কেন্দ্র-গহ্বরে
 লইয়া দধীশি-অস্থি । উচ্চ-সুস্ত'পরে
 দেখিলা জ্বলিছে উর্ধ্বে, ছিনি সূর্য্য-আভা,
 তড়িৎ-পিণ্ডের শিখা, দীপের আকারে
 উজ্বলি ভূমধ্যদেশ । দেখিলা আলোকে
 ভীমবলী আখণ্ডল ধাতুস্তরমালা,
 পাঃগুল, পাটিল, শুভ্র, কৃষ্ণ, রক্ত, পীত,
 বক্রগতি সর্পাকৃতি চৌদিকে ভেদিছে
 মহী-দেহ, নানাবর্ণে রঞ্জিত তেমতি
 যথা ঘনস্তর-দল নানা আভাময়
 পশ্চিম গগন-প্রান্তে ভাহুরশ্মি ধরি ।
 কোনখানে ধূমবর্ণ লৌহ-ধাতুরাশি
 পশিছে পৃথিবী-গর্ভে, -- শত শত যেন
 মহাকায় অজগর পুচ্ছে পুচ্ছ বাঁধি
 ছুটিছে মহীজঠরে ; কোনখানে শোভে
 শুভ্র খড়ীকের স্তর তড়িত-আলোকে
 আভাময় ; রক্তবর্ণ তাম্বের তবক
 কোনখানে — রুদিরাক্ত তরঙ্গ-আকৃতি ;
 রজত-স্বর্ণরাজি অন্ত্র ধাতুমহ
 নিরখিলা আখণ্ডল মে মহী-জঠরে,
 শোভাকর—শোভাকর যথা অঙ্ককারে
 বিজুলী উজ্জল আভা কাদম্বিনীকোলে !
 জ্বলিছে ভূমি-অঙ্গার-স্তর কত দিকে,
 কোথাও বা শিখাময়, কোথা গুমি গুমি,
 ছড়ায় বিকট জ্যোতিঃ ; যথা ধূমধ্বজ
 গৃহদাহে, কভু দীপ্ত কভু গুপ্ত বেশ !
 পীতবর্ণ হরিতাল-স্বপ কোন স্থানে
 ধরে শিখা নীলবর্ণ—দীপ্তি খরতর ;
 কোথাও পারদরাশি হ্রদের আকারে,

কোথা শ্রোতে তরঙ্গিত ছুটিছে ধবায় ।
 অগ্রসরি কিছু দূরে দেখিলা বাসব
 অগ্নি-প্রজ্বালন-যন্ত্র—যেন বা আগ্নেয়
 শৈলশ্রেণী, সারি সারি বদন প্রসারি
 উগারে অনলরাশি ধাতুরাশি সহ ।
 মিশেছে যে সব যন্ত্রে বায়ু-প্রবাহক
 বিশাল লৌহের নল শতদিক হ'তে—
 জরায়ু সহিত যথা গভিণী-জঠরে
 গর্ভস্থ শিশুর নাড়ী মিলিত কোশলে ।
 নলরাজি-অন্যমুখে প্রকাণ্ড ভীষণ
 উঠিছে পড়িছে জঁতা ধাতু বিনিম্বিত,
 ভয়ঙ্কর শব্দ করি,—ছুটিছে পবন
 কভু ধীরগতি, কভু ঘোরতর বেগে ।
 যন্ত্রমণ্ডলীর মাঝে বিপুল শরীর,
 প্রসারিত বক্ষদেশ, বাহু লৌহবৎ,
 দেবশিল্পী ঘুরাইছে চক্র লৌহময় ;
 ঘর্ষাক্ত, ললাট-ঘর্ষ মুছি বাম করে ।
 ঘুরিতেছে একেবারে শিল্পশাল ঘুড়ি,
 সংযোজিত পরস্পরে অদ্ভুত কোশলে,
 লক্ষ লক্ষ লৌহযন্ত্র সে চক্রের সহ ;
 শূর্য্যঘাতি পড়ে কোটি ভীষণ মুদগর,
 ছুটিছে শূর্য্যর পৃষ্ঠে শত শত শ্রোতে
 গলিত কাঞ্চন, লৌহ, তাম্র আদি ধাতু,
 মুহূর্ত্ত ভিতরে তায় শলাকা বৃহৎ,
 সূক্ষ্ম সূক্ষ্মতর তার, ধাতু-পত্র নানা,
 গঠিত আপনা হ'তে ; গঠিত নিমেষে
 কত মূর্ত্তি—সুবলনি গঠন সুন্দর ।
 শ্বেত কৃষ্ণ শিলাখণ্ডে কত স্থানে সেথা
 বিচিত্র সুন্দর মূর্ত্তি, চাক্র অবয়ব,
 বাহির হইছে নিত্য কত সুস্তরাজি
 ফটিক-লাহন আভা শোভে চারিদিকে
 কখন বা বিশ্বকৃত লৌহচক্র ছাড়ি
 শর্কলা ধরিয়া হস্তে প্রচণ্ড আঘাতে
 ভেদিছে ভূধর-অঙ্গ, তখনি সে ঘাতে

শত ধ্বনি-প্রতিধ্বনি ছাড়িতে ছাড়িতে
বিদীর্ণ গিরির অঙ্গে তরঙ্গ ছুটিছে
শিল্পশালে, বারিকুণ্ড পূর্ণ করি নীরে ।
কখন বা সুরশিল্পী খুলিছেন ধীরে
ধরা-অঙ্গে আগ্নেয় পর্বত-আচ্ছাদন,
শিল্পশাল-বহিষ্কৃত বাষ্প নিবারিতে,—
গঞ্জিয়া গভীর মস্ত্রে তখনি ভূধর
উগারিছে অগ্নিরাশি, পাংশু, ধাতুক্লেদ
কাঁপিতে কাঁপিতে ঘন ; শূন্য ভয়ঙ্কর
পরিপূর্ণ ধূমাত্রিত বহির শিখায় !
শিলাচূর্ণ ধাতুশ্রাব ভস্ম-বরিষণে
ভস্মীভূত কত দেশ অবনীপৃষ্ঠেতে,
শত শত নগরী নিমগ্ন রেণুস্তরে !
গঠে শিল্পী কত মেনু কত অট্টালিকা,
প্রাচীর-দেউল-হুর্গ-প্রকরণ কত,
স্বতৈজস অস্ত্র, বর্ম, দেখিতে অদ্ভুত ।
নিরখি চলিলা ইন্দ্র ; সত্তর আসিয়া
দাঁড়াইলা শিল্পী-পাশে । বিশ্বকর্মা হেরি
দেবেন্দ্র বাসবে মেখা কাস্ত দিলা শ্রমে ;
মুছি ঘর্ম আসি কাছে, হইয়া প্রণত
কহে সুরশিল্পিরাজ, “কি ভাগ্য আমার
আমার এ ধূমশালে, দেবেন্দ্র আপনি !
সকল আগ্নাস মম এত দিনে, দেব !”
এতেক কহিয়া শচীনাথ-আগে-আগে
দেখায়ে চলিলা পথ ; খুলিয়া অপূর্ব
অগ্নের অদৃশ্য দ্বার রত্ন-গিরিদেহে ;
প্রবেশিলা ইন্দ্রসহ সুরম্য আলয়ে ।
রজতনির্মিত গৃহ, কারুকার্য চাকু,
প্রাচীর-পটল-অঙ্গে দিব্য বাতায়নে,
খচিত কাঞ্চন, মণি, হীরক, প্রবাল,
চারি ধারে স্তম্ভরাজি ; চাকু শোভাময়,
চাকু মূর্তি চারিদিকে সুন্দর বলনি
কমনীয় বামাতম্ব, পুরুষ স্ঠাম,
নিরুপম হেম, মণি, রজতনির্মিত,

চলিতেছে, বসিতেছে, নর্ভন-বাদনে
রত সদা ; সচেতন ঘেন বা সকলি !
কত রঙ্গে কত দিকে বাজিছে বাজনা
ললিত মধুর স্বরে ! কত অদ্ভুত
রহস্য বিশ্বয়কর সে হৃদ্য ভিতরে ;
কে বর্ণিতে পারে ছায়, দেব-শিল্পীখেলা !
মণ্ডিত হীরকখণ্ড সূবর্ণ-আসনে
বসাইলা আখণ্ডে—পার্শ্বে দাঁড়াইলা
শিল্পিগুরু ; সুধাইলা কি হেতু দেবেন্দ্রে
সে গহ্বরে ? কি মহৎ কার্য হেন তাঁর
সুরেন্দ্র আপনি বাহা আসেন সাধিতে,
উদ্দেশে স্মরিলে আজ্ঞা স্মৃতিধা হাঁহার ?
“হে বিশাই, দেবশিল্পি, শিল্পি-কুলেশ্বর
সুনিপুণ !” কহিলা সুরেশ স্বর্গপতি,—
“কোথা স্বর্গ ? কোথা বসি স্মরিব তোমায় ?
বৃত্তাসুর পাপমতি এখনও ধ্বংসিছে
সুরপুরী । উদ্ধারিতে তায় শিবাদেশে
এ ধরণী-গর্ভে গতি মম ; না মরিবে
দক্ষ-ঈশ্বর অস্ত্র শরে, বজ্র-বাণ
হে কৌশলি, করহ নিশ্চয় সুরা করি ;
এই অস্থি—মহষি দধীচি দিলা বাহা
দেবের মঙ্গলে তনু ত্যাজি আপনার,
লহ বিশ্বকর্মে, অস্ত্র গঠ অচিরাত ;
কহিলা পিনাকী ইথে যে অস্ত্র গঠিবে
সংহারত্রিশূলতুলা তেজঃ সে আয়ুধে ;
প্রলয় বিষাণ শব্দে ছকারিবে সদা ;
ত্রিদিবে না রবে আর দানব-উৎপাত,
বজ্র নামে সেই অস্ত্র হবে অভিহিত ।”
শুনি হৃৎখে দেবশিল্পী কহিলা—“সুরেশ,
ত্রিদিব-উদ্ধার নহে আজও ; হের দেখ,
সাজাইতে সে সূবর্ণময়ী অমরায়
করিয়া কতই বজ্র কতই গঠিছে
সুভূষণ ! এখনও দক্ষ দক্ষ করে
সে নগরী ? এত শ্রম বিফল আমার !

পালিব আদেশ তব, সুরকুলপতি,
 কমা কর কণকাল।” বলিয়া প্রাচীরে
 বসাইলা অতি ক্ষুদ্র রজতকুক্ষিকা,
 অমনি সুহেম-ঘট পূর্ণ হিমজলে,
 স্বর্ণ-থালে সুরস অমরগাণ্ড আহা !
 কে পারে বর্ণিতে কোথা আশ্রয় স্থধাফল
 ক্ষিতিতলে ! রাগিলা বাসব-সন্নিধানে ;
 কহিলা বিশাটী—“তব অন্বেষণে, দেব,
 কি আতিথ্য সম্ভবে আমায় ? দীন আমি,
 ভোগবতী-বারি—এই স্বাহু স্মীতল।”
 সম্প্রীত আতিথ্যে স্বরীশ্বর শচীনাথ
 কহিলেন,—“হে শিল্লিশেখর বিশ্বকৃৎ,
 সঙ্কল্প করেছি আমি না ছুঁইব কিছু
 পেয় ভোজ্য ত্রিজগতে, ত্রিদিব উদ্ধার
 না হইলে,—নহিলে এখনি স্থখে আমি
 পুরাতাম অভিলাষ তব ; পূর্ণপ্রীতি
 আতিথ্যে তোমার।” শুনি আখণ্ডব্রত
 অস্থি লয়ে কৰ্মশালে ফিরিলা সত্বর
 শিল্লিরাজ ; পুরন্দর ফিরিলা পশ্চাতে ।
 দিলা ঘুরাইয়া চক্র,—স্বান্ স্বান্ ডাকি
 পড়িতে লাগিল জাঁতা, প্রবেশিল বায়ু
 অগ্নি-প্রজ্বালন-যন্ত্রে, খরতর তেজে
 যন্ত্রগর্ভ শিখাময় ; মুহূর্ত-ভিতরে
 অষ্ট জালযন্ত্রে অষ্ট কটাহ বৃহৎ
 বসাইলা সুরশিল্পী ভীম ভুজবলে ;
 দিলা অষ্টধাতু তায় লৌহাদি কাঞ্চন ;
 দাঁড়াইলা শূন্য-পাশে সাপটি মুদগর ।
 ছুটিল ধাতুর স্রোত কটাহ হইতে
 অষ্টধারে একবারে—দৃশ্য ভয়ঙ্কর ;
 ঘন ঘন মুদগরের প্রচণ্ড আঘাত
 পড়িতে লাগিল তায় বধিরি শ্রবণ ।
 এইরূপে ধাতুস্রাব একত্র মিশায়ে,
 করি ভীম পিণ্ডাকৃতি, শিল্লিকুলরাজ,
 নিষ্কাশিল মহাধাতু অদ্ভুত প্রকৃতি,

গলিত না হয় বাহা অত্যাশু অনলে
 সে ধাতু, দধীচি-অস্থি ; এক পাত্রে রাখি
 উত্তাপিলা বিশ্বকৰ্ম্মা দুঃস্বপ্ন উত্তাপ
 ধরি তড়িত্তাপ যন্ত্র, দুই কেন্দ্র ছাড়ি
 ছুটিল বিদ্যাস্রোত বিপুল তরঙ্গে
 মহাতেজে তেজোময় করি সে গহ্বর ;
 কাপিতে লাগিল ধরা ঘন ভুকম্পনে,
 মাটিতে ছুটিল ঢেউ, উন্নত ভূধর
 ডুবিয়া হইল হৃদ ধরণী-অন্ধেতে,—
 সে ঘোর উত্তাপে ধাতু গলিল নিমিসে ।
 অষ্টধাতু-পিণ্ডসহ সে পিণ্ড মিশায়ে
 মহাশিল্পী আরম্ভিলা বজ্রের গঠন,
 প্রকাশি কোশলে যত নিপুণতা তাঁর ।
 সুবিশাল দণ্ডাকৃতি গঠিলা প্রথমে,
 পরে মধ্যগত স্কলকোণে বাঁকাইয়া
 পিটিয়া গঠিলা ফলা অপূর্ব-মূর্তি,
 দুই মুখ দ্বিবিধ আকৃতি, বিভীষণ ।
 পশাইলা অস্ত্র-অস্ত্রে ভীম যন্ত্রযোগে
 প্রদীপ্ত প্রচণ্ড তেজঃ, বিদ্যাস্রোত-অনল
 জলিতে লাগিল পৃষ্ঠ, ফলা ভুজঘয়ে ।
 গঠিলা হরিচন্দন-স্বকে করত্রাণ,
 নহে দৃশ্য যে পাদপ তড়িত-উত্তাপে ;
 অস্ত্রকোষ গঠিলা তাহাতে মনোহর ।
 বিবিধ বিচিত্র চিত্র দিব্য শোভাকর
 যন্ত্রযোগে দেবশিল্পী সহস্র অস্তরে,
 আঁকিলা অস্ত্রের দেহে, মূর্তি নানাবিধ
 (চন্দ্র, সূর্য্য, তারা, গ্রহ, সাগর, স্মেরু)
 অনল-রেখায় দীপ্ত—জলিতে লাগিলা !
 আঁকিলা অমরোৎসব এক ফলাদেহে,
 পারিজাত-মাল্য পরি অমর-অঙ্গনা
 রত নৃত্য-গীত-বাঞ্ছা ; দেবতামণ্ডলী
 দেখিছে সহস্রচিত্ত দাঁড়ায় অস্তরে ।
 আঁকিলা অন্ত ফলকে রুতাস্ত-নগরী ;
 ভীষণ নরককুণ্ড, পার্শ্বে যমদূত

দগু হাতে দাঁড়াইয়া ভীম আঘাতিছে
 নারকী প্রাণীর মুণ্ডে ; আকিলা কোথাও
 কুষ্ঠীপাক ঘোর হ্রদ ; কোথাও ভীষণ
 উচ্ছাস নরককুণ্ডে প্রাণি-কলরব ;
 বহিছে রুধির হ্রদে তরঙ্গ কোথাও ;
 কোথাও শীতোষ্ণ কুণ্ডেঁকাপিছে পাতকী ।
 মগ্ন দিবা-নিশাভাগ ব্যাপিত এরূপে
 শিল্পশালে দেবশিল্পী—অষ্টম দিবসে
 পূর্ণ অবয়ব বজ্র-সৃষ্টি সমাধিলা ।
 অঙ্গ গড়ি বিশ্বকর্মা সহস্র-বদন
 কহিলা সুরেন্দ্রে চাহি, “নিক্কেপের প্রথা
 নিঃবদি চরণে, দেব, কর অবধান ;
 মধ্যভাগে এইরূপে দৃঢ় আকর্ষিয়া,
 করত্রাণে ঢাকি কর, ঘুরায় ঘুরায়
 ছাড়িতে হইবে দ্রুত ; তখনি দন্তোলি
 (ত্রিপু-দন্তবিনাশন দ্বিতীয় এ নাম)
 শত্রু নাশি ক্ষণকালে ফিরিবে নিকটে ।”
 হেনকালে অকস্মাৎ তিন দিক্ হ’তে
 দীপ্ত করি শিল্পশালা, তিন মহাতেজঃ
 লোহিত শ্রামল খেত বরণ সুন্দর,

জলিতে জলিতে অঙ্গ-অঙ্গে প্রবেশিলা ।
 প্রণমিলা পুরন্দর তিন তেজঃ হেরি
 স্মরি বিধি, বিষ্ণু, হরে ; তখনি গভীর
 গরজিল ভীমনাদে দন্তোলি ভীষণ ।
 দেবশিল্পী দঙ্কপ্রায় সে প্রথর তেজে
 না পারি ধরিতে অঙ্গ, এবে গুরুভার
 ছাড়ি দিল অকস্মাৎ, ঘন ঘন ঘন
 কাঁপিল ধরণী-কেন্দ্র প্রচণ্ড আঘাতে ।
 মহানন্দে শচীনাথ নিরখি দন্তোলি
 তুলিলা দক্ষিণ হস্তে, করিলা উত্তম
 পরখিতে অঙ্গবরে, বিশ্বকর্মা ভয়ে
 করযোড়ে পুরন্দরে নিবারি কহিলা—
 “না নিক্কেপ(ও) অঙ্গ দেব, এ মম আলয়ে,
 এখনি উৎসন্ন হবে এ বিশাল পুরী ;
 বহু পরিশ্রমে, প্রভু, করেছি সঞ্চয়
 এ সকল ; হবে ভঙ্গ বজ্রের নিক্কেপে ।”
 নিরস্ত, বিশাই-বাক্যে, দেবকুলপতি
 স্বরীশ্বর, আশীর্বাদ করিলা তাঁহারে ;
 সানন্দ অস্তরে শীঘ্র ছাড়ি কেন্দ্র-গুহা
 বজ্র লয়ে শূন্যপথে আরোহিলা পুনঃ ।

বিংশ সর্গ

বাজিল ছন্দুভি রণরণ-নাদে
 অঙ্গুর অমর উন্নত সে হ্রাদে ;
 ছাড়ে সিংহনাদ, ছাড়ে হুঙ্কার,
 চলে দৈত্যসেনাদল অনিবার,
 তরঙ্গ যেমন তরঙ্গ-কাছে ।
 ঘনস্তর যথা গগনমণ্ডলে
 বায়ুমুখে গর্জি মহাবেগে চলে,
 চলে দৈত্যসেনা ঘোজন-বিস্তার ;
 দুই পক্ষে দুই বাহিনী-প্রসার,
 মধ্যে অক্ষৌহিনী প্রধান বল ।

সমর-সাজে বীরবর
 চলে রুদ্রপীড়, মহা ধনুর্ধর,
 চলে ভীম ধনু সঘনে টঙ্কারি ;
 দুই পক্ষ নেতা, দুই অমরারি—
 কালভদ্র-বীর সুন্দরাসুর ।
 চলেছে বাহিনী অগ্রবর্তী-সেনা
 অঙ্গমুখে ঘন অনলের ফেনা,
 হতেছে নির্গত, ঝলকে ঝলকে,
 বহি তাল তাল পলকে পলকে
 ছুটিছে নিষ্কিপ্ত নক্ষত্র প্রায় ।

হেরি দেবদল ভাঙি দুই দলে
জয়ন্ত-অনল-আদেশেতে চলে ;
ঘন ধমুর্ঘোষ, ঘন সিংহনাদ,
দেবতনু দীপ্ত কিরণের বাঁধ
তিমির-তরঙ্গে যেন ভেটিতে ।

অগ্নি অগ্নিময় চাপ ধরি করে,
দৈত্যসেনাপরে শরবৃষ্টি করে ;
বহ্নি-বৃষ্টি যেন দেখিতে ভীষণ ;
জয়ন্ত-কাম্বুকে বাণ বরিষণ
যেন শিলাপাত দনুজে ঘাতি ।

ক্রমে অগ্রসর দুই মহাবল,
মহাশব্দে যেন ধায় জলদল,
বরুণ যখন আপনি সারথি,
মহাসিন্ধু-বারি শতচক্রে মথি,
শতচক্র-রথ চালান বেগে ।

মিলিল হৃদল,—দুই মহানদ,
মিলে যেন রঙ্গে ফুটিয়া উন্নদ,
ফেন রাশি রাশি তরঙ্গে তরঙ্গে
ছুটে কোলাহলি দুই নদ-অঙ্গে
দু'নদ বিস্তার সমূহ যুড়ি ।

শিঞ্জিনী-নির্ঘোষ ঘন ঘন ঘন,
অস্ত্রে অস্ত্রাঘাত শব্দ বিভীষণ ;
সেনার গর্জন, তুরী-শব্দ-নাদ,
রথচক্রধ্বনি, অশ্ব-হেয়া-হাদ ;
বিপুল তুমুল সমর-শ্রোত ।

ধূলি-ধুমজালে গগন আচ্ছন্ন,
রথচক্র অশ্ব-ক্ষুরেতে উৎসন্ন
অমরা নগরী ; ঘোর অঙ্ককার
দৃষ্টি নাহি চলে, দীপ্ত অস্ত্রধার
চমকে চমকে নয়ন ধাঁধে ।

ছোটে রুদ্রপীড়-রথ ভয়ঙ্কর,
ভীমরুদ্রমূর্ত্তি ভীম ধ্বজে ধার—
ছোটে জয়ন্তের অরুণ স্যন্দন,
ছোটে বহ্নিরথ ঘোর দরশন

ক্ষুণ্ণি ছড়ায় যোজন-পথ ।
কালভদ্র কৃষ্ণ তুরঙ্গ-উপরে
মহাখড়গ করে ফিরিছে সমরে ;
সুন্দন অশুর ভীষণ করাল ;
ঘোর গদা হাতে জিনি তরু শাল.

ফিরিছে উন্নত্ত মাতঙ্গবৎ ।
পড়ে সৈন্তগণ সংখ্যা অগণন,
শস্য-স্তম্ভরাশি অঘ্রাণে যেমন
কৃষকের অস্ত্র-আঘাতে লুটিয়া
পড়ে শস্যক্ষেত্রে ভূতল ছাইয়া
খেলাইয়া চেউ ধরণী-অঙ্গে ;

শালবনে কিম্বা যথা পত্রকুল,
উড়িয়া পবনে উত্তাপে আকুল,
নিদাঘ আরম্ভে পড়ে রাশি রাশি
নীরস, পিঙ্গল বরণ প্রকাশি

যোজন-বিস্তার অরণ্য ঢাকি ।
পড়ে দেবসেনা থরে থরে থরে—
পুষ্পরাশি যেন রণস্থল 'পরে,
কিম্বা বহ্নিগর্ভ বাজে শূণ্ণে উঠি
শূণ্ণপথে যেন ভাঙ্গি পড়ে লুটি
ছড়ায় সহস্র কিরণকণা !

ভীষণ সমর-হতাশন জলে
অমরা ভিতরে স্থলে স্থলে স্থলে
যোঝে দলে দলে দেবতা অশুর ;
রণতেজে ঘন কাঁপে সুরপুর

ঘোর আড়ম্বর বীর-আরাব ।
স্বমেক-শিখরে চপলা চাহিয়া
দেখাইছে শচী অঙ্গুগি তুলিয়া
“হের লো চপলে, কিবা ভয়ঙ্কর
রণ অইখানে—কি ঘোর ঘর্ঘর—

একাদশ রুদ্র যোঝে ওখানে ;
ভৈরব-বিক্রমে যুঝিছে দানব,
মহাখড়গ ধরি—মুখে ভীম রব—
হানিছে চৌদিকে, পড়িছে অমর ;

কোন বীর, রতি, অই খড়্গধর,

ক্রোধিত বৃষভ ছুটিছে যেন ?

দর্ক-অঙ্গে ঝরে রুধির-প্রবাহ,

দর্ক-অঙ্গে জলে গ্রহরণ-দাহ,

তবু যবে একা একাদশ সনে

মত্তহস্তী যেন ভাঙ্গে নলবনে—

অমর-বাহিনী দেখ পলায় ।”

চাকু ইন্দুবালা সরলা সুন্দরী

সুধিলা—“ইন্দ্রাণি বল গো

কি করি,

এ ঘোর আধার শর-ধুমময়

পৃষ্ঠপথে দৃষ্টি কিরূপেতে হয়,

কিরূপে দেখিতে পাও এ দূরে ?

আমি ত কিছুই নারি নিরখিতে,

শুধু মাঝে মাঝে চকিতে চকিতে

হেরি অস্ত্রজালা, শুনি কোলাহল

বহুদূরে যেন চলে সিন্ধুজল

উথলি হিল্লোলে অনন্ত পথে !”

শচী বুঝাইলা দানব-বালায়

দেবচক্ষু বিনা দেখিতে না পায়

ধূমাচ্ছন্ন দেশে, কিবা তমসায় ;

ব্রহ্মাণ্ড দেখিতে পায় দেবতায়,

দানব-মানব-নয়ন স্থল ।

কহিছে শচীরে মদনের প্রিয়া

কালভঙ্গ-দৈত্য-বীৰ্য্য বাগানিয়া,

হেনকালে রৌদ্র অঙ্গ-রুদ্র-শর

স্পিক্ত করিয়া খড়্গ খরতর

বিক্ষেপদেশে আঘাতি তায় ;

অস্থির ব্যথায় পড়িল অস্থর,—

একাদশ রথচক্র, অশ্বক্ষুর

ক্ষুর করি স্বর্গ তখনি ছুটিল,

খেদায়ে দম্ভজ-বাহিনী চলিল,

কালভঙ্গে বধি শাণিত শরে ।

হেরি রুদ্রপীড় ভয় নিজ দল

চালাইলা রথ—অমরা চঞ্চল

মহাঘোর শব্দে কোদণ্ডে টঙ্কার,

বাণে বাণে বাণে মাজাইল হার

ভূজঙ্গের শ্রেণী যেন আকাশে ।

সুন্দনে কহিয়া পশ্চাতে থাকিতে,

চলিলা বিশিখ ছাড়িতে ছাড়িতে,

রুদ্রগণে গিয়া আগে আগুলিলা,

মুহুমুহুঃ গুণে বাণ বসাইলা—

হেন লক্ষ শর একত্রে ছাড়ে !

কাটিল নিমেষে রথের ধ্বজিনী,

রথচক্র, নেমি, অশ্বের বন্ধনী ;

একাদশ রুদ্র নিমিষে নীরথ,

ফিরিতে সুন্দন নিবারিলা পথ,

পড়ে রুদ্রগণ ঘোর বিপদে ;

মুখে বাণবৃষ্টি, বাণবৃষ্টি পিঠে,

শূন্য অঙ্ককার, নাহি চলে দিঠে, ■

বহে শতধারে অমর-শোণিত,

অপূর্ব সগন্ধি সৌরভ-পুরিত,

অশ্বের দাহনে দহে শরীর ।

জয়ন্ত কহিলা “হের বৈশ্বানর,

বৃত্তস্বত-শরে দেহ জরজর,

রুদ্র একাদশ—পশ্চাতে সুন্দন—

না পারে দানবে করিতে দমন,

অস্থির শরীর অস্থর-ভেঙ্গে ।”

শুনি অগ্নি, বেগে চালাইলা রথ,

চক্রের ঘর্ষণে অগ্নিময় পথ,

দর্ক-অঙ্গে দীপ্ত স্ফুলিঙ্গ ছুটিল,

নলবনে যেন দাবাগ্নি পশিল,

তেমতি ক্রোধিত অনল-বেশ ।

চারিদিকে দৈত্যসেনা ঝরি ঝরি

পড়ে তীক্ষ্ণ শরে, স্ততীক্ষ্ণ কর্তরী-

আঘাতে যেমন পড়ে নলবন,

দম্ভজ-চমুতে অনল তেমন

করিছে নিধন দম্ভজ-রাশি ;

দেখিতে দেখিতে ভীম হতাশন
 দৈত্য চম্ দলি, নিবারি স্তন্দন,
 দাঁড়াইলা গিয়া রুদ্রগণ-আগে,
 কালাগ্নির তেজে ; ভয়ঙ্কর রাগে
 বহি রুদ্রপীড়ে তুমুল রণ !
 কহিলা হুকারি দমুজকুমার
 “বৈশ্বানর, শিক্ষা দেখিব এবার,
 বুঝিবে এবার বৃত্তের তনয়
 সমরে না জানে জীবনের ভয়,
 এ ভুজদণ্ডের সামর্থ্য কত ।”
 বলি শরে শরে কৈলা অঙ্ককার,
 ছাড়িতে লাগিলা বিকট হুকার ;
 কোদণ্ড-টঙ্কার নিমিষে নিমিষে,
 বাণের গর্জ্জন শুক্ক করি দিশে
 বধির করিল শ্রবণমূল ।
 অনল তৎপর সে আশুগ-জাল
 এড়াইলা, রথ রাখি ক্ষণকাল,
 শর-লক্ষ্য-স্থান-অস্তরে আসিয়া,
 আবার ঘর্ঘর নির্যোষে ঘুরিয়া
 বিজুলি-গতিতে অতি নিকটে,
 ফিরিল নিমিষে ক্রোধে হতাশন,
 না করিতে লক্ষ্য দমুজ-নন্দন,
 দীপ্ত অসি ধরি, লক্ষ্য ছাড়ি রথ,
 রুদ্রপীড়-রথ-অশ্বে জালাবৎ
 হানি দীপ্ত অসি করিল নাশ ;
 শতখণ্ড করি ফেলিল শতাব্দ—
 নেমি, নাভি, ধুর, ধ্বজ, রথ-অঙ্গ,
 ভীম অসি-ঘাতে—বিনাশিয়া সূত,
 উঠি ভগ্ন-রথে লক্ষ্য দিয়া দ্রুত,
 রুদ্রপীড়-ধনু দ্বিখণ্ড করি ;
 হানিবারে যায় বক্ষঃস্থলে তার,
 মহাজ্যোতির্ধর তীব্র তরবার,
 হেনকালে দৈত্যসূত সূচতুর
 ছাড়ি নিজ রথ রথেতে শত্রুর

উঠিল বেগেতে প্রলক্ষ ছাড়ি ।
 পদাঘাতে সূতে ফেলিয়া অস্তরে,
 নিজে রশ্মি ধরি, ঘোর বেগতরে
 চালাইল রথ, কিছু দূরে গিয়া
 রাখিলা স্তন্দন, চরণে চাপিয়া
 ধরিলা অশ্বের রশ্মির ডোর ;
 নিলা অনলের ধনুর্বাণ তুণ,
 কাশ্মুকে বসায়ৈ দিব্য নব গুণ,
 গর্জ্জিতে লাগিলা ভুজঙ্গের প্রায়
 লক্ষ লক্ষ শর অনলের গায়
 কিপ্রহস্তে ক্ষণে নিমিষে ফেলি !
 “সাদু রুদ্রপীড়—ধনু মহাবল”
 ছাড়িল হুকার দানবের দল ;
 শরেতে অস্থির শূর বৈশ্বানর,
 ভগ্নরথ’পরে ক্রোধে থর থর
 না পারি রোধিতে অরাতি-বাণ ।
 ছুটাইল রথ অনলে রক্ষিতে
 জয়ন্ত সারথি পল না পড়িতে ;
 ছুটাইল রথ কুবের দুর্বার,
 ছুটাইল অথ অশ্বিনীকুমার,
 অনল-সহায়ে বিজুলী-বেগে ।
 হেনকালে বৃত্তসূত স্তনিপুণ,
 মহাধনুর্ধর কর্ণে টানি গুণ,
 হানে ভয়ঙ্কর সূশাণিত বাণ,
 হতাশন-কণ্ঠ করিয়া সঙ্কান ;
 বিজিল সে শর ভেদিয়া লক্ষ্য ।
 জয়ন্ত, কুবের, অশ্বিনীকুমার,
 ঘেরিল বহিরে কাছে অসি তাঁর,
 বিশিখ-জলনে অস্থির অনল
 কহিল—“বীরেশ, ঐন্দ্রি মহাবল,
 দেও তব রথ জানাই দৈত্যে—
 বহির কি তেজ !” প্রবোধিলা সবে
 “এস মহাভাগ, ক্ষণ আশ্চি ল’ভে ;
 এ যাতনা তব হ’লে কিছু দূর

রণে এস পুনঃ ; বৃজস্থতে জুর
যুঝিয়া আমরা রোধিব রণে ।”

বলি ইন্দ্রাঅজ-রণে বৈখানরে
তুলিলা সকলে ; রাগিয়া অন্তরে
সমরে ফিরিলা—জয়ন্ত সুধীর
কুবেরের রথে, দুই মহাবীর

অশ্বিনীকুমার অশ্বতে চলে ।

দম্ভজনন্দন বক্রিরে বিমুখি
মহাদর্পে ছাড়ে—অন্তরেতে সুখী—
তীর শরজাল দেবসেনা'পরে ;
মুহুর্তে মুহুর্তে বিক্রিছে সে শরে

অমরবাহিনী দহি যাতনে ।

জয়ন্ত, কুবের, অশ্বিনীকুমার,
রুদ্রপীড়-রথ ঘেরিল আবার ;
আবার বাজিল সমর তুমুল
ভীম অস্ত্রাঘাতে ক্ষুর সৈন্যকুল,

শরে হলুস্থল সমরস্থল ।

বেগে লক্ষ দিয়া কুবের তখন
গদা ঘুরাইয়া করিল গমন,
উড়াইয়া শরে শুক পত্রাকারে
ঘর্গবায়ুগতি গদার প্রহারে,

পদ ধরে ঘন কাঁপে ত্রিদিব ।

সমরকুশল অসুরকুমার
ছাড়ি ধমুর্কাণ, ছাড়ি হুহুকার,
দাঁড়াইলা রথে ভীম শেল ধরি,
কুবেরের বক্ষঃস্থল লক্ষ্য করি

বেগে ছাড়ি দিলা বিপুল তেজে ।

বিঙ্কিল ভীষণ শেল বক্ষঃস্থলে,
দারুণ প্রহারে শ্বাস নাহি চলে,
পড়িল ধনেণ হ'য়ে হতচিত,
জয়ন্ত-সুন্দন ছুটিল ত্বরিত,

ধনেশেরে ঐন্দ্রি তুলিলা রথে ।

শিঞ্জিনী টানিয়া আকর্ষিলা বাণ,
দম্ভজনন্দনে করিয়া সন্ধান ;—

শচী নিরখিয়া আতকে উতলা,
কহে ভীতস্বরে “হের লো চপলা,

যাও শীঘ্রগতি, নিবার স্থতে ;
না প্রবেশে রণে রুদ্রপীড়-মনে ;

মহাধর্মুর্ধর দম্ভজ-নন্দনে
নারিবে সংগ্রামে করিতে বারণ,

যার হাতে হারে দেব হতাশন,

তার সনে একা যুঝিতে ধায় !

নিবার নিবার নিবার চপলে,
যাও দ্রুতগতি, যাও রণস্থলে,

বাজিবে হৃদয়ে শেল সম ব্যথা,

পড়ে যদি পুল, পড়েছিলি যথা

নৈমিষ-অরণ্যে দানবাঘাতে ।”

চপলা চলিলা স্তচপল-গতি

দেবদূত-বেশে যথা দেবরথী ।

কহে ইন্দুবাল “হায়, ইন্দ্রপ্রিয়া,

তব বাক্যে, সতি, কাঁদে মম হিয়া,

কেন প্রাণনাথ হেন নিদয় !

কহ চপলারে আনিতে এখানে,

যুচাতে এ ভয় তোমার পরাণে,

পুলে আনি কাছে ; পুরন্দরজায়া,

বুঝিবারে পারি তব চিত্তমায়া,

আমার (ই) হৃদয়-বেদনা-বেগে !

হায় নাথ, যেন ব্যথিলে আমায়,

ব্যথা দেও কেন অগ্রে পুনরায় !”

বলি অশ্রুজলে বক্ষঃ ভিজাইলা ;

দেবদূত-বেশে এখানে চপলা

বাসব-কুমারে সস্তাবে কয়—

“রণে ক্ষান্ত হও সুরেশ-নন্দন,

সহিতে নারিবে ভীম প্রহরণ,

রুদ্রপীড়-হাতে—জননী-আদেশ,

একাকী সমরে করো না

প্রবেশ,

বিঁধো না তাঁহার হৃদয়ে শেল ;

একাকী যে বীর নিবারে সমরে,
একাদশ রুদ্র, যক্ষ, বৈশ্বানরে,
তারে কি সংগ্রামে পারিবে জিনিতে ?
লগ্ন অন্তহানে এ রথ স্তবিত্তে ;

কুবেরে অনলে স্তম্ভ কর ।”
বলিয়া তখনি হৈল অদর্শন,
ভূনি দূতমুখে জননী-বচন,
জয়ন্ত দুঃখেতে ফিরাইল রথ
তাজি ধনুর্বাণ—ধরি অন্ত পথ

কুবেরে লইলা অনল-পাশে ।
জয়ন্তে বিদগ্ধ দেগি বৃত্তান্ত,
ঘোর সিংহনাদে—শিক্ষা অদভুত,
অযুত অযুত শর নিক্ষেপিলা,
দেব-চমু ঘাতি রখে তুলি নিলা

আপন সারথি, নিষঙ্গ, ধনু ;
মথিতে লাগিলা সুরসেনাদল—
বাড়বাগ্নি যেন দহি রসাতল,
জলজঙ্ঘকুল আকুল করিয়া
ভ্রমে সিদ্ধগর্ভে ছুটিয়া ছুটিয়া

দুরন্ত প্রচণ্ড ভীষণ দাপে—
অদূরে দেখিলা অশ্বিনীকুমার
যুঝিছে অবাধে বিক্রমে দুর্বার ;
দিব্য অশ্ব 'পরে দেব দুই জন
হানিছে রূপাণ স্ততীক ভীষণ,

লগ্নভণ্ড করি দনুজদল ।
তখনি দৈত্যেশ-স্বত মহাবলী
আদেশে সারথি হুরাসুরে দলি
চালাইলা রথ ঘর্ঘর নিনাদে
বেগে সেই দিকে,—রুদ্রপীড় সাধে

ধরিলা কার্ম্ম ক টঙ্কারি গুণ ।
চক্কর পলকে লক্ষ্য করি স্থির.
দুই তীক্ৰ শর নিক্ষেপিলা বীর,
নিক্ষেপিলা পুনঃ আর দুই শর
নিমেষ না ফেলি—কাপি থর পর

পড়ে দেব-অশ্ব আরোহী সহ ;
ভীষণ হুকার ছাড়ে দৈত্যদল,
ভঙ্গ দিল রণে অমরের বল ;
পশ্চাতে চলিল দানবের সেনা
(বণ্টা যেন চলে বুকে করি ফেনা)

দনুজমন্দন, স্তম্ভন বীর ।
ধায় রণমত্ত কেশরী যেমন
ছাড়ি সিংহতুল্য ভীষণ গর্জন ;
দেগিতে দেগিতে অমরবাহিনী
প্রাচীর বাহিরে তাড়িত তখনি,
লতা পত্র যথা ঝটিকা-মুখে ।
দেবব্যূহ ভেদ করি মত্তগতি
চলে দৈত্য সেনা, চলে দৈত্য রথী ;
রণক্ষেত্র দূরে ছাড়িয়া চলিল,
যথা চলে বেগে তটিনী-সলিল

তরঙ্গ-আঘাতে ভাঙিলে কুল ।
শচী, স্তম্ভের শিখর-উপরে,
হেরে সেনাভঙ্গ কাতর অন্তরে ;
রুদ্রপীড়-বীর্ঘা হেরে চমকিত
চাহে দৈত্যবধু-বদনে স্তবিত্ত,

বুঝিতে তাহার হৃদয়ভাব ।
তেমতি বিমর্ষ ভাবেতে সরলা
দেখিলা ভাবিছে —তেমতি উতলা !
কহিলা ইন্দ্রাণী “এ কি দেখি ভাব,
চারু ইন্দুবালা, পতির প্রভাব

দেখিয়া তবুও প্রসন্ন নহ ।
আমার তনয় হইলে এখনি
ভাবিতাম ওরে জগতের মনি,
কি বীর্ঘা, সাহস, কি শিক্ষা-কৌশল !
একা হারাইল ত্রিদশের দল,

শত্রু বটে, ধন্য বীর বাণানি !”
ইন্দুবালা অশ্রু ফেলি দরদর
কহে “সুরেশ্বরী, কাঁদিছে অন্তর,
নাহি চাহি আমি প্রভাব, প্রতাপ,

পরানে না সহে এ ঘোর উত্তাপ,
ইন্দ্রপ্রিয়া, হায়, অভয় দেহ—

না দেবে ঘটিতে কোন(ও) অমঙ্গল
প্রিয়ের আমার—হে শচি, মঙ্গল
একমাত্র এই এই দুঃখিনীর !

আমার (ই) অদৃষ্ট-দোষে হেন বীর,

না জানি কপালে কি আছে শেষ
কহে ইন্দ্রজয়া “ললাট-লিখন

অরে ইন্দুবালা, কে করে খণ্ডন ?
চিন্তা নাহি কর, কি আশঙ্কা তব ?

ইন্দ্র নাহি হেথা, সতি, তব ধব

বাসব-অভাবে অমর প্রায় !”

হেথা ক্রতপীড় গর্জিছে ভীষণ,

সমর-প্রাক্গণে, দেবরথিগণ

দূর হ'তে তায় কৈলা দরশন ;—

কার্তিকেয়, সূর্য্য, বরুণ, পবন,

দেখিলা অগ্নির শতাজ-ধ্বজ ।

বুঝিলা তখনই পূর্ব্বদ্বারে রণ

হইলা কিরূপ ; জয়ন্ত তখন

অশ্বিনীকুমারে কুবেরে অনলে

সংহতি লইয়া আইলা সে স্থলে

বিবরিলা রণ-বারতা যত ।

স্বররথিগণ শুনি চিন্তাকুল—

বৃত্ত, বৃত্তসূত করিলা আকুল

অমর-সেনানী ; কিরূপে উদ্ধার

সে দৌহার হাতে হইবে আবার,

পিতাপুত্র দৌহে অজেয় রণে ।

কহিলা ভাস্কর—“শুন দেবগণ,

বিনা ইন্দ্র যদি সমরে নিধন

না হবে ইহারা,—কি হেতু হে তবে

এ দাক্ষণ ক্লেশ, এ ঘোর আহবে ?

ইন্দ্র লাগি সবে বিরত হও ।

নতুবা যতপি রাখ মম কথা,

করহ সমর ধরি অন্ত প্রথা,

তাজি ধনুর্কাণ, বাহন, স্তন্দন,

নিজ নিজ তেজে করহ ধারণ

প্রলয়ের মূর্ত্তি যেরূপ যার !

দ্বাদশ প্রচণ্ড রূপে জলি আমি,

জলুন কালাগ্নি-বেশে বহিস্বামী,

প্রলয়-প্রাবন ছুটান বারীশ,

পবন উড়ান ঝড়ে দশ দিশ,

দেখি কি না দৈত্য-নিধন হয় ।’

সূর্য্য-বাক্যে বায়ু ছুটিতে উত্তত,

সিন্ধুপতি তারে করিলা বিরত,

কহিলা “কি কহ, ওহে প্রভাকর,

দনুজে নাশিতে তেজঃ বিশ্বহর

প্রকাশি, ব্রহ্মাণ্ড করিবে লয় ?

নাশিবে নিপিল পরাণীর প্রাণ

নাশিতে দুজনে ? করিবে আশান

বিশ্ব-চরাচর ? কহ কি উচিত

দেবের এ কাজ ?”

“না জানি কি হিত,

জানি দেহ দম্ব” কহিলা রবি ।

হেনকালে শূণ্ডে ভৈরব-নির্ঘোষ

কোদণ্ডটকারে—যুড়ি শত ক্রোশ

ঘন সিংহনাদে পুরে শূণ্ড দূর,

ঘন সিংহনাদে পুরে স্বরপুর,

অমর দানব শূণ্ডেতে চায়,

দেখে—ইন্দ্রধনু গগন যুড়িয়া

শোভে মেঘশিরে তুলিয়া তুলিয়া,

নামে ধীরে ধীরে দেব আখণ্ডল,

মস্তক বেড়িয়া কিরণমণ্ডল,

চির-পরিচিত সুনীল তম্ব ।

পরশিলা ইন্দ্র অমরা আবার,

কত কল্প পরে, করিতে সংহার

বৃত্ত মহাস্বর, দিলা আলিঙ্গন

স্বররথিগণে পুলকিত মন,

দেব শচীপতি অমরনাথ ।

হর্ষে সিংহনাদ দেবসৈন্যদলে,
অমরনগরী শুরু কোলাহলে ;
সহর্ষ বদন চাহিয়া চপলা
কহে শচী “সখি, গেল চিত্তমলা,
জুড়াল হৃদয়, নয়ন মন ।”

বলি, অকস্মাৎ চাহি ইন্দুবালা
মলিন-বদনে, শচী শিহরিলি ;
স-অশ্রু নয়ন ফিরায়ে তখন,
চপলার সনে বিবিধ কথন
কহিতে লাগিলা সুরেশ-রামা

একবিংশ সর্গ

কৈলাসে নগেন্দ্রবালা জানিলা যখন
পুরন্দরজায়া শচী-বক্ষঃ লক্ষ্য করি
ঐন্দ্রিলা তুলিলা পদ,— দলিলা চরণে
পোলোমীর প্রতিবিম্ব চাক্র আভাময়
কিরণে অঙ্কিত স্বর্গ-মনঃশিলাতলে,
বাষ্পবিন্দু নেত্রকোণে, জয়ারে সম্বোধি
কহিতে লাগিলা মহামায়া যুহুস্বরে ;—
“জয়া রে, কি হেতু বল্ জগতীমণ্ডলে
পর-চিত্তে পীড়া দিতে প্রাণিবৃন্দ হেন
তিলার্ধনা ভাবে দুখ, না চিন্তে মানসে
কি দারুণ ব্যথা প্রাণে তার, পর-দস্তে
পীড়িত যে জন ! হায়, সখি, মনস্তাপ
কতই এগন ভুঞ্জে শচী—মনস্বিনী
চেতন-রূপিণী, চিন্তাময়ী ! শুন জয়া,
হেন চিত্তজালা নিত্য ভুঞ্জে যে পরাণী,
সেই বুঝে নররক্তে কেন নিরস্তর
আর্দ্র-তন্তু মহীতল ; কি মহা পীড়ন
ত্রিজগতে দস্ত, দ্বেষ, দর্প, ভুজ্বলে !
এত দিনে ইন্দ্রজায়া বৃঝিল রে জয়া,
বিজিতের হৃদিদাহ কিবা বিষময় !
কি বিষম কালকূট-জালা অধীনতা ।
হে সজিনি, তুমিও সে বৃঝিলে এখন
শুভঙ্করী নাম ধরি কেন কালে কালে
করাল কালিকা-রূপে আবির্ভূতা উমা ।”
কহিতে কহিতে চিন্তে ঈষৎ চঞ্চল,

কহিলেন ক্রোধস্বরে মহাকাল-জায়া
জীবদন্ত-সংহারিণী—“এ দস্ত তাহার
খাকিত কি এতক্ষণ ? দানবী ঐন্দ্রিলা
এই দণ্ডে জানিত সে ভীম-ভামিনীর
বীৰ্য্য কিবা ! চণ্ডবিলাসিনী চণ্ডীরোষ ।
রে ভৈরবি, কি কব সে ইন্দ্রে অগৌরব
আমি যদি বৃত্তে বধি দণ্ডি সে বামারে ।”
এত কহি, ভবানী ভাবিয়া ক্ষণকাল
তাজিয়া কৈলাসপুরী শূণ্ডে প্রবেশিলা ;
বিশ্ব-মধ্য-কেন্দ্রমাঝে যথা ব্রহ্মলোক
উত্তরিলি ব্রহ্মময়ী ইরন্দগতি ।
দেখিলা সে মহাশূণ্ডে, অনন্ত ব্যাপিয়া,
কিরণমণ্ডলাকার বিপুল পরিধি,
ব্রহ্মার পুরীর প্রাস্তরেখা—শোভাময়
অদ্ভুত আলোকে ! নীল অনন্তের কোলে
নিরস্তর খেলে যেন ভাহুর হিল্লোল,
বিবিধ স্বর্ণ নীলবর্ণে মিশাইয়া !
দেখিলা ভৈরব-কাস্তা সে বিশ্ব-প্রদেশে,
কর্কর, দানব, কিংবা সিদ্ধ, দেবঘোনি,
ব্যোমচর প্রাণী খেবা আইসে সেখানে,
ভ্রমে ভুলি শূণ্ডপথ, প্রণমি তখনি
ষায় দূরে, উচ্চৈতে উচ্চারি ধাতা-নাম,
ভক্তি-পুলকিত কলেবর ! চারি দিকে
ঘেরি সে মহামণ্ডল—কিরণপুরিত—
পার্শ্ব নিম্ন উর্দ্ধদেশে অপূর্ব মুরতি

নবীন ব্রহ্মাণ্ডরাজি সতত নির্গত !
 দেখিলেন জগদম্বা প্রফুল্ল অহরে
 সে ব্রহ্মাণ্ডকুল-গতি অকুল শৃঙেতে,
 কত দিকে কতরূপে, কত শোভাময় ।
 ভেদি সে ভানুমণ্ডল, প্রবেশিলা সতী,
 বিশ্বমোহকর ব্রহ্মলোক-মধ্যভাগে ।
 দেখিলা সেখানে, সীমামণ্ডল মহাসিন্ধু-
 সদৃশ বিস্তার — স্রোত-পারাবার ঘোর ;
 তরঙ্গিত সদা—ঘূর্ণ্যমান উর্ষিরাশি
 নিঃশব্দে সতত ভীম আবর্তে ঘুরিছে
 বিধাতার আসন ঘেরিয়া । নিরাকার,
 নিঃস্বর্ণ নির্জ্যোতিঃ, আভাহীন, তাপশূণ্য
 সে স্রোতঃ উর্ষির সিদ্ধ ;

উর্দ্ধদেশে তার

বাম্পরাশি সূক্ষ্মতম মণ্ডলে মণ্ডলে—
 যথা শুভ্র মেঘরাশি গগনে সঞ্চার ;
 ঘুরিছে অদ্ভুত বেগে—অচিন্ত্য মানসে,
 অচিন্ত্য কবি-কল্পনে—সে বাষ্পমণ্ডলী,
 আবর্ত-ভিতরে কোটি আবর্ত ঘেন বা !
 জনমি তাহায় মুহূ আলোক-মণ্ডল
 ব্যাপিছে অনন্ত তনু—কেন্দ্র আভাময় ;
 আভাময় সূক্ষ্মতর তরল কিরণ
 সে কেন্দ্রের চারিধারে ; দূরতর যত,
 তত গাঢ়তর দৃঢ় পরমাণুব্রজ—
 বায়ু, বহি, বারি, ধাতু মৃৎপিণ্ডরূপে ।
 ছুটিছে অনন্তপথে সে পিণ্ড-কলাপ
 সূর্য্য, চন্দ্র, ধূমকেতু, নক্ষত্র-আকারে
 নানা বর্ণ, নানা কায়—অপূর্ব্ব নিনাদে
 পুরিয়া অম্বরদেশ ; কোথাও ফুটিছে
 মনোহরা মনুজ-ভুবন মোহময় !
 বিরাজে সে উর্ষিময় অকুল-অর্গবে
 বিধির সৃজনাসন—অচিন্ত্য নিগমে !
 চারিধারে সে আসন ঘেরি নিরন্তর
 ছুটিছে তরঙ্গমালা, লুটিতে লুটিতে

উঠিছে আসনদণ্ডে আনন্দে খেলায়ে ;
 হেন ক্রীড়ারঙ্গে রত সে তরঙ্গরাজি
 খেলিছে আসন-পার্শ্বে ; বিধি-পদাঘুজ
 যখনি পরশে তায়, তখনি সহসা
 সে অপূর্ব্ব স্রোতঃমালা জীবন-মণ্ডিত,
 পূর্ণ নিরমল রূপ জীবায়া সুন্দর—
 পূর্ণব্রহ্ম জ্যোতিঃরেখা অন্ধে পরকাশ !
 পুলকিত পদাঘোনি হেরেন হরষে
 সে জীব-আয়া-মণ্ডলী, হেরেন হরষে
 সৃষ্টির ললাম শ্রেষ্ঠ জীবের চেতন,
 দেব-নর-প্রাণিদেহে স্নেহ স্থপাধার !
 বিরিঞ্চি কারণসিন্ধু গর্ভে হেন রূপে
 গঠিছেন কত প্রাণী সকৌতুক মনে ।
 নবীন জীবনাস্বাদে মুগ্ধ জীবকুল
 ভুঞ্জিছে অভূতপূর্ব্ব কতই উল্লাস !—
 সে মুহূর্ত্ত সুখ ! আহা, কে পারে বর্ণিতে,
 কে পারে চিন্তিতে, হায় ! আভাস তাহার
 (দীপভাতি যথা সূর্য্য-কিরণ-আভাস)
 ভাব মনে, হে ভাবুক, শিশুর উল্লাস,
 যবে পয়ঃসিক্ত তুণ্ডে, অর্দ্ধশুট স্বরে,
 ধরি জননীর কর্ণ হাসে চিত্ত-স্বপ্নে,
 প্রকাশি পীযুষপূর্ণ স্নেহ-ফুলাননে !
 এ হেন আনন্দরসে হইয়া বিহ্বল
 প্রথমে যখন, হেরে সে প্রাণিমণ্ডলী
 স্রোতগর্ভ অর্গবের উর্ষিকুল-ক্রীড়া
 হেরে শৃঙে বায়ু, বাষ্প, বিদ্যুৎ, আলোক-
 সৃজন-লীলা অদ্ভুত, তখনি সভয়ে
 শুক, শীর্ণ পুষ্পপ্রায় মুজিত নয়ন,
 ধায় বিধাতার অন্ধে ভয়ে লুকাইতে,
 ধায় ভয়ে শিশু যথা জননীর কোলে !
 পশি বিধাতার ক্রোড়ে যখনি আবার
 হেরে সে করুণাপূর্ণ নির্মল আনন,
 তখনি নির্ভয় পুনঃ—পাশরি সকলি,
 তখনি আপনা হৈতে চিত্তের উচ্ছ্বাস

সঙ্গীত উচ্ছ্বাসে বহে অপূর্ব-ধ্বনিতে !
 অপূর্ব ধ্বনিতে উচ্চে পরব্রহ্মনাম
 ডাকিতে ডাকিতে উঠে যে যার ভুবনে,
 জগৎ-সীমন্ত-রত্ন জীবরূপ ধরি ।
 আনন্দে আনন্দময়ী কারণ-সিক্কুতে
 হেরিলা কতই হেন সৃজনের লীলা,
 পুঞ্জ পুঞ্জ জড়, জীব, ব্রহ্মাণ্ড, আকাশ,
 সূর্য্য, তারা, শশধর, স্বর্গ, রসাতল,
 মুহূর্ত্তে মুহূর্ত্তে সৃষ্টি—অপূর্ব দেখিতে !
 দেখিতে দেখিতে স্থখে শঙ্কর-মোহিনী
 চলিলেন ধীরগতি—দাঁড়াইলা আসি
 বিপুল কারণ-সিক্কুতটে মহামায়া ।
 সহসা উদিল ছটা—অতুল শোভায়
 উজ্জলি মহা অর্ণব । হেরি সে কিরণ,
 সবিস্ময়ে পদ্মযোনি উন্মীলি নয়ন
 চাহিলা, যে দিকে চারু শোভার উদয় ।
 সন্মুখে আইলা কাছে শঙ্করী হেরিয়া ।
 সম্ভাষি স্মৃষ্টি স্বরে সুরজ্যোষ্ঠ বিধি
 জিজ্ঞাসিল। “কি বারতা হে ত্রাসকজায়া
 কি কারণ গতি এথা? কোথা বিশ্বনাথ?
 কি হেতু বিধিরে আজি হেন অমুকুল?”
 “হে বিরিকি, তুমি ভিন্ন” কহিলা অধিকা,
 “দেবকুলকণ্ঠা-মান কে রাখিবে আর?
 ভয়ে নারি কহিতে মহেশে এ সম্বাদ;
 শুনি পাছে করেন প্রলয় বামদেব ।
 দুষ্ট বৃত্তাস্ত্র জায়া দানবী দাস্তিকী
 তুলিলা হানিতে পদ শচী-বক্ষস্থলে,
 হে কমলযোনি, ব্যাথিলা শচীর হৃদি;
 কে আর হে তবে পরচিত্তে পীড়া দিতে
 হইবে শঙ্কিত, ইন্দ্রজায়া পোলোমীর
 এ দশা বস্ত্রপি? দর্প চূর্ণ কর, দেব,
 দহুজ্বামার অচিরাং—কর বিধি,
 হে বিধাতঃ, বৃত্ত-বধ যাহে; বধি তারে
 দানবীর দৌরাভ্যা ঘুচাও স্বর্গধামে,

ঘুচাও, হে পদ্মাসন, উমা-মনস্তাপ !”
 বিরিকি উমার বাক্যে চিন্তি কতক্ষণ,
 নগেন্দ্রনন্দিনী-সঙ্গে বৈকুণ্ঠ-ভুবনে
 গেলা যথা রমাপতি; মাধব-সংহতি
 ফিরিলা সত্বরে পুনঃ ভুবন কৈলাসে ।
 বদিয়া ভবানীপতি, ভাবে নিমগন,
 কোটি ব্রহ্মাণ্ডের প্রতিমূর্ত্তি চারিধারে,
 হেরিছেন কুতূহলী যোগীন্দ্র মহেশ
 ধ্বংসের অপূর্ব গতি!—বিশ্বচরাচরে,
 কতরূপে কত জীব, কত জড়তত্ত্ব,
 মুহূর্ত্তে হইছে লীন । নিগূঢ় রহস্য—
 নিসর্গ বন্ধন-সূত্র-ছেদন-প্রণালী !
 বোধাতীত, চিন্তাতীত, অতীত কল্পনা—
 জড় জীব-ধ্বংসগতি! কাল-সংগঠন !
 কিবা সূক্ষ্মতর ক্ষুদ্র সূত্রেতে জড়িত
 জীবের জীবন, ভোগ, সম্পদ, প্রতাপ !
 কি সূক্ষ্ম মিলন বিশ্ব-চরাচর মাঝে
 অচেতনে সচেতনে—ভুলোকে দুলোকে !
 প্রাণিকূলে, জড়জীবে, আত্মায় শরীরে !
 কিবা মনোহর ক্ষুদ্র শৃঙ্খল-মালায়
 জড়িত ব্রহ্মাণ্ড-বপুঃ! কেশাগ্র সদৃশ
 সূত্রের রেখায় বন্ধ আত্মা, মন, দেহ ।
 শিথিল হইলে ক্ষণে নিথিল বিকল;
 দেখিছেন মহাযোগী প্রগাঢ় কৌতুকে
 সে লয় প্রলয়-রঙ্গ ভুবনে ভুবনে ।
 দেখিছেন যোগিবর কালের প্রভাবে
 জীবব্রজ কত মর্ত্তে সৃষ্টি-শোভাকর,
 জীবমূর্ত্তি পরিহরি, হতেছে বিলীন
 গভীর কালের গর্ভে ! কত জ্ঞানদীপ
 কোটি কোটি ব্রহ্মাণ্ডমাঝারে ক্ষণে ক্ষণে
 নিবিছে—ডুবিছে ঘোর অজ্ঞান-তিমিরে,
 সুষমা কতই রূপ, কতই জগতে
 হতেছে কলঙ্কময়—অচির কোথাও
 অসীম লাভণ্যরাশি চক্ষের নিমিষে !

চতুর্দশ লোকমাঝে আত্মা স্তবিসল
 নির্ঝাণ নক্ষত্রপ্রায় জ্যোতিঃ হারাইয়া
 পড়িতেছে কত দিকে কত শত, হায়,
 পাপপঙ্ক-পরিপূর্ণ অন্ধতম কুপে—
 পুড়িতে সস্তাপ-তাপে । দেখিছেন দেব
 সে সবার অধোগতি ব্যথিত অস্তরে, —
 যথা নরচিত্ত হেরি সূর্যের মণ্ডল —
 রাহুর গভীর গ্রাসে যবে প্রভাকর !
 কোন (ও) বা অবনী, এই প্রাণিপুঞ্জময়
 উদ্ভিদ-লতায় সুশোভিতা, কণপরে
 হইছে পাষণপিণ্ড মণ্ডিত হিম্যানী—
 প্রাণিশূণ্য তুষারের মরু ভয়ঙ্কর !
 কোথাও আবার কোনও বিপুল জগৎ
 বিদীর্ণ হইয়া চূর্ণ—রেণুর আকারে
 মিশিতেছে শূন্যদেশে । কত জনপদ
 উন্নতি সোপান ছাড়ি ডুবিছে কালেতে
 অচিহ্ন হইয়া ভবে চিরদিন তরে !
 দেখেন কোথাও কোন ব্রহ্মাণ্ডের মাঝে
 ভীষণ প্রলয়-রঙ্গ—জীব, জড় যত,
 উদ্ভিদ, ভূধর, বারি, ভূমণ্ডল, বায়ু ;
 কালানলে দক্ষীভূত শূন্যেতে লুকায়
 অগুরূপে ব্যোমগর্ভে—শূন্যময় করি
 সে ধরামণ্ডল ধাম ; কোথাও আবার
 দেখিছেন ভূতনাথ যুগ-বিপর্যায়—
 দুর্জয় প্রাবনে মগ্ন বিশাল ধরণী,
 পশু, পক্ষী, নরকুল অদৃশ্য সকলি,
 ভ্রমিছে বিমানমার্গে ; ডাকিছে পবন
 ভীষণ প্রবল শব্দে মিশি সে প্রাবনে ।
 সে ঘোর প্রাবনে বিশ্ব-ভুবন চকিত ;
 এইরূপ লয়প্রথা ভুবনে ভুবনে
 কি দেব-মানব-বাস ; কিবা সিদ্ধধামে,
 দেখিছেন যোগীন্দ্র নিমগ্ন গাঢ় ভাবে ;
 মৃত্তর কখন(ও) ঈষৎ হাশ্ব মুখে ।
 হেনকালে মুরহর, স্বয়ম্ভু, ভবানী,

দাঁড়াইলা ব্যোমকেশ শঙ্করে সস্তাষি ;
 সদানন্দ মহানন্দে কৈলা আলিঙ্গন
 কেশব, হিরণ্যগর্ভে—উমারে চাহিয়া
 তুষিলেন আশুতোষ মধুর হাসিতে ;
 মাধব তখন—সদা প্রিয়ম্বদ দেব—
 গম্ভীর বচনে শুনাইলা বিশ্বনাথে
 সকল বারতা—শুনাইলা শচীদুঃখ,
 শুনাইলা শিবে অম্বিকার মনস্তাপ ।
 শুনিতে শুনিতে জটা ধূর্জটি-মস্তকে
 কাঁপিতে লাগিল ধীরে—ললাট-ফলকে
 শশধর খরতর আভা প্রকাশিল ।
 মহাকাল-ক্রোধমূর্তি উদয় দেখিয়া
 সাস্তানিলা হৃষীকেশ সত্তর শঙ্করে ।
 বিষ্ণুর বচনে মৃত্যুজয়ী মহেশ্বর
 কহিলেন “হে মাধব, উমার বাসনা
 পূর্ণ কর এই দণ্ডে—হে কমলযোনি,
 কর যাহে বৃত্রাসুর নাহি জীয়ে আর,
 জানি আমি আমার(ই)বরেতে স্পর্ধাতার,
 কিন্তু কহ শুনি, কেশব কৈটভহারি,
 স্বয়ম্ভু বিধাতা, কেবা সে নহ তোমরা
 ভক্তির অধীন সদা—যথা ভক্তাধীন
 ভ্রাস্তমতি আশুতোষ ? ভ্রাস্তি যদি তায়
 এইদণ্ডে সেই ভ্রাস্তি ঘূচাতে বাসনা
 দনুজের অদৃষ্ট খণ্ডিয়া ; হের ইন্দ্র
 সসজ্জ সমরক্ষেত্রে ; বজ্রপ্রহরণ
 নিখাইলা বিশ্বকর্মা , দিলা তোমা দৌহে
 নিজ নিজ তেজঃ অস্ত্রে অব্যর্থ করিয়া ;
 একমাত্র অস্তুরায়—অস্ত্র নহে আজ (ও)
 বিধাতার দিনমান—সে ব্যথা ঘূচাও
 অকালে অহুরে নাশি, হে বিধি, কেশব !
 আপনার কর্মদোষে মজে যে আপনি,
 কে রক্ষিতে পারে তারে ?” বলি শূলপাণি
 ভকত-বৎসল দেব বৃত্তে ভাবি মনে
 ত্যজিয়া গভীর শ্বাস, বসিলা নীরবে ।

হেরি মহেশের মূর্তি দেব চক্রপাণি,
 মন্ত্রণা করিয়া ক্রমকাল ব্রহ্মাসহ,
 উত্তরিলে মহেশ্বরে —“হে অস্তকহারি ;
কর্মফলে প্রাণিবৃন্দে উন্নতি, পতন,
স্বতঃ পরিবর্তনীয় প্রাক্তন-প্রভাব !
 তথাপি উমেশ, উমা-অনুরোধে আমি,
দেবপ্রজাপতি বৃত্ত-ভাগ্যানিপি-নাশে
হইলুম সন্মত !” বলি, লুকাইলা তনু ;
 লুকাইলা প্রজাপতি মূর্তি ক্রমকাল ;
 অতনু হইলা মহাদেব ;—তিন গুণ
 একত্রে মিলিয়া অকস্মাৎ, প্রকাশিলা
 পরব্রহ্মরূপ নিক্রম !—অতুলিত
 শোভাপূর্ণ কৈলাসভূবন ক্রমমাঝে ।
 ক্রমমাঝে ঘোরশূন্তে হৈল ঘোরধ্বনি—
 “বৃত্তের অদৃষ্টলিপি অকালে খণ্ডিত ।”
 হেথা ভাগ্যদেব গাঢ় চিন্তা-নিমজ্জিত ;
 বসিয়া বৈকুণ্ঠ-প্রান্তে, বিস্তৃত সম্মুখে
 বিশাল প্রাক্তন-লিপি—দৃশ্য মনোহর ।
 ছায়া-ইন্দ্রজালে যথা ধূর্ত যাহুকর
 দেখায় অদ্ভুত-রঙ্গ—অদ্ভুত তেমতি
 অনন্ত আলেক্ষ্য অঙ্গে ক্রীড়া নিরন্তর !
 কোনখানে ভূমণ্ডল-বিজয়ী বীরেশ
 ছুটে চতুরঙ্গ দলে পর্বত লজ্জিয়া,
 আবার মুহূর্তকালে সে বীর কেশরী
 মরুভূমে পদব্রজে ভ্রমে চিন্তাকুল !
 এই রাজ-অভিষেক ;—আনন্দ হিলোল
 খেলিছে ধরণী-অঙ্গে, প্রবাহে প্রবাহে
 কত গজ, তুরঙ্গম, কত প্রাণিকুল
 সুসজ্জ প্রাক্তনমাঝে ! তখনি আবার
 আলেক্ষ্যে শ্মশানছায়া ভয়ঙ্কর বেশ ।
 রাজতনু চিতা’পরে, অপত্য, বান্ধব,
 বাস্পাকুলনেত্রে ঘেরি শবে । ক্রমকালে
 চিতা-পার্শ্বে কোথা আচম্বিতে অট্টালিকা
 সুসজ্জিত—রঞ্জিত বসনাবৃত্ত চারু—
 বিবাহমণ্ডপে সুখে দম্পতি আসীন !

মুহূর্তে আবার, মৃত পতি কোলে করি
 কাঁদিছে যুবতী, ছিন্নভিন্ন কেশবেশ ;
 বসন-ভূষণ বিলুপ্তিত ! ক্রমে ক্রমে
 কতই যুবক আহা, ভূষিত সুষমা,
 প্রতি অঙ্গে সুখে যেন স্বাস্থ্য মূর্তিমান—
 হারাইছে সে লাবণ্য—যৌবনে স্ববির !
 যৌবনে উচ্ছিন্ন কত রামারূপরাশি !
 কোন চিত্র, উর্গনাভঞ্জাল-পূর্ণ এই ;
 উজ্জল নিমেষমধ্যে ! কোন
 দীপ্ত ছবি
 প্রভাষিত নিরন্তর —সহসা মলিন !
 কোন সে আলেক্ষ্য-দৃশ্য—দারিদ্র্য-প্রতি
 মূর্তিমান এই যেন—দেখিতে দেখিতে
 মনোহর চারুবেশ মণি, মরকত-
 ময় রত্ন-স্বশোভিত ! কত পর্ণশাল
 ধরিছে সুহৃদ্যরূপ চক্ষের পলকে !
 কত সে আবার দিব্য স্বর্ণ অট্টালিকা
 ধরিছে কুটীর-বেশ, কালের কালিমা,
 তণ, গুল্ম, লতা আচ্ছাদিত কলেবর !
 মিশাইছে কত চিত্র ফুটিতে ফুটিতে
 যথা তরু-শৈলকুল ! প্রভাত-কুহেলি
 আবরিলে মহীদেহ মিহিরে লুকায়ে !
 কত দৃশ্য মিলাইছে চিরদিন তরে !
 এইরূপে জগতের যে কোন প্রদেশে
 কালধর্ম্মে, কর্ম্মধর্ম্মে, স্বেযোগে, কুযোগে,
 ঘটছে যখন যাহা সুগতি, অগতি ;
 কিবা জীব, কিবা জড়, কি উদ্ভিদকুলে ।
 তখনি সে চিত্রপটে, নিত্য ক্রীড়াময়,
 অঙ্কিত হইছে তাহা ;—নিমগ্ন মানসে
 দেখিছেন ভাগ্যদেব নিশ্চল নয়নে ।
 বৃত্তের বিশাল চিত্র সে আলেক্ষ্য’পরে
 কত শোভা-বিভূষিত, কত আভাময়,
 জলিছে উজ্জল মূর্তি—প্রদীপ্ত ছটায়
 ত্রিভুবন প্রজলিত !—হেরিছেন ভাগ্য
 কুতূহলে ! হেনকালে অম্বর বিদারি

ধ্বনিল ভৈরব ধ্বনি—আকাশবাণীতে
প্রকাশিয়া ব্রহ্মরূপী ত্রিমূর্ত্তি-আদেশ ।
সভয়ে প্রাক্তন শীঘ্র ফিরায়ে নয়ন

নিরখিলা চিত্রপটে,—দেখিলা সহস্র
বৃত্তের বিশাল চিত্র, কালিমামণ্ডিত,
মিশাইছে ধীরে ধীরে. শোভা-বিরহিত

ষাৰিংশ সর্গ

বসিয়া অশ্রু পার্শ্বে অশ্রু-ভামিনী ;
নবীন নীরদরাশি,
লুকায়ে বিজুলি হাসি,
বুকে ইন্দ্রধনু-রেখা, ঢাকিয়া মিহির,
পরশি ভূধর-অঙ্গ রতে যেন স্থির !
যেন ঢল ঢল জলে নীলোৎপলদল,
প্রসারিত নেত্রদয়,
দৈত্যমুখে চাহি রয়,
নিষ্পন্দ শরীর; ধীর, গম্ভীর বদন,—
না পড়িলে ধারাজল জলদ যেমন ।
দেখিয়া দম্ভজনাথ সে মুখের ভাব
বিস্ময় ভাবিয়া মনে,
কর ধরি সঘতনে
করতলে চাপি ধীরে মধুর উল্লাসে,
কহিলা উৎসাহপূর্ণ মৃদল সন্তাষে ;—
“এ কি হেরি দৈত্যরাগি, যামিনী উদয়
এ সুখ-মধ্যাহ্নকালে ?

রুদ্রপীড় শরজালে
নির্দেব করিলা পুরী অনলে জিনিয়া,
পরিলে অতুল বশঃকিরীট মণ্ডিয়া,
পলাইলা স্বরসেনা শিবা যেন ভয়ে ;
জয়ন্ত শশক প্রায়
রথ লয়ে বেগে ধায়,
পালটি না ফিরে চায় ; দৈত্যের তাড়নে,
অমরার প্রাস্তে দেব ভাবে ক্লম্ব মনে ;
ভাসে অশ্রুর দল আনন্দ উৎসাহে ;
পুল্লের সুষণঃগান,
ত্রিভুবনে দৈত্যমান,

আজি প্রভাবিত কত !—সার্থক জীবন,
আজি সে সফল প্রিয়ে, সফল সাধন !
হেন পূলে গর্ভে ধরি, এ স্তথের দিনে
চিত্তে নাই স্তথোচ্ছ্বাস,
মুখে নাই প্রীতিভাষ,
পুল্লের কল্যাণে নাই মঙ্গল-কামনা ;
এ ভাবে মনের খেদে কেন হে বিমনা !
হের দেপ করতলে ধনেশভাগুর !
ঘোষিতে পুল্লের জয়,
কর যাহা চিত্তে লয়,
ভাসাও ত্রিদশালয় উৎসব-হিল্লোলে,
এ দিন কখন (৭) যেন কেহ নাহি ভুলে
কি অভাবে মনোহুগে, দম্ভজমহিসি ”
কি নাহি করিতে দান,
কিবা স্থান, কিবা মান,
কহ কিবা চাহে প্রাণ, কি আশা

পুরাতে—

কোন্ রাজসিংহাসনে কাহারে বসাত্তে ”
আজন্ম দরিদ্র যেরা দম্ভজের কলে
সেও আজি আশাবান্
আশায় জুড়ায় প্রাণ,
স্বপনে কল্পনা করি অসাধ্য কামনা ।
ইচ্ছাময়ী ঐন্দ্রিলা হে মলিন-বদনা ?
জননীর মনস্তাপে পুল্ল অকল্যাণ—
কে কোথা বিস্মৃতি-জলে,
ভাসায়ে, হৃদয়-তলে,
বিষাদে আশ্রয় দিলে, কি হেন ভাবনা ?
ঐন্দ্রিলে, চিত্তের বেগে ভুলিলে আপনা ।

উত্তরিল্লা দৈত্যরাজ-মহিষী তখন ;—
 “খলের চাতুরী মায়া,
 বহুরূপী দেহছায়া,
 ধরে কত রূপ তাহা, কে বুঝিতে পারে ?
 রমণীর চাতুরীতে রমাপতি হারে !—”
 উত্তরিল্লা—“হে দম্ভকুল-অধীশ্বর,
 অভাগা যখন যার,
 তখনি অদৃষ্টে তার,
 কত যে লাঞ্ছনা ভোগ কে বর্ণিতে পারে !
 নহিলে নির্দয় হেন কেন হে আমারে ?
 ঐন্দ্রিলা পাষণ-প্রাণ !—তনয়ে ভুলিলা ?
 আপনার তুচ্ছ জালা,
 ভেবে, মুখ করি কালা,
 আইলা পতির কাছে ? হে হৃদয়নাথ ;
 হৃদয় বাধিতে আর পেনে না আঘাত ?
 কবে সে কঠিন হেন দেখেছ আমায় ?
 কারে বধিয়াছি প্রাণে,
 কাহার জীবন-দানে
 নিদয়া হইয়া তোমা কৈলু নিবারণ ?
 কি দেখিলে কবে বল নিষ্ঠুর তেমন ?
 হায়, ঐন্দ্রিলার হেলা তনয়ের প্রতি,
 ধিক্ ঐন্দ্রিলার নামে,
 এই ছিল পরিণামে,
 শুনিতে হইল তারে এ পুরুষ-বাণী !
 পতির বদনে, হায় ! ধিক রে পরাণী !
 কারে জানাইব আর মনের বেদনা ?
 জন্মকাল যার সনে,
 নিজ্জাহার একাসনে,
 তিনিই আমারে যদি ভাবিলা এমন,
 কি জানাব কে জানিবে মনের যাতন !
 থাক, হে দম্ভক-নাথ তনয়-বংশল,
 কর ভোগ একা স্থখে,
 যে খেদ আমার বুকে,
 থাকুক তেমতি, হুখে পড়ুক পরাণী !

থাক স্থখে দয়াময়—চলিল পাষণী ।”
 বলি ভাক্র ক্রোধে বামা উঠি দাঁড়াইল ;
 কত অনুরোধ করি,
 কত যত্নে করে ধরি,
 বসাইলা মহিষীরে নিকটে আবার,
 ঘুচাইলা কত যত্নে চিত্তের বিকার ।
 কহিলা তখন রামা মধুর কপটে ;—
 “হে বীর সমরপ্রিয়,
 রণক্ষেত্রে অধিতীয়,
 জান তুমি শুধু রণ-রঙ্গ-ক্রীড়া যত ;
 তুমি কি জানিবে কহ বামা স্নেহ কত ?
 কি জানিবে জননীর প্রাণে কিবা হয় ?
 সস্তানের মমতায়,
 কত ব্যথা চিন্তা তায়,
 কত দিকে ধায় চিন্ত ? হে দৈত্যভূষণ,
 পুরুষ বুঝে কি কভু রমণীর মন ?
 বিজয়-উল্লাসে এবে তুমি সে উন্মাদ,
 ভাবিছে আমার মন,
 পুত্রে দিয়া দরশন
 দেখাব কিরূপে তারে এ বদন ছার—
 পাপীয়সী-কোলে যবে বসিবে কুমার ।
 স্থধিবে যখন ‘মাতা, ইন্দুবালা কোথা ?
 দিয়াছিহু তব করে,
 পালিতে সোহাগভরে,
 কোথা সে স্নেহের লতারাখিলে আমার ?
 কি বলে হৃদয়ে শেল বিদ্ধিব তাহার ?
 হারায়ছি, দৈত্যনাথ, পুত্রের মাণিক,
 হারায়ছি হৃদয়েশ,
 অঞ্চলের নিধি শেষ,
 দম্ভজেন্দ্র, হারায়ছি, ‘স্বশীলা’ তোমার ;
 ইন্দুবালা বিনা এবে পুরী অন্ধকার ।”
 বলি বাস্পাকুলনেত্র হইল-নীরব !
 অচল নগেন্দ্র প্রায়,
 দৈত্যপতি শুরু-কার,

ধস্ত রে ঐন্দ্রিলা, তোর পণে বলিহারি !
 চলেছ নদীর বেগে,
 চাপি চিন্তা, চিন্তবেগে,
 সাধন করিতে নিজ সাধের মনন ;
 জ্ঞান না হৃদয়ে কভু নিরাশা কেমন ।
 চলিলা অসুরপতি, মহিষী-সংহতি
 উঠিলা প্রাচীর'পরে,
 নিরখিলা স্তরে স্তরে,
 অকুল সাগর-তুল্য স্বরাসুরদল ;
 নিরখিলা স্বর্ণময় স্মেরু অচল ।
 শোভিছে অমরা-প্রান্তে—সহস্র-শিখর
 উঠেছে অনন্ত ভেদি,
 যেন কল্পনার বেদি,
 সুরবিমোহিনী মূর্তি সাজান(ও) রয়েছে !
 নির্মল কিরণমালা সর্বাক্ষে সজেছে !
 কোন সে শিখরে তার, আহা, কিবা শোভা
 ছায়া-কিরণেতে মিলি,
 খেলিতেছে ঝিলিমিলি !
 দেখায় তর্জনী তুলি দহুজমহিষী—
 বসিয়া স্বরেশ-কাস্তা উজলিছে দিশি ;
 পদতলে ইন্দুবালা মলিন-বদনা—
 শীর্ণালস কলেবর,
 অক্ষুট কুম্ভ-থর,
 মধ্যাহ্নের সূর্য্যতাপে বিরস যেমন,
 নিশ্চল, অলস, অর্ধমুদিত নয়ন ;
 কাছে রতি স্তম্ভমতি, চপলা অচলা,
 হেরিছে সমরাক্ষেপে,
 মুঞ্চচিত্ত কয়জনে—
 চাক্র চিত্রপটে যেন তুলির লিখন !
 নিরখি দহুজরাজ বিশ্বয়ে মগন ।
 বিশ্বয়ে মগন দৈত্য কতক্ষণ থাকি
 করিল নাসিকা-ধ্বনি,
 গরজিলা যেন কণী,
 লক্ষ ছাড়ি লজ্জিতে স্মেরু দেহ বাড়ে ;

হেনকালে স্বরাসুরে সিংহনাদ ছাড়ে,—
 পুরিয়া সমরক্ষেত্র সেনা-কোলাহল
 সহসা শূন্তেতে উঠে,
 রথ অশ্ব বেগে ছুটে,
 করিব্রজ শুণ্ড তুলি গর্জিল ভীষণ,
 বাজিল পটহ, ভেরী, দামা, অগণন !
 নিমেষে পালটি নেত্র দেখিলা প্রাক্ষে,
 রুদ্রপীড় রথে রথী,
 যেন বিদ্বাতের গতি,
 ছুটিছে বাহিনী-অগ্রে, উঠেছে পতাকা।
 ভয়ঙ্কর রাহুরূপ কেতু-অঙ্গে ঐক্য ।
 নিরখি ভুলিলা দৈত্য সকল ভাবনা ;
 স্থির-নেত্র স্তম্ভবৎ,
 একদৃষ্টে চাহি রথ,
 দেখিতে লাগিলা বৃত্র অনন্তমানস
 রথের তরঙ্গগতি, অশ্বের তরস ।
 সমর-আহ্লাদে চিত্ত সদাই বিহ্বল,
 তাহে পুত্র যুদ্ধসাজে,
 প্রবেশিছে শক্রমাঝে,
 নিরখি অপূর্বভাবে হৃদয় মথিল,
 অদ্ভুত আনন্দশ্রোত চিত্তে প্রবাহিল ;
 দেখিলা অসুর, স্বর-মধ্যস্থলে আসি,
 স্থির হৈল রথগতি,
 অতুল সানন্দমতি,
 পুত্রের সমরসজ্জা হেরে বৃত্রাসুর—
 রতন-সম্ভবা বিভা উজলিছে ধুর,
 শুভ সারসের পুচ্ছ মণিগুচ্ছে নত
 হুলিছে শীর্ষকে বাঁকা,
 অজ্ঞানে অঙ্গ ঢাকা।
 হীরকমণ্ডিত অসিমুষ্টি কটিতটে,
 সারসনে অসিকোষ হুলিছে দাপটে ;
 বক্র ধনুঃ বামকরে ; রথ-অঙ্গে শোভে,
 হেমময় নানা তুণ,
 নানা বর্ণধনুগুণ,

শাণিত কৃপাশ্রেণী, গদা, প্রক্ষেপন,
 ধনুঃদণ্ড বিবিধ আয়ুধ অগণন !
 ধনুঃপৃষ্ঠে করতল, উঠি মহেষাস,
 দাঁড়াইলা রথোপরে,
 গভীর বিশদ স্বরে,
 কহিলা সস্তাষি সূতে, প্রফুল্ল নয়ন—
 “হে সারথি, আজি মম সফল জীবন ;
 দুর্জয় ত্রিদশনাথে সমরে সস্তাষি
 পরিব অতুল যশ
 উজ্জল করি শিরস্
 রাগিব অক্ষয় খ্যাতি অসুরমণ্ডলে,
 দেখাব কাশ্মুক-শিক্ষা সুররথীদলে !
 ছানি মৃত্যু স্থনিশ্চয় বাসবের হাতে,
 আজি এ সমরাক্ষেপে,
 ত্যজিব অক্ষুণ্ণ-মনে
 এ দেহ, হে সূতবর—সৌভাগ্য আমার,
 ভালে না লিখিলা ভাগ্য অন্ত মৃত্যু ছার
 ত্রিলোকে-অজেয় ইন্দ্র ত্রিদিবের পতি,
 শরক্ষেপ প্রথা যার,
 বীর-চক্রে চমৎকার
 তার মনে আজি রণে যুঝিব হরষে,
 এ মরণে কার মনে স্থখ না পরশে ?
 সারথি, মৃত্যুর চিন্তা ঘুচেছে এখন,
 আজি সুরাসুরগণ,
 দেখিবে অদ্ভুত রণ
 দেখিবে বীরের মৃত্যু অদ্ভুত কেমন,
 এক কথা, সারথি হে, রাখিও স্মরণ,—
 অস্তিম-শয়নে যবে দেখিবে আমায়,
 দেখ(ও) যেন শত্রু কেহ,
 রণক্ষেত্রে এই দেহ,
 যুগিত চরণে নাহি করে পরশন,
 রাক্ষস, পিশাচে যেন না
 করে ভক্ষণ ।
 এই অয়িচক্র রথ লভিহু বা রণে,

হারাইয়ে হতাশনে,
 দিও হে পিতৃচরণে,
 দিও পদে এই মম অঙ্গ-আচ্ছাদন,
 বলো—কল্পপীড়-সাধ হয়েছে সাধন !
 এই অর্ঘ্য, সূত-শ্রেষ্ঠ, দিলেন জননী,
 রক্ষিতে সমরক্ষেত্রে,
 তাঁর প্রাণাধিক পুত্রে,
 দিও জননীরে পুনঃ বলিও তাঁহার
 মৃত্যুকালে এই অর্ঘ্য ধরিহু মাথায় ।
 দিও, সূত, এ সারসপুচ্ছ মণিময়,
 উজ্জল শীর্ষক 'পরে
 আজি যাহা শোভা করে,
 দিও ইন্দুবীলা-করে, করিতে স্মরণ
 উন্মাদিনী প্রেমে যার মৃগা আজীবন,
 বলো তারে, সারথি হে”, বলিতে বলিতে
 কপোলে সলিল ধারা
 ঝরে হিমবিন্দু ঝারা,
 ভাবি সে হৃদয়ময়ী স্নেহের পুতলী ;
 ঘনশ্বাসে কর্তরোধ—নীরবিলা বলী ;
 বসিলা সমরাসনে ভীম শঙ্খ নাদি,—
 বাজিল দুন্দুভিধ্বনি,
 ঘন ঘন ঘন স্বনি,
 বাজিল সমরতুরী যুড়িয়া প্রাক্ষণ ;
 দানবের সিংহনাদে কাঁপিল গগন ।
 হেরি ষড়ানন শীঘ্র সেনা-অগ্রভাগে
 আইলা নক্ষত্রগতি,
 স্বদল-বিপক্ষ মথি,
 দাঁড়াইল শিখিধ্বজ রথ খর খরি ;
 উড়িল বিশাল কেতু-শূন্য শোভা করি ।
 কহিলা উমানন্দন জলদ-গর্জনে,—
 মুহূর্ত্তে নিস্তক সব,
 রণতুর্ঘ্য ঘনরব,
 রথের ঘর্ঘরশব্দ, হস্তীর গর্জন,
 হয়ব্রহ্ম স্তম্ভভাব, উন্নত শ্রবণ ;—

কহিলা জলদম্বনে—“রে দাস্তিক শিশু,
 বহিরে নিবারি রণে,
 উন্নত হইলে মনে,
 অমর-সেনানী-অগ্রে আ(ই)লে একা রথী,
 ভুলিলে শমন-ভয় আরে ছন্নমতি ?
 যে শিবিরে আদিত্যেয় মহারথীগণ,
 এক এক জন যার
 নিমিষে ব্রহ্মাণ্ড ছার,
 বিক্রমে করিতে পারে, অবহেলি তায়,
 সমরে পশিলে একা অবোধের প্রায় ?
 না চিনিলে প্রচণ্ড মার্ত্তণ্ড গ্রহনাথে ?
 পবন ভীষণ দেবে ?
 সিদ্ধু ধারে নিত্য সেবে,
 আকুল বক্রণ পানী ? যম দণ্ডধরে ?
 ফণীন্দ্র বাহুকি ফণাধর-কুলেশ্বরে ?
 ভীম অন্ধারক কুজ, সৌরি শনৈশ্চর,
 বৈনতেয় খগেশ্বর,
 নৈঋত নৈঋতধর,
 জয়ন্ত বাসবপুত্র অসীম-সাহস,
 আমি দেব-সেনাপতি ভবেশ-ওরস ।
 এ বীরবৃন্দের মাঝে বল কার মনে
 যুঝিবি সাহস করি ?
 যুঝিবি রে ধনুঃ ধরি,
 দেবের বিক্রম কত দাস্তিক বালক—
 সমুদ্র শোষিতে চাও হইয়া শুষ্ক ?”
 “হে পার্বতীসুত” দর্পে উত্তরি তখন,
 কহিলা বৃদ্ধতনয়,
 “পাবে শীঘ্র পরিচয়,
 শিশু কি প্রাচীন এই অসুর-আত্মজ,
 রণে অগ্রসর শীঘ্র হও শিখিন্দ্রজ ;
 কি ফল বিচারি কার মনে করি রণ,
 করেছি অলজ্যা পণ,
 পরাজিব সর্বজন,
 নির্দেব করিব স্বর্গ আজি এ সমরে ;

নতুবা ত্যাজিব প্রাণ ব্যাকুলি অমরে ;
 যত জন, যেবা ইচ্ছা, হও অগ্রসর,
 নহিব বিমুখ আজ,
 সাধিতে বীরের কাজ,
 আজি সমরের পণ উদ্ঘাপন মম,
 যুচাব সমরে পশি দেব-চিন্ত্রম ।
 ভেটিব সমরাজনে সুরনাথে আজি,
 বীরচক্ষে চমৎকার,
 শিঞ্জিনীর ক্রীড়া তাঁর,
 দেখিব সে জ্যার ভঙ্গী নাহি চাহি আন,
 আশু পূর্ণ কর আশা, ধর ধনুর্কাণ ।”
 বলি সবাসাচী বৃদ্ধসুত ধনুর্ধর,—
 লঘু হস্তে খর শর,
 ফেলিল শতাজ'পর,
 লক্ষ্য করি বক্রণ, পবন, প্রভাকরে,
 সেনাপতি শিখিন্দ্রজ বিদ্ধি খর শরে ।
 বাজিল দুন্দুভিশ্বনি স্বর্গ কোলাহলি,
 বাজিল সমর-শব্দ,
 ভীকর প্রাণে আতঙ্ক,
 বড়গতি চারি রথ ছুটিল সম্মুখে,
 উড়িল ধূলির জাল গাঢ় অলমুখে ।
 চারি কোদণ্ডের ছিলা বধিরি অ্রবণ
 ভীমশব্দে একেবারে,
 নিনাদিল চারিধারে,
 ছুটিল কলঙ্কুল তারারশি হেন ;
 ছুটে ঘনঘটা-কোলে তড়িলতা ঘেন ।
 ছুটিছে নৈঋত হ'তে ভাস্করের রথ,
 তেজস্কর সাত হয়,
 নামাতে পবন বয়,
 কুরে না পরশে ক্ষণে মনঃশিলা-তল—
 ক্রোধিত তপনতেজে স্তম্ভন উজ্জল ;
 অগ্নিকোণে বক্রণের শব্দময়-রথ,
 ছুটিল মেঘের মস্ত্রে,
 ফেনরাশি নাশারক্ষে,

চারি কৃষ্ণ হয় কেশনময় কলেবর,
 শতচক্র বায়ুগতি ঘুরিছে ঘর্ষর ;
 ঈশানে পার্শ্বতীক্ষ্ণত-শ্রুন্দন ভীষণ—
 বিশাল কেতন চূড়ে,
 উড়িছে আকাশ যুড়ে,
 খেলে যেন ইন্দ্রধনু আভা ছড়াইয়া,
 অশ্বের তরলগতি তরঙ্গ জিনিয়া !
 বায়ুকোণে পবনের শতাজের খেলা,—
 যেন কিরণের রেখা,
 যায় কি না যায় দেখা,
 ছুটিছে মানসগতি জিনিয়া তরসে,—
 কুরঙ্গ-অঙ্কিত কেতু গগন'পরশে ।
 দেখিয়া দম্বজস্বত সমর-কুশলী—
 আশ্রা দিলা সারথিরে,
 মণ্ডলে মণ্ডলে ফিরে,
 বেগে চালাইতে অশ্ব, না হয় যেমন
 শরলক্ষ্য ক্ষণকাল ঘোটক, শ্রুন্দন !
 বিজুলির বেগে যেন ঘুরিতে লাগিল,
 চক্রাকারে মহারথ,
 অনল ফুলিঙ্গবৎ
 ক্ষিপ্রহস্তে রুদ্রপীড় ভীম ধনুঃ ধরি,
 কিবা শিক্ষা অদভুত, চারি রথোপরি,
 হানিতে লাগিল শর শিলাধারাবৎ,
 চক্রাকারে শূণ্য'পর,
 একে ঘেরি অণু সুর
 মণ্ডল-আকারে বারি-লহরী যেমন,
 ছুটিল তড়িৎগতি বিচিত্র মার্গণ ;
 পড়িল ভাস্কর-রথচূড়া আচম্বিতে,
 কাঁপিল সূর্যশ্রুন্দন,
 শরাঘাতে ঘন ঘন,
 বক্রণের তুরঙ্গম বাণেতে অস্থির,
 ধারাকারে কৃষ্ণ-অঙ্গে ছুটিল রুধির ।
 অচল বায়ুর রথ—কুরঙ্গ উখাও,
 শতখণ্ড ধনুগুণ,

বাণ-মুখে উড়ে তুণ,
 ধনুঃশূণ্য প্রভঞ্জন নিমেঘে বিকল,
 ছুটিতে লাগিল বেগে ভ্রমি রণস্থল ।
 অস্থির পার্শ্বতীক্ষ্ণত বৃত্তস্বত-তেজে,
 এই নিবারিছে শর,
 তখনি মুহূর্ত্ত 'পর,
 সর্ক-অঙ্গ কলেবর শরজালে ঢাকা,
 সঘনে কাঁপিছে রথ, ভগ্নচূড়া, পাখা !
 চমকিত দেবগণ, ইন্দ্র চমকিত,
 উন্নত অশ্বর দল,
 হেরি দৈত্যস্বত-বল,
 স্বরাস্বর দুই দলে ধ্বনি ঘন ঘন,
 “সাধু রুদ্রপীড়—সাধু বৃত্তের নন্দন” ।
 অধীর সে ধ্বনি শুনি তম্ব পুলকিত,
 উল্লাসে দম্বজনাথ,
 উচ্চৈঃস্বরে অকম্বাৎ,
 “সাধু রুদ্রপীড়” বলি নিশ্বন ছাড়িল,
 দূর শূণ্যদেশে যেন জলদ গজ্জিল ।
 দেগিল অশ্বর, সুর, প্রাচীর-শিখরে,
 গাঢ় ঘনরাশি-প্রায়,
 বৃত্তাস্বর মহাকায়,
 দাঁড়ায়ে, বিশাল তন্তু শূণ্যে প্রসারিয়া,
 আশীর্বাদ করে যেন পুত্রে
 সঙ্কেতিয়া !
 চঞ্চল নিবিড় কেশ উড়িছে পবনে,
 বিশাল ললাটস্থল,
 শ্রবণে বীর-কুণ্ডল,
 ধটিনী-বেষ্টিত কটি, প্রসৃত উরস,
 তিন নেত্রে অক্রণের রক্তমা-পরশ ।
 বৃত্তে হেরি দেব-যোধ পদাতিকদল,
 ভীত কুরঙ্গের প্রায়
 বেগে শত দিকে ধায়,
 রণক্ষেত্রে নিক্ষেপিয়া চর্ম্ম প্রহরণ,
 পালটি ফিরিয়া নাহি করে দরশন ।

নিরখি উদ্দেশে বৃত্তে ধনু হেলাইয়।
 রুদ্রপীড় প্রণমিলা,
 ক্ষণ ক্ষান্ত ধনু-ছিলা,
 আবার কোদণ্ডঘাতি টানিলা শিঞ্জিনী
 চমকিলা জ্যা-নির্ঘোষে অমরবাহিনী ।
 অর্ধৈষ্য অমররথী, সরোষে তখন,
 আজ্ঞা দিলা তিনজন,
 চানাত্তে অনুক্ষণ,
 রুদ্রপীড়-রথমুগে নিজ নিজ খান,
 সতর্ক কোদণ্ড ধরি করিল সন্ধান ।
 চলিল দৈত্যারি-রথ অব্যর্থ গতিতে,
 না মানি শরের গতি,
 না মানি বিপথ, পথি,
 অবিচ্ছেদ ঋজুগতি চলিল সম্মুগে—
 দুর্বার-বিশিখ-স্রোতবেগ ধরি বুকে !
 তিন মুখে তিন দেব সুরথী নিপুণ,
 বরুণ বারিধীশ্বর,
 গ্রহপতি প্রভাকর,
 তারকসুদন শূর পার্বতী-নন্দন—
 অত্রদিকে গদাহস্তে ভীম প্রভঞ্জন !
 রুদ্রপীড়-রথগতি মন্দীভূত ক্রমে
 ক্রমে ক্ষুদ্র ক্ষুদ্রতর,
 চক্র ভ্রমে-রথবর,
 শেষে স্থির মধ্যস্থলে নিবারি গমন,
 তেরি সুররথিবৃন্দ ছাড়িল গর্জন ।
 “মা ভৈ মা ভৈ” শব্দে ভীষণ নিনাদি,
 কহিল দনুজেশ্বর,
 “হের পুত্র ধনুর্ধর,
 ক্ষণকাল নিবার এ সুররথিগণে,
 এখনি বাহিনী-সঙ্গে প্রবেশিব রণে !
 গোকর্ণ, শালিবাহন, গাদি, ঘটোৎকচ,
 সেমধুতি, ভৃগুগতি,
 হে দৈত্য-রথিক-পতি,
 বীরেন্দ্র-পৃষ্ঠেতে শীঘ্র হও অগ্রসর”—

রণক্ষেত্রে চাহি উচ্চে ডাকি দৈত্যেশ্বর
 নামিলা প্রাচীর হ’তে ।—এখানে স্কুরিত
 মিলি সুর-রথিগণ
 আরম্ভিলা মহারণ,
 ঘেরি রুদ্রপীড়-রথ বিষম হুকারি
 দৈত্যসুত-শররাশি শরেতে নিবারি,
 কাটিল ভাস্কর অগ্নি-সুন্দনের চূড়া,
 কাটিল রথের চক্র,
 তারকারি-শরে বক্র,
 বরুণ শাণিত অস্ত্র হানিতে ঝাংগিলা ;
 সদাগতি গদা ধরি ক্রোধেতে ছুটিল—
 লক্ষ্মে লক্ষ্মে প্রদক্ষিণ করি চারিদিকে,
 ঘন ঘন ঘোর ঘাতে,
 রথচক্র পাতে পাতে,
 চূর্ণ কৈলা ক্ষণকালে, অশ্বের বন্ধনী
 ছিঁড়িলা নিমিষে, চূর্ণ যুগন্ধর, অণী !
 অচল দেগিয়া রথ দনুজকেশরী
 লক্ষ্ম দিয়া রণস্থলে,
 নামি মনঃশিলাতলে,
 সিংহ খেন দাঁড়াইল কিরাত-বেষ্টিত,
 দীপ্ত তরবারি বেগে মস্তকে ঘূণিত ;
 শত খণ্ডে খণ্ড কৈল পবনের গদা ;
 নিমিষে কাম্বুক পুনঃ,
 লয়ে করে দিলা গুণ,
 শিঞ্জিনী অপূর্ব রঙ্গে খেলিতে লাগিল,
 ক্ষণে ক্ষণে শরজাল গগনে ছুটিল ।
 আঘাতিল প্রভাকরে, বরুণে আঘাতি,
 আচ্ছাদি কুমার-অঙ্গ,
 শতদিকে হ’য়ে ভঙ্গ,
 পড়িতে লাগিল, ঢাকি শতাজ, গর্গন,
 বিমুখি সংগ্রামে শরদঙ্ক প্রভঞ্জন ।
 তখন পার্বতীপুত্র দেব-সেনাপতি,
 দিব্য অস্ত্র ধরি করে,
 দ্বিখণ্ড করিলা শরে,

রুদ্রপীড়-শরাসন ভীষণ আঘাতে—
 নিমিত্ত বীরেন্দ্র ধনুঃ নিলা অস্ত্র হাতে ;
 না টানিতে শিঞ্জিনী, প্রচণ্ড দিবাকর
 খণ্ড করি থুরে থুরে,
 কোদণ্ড ফেলিলা দূরে,
 বসাইলা চাপে অস্ত্র ঘোর আভাময়,
 নিরখি তিলার্ক কালে বৃত্তের তনয়
 ধুমদণ্ড—ধুমকতু-আকৃতি ভীষণ—
 ধরিলা সাপটি করে,
 বাহিরিল থরুে থরে,
 কিরণের রেখাকারে গগনে বিস্তারি
 তাম্রময় শলাকা সহস্র সারি সারি ;
 ঝাপটে ঝাপটে ঝাড়ি যেদিকে হেলায়ে
 ধরিছে আকাশমুখে,
 সে দিকে শলাকামুখে
 শিলাকারে ধাতুর বর্তুল বাহিরিছে,
 ঘোর শব্দে শূন্যমার্গ ছিঁড়িয়া ছুটিছে ;
 ক্ষণকাল কড়ু যাহে পরশে বর্তুল,
 ছিন্ন-ভিন্ন চূর্ণকায়,
 অদৃশ্য করি উড়ায়,
 চিহ্ন নাহি রহে তার দেখিতে কোথায়,
 ভীষণ বর্তুল হেন কোটি কোটি ধায় !
 লণ্ড-ভণ্ড দেব-রথী-বিমান-মণ্ডলী ।
 প্রচণ্ড নিনাদ ঘন,
 শলামুখে বরিষণ,
 ধাতুর বর্তুল পিণ্ড ঝলকে ঝলকে,—
 ভাঙে রথ, ধনু, অস্ত্র পলকে পলকে ;
 ভাঙে প্রভাকর-রথ ক্ষার দগ্ধ যেন ;
 বক্রণের দিব্য যান,
 ক্ষণমধ্যে খান খান,
 কোটিখণ্ডে কার্তিকেয়-বিমান ভাঙ্গিল,
 দেবরথি-কুল ভয়ে রণে ভঙ্গ দিল ।
 তখন দেবেন্দ্র ইন্দ্র সাপটি কাম্বুক,
 অগ্রসর হৈলা রণে,

টঙ্কারি ভীষণ স্বনে,
 দিব্য চাপে বসাইলা অস্ত্র খরশান,
 টানিলা ধনুর ছিলা করিয়া সঙ্কান—
 ছুটিল বিহুংগতি নিঃশব্দে অদ্বরে,
 সুশাগিত মহাশর
 পড়ে ধুমদণ্ড'পর,
 কাঁপিতে কাঁপিতে খণ্ড তখনি নিমেষে,
 হইল সে ধুমদণ্ড কাশতণ-বেশে ।
 উড়িল শলাকাকুল দণ্ডমুষ্টি ছাড়ি,
 আচ্ছাদি গনন-তনু,
 যেন পরমাণু-অণু,
 অদৃশ্য হইল শূন্যে কোটি পথে ছুটি ;—
 রুদ্রপীড় হস্ত হৈতে পড়ে দণ্ডমুষ্টি ।
 নিকটে আসিয়া ইন্দ্র প্রসন্নবদন,
 শত সাধুবাদ দিয়া,
 বৃত্তমুতে বাথানিয়া
 কহিল “সুধম্বি, ধনু শরশিক্ষা তব,
 দেখাইলা বীরবীৰ্য্য আজি অসম্ভব ;
 এগন প্রস্থান কর রণস্থল ছাড়ি ;
 সংগ্রাম না কর আর,
 মনোমত পুরস্কার,
 পেয়েছ হে বৃত্তমুত, লভ গে বিশ্রাম,
 নহে হৃদয় তব সনে, না চাহি সংগ্রাম ।”
 কহিল দনুজনাথ তনয় বাসবে—
 “হে ইন্দ্র মেঘবাহন,
 শুনিয়াছ মম পণ,
 স্বর্গেতে থাকিতে দেব না ফিরিব রণে,
 জীবিতে লজ্জিয়া পণ ফিরিব
 কেমনে ?
 বৃথা আকিঞ্চন তব, দেবেন্দ্র বাসব,
 করেছি জীবন পণ
 করিব তা উদ্ঘাপন,
 আজি পুরাইব মম জীবনের আশা,
 মরিতে যতপি হয় মিটাব পিপাসা—

মিটাব পিপাসা যুদ্ধ করি তব সনে,
 আজি এ সমরক্ষেত্রে,
 দেখিব প্রফুল্ল নেত্রে
 জ্যা-বিভ্রাস তোমার কোদণ্ডে, সুরেশ্বর,
 ধর ধনু, যোধবাক্য রাখ ধনুর্ধর ।”
 বুঝাইলা নানামত ইন্দ্র মহামতি,
 সমরে হঠাতে কাস্ত,
 দৈত্যহতে রণশাস্ত,
 বন্দযুদ্ধে অসম বিপক্ষে সংঘাতিতে,
 সতত বিরাগ-ভাব দেবেন্দ্রের চিতে !
 নারিলা বুঝাতে যদি, কহিলা তখন,
 “কর রথে আরোহণ,
 শর-বেগ সহরণ,
 কর তবে, পার যদি বেগে নিবারিতে ;”
 আঞ্জা দিলা সারথিরে অগ্ন রথ দিতে ।
 মাতলি অপূর্ব যান যোগাইল ত্বরা—
 বৃদ্ধমুত দ্রুতগতি,
 ক্ষণে আরোহিলা তথি,
 বাছি বাছি প্রহরণ তুলিলা তাহায় ;
 ছুটিল অমররথ অপূর্ব প্রথায় ।
 বাজিল অদ্ভুত রণ দুই ধনুর্ধরে ;
 কে বর্ণিতে পারে তাহা,
 ভুবনে অতুল যাহা,
 সুরেন্দ্র অমরপতি খ্যাত ত্রিভুবন—
 মহাযোদ্ধা ধনুর্ধর দনুজ-নন্দন ।
 কিবা কোদণ্ডের গতি—শিঞ্জিনীর ক্রীড়া,
 ফিরিছে বিমানদ্বয়,
 রণক্ষেত্র সমুদয়,
 ক্ষণে দূরে—ক্ষণে কাছে—ঘেরি পরস্পরে,
 সহসা সংঘাত যেন আবার অন্তরে !
 ফিরিছে বিপুলবেগে, না পরশে তবু
 চূড়া, অঙ্গ কেহ কার,
 যেন রঙ্গে নিত্যকার
 নর্তকের সঙ্গে ফিরে প্রমোদ-মন্দিরে—

না ঠেকে বাহতে বাহ—শরীরে শরীরে
 কখন দৈত্য-বিমান পুষ্পকে লজ্জিয়া
 শূন্তে উঠি ক্ষণকাল,
 বিস্তারে বিশিখজাল,
 সৌদামিনী খেলে যেন নির্ঝরে ভাঙ্গিয়া
 আবার ইন্দ্রের রথ নিকটে আসিয়া,
 পবন বিদারি বেগে মহাশূন্তে ধায়,
 দেখিয়া কপোতে দূরে,
 শূন্তে যেন ঘুরে ঘুরে,
 দুই বাজপক্ষী ফিরে পক্ষ সাপটিয়া,
 নখে খণ্ড খণ্ড দেহ, রুধিরে ভিজিয়া ।
 কখন বহু অন্তরে অচল সমান,
 দুই ব্যোমধান স্থির,
 ধনু ধরি দুই বীর,
 খেলায় শর-তরঙ্গ দেখিতে অদ্ভুত ।
 নিঃশব্দে অনন্ত-দেহে অযুত অযুত
 ঘুরয়ে মণ্ডলাকারে দুই শরশ্রেণী,
 প্রাস্ত-সীমা অন্তমান,
 দূরস্থিত দুই যান,
 তরঙ্গ আসিছে এক, ছোট্টে অগ্নি ঝারা
 দুই কেন্দ্র-মাঝে যেন বিদ্যাতের ধারা ।
 যুঝিল এ-হেন রূপে সমর-নিপুণ
 ধনুর্ধর দুই জন,
 চমকিত ত্রিভুবন,
 যতক্ষণ রুদ্রপীড়-অস্ত্র না ফুরায়—
 নেহারে অসুর সুর অসাড়ের প্রায় !
 যে মুহূর্ত্তে নিঃশেষ হইল তার তুণ,
 তখনি ইন্দ্রের শরে
 বীরেন্দ্র শতাব্দ'পরে
 পড়িল, সহস্র শরে জর্জরিত-তনু,
 গসিল শীর্ষক শিরে, করতলে ধনু ;
 পড়িল ত্রিদিবতলে সারথি সহিত,
 শূন্ত ছাড়ি ব্যোমধান,
 অছিন্ন নাহিক স্থান,

ত্রেতায়া কৰ্করুপতি-শরেতে অস্থির,
 পড়িল গতাযু যথা জটাযু-শরীর !
 উঠিল সমরক্ষেত্রে হাহাকার ধ্বনি ।
 আকুল দমুজদল,
 বক্ষ ভিজাইয়া জল,
 পড়িতে লাগিল স্রোতে, ভাসায়ে নয়ন ;
 নীরব অমর-দল বিষণ্ণ বদন ।
 উঠিল সে কোলাহল—ক্রন্দন-কল্লোল,
 কনক-সুমেরু-শিরে
 নেত্রযুগে ধীরে ধীরে,
 শচীর শোকাশ্রধারা বহিতে লাগিল ;
 সহসা বিবর্ণ-তনু—চপলা কাঁপিল ।
 জিজ্ঞাসিল ইন্দুবালা আতঙ্কে শিহরি,
 “কে পড়িলা রণস্থলে,
 কোন্‌ রামা-হৃদিতলে,
 আবার হৃদয়নাথ ঘাতিল আমার—
 কার ভাগ্যে ভাঙিল রে সুখের সংসার ?”
 চপলা অক্ষুটস্বরে রুদ্রপীড় নাম
 উচ্চারিলা অকস্মাৎ,
 হৃদে যেন বজ্রাঘাত,
 না পশিতে সে বচন শ্রবণের মূলে—
 পড়িল দানব-বধু ইন্দ্রজয়া-কোলে !
 শুকাইল ইন্দুবালা—নিদাঘের ফুল,
 হায় রে, সে রূপরাশি,
 যেন স্বপনের হাসি,
 লুকাইল নিজাকোলে—ফুটিবে না আর !
 ছিন্ন যেন শচীকোলে লাবণ্যের হার !
 “কেন রে চপলা. হেন নিদারুণ হ'লি ?
 কেন সে দারুণ শ্বাস,
 ঘুচায়ে স্বরভি বাস,
 পরশিলি এ কুসুম ?”— বলি,

হৃদে তুলি

ধরিলা ইন্দ্রের রামা সে স্নেহ-পুতুলী ।
 এখানে সমরাজ্ঞে স্বরেশ্বর-কাছে,

যুড়িয়া যুগল কর,
 নয়নে শোকাশ্রথর,
 রুদ্রপীড়-সারথি কহিছে খেদস্বরে—
 গহ্বরের মুখে যথা গিরি-ধারা বরে !
 “পুরাও সদয় হ'য়ে, হে অমরনাথ,
 কুমার-বাসনা আজি,
 প্রভাতে সমরে সাজি,
 আইলা যখন বীর, কহিলা আমায়—
 ‘এক কথা, সারথি হে. আদেশি তোমায়,
 দেখিবে অস্তিমকাল যখন আমার,
 দেখো যেন রণস্থলে,
 মম দেহ শক্রদলে,
 চরণে পরশি কেহ না করে হেলন—
 রাক্ষস পিশাচে যেন না করে ভক্ষণ ।
 এই অগ্নিচক্ররথ লভিহু যা রণে,
 হারাইয়ে হতাশনে,
 দিও হে পিতৃচরণে,
 দিও পদে এই মম অঙ্গ-আচ্ছাদন,
 বলো—রুদ্রপীড়-সাধ হয়েছে সাধন ।’
 সে রথ উৎসন্ন এবে, হে অমরনাথ,
 আজ্ঞা দেহ বীরতনু,
 কবচশীর্ষক ধনু,
 ল'য়ে তাঁর পিতৃপদে সমর্পণ করি—
 পুরাও বীরের সাধ. হে বীরকেশরি !”
 বাসব ত্রিদশপতি সারথি-বচনে
 কহিলা—“শুন রে সূত,
 দৈতাসূত অদভূত,
 দেখাইলা রণে আজি সমর-কৌশল,
 স্তব্ধ স্বরাঙ্গুর তার হেরি ভূজবল ।
 এ হেন বীরের শব পবিত্র জগতে ;
 চিন্তা নাহি কর চিতে,
 আমি সে দিব বহিতে
 এ বীরেন্দ্র-মৃতদেহ, নিজ পুষ্পরথ—
 ইথে ল'য়ে পূর্ণ কর বীর-মনোরথ ।”

সারথি সজলনেত্র সুরেন্দ্র-আদেশে
মৈনিক সহায় করি,
তুলিলা পুষ্পকোপরি,
রুদ্রপীড়-মৃততনু অস্ত্রাদি ভূষণ ;
ইন্দ্রাদেশে শব-সঙ্গে ফিরে দৈত্যগণ ।

বাজিল সমর-বাণ গভীর নিনাদে,
রথ-পার্শ্বে সারি সারি
চলিল পতাকাধারী,
পদাতি, মাতঙ্গ, অশ্ব পশ্চাতে চলিল,—
ধীরে ধীরে অমরার দ্বারে প্রবেশিল ।

ত্রয়োবিংশ সর্গ

পুল্লে আশ্বাসিয়া বৃত্ত, ফিঁরয়া আলয়ে,
করিলা সমর-সজ্জা, রণক্ষেত্রে ত্বর
প্রবেশিতে পুল্লেয় সহায়ে। আজ্ঞা দিলা
যোধবৃন্দে সমরে সাজিতে অচিরাৎ ।
সহস্র কোদণ্ডধর, শত যুদ্ধে যারা
যুঝি দেবরথী-সনে মথি সুবদল,
লভিলা বিপুল বশ, অতুল উৎসাহে
সাজিতে লাগিলা দৈত্য-

আদেশে তখনি

ফিরিলা সভামণ্ডপে বৃত্ত মহাহর ।
মহাপাত্র স্মিত্রে চাহিয়া ধীরভাবে
কহিতে লাগিলা বৃত্ত, “কি কোণল ধরি
যুঝিবে দানবগণ—রক্ষিবে নগরী ;
কে রক্ষিবে পূর্বদ্বার ? কেবা সে দক্ষিণে
থাকিবে স্বদল সঙ্গে ? কোন্ সেনাপতি
পশ্চিম-তোরণ রক্ষা করিবে বিপদে ?
কেবা সে উত্তর-দ্বারে প্রহরী নিয়ত ?”
হেন কালে ঘোরতর ক্রন্দন-আরাব
উঠিল বিমানমার্গে ; স্তব্ধ সভাজন
শুনি সে ক্রন্দনস্বর ; স্তব্ধ সে নিনাদে
ইন্দ্রারি দমুজেশ্বর, চাহি অমাতোরে,
জিজ্ঞাসিলা “কোন্ বীর আবার পড়িলা
শরাঘাতে ? কহ হে সচিব, সহসা এ
কেন হাহাকার ?

কেন হেন কোলাহল ?

স্তব্ধকণে, হে স্মিত্র, লভিলা জনম

দানবের কূলে পুল্ল বীর রুদ্রপীড় !
ধন্য রণশিক্ষা তার—ধন্য বাহুবল !
সফল সাধন এত দিনে ! ভূজ-বলে
সমূহ অমরমৈত্র্য নিবারিলা একা ;
জিনিলা সমরে বহি দুনিবার দেব ;
জিনিলা কুবেরে ভীম-বলী ; বিমুখিলা
রুদ্রে একাদশ—রণে রোদ্র-তেজ যার ;
ইন্দ্রের নন্দনে খেদাইলা ফেরু হেন ।
নিঃশত্রু করিলা পুরী ; প্রাচীর-বাহিরে
মথিছে সমরে এবে অমর-বাহিনী
দুরন্ত বিশিখজালে, স্বচক্ষে দেখিহু—
সে দুর্জয় সাহস, সমর-নিপুণতা
চারি মহারথী-সঙ্গে যুঝিছে একাকী !
জানি মন্ত্রি, জানি তার বীৰ্য্য-রণোন্মাস,
পারে সে যুঝিতে একা প্রচণ্ড ভাস্করে
ভীমবলী প্রভঞ্নে, কিবা শক্তিধরে,
কিহা মহাপাশধারী বারি-কুল-নাথে ;
কিন্তু সুরপতি ইন্দ্রে, কি জানি উৎসাহে,
একাকী ভেটয়ে পাছে ? মন্ত্রি হে, সত্বর
আজ্ঞা দেহ রথিবৃন্দে হইতে বাহির ।”
হেনকালে রুদ্রপীড়-সারথি বাহিলক
রাখিলা পুষ্পক রথ অঙ্গনের মাঝে !
নতমুখে সুপতাকি-বৃন্দ দাঁড়াইল :
মৃদুমন্দ রণ-বাণ বাজিল গভীর ;
শিহরিলা সভাসীন অসুর-মণ্ডলী ;
কাঁপিল বৃত্তের বক্ষঃস্থল ঘন বেগে ;

বহ্লিক সজল-আঁখি রথ হৈতে নামি,
কুমারের রণসজ্জা ল'য়ে ধীরে ধীরে
প্রবেশিল সভাতলে । হেঁটমুখে আসি
রাখিলা দমুজরাজ-চরণের তলে,
সুদিব্য কবচ, আভাময় স্তম্বেখলা
অসিকোষ - নিসঙ্গ—কাম্বুক—

চন্দ্রহাস

রাখিলা, হায়, ফেলি অশ্রুধারা, শীঘ্রক
শোভিত সারসপুচ্ছগুচ্ছে মনোহর ।
দৈত্যরাজে নমি, দাঁড়াইলা ষোড়হস্তে ;
কহিলা কাঁদিয়া “প্রভু,

কি আর কহিব ?”

বৃত্তাস্বর, পুত্রশোকে অধীর-হৃদয়,
অশ্রুবিন্দু নেত্রকোণে সহসা ঝরিল ;
কহিতে লাগিলা সূতে—হায় বায়ু-স্বন
বনরাজি-মাঝে যথা—“হবে না বলিতে
বার্তা তোঁর, রে বহ্লিক,

জেনেছি সকলি,

দৈত্যকুলোজ্জলরবি গেছে অস্তাচলে ।”
দূরে নিক্ষেপিলা শূল এখন নিফল ।
নিরবে বসিলা মহাস্বর । ক্ষণ পরে
তুলিয়া লইলা বক্ষে পুত্র-তনুচ্ছদ ;
চাপিলা হৃদয়ে ধরি, পুত্রে পেয়ে যেন
আলিঙ্গন দিলা তায় ; করিলা চূষন
কবচ, শীর্ষক, নেত্রনীরে ভিঙাইয়া ।
উচ্ছ্বাসিল সভাস্থলে শোকের নিশ্বাস ।
যথা যুহু যুহু স্বরে সাগর-হিলোল
উচ্ছ্বাসে বেলায় পড়ি সিন্ধুগর্ভে যবে
ভোবে কোন নীরকণ্ঠা, যুহুখাসে তথা
উচ্ছ্বাসিল সভাজন রুদ্রপীড়-শোকে !
শোকাকুল বহ্লিক তখন খেদস্বরে
কহিলা ; “হে দৈত্যরাজ, হে বীরমণ্ডলী,
হে মিত্র অমাত্যগণ, না দেখিলা, হায়,
কি বীরত্ব দেখাইলা অস্তিম্বে কুমার !
সূত আমি তাঁর, কত যুদ্ধে নিরপিত্ত

সে বীরের বীরদর্প—কিন্তু কভু হেন
অদ্ভুত অস্বপ্নেপ চক্ষে না হেরিছ !
না শুনিছ এ শ্রবণে ! বীরচূড়ামণি
মৃত্যুকালে দেখাইলা বীরত্বের শেষ ।
সূত আমি, কি বর্ণিব, কি জানি বর্ণিতে,
সে কাম্বুক-শ্রীড়াভঙ্গী—সে ভূজ-চালন
বিজুলি তরঙ্গ-লীলা জিনি চমৎকার !
শুক হেরি দেবকুল, সুররথিগণ,
সূর্য্য, বায়ু, বরুণ, পার্বতীপুত্র ধীর,
অস্থির আকুল বাণে নারিলা তিষ্ঠিতে,—
চারিঙ্গনে একবারে যুঝিলা কুমার !
কি বলিব, দমুজেন্দ্র, চক্ষে না হেরিলা !
না শুনিলা সে বিশ্বয়-প্লাবিত উল্লাস,
সাধুবাদ ঘন ধ্বনি কত শত বার ।
উঠিল সমরক্ষেত্রে কুমারে বাখানি ।
বাসব আপনি—হায়, শরে যার বীর
গতজীব—বিস্মিত অদ্ভুত বীৰ্য্য হেরি,
দিলা নিজ পুষ্পরথ, ত্রিভুবনে গাত,
বহিতে বীরেন্দ্র-সজ্জা, অপিতে ৩ পদে ।”
শুনিতে শুনিতে বৃত্ত সুরিত-নাসিকা,
বিস্ফারিত বক্ষঃস্থল, দাপটে সাপটি
ভীষণ ভৈরব শূল, কহিলা উচ্ছেতে ;—
“সাজ, রে দানববৃন্দ—সংহারের রণে ।”
হেনকালে সেথা শিশুহারা কেশরিণী
বন আন্দোলিয়া, ভ্রমে যথা গিরিমাঝে,
আইলা ঐন্দ্রিলা বামা—আলুলিত কেশ,
বিশৃঙ্খল বেশ-ভূষা স্তম্বে নিশ্বাস
কম্পিত নাসিকারন্ধ্রে, অঙ্কিত কপোলে
শুক অশ্রু-জলধারা ; কহিল দানবী
ঘোরস্বরে—উন্নত করিণী যেন ভীমা,
“দৈত্যকুলপতি, দৈত্যকুল নির্বংশ হে
জানিয়া, এখনো স্থির আছ দন্ধহিয়া ?
শোকে অবসন্ন তনু হতাশের প্রায় ?
ধিক্ হে তোমারে, ব্যাধে না বধি এখন(ও)
নিরপিত্ত শূণ্য নীড়, উচ্ছিন্ন অটবী ?

হের, দৈত্যপতি, হের তপ্ত অশ্রুজল
 দহিছে এ গণ্ডতল ! আরো উচ্চতর
 শোকদাহে দহে হৃদি । তুমি পিতা হয়ে
 এখনো অসাড় দেহ, না সরে চরণ ?
 কি কব, হে দৈত্যনাথ, না শিখিলা কভু
 সংগ্রামের প্রকরণ ঐন্দ্রিলা কামিনী !
 নহিলে সে দেখাতাম কার সাধ্য হেন
 ঐন্দ্রিলা পুত্রে বধি তিষ্ঠে ত্রিভুবনে ?
 জ্ঞাতাম ঘোর শিখা, চিত্ত দহে যাহে,
 সেই তন্তরের চিত্তে—জায়া-চিত্তে তার
 জ্ঞাতাম পুত্রশোক-চিত্তা ভয়ঙ্কর !
 জানিত সে দানবীর প্রতিহিংসা কিবা !”
 সহসা পড়িল দৃষ্টি দম্বজবামার
 রুদ্রপীড়-রণসাজে ; হেরি পুত্র-সাজ
 হৃদয়ে শোকের সিন্ধু বহিল আবার !
 বহিল শোকাশ্রুধারা গণ্ড ভিজাইয়া ।
 “হা পুত্র ! হা রুদ্রপীড় !” বলি উচ্চৈঃস্বরে
 লইলা দম্বজবামা যতনে তুলিয়া
 পুত্রের সমর-সজ্জা—দেখিলা শীর্ষকে
 সেই মাহলিক অর্ঘ্য রয়েছে তেমতি !
 জ্বলিল বিষম শোক সে অর্ঘ্য হেরিয়া,
 কান্দিল মায়ের প্রাণ ! হায় রে, পাষাণে
 পশিল অনলদাহ যেন অকস্মৎ !
 উচ্চৈঃস্বরে, কোলে করি পুত্র-রণসাজ,
 “হা বীরেন্দ্রচূড়ামণি” বলিয়া উচ্ছ্বাসি,
 কান্দিলা দারুণ নাদে ঐন্দ্রিলা দানবী ।
 “কে হরিলা ? কারে দিলা অহে দৈত্যরাজ
 আমার অমূল্য নিধি ? হৃদয়-মাণিক
 আনি দেহ এই দণ্ডে তনয়ে আমার
 দৈত্যনাথ, আনি দেহ রুদ্রপীড়ে মম !
 এমনি করিয়া বন্ধে ধরিব তাহার, !
 এমনি করিয়া ভিজাইব অশ্রুধার
 সেই চারু চন্দ্রানন ! দৈত্যকুলমণি,
 দেখিব হে একবার । জীবন-পীযুষে

জুড়াব তাপিত দেহ !—এ জগতমাঝে
 ‘মা’ বলিতে ঐন্দ্রিলা কেবা আছে আর
 ‘ধরাসনে নহ, বৎস. জননীর কোলে’,
 বলিব যখন তার মস্তক চুষিয়া,
 নিজা ত্যজি তখনি উঠিবে পুত্র মম—
 দৈত্যপতি, এনে দাও সে ধন আমার ।”
 কহিলা দম্বজপতি “হে দৈত্যমহিষি,
 জানি সে কঠোর বিধি করেছে নির্মূল
 বৃত্তের হৃদের আশা কুঠার-আঘাতে !
 এ শোক চিতার বহি জ্বলিবে হৃদয়ে,
 হা ঐন্দ্রিলে, যতদিন ভস্ম নহে দেহ !
 কি হবে বিলাপে এবে ? হা রে অভাগিনি !
 বিলাপের বহুদিন পাইবে পশ্চাৎ,
 আক্ষেপের এ নহে সময় ; আগে ঘাতি
 পুত্রঘাতী ইন্দ্রের হৃদয় এ ত্রিশূলে,
 পরে বিলাপিব দৌহে । হের যুদ্ধসাজে
 সমজ্ঞ সুরথিবৃন্দ—সমর-প্রস্থানে
 গমন-উচ্ছত আমি, বিলাপি এখন
 চিত্তের উৎসাহ-বেগ না হর, মহিষি !”
 দানবের তেজঃপূর্ণ বচনে ঐন্দ্রিলা.
 পাইলা স্বভাব পুনঃ, অশ্রুধারা মুছি,
 কহিলা “দম্বজনাথ, প্রতিশ্রুত হও—
 পুত্রঘাতি-পুত্রে বধি দিবে প্রতিশোধ ?
 তবে সে হৃদয়জ্বালা-ঘুচিবে কিঞ্চিৎ ।
 তবে সে বুঝিব বীর শূলধারী তুমি !
 তবে সে জগতমাঝে এ মুখ আবার
 দেখাব দম্বজকুল-মহিলার কাছে ।”
 কহিলা দম্বজেশ্বর উত্তরি বামায় ;—
 “পুরাইব মনোবাঙ্কা, মহিষি, তোমার—
 এ শূল-আঘাতে পারি যদি পুরাইতে ।”
 “পারি যদি পুরাইতে ?—কি কহিলা,
 হায়”
 কহিলা ভূজঙ্গশাসে ঐন্দ্রিলা দানবী,
 “হৃদয়-শোণিত তব গেছে কি শুকারে ?

প্রতিহিংসা নাহি তায় ? নহ কি সে তুমি
সেই মহাসুর বৃত্ত দেব-অস্তকারী ?
এখন(ও) তৃতীয় অংশ নহিল অতীত
ব্রহ্মার দিবসমানে,—ভৈরব-ত্রিশূল
এখন(ও) ধরেছ হস্তে তেমতি প্রতাপে
‘পারি যদি পুরাইতে’—বলিলে দৈত্যেশ ?”
বুঝাইলা বৃত্তাসুর সাস্ত্রনিয়া তায়,
প্রতিজ্ঞা করিয়া পুনঃ মস্তক পরশি,
নাশিতে ইন্দ্রের স্ততে ।—স্থিরচিত্তে তবে
ধীরগতি ঐন্দ্রিলা ফিরিলা ইন্দ্রালয়ে ।
তখন দম্বজপতি স্তমিত্রে সম্বোধি
কহিতে লাগিলা পুত্র-অস্ত্যোষ্টি যেরূপে
সমাধা হইবে অস্ত্রে । হেনকালে সেথা
প্রবেশিলা বীরভদ্র মহাকাল-দূত ।
সম্বমে দম্বজপতি প্রণতি করিয়া
সম্ভাষিলা শিবদূতে । কহিলা প্রমথ
“বৃত্ত, তব পুত্রতনু স্তমেক-শিখরে
লইতে বাসনা মম । অস্ত্যোষ্টি-সংকার
সে বীরের করিবেন ইন্দ্রাণী আপনি ।
ইন্দুবালা-তনু-সঙ্গে অনন্ত-মিলনে
মিলায়ে সে বীর-তনু স্তমেক-অঙ্গেতে
রাখিবেন সুরেশ্বরী ;—হে দম্বজনাথ,
পতিশোকে পরাণ ত্যজেছে পতিপ্রাণা !
ইন্দুবালা, দানবেশ্র, লুকায়েছে, হায়,
সে স্তমমা-রাশি আজি সুর-রমা-কোলে !
নিষেধ না কর, দৈত্যনাথ, পুত্রনাম
প্রতিষ্ঠিত করিতে ত্রিদিবে চিরদিন ।”
বীরবিলা শিবদূত এতেক কহিয়া ।
কহিলা দম্বজনাথ—“শুকায়েছে হায়,
সে চারু কোমললতা ইন্দুবালা মম ;
হের, মস্তি, বিধাতার বিধি অদভূত—
দৈত্যকুল-রবি সনে সে কুল-পঙ্কজ
ডুবিল হে একিকালে ! ছাড়িলা যখন
কল্পপীড় বৃত্তাসুরে, থাকে কি সে আর

দৈত্য-কুল-লক্ষ্মী তার ঘরে ? জানিলাম,
এত দিনে অসুরকুলের অবসান !
হা মাতঃ স্তমীলে ! তব অস্তিমকালেতে
চক্ষে না দেখিছু তোমা ! সেবিলে মা কত
তনয়ার স্নেহে বৃত্তে—বৃত্ত জীবমানে
মরিলে শত্রুর কোলে ! মৃত্যুর সময়
না পাইলে স্ববাক্যবে স্বজনে দেখিতে !
হা বিধাতঃ, লীলা তব কে বঝিতে
পারে ?”
আক্ষেপি একুপে বৃত্ত নিশাসি গভীর,
কহিলা লইতে তনু মহেশের দূতে,
বীরভদ্রে প্রণমিয়া করিলা বিদায় ।
চাহি পরে মহাসুর সৈনিক-বৃন্দেরে
সাজিতে আদেশ দিলা—আদেশিলা শূর
সাজিতে দম্বজকুলে । কি বৃদ্ধ তরুণ
চলিল দম্বজবীর যে যার আলয়ে,
ঘোষিল অমরামাঝে—সূর্য্যোদয়ে রণ !
হায় রে, সে নিশি যেন গাঢ়তর বেশে
দেখা দিল অমরায় ! প্রতি গৃহে পথে
মূঢ়ল করুণ স্বর ! আলয়ে আলয়ে
গৃহীর হৃদয়োচ্ছ্বাস মধুর গভীর !
পিতাপুত্র, মাতাস্তে, ভগিনী-ভ্রাতার
কত ধীর আলাপন, মধুর সম্ভাষ,
বিনয়, করুণা, স্নেহ, মমতা-পুরিত !
বনিতার স্তললিত কতই বিলাপ !
পতির আশ্বাস প্রেমময় মোহকর !
কাঁদিতে কাঁদিতে পুত্রে সাজাইছে মাতা
চুপি কতবার স্নেহে পুত্রের ললাট !
মুছি নেত্রনীর বীর অলীক আশ্বাসে
বুঝাইছে কত তায় ! জননীর প্রাণ
ভুলে কি চলনে, হায় ? আরো গাঢ়তর
অস্তরে ছুটিছে বেগ পরাণে আঘাতি !
কত শতবার খুলি তনু কঠিন
তনয়ে ধরিছে বৃকে ! কোন বা আলয়ে

সোদরের পদচ্ছদ বাঁধিতে বাঁধিতে
ভগিনী কাঁদিছে শোকাকুল—অর্ধভগ্ন,
অশ্রুট নিশাস, নীর-ধারা দর দর
নয়ন-যুগলে ! পতি-আজ্ঞা গিরে ধরি,
কোন বা রমণী বাঞ্ছে পতি-কটিবন্ধ !
কোন বা রমণী, ধীরে তুলি শিশু-কর,
কাঁদিতে কাঁদিতে জড়াইছে পতিকণ্ঠ
সে কোমল করে ! হায় ! কেহ বা ধরিছে
পতির অধরদেশে শিশুর অধর !
স্বমধুর হাসি মুখে খেলিছে বালক
কিরীটের গুচ্ছ তুলি—আনন্দে ছুলায়ে !
অশ্রুতে মিশায়ে হাসি হেরিছে রমণী,
সজল-নয়ন, মরি, এবে অবিচল ।
চাহে কোন সীমন্তিনী স্বামীর বদনে
করে তুলি খড়্গ-কোষ ! কোন বা বালক
পিতার কবচ অঙ্গে ; হাসিতে হাসিতে
আসিছে জননী-কাছে—কাঁদিছে জননী ।
পুলে সাজাইছে পিতা, পিতার পৃষ্ঠেতে
কুতূহলে পূর্ণ তুণ বান্ধিছে তনয় !
বুঝাইছে বধুকুলে বৃদ্ধ পুররামা !
মায়ে সান্ত্বনিছে সূতা, জননী কণ্ঠায় !
শুকাইছে কত ফুল প্রফুল্ল আনন,

গত নিশি প্রস্ফুটিত অরবিন্দ সম,
ছিল প্রস্ফুটিত যাহা ! হায়, কত আঁখি
ছুঃখেতে মুদিছে আজি ! গত বিভাবরী
যে বদন দেখিবারে হৃদয় উৎসুক,
আজি নিশি নাহি চাহে নিরখিতে তায়
যে হৃদয়-পরশনে শীতল পরাণে
সিঞ্চিত পীযুষ-ধারা, তপ্ত তাপ আজি—
পরশনে দগ্ধ হৃদিতল । শ্রুতিগূলে
যে বচন কালি স্বমধুর, আজি তাহে
বিকিছে কণ্ঠক ! কত স্নেহ, আশা, আহা
কত চিন্তা, ভয়, প্রতিদিন দানবের ঘরে
একত্রে তরঙ্গ তুলি ফিরিছে সে নিশি,
না হয় বর্ণন, হায়, সে হৃদি প্রাবন !
পুড়িছে সবারি বুক, কোলে করি কেহ
হেরিছে শিশুর মুখ—চুষনে বিহ্বল !
কেহ প্রিয়তমা-অশ্রু মুছিছে যতনে
হৃদয়ে চাপিয়া স্থখে ! কেহ বা কাঁদিছে !
ভ্রাতায় ভ্রাতায়, আহা, সে কাল নিশাণে
বিদায় কতই মত ! সথায় সথায়
শেষ প্রণয়ের দেখা কতই স্নেহেতে !
আলিঙ্গন পিতা-পুলে—জননী-আশীষ,
সে তামসী অমরায় নিরখিলা কত !

চতুর্বিংশ সর্গ

অমরায় বিভাবরী হইল প্রভাত ;
খড়্গ, চর্ম্ম, বর্ম্ম, তুণ, তরল কিরণে
প্রদীপ্ত হইল দশ দিকে ! সিদ্ধ যেন
সে ঘোর সমরভূমি—অকুল—গভীর !
দেব-দৈত্য-চমূদল উর্ম্মিকুল-প্রায়
ভাসিছে তিরণ মাখি সে রণ-মাগরে !
সে কিরণে প্রভাতিল ভীম শোভাময়
অপূর্ব্ব অমর-বাহ বাসব-রচিত ।

বহু দেশ যুড়িয়াছে বাহিনী-বিগ্ৰাস—
অস্তাচল, হেমকূট, তাম্রকূট গিরি,
পর্ব্বত-পারদ-গর্ভ, প্রবাল-ভূধর,
মনঃশিলা শৈলকুল আদি আচ্ছাদিয়া ।
মণ্ডল-ভিতরে সৈন্ত-মণ্ডল স্থাপিত
অপূর্ব্ব শ্রবণাকৃতি !

মধ্যস্থলে তার
ধ্বজপতি আদি স্বররথী—শরাহত

দেবগণ ; চৌদিকে স্তবকে সুরসেনা,
 রক্ষিত সেনানীবৃন্দ রণে স্ননিপুণ !
 বৃহৎ বিরাচিয়া ইন্দ্র অরুণ-উদয়ে
 দেব সেনাপতিগণে করিল। আহ্বান
 আপনার পটগৃহে । বাসব-আদেশে
 আ(ই)লা জলকুলপতি বরুণ সূধীর ;
 বৃত্তস্বতবাণে বিদ্ধ বাম উরুদেশ,
 পাশে রাখি দেহভার, গঞ্জের গতিতে
 আইলা ইন্দ্রের পার্শ্বে । সূর্য্য মহাবলী
 তীক্ষ্ণ শরে দক্ষতনু, আইলা সত্ত্বর
 ইন্দ্রপটগৃহে বিদ্ধ বাম ভুজ ধরি ।
 আ(ই)লা অগ্নি ভীমদেব অস্থির দহনে,
 আ(ই)লা দেব প্রভঞ্জন চঞ্চল-গতিতে ;
 আ(ই)লা দণ্ডধর যম করাল-মূর্তি,
 জয়ন্ত বাসব-পুল, দেব ষড়ানন ।
 যথাস্থানে যে যাহার কৈলা অধিষ্ঠান ।
 সুরপতি, চাহি সূর্য্যো, অনলে, বরুণে,
 কহিলেন,—“হে অমর মহারথগণ,
 চিত্র মম আকুলিত হেরি তোমা সবে
 হেন শরদক্ষ-তনু—না জানি এক্রুপে,
 দুর্গতি করিলা দেবে বৃত্তের তনয় !”
 জিজ্ঞাসিলা, “কোথা এবে যক্ষ ধনপতি ;
 না আইলা কেন দুই অশ্বিনীকুমার ;
 কোথা একাদশ রুদ্র, অণু বীর আর ?”
 উত্তরিলি বারীশ বরুণ পুরন্দরে,—
 “আমা সবা হৈতে শরদক্ষ গুরুতর
 সে সকলে, হে সুরেন্দ্র, গতিশক্তিহীন
 কোন দেব, মুচ্ছাগত কেহ, বৃত্তস্বত-
 শরঘাতে !” শুনি ইন্দ্র আক্ষেপিলা কত ।
 কহিলা অমরপতি—“হে সেনানীগণ,
 হত এবে সে অসুর ভীম ধনুর্ধর ।
 কিন্তু দুই বৃত্তাসুর জীবিত এখন(ও),
 দৈত্যপতি সমরে দুর্বার ! রণে যার
 অমরা-বঞ্চিত দেবগণ ! সে দুরাগ্না

সংগ্রামে পশিবে অচিরাৎ ; কি উপায়ে
 নিবারিবে তায় এ সমরে ? কহ শুনি ।
 দধীচির অস্থিবলে, পিনাকি-আদেশে,
 পেয়েছি অব্যর্থ অস্ত্র—বজ্র প্রহরণ ;
 কিন্তু সে অসুর ইথে নহিবে নিপাত
 না হইলে ব্রহ্মদিবা শেষ । কি উপায়ে,
 কহ, দৈত্যে ছরন্ত সমরে নিবারিবে ?”
 বলি কোষ হৈতে তুলি ধরিলা দণ্ডোলি
 দৃঢ়করে পুরন্দর । ধক্ ধক্ জালা
 জ্বলিতে লাগিল অস্ত্রে, করি দীপ্তিময়
 সে দেব-পটমণ্ডপ—অনন্ত শিবির ;
 উত্তাপে অস্থির দেবকুল, দেখি ইন্দ্র
 ভীম বজ্র রাখিলা আবার বজ্রাধারে ।
 ভীষণ দণ্ডোলি-তেজ হেরি বৈশ্বানর,
 আহ্বাদে অধীর, অঙ্গে ফুলিঙ্গ ছুটিল,
 কহিল—অসহ কষ্ট-বেদনা উপেক্ষি,
 “অমরেন্দ্র ! শুন কহি মম অভিলাষ,
 তিলান্ন নিমেষ আর বিলম্ব না কর,
 অসুরে সংহার বজ্রে ; অদৃষ্ট-লিগন
 কে বলে খণ্ডিত নয় ? সুরযোগে সকলি
 শুভফল । না থাকিলে এ বেদনা মম,
 এখনি সুরেশ, বধিতাম বৃত্তাসুরে
 এ অস্ত্র-আঘাতে ।” শাস্ত কৈলা সুরপতি
 উগ্র হতাশনে, বুঝাইয়া নানা মত ।
 তখন ভাস্কর—গ্রহকুলপতি দেব—
 তীব্রতর স্বরে উচ্চৈ নিনাদি কহিলা,—
 “হে সুরেন্দ্র, ভয় যদি দণ্ডোলি-নিষ্কপে,
 দেহ তবে মম করে, দেখিবে এখনি
 খণ্ড-মুণ্ড হয় কি না ছরন্ত অসুর !
 প্রচণ্ড সূর্য্যের তেজে, বজ্রের সহায়ে
 লুটিবে অসুর-মুণ্ড—বিস্তীর্ণ শ্মশানে
 শূন্য কুম্ভ বাড়ে যথা !
 না জানি, সুরেশ,
 কি হেতু অসাধ তব হেন রিপু-নাশে !

আপনি অক্ষত-দেহ ! জ্বর জ্বর তনু
 দেবকুল অস্বাঘাতে ! কি জানিবে কহ,
 ছিলে লুকাইয়া দূর কুমেরু-গহ্বরে !”
 সূর্যের বচনে ক্রুদ্ধ জলদলপতি
 কহিলা—”হা ধিক্, ধিক্ দেব দিবাকর,
 দেবেন্দ্রে এ ভাষা ? সর্বভাগী সুরপতি
 দেবতার হিতে, ঘৃণা, লজ্জা পরিহারি
 বিশ্বদ্বারে ভ্রমিলেন শিক্ককের বেশে !
 তাঁরে এ পরুষ-বাক্য ? হে ধ্বাস্তবিনাশী,
 অন্ধ কি হইলা ক্রেশে ? কহ সে কাহার
 নহে শরদঙ্ক দেহ ! একাকী সমরে
 বঝিলা কি দৈত্যসূতে ? কি সাহসে হেন
 অহঙ্কার, হে সর্বিতঃ—ভীকু অপবাদ
 দিলা ইন্দ্রে এ সুরমণ্ডলে ? লজ্জাহীন
 ভীকু যে আপনি, অশ্রো ভাবে সে তেমনি”
 এত কহি নীরবিলা সিক্ককুলপতি ।
 সুরেন্দ্র তখন শান্ত করি বারিনাথে,
 কহিলা, সূধীরভাবে গভীর বচন ;—
 ”হে সূর্য্য, অসুর-নাশে অসাধ আমার !
 দেব-দুঃখে নহি দুঃখী—নহি হে ব্যথিত
 শরব্যথা বিহনে শরীরে ? অকারণ
 অরাতি নাশিতে করি হেলা ?—

হে দিনেশ,

সহস্রাংশু, ঘুচাও সে চিত্ত-ভ্রম তব,
 লহ এ সংহার-অস্ত্র, বিনাশ অসুরে !”
 এত কহি সূর্য্য-অগ্রে রাখিলা দস্তোলি ।
 আগ্রহে ভাস্কর হেরি সে ভীম আয়ুধ,
 তুলিতে করিলা যত্ব হই ভূজে ধরি ;
 প্রকাশিলা যত শক্তি ভূজদণ্ডে তার ;
 তুলিতে নারিলা বজ্র—লজ্জানত-মুখে
 দাঁড়াইলা দূরে গিয়া দেব-অস্তুরালে ।
 হাসিলা অমরবৃন্দ উচ্চ অট্টহাসে
 হেরি সূর্য্য-পরাত্যব, ব্যঙ্গ স্বরে কত
 বিক্রপিলা কত জন কূট তিরস্বারে ।

তখন বাসব শীঘ্র পীযুষ-তুলনা
 বচনে শীতল করি চিত্ত সবাকার
 নিবারিলা সর্বজনে—“হে দেবমণ্ডলী”
 কহিলা বিশদস্বরে—“গৃহ-বিসম্বাদ
 সদা অনর্থের হেতু ত্রিজগতী মাঝে ;
 বিপদের কালে মনোমিলন(ই) সম্পদ !
 কে না পারে সখ্যভাবে সম্পদ ভুক্তিতে ?
 দেবতার কত হীন মানবের জাতি,
 তাদের(ও) সম্প্রীতি কত

সোদরে সোদরে,

কতই সখ্যতা স্নেহ অত্মীয় স্বজনে,
 সৌভাগ্য সে যত দিন । সৌভাগ্য ফুরালে
 সূখের সংসার ছার—শাদ্দুল-কলহ
 আত্মীয়-কলহে গৃহে ! ভ্রাতৃত্ব উচ্ছেদ !
 বিপদে বন্ধুর ক্ষয় মানবে প্রবাদ !
 সে প্রবাদ দেবকুলে করিতে প্রবল
 চাহ কি অমরগণ ! আত্ম-বিস্মরণ
 বিপদে এতই দেবে, অহে ত্রিদিবেশ !”
 এতেক বলিয়া উদ্ভ্র নীরব আবার ;
 ভাবিতে লাগিলা চিত্তে কিরূপে অসুরে
 ভেটিবে সমরে পশি । পার্শ্বতীনন্দন
 কাব্রিকের সেনাপতি, সমর-কুশল,
 কহিলা যুদ্ধের প্রথা বাহ্মধ্যে থাকি,
 রক্ষিতে স্বপক্ষবল ; বরণ বিচারি
 রণে ক্ষান্তি ক্ষণকাল দিলা উপদেশ ;
 অগ্নি দেবগণ মত দিলা যে যাহার ।
 ভাবিত অমরপতি অমর-শিবিরে,
 হেনকালে মহাশূণ্ড বিদারি বেগেতে
 আ(ই)লা শিব-পারিষদ ভীম মহাকাল ;
 সূধিলা বাসব শিবদূতে—শিবশিবা-
 বারতা, কৈলাস-স্বসম্বাদ ; শিবদ্বারী
 নন্দী ইন্দ্রে বন্দিয়া তখন কহিলা, “হে
 অমরেন্দ্র, উমেশগেহিনী পাঠাইলা,
 শচী-দুঃখ হরিতে সতত চিন্তা তাঁর ;

পাঠাইলা, হে বাসব, জানাতে তোমায়
 বৃত্তের খণ্ডিত ভাগ্য—অকালে অশ্বর
 পড়িবে দস্তোলি-ঘাতে । হে শচীবল্লভ,
 বিলম্ব না কর আর, বজ্রে বিদারিয়া
 বক্ষুচূর্ণ কর তার ; ভৈরব আপনি
 কুপিত ঐন্দ্রিলা-দস্তে কৈলা এ বিধান ।”
 এত বলি শিবদূত ফিরিলা কৈলাসে,
 ধূমকেতুবেগে গতি, উজ্জলি অশ্বর ।
 মহানন্দে কোলাহল দেববৃন্দ মাঝে,
 ক্ষণকালে ত্রিভুবনে ঘোষিল সম্বাদ—
 ইন্দ্র-বৃত্তাস্থরে রণ—বৃত্তের সংহার
 বজ্রাঘাতে । বিহ্বলিত কোতুকে, হরষে
 চতুর্দশ লোকবাসী, সিদ্ধ-ব্যোমচর
 ছুটিল বিমানমার্গে । আ(ই)ল যক্ষকুল,
 বিষ্ণাধর, অপ্সর, কিন্নরবর্গ যত ;
 আইল কর্বু রুগণ, গন্ধর্ভ, পিশাচ ;
 আ(ই)ল সিদ্ধ, নাগকুল, প্রেত, পিতৃগণ,
 দেবর্ষি, মহর্ষি, যতি, শুচি-আত্মা যত ;
 আইল ব্রহ্মাণ্ডবাসী প্রাণী শূণ্ঠদেশে ।
 আকাশের দূরপ্রান্তে, শূণ্ঠখানে চাপি
 গহিলা সকলে ব্যগ্র । সে রণ দেখিতে
 খুলিল ব্রহ্মাণ্ডদ্বার অশ্বর সাজায়ে ;
 মানাবর্গ হেম, মণি, প্রবাল, অয়স,
 রচিত বিচিত্র কত গবাক্ষ, তোরণ,
 কত দিবা বাতায়ন খুলে চন্দ্রলোকে,
 ছড়ায়ে বিমানপথে চন্দ্রালোক-শোভা !
 সূর্যালোকে কত কোটি বাতায়ন, আহা,
 খুলিল অতুলমূর্ত্তি লোম-হর্ষকর,
 অদ্ভুত সৌন্দর্য-রশ্মি প্রকাশি গগনে !
 প্রতি গ্রহে এইরূপে নক্ষত্রে নক্ষত্রে
 খুলিল কতই দ্বার, গবাক্ষ, তোরণ,
 বিপুল অনন্ত-কোলে—অনন্ত শোভায়,
 প্রতি বাতায়ন-পথে, গবাক্ষের দ্বারে
 প্রাণিবৃন্দ অগণন ; শূণ্ঠ ঘেন আজি

প্রাণিময়,—পরিপূর্ণ জীবন প্রবাহে ।
 সে শোভা হেরিতে রমা ত্রীপতি-সহিত
 খুলিলা বৈকুণ্ঠদ্বার ! খুলে ব্রহ্মলোক
 অতুল্য তোরণ আজি ব্রহ্মলোকবাসী ।
 খুলে দ্বার মহাকাল কৈলাস-ভুবনে !
 অতুল স্বরভি-গন্ধে পুরিল জগৎ !
 বিহ্বলিত চৌদলোকে প্রাণীর মণ্ডলী
 সে সৌরভ-স্রাণ লভি ! আকুলিত প্রাণ
 দেখিতে লাগিল শূণ্ঠে বৈকুণ্ঠ ভুবন,
 অতুল ব্রহ্মার পুরী, বিশাল কৈলাস,
 মোহে অচেতন যেন ভুলি ক্ষণকাল
 ইন্দ্র, বৃত্তাস্থর, স্বর্গ, সমর-প্রাঙ্গণ !
 হেথা ইন্দ্র ব্যাহ-মাঝে প্রবেশি তখন
 নিরখিলা একে একে দেবরথিগণে
 সমরে আহত যত, কিবা সে মূচ্ছিত ।
 ধনেশ্বর কুবের, অশ্বিনীসুতদয়ে,
 সাস্ত্রনিলা মিষ্টেশ্বরে । রুদ্র একাদশে
 স্নিগ্ধ করি, স্নিগ্ধ করি অগ্নি দেবে যত
 আহত সমরক্ষেত্রে, ফিরিলা বাসব
 করি ব্যাহ প্রদক্ষিণ । আসি বহির্দিশে
 আজ্ঞা দিলা মাতলিরে আনিতে পুষ্পক ।
 আজ্ঞা দিলা নিজ নিজ রথ সাজাইতে
 অগ্নি যত স্বর রথী । শিবির যুড়িয়া
 সাগর-কল্লোলধ্বনি উঠিল আরাবে ।
 সাজাইলা অরুণ সূর্য্যের সুবিমান
 একচক্র রথবর অদ্ভুত দেখিতে ।
 গতি মনোহর অতি, প্রদীপ্ত চূড়াতে
 সপ্ত স্বর্ণকুম্ভ-শোভা । নিয়োজিলা তায়
 সপ্ত খেততুরঙ্গম বন্ধিম নিগাল,
 জিনি দুষ্কফেনরাশি শুভ্র-তনুকহ,
 ক্ষণে পারে ব্রহ্মাণ্ড ঘুরিতে ! বৈনতের
 উঠি শীঘ্র বসিলা স্তন্দনে । ভীমাদেশে
 অনল-সারথি রথ সাজাইলা দ্রুত ;
 স্থলোহিত বিমান প্রচণ্ড শিখাময়, ..

রক্তবর্ণ দুই অশ্ব, নাসারঞ্জে খাসে
 প্রথাসে ছুটিছে ধূম ! আনি যোগাইলা
 কৃষ্ণ হয় কৃষ্ণবর্ণ শমন-শ্রুন্দনে
 কৃতান্ত-সারথি ভীম ! শঙ্খনিরচিত
 শত-চক্র শতাক্ষ সুন্দর বক্রণের,
 বেগে যার রসাতল সদা বেগময়,
 উত্তাল তরঙ্গপূর্ণ সিন্ধুর শরীর,
 যবে বারিনাথ রঞ্জে, বারিধি-বিহারে,
 ভ্রমেন বারুণী-সঙ্গে—সাজাইলা সূত ।
 কুমার-সারথি দ্রুতগতি সাজাইলা
 শতচূড় শিখিধ্বজ স্কন্দের বিমান ;
 কুরঙ্গ-বাহন বায়ুবিমান সাজিল ;
 সাজিল শতাক্ষ অশ্ব যত অমরের ।
 হেনকালে মাতলি সারথি কৃতান্তলি
 নিবেদিল পুরন্দরে “পুষ্পক বিমান
 বাহিলা অসুর-পুল-শব তবাদেশে,
 কি বাহনে সুররাজ পশিবেন রণে ?”
 চিন্তি ক্রমে দেবেন্দ্র কহিলা আনিবারে
 উচ্চৈঃশ্রবা মহা অশ্ব—অশ্বকুলপতি ।
 মাতলি ঘোটক আনি দিলা ইন্দ্রপাশে ।
 হেরিয়া বাসবে, উচ্চৈঃশ্রবা ঘন ঘন
 ছাড়িলা নাসিকাধ্বনি, দুলাইয়া স্থখে
 ফুলাইলা গ্রীবাদেশে কেশর সুন্দর ;
 ঘন হ্রেবাধ্বনি শ্রাণে, ঘন খুরাঘাতে
 খুঁড়িতে লাগিলা মনঃশিলা স্বর্গতলে,
 তরল পারদ জিনি চঞ্চল অধীর !
 অত্র জিনি তমুশোভা শুভ্র সূচিকণ,
 ক্ষীরোদসমুদ্র-জাত ঘোটক অদ্ভুত !
 সাজাইলা আপনি সে অশ্বে সুররাজ ;
 সুদিব্য আসন পৃষ্ঠে, রশ্মি তেজোময়
 গলদেশে শোভিতে লাগিল—সৌদামিনী
 বেড়িল যেমন গ্রীবাদেশ ! মহাহর্ষে
 শচীনাথ ধরিল দস্তোলি, আরোহণে
 করিলা উছোগ । হেনকালে শূন্যপথে
 সুরমেক হইতে দ্রুত নামিল পুষ্পক ;

চপলা সুন্দরী বসি তায়, তড়িলতা
 হাসাছটা মুখে ! হেরি ইন্দ্রে দ্রুতগতি,
 নামিলা চপলা, নিবেদিল শচীনাথ
 শচীর কুশলবার্তা, কহিলা, যে রূপে
 পাইলা পুষ্পকরথ হেমাজি-শিখরে ;
 ইন্দুবালা-বারতা সংক্ষেপে বিবরিয়া
 দাঁড়াইলা নম্রমুখে । চপলারে হেরি
 সুধাইলা সখতনে কতই সন্বাদ
 সুরনাথ বার বার ; কত চিত্তস্থখে
 শুনিতে লাগিলা যত কহিলা চপলা ।
 সহর্ষ উৎসুক মনে আশীষি তখন,
 কহিলা পোলোমীনাথ, “হে চাকুরঞ্জিনি,
 চিরসহচরি ইন্দ্রাণীর, কহিও সে
 স্বর্গস্থ-স্থখিনীর, স্বর্গরাজ্য তাঁর
 উদ্ধারি আবার শীঘ্র অপিব তাঁহারে,
 চিরতৃষ্ণা মিটাব চিত্তের ! ফির এবে
 সুহাসিনি, সুরমেক-শিখরে নিরাপদে ।”
 এত বলি শচীনাথ চপলার পানে
 চাহিলা প্রফুল্লমতি ; হেরিলা—রঞ্জিণী
 দেখিছে নিশ্চল আঁখি বজ্র-কলেবর,
 দৃষ্টিপথে চিত্তহারী যেন ! ইন্দ্রে হেরি
 সলঙ্ক-বদনে বামা, মুদিল নয়ন ;
 রাঙিল স্নগুতল, কাঁপিল অধর !
 বিশ্বয়ে সুরেন্দ্র এবে দেখিলা এ দিকে
 ভীমরূপ ত্যজি বজ্র দিব্য তেজোময়
 ধরেছে অপূর্ব মূর্তি বিধি-হরি-হর-
 তেজে নিত্য সচেতন ; হেরিছে সঘনে
 স্থির সৌদামিনী-শোভা অস্থির নয়নে !
 হাসিলা বাসব, আজ্ঞা দিলা মাতলিরে
 আনিতে কুসুমদাম, কহিলা—“চপলে,
 পূরাব বাসনা তোঁর—লাবণ্যে মিশাব,
 আজি সুর-রণভূমে, ত্রিলোক সাক্ষাতে,
 তেজঃকুলেশ্বর বজ্রে ; বিবাহ উৎসব
 হবে পরে ।” মাতলি আনিলা
 পুষ্পমালা,

দিলা স্বখে ইন্দ্র-করে, আনন্দে বাসব
 অপিলা চপলা-বজ্রে সে কুমুদাম !
 স্বয়ম্বর হইলা চপলা মনস্বখে ;
 বরিল লাবণ্যরাণী তেজঃকুলরাজে ;
 অমর-সমরক্ষেত্রে—বৃত্তবধ-দিনে !
 বাজিল সমরভেরী, তুরী, শঙ্খ কত ;
 উঠিল আনন্দধ্বনি ঘন ঘনোচ্ছ্বাসে
 পুরিয়া সমরক্ষেত্র—অনন্ত যুড়িয়া
 অবিশ্রান্ত পুষ্পধারা হইল বরিষণ ।
 কোলাহলে পূর্ণ দশদিক্ । দ্রুতগতি
 ইন্দ্রপদে নমিলা চপলা ; হামি দেব
 দিলেন বিদায় ! ভীম অস্ত্রমুক্তি পুনঃ
 গরিলা দস্তোলা—শত্রুদস্ত-সংহারক !
 চিয়াছে মহাবাহু বৃত্ত মহাসুর
 দিগন্ত অর্ধেক যুড়ি—উদয়-অচল,
 পঙ্গল, ত্রিকূট নগ, গোত্র ধরাধর,
 লোকালোক স্ফাভং, অচল মালাবং,
 ভূধর রজতকূট হিমাঙ্গশিখর,
 ছয়েছে দানবসৈন্য । রচিয়াছে ব্যুহ
 একাদশ মণ্ডলীতে বাহিনী সাজায়,
 বিন্ধ্যাসিয়া রথ অশ্ব গজ পদাতিক !
 ক্ষীক্ণ গরুড় যেন বিস্তারিয়া পাখা
 মেছে নগেন্দ্র-শিরে—দেগিতে তেজতি
 দৈত্য-চম্বর গঠন । মধ্যে নিভদল,
 বৃত্ত ঐরাবত'পরে, ঘেরিয়া তাহায়
 পরাক্রান্ত দৈত্যসেনা ; সৈনিক সুরথা
 সর্কতের শ্রেণী যেন নগেন্দ্রে বেষ্টিয়া ।
 হনকালে দুই দলে বাজিল হুন্দুভি,
 মাচিল বীরের হিয়া । লহরে লহরে,
 নাগর-তরঙ্গ-তুলা বিপুল বিশাল
 হুলা, ভাঙ্গিয়া পুনঃ মিলিয়া আবার
 চলিল দম্বজ-দল সেনানী চালনে ।
 দৈত্যধ্বজা উড়িছে গগনে মেঘাকারে ।
 ঝক্ ঝক্ কিরণ চমক্ অস্ত্র'পরে,

রথধ্বজ কলসে, তনুত্রে, ধনুহলে,—
 ঝকিছে কিরণোচ্ছ্বাস দিগন্ত ব্যাপিয়া !
 মেজেছেন মহাহবে দৈত্যকুলপতি
 বৃত্তাসুর—বাক্কি কটি কটিবন্ধে দৃঢ়,
 দুই খণ্ড গণ্ডারের দৃঢ় চর্মপেটী
 দুই উপবীতাকারে, বাক্কিয়াছে ঘেরি
 বক্ষোদেশ । বাম করে ধরেছে ফলক
 সূর্য্যের মণ্ডলবং—প্রচণ্ড, বৃহৎ,
 দক্ষিণে ভৈরব-দত্ত শূল বিভীষণ ।
 ঐরাবত-করি-পৃষ্ঠে বসেছে অস্ত্র,
 শৈল-পৃষ্ঠে শৈল যেন । করিকুল-রাজ,
 গত রণে জিনি যায় লভিলা দানব,
 চলিলা বৃংহিত করি—চলিলা পশ্চাতে
 দম্বজ-বাহিনী যেন তরঙ্গের মালা ।
 ছুটিল ইন্দ্র-বিমান গগন আন্দোলি ;
 কভু শূণ্ডে, কভু নিম্নে, কভু পার্শ্বদেশে
 বিজুলির বেগে গতি, ছিন্ন-ভিন্ন করি
 দৈত্য অনীকিনী পার্শ্বি, কক্ষ, বক্ষোদেশ !
 ঘনদল, অস্ত্র, বিদৌর্গ চক্রাঘাতে ।
 ইরম্মদে রথচক্রে জলিতে লাগিল,
 তড়িদাম—জলিল সহস্র অক্ষি তেজে ।
 শরজাল ভয়ঙ্কর শূণ্ডে বরষিল,
 মুষলের ধারে যেন বরিষার ধারা !
 অপূর্ক শিঞ্জিনী-ভঙ্গী ! মুহূর্ত্ত-ভিতরে
 দিগন্ত ব্যাপিয়া শর—সর্বজন পরে,
 সর্বস্থানে, সর্বদিকে, রণস্থল ঢাকি ।
 পড়িতে লাগিল প্রহরণে অশ্ব, হস্তী,
 অসংখ্য পদাতি—মহাবাড়ে তরু যেন !
 কিংবা বজ্রাঘাতে যথা শৈলকুলচূড়া !
 বাহু ভেদি প্রবেশিল সুরেশ সান্দন,
 ভ্রমিতে লাগিল বেগে দাবাগ্নি যেমন
 ভ্রমে বেগে ভীম রঙ্গে বন দগ্ধ করি ;
 কিংবা যথা উষ্মিকুল সিদ্ধ উথলিলে,
 ধায় রঙ্গে বেলাভূমে উপল বিছায় !

ভিন্ন হৈল হুই পক্ষ সুরেন্দ্রের শরে
 ব্যূহ-কলেবর ছাড়ি—যেথা বৃত্রাসুর
 বেষ্টিত দানব-বীরদলে । রক্তশোভ
 প্রবাছিল বিপুল তরঙ্গে শতদিকে ।
 দেখি দৈত্য মহাকায় দণ্ডে চালাইলা
 মহাহস্তী ঐরাবত ; ছাড়িল মাতঙ্গ
 কোটি শঙ্খনাদ শুণ্ডে । গর্জিল তখন
 ভীম শব্দে দৈত্যনাথ, গর্জিল যেমন
 অশ্বরে জনদল ; কহিলা হুকারি—
 “রে পাষণ্ড, এ প্রচণ্ড ভূজতেজ আগে
 না নিবারি, মথিছ দম্বজ-পদাতিক ?
 তঙ্করের প্রায়, বৃত্রে এড়ায়ে সমরে,
 ভ্রমিছ রে রণভূমে, ভীক হীনমতি ?
 তুল্যজনে সংগ্রামে না ভেটি, হস্তী, হয়,
 বধিছ নির্লঙ্ক-প্রাণ ! ধিক্ হে বাসব !
 কি হেতু আইলে রণে ভয়(ই) যদি এত
 অশ্বরের ভূজবলে ? সে ভূজ-প্রতাপ
 হের পুনঃ ।” কহি, শূণ্ডে তুলিলা অশ্বর
 মহাকাল-শূল ভয়ঙ্কর ! না উত্তরি
 সুরনাথ কোদণ্ড ধরিল। ভীমতেজে,
 লক্ষ্য করি ঐরাবতে নিমেষ ভিতরে
 কর্ণমূলে নিক্ষেপিল। স্ত্রীকু বিশিখ ।
 অস্থির জালায় মহাবারণ মাতিল ;
 ঘোর শব্দ শূণ্ডে ছাড়ি ছুটিল বেগেতে
 না মানি অক্ষুণ্ণাঘাত । ভীম লক্ষ ছাড়ি
 দাঁড়াইলা মহাশূর মনঃশিলাতলে—
 শূলহস্তে । লক্ষ্য করি ইন্দ্রবক্ষঃশূল
 ভাবিলা ছাড়িবে অস্ত্র—দূরে হেনকালে
 দেখিলা দম্বজপতি জয়স্তপতাকা ।
 নিরপি ইন্দ্রের পুত্র নিজ পুত্রশোক
 জ্বলিল হৃদয়তলে । স্মরিল। তখন
 ঐন্দ্রিলার ভীমবাক্য, প্রতিজ্ঞা কঠোর,
 হুকারিলা ঘোর স্বরে অশ্বর দুর্জয়,
 ছুটিলা উন্মাদ যেন মথি সুররথী,

মথি অশ্ব, মাতঙ্গ, পদাতি অগণন ।
 লুকায়িত শার্দূলেরে যথা বনমাঝে
 খুঁজে ব্যাধ, বনরাজি আন্দোলন করি,
 কিম্বা পক্ষিরাজ বাজ কপোতে হেরিয়া
 ধায় যথা শূণ্ডপথে—ছুটিলা দিতিজ ।
 হেথা ইন্দ্রে ঘোর রণে দৈত্যবীর যত
 ঘেরিল নিমেষকালে । তুমুল সংগ্রাম
 বাজিল বাসব-সঙ্গে । কঙ্কোজ, খড়ক,
 খরখুর ধবলাক্ষ, ঘেরিল পুষ্পকে
 স্বদল সহিত এককালে । সুরপতি
 যুঝিতে লাগিলা রণমদে । পশুরাজে
 বনমাঝে নিষাদ ঘেরিলে, উন্মাদিত
 পশুরাজ ভীম লক্ষ ছাড়ি, ভ্রমে যথা
 দশদিকে, লণ্ডভণ্ড করি ব্যাধকূলে,
 তীক্ষ্ণ নখে, দস্তাঘাতে খণ্ড খণ্ড করি
 নিক্ষিপ্ত তোমর, ভল্ল, কুঠার, মুদগর—
 তেমতি সুরেন্দ্র-রথগতি ! কণে পূর্বে,
 ক্ষণপরে উত্তরে আবার, অকস্মাৎ
 পশ্চিমে, দক্ষিণে—যেন খেলে তড়িদ্দাম
 সর্বস্থান দিগন্ত ব্যাপিয়া একেবারে !
 যুঝিছে দম্বজদল অসীম বিক্রমে,
 ভিন্দিপাল, ভীষণ পরশু, প্রক্ষেড়ন,
 নিমেষে নিমেষে ক্ষেপি ইন্দ্ররথোপরে ।
 কাটিছে সে অশ্বকুল ইন্দ্র মহাবল
 ভূজদণ্ড মুণ্ড সহ শরে ; উড়াইছে
 খণ্ড উরু বিশিখে বিদ্ধিয়া, জজ্বা, বাহু,
 কক্ষ, বক্ষ, ললাট বিদ্ধিছে লক্ষ বাণে ।
 নিরস্ত্র দম্বজসৈন্য হৈল অচিরাৎ ;
 পড়িল সমরক্ষেত্রে কোটি দৈত্যবীর ।
 ছাড়ি সিংহনাদ ক্রোধে

দৈত্যসেনা তবে

ধাইল উপাড়ি বৃক্ষ, ছিঁড়ি শৈলচূড়া—
 ছুটিল সচল যেন অরণ্য ভূধর,
 ছুটিল পুষ্পক শূণ্ডে মেঘমন্ড্রে ঢাকি,

নির্নাদিল ধনুগুণ ইন্দ্রের কাম্বুকে,
ছাইল কলঙ্কুল ঘনাস্বর-পথ,
সুরপুরী অঙ্ককার হৈল ঋণকালে ।
পড়িল কাষোজ, হলায়ুধ মহাস্বর,
খরখুর, খড়ক পিঙ্গল, শ্বেতকেশ,
সেনাধ্যক্ষ আরো শত শত । ভঙ্গ দিল
দৈত্যদল রণস্থল ছাড়ি—ফেলি অস্ত্র,
গিরিশৃঙ্গ, মহাজুমরাজি,—ফেলি রথ,
অশ্ব, হস্তী । ছুটিল তেমতি উর্দ্ধধামে—
বায়ু-মুখে উড়ে যথা কাণ । কিম্বা যথা
মহাঝড় উঠিলে ভূধরে, ধায় রড়ে
পশুপাল, পশুপাল সহ, উর্দ্ধধামে
প্রাণ ভয়ে পুচ্ছ তুলি করি ঘোর রব !
হেথা মহাস্বর বৃত্ত জয়ন্ত-উদ্দেশে
ছুটে ঝটিকার গতি । হেরি মহারথ
কার্ত্তিকেয় আদি সুর রক্ষিতে কুমারে,
চালাইলা দিব্য যান বেগে দ্রুততর ;
ছুটিলে অনল, দিবাকর, অম্বুপতি,
বায়ুকুলপতি প্রভঞ্জন ভীম দেব,
করাল অস্ত্রকর্ম্মি যম দণ্ডধর ।
জালাময় তিন চক্ষু, ভীষণ হুঙ্কারি,
দাঁড়াইল দৈত্যরাজ, সুররথিগণে
হেরি দূরে ! হেরি দৈত্যো যমদণ্ডধর
কালিম জলদবর্ণ, মোর স্বরে ভাষি,
কহিলা অমরবৃন্দে—“হে দেবসেনানি ;
শ্রান্ত সবে. বহু রণে যুঝিলা তোমরা,
ঋণকাল লভ হে বিশ্রাম, আমি যুঝি
দৈত্যরাজে ঋণকাল আজি ।”

চাহি তবে
সম্বোধিলা বৃত্তাস্বরে—“হে দানবপতি,
পরেতপতিরে আজি ভেট রণভূমে ।”
প্রেতপতিবাক্যে বৃত্ত দুর্জয় হুঙ্কারি
কহিলা, ‘হে ধর্ম্মরাজ, এত যদি সাধ
যুঝিতে বৃত্তের সহ—ধর দণ্ড তবে ;
হের, দেখ রাগিনু ত্রিশূল, আজি ইহা

না ধরিব অস্ত্র দেবরণে, ইন্দ্রহুতে
কিম্বা ইন্দ্রে না আঘাত্তি আগে ।”

পার্শ্বদেশে

বিঙ্কিলা, ভৈরবশূল মনঃশিলাতলে
দৈত্যপতি ; ভীম গদা ধরিলা সাপটি,
ঘুরাইলা ঘনস্বনে ; ঘুরাইলা যম
প্রচণ্ড করাল দণ্ড । দুই করী যেন
বনমাঝে রণমদে করে করাঘাত,
তেমতি আঘাতে দৌতে দৌতা ! দণ্ড, গদা
প্রহারে বিদীর্ণ নভস্থল ; ঘোর রব
উঠিল গগনে, ঘূর্ণপাকে ডাকে বায়ু,
চূর্ণ মনঃশিলা চারি চরণ-ঘর্ষণে ।
দণ্ডযুদ্ধে বিশারদ দৌতে. কেহ নারে
নিবারিতে পারে, ভ্রমে নিরস্তুর ঘুরি ;
দুই ঘন মেঘ যেন শূন্যে ভয়ঙ্কর ।
প্রেতরাজ কালদণ্ড ঘর্ষণে ঘুরায়ে,
অঘাতিলা ভীমাঘাত বৃত্ত-মুষ্টিতলে !
সে আঘাতে ফিরে দণ্ড—ফিরে বৃত্তগদা,
গজদন্ত-বিনির্ম্মিত বর্জ্বল যেমন
প্রহারি অস্ত্র বহুলে । তখন অস্ত্র
বামস্বন্ধে শমনের ভীষণ বেগেতে
করিলে প্রচণ্ডাঘাত গদা ঘুরাইয়া ।
যমরাজ বসিলা আঘাতে ভগ্নকটি,
ক্রম যথা ছিন্নমূল পড়ে মড়মড়ি ।
তুলিলা তখন দৈত্য ভয়ঙ্কর শূল,
লক্ষ্য করি জয়ন্তের নিচিত্র পতাকা ।
দিলে রড দেবরথিগণ নাড়বেড়ে
হেরি সে ভীষণ অস্ত্র । দূর হৈতে হেরি
চালাইলা পুষ্পক বিমান ইন্দ্রাদেশে
মাতলি—ছুটিল রথ ঘনদলে দলি
ঘর্ষণ নিনাদে ঘোর ত্রিদিব চমকি ;
জয়ন্তের রথমুখে পথ আচ্ছাদিয়া
দাঁড়াইল ঋণকালে । বিদ্যাতের গতি
বাসব অমরনাথ, ছাড়ি সে স্তন্দন,
আরোহিলা উচ্চৈঃশ্রবা অশ্বকুলেশ্বর ।

শোভিল সুনীল তনু তনুচ্ছদ ভেদি,
 স্তম্ভ অত্র ভেদি যথা শোভে নীলাশ্বর !
 ফটিক জিনিয়া স্বচ্ছ সুদিব্য কাচ,
 শরস্ত্রাণ—দৃঢ় জিনি কঠিন অয়স ;
 অপূর্ক কিরণ২টা কিরীট আকারে
 বেড়েছে নিবিড় কেশ—আভা ছড়াইয়া
 সর্গমেঘমালা যেন ঘেরেছে মস্তক !
 দুলিছে সহস্র অক্ষি—ভাবণ দস্তোন্নি
 শূন্তে তুলি সুরনাথ অশ্বে আরোহিন :
 উঠিল নক্ষত্রগতি উচ্চৈঃশ্রবা হয়
 মহাশূন্ত বেদ করি ; হুমেরু ছাড়িয়া
 উচ্চ এবে দৈত্যাবপু—নগেন্দ্রসদৃশ ;
 দক্ষঃ নমস্তু তে তার পক্ষ প্রনারিয়া
 স্থির হৈলা অশ্বপতি ।—তাকিল দস্তোন্নি
 শূন্ত জীমূতের মস্ত্রে বাসবের করে ।
 হেরি ঘোর ঘন স্বরে ভাষণ অস্বর
 কহিলা নিনাদি উচ্চৈঃ—“হা দন্তী বাসব,
 ভাবিলে রক্ষিবে স্ততে পুত্রের প্রহারে !
 কর তবে এ শূল-আঘাত সম্বরণ
 পিতা পুল ছুইজনে”—

বেগে দিলা ছাড়ি ।

ছুটিল ভৈরব শূল ভীম মূর্তি ধরি
 মহাশূন্ত বিদারিয়া, কালাগ্নি জলিল
 প্রদীপ্ত ত্রিশূল-অঙ্গে ! হেনকালে, হায়
 বিধির বিধান গতি কে পারে বুঝিতে,
 কাহিরিল শ্বেত বাহু কৈলাসের পথে
 সহসা বিমানমার্গে, শূলমধ্যস্থলে
 আকর্ষি অদৃশ্য হৈল নিমেষ ভিতরে !
 অদৃশ্য হইল শূল মহাশূন্ত-কোলে !
 হেরিয়া দনুজপতি কাতর-হৃদয়
 কহিলা কৈলাসে চাহি, দীর্ঘশ্বাস ছাড়ি,
 “হা শম্ভু, তুমিও বাম !” দক্ষ হতাশ্বাসে
 ছুটিল উন্মাদপ্রায় হকারি ভীষণ,
 ছিন্নমস্ত রাহু যেন ! অগ্নি চক্রাকার

ঘুরিল ত্রিনেত্র ঘোর—দস্তে কড় নাদ ।
 প্রলয়-ঝটিকাগতি আসিয়া নিকটে
 প্রশরি বিপুল ভূজ ধরিল সাপটি
 ইন্দ্র-করে ভীম বজ্র—উচ্ছিন্ন করিতে
 অস্ববর । বজ্রদেহে জ্বালা ধক্ ধক্
 জলিতে লাগিল ভয়ঙ্কর ! সে দহন
 মহাস্বর না পারি সহিতে গেলা দূরে
 ছাড়ি বজ্র, ঘোর নাদে বিকট চীৎকারি,
 লক্ষ্মে লক্ষ্মে মহাশূন্তে ভীম ভূজ তুলি
 ছিঁড়িতে লাগিল গ্রহ নক্ষত্রমণ্ডলী,
 ছুঁড়িতে লাগিল ত্রৈলোক্যে—

বাসবে আঘতি,

আঘতি বিমম্বাঘাতে উচ্চৈঃশ্রবা হয় ।
 ব্রহ্মাণ্ড উচ্ছিন্নপ্রায়,—কাপিল জগৎ,
 উজাড় স্বর্গের বন, উড়িল শূন্তেতে
 স্বর্গজাত তরুকাণ্ড ! গ্রহ, তারাদল,
 খসিতে লাগিল যেন প্রলয়ের ঝড়ে !
 উছলিল কত সিন্ধু, কত ভূমণ্ডল,
 খণ্ড খণ্ড হৈল বেগে চূর্ণ রেণুপ্রায় !
 সে চীৎকারে, সে কম্পনে বিশ্ববাসী প্রাণী
 চন্দ্র, সূর্য্য, শূন্ত, গ্রহ, নক্ষত্র ছাড়িয়া,
 ছুটিতে লাগিল ভয়ে, রোধিয়া শ্রবণ,
 কৈলাস, বৈকুণ্ঠ, ব্রহ্মলোক ! সে প্রলয়ে
 স্থির মাত্র এ তিন ভুবন !—মহাকাল
 শিবদূত কৈলাস-দ্বারাে, নন্দী দ্বারী
 কাপিতে লাগিল ভয়ে ! কাপিতে লাগিল
 ব্রহ্মলোকে ব্রহ্মার তোরণ ঘন বেগে !
 কাপিল বৈকুণ্ঠদ্বার । ঘোর কোলাহল
 সে তিন ভুবনমুখে, ঘন উচ্চৈঃশ্বর—
 “হে ইন্দ্র, হে স্বরপতি, দস্তোন্নি নিকৈপি
 বধ বৃত্তে—বধ শীঘ্র—বিশ্ব লোপ হয় !”
 এতক্ষণ স্বরপতি ইন্দ্র সে দুর্ঘোণে
 ছিল হতচেতপ্রায়—বিশ্বকোলাহলে
 স্বপনে জাগ্রত যেন, বজ্র দিলা ছাড়ি ;

না ভাবিলা, না জানিলা ছাড়িলা কখন।
 ছুটিল গর্জিয়া বজ্র ঘোর শূণ্য-পথে,
 উনপঞ্চাশৎ বায়ু সঙ্গে দিন যোগ,
 ঘোর শব্দে ইরশ্বদ অগ্নি অঙ্গে মাখি,
 অঃবর্ত্ত পুষ্কর মেঘ ডাকিতে ডাকিতে
 ছুটতে লাগিল সঙ্গে ; স্মেরু উজলি
 ক্ষণপ্রভা খেলাইল ; দিগ্গুণল যেন
 দোর সঙ্গে সঙ্গে ঘুরিয়া চলিল !
 ঘুরতে ঘুরিতে বজ্র চলিল অধরে
 যেখানে অক্ষরপতি বিশাল-শরীর,

বিশাল নগেন্দ্র তুলা ; ভীষণ আঘাতে
 পড়িল বৃত্তের বক্ষে—পড়িল অক্ষর,
 বিক্ষাধরাধর যেন পড়িল ভূতলে !
 বহিল নিরুদ্ধ শ্বাস ত্রিভুবন যুড়ি !
 বহিল বৃত্তের শ্বাসে প্রলয়ের ঝড় !
 “হা বংশ, হা রুদ্রপীড়” বলিতে বলিতে
 মুদিল নয়নত্রয় দুর্জয় দানব !
 দহিল ঐন্দ্রিলাচিত্ত প্রচণ্ড হতাশে
 চিরদীপ্ত চিতা যথা ! ব্রহ্মাণ্ড যুড়িয়া
 ভ্রমিতে লাগিল বামা—উন্মাদিনী এবে !

দশমহাবিদ্যা

সতীশূণ্য কৈলাস

দীর্ঘ ত্রিপদী

ছিন্ন হৈল সতীদেহ,*
শূণ্য হৈল শিবগেহ,
বামদেব বিরসবদন ।
চাহেন কৈলাসময়,
দেখেন কৈলাস নয়,
অন্ধকার বিঘোর ভুবন ।
সতীমুখ-বিভাসিত
যে আলোক শোভা দিত,
পুলকিত কুম্ভম-কানন ।
পেয়ে যে কিরণমালা,
স্বর্ণ মণি উজালা,
সে আলোক নহে দরশন ॥
শুষ্ক কল্পতরু-সারি
শুষ্ক মন্দাকিনী-বারি,
শূণ্যকোল সতীসিংহাসন ।
নিস্তরু জগৎ-প্রাণ,
নিরুদ্ধ সৌরভ ভ্রাণ,
কণ্ঠে বন্ধ বিহঙ্গকুঞ্জন ॥
নন্দী শুয়ে রেণু'পর,
কান্দিছে বৃষভবর,
প্রাণশূণ্য যুগেন্দ্রবাহন ।
হেরিয়া ত্রিপুরহর
দূরে রাখি বাঘাধর,
বসিলেন মৃদি ত্রিনয়ন ॥
আনন্দ-আলয় যিনি,
আজি চিন্তাময় তিনি,
ধ্যানে ধরি সতীদেহ-ছায়া

ছুঁড়ে কেলি হাড়মালা,
করে দলি ভস্মজাল,
বিভূতিবিহীন কৈলা কায়।
মুগে “সতী”—“সতী” স্বর
বিনির্গত নিরন্তর,
দিগন্তর বাহুজ্ঞানহীন ।
করে জপমালা চলে,
মুখ “বববম্” বলে,
অন্য শব্দ সকলি মলিন ।
জটালগ্ন ফণিমালা,
মিলাইয়ে জিহ্বাজালা,
লুকাইল জটীর ভিতর ।
নিষ্পন্দ পবনশ্বন,
নিরানন্দ পুষ্পগণ
অপ্রস্ফুট ঝরে রেণু'পর ॥
পামিল গঙ্গার রব,
নির্ঝাক্ প্রমথ সব,
কৈলাস জগৎ অচেতন ।
কদাচিত্ “মা” “মা” নাদে,
অসম্বিত্ নন্দী কাঁদে,
“বম্” শব্দ সহ সম্বিত্ ॥
কৈলাস-অম্বরময়,
তাঁরা সূর্য্য অমুদয়,
ক্ষণকালে নিভিল সকল ।
তমঃ-ছন্ন দিগাকাশ,
কেবলি করে উল্লাস
নীলকণ্ঠ-কণ্ঠের গরল ॥

*সুদর্শনচক্রে ছিন্ন হইবার পর

ধ্যানমগ্ন ভোলানাথ,
 স্বক্কে কভু তুলি হাত,
 সতীরে করেন অন্বেষণ ।
 পরশিতে পুনর্বার,
 স্বকুমার তনু তাঁর,
 মমতার অভ্যাস যেমন ॥
 তখন নয়ন ঝরে,
 পূর্বকথা মনে সরে,
 সরে যথা নদী-প্রস্রবণ ।

বিশ্বনাথ শোকময়,
 নিমীলিত নেত্রত্রয়
 প্রস্ফুটিয়া করেন ক্রন্দন ॥
 হারায়ে অর্দ্ধাঙ্গ সতী,
 কাঁদেন কৈলাসপতি,
 যুগযুগান্তের কথা মনে ।
 জগতের জড় জীব,
 কান্দিছেন হেরি শিব,
 কান্দিতে লাগিলা তাঁর মনে ॥

মহাদেবের বিলাপ

দীর্ঘ ভঙ্গত্রিপদীঃ

“রে সতি রে সতি”, কান্দিল পশুপতি

— —
 পাগল শিব প্রমণেশ ।

— —
 যোগ-মগন হর তাপস ষত দিন,

— —
 ততদিন না ছিল ক্লেণ ॥

— —
 শবহৃদি আসন, শ্মশান বিচরণ,

— —
 জগত-নিরূপণ জ্ঞানে ।

— —
 ভিক্ষুক বিষধর, তিরপিত অস্তুর,

— —
 আশ্রমরতি-নিরবাণে ॥

— —
 “রে সতি রে সতি”, কান্দিল পশুপতি,

— —
 বিকলিত ক্ষুর পরাণে ।

— —
 ভিক্ষুক বিষধর, তিরপিত অস্তুর,

আশ্রমরতি-নিরবাণে ॥

— —
 জলনিধি-মস্থনে, অমৃত উছালিল

— —
 ষত সুর বাঁটিল তাহে ।

— —
 ভস্ম-ভকত হর, হরষিত অস্তুর,

— —
 গ্রাসিল গরল-প্রবাহে ॥

— —
 “রে সতি রে সতি”, কান্দিল পশুপতি

— —
 বিকলিত ক্ষুর পরাণে ।

— —
 ভিক্ষুক বিষধর, হরষিত অস্তুর,

— —
 সংসাররতি-নিরবাণে ॥

— —
 কারণবারি’পরে হরি কমলাসন

— —
 ঘৃণা করি যে ক্ষণ হেলে ।

* (—) চিহ্নিত বর্ণ দীর্ঘ এবং অকারন্ত পদের অন্তেষ্টিত ‘অ’ উচ্চারিত হইবে ।

নিঘূর্ণ ত্রিনয়ন, আহ্লাদে সেইক্ষণ,

শব'পরি আসন মেলে ॥

প্রাত কমলাপতি রতনবর-পাত্রে,

নর-ভালে প্রীত গিরীশ ।

পুষ্পকবাহন বাসব সুরপতি,

বৃষবর-বাহন ঈশ ॥

“রে সতি অরে সতি”, কান্দিল পশুপতি

পাগল শিব প্রমথেশ ।

যোগ মগন হর তাপস যত দিন,

তত দিন না ছিল ক্লেশ ॥

ভিক্ষুক-আহরম, ঘুচিল অতঃপর,

তব সহ মেলন শেষ ।

জটাধর শঙ্কর, নবসুখ-পাগর,

পরিশেষ সংসারিবেশ ॥

হরষ সুধাসম, হৃদয় উচাটিত,

দম্পতী-পরিণয়-বাসে

কত সুখে যাপন, অহরহ বৎসর,

দক্ষ-দুহিতা ছিল পাশে ॥

যোগ-ধরমপর গৃহস্থ-ধরমে

নিমগন এখন শস্ত্র ।

পান-পিয়াসরত সবহি আগম

চারিবেদ সাগর অশ্ব ॥

“রে সতি অরে সতি”, কান্দিল পশুপতি

পাগল প্রমথেশ শস্ত্র ॥

কতবিধ খেলন, মূর্তি-প্রকটন,

ভুলাইতে শঙ্কর ভোল ॥

থাকিবে চিরদিন, হৃদিপটে অঙ্কন

সে সব বিলসিত লীলা ॥

কুশা কেশিনীরূপে, রাজিলা যেহ দিন,

চারি হাতে বাদন ধরি ।

শঙ্খ ডমক বীণা নিমাদনে নাচিলে

ত্রিভুবন চেতন হরি ॥

দ্রব হ'ল বাসব, দেবী অমর সব,

আদ্রব বিধিহৃষিকেশ ॥

বি'সরিতে নারিব সেই দিন-কাহিনী,

যে কাল রবে চিতলেশ ॥

“রে সতি অরে সতি”, কান্দিল পশুপতি,

পাগল শিব প্রমথেশ ॥

সেহ যোগ-সাধন কি হেতু ঘুচাইলি

ভিক্ষুকে বসাইলি ঘরে ।

কি হেতু তেয়াগিলি, কেনই সমাপিলি,

সে সাধ এতদিন পরে ॥

“রে সতি রে সতি”, কান্দিল পশুপতি,

পাগল শিব প্রমথেশ ।

যোগ-মগন হর তাপস যত দিন,

তত দিন না ছিল ক্লেশ ॥

নারদের গান

ধীরললিত ত্রিপদী

আনন্দ-ধ্বনি করি,

মুখে বলি হরি হরি,

নারদ ঋষি রত স্থললিত নটনে ।

প্রবেশিলা হেন কালে,

ত্রিতন্ত্রী বাজে তালে,

বিচেষ্ট বিভূগানে ত্রিভুবন ভ্রমণে ॥—

“কেবা হেন মতিমান্,

কে ধরে সেই জ্ঞান,

জানিবে সুগভীর জগদীশ মরমে ।

অনন্ত পরমাণু,

বিকট বিদ্যাদ্ভাঙ্গ,

উদ্ভব কোথা হ’তে, কি হইবে চরমে ?

হর হরি ব্রহ্মন্ সচেতন জীবগণ,

আদিতে ছিল কিবা জনমিল কারণে ?

মানস কিরূপ ধন,

জড়েই কি বিশেষণ,

জড় সনে সঞ্চারে কিবা বিধিমননে ?

সুখ কি জীবিতমানে ?

কিবা অথ নির্ধানে ?

কা হ’তে জনমিল জগতের যাতনা ?

অশুভ সৃজন কার ?

নিরমল বিধাতার

মানস হ’তে কি এ মলিনতা রচনা ?

ক্ষিতি অপ্ তেজ নভঃ,

ভিন্ন কি, এ কি সব ?

পঞ্চ, কি আদিভূত অগণন গণনা ?

সে তত্ত্ব-নিরূপণ

করিবারে কোন্ জন

সমর্থ দেব ঋষি মানবের ভাবনা ?

গাও বীণা হরি-গান

তুল’ভ যেই জ্ঞান,

নিষ্ফল মানি তারে পরিহর মানসে ।

প্রকাশ মন-স্বপ্নে

হরিনাম লিখি বৃকে,

যে জ্ঞানে জীবলোক প্রকটিত হরষে ॥

জগৎ কি স্মৃধাম,

মধুর কি বিভূনাম,

গাও রে প্রেমভরে মনোহর বাদনে ।

ঝঙ্কার ঝঙ্কার,

উল্লাসে বল আর

আহ্লাদ সদা কিবা সাধুজন-জীবনে !

ধরম ধরমপর

আপন ক্রিয়া কর,

সংযত করি মন তাঁহাদেরি নিয়মে ॥

মোকদ সার বাণী
 শুনা রে জাগায়ে প্রাণী,
 স্বস্বরে নাদ করি রঞ্জিয়া পরমে
 ত্রিগুণে যে গুণময়
 যা হ'তে এ সমুদয়

উচ্ছ্বাসে ডাক বীণা অবিরত
 তাঁহারে ।
 দিবানিশি নাহি আন,
 সপ্তমে তুলি তান,
 নারদ-মনোমত ধ্বনি, বীণা, বাজা রে ।”

নারদের বীণাবাদন

ভঙ্গপদ্য পয়ার*

আনন্দগদগদ নারদ মাতিল ।
 তন্নী তুলিয়া, তার্ মার্জিত করিল ॥
 মৃদু মৃদু গুঞ্জন অঙ্গুলি সুরণে ।
 সরিৎ প্রবাহিল সুন্দর বাদনে ॥
 রুণু রুণু নিকুণ কোমলে মিলিয়া ।
 ক্রমে গুরু গর্জন সপ্তমে ছুটিয়া ॥
 মিশ্রিত নানা সুরে কভু উতরোল ।
 স্বর-সরিতে যেন খেলিছে হিলোল ॥
 চেতন আজি যেন ঋষিবর হাতে ।
 বীণা ভাষিল ধ্বনি মধুর ভাষাতে ॥
 রাগরাগিনী যত জাগ্রত হইল ।
 রূপ প্রকাশিয়া ত্রিভুবন রাজিল ॥
 গ্রহ আদি ভাস্কর ছিল যত ভুবনে ।
 রোধিল নিজ গতি সঙ্গীত-শ্রবণে ॥
 সুরলোক মোহিত মোহন কুহকে ।

সুস্তিত বীণাপাণি সুরতান্ পুলকে ॥
 কৈলাস-তামস বিরহিত নিমিষে ।
 মধুস্বতু ভাতিল মনের হরিষে ॥
 আনন্দে তরুকুল মঞ্জরি হাসিল !
 আনন্দে তরুডাল বিহঙ্গে সাজিল ॥
 শিব-শিবাবাহন বৃষভ কেশরী ।
 চঞ্চল-চিত উঠে হরষেতে শিহরি ॥
 সে ধ্বনি পশিল শিবহৃদি ভেদিয়া ।
 জাগিল পশুপতি ঈষৎ চেতিয়া ॥
 “বববম্” শব্দ নিনাদি সদানন্দ ।
 মেলিলা-ত্রিলোচন মৃদু মৃদু মন্দ ॥
 নিরখিলা নারদে প্রমত্ত বাদনে ।
 বিহ্বল শঙ্কর ভকতের সাধনে ॥
 সাদরে তুষি তাঁরে কাছে দিলা স্থান ।
 ভোর হইলা ভোলা শুনে বীণাগান ॥

* হসন্ত চিহ্ন না থাকিলে অকারান্ত পদের অন্তস্থিত ‘অ’ এবং গুরুবর্ণ ষথাষথ উচ্চারিত হইবে ।

শিবনারদ-সংবাদ

লভিকাপদী

চেতন পাইয়া চেতনানন্দ
নারদ সঙ্গীত শ্রবণে ।
ঈষৎ হাসিতে অধর-মণ্ডিত
কহেন সুধীর বচনে ॥—
“অহে ভক্তিমান্ ভ্রান্তিবিলাসে
শিবেরো প্রমাদঘটনা ।
অনাদ্যারূপিণী ভবপ্রসবিনী
সতীরে মানবীভাবনা !
আমারি এ ভ্রম স্নেহেতে যখন
না জানি তখন ভুবনে ;
ভালবাসাময় জগত নিখিলে
যমব্যথা কত জীবনে !
মমতা মায়াতে জগতের লীলা
গেলিছে আপনা আপনি ।
মমতা মায়াতে সকলি হৃন্দর,
পশু পক্ষী নর অবনী ॥
জীবনে জীবন এ ডোরবন্ধন,
যদি না থাকিত জগতে ।
বিধু বিভাকর সকলি আধার
হইত অসার মরতে ॥
বৃকো তথ্য সার কুহকের হার
নারায়ণ জীব-পালনে,
রচেন কৌশলে সোণার শিকলে
পরানী বাধিতে বন্ধনে—
শুন হে নারদ, সে প্রমাদ নাই
তোমার গভীর বাদনে ।
চৈতন্যরূপিণী সতীরে আবার
নিরখিতে পাই নয়নে ॥
পরমাপ্রকৃতি পরমাণু-মূল
কারণকলাপ-মালিনী ।
চেতনা ভাবনা মমতা কামনা

নিখিল অকুরূপিণী ॥
নিরখি আবার লীলাবিলাসিনী
ব্রহ্মাণ্ড জড়ায়ে বপুতে ।
ক্রীড়ারঙ্গে রত প্রমত্ত মহিলা
নিবিড় রহস্যমধুতে ॥”
বলি বিশ্বনাথ জাহ্নবী-প্রপাত
জটা হ’তে দিলা খুলিয়া ।
বববম্-ধ্বনি উঠিল তখনি
কৈলাস-আকাশ পুরিয়া ॥
হেরি মহাদেবে এ হেন প্রকৃতি
নারদ চকিত মানসে ।
জিজ্ঞাসিলা হরে কি মূর্তি ধ’রে,
দক্ষসূতা এবে নিবসে ॥
“হে শিব শঙ্কর মম দুঃখ হর
রূপাতে কহ গো তনয়ে ।
দয়াময়ী শিবা প্রকাশিলা দিবা
উদিয়া কিবা সে আলয়ে ॥
জননীর স্নেহ না জানি ভবেশ
না পশি কখনও জঠরে ।
ব্রহ্মার মানসে জনমে নারদ,
জননী কভু না আদরে ॥
সে ক্ষোভ আমার ছিল না, দেবেশ,
দাক্ষায়ণীস্নেহ-সুধাতে ।
জননী পেয়েছি যখনি কেঁদেছি
প্রাণের পিপাসা ক্রুধাতে !
কহ, ত্রিপুরারি, কোথা গেলে তাঁরি,
দরশন পুনঃ লভিব ।
সে রাঙা চরণ, মনের মতন,
সাধনে আবার পুজিব ॥”
নারদে কাতর হেরি কন হর
“অধীর হইও না ঋষি ।

দেখিবে এখনি মহামায়া-
ছায়া আছে বিশ্বে মিশি ॥
বিশ্ব-আবরণ হবে নিবারণ
দেখিবে এখনি নিমিষে ।
বিশ্বরূপধরা বিশ্বরূপহরা
খেলেন আপন হরিষে ॥
দেখিবে এখনি অনাগ্রা মূর্তি

অপার আনন্দে মাতিয়া ।
বিভারূপ দগ ভুবন পরশ
করেছে আকাশ জুড়িয়া ॥
মহাযোগী যায় দেখিতে না পায়
সে রূপ দেখিবে নয়নে ।
এই ভবলীলা যেন বিরচিলা
দেখিবে সে আদি কারণে

শিবকর্তৃক সৃষ্টি-আচ্ছাদন অপসারিত

ত্রিপদী পয়ারঃ

মহাদেব মহাবেশ ক্রমকালে ধরিল ।
ভীমরূপ ব্যোমকেশ পরকাশ করিল ॥
বিদারিত রসাতল পদযুগে ঠেকিল ।
ঘোর ঘটা ভীম জটা আকাশেতে উঠিল ॥
ছড়াইল জটাজাল দিকে দিকে ছুটিয়া ।
দীপ্ত যেন তাম্রশলা ভাঙুক ফুটিয়া ॥
হিমময় ধবলের গিরি যেন উঠেছে ।
শূন্যপুরী শিরে করি বিশ্ব'পরে ধরেছে ॥
মৌলিদেবে কলকল তরঙ্গিণী জাহ্নবী ।
ঝরিতেছে ঝরঝর শতধারা প্রসবি ॥
শশিখণ্ড ধ্বক্ ধ্বক্ জলিতেছে কপালে ।
ত্রিনয়নে তিন ভাঙ্গু জলে যেন সকালে ॥
ব্রহ্ম-অণু যেন খণ্ড মেরুদণ্ড পরিয়া ।
বিশ্বনাথ উর্দ্ধহাত কোতুহলে পুরিয়া ॥
গুঁকার তিনবার উচ্চারিয়া হরষে ।
ব্যোমকেশ বিশ্বতনু ধীরে ধীরে পরশে ॥
খাসরোধ করি ভীম শুধিলেন অচিরে ।
বিশ্ব-অঙ্গ লুকাইল মহাকাল-শরীরে ॥
একে একে জগতের আভরণ খসিল ।
চন্দ্র-তারারশ্মি মেঘ অলসনে ডুবিল ॥
গিরি নদ পারাবার ছিল যত ভুবনে ।

অনুক্ষণ অদর্শন মহাদেব-শোষণে ॥
স্বর্গপুরী রসাতল হিমালয় ছুটিল ।
ধারাহারা বহুধারা শিব-অঙ্গে মিশিল ॥
ঘুরে ঘুরে শূন্যপথে বিশ্বকায়া ধায় রে ।
ঝড়ে যেন অরণ্যে পল্লবেতে ছায় রে :
জগতের আবরণ নিবারণ পলকে ।
দাঁড়াইলা মহাদেব বিভাসিত পুলকে ॥
বিশ্বময় ঘোরতর অঙ্ককারে ঢাকিল ।
শিবভালে প্রজলিত হতাশন জলিল ॥
দাঁড়াইলা মহেশ্বর করপুট পাতিয়া ।
ধরিলেন বিশ্ববীজ-পরমাণু তুলিয়া ॥
গরাসিলা বীজমালা গণ্ডুষেতে শুষিয়া ।
দাঁড়াইলা মহেশ্বর হুঙ্কার ছাড়িয়া ॥
মহাকাশ পরকাশ বিশ্বশূন্য ভুবনে ।
শূন্যময় ব্যোমগর্ভ নীল অভবরণে ॥
অতি স্বচ্ছ পরিষ্কৃত পারদের মণ্ডলী ।
ছড়াইয়া আছে যেন দিক্চক্র উজলি !
ভবদেব বিশ্বকায়া আবরণ খুলিয়া ।
কহিলেন নারদে "হের দেগ চাহিয়া ॥"
ব্যোমকেশ-রূপ ত্যজি মহাদেব বসিল ।
মহাঋষি চমকিত পুলকেতে পুরিল ॥

* প্রত্যেক পংক্তিতে তিন তিন পদ; প্রথম দুই পদের আট অক্ষরের পর মধ্য বর্তি এবং শেষ পদের সর্বশেষে পূর্ণ বর্তি। শেষ পদ কিছু ক্রম উচ্চারিত।

নারদের মহাকাশ দর্শন

দ্রুতললিত পয়ার । *

মহাঋষি নারদ পুলকিত হরষে ।

অনিমেষ লোচনে নিরখিছে অবশে ॥

চক্ররেখাতে ঘুরি সারি সারি সাজিয়া

দশদিকে শোভিতে দশপুরি হাসিয়া ॥

পরতেক মণ্ডলে মহারূপ-ধারিণী ।

লীলানিরত সতী স্বরহর-ভামিনী ॥

চক্রচ্চঠর-ভাগে নীলবর্ণ আকাশে ।

শত শত সুন্দর ব্যোমরথ বিকাশে ॥

খেলিছে কতদিকে কতমত ক্রীড়নে ।

দামিনীলতা যেন ঘনঘটা মিলনে ॥

চক্রগতিতে রেখা গগনেতে পড়িছে ।

বক্র কিরণ ঋজু কিরণেতে কাটিছে ॥

পূর্ণ বর্ধুলাকার কভু ডিম্বশোভনা ।

সুন্দর নানা গতি নানারেখা চালনা ॥

কণু কণু গুঞ্জন রথগতি-স্বননে ।

কোটি নকত্র যেন বিহারিছে ভ্রমণে ॥

অনন্ত পথে গতি অনন্ত গণনা ।

মঞ্জল মনোহর ব্যোমধান খেলনা ॥

নিরপিতা নারদ বিকলিত মানসে ।

অন্য সুরষ তারা সে গগন পরশে ॥

কিবা আলো উজ্জল সেহ দশ ভুবনে ।

নরলোকে সে আলো নাহি জানে স্বপনে ॥

দিনমণি হেথা যায় সেথা তার রজনী !

রাজিছে দশপুরি নিন্দিয়া অবনী ॥

পরানী কতই খেলে দশপুরি-ভিতরে ।

মধুর কতই ধ্বনি জীবকণ্ঠে বিহরে ॥

বায়ু পথে শিজিত প্রাণিগণ-ভাষাতে ।

ভাসিত তারা শশী মধুকণ্ঠধারাতে ॥

নারদ ঋষিবর শঙ্করে কহিলা ।

“হে শিব, দাসাভুজে কৃপা যদি করিলা ॥

বাসনা মম, দেব, কাছে গিয়া নেহারি ।

মোহন মায়া ইহ কে বা আছে বিথারি ॥”

মৃদু হাসি রঞ্জিল মহাদেব-বদনে ।

বিচলিত কেলাস মৃদু মৃদু চলনে ॥

* প্রত্যেক পংক্তিতে দুই চরণ, প্রত্যেক চরণ দ্রুত পাঠ্য। (—) চিহ্নিত স্থানে দীর্ঘ উচ্চারণ এবং অকারান্ত শব্দের অন্তেষ্টিত ‘অ’ উচ্চারিত হইবে।

৭

স্তুভিত মহাঋষি মহামায়ানটনে !
 নিরখে ভুবন আর, ঘোরতর রূপ তার,
 তারার কর্কটশোভা ছিল যেথা গগনে,
 সেখানে সে রাশি নাই মহামায়ানটনে ।—

—
 সেহ ঠাই এক্ষণ সেই রাশি ডুবেছে ।

—
 ধুমাবতী-রূপিনী সে ভুবনে বসেছে ॥

৮

মহামুনি নিরখিলা সে ভুবন-পারশে,
 নেহারিতে মনোহর, সে মহাগগন'পর,
 সুন্দর শোভায়ুত মঞ্জুল ঝলসে,
 মহামুনি নিরখিলা সে ভুবন-পারশে !—

—
 রাশিচক্রেতে বৃষ যেইখানে থাকিত !

—
 ভীমা বগলাবিশ্ব এবে সেথা উদিত ॥

৯

বিমোহিত অস্তরে মহাঋষি নেহারে,
 বিপুল ব্রহ্মাণ্ডকায়ী কাছে তার বিহারে !
 কিবা মনোহর বেশ ধরেছে গগনদেশ,
 মহাশূণ্ড বিভাসিত সে ভুবন আকারে !
 মহাঋষি নিরখিলা বিমোহিত অস্তরে ॥—

—
 মাতঙ্গী-ভুবন এবে সে আকাশে ফুটেছে ।

—
 মীনরাশি মজ্জিত কোন্‌খানে ডুবেছে !

১০

—
 নারদ নিরখিলা ঘন ঘন নয়নে

—
 মণ্ডিত-কির-খির মঞ্জুল গগনে ।—

—
 নিরখিলা নারদ,

—
 কৌতুকে গদগদ,

রমপুরী রঞ্জিত স্নন্দর বরণে,

—
নারদ নিরখিলা ঘন ঘন নয়নে !—

—
শ্বেত বারণ বারি চারি কুণ্ডে ঢালিছে ।

—
কমলাঙ্ঘ্রিকাবিশ্ব, মহাশূন্তে শোভিছে ॥

শিবনারদবার্তা

ললিত পরাণ

নারদ কাতর হেরি আত্মশক্তি-রক্ষিমা ।
শিবে ক'ন, এ কি দেব, কিবা দেধি মহিমা
তত্ত্বচিন্তা করি ফিরি ভবপুরী ভিতরে ।
না দেখিলু হেন রূপ কোন ঠাই বিহরে ॥
এ কি মায়া মহামায়া জড়াইলা জগতে !
এ দশ ভুবন মাঝে লহ, দেব, ভকতে ॥
কুতূহলে বিকলিত পরাণ উতলা ।
হেরিব নিকটে গিয়া অনাত্মা মঙ্গলা ॥
শুনি শিব ক'ন, ঋষি, নিকটে না যাও রে ।
কৌতুক-বিলাস-বেগ এখানে জুড়াও রে ॥
বুঝিতে নিগূঢ় তত্ত্ব শিব ব্যর্থবাসনা ।
সে রহস্ত বুঝিবারে কেন চিন্তে কামনা ॥
নারিবে হেরিতে সর্ব হেরিবে যা সেখানে ।
মনোব্যথা পাবে বৃথা ও ভুবন সঙ্কানে ॥
ভয়ঙ্করী মায়ালালা অসহ সে সহনে ।
বিধি বিষ্ণু পরাজিত নাহি সহে করনে ॥
সে রহস্ত নিরখিতে নিকটে না যাও ।
এখানে যা পাও তাহে বাসনা মিটাও ॥

ঋষি ক'ন, মহাদেব, এ কি দেখি যোজনা ।
 কারা এরা, কহ হেন, সহে এত যাতনা ?
 এরূপে শৃঙ্খলে বাঁধা, কে ইহারা কহ গো ।
 ভবনাথ, তব দাসে ভবঘোরে রাগ গো ॥

জ্ঞানময় ষত জীব, সদানন্দ কন ।
 সকল হইতে দুঃখী এই প্রাণিগণ ॥
 মাটির শরীরে ধরে দেবের বাসনা ।
 মিটে না মনের সাধ হৃদয়ে বেদনা ॥
 আধভাঙ্গা সাধ ষত পরাণে জড়ায় ।
 অস্থখে কতই স্থখে জীবনে পেয়ায় ॥
 দেবতুল্য বাসনায় উর্দ্ধদিকে গতি ।
 পশুতুল্য পিপাসায় সদা দগ্ধমতি ॥—
 মানবের নাম এরা জীবলোকে ধরে রে,
 অস্থখী পরাণী ষত জগতী-ভিতরে রে !

দয়াময় ! হর তবে সেই সব বন্ধনী ।
 মানবের পীড়া যায় সদা দিবারজনী ॥
 হর তবে তাহাদের দেহ রূপ পিঞ্জরে,
 মন-শিখা বাঁধা যাছে ধরা হেন বিবরে !
 ফেল তবে ষড়রিপু-রজ্জুমাল্য ছিঁড়িয়া ।
 আশানল লহ, দেব, হৃদি হ'তে তুলিয়া ॥
 হর তবে অন্ধকার জীবনের ষামিনী ।
 হর গো কুহকজাল আলো কর অবনী ॥
 মানবের চিত্তমাঝে হেমময় মন্দিরে ।
 স্ফটিকের মূর্ত্তি ষত চূর্ণ হয় অচিরে,
 নিবার কালেরে, দেব, ভাঙ্গিতে সে সব—
 ধরাতে তবে গো স্থখী হইবে মানব ॥

শিব ক'ন, হের ঋষি, অই সব ভুবনে ।
 যেখানে খুলে রে জীব জীবদেহ-বন্ধনে ॥
 মহাবিঘ্না দশ পুরি হের অই আকাশে ।
 অগ্ন্যশক্তিরূপে সতী লীলা যাতে প্রকাশে ॥

নারদের মহাকালীর ব্রহ্মাণ্ড দর্শন

লঘুলিখিত ত্রিগদী

শিব-বাক্যে ঋষি নারদ তখন
 হেরিলা অনন্ত দেশ ।
 হেরিলা গগনে সে দশ ভুবন,
 অপূর্ব নবীন বেশ !—
 ষড়্ দিক দিক জলে দশ পুরি
 অদ্ভুত আভা তায় ।
 অনন্ত উজল সে আলো-ছটাতে
 অনল নিবিয়া যায় !
 দেব-ঋষিবর আত্মশক্তি লীলা
 দেখিতে তুলিলা আঁখি ।
 পলক না পড়ে স্থির নেত্রতারা
 কণমাত্র শূন্যে দেখি ॥
 বিশ্ব অঙ্ককার দেখে তপোধন
 দৃষ্টিহারা চক্ষু দহে ।
 ত্বরন্ত কিরণে কাতর নারদ,
 অন্ধের যাতনা সহে !
 বুঝি মহেশ্বর ইন্দ্ৰিতে তখন,
 ললাট বিস্তার করি ।
 সে বিষম তেজ রাখিলেন নিজ
 ললাটলোচনে ধরি ॥
 নিস্তেজ যখন, সে ঘোর কিরণ,
 নারদে কহেন হর ।
 “অই দেখ ঋষি, অনাদি ভুবনে
 শক্তিলীলা নিরন্তর ॥”
 অভয় হৃদয়ে হেরিয়া নারদ
 শিব-বরে চক্ষু লভি ।
 দেখিলা শূন্যে তুলিছে সযনে
 ভীষণ ব্রহ্মাণ্ডচ্ছবি ॥
 তাম্রবর্ণ যথা দিবাকর-কায়
 ডুবিলে রাহুর গ্রাসে ।
 দেখিতে তেমতি সে ভীম ব্রহ্মাণ্ড
 অঙ্গে আভা পরকাশে ॥

রুধিরের ধারা চারি ধারে বহে,
 বসুধারা যেন ধায় ।
 সে ঘোর জগৎ জীবে নিরখিলে
 হৃদয় শুকায়ে যায় ॥
 বহিছে উচ্ছ্বাস, সে জগৎ পুরি,
 অস্থর বিদার করি ।
 প্রলয়ের ঝড় বহে যেন দূরে
 অরণ্য নিশ্বাসে ভারি !
 কিম্বা যেন হয় লক্ষ তুরিনাদ
 পুরিয়া শোকের তানে—
 তেমতি প্রচণ্ড দারুণ উচ্ছ্বাস
 নিনাদে ঋষির কাণে !
 দয়াময় ঋষি নিদারুণ ধ্বনি
 শ্রবণে বিষাদ প্রাণে ।
 মুচ্ছাগত হয়ে পড়ে শিবপদে
 জীববৃন্দ-শোকগানে !
 চেতন পাইয়া চেতন-আনন্দ
 শিববরে পুনর্বার ।
 নয়নে গলিত দর অশ্রধারা,
 হৃদয়ে বেদনাতার ॥
 নিরানন্দ-চিত্তে সদানন্দ ঋষি
 কহেন কাতর মন ।
 “হে শিব শঙ্কর জীবে দয়া কর
 নিবার ভব-ক্রন্দন ॥
 জীবদেহ ধরি জীবের ক্রন্দনে
 হৃদয়ে বেদনা পাই ।
 না কাঁদে পরাণী ত্রিলোক ভিতরে
 নাহি কি এমন ঠাই ?
 তুমি আশুতোষ, তব ভক্ত আমি,
 গৃঢ় তত্ত্ব নাহি জানি ।
 জীব-হুঃখে, দেব, রোগ কিম্বা শোকে,
 নিয়ত কাঁদে পরাণী ॥

নারদের ঠাঁই ত্রিভুবনে তাই
কোনওখানে নাহি মিলে ।
বেড়াই ঘুরিয়া ত্রৈলোক্য ঘুড়িয়া
বিভূনাম করি নিখিলে ॥
জননী আমার সতী শুভঙ্করী
তুমি, দেব, পিতাসম ।
তবু কি কারণ এ দীন পরাণে
এরূপে আঘাতে যম !”
শুনিয়া কাতর দেব-ঋষীশ্বর
মহেশ্বর ক'ন বাণী ।—
“শুন তপোধন না কাঁদে পরাণে
নাহিক এমন প্রাণী ।

কিবা দেব নর, ব্রহ্মাণ্ড ভিতর,
জীবদেহ ধরে যেই ।
যমের তাড়না, রিপূর যাতনা,
হৃদয়ে ধরে রে সেই ॥
জীবের জীবনে সে দৃঢ় বন্ধন
দেখিতে বাসনা যার ।
হৃদয়-বেদনা, সমূহ যাতনা,
পরাণে জাগিবে তার ॥
আত্মশক্তিবলে, যে নিয়ম চলে,
অনাদি যাহার মূল,
নিরখিবে যদি হের দশ রূপ,
ভবার্ণবে পাবে কূল ॥”

মহাকালীর ব্রহ্মাণ্ড

লঘুভঙ্গ পরার

মহাঋষি নিরখিলা
মহাশূণ্ডে ঘুরিতেছে
দলমল্ টলমল্
হুলে দেন চক্রনেমি
হেন বেগে বিশ্ব ঘুরে
ধূমকেতু ভীমগতি
আপনার বেগে স্থির
শ্রোতরূপে খেলে তাহে
সচেতন অচেতন
কুমি কীট প্রাণিকায়ী
বিশ্বরূপ প্রাণী জড়
ঘোররূপা মহাকালী
অঙ্গ হ'তে বেগে পুনঃ
করাল বদনা কালী
ঘুরে ঘুরে শূন্যদেশে
বিভীষণ চিত্র এক

কালিকার জগতী !
ভয়ঙ্কর মূর্তি ॥
আপনার ভ্রমণে !
অতি দ্রুত গমনে ॥
নাহি ধরে করুণা ।
নহে তার তুলনা ॥
মেরুদণ্ড উপরি ।
বেগধারা লহরী ॥
যত আছে নিখিলে ।
জনমে সে কল্লোলে ॥
জন্মে যত সেখানে ।
গ্রাসে মুখব্যাদানে ॥
বেগধারা বিহারে ।
নৃত্য করে হকারে ॥
বিশ্বকায়ী ফিরিল ।
নেত্রপথে ধরিল ।—

অস্তুহীন হিমরাশি
ধবলের চূড়া যেন
নিরখিলা মহাঋষি
প্রলয়ের ঘোর বহ্নি
পণ্ড হয়ে হিমরাশি
ভীমশব্দে পড়িতেছে
ব্রহ্মাণ্ডের লয় যেন
বিশ্বকেন্দ্রে বিশ্বনাথ-
প্রতিধ্বনি ঘনঘোর
দশ দিকে দশ বিশ্ব

হিমালয় আকারে,
ধূ ধূ করে তুষারে !
বিথারিত নয়নে ।
হিম দহে দহনে ॥
চণ্ডমূর্ত্তি ধরিয়া ।
মহাশূন্তে খসিয়া ॥
কালান্তের নিনাদে ।
পুরী কাঁপে শব্দে ॥
মহাকাশে ছুটিল ।
ঘন ঘন হুলিল ॥

দ্রুত ঘনপদীচ্ছন্দ*

নারদ ঋষিবর কম্পিত থরথর

— — —
বিশ্ব-বিদারণ ভঙ্কার শ্রবণে ।

— — —
মানস বিচলিত নেত্র বিকাশিত

— — —
সংযুত শ্রুতিপথ নিরখিলা গগনে ॥

— — —
নিরখিলা অশ্বরে অগ্ন্য মূর্ত্তি ধরে

— — —
চণ্ডিকা-মহাপুরী পুনরপি ফিরিল ।

— — —
পুনরপি দুঃসহ দৃশ্য ভয়াবহ

— — —
শক্তি-কেন্দ্রিক্রম প্রকটিত করিল ॥

— — —
দেখিল শ্রোতময়, খেলিছে বীচিঠয়,

শোণিত-অর্ণব কলকল ডাকিছে ।

— — —
শুভি শঙ্খ শাখ মুখব্যাদান ফাঁক

— — —
রক্তজলধিদেহ লেহি লেহি চলিছে

— — —
পন্নগ স্তম্ভীষণ কটা-প্রসারণ

— — —
উৎকট-গর্জন তরঙ্গে হুলিছে ।

— — —
কৃষ্ণ কমঠীকূট উন্মিতে লটপট

— — —
লোহিত তুষাতুর সংপুট খুলিছে ॥

— — —
খাপদ হৃদি ক্রুর শাদুল কুকুর

— — —
লোলরসনা তুলি সিন্ধুতে ভাসিছে

* (—) এইরূপ চিহ্নিত স্থানে দীর্ঘ উচ্চারণ, এবং গদের অন্তস্থিত 'অ' ল্পষ্ট উচ্চারিত হইবে ।

উদ্ভিজ্জগণও তাহে স্বদেহ অবগাহে

আত্মা প্রকৃতিরূপ সে জগতে ফুটিছে ।

রক্তপিসাস্ হুয়ে শোণিত শুবিছে ॥

‘সংহার্ সংহার্’ ভিন্ন নাহিক আর

অ-চিন্ত্য লীলা সেহ, না বুঝে মানব কেহ,

রক্তিতে নিজ নিজ এ উহারে গ্রাসিছে ॥

ললিত পয়ার

দয়াজ্জিহ্বিত ঋষি
 “এ কি দেব ঈশ্বর,
 উৎকট ইহ লীলা
 সতী কি অশিব, শিব,
 জীব-দুঃখ তবে কি গো
 অদম্য তবে কি, দেব,
 জগৎ-সৃজন-লীলা
 না জানি কি ধর্ম তবে
 এ চণ্ড বিদ্যাত-দ্যুতি
 কাঁদাইছ জীবলোক
 তদ্বাতঙ্ক নাহি বুঝি
 না বুঝি তোমার, দেব,
 ভক্তগণে দিয়ে ক্লেশ
 না জানি জগৎস্বকু,
 স্মরহর শঙ্কর
 “সর্বদুঃখ দমনীয়
 জানিবি রে নিরখিবি
 বিরাজিতা সতী যাহে

মহাদেবে কহিলা ।
 মা আমার মহিলা ॥
 তাঁহারে কি সম্ভবে ?
 আছিলেন এ ভবে ?
 অনাচারি রচনা ?
 পরাণীর যাতনা ?
 দুঃখ দিতে প্রাণীরে !
 ধর দেবশরীরে !
 কেন দিয়ে পরাণে,
 মায়াজোর বন্ধনে ?
 তব ভক্ত, ঈশ্বর,
 কি কঠোর অস্তুর ॥
 নিজের কর ভঙ্গিমা ।
 এ কি তব মহিমা !”
 কহিলেন নারদে—
 যুক্তি আছে বিপদে ॥
 যবে অস্ত্র ভুবনে ।
 জীবদুঃখ-হরণে ॥”

ললিত ত্রিগদী

হেন কালে স্তম্ভিচল
 মহাঋষি নিরখিল
 কালরূপিণী চণ্ডী কালিকার ভুবনে ।
 বিখণ্ডিত নরদেহ
 পড়ে পচা শব সহ,
 ঋষিরে মুঘলধারা, ধরা যেন শ্রাবণে !
 জনমিছে পুহু তায়
 পশু-পক্ষী-নর-কায়
 সংগ্রামে পুনরায় এ উহারে বধিছে !
 জীবন-ধারণ হেতু
 ভবের কলককেতু
 কাহারও নাসিকা নাই,
 কারও মুণ্ড ঝুলিছে !
 কেহ নিজ মুণ্ড কাটে,
 জীয়ে পুহু রক্ত চাটে,
 শাংকিনীরূপিণী ঘোরা
 কালিকারে ঘেরিয়া ।
 অস্থি ঝরিছে অঙ্গে,
 মাংস ঝরিছে সঙ্গে,
 কাঁদে জীব উচ্চনাদে
 তারা নাম ডাকিয়া ॥

কালীর সঙ্গিনী সঙ্গে
 ছুটিছে তাদের সঙ্গে
 খিলি খিলি হাসি মুখে
 কি বিকট ভঙ্গিমা
 মুখে মুণ্ড চিবাইয়া
 করে করতালি দিয়া,
 ডাকিনী ধাইছে কত—
 স্তম্ভি রক্তমা !
 জগতে যতেক মন্দ
 চলেছে ডাকিনীবন্দ,
 ললাটের ঘোর ছটা উৎকট ছুটিছে,
 ঋষিরবন্দনা বামা
 ত্রিনয়না ঘোর শ্রামা,
 বহুি বরুণ বায়ু সঙ্গে সঙ্গে ঘুরিছে ;
 জড় প্রকৃতির ছলে
 শবদেহ পদতলে—
 নৃমুণ্ডমালিনী কালী
 হুহুকারি নাচিছে ।
 সংহার নিরূপণ
 রদনেতে বিদারণ
 শিশুকর কড়মড়ি চর্কণে গিলিছে !

ললিতকাণ্ডী

সদানন্দ ঋষি নিরানন্দ মন
 কহেন তখন শঙ্করে ।
 দেব আশুতোষ, নিবার এ লীলা,
 ব্যথা বড় বাজে অস্তরে ॥
 এ ঘোর রহস্য পারি না সহিতে,
 দেখাও আমারে জননী !

যিনি সতীরূপে সংসার-পালিকা
 সর্বজীবদুঃখহারিণী ।
 না হও নিরাশ, অরে ভক্তিমান্
 ভূতেশ কহেন নারদে !
 দুঃখের কারণ নহে জীবলীলা,
 মোচন আছে রে আপদে ॥

কণামাত্র তার হেরিলা নয়নে,
 অনাত্মার আদি জগতে ।
 পূর্ণ-সুখ ইহ-জগত-ভাণ্ডারে,
 দেখিতে পাবিরে পশ্চাতে ॥
 অচ্ছেদ্য বন্ধনে বাঁধা দশপুরী,
 ক্রমে জীব পূর্ণ কামনা ।
 শোক দুঃখ তাপ সকলি দমন,
 এমনি বিধানে যোজনা ॥
 পর পর পর এ দশ জগতে
 জীবের উন্নতি কেবলি ।
 অনন্ত অসীম কাল আছে আগে,
 অনন্ত জীবিতমণ্ডলী ॥
 শুনিয়া নারদ কহিলা শঙ্করে,
 নারিব হেরিতে নয়নে ।

প্রচণ্ড প্রভাত আত্মাশক্তিলীলা
 নিগূঢ় ও সব ভুবনে ॥
 কহ কেমনকর, দাসে কমা করি,
 বচনে জুড়ায় পরাণী ।
 কোন্ বিশ্বমাঝে কিবা রূপ ধরি
 ক্রীড়াতে নিরতা ভবানী ॥
 দেব আশ্রতোষ কহিলা ঋষিরে,
 অম্বরে দেখ রে নেহারি ।
 পরে পরে পরে জগতীমণ্ডল
 রয়েছে গগনে বিথারি ॥
 ভিন্ন ভিন্ন রূপ ধরি শক্তিরূপা
 জীবের নিস্তার কারণে ।
 হের ঋষি অই তারার ভুবন
 উজলিছে কিবা গগনে ॥

(২) তারামূর্তি

ধীর ঘনপদীচ্ছন্দ

ভামা লম্বোদরা ব্যাঘ্র-চর্ম পরা,
 খর্ব্ব আকৃতি বামা নৃমুণ্ডমালিনী ।
 জটা-বিভূষণা পিঙ্গল-বরণা
 জটাগ্রে উন্নত পন্নগধারিণী ।
 খড়্গ কস্তুরী করে কপাল উৎপল ধরে,

রক্তিম রবিচ্ছবি দৃশ্য ত্রিনয়নে ।
 জলন্ত চিতামাঝে পদে দ্বিপদ সাজে,
 লোলরসনা বামা ঘোর হাসি বদনে ॥—
 জ্ঞানের অক্ষুর ধরি জীবহৃদয় ভরি
 বিরাজেন শঙ্করী সতী অই ভুবনে ॥

(৩) ষোড়শী

নেহার তাঁর পাশে কি জ্যোতি দেছে ভাসে,
 শ্বেতবরণ বামা পূর্ণকলা কামিনী ।

প্রেমসঞ্চারি হৃদে জীবগণে ডোরে বেঁধে
 এখানে রাজিছে ষোড়শী-রূপিণী ॥

(৪) ভুবনেশ্বরী

তা জিনি সুন্দর উন্নত শোভাধর	অকুশাভয়বর পাশ-সজ্জিত কর
ভুবনেশ্বরী ঋষি, হের তাঁর নিকটে ।	সর্বমঙ্গলা সতী জীবদুঃখ বিনাশে ।
পীনস্তনী বামা প্রফুল্লা ত্রিনয়না	সদা সুহাস্রযুতা ঐখানে বিরাজিতা—
প্রভাত-আভা দেহে, ইন্দু ভাতি কিরীটে ॥	স্নেহ জাগায়ে ভবে সতী মম বিকাশে ॥

(৫) ভৈরবীমূর্তি

তার উপর আর নেহার ঋষিবর	জ্ঞান-অভয়-দাত্রী জীব-উদ্ধার-কর্ত্রী—
কিবা শোভা সুন্দর, ভৈরবী-ভুবনে :	সহস্র মিহির তুল্য শোভা দেহে ধারিণী ।
মালো সুশোভিত মস্তক বিভূষিত,	রত্ন-কিরীটময় চন্দ্র উদয় হয়
রক্ত লেপিত স্তন, বৃত্তা রক্ত বসনে ।	ভক্তি-বিধায়িনী ভৈরবী-রূপিণী ॥

(৬) মাতঙ্গীমূর্তি

সুচারু মন-হর, হের নিকটে তার	কলহংস শোভা সম শ্বেত মাল্য নিকম্ব,
অস্ত্র ভুবন কিবা দোহল্য গগনে—	শ্যামাঙ্গী শঙ্খের বালা ছই করে পরেছে ।
বীণা বাজিছে করে বাদনে ধরে ধরে	প্রীতি তুলি ভবতলে সর্বজীব-দুঃখ দলে
কুম্বল দলমল সুন্দর বদনে ॥	মাতঙ্গীর রূপ সতী পদ্মদলে বসেছে ॥

(৭) ধূমাবতী

কাছে তার দলমল যে ভুবন উজ্জল
 আরও হুনির্খল জিনি অগ্ন ভুবনে—
 দীর্ঘা বিরলরদ শুভবরণচ্ছদ,
 কুটিলনয়না বামা ধূমাবতী ধরণে ॥
 লাস্যত-পয়োধরা ক্ষুৎপিপাসাতুরা

বিমুক্তকেশী বামা জীব-দুঃখ বিনাশে ।
 শ্রম-কাস্ত প্রাণিক্লেশ ঘুচাইতে রুক বেষ
 বিধবার রূপে নিত্য সতী হেথা বিকাশে !
 বিবর্ণা, অতি চঞ্চলা হস্তে স্থাপিত কুলা,
 রথধ্বজোপরি কাকচিহ্ন প্রকাশে ॥

(৮-৯) বগলা ও ছিন্নমস্তা

জীব-নিস্তারে সতী ঐ হের চিন্তাবতী
 দারদ্র্যদলনীকপ বগলার শরীরে ।
 হের আর উদ্ধ'দেশে মদনোন্মত্তার বেশে
 ছিন্নমস্তা ভয়ঙ্করী স্নাত নিজ রুধিরে ॥

বিকট উৎকট ফুঁতি বিপরীত রত্তিমুত্তি
 জগতের সর্বপাপ নিজ অঙ্গে ধরিয়' ।
 আপনার ঘৃণাকর নগ্নবেশ ঘোরতর
 বিশ্বময় দেখাইছে নিজ রক্ত শুষিয়' ॥

(১০) মহালক্ষ্মী

নেহার তারপরি, শোভে কমলার পুরী,
 রোগ শোক তাপ হরি, জীবিতের জীবনে ॥
 কিবা বেশ সুমোহন, লীলারসে নিমগন,
 পরমাপ্রকৃতি সতী সর্ব শেষ ভুবনে ॥

স্বর্ণ-বরণোত্তম কটিতে পিকন কোম,
 স্বর্ণ ঘটে চারি করী শিরে নীর ঢালিছে ।
 পদ্মাসনা, করে পদ্ম, সতী সর্বসুখসদ্ব,
 দয়াতে ডুবায়ে ভব জীব-দুঃখ হরিছে ॥

ললিত দীর্ঘ ত্রিগদী

আনন্দে হৃদয় ভরি,
 দেবঋষি বীণা ধরি,
 তারে তার মিলাইয়া বাক্য তুলিল ॥
 নিবিড় রহস্য-সুধা
 পানে জুড়াইয়ে ক্ষুধা,
 মধুর সঙ্গীতশ্রোতে মহাঋষি ডুবিল ॥
 ছুটিল বীণার স্বর,
 ছুটে যেন নির্বার,
 হৃদয় প্লাবন করি সুগভীর বাদনে ।
 “প্রকৃতির আদি লীলা
 ভবে কেবা নিরখিলা ?”
 মহাঋষি গাইলেন বিকলিত বচনে ॥
 “জগৎ অশুভ নয়,
 কালেতে হইবে লয়
 জীবতুঃখ সমুদয় ত্রিগুণার ভঞ্জে ।
 এই কথা বুঝে সার
 আনন্দে নিনাদ তার
 সত্যপথে রাখি মন অনাত্মার স্বরণে ॥

লিখি বুকে মোক্ষ নাম
 পুরা, জীব, মনস্কাম
 ‘নিখিল নিস্তার পাবে’ শিব কৈলা আপনি ।
 লক্ষ্য করি তারি পথ
 চালা নিত্য মনোরথ
 জীবজন্মে ভয় কি রে ?—জগদম্বা জননী !
 ডাক বীণা উচ্চৈঃস্বরে
 ডাক রে আনন্দভরে
 নারদ ভুলে না যেন সে তত্ত্ব এ জীবনে !
 সকলের মূলাধার
 সকল মঙ্গল-সার,
 নারদের চিত্ত যেন থাকে সেই চরণে ॥
 জড় জীব দেহ মন
 যাঁ হইতে প্রকটন,
 অমুকণ সেই রূপ হৃদিমাবে জাগা রে ।
 পাই যেন পুনরায়
 পূজিতে সে রাঙা পায়
 জগৎ মধুর করি তারা নাম শুনা রে ॥”

ভঙ্গপদী পয়ার

নারদের গানে শিব শঙ্কর মোহিল ।
 বিদীর্ণ রসাতলে পদতল পশিল ॥
 ধীরে বিপুল দেহ ক্রমে বাঢ়ে সঘনে ।
 ধূর্জটি-অটাজুট পুহু ছুটে গগনে ॥
 চণ্ড প্রকৃতি-লীলা মিলাইল চকিতে ।
 অম্বরে বায়ু মেঘ ছড়াইল ছরিতে ॥
 উজ্জল দিনমণি পুহু পেয়ে
 করণে ।
 দেখা দিল সুন্দর জগতের নয়নে ॥
 পুহু সে ষাদশরাশি নিজ নিজ
 আলয়ে ।
 মনোহর বেশ ধরে জগতের উদয়ে !

ধীরে মলয়-বায়ু প্রবাহিল স্বননে ।
 ধরণী ধরিল শোভা সহাস্য বদনে ॥
 কুঞ্জ ফুটিল লতা তরুকুল হরষে ।
 ছুটিতে লাগিল পুহু শ্রোতধারা তরসে ॥
 পতঙ্গ কীট পশু পুহু পেয়ে চেতনে ।
 গুঞ্জিল চিত্তস্থে প্রকটিত জীবনে ॥
 মিলাইল দশরূপ, উমারূপ ধরিল ।
 হরগৌরীরূপে সতী হিমালয়ে উদিল ॥
 হাসিল কৈলাসপুত্রী উমা হেরি নয়নে ।
 কেশরী বৃষভ ছুটি লুটাইল চরণে ॥
 বববম্ বববম্ ধ্বনি শিব ধরিল ।
 মহাঋষি পুলকিত শিবশিবা পূজিল ॥

কবিতাবলী

॥ স্বদেশ ও সমাজ ॥

ভারত-সঙ্গীত

[ভারতবর্ষে যখন মোগল বাদশাহদিগের অত্যন্ত প্রাচুর্য এবং মোগল সৈন্যগণ ক্রমে ক্রমে ভারতভূমি আক্রমণ করিয়া মহারাষ্ট্র-অঞ্চল আক্রমণ করে, তখন মাধবাচার্য্য নামে একজন মহারাষ্ট্রীয় ব্রাহ্মণ স্বদেশের হীনতায় একান্ত দুঃখিত হইয়া, স্বদেশের স্বাধীনতা রক্ষার নিমিত্ত নগরে নগরে এবং পর্বতে পর্বতে ভ্রমণ করিয়া বীরত্ব এবং উৎসাহ-প্রবর্তক গান করিয়া বেড়াইতেন। শিবাজীর সময় হইতে তাঁহার প্রণীত সঙ্গীত মহারাষ্ট্রীয়দিগের মধ্যে সর্বত্র প্রচলিত এবং অত্যন্ত আদরণীয় হয়। মাধবাচার্য্যের মৃত্যুর পর অন্যান্য গায়কেরা দেশে দেশে সেই গান করিয়া বেড়াইতেন। এই প্রবাদ অবলম্বন করিয়া ভারত-সঙ্গীত লিখিত হইয়াছে।]

“আর ঘুমাইও না, দেখ চক্ষুমেলি,
দেখ দেখ চেয়ে অবনীমণ্ডলী
কিবা সুসজ্জিত, কিবা কুতূহলী,
বিবিধ মানবজাতিরে লয়ে।
নের উল্লাসে, প্রবল আশ্বাসে,
চণ্ড বেগেতে, গভীর বিশ্বাসে,
বজ্রী পতাকা উড়ায় আকাশে,
দেখ হে ধাইছে অকুতোভয়ে।—
হাথা আমেরিকা—নব অভ্যুদয়,
ধিবী গ্রাসিতে করেছে আশয়,
য়েছে অধৈর্য্য নিজ বীর্য্যবলে,
ড়ে ছছকার,
ভূমণ্ডল টলে,
ধন বা টানিয়া ছিঁড়িয়া ভূতলে
নূতন করিয়া গড়িতে চায়।
ধাস্থলে হেথা আজন্ম পুজিতা
ঐর বীর্য্যবতী বীর-প্রসবিতা,
নস্তম্বোবনা যুনানীমণ্ডলী,
হিমা-ছটাতে জগত উজলি,
গির ছেঁচিয়া, মরু গিরি দলি,
কৌতুকে ভাসিয়া চলিয়া যায় ॥
রব্য, মিসর, পারস্য, তুরকী,
তার, তিব্বত, অগ্ন কব কি,
নি, ব্রহ্মদেশ, অসভ্য জাপান,

তারাও স্বাধীন, তারাও প্রধান,
দাসত্ব করিতে করে হয় জ্ঞান,
ভারত শুধুই ঘুমায়ে রয়।
বাজরে শিঙা বাজ এই রবে,
সবাই স্বাধীন এ বিপুল ভবে,
সবাই জাগ্রত মানের গোরবে,
ভারত শুধুই ঘুমায়ে রয়।”
এই কথা বলি মুখে শিক্ষা তুলি
শিশুরে দাঁড়ায় গায়ে নামাবলী,
নয়ন-জ্যোতিতে হানিয়ে বিজলী
গায়িতে লাগিল জনেক যুবা।
আয়ত-লোচন, উন্নত-ললাট,
সুগোরাঙ্গ তনু, সন্ন্যাসীর ঠাট,
শিশুরে দাঁড়ায় গায়ে নামাবলী,
নয়ন-জ্যোতিতে হানিল বিজলী,
বদনে ভাতিল অতুল আভা।
নির্নাদিল শৃঙ্গ করিয়া উচ্ছ্বাস,
“বিংশতি কোটি মানবের বাস,
এ ভারত-ভূমি যবনের দাস ?
রয়েছে পড়িয়া শৃঙ্খলে বাধা।
আর্য্যাবর্ত্তজয়ী পুরুষ যাহারা,
সেই বংশোদ্ভব জাতি কি ইহারা ?
জন কত শুধু প্রহরী পাহারা,
দেখিয়া নয়নে লেগেছে ধাঁধা !

ধিক হিন্দুকুলে ! বীরধর্ম ভুলে,
আত্ম অভিমান ডুবায়ে মলিলে,
দ্বিগাছে সঁপিয়া শত্রু-করতলে,

সোনার ভারত করিতে ছার !

হীনবীর্ষ্য সম হয়ে কৃতান্তলি,
মস্তকে ধরিতে বৈরী-পদধূলি,
ছাদে দেখে ধায় মহাকুতূহলী

ভারতনিবাসী যত কুলান্দার ॥

এসেছিল যবে আর্ঘ্যাবর্ত ভূমে,
দিক অন্ধকার করি তেজোধূমে,
রণ-রঙ্গ-মত্ত পূর্বপিতৃগণ

যখন তাঁহারা করেছিল রণ,
করেছিল জয় পঞ্চনদগণ,

তখন তাঁহারা কজন ছিল ?

আবার যখন জাহ্নবীর কুলে
এসেছিল তারা জয়ডঙ্কা তুলে,
যমুনা, কাবেরী, নর্মদা-পুলিনে,
ত্রাবিড়, তৈলঙ্গ, দাক্ষিণাত্য-বনে,
অসংখ্য বিপক্ষ পরাজয়ি রণে,

তখন তাঁহারা কজন ছিল ?

এখন তোরা যে শত কোটি তার,
স্বদেশ উদ্ধার করা কোন্ ছার,
পারিস শাসিতে হাসিতে হাসিতে,
স্বমেক অবধি কুমারী হইতে,
বিজয়ী পতাকা ধরায় তুলিতে,

বারেক জাগিয়ে করিলে পণ ।

তবে ভিন্ন-জাতি-শত্রুপদতলে,
কেন রে পড়িয়া থাকিস্ সকলে,
কেন না ছিঁড়িয়া বন্ধন-শৃঙ্খলে,

স্বাধীন হইতে করিস্ মন ?

অই দেখে সেই মাথার উপরে
রবি, শশী, তারা দিন দিন ঘোরে,
ঘুরিত যেরূপে দিক শোভা ক'রে
ভারত যখন স্বাধীন ছিল ।

সেই আর্ঘ্যাবর্ত এখন(ও) বিস্তৃত,!

সেই বিদ্যাগিরি এখন(ও) উন্নত,

সেই ভাগীরথী এখন(ও) ধাবিত,

পুরাকালে তারা যেরূপ ছিল ।

কোথা সে উজ্জল হতাশন-সম

হিন্দু-বীরদর্প, বুদ্ধি, পরাক্রম ?

কাঁপিত যাহাতে স্বাবর জঙ্গম,

গাঙ্কার অবধি জলধিসীমা ?

সকলি ত আছে, সে সাহস কই ?

সে গম্ভীর জ্ঞান, নিপুণতা কই ?

প্রবল তরঙ্গ সে উন্নতি কই ?

কোথা রে আজি সে জাতি-মহিম:

হয়েছে শ্মশান এ ভারতভূমি !

কারে উঠে:স্বরে ডাকিতেছি আমি,

গোলামের জাতি শিখেছে গোলামি !

আর কি ভারত সজীব আছে ?

সজীব থাকিলে এখনি উঠিত,

বীর-পদভরে মেদিনী ছলিত,

ভারতের নিশি প্রভাত হইত,

হায় রে সে দিন ঘুচিয়া গেছে ।”

এই কথা বলি অশ্রুবিন্দু ফেলি,

কণমাত্র যুবা শৃঙ্গনাদ তুলি,

পুনর্বার শৃঙ্গ মুখে নিল তুলি,

গর্জিয়া উঠিল গম্ভীর স্বরে—

“এখন(ও) জাগিয়া ওঠ রে সবে,

এখন(ও) সৌভাগ্য উদয় হবে,

রবিকরসম দ্বিগুণ প্রভাবে,

ভারতের মুখ উজ্জল ক'রে ॥

একবার শুধু জাতিভেদ ভুলে,

কত্রিয়, ব্রাহ্মণ, বৈশ্য, শূত্র মিলে,

কর দৃঢ়পণ এ মহীমণ্ডলে,

তুলিতে আপন মহিমাধ্বজা ।

জপ, তপ আর যোগ আরাধনা,

পূজা, হোম, যাগ, প্রতিমা-অর্চনা,

এ সকলে এবে কিছুই হবে না
 তুণীর কৃপাণে কর রে পূজা ।
 ষাও সিঙ্কুনীরে, ভূধর-শিখরে,
 গগনের গ্রহ তন্ন তন্ন করে,
 বায়ু, উচ্চাপাত, বজ্র শিখা ধ'রে,
 স্বকার্যসাধনে প্রবৃত্ত হও !
 তবে সে পারিবে বিপক্ষ নাশিতে,
 প্রতিদ্বন্দ্বী সহ সমকক্ষ হতে,
 স্বাধীনতারূপ রতনে মণ্ডিতে,
 যে শিরে এক্ষণে পাটুকা বও ।
 ছিল বটে আগে তপস্যার বলে
 কার্যসিদ্ধি হত এ মহীমণ্ডলে,
 আপনি আসিয়া ভক্ত-রগস্থলে
 সংগ্রাম করিত অমরগণ ।
 এখন সেদিন নাহিক রে আর,
 দেব আরাধনে ভারত উদ্ধার
 হবে না হবে না,
 গোল্ তরবার ;
 এ সব দৈত্য নহে তেমন ।
 অস্ত্রপরাক্রমে হও বিশারদ,

রণরঙ্গ-রসে হও রে উন্মাদ,—
 তবে সে বাঁচিবে, ঘুচিবে বিপদ,
 জগতে যত্বেপি থাকিতে চাও ।
 কিসের লাগিয়া হলি দিশেহারা,
 সেই হিন্দু জাতি, সেই বসুন্ধরা,
 জ্ঞান বুদ্ধি জ্যোতিঃ তেমতি প্রথরা,
 তবে কেন ভূমে পড়ে লুটীও ?
 অই দেখ সেই মাথার উপরে
 রবি, শশী, তারা দিন দিন ঘোরে,
 ঘুরিত ঘেরূপে দিক শোভা ক'রে,
 ভারত যখন স্বাধীন ছিল ;
 সেই আৰ্য্যাবর্ত এখন(ও) বিস্তৃত,
 সেই বিজ্ঞাচল এখন(ও) উন্নত,
 সে জাহ্নবীবারি এখন(ও) ধাবিত,
 কেন সে মহত্ত্ব হবে না উজ্জল ?
 বাজ রে শিক্কা বাজ এই রবে,
 গুনিয়া ভারতে জাগুক সবে,
 সবাই স্বাধীন এ বিপুল ভবে,
 সবাই জাগ্রত মানের গৌরবে,
 ভারত শুধু কি ঘুমায়ে রবে ?”

ভারত-বিলাপ

ভারু অস্ত গেল গোবুলি আইল,
 রবি-কর-জাল আকাশে উঠিল,
 মেঘ হতে মেঘে, খেলিতে লাগিল,
 গগন শোভিল কিরণজালে ;—
 কোথা বা সুন্দর ঘন কলেবর
 সিন্দূরে লেপিয়া রাখে খরে খর,
 কোথা ঝিকি ঝিকি হীরার ঝালর
 ঘেন বা ঝুলায় গগন-ভালে ॥
 সোনার বরণ মাণিয়া কোথায়
 জলধর জলে, নয়ন জুড়ায়,

আবার কোথায় তুলারাশি-প্রায়
 শোভে রাশি রাশি মেঘের মালা
 হেনকালে একা গিয়ে গজাতীরে
 হেরি মনোহর সে তট উপরে
 রাজধানী এক, নব শোভা ধরে,
 রয়েছে কিরণে হয়ে উজলা ॥
 দ্বিতালা ত্রিতালা চৌতালা ভবন
 সুন্দর সুন্দর বিচিত্র-গঠন
 রাজবসুঁ পাশে আছে সুশোভন
 গোখুলিরাগেতে রঞ্জিত কার ।

অদূরে দুর্জয় দুর্গ গড়খাই,
 প্রকাণ্ড মুরতি, জাগিছে সদাই,
 বিপক্ষ পশিবে হেন স্থান নাই,
 চরণ প্রক্ষালি জাহ্নবী ধায় ॥
 গড়ের সমীপে আনন্দ-উচ্চান,
 ষতনে রক্ষিত, অতি রম্যস্থান,
 প্রদোষে প্রত্যহ হয় বাস্তগান,
 নয়ন শ্রবণ তম্বু জুড়ায় !
 জাহ্নবীসলিলে এদিকে আবার
 দেখ জলযান কাতারে কাতার
 ভাসে দিবানিশি গুণবৃক্ষ ষার
 শালবৃক্ষ ছাপি ধ্বজা উড়ায় ॥
 অহে বঙ্গবাসী, জান কি তোমরা ?
 অলকা-জিনিয়া হেন মনোহরা
 কার রাজধানী ? কি জাতি ইহার ?
 এ সুখ সৌভাগ্য ভোগে ধরায় ।
 নাহি যদি জান, এস এইখানে,
 চলেছে দেখিবে বিচিত্র বিমানে
 রাজপুরুষেরা বিবিধ বিধানে—
 গরবে মেদিনী ঠেকে না পায় ॥
 অদূরে বাজিছে “ক্লব ব্রিটানিয়া”
 শকটে-শকটে মেদিনী ছাইয়া
 চলেছে দাপটে ব্রিটনবাসিয়া—
 ইন্দ্রের ইন্দ্র আছে কোথায় !
 হায়রে কপাল, ওদেরি মতন
 আমরাই কেন করিতে গমন
 না পারি সতেজে—বলিতে আপন
 যে দেশে জনম, যে দেশে বাস ?
 ভয়ে ভয়ে যাই, ভয়ে ভয়ে চাই,
 গৌরাজ দেখিলে ভূতলে লুটাই,
 ফুটিয়ে ফুকরি বলিতে না পাই—
 এমনি সদাই হৃদয়ে ত্রাস ॥
 কি হবে বিলাপ করিলে এখন,
 স্বাধীনতা-ধন গিয়াছে ষখন,

মনের মাহাত্ম্য হয়েছে নিধন
 তখন সে সাধ ঘুচে গিয়াছে ।
 সাজে না এখন অভিলাষ করা,
 আমাদের কাজ সুধু পায়ের ধরা,
 মস্তকে করিয়ে দাসত্বের ভরা
 ছুটিতে হইবে ওদেরি পাছে !
 হায় বসুন্ধরা তোমার কপালে
 এই কি ছিল মা, পড়ে কালে কালে,
 বিদেশীর পদে জীবন গোয়ালে,
 পুরাতে নারিলে মনের আশা ।
 রূপে অমুপম নিখিল ধরায়
 করিয়া বিধাতা সৃজিলা তোমায়,
 দিলা সাজাইয়া অতুল ভূষায়—
 তোর কিনা আজি এ হেন দশা
 হায় রে বিধাতা, কেন দিয়াছিলি
 হেন অলঙ্কার ? কেন না গঠিলি
 মরুভূমি ক’রে—অরণ্যে রাখিলি,
 এ হেন যাতনা হতো না তায় ।
 তাহ’লে এখানে করিত না গতি,
 পাঠান, মোগল, পারস্য দুর্শক্তি,
 হরিতে ভারত-কিরীটের ভাতি,
 অভাগা হিন্দুরে দলিতে পায় !
 এই যে দেখিছ পুরী মনোহর
 শতগুণ আরো শোভিত সুন্দর,
 এই ভাগীরথী ক’রে থর থর
 ধাইত তখন কতই সাধে !
 গাইত তখন কতই সুস্বরে
 এই সব পাখী তরু শোভা ক’রে,
 কতই কুসুম পরিমল ভরে,
 ফুটিয়া থাকিত কত আহ্লাদে ॥
 আগেকার মত উঠিত তপন,
 আগেকার মত চাঁদের কিরণ
 ভাসিত গগনে, গ্রহ তারাগণ
 ঘুরিত আনন্দে ঘেরিয়া ধরা ।

এখন ভারতে অমৃতের কণা
 হ'তো বরিষণ, বাজাইত বীণা
 হাস বাল্মীকি—বিপুল বাসনা
 ভারত হৃদয়ে আছিল ভরা ॥
 এখন কৃত্রিয় অতীব সাহসে
 গাইত সমরে মাতি বীররসে
 হিমালয় চূড়া গগন পরশে
 গাইত যখন ভারত-নাম ।
 ভারতবাসীরা প্রতি ঘরে ঘরে
 গাইত যখন স্বাধীন অস্তরে
 হৃদয়-মহিমা পুলকিত স্বরে,—
 জগতে ভারত অতুল ধাম ॥
 যন্ত্র ব্রিটানিয়া ধন্য তোমর বল,
 এ হেন ভূভাগ করে করতল,
 রাজত্ব করিছ ইঙ্গিতে কেবল—
 তোমার তেজের নাহি উপমা ।

এখন কিঙ্কর হয়েছি তোমার
 মনের বাসনা কি কহিব আর,
 এই ভিক্ষা চাই করগো বিচার—
 অথর্ব দাসীরে কর গো কমা ॥
 দেখ্ চেয়ে দেখ্ প্রাচীন বয়সে
 তোমর পদতলে পড়িয়ে কি বেশে
 কাঁদিয়ে সে ভূমি, পূজিত যে দেশে
 কত জনপদ গাহি মহিমা ।
 আগে ছিল রাণী ধরা-রাজধানী
 স্মরণে যেন গো থাকে সে কাহিনী,
 এবে সে কিঙ্করী হয়েছে দুখিনী
 বলিয়ে দস্ত করো না গরিমা ॥
 তোমারো ত বৃকে কত শতবার
 রিপু-পদাঘাত করেছে প্রহার,
 কালেতে না জানি কি হবে আবার—
 এই কথা সদা করিও ধ্যান ।

বিধবা রমণী

১

ভারতের পতিহীনা নারী বুঝি অই রে ।
 না হলে এমন দশা নারী আর কইরে ;
 মলিন বসনখানি অঙ্গে আচ্ছাদন,
 আহা দেখ অঙ্গে নাই অঙ্গের ভূষণ !
 রমণীর চিরসাধ চিকুর-বন্ধন,
 ছাদে দেখ সে মাথোঁ বিধি-বিড়ম্বন !
 আহা কি চাঁচর কেশ পড়েছে এলায়ে !
 আহা কি রূপের ছটা গিয়াছে মিলায়ে !
 কি নিতম্ব কিবা উরু, কিবা চক্ষু কিবা ভুরু ।
 কি ষৌবন মরি মরি শোকে দম্ব হয় রে !

২

কুসুম চন্দনে আর নাহি অভিলাষ ;
 তাবুল কর্পূরে আর নাহি সে বিলাস ;
 বদনে সে হাসি নাই, নয়নে সে জ্যোতিঃ ;
 সে আনন্দ নাই আর মরি কি দুর্গতি !
 হরিষ বিষাদ এবে তুল্য চিরদিন ;
 বসন্ত শরত ঋতু সকলি মলিন !
 দিবানিশি একি বেশ, বার মাস সেই ক্লেশ ;
 বিধবার প্রাণে হয় এতই কি সয় রে !

৩

হায় রে নিষ্ঠুর জাতি পাষণ-হৃদয়,
 দেখে শুনে এ যন্ত্রণা তবু অন্ধ হয়,
 বালিকা যুবতী ভেদ করে না বিচার,
 নারী বধ ক'রে তুষ্ট করে দেশাচার ।
 এই যদি এ দেশের শাস্ত্রের লিখন,
 এ দেশে রমণী তবে জন্মে কি কারণ ?
 পুরুষ ছুদিন পরে আবার বিবাহ করে
 অবলা রমণী ব'লে এতই কি সয় রে ?

৪

কেঁদেছি অনেক দিন কাঁদিব না আর ;
 পুরাইব হৃদয়ের কামনা এবার ।
 ঈশ্বর থাকেন যদি করেন বিচার
 করিবেন এ দৌরাত্ম্য সমূলে সংহার
 অবিলম্বে হিন্দুধর্ম ছারখার হবে !
 হিন্দুকুলে বাতি দিতে কেহ নাহি রবে !
 দেখ রে, দুর্গতি যত চির শ্লেচ্ছ-পদানত-
 বিধবার শাপে হয় এ দুর্গতি হয় রে ।

৫

হায় রে আমার যদি থাকিত সম্পদ,
 মিটাতাম চিরদিন মনের যে সাধ ;
 সোনার প্রতিমা গ'ড়ে বিধবা নারীর,

রাখিতাম স্থানে স্থানে ভারত ভূমির ;
বিদেশের স্ত্রীপুরুষ এদেশে আসিত,
পতিব্রতা বলে কারে নয়নে হেরিত ।
লিখিতাম নিম্নদেশে “কি স্বদেশে, কি বিদেশে
রমণী এমন আর ধরাতলে নাই রে !”

সে ধন-সম্পদ নাই দরিদ্র কাল,
অনাথ-বিধবা-দুঃখ রবে চিরকাল
আমার অন্তরে গাঁথা ; যখন দেখিব
সুগন্ধ কুসুমে কীট তখনি কাঁদিব ;
রাহুগ্রাসে শশধর, নক্ষত্র-পতন
যখনি দেখিব, হায়, করিব স্মরণ
বিধবা নারীর মুখ ! হায় রে বিদরে বুক
ইচ্ছা করে জন্মশোধ দেশত্যাগী হই রে ।
ভারতের পতিহীনা নারী বুঝি অই রে ॥

ভারত-কামিনী

অরে কুলাঙ্গার হিন্দু ছরাচার—
এই কি তোদের দয়া, সদাচার ?
হয়ে আর্ধ্যবংশ—অবনীর সার
রমণী বধিছ পিশাচ হয়ে !

এখনও ফিরিয়া দেখ না চাহিয়া
ঈগতের গতি ভ্রমেতে ডুবিয়া—
চরণে দলিয়া মাতা, স্ত্রী, জায়া,
এখনও রয়েছ উন্নত হয়ে ?

বাধিয়া রেখেছ বামা রাশি রাশি
অনাথা করিয়া গলে দিয়া ফাঁসি,
কাড়িয়া লয়েছ কবরী, কঙ্কণ,

হার, বাজু, বালা, দেহের ভূষণ—
অনন্ত দুখিনী বিধবানারী ।

দেথরে নিষ্ঠুর, হাতে লয়ে মালা
কুলীন সধবা অনুচা অবলা
আছে পথ চেয়ে পতির উদ্দেশে,
অসংখ্য রমণী পাগলিনী বেশে—
কেহ বা করিছে বরমাণ্য দান
মূর্খুর গলে হয়ে স্মিয়মাণ
নয়নে মুছিয়া গলিত বারি ।

চারি দিকে হেথা ভারত যুড়িয়া,
সরসী-কমল যেন রে ছিঁড়িয়া—

কামিনী-মণ্ডলী রেখেছ তুলিয়া —
কোমল হৃদয় করেছ হতাশ,
না দেখিতে দেও অবনী আকাশ—
করে কারাবাস জগতে রয়ে ।

হরে কুলঙ্গার, হিন্দু ছুরাচার—
এই কি তোদের দয়া সদাচার ?
হয়ে আৰ্য্যবংশ, অবনীৰ সার,
রমণী বধিছ পিশাচ হয়ে ?

এখনও ফিরিয়া দেখ না চাহিয়া
জগতের গতি ভ্রমেতে ডুবিয়া—
চরণে দলিছ মাতা, স্ত্রী, জায়া,
ছড়ায়ে কলঙ্ক পৃথিবী-মাঝে !

দেখ না কি চেয়ে জগত উজ্জল
এই সে ভারত, হিমালী অচল,
এই সে গোমুখী, জমুনার জল,
সিন্ধু, গোদাবরী, সরযু সাজে ?

জান না কি সেই অযোধ্যা,
কোশল,
এই খানে ছিল কলিঙ্গ, পঞ্চাল,
অগধ কনৌজ—সুপবিত্র ধাম
সেই উজ্জয়িনী, নিলে যার নাম
ঘুচে মনস্তাপ কলুষ হরে ?

এই রক্তভূমে করেছিল লীলা
আত্রেয়ী, জানকী, দ্রৌপদী স্মশীলা,
ধনু, লীলাবতী প্রাচীন মহিলা—
সাবিত্রী ভারত পবিত্র করে ।

এই আৰ্য্যভূমে নীধিয়া কুস্তল
ধরিয়া কৃপাণ কামিনী সকল,

প্রফুল্ল স্বাধীন পবিত্র অস্তরে
নিঃশঙ্ক হৃদয়ে ছুটিত সমরে
খুলে কেশপাশ দিত পরাইয়া
ধনুদণ্ডে ছিল আনন্দে ভাসিয়া—
সমর-উল্লাসে অধৈর্য্য হয়ে—

কোথা সে এখন অসিভল্লধারী
মহারাক্ষ-বামা, রাজ্যোয়ারা নারী ?
অরাতিবিক্রমে পরাজিত হলে
চিতানলে যারা তহু দিত ঢেলে
পতি, পিতা, স্ত্রী, সংহতি লয়ে ।

বীরমাতা যারা বীরঙ্গনা ছিল,
মহিমা-কিরণে জগত ভাঙিল—
কোথা এর তারা—কোথা সে
কিরণ ?

আনন্দ-কানন ছিল যে ভুবন
নিবিড় অটবী হয়েছে এবে !

আর কি বাজে সে বীণা সপ্তস্বর
বিজয় নিনাদে বসুন্ধরা ভরা ?
আর কি আছে সে মনের উল্লাস,
জ্ঞানের মর্যাদা, সাহসবিভাস
সে সব রমণী কোথা রে এবে ?

সে দিন গিয়াছে—পশুর অধম
হয়েছে ভারতে নারীর জনম ;
নৃশংস আচার, নীচ ছুরাচার
ভারত-ভিতরে যত কুলঙ্গার
পিশাচের হেয় হয়েছে সবে ।

তবে কেন আজও আছে ঐ গিরি
নাম হিমালয়, শৃঙ্গ উচ্ছে ধরি ?
তবে কেন আজও করিছে হকার

ভারত বেষ্টিয়া জলধি দুর্বার ?
 কেন তবে আজও ভারত ভিতরে
 হিন্দুবংশাবলী শুনে সমাদরে
 বাস বাস্বীকি, বারিধারা ঝরে
 সীতা, দময়ন্তী, সাবিত্রী-রবে ?—

গভীর নিনাদে করিয়ে ঝঙ্কার,
 বাজ রে বীণা বাজ একবার,
 ভারতবাসীরে শুনায়ে সবে ।

দেখ্, চেয়ে দেখ্, হোথা একবার—
 প্রফুল্ল-কোমল কুসুম-আকার
 য়নানী মহিলা হয় পারাপার
 অকূল জলধি অকুতোভয়ে ।

ধায় অশ্বপৃষ্ঠে অশঙ্কিত চিতে
 কানন, কন্দর উন্নত গিরিতে—
 অপ্সরা-আকৃতি পুরুষ-সেবিতা,
 সাহিত্য, বিজ্ঞান, সঙ্গীতে ভূষিতা—
 স্বাধীন প্রভাতে পবিত্র হয়ে ।

আর কি ভারতে ওরূপে আবার
 হবে রে অজনা-মহিমা প্রচার ?—
 পেয়ে নিজ মান, পরে নিজ বেশ
 জ্ঞান, দস্ত, তেজে পূরে নিজ দেশ,—
 বীর-বংশাবলী-প্রসূতি হবে ?

এহেন প্রকাণ্ড মহীখণ্ড-মাঝে
 নাহি কি রে কোন বীরাত্মা বিরাজে—
 এখনি উঠিয়া করে খণ্ড খণ্ড

সমাজের জাল করাল প্রচণ্ড—
 স্বজাতি উজ্জ্বল করিয়া ভবে ?

চৈতন্য গৌতম নাহি কি রে আর,
 ভারত-সৌভাগ্য করিতে উদ্ধার ?—
 ঋষি বিশ্বামিত্র, রাঘব, পাণ্ডব,
 কেন জন্মেছিল মহাত্মা সে সব—
 ভারত যদি না উন্নত হবে ?

ধিক্ হিন্দুজাতি, হয়ে আৰ্য্যবংশ,
 নর কর্তৃহার নারী কর ধ্বংস !
 ভুলে সদাচার, দয়া, সদাশয়,
 কর আৰ্য্যভূমি পুতিগন্ধময়,
 ছড়িয়ে কলঙ্ক পৃথিবীমাঝে !—

দেখ না কি চেয়ে জগত-উজ্জ্বল
 এই সে ভারত, হিমালী অচল,
 এই সে গোমুগী, যমুনার জল,
 সিন্ধু, গোদাবরী, সরযু সাজে ?

জান না কি সেই অযোদ্ধা, কোশল
 এইখানে ছিল কলিঙ্গ পঞ্চাল ?
 মগধ, কনৌজ,—সুপবিত্র ধাম
 সেই উজ্জয়িনী—নিলে যার নাম
 ঘুচে মনস্তাপ, কলুষ হরে ?

এই রক্তভূমে করেছিল লীলা
 আত্রেয়ী, জানকী, দ্রৌপদী স্মরণী,
 খনা, লীলাবতী প্রাচীন মহিলা—
 সাবিত্রী, ভারত পবিত্র করে !*

ভারতে কালের ভেরী

[১২৮০ সালের চুক্তিক উপলক্ষ্যে]

১

ভারতে কালের ভেরী বাজিল আবার !
অই শুন ঘোর ঘন ভীম নাদ তার ।
ছুটিছে তুমুল রঙ্গে
আকুল অধীর বঙ্গে ;
উঠিছে পুরিয়া দিক্ প্রাণী-হাহাকার !—
বাজিল অকাল-ভেরী, বাজিল আবার ॥

২

চলেছে প্রাণীর কুল হের চারি ধার ;
চলে যেন পঙ্গপাল করিয়া আঁধার—
স্ববির বালক নারী
“হা অন্ন, হা অন্ন বারি”
বলিতে বলিতে ধায়, চক্ষে নীরধার ;
ধরাতলে চলে ধীরে কালীর আকার ।

৩

দেখ রে চলেছে আহা শিশু কত জন,
শীর্ণদেহ চাহি আছে জননী বদন ;
আকুল জননী তার
মুখ চাহি বার বার
অনিবার বারিধারা করে বরিষণ—
ভ্রমে যেন উন্মাদিনী অন্নের কারণ !

৪

হের দেখ পথিধারে বসিয়া ওখানে
পতির চরণে লুটি আকুল পরাণে,
বলিছে কামিনী কেহ,
“কই নাথ, অন্ন দেহ,
কালি আর চাহিব না, রাখ আজ প্রাণে”
বলিয়া ত্যজিল প্রাণ চাহি পতিপানে ।

৫

ছুটিছে যুবতী কণ্ঠা ফেলিয়া পিতায় ;
মা বলি ডাকিছে বৃদ্ধ, সকলি বুথায় !—
কেবা কণ্ঠা, কেবা পিতা,
কে জননী, কেবা মিতা—
অন্নদাতা, পিতামাতা, আজি বঙ্গালয়—
হের হেন কত জন আজি এ দশায় ।

৬

হের কত জন আহা উদর-জ্বালায়—
জননী ফেলিয়া শিশু ছুটিয়া পালায়—
তুলিয়া যুগল পাণি
শিশু ডাকে “মা মা” বাণী,
ক্ষুধায় জননী তার ফিরিয়া না চায়—
একাকী পড়িয়া শিশু পরাণে শুকায় ।

৭

চলেছে প্রাণীর কুল একরূপে আকুল ;
নৃত্য করে অনশন, মুক্ত করি চুল—
নৃত্য করে ভেরীনাথে,
ককাল তুলিয়া কাঁধে,
ধর্পর ধরিয়া করে করিছে ভ্রমণ—
দেখ বঙ্গবাসি, দেখ মৃগী কি ভীষণ !

৮

ছুটিছে নয়নে বহি ফুলিঙ্গ সমান ;
ফিরিছে উন্মত্তভাব উদ্ধার প্রমাণ ;
দস্ত-ঘরষণে শব্দ,
ভারতভূবন শুদ্ধ,
করাল বিকটগ্রাস মুখের ব্যাদান—
আকাশে উঠিছে সঙ্গ কালের নিশান

৯

কতই উৎসবপূর্ণ গৃহস্থ-আলয়,
নন্দিনী-নন্দন-রূপ, স্থখ পুষ্পময়,
আজি পূর্ণ কলরবে,
অচিরে নীরব হবে,

শকুনী বায়স কিষ্কা পেচক আশ্রয়—
ধরিবে শ্মশান-বেশ মৃত অস্থিময় ।

১০

কত সে জনতাপূর্ণ পণ্যবীথি, হায়,
এ রাক্ষস-অনাচারে হবে মরুপ্রায়—
ভীষণ গহন সাজ

ধরিবে পুরীর মাঝ,
পুরিবে বনের গুল্ম পাদপ লতায়,
ভ্রমিবে শার্দূল শিবা আনন্দে সেথায় ।

১১

আজি হাসি-ভরা মুখ প্রফুল্ল যে সব,
আজি স্থখপূর্ণ বুক আশার পল্লব,
কালি আর নাহি রবে,

শবদেহ হবে সবে,
শৃগাল কুকুরে মেলি করিবে উৎসব—
কর্ণমূলে গৃধ্র বসি শুনাইবে রব !

১২

কেমনে হে বঙ্গবাসি নিদ্রা যাও স্থখে !
ভাবিয়া এ ভাব, চিত্ত ভরে নাকি দুখে ?
নিজ স্ত্রী পরিবার

না জানিছে অনাহার,
ভাবিয়ে না চাহ কি হে অভুক্তের মুখে
স্বজাতি-শোকের শেল বিধে নাকি বুকে ?

১৩

প্রিয়ে বলি গৃহে আসি ধর যবে কর,
হয় না উদয় কিরে হৃদয়-ভিতর—
কত সতী অনাথিনী

পথে পথে কাঙ্কালিনী

ভ্রমিবে হতাশ হৈয়ে ত্যজি শূন্যঘর—
নাহি লজ্জা কুলমান, ক্ষুধায় কাতর !

১৪

ক্রোড়ে ধরি হের যবে কণ্ঠা পুত্রগণ,
ভাবিয়া জগত মাঝে অমূল্যরতন—
কত কি পড়ে না মনে

সেই সব শিশুগণে
অন্ন বিনে মরে যারা করিয়া রোদন,—
তাঁহারাও অইরূপ নয়ন-রঞ্জন !

১৫

হে বঙ্গ-কুলকামিনি আৰ্য্যা যত জন,
জান যারা পতি পুত্র পিতা সে কেমন—
ভাব দেখি একবার

বদন সে সবাংকার
ঘরে যারা প্রাতঃসন্ধ্যা করে দরশন
নিরন্ন বিষন্ন পতি, জনক, নন্দন !

১৬

এক দিন অনশনে দিন যদি যায়,
জান না কি বঙ্গবাসি, কি যাতনা তায় !
আজি সেই অনশনে

দারুণ হতাশ মনে
লক্ষ নর নারী শিশু করে হায়, হায়—
তবুও চেতনা কি হে নাহি হয় তায় !

১৭

ভাব অহে বঙ্গবাসি, ভাব একবার
কি কাল রাক্ষস আসি ঘেরিয়াছে দ্বার—
নাশিতে সে দুরাচার

বুটনের হুক্কার,
বুটশ কেশরী-নাদ শুন একবার—
ঘুমাইও না, বঙ্গবাসি, ঘুমাইও না আর ;
ভারতে কালের ভেরী বাজিল আবার ।

ইউরোপ্ এবং আসিয়া

আবার উঠিছে অই রণবাণ-ঘোষণা !
শোন হে ভারতবাসী
কি উল্লাস পরকাশি
হিন্দুকুশ-চূড়ে আজি বৃটিশের বাজনা !
এ নগ্ন দামামা, ডঙ্কা, বাঁঝারির বাননা ;
আতঙ্কে “আসিয়া” কাঁপে,
বাজিছে সমর-দাপে —
নাচারে বীরের পদ
ঢালিয়া উৎসাহ-মদ—
বাজিছে “বৃটিশ ব্যাণ্ডে” বিজয়ের বাজনা !
উড়িল পাঠান-রাজ্য ইংরাজের ফুৎকারে—
সমভূম ভস্ম ছার
অর্ধেক “বালাহিসার”
“স্বতরগদান্”-শিরে “হাইলগুর” বিহারে !
“সের আলি”, “ইয়াকুব,” “দোরানী” আফ্গানা
“ঘিলিজী”-“হেরাটী”-দল
পদে দলি ছোটে বল—
অস্বারোহী, পদাতিক,
“আইরিশ”, গুরুখা, শিখ,
পাহাড় পর্বত চিঁড়ে দউড়ে তোপখানা !
ইংরাজ আফ্গানে খালি নহে এ যোঝানা,
জানিহ ভারতবাসী
“ইউরোপ” “আসিয়া” আসি
এই রণ-তরঙ্গে ভাসি কৈল শক্তি-তুলনা !
তুলনা করিল শক্তি পুনরায় দু’জনে
হের তুরস্কের গায়
“প্লেভানা”-দুর্গ যেথায় ;
চমকি ধরণীতল
শিরে বাধি যশোজ্বল
লুটাইল “আসমান্” কসিয়ার চরণে !
লুটাইল “জুলুরাজ” পশুরাজ-বিক্রমে
যুঝিয়া ইংরাজ সনে
দুর্জয় সমর-পণে,
ঘুচাইয়া বঁগ্জাতি “আফ্রিকে”র বিষয়ে !
লুটে “গোলন্দাজ” পায় এখনও “জাভায়”

“আচিনী” সমর-প্রিয়
 হারায়ে সর্বস্ব স্বীয় !
 লুটিয়াছে বারবার
 ব্রহ্ম, পারসিক আর
 চীন, শ্যাম, আরবীয়,—ইউরোপের পায় !
 পূর্বে যথা হিমালয়-অধিবাসী-দেবতা
 করিল অসুরে জয়
 ঐশ্বরিক প্রতিভায়,
 যার তরে আৰ্য্যজাতি-গ্যাতি আজও জাগ্রতা
 সেই ঐশ্বরিক তেজে এ ধরণীমণ্ডলে
 উন্নত উন্নতি-পথে,
 সদা-সিন্ধু-মনোরথে,
 বিজ্ঞান বিদ্যুতভাসে
 দুর্জয় ছাতি প্রকাশে,
 চলেছে ইউরোপ-বাসী উপহাসি অচলে !
 বেঁধেছে পৃথিবী-অক্ষ লৌহপাত প্রসারি,
 পবনে শকটে বাঁধি
 চলেছে উড়িয়ে আদি,
 ফেলেছে ধরণী-পৃষ্ঠে লতা যেন বিপারি !
 শূন্য হতে টানি আনি উন্মাদিনী দামিনী
 আঞ্জাবহা করি তায়
 ঘুরাইছে বসুধায়,
 অগাধ অতল স্পর্শ
 সিন্ধুতল করি স্পর্শ
 খেলাইছে সে লতায় কিবা দিবা দামিনী !
 খুলিতে বাণিজ্য-পথ মিশাইছে সাগরে
 অন্য সাগরের জল,
 ভেদ করি মহীতল,
 ভূধর, বালুকামাঠ—দূর করি অন্তরে ।
 নদীর উপরে নদী সশরীরে তুলিয়া
 চলেছে দেখায় পথ—
 কোথা বা সে ভগীরথ !
 উপরে অর্ণবপোত
 ধারাবাহী বহে স্রোত—

হেমচন্দ্রের নির্বাচিত রচনাবলী

জঠরে প্রশস্ত পথ দুই কুল যুড়িয়া !
 কি গড়েছ, হে বিশাই, এ সবেয় তুলনা !
 দেবতার শিল্পী তুমি,
 হের দেখ মর্ত্যভূমি
 নির্ভয়ে চলেছে তব স্বর্গে দিতে লাঞ্ছনা !
 শোন হে গর্বিত বাণী কি বলিছে বদনে—
 শূন্য-পথে বায়ু-শ্রোতে
 চালাবে মারুৎ-পোতে,
 জলে যথা জলযান
 শূন্যে তথা ভ্রাম্যমাণ
 কর্ণ দণ্ড পাল তুলি গগনের গহনে !
 না দিবে থাকিতে রোধ ধরাতল আকাশে
 না কাটি “প্যানেমা”-চল
 সমস্ত তরণীদল
 “অতলস্ত”-সিন্ধু হ’তে উর্দ্ধে তুলি বাতাসে
 নামায়ে “শাস্ত্রসাগরে” পূর্বভাবে ভাসাবে !
 স্থির করি চপলায়,
 নগর-নগরী কায়
 ফুটায় সূর্য-আকারে,
 ঘুচায় নিশি-আধারে,
 ইচ্ছামত ক্ষণপ্রভা দামিনীরে হাসাবে !
 বল হে “আসিয়া”-খণ্ড-অধিবাসী যাহারা—
 অর্দ্ধভাগ ধরাতল
 তোমাদের বাসস্থল—
 কোন্ পথে—কি উদ্দেশে চলেছ হে তোমরা ?
 “ইউরোপ” ব্রহ্মাণ্ডজয়ী যে বীর্যের ধারণে,
 শরীরে কিবা অস্তরে
 কোন অংশ তার ধ’রে,
 বিরাজিছ এ জগতে ?
 সাধিতেছ কোন ব্রতে ?
 চলেছ কালের সঙ্গে কি চিন্তায় মগনে ?
 অদৃষ্টে নির্ভর করি নামিতেছ পাতালে !
 “ইউরোপ” বাধিছে সিঁড়ি
 আকাশ ভূধর ছিঁড়ি,
 কেবলি উর্দ্ধেতে গতি দিবা সন্ধ্যা সকালে !
 তোমাদের দিবা সন্ধ্যা প্রাতঃকাল রজনী

সকলি সমান জ্ঞান !—
 আছে কিনা আছে প্রাণ,
 অন্ধ অথর্বের প্রায়
 ডাক খালি বিধাতায়,
 বলিলে অদৃষ্টে দোষি তুষ্ট হবে তখনি ?
 কি দোষ রে বিধাতার—কিবা দোষ প্রাক্তনে
 কি'না, বল, দিলা বিধি ?
 করিতে ধরার নিধি
 বিধাতার সাধ্য যাহা দিয়াছে এ ভুবনে !
 দিয়াছে এতই এরে স্বপনে কখন
 “ইউরোপ” না হেরে তায় !
 বল হে কোথা সেথায়
 এমন পর্বত, নদ,
 এমন দারু, নীরদ,
 এত খনি-জাত ধাতু, এত শস্য-রতন !
 কোথায় সেখানে, হায়, হেন রশ্মি তপনে !
 এত জাতি ফুল ফল,
 এমন নিশি শীতল,
 দেখেছে পাশ্চাত্য কোথা হেন শশিকিরণে ।
 সকলি দিয়াছে বিধি অভাব যা কেবলি—
 আমাদেরি হৃদিতলে
 সে শ্বোত নাহিক চলে
 আশ্রয় করিয়া যায়
 পাশ্চাত্য আগুয়ে ধায়—
 বাঁচিতে—মরিতে, হায়, জানিনা রে কেবলি !
 অই দেখ জানে যারা করিতেছে ঘোষণা—
 শোন হে “আসিয়া”-বাসী
 কি উল্লাস পরকাশি
 “হিন্দুকুশ”-চূড়ে বাজে বৃটিশের বাজনা ।
 এ নয় দামামা, ডকা, বাঁঝারির বাননা ;
 আতকে মেদিনী কাঁপে,
 বাজিছে সমর-দাপে,
 নাচারে বীরের পদ,
 ঢালিয়া উৎসাহ-মদ—
 বাজিছে “বৃটিশ-ব্যাণ্ডে” বিজয়ের বাজনা !

॥ রঙ্গ ও ব্যঙ্গ ॥

বাঙালীর মেয়ে

কে যায় কে যায় অই উকিঝুঁকি চেয়ে ?
হাতে বালা, পায়ে মল, কাঁকালেতে গোট,
তাম্বুলে তামাকুরস—রাঙা রাঙা ঠোঁট,
কপালে টিপের ফোঁটা, খোঁপা-বাঁধা চুল,
কসেতে রসনা ভরা—গালে ভরা গুল,
বলিহারি কিবা শাটী ছুকুলে বাহার,
কালাপেড়ে শান্তিপুরে, কল্মে চুড়িদার,
অহঙ্কারে ফেটে পড়ে, চলে যেন ধেয়ে—
হায় হায় অই যায় বাঙালীর মেয়ে ।

হায় হায় অই যায় বাঙালীর মেয়ে—
মুখের সাপটে দড়, বিপদে অজ্ঞান,
কৌদলে ঝড়ের আগে, কথায় তুফান,
বেহন্দ সুখের সাধ—পা-ছড়ায়-বসা,
আঁচলের খুঁটি তুলে অঙ্গমলা-ঘষা !
নমস্কার তাঁর পায়—পাড়ায়-বেড়ানী
পেড়ি ভরা কুঁজডো কথা, পরনিন্দা গ্রানি,
কথায় আকাশে তোলে, হাতে দেয় চাঁদ,
যার খায়, যার পরে, তারি নিন্দাবাদ,
রসনা কলের গাড়ী চলে রাত্রি দিন,
ঘাড়েতে পড়েন যার—বিপদ সঙ্গিন,
খেয়ে যান্, নিয়ে যান্, আর যান্ চেয়ে—
হায় হায় অই যায় বাঙালীর মেয়ে !

হায় হায় অই যায় বাঙালীর মেয়ে—
ধারাপাতে মূর্ত্তিমান, চারুপাঠ-পড়া,
পেটের ভিতরে গজে দাসুরায়ী ছড়া !
চিত্রিকাজে চিত্রগুপ্ত—পিঁড়িতে আল্পনা,
হৃদ বাহাহুরি—“ছিরি”, বিচিত্র কারখানা !
অঙ্কশাস্ত্রে—বরকচি, গ্যালিলো, নিউটান,
গণ্ডা করি গুস্তে হ'লে জানের বাড়ী যান ;
পান্তেড়ে প'ড়োর মত অঙ্করের হাঁদ,
কলাপাতে না এগুতে গ্রন্থ-লেখা সাধ !

ক্ষীরপুলি, পায়ের, পীঠা, মিষ্টানের সীমা,
বলিহারি বন্ধনারী, তোমার মহিমা !

ভলো দুধে পুষ্টদেহ তেলে জলে নেয়ে—
হায় হায় অই যায় বাঙালীর মেয়ে !

হায় হায় অই যায় বাঙালীর মেয়ে—
সমুখে দুধের কড়া—কাঠিতে ঘোটন,
খোলা চুলে চুলো জ্বলে ধোঁয়াতে ক্রন্দন !
তপ্ত ভাতে ভরা হাঁড়ী বেড়ী ধ'রে তোলা,
মদগুর-মৎস্যের ঝোলে ধনেবাটা গোলা,
খাড়া বড়ী শাক পাতাড়ে বিলক্ষণ টান,
কালিয়ে কাবাব, রেঁদে দেমাকে অজ্ঞান !
শাখেতে পাড়িতে ফুক চূড়াস্ত নিপুণ,
ভলুধনি কোলাহলে চতুশ্চুখ খুন !
রান্নাঘরে হাওয়া খাওয়া, গাড়ী-মুদে-বাওয়া,
দেশশুদ্ধ লোকের মাঝে গঙ্গাঘাটে নাওয়া !
বাসরঘরে কুমুর কবি চখের মাথা পেয়ে,
প্রভাত হ'লে পিস্শাশুড়ী ঘোমটা মুখে ছেয়ে—
সাবাস্ সাবাস্ তোরে বাঙালীর মেয়ে !

ব্রতকথা, উপকথা, সৈঁজুতি-পালন,
কালীঘাটে যেতে পেলো স্বর্গে আরোহণ !
মেয়ে ছেলের বিয়ে পর্বে গাজনের গোল,
যাত্রা-সঙে নিদ্রাত্যাগ—ছেলে-ভরা কোল,
ভৃত পেরেতে দিনে ভয়, অন্ধকারে কাঠ,
শক্ত রোগে রোজা-ডাকা, স্বস্তায়ন. পাঠ,
তীর্থস্থানে পা পড়িলে আহ্লাদে পুঁতুল,
হাট-বাজারে লজ্জাহীনা, ঘরে কুঁড়ি ফুল !
গুঁড়িকাঠ, হুড়িশিলা, ভক্তিপথে নেয়ে—
হায় হায় অই যায় বাঙালীর মেয়ে !

হায় হায় অই যায় বাঙালীর মেয়ে—
রসের মরাল ঘেন জলটুকু ছেড়ে
দুধটুকু টেনে শ্রান আগে গিয়া তেড়ে,
চিনের পুঁতুলে সাধ, বাক্স টিনে পেটা !
“র্যাফেল”-বধা ছবিগুলি ঘরে দোরে সঁটা !
খেলায় দিগ্গজ কেঁয়ে, চোরের সদার,

হেমচন্দ্রের নির্বাচিত রচনাবলী

লুকোচুরি ষমের বাড়ী—লপাট করে ঠার !
 আয়েস্ খালি খোঁপা বাঁধা, নর বিননো ঝারা,
 হৃদ হলো কচি ছেলে টেনে এনে মারা !
 কার্পেটে কারুচুপি কাজ কারু নব্য চাল,
 ঘরকন্নায় জলাঞ্জলি ভাত রাঁধতে ডাল !
 নিজে ঘাটে, অস্ত্রে দোবে, মুক্শাপটে দড়,
 হুকুতে হারিলে কেঁদে পাড়া করে জড় ;
 বাঙালী মেয়ের গুণ কে ফুরাবে গেয়ে—
 হায় হায় অই যায় বাঙালীর মেয়ে !

হায় হায় অই যায় বাঙালীর মেয়ে—
 মুহু মুহু হাসিটুকু অধরে রঞ্জন,
 সাবাস্ সাবাস্ নাক চোকের গড়ন ;
 কালো চুলে কিবা ঘটা, চোখে কাল তারা,
 দেখে নাই যারা কভু দেখে যাক তারা !
 ভাসা ভাসা খাসা চোখ তুলি দিয়ে আঁকা,
 তা উপরি কিবা সরু ভুরুয়ুগ বাঁকা !
 থমকে থমকে থির গতি কি সুন্দর,
 হাসি হাসি মুখখানি কিবা মনোহর !
 আহা আহা লজ্জা যেন গারে ফুটে আছে—
 কোথা লজ্জাবতী তুই এ লতার কাছে ?
 চক্ষু যদি থাকে কারো তবে দেখো চেয়ে—
 হায় হায় অই যায় বাঙালীর মেয়ে ।

সাবাস হুকু আজব সহরে

ছেলাম টেম্পল্ চাচা, আচ্ছা মজা নিলে ।
 ভোজং দিয়ে, ভোটিং খুলে, মিউনিসিপাল বিলে
 ফ্যাক্ট বলি, সহর যুড়ে ভারি আড়ম্বর ।
 একটু জারি হবে নৃতন, পয়লা সেতম্বর ॥
 বন্দিহারি সুবেদারি সুসভ্য কেতার ।
 ভেঙ্কিবাজি ইংরাজের হৃদ মজা হায় !

ফুরায় আগষ্ট নিশি একত্রিশা বাসরে ।
 সহরে পড়িল চক, পুরু ঘরে ঘরে ॥
 শয্যা ছাড়ি রাতারাতি না হইতে ভোর ।
 বাসাড়ে, বাসিন্দা, বেওয়া, বেঞ্জা করে মোর ॥
 প্রাতঃকালে জারি হবে নূতন আইন ।
 ফ্রেম্ব বাধা “ক্রান্‌চাইসে” নেটিব স্বাধীন ॥
 কেরাগী, কারিন্দা, ক্লার্ক, মুচ্ছুদি, দেওয়ান ।
 মোজা, মুদি, মিউনিসিপেল বেঞ্চে পাবে স্থান ॥
 সহর খোঁড়া কলের কাটি নেটিব প্রজার হাতে ।
 দেখবো জারি বাহাদুরী কল্যা দিবা প্রাতে ॥
 দর্প ক’রে দুপুর রেতে “ক্যাণ্ডিডেট” যত ।
 ব্যস্ত হয়ে, রস্তা খুলে, সজ্জা করে কত ॥
 বনেদি বাবুর বাড়ি টোটাবাতি জলে ।
 গ্যাস লাইটে ফ্লাইন আলো আধুনী মহলে ॥
 উকিল, এটর্নি, মুদি, পোদ্দারের ঘরে ।
 রেড়ির তেলে আলো জ্বলে, পিরান পোষাক পরে ॥
 খোসপোষাকে সজ্জা করি বহাল তবিরং ।
 স্বর্ণ চাঁপা স্মরণ করেন, সভ্য তবিরং ॥
 দুর্গা, কালী, শিব নাম শিকেয় তুলে রাখি ।
 সিদ্ধ হ’ন ফুলকুমারী, কিরণায়ী ডাকি ॥
 বিল্বপত্র বিনিময়ে “বটন হোলে” আঁটা ।
 শ্রীমতীর কুস্তলের বাসি ফুলের বোটা ॥
 হৃদ জপ পদমুখে গন্ধ শুঁকি সুখে ।
 মদ ঘান “মোনী শিয়াল” হতে, ছাতি ঠুকে ॥
 কোন বা বাবুজী বালা-সহিত বাগানে ।
 চক্ষু রাঙা, ওঠেন বেড়ে ভোরের কামানে ॥
 চোগা, ঘড়ি, টুপি, ছড়ি টাঁকিয়া চাপকান ।
 গড়াগড়ি পায়ে ধরি, নাছোড় বিবিজান ॥
 ছাঁদন দড়ি বাহুলতা, ছেদন কঠিন ।
 বাবুজী ভয়েতে ভেকো, বদন মলিন ॥
 দুঃখ দেখে মায়াবিনী বাধন দল খুলে ।
 টপ্পা গেয়ে তেরিয়ান উঠিলেন ফুলে ॥
 কয়ালে মুছিয়া মুখ ঝাড়িয়া চাপকান ।
 “দেহি পঙ্গপঙ্গব” — বলিয়া প্রস্থান ॥

কোথাও কর্কশ কথা, বিষম ব্যাপার ।
 কর্তাটি বলেন, খেপি, তলব রাজার ॥
 প্রত্যাষে হাজির যদি না হইতে পারি ।
 সর্বনাশ হবে, খেপি, পর্ব আজ ভারি ॥
 দয়াল দাদা “রয়াল” চড়ে যাচ্ছে করে জাঁক ।
 কম্বকতি, ওকত গেলো, তক্ত যাবে ফাঁক ॥
 ব’লে, আঁচল খুলে একদাপটে পগার হলো পার ।
 ঘোষণা খুড়ী অবাক ভেবে ভোটের ব্যাপার ॥
 পীরবন্ধ, রামগোবিন্দ, নব্য ভোটের যত ।
 “ক্রান্চারিসে”র ফ জানে না, ভয়ে বুদ্ধিহত ॥
 সারা রাত্রি বসে জাগে ভোটের রগড়ে ।
 হৃদ তরিবৎ পায় মশার কামড়ে ॥
 হগের হুকুম শক্ত, সময় যদি বয় ।
 চাবুকে করিবে লাল, সদা প্রাণে ভয় ॥
 পরিবার, পুত্র, কন্যা হাহাকার করে ।
 সাবাস হুজুক আজ আজব সহরে ॥
 সবাই তুফান ভাবে, ভয়ে হবুথবু
 কবি বলে, “সাধন বিনে সভ্যতা কি কভু ॥”
 “ভোটিং হলে” মিটিং এবার ঘোটে কত লোক ।
 কেহ গোরো, কেহ দুধে, কেহ কৃষ্ণ জেঁক ॥
 বাঁকা তেড়ি, হাতে ছড়ি, একলেঠে গড়ন ।
 কামিজ-আঁটা নধর বাবু নাগর কোন জন ॥
 কেহ বা দোমেটে গাঁদা, কেহ ঘেঁটুরাজ ।
 মাথাছাঁটা মেইদি কেহ, কেহ সিমুল ভাঁজ ॥
 গাড়ি গাড়ি নামে বাবু, বণিক, কেরাণী ।
 কাঁড়ি কাঁড়ি ক্যাণ্ডিডেট, ফ্রেণ্ডের কোম্পানি ॥
 কেহ চড়ে যুড়ি ফেটিন্, কেহ আপীস্-যানে ।
 কেরাঞ্চি কাহারো ভাগ্যে, কারো বা ঠন্থনে ॥
 কেহ বা আড়ানি তোলা “ব্লাক্‌বুটে”র ছাল ।
 কারো শিরে “প্যারাসল্” বিবিয়ানা চাল ॥
 “এল্‌বো” ঠেলে “হলে” ঢোকে সেথো লয়ে সাং ।
 ইংরেজী ধরণে গতি সাবাস্ ক্যাবাং ॥
 “মার্চ” করে পিছে পিছে ভোটের ভায়ারা ।
 আগে আগে ষষ্টিধারী ফুলিস্ পাহারা ॥

কেন্দে বলে ছ'সিয়ার ভোটর সে কোনো ।
 ছেড়ে দেও "দণ্ডবিধি," কাণ্ড কি তা শোনো ॥
 ঘরে আছে পাঁচটি ছেলে, একা রোজগারী ।
 আমার ওপর বিনি দোষে "পত্নর" কেন জারি ?
 "ফরণ চীজ্" চাই না বাবা ছেড়ে দাও যাই ।
 ঘরের খেয়ে, বনের মোষ কি হেতু তাড়াই ॥
 তার সঙ্গে অন্য কেহ বলে কিন্তু হয়ে ।
 ষমের ঘরে আমাদের কেন যাও বয়ে ॥
 আমীর উজীর ওরা, কেহ বা মনিব ।
 ওদের সাথে পরবো কিসে আমরা গরিব ॥
 ভোটের লড়াই এমনধারা আগে জানে কেটা ।
 তা হলে কি ধরা দিয়ে ভুগি এত লেটা ॥
 কান্নাকাটি, ঝটাপটা, কত করে সোর ।
 "হগের" পুণ্যে কত পিণ্ডি—পুলিসের জোর ॥
 "বার্টন" গুঁতোর চোটে তোলে ভোটের কলে !
 মশ্ব "হীটে" চশ্ব ফাটে, ভাসে ঘশ্বজলে ॥

বার খাড়া দুই দল "হলের" দু ধারে ।
 মধ্যস্থলে মধ্যবর্তী "সাইন" হাঁকারে ॥
 "ইলকটর" "ক্যাণ্ডিডেট" হবে জেঁকাজুঁকি ॥
 পল্লিবাসী "ফ্রেণ্ড"দের গাত্র শোঁকাওঁকি
 কোথায় ঈশ্বর গুপ্ত তুমি এ সময় ।
 চতুর রসিকরাজ চির রসময় ॥
 দেখিলে না চশ্বচক্ষে হেন চমৎকার ।
 বজের গোগৃহ-রজ ব্যজের বাজার ॥
 কিছু কাল যদি আর থাকিতে হে বেঁচে !
 "লিবার্টি"র জন্ম দেখে কলম নিতে কেঁচে ॥
 মাজাতে কতই রঙে নব্যতন্ত্র সঙ্ ।
 তসর গরদ, গজে ঢালতে কত রঙ ॥
 বলতে কেমন পাকা গোঁফে কলপ শোভা পায় ।
 বলিহারি জরির টুপী বুড়োর মাথায় ॥
 ঝুঁটিদার মোড়াসার আশা কিবা ঘট ।
 বা(ও)য়াস্তুরে শিরে তাজ, কুরুক্ষেত্র ছটা ॥
 ঘুণধরা বনেদি বুড়ো, শিরে ত্যাড়া টুপী ।
 লেস্ বসানো "বেলাক্ ক্যাপে" ঝোলে 'শিক' থুপী ॥

হেমচন্দ্রের নির্বাচিত রচনাবলী

অপরূপ শোভা, আঁহা, বাবরিছাঁটা চুলে ।
 "শশানশায়ী কান্ত হেরি কান্তা বাবে তুলে ॥
 সার্ম্ভার স্ককাশি, মোড়ারীর ফের ।
 যোগলাই কুহুচির মাথা ধরা ঘের ॥
 "ব্লাক হ্যাট", "ফেল্ট" টুপী, বোঁধেঁরে লঠন ।
 লাইন ষাধা সারি সারি "জাইন্" কেমন ॥
 বাজালী বাবুর সাজ আমার চখে বালি ।
 নকলে মজবুৎ বন্ধ, আসলে কাঙালি ॥
 ফর্দ হাতে মধ্যস্থলে মধ্যস্থ দাঁড়ায় ।
 মেঘর বাছনি হলে "ব্যাটন" হেলায় ॥
 ভোটর ধরে "আঙ্ক" করে তুমি কারে চাঁও ?
 কোনজন বলে, সাহেব, ঐটি আমার দাঁও ॥
 কেঁড়ে কেতাব উড়ে কীত্তি, বগলে যাহার ।
 এলেম-ভরা, "ডি এল" মারা পছন্দ আমার ॥
 "রাইট" বলে "ব্যাটন" তুলে বাছন্দার চায় ।
 "ইলকটর" অন্ত জনে ইঙ্গিতে শুধায় ॥
 সে জন বলে পরিপক্ব ধামা কালো জাম ॥
 "নিগর-কুলে" কালাচাঁদ ঐটি নেব হাম ॥
 একতুরূপে, টেকা মেঁরে, "বোঁয়াম্" করে বসেছে !
 "অস্থল" থেকে "অনারেবেল," আর কে অমন আছে ॥
 হেসে পুনঃ "আপীসার" "ব্যাটন" ধরে তুলে ।
 বৈষ্ণব ভোটর বলে মনের কথা খুলে ॥
 আমি লবোঁ রাঙা অই মুরলী রসিক ।
 রস-ভরা মুখখানি, হাসি ফিক্ ফিক্ ॥
 মাথা ঘুরে পড়ে হেরে নয়নের ঠার ।
 অমন স্মরণ ছেলে কোথা পাব আর ॥
 বলিছে ভোটর কোন অই বেঁ ও-সেঁরে ।
 ছাঁটা গৌঁধ কাঁচা পাকা, ঘটা করে ফেরে ॥
 দোহারী চেহারী খাসী, চোগা বুটিদার ।
 টাকার আঙুল উঠি "ফেঁওঁর" ভাঁড়ার ॥
 দানাদার দাঁতা তবু "পর্স" নহে "লুন্" ।
 ঈশপের উপন্যাসে অই সে "গোল্ড গ্ল" ॥
 গিনি-কাঁটা খাঁটি সোঁণা, আছে "টুক" রিং ।
 দেখে শুনে নিতে হলো "ছাঁট ঈজ দি বিং ॥"

কেহ বলে আমি চাই অই সূত্রাঙ্গণ ।
 পাকা দাড়ী,—সাদা চুল, ঋষিটি যেমন ॥
 বিয়ের জাহাজ বুড়ো, বুকের নবীন ।
 খীটানের মুখপাং, চোখামো সজিন ॥
 আমার পছন্দ অই খীটভেখারী ।
 সাপোটে দিলাম ভোট, জিতি আর হারি ॥
 “হোরী” দিয়ে, হেনকালে, তোকে দেখি “হল” ।
 ভদ্রিতে বুঝি তারা উকিলের দল ॥
 চমকে চমক ভাঙে, “টীন্ট” হ’তে নামি ।
 “এন্ট্রান্স” আটক করে দাঁড়াই গিয়া আমি ॥
 সকলের আগে এক মর্দ দিল সাড়া ।
 দিগ্গজ ছ’ হাত, যেন তালের কাড়ি খাড়া ॥
 আদপাকা চুলেতে তেড়ি, বুকসে বাগানো ।
 “পারফিউমে” ভরা কেশ, ক্রমালে ছড়ানো ॥
 সখের প্রাণ, শাদাশিদে, বলছে যেন হাসি ।
 “দেল্দারিতে” খ্যাতি আমার, আর সকলি বাসি ॥
 “সেকেন্” করে ছাড়ি তারে অল্প কথা নাই ।
 হীরে বাধা হৃদয়খানি, এটি আমি চাই ॥

এবার টিকিট হেরে হাসি নাহি ধরে ।
 লেখা তাতে গোটা গোটা ছাপার অঙ্করে ॥
 গণিত, গায়ক, গাড়ী, “চটকে মসুর” ।
 হিঁচুরামী হেকমতে হক বাহাদুর ;
 বারো মাসে তের পর্ক, বাই, খেমটা নাচ ।
 “হেল্ধ্” ভালো, চিরকাল ঢালাই করা ছাঁচ ॥
 রাষ্ট্র জুড়ে “ফাট” খ্যাতি, ডকা মারা নাম ।
 সর্ব ঘটে অধিষ্ঠান, বর্ণচোরা আম ॥
 দুই “পাস” একেবারে শূণ্ণেতে উত্থান ।
 এইবার রক্ষা কর মুঞ্চিলে আসান ॥
 দুই বাঙালে এক সঙ্গে “হলে” যেতে চায় ।
 কারে রাধি কারে ছাড়ি, পড়ি ঘোর দায় ॥
 এক বাহাদুর “হকে” ভারী বক ফাঁপা পেট ।
 হাকাদেচ ককিকটি অল্প ক্যাণ্ডিডেট ॥
 ছিপ্ ছিপে বাঙাল বাবু রাগেতে ফোপায় ।
 হুদো-পেটা হুঁদো দাদা মজবুৎ কথায় ॥

রাকাড়ে রাকাড়ে ওটে কন্দলের ঝড় ।
 হাঁকাহাঁকি চেঁচাচেঁচি, বেহুদ বেগড় ॥
 বিদুকুটে বাঙালে গোসা বড়ই বালাই ।
 আহেলী বেলাতী বোল, আনকোরা ঢাকাই ॥
 গরম গরম আচ্ছা রকম ইংরাজি ফোড়ন ।
 ভাসুচে তাতে মাধু ভাষা, মিষ্ট বিলক্ষণ ॥
 ভোটিং গেল ভ্যান্সা হয়ে, “ফ্রেন্সিপ্ কুল” ।
 কবি বলে দুজনাই “ডাউন রাইট ফুল” ॥
 “অনর্” বজায় কত্তে হলে, ঘুষি সাকাই চাই ।
 “ভল্গার” ব্যবস্থা কেন কথার লড়াই ॥

আলীপুর যুড়ি জুড়ি গাডীতে ছয়লাপ ।
 চোপদার, চাপরাসি, ভূতা, কটিকষা চাপ ॥
 পেগম্বর জমিদার, গোস্ব রদি রাজা ।
 শিঙ্ক, সাটিন্, গরদ, চেলি, চাপকানেতে ভাঁজা ॥
 গলবস্ত্র সেক্রেটার সাহেবানে ঘেরে ।
 “পাইমেন্ট” পাস পাইতে দ্বারে দ্বারে ফেরে ॥
 কেহ বলে খোদাবন্দ দুই লক্ষ আয় ।
 কেহ বলে “ভারত-তারা” আমার গলায় ॥
 কেহ বলে আমার “ফনে” ব্যাক খাড়া আছে ।
 কেহ বলে “ফ্যামিন্ ফনে” অনেক টাকা গ্যাছে
 “মা বাপ” সাহেব তুমি রক্ষা কর মান ।
 নৈলে ঘরে ফিরে গেলে, বোঁচা হবে কাণ ॥
 অতি বুদ্ধ পিতামহের খেলাৎ তুলে কেহ ।
 বলে সাহেব, সবার আগে আমার “পাস্” দেহ ॥
 কেহ বলে কৃষ্ণদাস আমার প্রতিবাসী ।
 খোদাবন্দ ফেল্ কল্লে পাড়া শুদ্ধ হাসি ॥
 মৌলভী বলেন আমি মুসলমানের চাই ।
 হুজুর যেন ইয়াদ থাকে, বান্দার দোহাই ॥
 নবাব বলেন আমি নমুদী উজীর ।
 হকিয়তে আমার হক্ ফিদ্ বি হাজির ॥
 ফেসাদ করে, কত সেধে, মাথা কুটে, কেঁদে ।
 একে একে ফেরেন সবে জয়পত্র বেঁধে ॥
 বাঙ্গালার বন্দনীয় ষত অবতার ।
 বলিহারি বঙ্গবাসী তারিপ্ তোমার ॥

নগর ভিতরে হেথা নাগরীর হাট
 নবীন তরঙ্গ তুলে করে কত নাট ॥
 বাছনি “ভোটিং হলে” নাচনি পাড়ায় ।
 ব্যঙ্গভরা বামাসুরে শ্রবণ যুড়ায় ॥
 বিবিয়ানা তেরিকাটা তরুণ তরুণী ।
 তেফেরা সাড়ীতে বেড়া, গজের উড়নি ॥
 “রুজ” মাথা মুখখানি, পাখা নিয়ে হাতে ।
 গরবে গজেন্দ্রগতি ঘুরিছেন ছাতে ॥
 উদ্দেশে কাহারো বলে ভাল বুকের পাটা !
 মিউনিসিপেল কমিসনর হবে আবার সেটা ॥
 মেগের হাতে রাঁড়া কলি, পেগের বড়াই খালি ।
 বাগীচা, বাগান, বোট, নাই একটি মালী ॥
 সে আবার হইতে চায় ভোটের মেসার ।
 পোড়া কপাল, কালামুখ, ধিক্ ধিক্ ছার ॥
 বাড়ীর নিকট ছাতে, সাড়ী কালাপেড়ে ।
 আঁচলে চাবির খোবা ঝোলে গলা বেড়ে ॥
 বসিয়া জনেক রামা “উলেন্” বিনায় ।
 সিঁথিতে সিন্দুরছটা চাঁদের শোভায় ॥
 শুনে কথা, মরালের মত মাথা তুলে ।
 বলে হায়, হাসি পায়, যম আছে ভুলে ॥
 কড়িতে কি ঘোটে মান, বড়িতে গিচুড়ি ।
 গুড়েতে কি খাজা হয়, এক আঙ্গুলে তুড়ি ॥
 আঙ্গটি, ঘড়ির চেন, বানরে কি সাজে ।
 আমার ভাতার হলে, আমি পালাতাম লাজে ॥
 হরপের এক অক্ষর ষার বটে নাই ।
 সে হবে মেসর ! তার মেগের মুখে ছাই ॥
 কোন গবাক্ষের কাছে রমণী আহ্লাদে ।
 লক্ষ্য করি অশ্রু জনে কথা কহে ছাঁদে ॥
 কিপ্ টে ভাতার, কেয়া কাঁটা, কুম্ড়া বলিদান ।
 মুখ মিষ্টি মধুপর্ক, সকলি সমান ॥
 সে বলে তলানি, জানি পুরুষ বড দাতা ।
 লম্বা কঁোচা পরের কাছে, ঘরে ছেঁড়া কাঁথা ॥
 বল্যে—পালটা গেয়ে, আন্তা-মাথা পা দুখানি তুলে
 আয়না ফেলে, জান্লা দিয়ে, চম্বো খোলা চুলে ॥

কবি কহে “ফিমেল” বাছাই হয় যদি কখন ।
বাহুনির বাহাছুরী দেখাব তখন ॥

পোলিং শেষে হাজ্জরে ডাকা, পরক্ ভারী দড় ।
বাছাই করা মেঘরেরা কাউশ্লেলে অড় ॥
কাগজ হাতে, হগ্ বাবাজী, হাকিমি ধরণ ।
একে একে, ডাকের সব্ ত্যাড়া উচ্চারণ ॥
নবাব নমুদ আলী, খান্‌সারা গোলার,
রায় রাজেন্দ্র, শ্রীরাম বুগী ? উত্তর—“সেলাম”
কুমার ভেকেন্দ্রকট, কামাই নাজির,
সাহেবজাদা সেকেন্দর ? উত্তর—“হাজির” ॥
নাশিত নদেরচাঁদ, পদ্মবাহাছুর,
ছিদাম আলী, শ্রীধর মূচী ?—“হাজির হজুর” ॥
রামজয় চেতনদ্বী, নবি বর্কন্দাজ,
আনারবেল শিষ্টদাস ?—“গরিব মমাজি” ॥
প্যাগছুর “সি, এস, আই,” পরেশ তৈনৎ,
শ্রীরাম মস্তকি হায় ? “সাহেব দস্তবৎ” ॥
মোলভী তালিম্ মির, ইঞ্জেন্দ্র পিরালী,
ঘড়েল সাবুই বাগ্ ?—“হাজির হজুরালি” ॥
ডিপুটি মফর বঙ্গ, সৈয়দ নবিস্তে,
জো হুকুম শিরপ্যাচা ?—“আপ্‌কি শুয়াস্তে” ।
হাজ্জরে ডেকে, সাহেব গেল যাত্রা ভড় গোল !
হল্লা দিলে ছুটলো পাছে তারুই মাঝের “শোল”
কৌলীকুলি, গলাগলি, “সেকেনে”র ধুম ।
মিউনিসিপেল বঙ্গ দেখে, আকোল শুডুম ॥

নেভার—নেভার

[রচনা ১৮৮০ খ্রীষ্টাব্দ, ইন্টার্ট বিল উপলক্ষে]

(১)

গেল রাজ্য, গেল মান, ডাকিল ইংলিশম্যান,
ডাক ছাড়ে ব্রানশন্ কেতয়িক মিলার—
“নেটিবের কাছে খাড়া, নেভার—নেভার !”

“নেভার”—সে অপমান, হতমান বিবিজান,
 নেটিবে পাবে সন্ধান আমাদের “জানানা ?”
 বিবিজান্ ! দেহে প্রাণ কখনো তা হবে না ॥
 হিপ্ হিপ্ হিপ্ হরে ছাট্ কোট্ বুট্ পরে
 সরা ভাবে জগতেরে— তাহের বিচার
 নেটিবের কাছে হবে ?—“নেভার—নেভার” !!

“নেভার”—সে অপমান হতমান বিবিজান,
 নেটিবে পাবে সন্ধান আমাদের “জানানা ?”
 দেহে প্রাণ, বিবিজান ! কখনো তা হবে না ॥

(২)

কাপিল মেদিনীভল, ধরা ষায় রসাতল,
 অস্ত্র ফেলে উল্কাবর্ষে “ভলেশিয়ার” ছুটেছে,
 কাগজ কলম ধরে কামিনীরা উঠেছে !!
 হরে হিপ্—হরে হো, শিঙে বাজে ভৌ ভৌ ভৌ—
 বুটন স্বাধীন সদা “ক্রীডম্—এভার ।”

(৩)

বিলাতি বুধের রব কামিনী খেপিল সব,
 বলভের কাছে গিয়া কাণে দিল পাক,
 পুচ্ছ তুলে নৃত্য করে অতুল আনন্দভরে
 ডাকিল বুটিষ-বুষ্ গাঁক্ গাঁক্ ডাক ॥
 হরে হিপ্—হরে হো, শিঙে বাজে ভৌ ভৌ ভৌ—
 বুটন স্বাধীন সদা—“ক্রীডম্—এভার ।”
 “নেভার”—সে অপমান হতমান বিবিজান
 নেটিবে পাবে সন্ধান আমাদের “জানানা ।”
 দেহে প্রাণ বিবিজান, কখনো তা হবে না ॥

(৪)

আয় রে ফিরিদি ভাই সিন্ধুপারে চলে ষাই
 সেখানে “লিবার্টি হল” আমাদেরই সভা ।
 পাত্র মিত্র যত জন সকলেই গবা !—
 বুঝাইব খাঁটি হাল আছিলাম এত কাল
 হিন্দুদেশে ভালবেসে হিন্দুর সম্মানে,
 সিংহ বেন যুগ কোলে স্বর্গের উত্তানে !!

হরে হিপ্—হরে হো—শিঙে বাজে ভেঁ ভেঁ ভেঁ—
 বৃটন স্বাধীন সদা “ফ্রীডম্—এভার ।”
 হরে হিপ্—হিপ্—হরে, হাট কোট বুট পরে
 সরা ভাবে জগতেরে তাদের বিচার
 নেটিবের কাছে হবে?—“নেভার—নেভার !”

(৭)

কলরবে কুতুহলী নেটিবের দল ।
 জনবুলে দেখাইল শিঙভাড়া কল ॥
 দেখাইল বাড়ী গাড়ী জুড়ি বাছা বাছা ।
 “ম্যাঙ্গে ফিশ” মনোহর আনন্দের খাঁচা ॥
 ছড়া ছড়া পরিপকু তাজা মর্তমান ।
 দেখিলে ইংরেজ যাহে সদা মুগ্ধপ্রাণ ॥
 দেখাইল রত্নগর্ভা বাঙ্গালার স্রবা ।
 মাদ্রাজ বোম্বাই দেশ চক্ষুমনোলোভা ॥
 রত্নমঞ্চ “রেসিডেন্সি” দেখাইল কত,
 জলিছে ভারত জুড়ে মানিক পর্বত !
 চলেছে তাহার তলে এদেশী রাজারা,
 পৃষ্ঠপরে শ্বেতকায় রানীর প্রজারা !!

হরে হিপ্—হরে হো শিঙে বাজে ভেঁ ভেঁ ভেঁ
 বৃটন স্বাধীন সদা “ফ্রীডম্—এভার ॥”

(৮)

হঠাৎ পড়িল ডাক সামাল সামাল ।
 বলি শোন্ ওরে ভাই ইংরেজছাবাল ।
 এ রাজত্ব ছেড়ে আর কোথা যাবি বল ?
 চির শিক্ষা বৃটনের পৃথিবীর লুট—
 ভারত ছাড়িয়া যাবো—টুট টুট টুট !!
 ধূপছায়া ভায়ারা সবে শোন তবে বলি,
 আরমেনিয়া যাও হে কেহ—কেহ চুণাগলি ॥
 স্পষ্ট কথা বলা ভাল বিপ্ল বড় ভারি—
 “মিল্চ্ কাউ” ইণ্ডিয়ারে ছেড়ে যেতে নারি !!
 সবাই মিলে “অ্যা হেম্” বলে পকেট পানে চায়,
 উচ্চতানে ধীরে ধীরে গায় গায়—

হরে হিপ্—হরে হো—শিঙে বাজে ভেঁ ভেঁ ভেঁ
 বৃটন স্বাধীন সদা—“হেথা ফরেভার” ॥
 হিপ্ হিপ্—হিপ্ হরে হেথা ছেড়ে যাব ফিরে ?
 “ড্যাম্ দি নেটিব বিল” “নেভার—নেভার !!”

হায় কি হলো ?—

(১)

হায় কি হলো—কলম ছুঁতে হাসি এলো ছুঁয়ে !
ভেবেছিলাম—মনের কথা বলুরো ছাতি ঠুকে !
এলো হাসি—হাসিই তবে, ঢেউ খেলিয়ে চ'লো
ছড়াক খানিক রসের কথা—“হায় কি হলো” বলো !

(২)

হায় কি হলো দেশের দশা রিপণরাজার তুরে ?
সাদা-কালো সমান হবে,—সবার মৃত্যু ঘুরে !
আসল কথা রইল কোথা, কেউ না সেটা খোঁজে ;
কথার লড়াই, কথার বড়াই,—হাওয়ার সঙ্গে ঘোঝে !
সফেদ-কালো মিশ খাবে না, সমান হওয়া পরে !
নাচের পুতুল হয় কি মানুষ তুলে উচু ক'রো ?

(৩)

হায় কি হলো—পেটের কথা বেরিয়ে গেল কত !
ইস্কক মে লাট টমসন,—বেরাল ইঁদুর যত—
ব'ল্যে দিলে “রাষ্ট্র ক'রো গুপ্ত প্রেমের কথা,”
নেটিভদিগের উচ্চপায়া, সেটা কথার কথা !
ধন্যভীতু এ দিনীও তাদের ভিতর ছিল,
পষ্ট কথা ব'ল্যে দিলে “পুরস্কারি” নিল !

(৪)

হায় কি হলো—কত লোকের ভ্রমটা গেলো ঘুচে,
বিলেত ফেরা এ দেশীতে তফাৎ নাইক ছুঁচে,
যতই বলুন, যতই শিখুন তাদের চলন চাল,—
ইংরাজেরা ভোলে না তার,—হায় রে কলিকাল !

(৫)

হায় কি হলো—কপাল পোড়া উমেদারের পেসা
পড়লো চাপা, জাঁতার তলে—সাহেব বড় গোষা !
অন্ন গেলো বাঙালিরই, আর কি হলো তার !
এ পোড়া ছাই “ইন্বার্ট বিল্” কেন হায় হায় !

(৬)

দেশের দশা হায় কি হলো—বিলেত গেলো রমা,
তিন দিন না যেতে যেতে—খীষ্ট ভজ্জ, ওমা !
পুরুষ পাছে মেয়ে আগে—সুফল তাতে ফলবে না,
চাই এ দেশে, আর কিছু দিন, এ দিশী “জানানা” !

(৭)

হায় কি হলো—আকাল এলো আবার ধ্বজা তুলে,
রাজার গুণ্যে প্রজার কুশল—লেখাই আছে মূলে !
তাদের আবার, হায় কি হলো—অন্ন ঘাদের ঘরে ?
জমিদারের গলা-টিপে স্বত্ব চুরি করে ।
“টেনেলি বিল্” নামে আইন হচ্ছে তৈয়ের করা,
গয়া-গঙ্গা-গদাধর—ভূস্বামী প্রজারা !

(৮)

হায় কি হলো—কথার দোষে সুরেন গেলো জেলে !
ইংলিসম্যানে “কন্টেম্পট্” ও “সিডিসন” ও চলে ?
আছেল্ বেলাত নরিন্ সাহেব ধন্য-অবতার
দেশের ছেলে খেপিয়ে দিলে করে একাকার !
ফিন্ কী ছুটে ভারত জুড়ে আশ্বিন গেলো লেগে ;
হায় কি হলো—ছেলেগুলো পুলিস দিলে দেগে !

(৯)

হায় কি হলো—বঙ্গদেশের কপাল গেলো ফিরে,
গুলি পুরে গোরা কউজ দাঁড়িয়ে বারাকপুরে !
আস্চে সুরেন ঘরে ফিরে—এই ত কথা সাদা,
এতেই এতো আড়ম্বর—ইংরেজ কি গাধা !

(১০)

বোঝে যারা “হায় কি হলো—তাদের কাছেই বলি,
“ভাসনেল্ ফনেব্” ব্যাপারটা নয় কি ঢলাঢলা ?
পরের অধীন দাসের জাতি “নেসেন্” আবার তারা ?
তাদের আবার “এজিটেসন্”—নরন উচু করা ।

(১১)

হায় কি হলো—দলাদলি বাধলো ঘরে ঘরে !
 পাটি-খেলা চেউ তুলেছে ভারত-রাজ্য পরে !
 সবাই “লীডরু”—কর্তা স্বয়ং—আপনি বাহাদুর,
 কতই দিকে তুল্চে কত কতইতরো সুর !

(১২)

হায় কি হলো—বঙ্গদর্শন, বঙ্কিম দেছে ছেড়ে !
 হায় কি হলো—দেশটা গেছে “সাপ্তাহিকে” জুড়ে !
 হায় কি হলো—ভূদেব গেলো. ছেড়ে গুরুগিরি !
 হায় কি হলো—হেম নবীনের, নাইকো জারিজুরি !

(১৩)

সবার চেয়ে হায় কি হলো—ওই যে হাসি পায়,
 “হেষ্টি-পিগট্” মিষ্টি কথা—“মিষ্টিরি” তলায় !
 কি কাণ্ডটা ছি ছি ছি ছি—“নজ্জা”র কথা বড়,
 পাদ্রী হয়ে উভয় দলে—রগড় ভারী দড় !

(১৪)

হায় কি হলো—আধখানা মাঠ জুবাট নেছে ঘেরে !
 বিষয়টা কি, বুঝতে নারি কাণ্ডখানা হেরে !
 আন্দেক্ বাড়ী সহর মাঝে হচ্চে ম্যারামং ;—
 শুন্তে ভালো “একজিবিসন্”—এক জনার কিস্মং !
 দেশের শিল্পী কারিগুরি শিখবে বিলাতীরা—
 অন্নভাবে দুদিন বাদে মরবে এদিশীরা !
 হাস্বো কত—“একজিবিসন্” দেশের ভালো করে !
 খেতে অন্ন নাইক যাদের—একি তাদের তরে ?

(১৫)

হায় কি হলো, দাঁড়াই কোথা ?—ইংরেজে ইংরেজে
 ভুমলকাণ্ড বেধে গেছে—সবাই মল্লসাজে !
 বল্চে যত “কলোনিয়া” আমরা হিঁস্তে চাই,
 ভাগ বসানে “অষ্ট্রেলিয়া” অল্প কথা নাই !
 এদিশী ইংরেজে সবাই বাধ্ছে আবার দল,
 রাখ্বে ভারত নিজের হাতে—দেখিয়ে বাহর বল !

“ইংলিস্ম্যানে”র ফরেল্ সাহেব কছে “কম্যাগুরি”,
 পেছন থেকে “পাইওনিয়ার” হাঁকছে হাওলদারি !
 বাপ রে বাপ—কি চেহারা “ভলটিয়ার”গণ
 সাজিন্ হাতে দাঁড়িয়ে গেছে—কাঁপচে কলা-বন ।
 আর কি থাকে রাণীর রাজ্য ?—নীলকর, চা কর
 দিচ্ছে মাড়া সাজিন্ খাড়া—উচিয়ে হাতিয়ার !
 ছেড়ে দেবে ছবুরা-ভরা—পাখী-মারা “গন্”,—
 দু লাখ সেপাই উড়ে যাবে—“আশ্মি”—“সেলর”গণ !
 তাই ত বলি “হায় কি হলো”—রাজ্য আলমগরি !
 একই বলে দেশোন্নতি—সাবাস্ বলিহারি !
 বুঝবে যদি “হায় কি হলো”—পয়সা কটি দিও,
 যত্ন করো বঙ্গদর্শন কাগজখানি নিও ॥

দেশেলাইএর স্তব

নমামি বিলাতী অগ্নি—দেশেলাইরূপী,
 টাচাছোলা দেহখানি, শিরে কালো টুপি !
 যেন বা ভিপুটি খাঁটি একহারা চেহারা,
 মাথায় শালের বিঁড়ে—রাগে প্রাণ ভরা !

নমামি গন্ধকগন্ধ —মাথাটি গোলালো,
 সর্কজাতি-প্রিয়দেব, গৃহ কর আলো !
 শাস্ত্র সভ্য অতি ধীর শুয়ে যত কণ,
 গা ঘেষিলে চটে লাল—গোরাক্ষ যেমন !

নমামি সর্কত্রগামী দারু অবতার,
 চৌধ্যবিন্ন-বিনাশন, ঞালক টাকার !
 নিদ্রিতের গুপ্তচর, রাধুনীর প্রাণ,
 লছাদাড়ি কাবুলীর শিরে পীঠস্থান !

নমামি খচোতশিখা তিমির-হরণ,
 লালেতে নীলের আভা দিব্য দর্শন !
 পোয়াতির প্রিয়বঁধু, তরুণীর অরি,
 বিরাজ, রে দিয়াকাটি, কত রূপ ধরি ।

প্রণমামি অগ্নিশিখ শুভ্র দেশেলাই,
 সাহেব গোলাম তব, সাবাস্ বাদসাই !
 সোণা টিন্ রূপা তামা বাঁধা তব গায়,
 লাটের পকেটে ফেরো, লেডির কাঁপায় !

নমামি অজম্যতেজ বরষা-দমন,
 আঁচড়ে কিরণধর সখের দহন !
 আখা জলে বিনা ফুঁয়ে বিনা চখে জল,
 দিয়াকাটি, তোম প্রেমে মাগীরা পাগল !

উনিশ শতাব্দী সূর্য্য কাঠের চকমকি,
 তোমার চমকে বিশ্বকর্মা গেছে ঠকি !
 বন, জল, বিল, খাল, যেথা সেথা যাই,
 শিরে ভাঁটা শাদাকাটি দেখি সেই ঠাই !

নমামি ভাস্কররূপী দারু-দেশেলাই,
 কড়ি দিয়ে কিনে নিয়ে ঘরে তারা পাই !
 পয়সা যোড়া বাস্ক-বাঁধা স্ক্রু প্রভাকর
 ঘরে ঘরে আলো করে ধরণী উপর !

নমামি নমামি দেব স-অগ্নি ইন্দ্রন,
তোমার প্রসাদে হয় সাগরে রক্তন !
সভ্য জগতের তুমি সোহাগের বাতি,
চূরটভক্তের মোক্ষ পদার্থ বিলাতি !

নমামি ফব্বফরশক "ফব্বফর"-বেষ্টন,
ধনি-মানি-জ্ঞানি বন্ধু, কাকালের ধন !
সন্ধ্যার সোণার কাটি, জোছনার ছবি,
সাবাস্ বিলাতি বুদ্ধি বাস্লে বাঁধা রবি !

নমামি কিরণদণ্ড কোপনন্বভাব,
রাজগৃহ খড়ো ঘরে সমান প্রভাব !
সিক্কুজলে, পথে, ঘাটে, গাড়ী, ঘোড়া, রেলো,
প্রণমামি দেশেলাই দেবের ইন্দ্রন !

সকলে তোমায় খোঁজে সূর্য শশী ফেলো
ভিখারী কুটীরে স্থখা, ভীকতে সাহসী,
তোমা পেয়ে খঞ্জ খাড়া, প্রাচীনা বোড়নী
বাহ্যকল্পতরু তুমি মানবতারণ,
দিয়াকাটি, তোর গুণ কে করে কীর্তন !

নমামি কলির দেব আশ্বিনের শলা !
নমামি স্বর্ষদেহ খড়কে মোমে গলা !
নমামি অনলযষ্টি অবনী-বিহারী,
দেশেলাই, প্রণমামি অন্ধকারহারী !
তোর গুণে, দিয়াকাটি, মুগ্ধ জগজন,
প্রণমামি দেশেলাই দেবের ইন্দ্রন !

বাজিমাং

বেঁচে থাকো মুখুর্যের পো, খেলো ভাল চোটে ।
তোমার খেলায় রাং রূপো হয়, গোবোরে শালুক ফোটে
"ফিক্র" দানে, এক তড়াতে, কলে বাজি মাং ।
মাছ, কাতুরে ভেকো হলো—কেয়াবাং কেয়াবাং ॥

সাবাস ভবানীপুর সাবাস তোমায় !
দেখালে অদ্ভুত কীর্তি বকুলতলায় !
পুণ্য দিন বিশে পৌষ বাজালার মাঝে ॥
পর্দা খুলে কুলবালা সস্তাবে ইংরাজে ।
কোথায় কৈশবী দল ? বিদ্যাসাগর কোথা ?
মুখুর্যের কারচুপিতে মুখ হৈল ভোঁতা ॥
হরেন্দ্র নগেন্দ্র গোপী ঠাকুর পিরালি,
ঠকায় বাকুড়াবাসী কৈল ঠাকুরালি ॥
ধন্য মুখুর্যের বেটা বলিহারি ষাই !
সস্তা দরে মস্ত মজা কিনে নিলে ভাই !
ও ষতীন্দ্র কৃষ্ণদাস ! একবার দেখ চেয়ে
বকুলতলার পথের ধারে কত শত ঘরে—
কালো, ফিকে, গৌর, সোণা হাতে গুরা পান,
রূপের ডালি খুলে বসি পেতেছে হোকান ॥

আসবে রাজা রাজপারিষদ, লাট সাহেবের মেয়ে—
 মারবেল মারা গিল্টি হলে, একবার দেখ চেয়ে ॥
 বেলগেছেতে খানা দিয়ে খেটে হলে খুন ।
 বিষ্ণুপুরে মিসের দেখ বড়ে টেপার গুণ ॥
 ছি ! রাজেন্দ্র ! কাল কাটালে পুথি ঘেটে ঘেটে ।
 শেষে আইনপেসার পেছারিতে মান্টা গেল ঘেটে ।
 ধন্য হে মুখুষ্যে ভায়া বলিহারি ষাই ।
 বড় সাপ্টা করে সাং করিলে খেতাব “সি, এন্স, আই ॥”
 হেদে ও-সহরবাসি আর কি হাসি হাসবি রেড়ো বলে ?
 দেখ না চেয়ে বকুলতলায় দাঁড়িয়ে রাণীর ছেলে ॥
 চৌষুড়িতে সঙ্কে করে সাদা মোসাহেব—
 নাড়ীটেপা ফেরার সাহেব, বারুটেল নায়েব ॥
 আর কেন লো ঘোমটা খোল, কবির কথা রাখো ।
 “লাইট” পেয়ে “রাইট” হয়ে, পার হও লো সাকো ॥
 ভয় কি তাতে লজ্জা কি তায়, কাল বদনখানি ।
 দেখবে খালি চক্ষে চেয়ে যুবা নৃপমণি ॥
 কজ্জা তুলে দেখবে বাজু, দেখবে কাণের ছুল,
 দেখবে কষ্ঠি, কণ্ঠহার পিঠের কাঁপাকুল ॥
 আয় এয়োগণ করবি বরণ পরে চরণচাপ—
 শিবের বিয়ে নয় লো ইহা ধরবে নাকো সাপ ॥
 এগিয়ে এসো বড় ঠাকরণ, সাত পোয়াতির মা ।
 তক্ত পাবেন তোমার তিনি তাও কি জান না ?
 সোণার খালে হীরের মালা তাতে ঢাকাই ধুতি,
 নজর দিয়ে, দেখাও খুলে বউ বিননো পুতি ॥
 বাহবা বুক, বুড় বয়সে গলায় কাপড় দিয়ে,
 রাজপুজাটি করে ভাল, ফুলের মালা নিয়ে ।
 কোন্ শাস্ত্রে লেখে বল বাম্নের মেয়ে হয়ে ।
 রাজার ছেলের পা পুজিবে ফুলের সাজি লয়ে ॥
 এখন—দাঁড়াও সরে বুড় দিদি, হাসিল হলো কাজ—
 দেখবো আমি ভাল করে আর এয়োদের সাজ ॥
 আয় না লো সব, একে একে, গোলাপী কাখন ।
 দেখি তোদের রূপের ছটা ঘটকাষি কেমন ॥
 ভয় করো না একলা আমি দেখতে নাহি চাই ।
 রাজার ছেলে আব্ ডালেতে উকি মারবো ভাই ॥
 আমি—বদেশবাসী আমার দেখে লজ্জা হতে পারে ।
 বিদেশবাসী রাজার ছেলে লজ্জা কি লো তারে ?

বলতে কথা বাছা বাছা কদম ফুলের ঝাড় ।
 ঘেঙ্গে আসি রাজকুমারে, ভাঙ্গলো কবির ঘাড় ॥
 হীরার বলস, সোণার কলস, হাত ঝুম্কার বোল ।
 হলু হলু উলুর ধ্বনি, শাঁকের গণ্ডগোল,
 বারাগমীর খসখসানি, উঠলো মহা ধূমে ;
 মারবেলেতে মলের ঠমক বাজলো ক্রমে ক্রমে ॥
 কবি হৈল হতভোষা হিঁদুর পর্দা ফাঁক ।
 পালিয়ে যেতে পথ পায় না ঘোরে বলুর চাক ॥
 বাঙ্গালায় বিশেষ পৌষ বড় পুণ্য দিন ।
 বাঙ্গালী-কুলকামিনী হইল স্বাধীন ॥

সে নিশিতে কি সহরে কিবা পল্লীগ্রামে ।
 নিজা নাহি যায় কেহ স্থখের আরামে ॥
 গৃহিণী যাহার ঘরে তারি কান্নাহাটি ।
 সারা নিশি গঞ্জনার চোটে ফাটে মাটি ॥
 কহে কোন রাজনারী বিনায়ে বিনায়ে ।
 শয়নগৃহের পাশে পতিকে শুনায়ে ॥
 “খালি সাটিনের সাজ, ফেটিন্ ইঁকান ।
 কেবল সেলাম্বাজি, লেবিতে বেড়ান ॥
 দিন রাত ঘুরে ঘুরে মরেন কেবল ।
 ঘোড় দৌড়ে, টাউন্ হলে, মুড়িয়া মক্বল ॥
 ক্লাইব লাটের আমল হতে পেসা খোসামুদি ।
 তাতেও গলদ এত—কি কব লো দিদি ॥
 এমন স্বামীর নারী বিড়ম্বনা খালি ।
 টান দিতে টানি ফাটে মানের গুড়ে বালি ॥”
 শুনিয়া নারীর কথা মনে অভিমান ।
 কর্তাটি জানালা খুলে স্নিগ্ধ বায়ু খান ॥

অন্য কোন অট্টালিকা ভিতরে আবার ।
 পতি পাশে কোন রামা করেন ঝঙ্কার ॥
 “পর্কটা কি, শুনেছ তো লজ্জা নাই মুখে ।
 পোষাক খুলে চুপে চুপে শুতে এলে স্নগে ॥
 রাণীর ছেলে দেখে গেল হলুদমাথা হাত ।
 সাতপুরুষে সভ্য মোরা হলেম শুদমজাত ॥
 পড়তে পারি, বলতে পারি, ইংরাজী ভাষায় ।
 পিয়োনা বার্জাতে পারি ইংরাজী প্রথায় ॥

‘এন্ লাইটেন’ সবার আগে, কর্তা বিলেত যান ।
 তোমার গুণে গুণমণি হারালে সে মান ॥
 পায়ে বুট, জোকা গায়ে, গলায় সোণার চেন ।
 তকমাওয়ালী আড়দালিতে হয় না শুধু ‘ফেম’ ॥
 বাপ পিতামোর নামে গালি হয় নাকো রাজভেট !
 ‘টাইম পেয়ে রাইট নলে হিট্ চাই ট্বেট ॥’
 ধিক তোমারে ধিক সে তোমার হিরান্দরি বুক ।
 এক মিনিটে বাগিয়ে কেমন লাগিয়ে দিলে ছক্ ॥”
 খোঁটা খেয়ে অধোমুখে পতি তার চায় ।
 এইরূপ গঞ্জনায়া সারা নিশি যায় ॥

বলে কোন ধনাঢ্যের অভিমানী নারী ।
 “বড় নাম, বড় জাঁক, বোঝা গেছে জারি ॥
 দূর করে টেনে ফেল—টাকা দিও শয়ে ।
 এ হিড়িকে দাঁড়ালে না একটা কিছু হ’য়ে ॥
 বাঁধা রোসনাই আলো সব কি গেল ফেসে ।
 রায় বাহাদুর নামটাও ছি না পাইলে শেষে ॥
 সুযোগ বুঝে হজুকে বামুন নাম কল্পে জারি ।
 তোমার কেবল আতস বাজি, মদ তুমি ভারি ॥”

জজের গৃহিনী কন ‘ভ্যালা জজিয়তি ।
 নামে শুধু অনারেবল্, পদ বিলায়তি ?
 ছোট লাটে আজ্ঞাকারী তোমা হতে দেখি
 লক্ষগুণ বড় লোক, বল দেখি এ কি ?
 কুঠি নিলে বাড়ী ছেড়ে সাহেব পাড়ায়—
 তোমার কোটের উকিল তোমাকে হারায় !
 ছি ছি, ছি ছি, ছেড়ে দাও এমন চাকরি ।
 শুহু খালি মার্কামারা পেয়াদার ‘লিবরি’
 ভাবতেম বুঝি কেষ্ট বেষ্ট তুমি এক জন—
 জরাসন্ধ রাজা কিম্বা লঙ্কার রাবণ
 ও মা ও মা পড়া ভাগ্যি, উকিলের গুঁচা ।
 হাড় জালাতে পারেন খালি এনে নথির গোচা ॥”
 বলে—ঠোন্কা মেরে জজমহিলা বারাণ্ডায় যান ।
 মিত্র ভায়ার রাত্রি শেষ ভাঙ্গতে তার মান ॥

পোনা, পুঁটি, খয়রা, চেলা গিরি আর যত ।
 পাড়ায় পাড়ায় কেঁদে বেড়ান সে কত ॥

কেহ বলে আমার কর্তাটি সে মুৎসুদ্দি ।
 ফ্যাটা বেঁধে যান খালি এই বিছা বুড়ি ॥
 বাপের কামানো টাকা বিলাতি চাটকে ।
 দিয়া, নিজে জুজু হয়ে ঢোকেন ফাটকে ॥
 তাঁর টাকা তাঁর কড়ি তাঁরি লোক জন ।
 মাঝে থেকে লুটে খায় কুঠেল যবন ॥
 শেষে যবে “হোমে” যায় ছ বছর পরে ।
 বাজার দেনায় ইনি ঢোকেন শ্রীঘরে ॥
 এই তো বন্ধেম তার বিছার ওজন ।
 তা হ'তে আমার আর কি হইবে বোন ॥
 বলে দালালের মাগ দালালি ব্যাপারে ।
 আনে বটে ঢের কড়ি নিজ রোজগারে ॥
 পেটেতে কড়িটি ভোর কাল আঁচড় নাই ।
 সে কেমনে রাজপুত্র আনে বল ভাই ॥
 কাগজের এডিটরি করে মরে যারা ।
 তাহাদের কামিনীরা কেঁদে কেঁদে সারা ॥
 রাজি দিন এত খাটে হয় লো স্রাঙাৎ ।
 হস্তায় মিনিট পাঁচ হয় না সাক্ষাৎ ॥
 এত লেখে এত পড়ে এত ছাপা ছাপে ।
 তবু পদ নাহি পায় অভাগীর পাপে ॥
 কবি বলে কামিনীরা কৃষ্ণনাম কর ।
 ফিরিবে তোদের ভাগ্য শুন অতঃপর ॥
 ডিপুটীর ভার্যা কন আমাদের তিনি ।
 চৌকিদারী কাজে পটু, মফস্বলে “গিনি” ॥
 সহরে টাকার দরে চলা দেখি ভার ।
 বল্বো কি লো ওলো দিদি অদৃষ্ট আমার—
 ঘুরে ঘুরে দেশে দেশে শরীর হলো কালি ।
 সাত শ টাকা মাইনে হলে হৃদ ঠাকুরালি ॥
 মদ বড় তবু এতে চোকুরানি কত ।—
 ঘুটের ডিপে ভাবে দিদি দেখিলে পৰ্বত ॥
 হোতাম যতপি কোন উকিলের মাগ্ ।
 বাড়িত আমারু আজ কত অহুরাগ ॥
 সে রমণী বলে “বোন” এ পিট ও পিট ।
 একি ছাঁছে ঢালা দুই সমান টিকিট ॥
 যে টাকাটি মাসে মাসে করে উপার্জন ।
 চৌক ভূতে পড়ে করে অর্ধেক ভোজন ॥

কপালে প্রত্যহ কাঁটা এজলাসে এজলাসে ।
 তিন তেরোটি লাধি খেয়ে ঘরে ফিরে আসে ॥
 বেশার বেহুদ পেমা কথা বেচে খায় ।
 পদের আবার মান সল্পম কোথায় ॥
 আমি উকিলের মাগ্ কথা শোন বোন্ ॥
 মুখুঘ্যের সঙ্গে কার করো না ওজন ॥
 বটে বোন্ বটে বটে মানি তোর কথা ।
 বলে ধীরে ধীরে এক নারী আসে সেথা ॥
 আমার কর্তাটি দেখ সরকারি উকিল ।
 মুখুঘ্যের “সিনিয়র” উকিল সিবিল ॥
 বয়েসও হয়েছে কিছু, বুদ্ধিও পেকেছে ।
 ছোট বড় কর্ম কাজ অনেক করেছে ॥
 পাকা হিন্দু প্রতি দিন দুর্গানাম করে ।
 তবুও রাণীর ছেলে ঢুকলো না লো ঘরে ॥
 ডাক্তারের নারী কহে ভারি ত মন্দানি ।
 নাড়ী টিপে জারি কত, ঘরেতে শাসানি ॥
 পারেন কেবল পাড়ায় পাড়ায় পিটিতে ধম্বল,
 মরণকালে শরণ “চিবর” “পার্টিজ” সখল ॥
 মরেন ঘুরে পথে পথে রোদে ধুকে ধুকে ।—
 ঘরে শুতে এলে এবার খেজুরা দেব ঠুকে ॥
 কেরাণীর নারী যত পাঁদাড়ে ফোঁপায় ।
 মাষ্টারের “মিসট্রেসরা” গোষাঘরে যায় ॥
 কবির ফিরিতে ঘরে হৈল বড় দায় ।
 অনেক ভাবিয়া শেষে প্রবেশে সেথায় ॥
 কাস্তা আসি হাত্মুখে বলে কই দেখি ।
 কি পাইলে কাব্য লিখে, সোণা কিছা যেকি ॥
 বড় জালাতন কর জেগে সারা রাত্তি ।
 কালি কলে, কাগজ ছিঁড়ে, পুড়িয়ে মোমের বাত্তি ॥
 শয়নে সোয়াস্তি নাই, বিরাম নিদ্রায় ।
 সাত রাকাড়ে সাড়া নাই রাত্তি বয়ে যায় ॥
 দেও দেখি গুণমণি কি পেলো শিরোপা ।
 বুলু রিবন, চাকি চাকতি, কিছা জরির খোপা ॥
 কবি কবে পায় কিবা, কি দেখাবে ধনি ?—
 না বলিতে রাক্সা ঠোঁঠ ফুলায়ে তখনি ॥
 ধাক্সা দিয়ে গরবিণী গরুগরিয়ে যায় ।
 ফাঁপরে পড়িয়া কবি ক্যাল ক্যাল চায় ॥

॥ জীবন-ভাবনা ॥

জীবন-মরীচিকা

জীবন এমন ভ্রম আগে কে জানিত রে !
হ'য়ে এত লালায়িত কে ইহা যাচিত রে !
প্রভাতে অরুণোদয় প্রফুল্ল যেমন হয়,
মনোহরা বসুন্ধরা, কুহেলিকা আধারে ।
বারিষ, ভূধর, দেশ ধরিয়ে অপূৰ্ব বেশ,
বিতরে বিচিত্র শোভা ছায়াবাজী আকারে !
কুসুমিত তরুচয়, ব্রহ্মাণ্ড ভরিয়ে রয়,
ব্রাণে মুগ্ধ সমীরণ মৃদু মৃদু সঞ্চারে ।
কুলায়ে বিহঙ্গদল, প্রেমানন্দে অনর্গল,
মধুময় কলনাদ করে কত প্রকারে ।
সেইরূপ বাল্যকালে, মন মুগ্ধ মায়াজালে,
কত লুকু আশা আসি স্নিগ্ধ করে আত্মারে ।
“পৃথিবী ললামভূত, নিত্যস্থখে পরিপ্লুত,”
হয় নিত্য এই গীত পঞ্চভূত মাঝারে ।
ব্রহ্মাণ্ড সৌরভময় মঞ্জু কুঞ্জ মনে হয়,
মনে হয় সমুদয় স্থধাময় সংসারে ॥
মধ্যাহ্নে তাহার পর, প্রচণ্ড রবির কর,
যেমন সে মনোহর মধুরতা সংহারে ।
না থাকে কুহেলি অঙ্ক, না থাকে কুসুমগন্ধ,
না ডাকে বিহগকুল সমীরণ ঝঙ্কারে ।
সেইরূপ ক্রমে যত, শৈশব যৌবন গত,
মনোগত সাধ তত ভাঙে চিত্তবিকারে ।
সুবর্ণ মেঘের মালা, লয়ে সৌদামিনী ডালা,
আশার আকাশে আর নিত্য নাহি বিহারে ।
ছিন্ন ভূষারের গায়, বাল্য-বাহু দূরে ষায়,
তাপদগ্ধ জীবনের ঝঙ্কাবায়ু-প্রহারে ।
পড়ে থাকে দূরগত জীর্ণ অস্তিত্ব যত
ছিন্ন পতাকার মত ভয় দুর্গ প্রাকারে ।
জীবনেতে পরিণত এইরূপে হয় কত
মর্ত্যবাসি-মনোরথ, হা দগ্ধ বিধাতারে !

ধর্মনিষ্ঠাপরায়ণ, সূচাক পবিত্র মন,
 বিমলস্বভাব সেই যুবা এবে কোথা রে !
 অসত্য কলুষলেশ, বিধিলে শ্রবণদেশ,
 কলঙ্কিত ভাবিত যে আপনার আত্মারে ।
 বামাশক্তি বামাচার, শুনিলে শত ধিকার,
 জ্বলিত অস্তরে যার সে তপস্বী কোথা রে ?
 কোথা সে দয়ার্জচিত্ত, সঙ্কল্প যাহার নিত্য
 পরদুঃখবিমোচন এ দুঃস্থ সংসারে ।
 অত্যাচার উৎপীড়ন, করিবারে সংযমন,
 না করিত যেই জন ভেদাভেদ কাহারে ।
 না মানিত অনুরোধ, না জানিত তোষামোদ
 সে তেজস্বী মহোদয়-বাঞ্ছা এবে কোথা রে ।
 কত যুবা যৌবনেতে, চড়ি আশা-বিমানেতে,
 ভাবে ছড়াইবে ভবে যশঃপ্রভা-আভা রে ।
 তুলিবে কীর্তির মঠ, স্থাপিবে মঙ্গলঘট,
 প্রণত ধরণীতল দিবে নিত্য পূজা রে ।
 কেহ বা জগতে ধন্য, বীরবৃন্দে অগ্রগণ্য,
 হ'য়ে চাহে চরণেতে বাঁধিবারে ধরারে ।
 স্বদেশ-হিতৈষী কেহ, ভাবিয়ে অসীম স্নেহ,
 ব্রত করে প্রাণ দিতে স্বজাতির উদ্ধারে ॥
 কার চিন্তে অভিলাষ, হবে সারদার দাস,
 গীবে সূখে চিরদিন অমরতা-সুধা রে ।
 কালের করাল শ্রোতে, ভাসে যবে জীবনেতে,
 এই সব আশালুক প্রাণী থাকে কোথা রে !
 কিশোর গাণ্ডীবধারী, জামদগ্ন্য দৈত্যহারী,
 ক্ষুদ্র ক্ষুদ্র কালিদাস কত ভোবে পাথারে ।
 কতই যুবতী বালী, গাঁধে মনোমত মালা,
 সাজাইতে মনোমত প্রিয়তম সথারে ।
 হৃদয় মার্জিত ক'রে, আহা কত প্রেমভরে,
 প্রিয়মুষ্টি চিত্র ক'রে রাখে চিত্ত-আগারে ।
 নব বিবাহিতা কত, পেয়ে পতি মনোমত,
 ভাবে জগতের সুখ ভরিয়াছে ভাঙারে ।
 এই সব অবলার, কিছু দিন পরে আর,
 দেখ, মর্ষভেদী শেল দেয় কত ব্যথা রে ।

হেমচন্দ্রের নির্বাচিত রচনাবলী

দেখ গে কেহ বা তার, হয়েছে পঞ্জরসার,
 শুক হ'য়ে মাল্যদাম শুলে আছে গাঁথা রে ।
 মনোমত নহে পতি, মরমে মরিয়ে সতী,
 উদ্‌ঘাপন করিয়াছে পতিস্থখ-আশা রে ।
 কৃতান্তের আশীর্বাদে, দিবানিশি কেহ কাঁদে,
 বিষম বৈধব্যদশা-নিগড়েতে বাঁধা রে ।
 দারুণ অপত্যতাপে, দেখ গে কেহ বিলাপে,
 অশ্রুভাবে জননীর কোথা বন্ধ: বিদারে ।
 আগে যদি জানিতাম, পৃথিবী এমন ধাম.
 তা হ'লে কি পড়িতাম আনায়ের মাঝারে !
 কোথা গেল সে প্রণয়, বাল্যকালে মধুময়,
 যে সখ্যতা-পাশে মন বাঁধা ছিল সদা রে ।
 সহপাঠী কেলিচর, অভেদাত্মা হরিহর,
 এবে তাহাদের সঙ্গে কত বার দেখা রে ।
 পতঙ্গপালের মত কর্মক্ষেত্রে অবিরত,
 স্বকার্য সাধনে রত, কেবা ভাবে কাহারে ।
 আহা পুন: কতজন, করিয়াছে পলায়ন,
 মর্ত্যভূমি পরিহরি শমনের প্রহারে ।
 গগন-নক্ষত্রবৎ, তাহারাই অকস্মাৎ,
 প্রকাশে কচিৎ কভু যুহুরশ্মিমাখা রে ।
 আগে ছিল কত সাধ, হেরিতে পুর্ণিমা চাঁদ,
 হেরিতে নক্ষত্র শোভা নীল নভ: মাঝারে ।
 দিন দিন কতবার, জাগ্রতে নিদ্রিতাকার,
 স্বপ্নে স্বপ্নে ভ্রমিতাম নদ-হ্রদ-কাঙ্ক্ষারে ।
 বসন্ত বরষাকালে, পিকরব, মেঘজালে,
 হেরিতে দামিনীলতা, কি আনন্দ আহা রে ।
 সে সাধ তরঙ্গকুল, এবে কোথা লুকাইল,
 কে ঘুচালে জীবনের হেন রম্য ধাঁধা রে ।
 বিস্তৃত পবিত্র মন, স্বর্গবাসী সিংহাসন
 পঙ্খিল করিল কে রে দৃষ্টিচিহ্ন-অঙ্গারে ।

পরশমণি

১

কে বলে পরশমণি অলীক স্বপন ?
এই যে অবনীতলে, পরশমানিক জলে ?
বিধাতা-নির্মিত চাক্র মানব-নয়ন ।
পরশমণির সনে, লৌহ অঙ্গ পরশনে,
সে লৌহ কাঞ্চন হয়, প্রবাদ বচন,—
এ মণি পরশে যায়, মানিক ঝলসে তায়,
বরিশে কিরণধারা নিখিল ভুবন ।
কবির কল্পিত নিধি, মানবে দিয়াছে বিধি,
ইহারি পরশণ্ডে মানব-বদন
দেবতুল্য রূপ ধরি, আছে ধরা আলো করি,
মাটির অঙ্গেতে মাখা সোনার কিরণ ।

২

পরশ-মানিক যদি অলীক হইত,
কোথা বা এ শশধর, কোথা বা ভানুর কর,
কোথা বা নক্ষত্র শোভা গগনে ফুটিত !
কে রাখিত চিত্র ক'রে চাঁদের জ্যোৎস্না ধ'রে,
তরঙ্গে মেঘের অঙ্গে স্নেহেতে মাখায় ?
কেবা এই স্নানীতল বিমল গঙ্গার জল
ভারতভূষণ করি রাখিত ছড়ায় ?
কে দেখাত তরুকুল, নানা রঙ্গে নানা ফুল,
মরাল, হরিন, মৃগে পৃথিবী শোভিয়া ?
ইন্দ্রধনু-অলো তুলে, সাজায় বিহঙ্গ কুলে,
কে রাখিত শিখি-পুচ্ছে শশাক আকিয়া ?

৩

দিয়াছে বিধাতা যাই এ পরশমণি—
স্বর্গের উপমাঙ্কল, হয়েছে এ মহীতল,
স্বর্গের আকর তাই হয়েছে ধরণী !
কি আছে ধরণী-অঙ্গে, নয়ন-মণির সঙ্গে,

হেমচন্দ্রের নির্বাচিত রচনাবলী

না হয় মানবচিত্তে আনন্দদায়িনী !—
 নদীজলে মীন গেলে, বিটপীতে পাতা হেলে,
 চরেতে বালুকা ফুটে, তৃণেতে হিম্যানী,
 পক্ষিপাখা উড়ে যায়, পিপীলি শ্রেণীতে ধায়,
 কঙ্করে তুষার পড়ে, ঝিনুকে চিকণী !
 তাতেও আনন্দ হয়, অরণ্য কুঞ্জ-ঝটিময়,
 জলন্ত বিদ্যামলতা, তমিষা রজনী ।

৪

ইহাই পরশমণি পৃথিবী ভিতরে ;
 ইহারি পরশ-বলে সখায় সখার গলে
 পরায় প্রেমের হার প্রফুল্ল অন্তরে ;
 শিখারে প্রেমের বেদ, ঘুচায় মনের ভেদ,
 প্রণয়-আ কুক করে হৃথের সাগরে ।
 ধন্য এই ধরাতল, প্রেম-ভোগবতী-জল
 পবিত্র করেছে যারে খুলিয়া নির্বারে ;
 যুগল নক্ষত্র দুটি, যেখানে বেড়ায় ছুটি,
 সখারূপে মনোস্থখে পৃথিবী-উপরে ।
 কোন্ পুণ্যে হেন নিধি, মানবে পায় রে বিধি—
 গেল চলে চিরদিন অই আশা ধরে !

৫

অপূর্ব মানিক এই পরশ-কাঞ্চন !
 স্নেহরূপ কত ফুল, ফুটায় মণি অতুল,
 ইহার পরশে ধরা আনন্দ-কানন !
 জননী-বদনইন্দু, জগতে করুণাসিন্দু,
 দয়াল পিতার মুখ, জায়ার বদন,
 শত শনী-রশ্মিমাখা, চারু ইন্দীবর আঁকা,
 পুত্রের অধর গুষ্ঠ নলিন আনন,
 সোদরের সুকোমল, স্বস্না-মুখ নিরমল,
 পবিত্র প্রণয়পাত্র গৃহীর কাঞ্চন—
 এই মণি পরশনে, হয় সুখ দরশনে,
 মানব-জন্ম সার সকল জীবন ।—
 কে বলে পরশমণি অলৌক স্বপন ?

জীবন-সঙ্গীত

বলো না কাতর স্বরে বৃথা জন্ম এ সংসারে
এ জীবন নিশার স্বপন ;
(দারা পুত্র পরিবার তুমি কার কে তোমার
বলে জীব করো না ক্রন্দন ।)
মানব-জন্ম সার এমন পাবে না আর
বাহু দৃশ্যে ভুলো না রে মন ।
কর যত্ন হবে জয় জীবাত্মা অনিত্য নয়
অহে জীব কর আকিঞ্চন ।
করো না সুখের আশ, পরো না দুখের ফাঁস,
জীবনের উদ্দেশ্য তা নয় ;
সংসারে সংসারী সাজ করো নিত্য নিজ কাজ
ভবের উন্নতি যাতে হয় ।
(দিন যায় ক্ষণ যায়, সময় কাহারো নয়
বেগে ধায় নাহি রহে স্থির ;)
সহায় সম্পদ বল সকলি ঘুচায় কাল
আয়ু যেন শৈবালের নীর ।
সংসার-সমরাজ্যে যুদ্ধ কর দৃঢ় পণে
ভয়ে ভীত হইও না মানব ;
কর যুদ্ধ বীৰ্যবান যায় যাবে যাক প্রাণ
মহিমাই জগতে তুল্লভ ।
মনোহর মূর্তি হেরে অহে জীব অন্ধকারে
ভবিষ্যতে করো না নির্ভর ;
অতীত সুখের দিনে পুনঃ আর ডেকে এনে
চিন্তা করে হইও না কাতর ।
সাধিতে আপন ব্রত স্বীয় কার্যে হও রত
একমনে ডাক ভগবান ;
সঙ্কল্প সাধন হবে ধরাতলে কীৰ্ত্তি রবে
সময়ের সার বর্তমান ।
মহাজ্ঞানী মহাজন যে পথে ক'রে গমন
হয়েছেন প্রাতঃস্মরণীয়,
সেই পথ লক্ষ্য ক'রে স্বীয় কীৰ্ত্তি ধ্বজা ধ'রে
আমরাও হবো বরণীয় ।

হেমচন্দ্রের নির্বাচিত রচনাবলী

সময়-সাগর-তীরে পদাঙ্ক অঙ্কিত ক'রে
 আমরাও হব হে অমর ;
 সেই চিহ্ন লক্ষ্য ক'রে অস্ত্র কোন জন পরে
 যশোঘারে আসিবে সত্বর ।
 করো না মানবগণ বৃথা কর এ জীবন
 সংসার-সমরাজ্য-মাঝে ;
 সফল করেছ বাহা, সাধন করহ তাহা
 রত হয়ে নিজ নিজ কাজে ।

পদ্মের মৃগাল

১

পদ্মের মৃগাল এক, সুনীল হিন্নোলে,
 দেখিলাম সরোবরে ঘন ঘন দোলে—
 কখন ডুবায় কার, কভু ভাসে পুনরায়,
 হেলে ছলে আশেপাশে তরঙ্গের কোলে—
 পদ্মের মৃগাল এক সুনীল হিন্নোলে ।
 খেত আভা স্বচ্ছ পাতা, পদ্মশতদলে গাঁথা,
 উলটি পালটি বেগে স্রোতে ফেলে তোলে—
 পদ্মের মৃগাল এক সুনীল হিন্নোলে ।
 এক দৃষ্টে কত কণ, কোতুকে অবশ মন,
 দেখিতে শোকের বেগ ছুটিল কন্নোলে—
 পদ্মের মৃগাল এক তরঙ্গের কোলে ।

২

সহসা চিন্তার বেগ উঠিল উথলি ;
 পদ্ম, জল, জলাশয় তুলিয়া সকলি,
 অদৃষ্টের নিবন্ধন ভাবিরা ব্যাকুল মন—
 অই মৃগালের মত হায় কি সকলি !
 রাজা রাজমন্ত্রী-সীলা, বলবীর্ঘ্য স্রোতশীলা,
 সকলি কি কণহায়ী দেখিতে কেবলি ?—
 অই মৃগালের মত নিস্তেজ সকলি ।
 অদৃষ্ট বিরোধী বার, নাহি কি নিষ্কার তার,
 কিবা গন্ত পক্ষী আর মাহবনগলী ?

লতা, পশু, পক্ষী সম মানবেরো পরাক্রম,
জ্ঞান, বুদ্ধি, যত্ন, বলে বাঁধা কি শিকলি ?
অই যুগালের মত হয় কি সকলি !

৩

কোথা সে প্রাচীন জাতি মানবের দল
শাসন করিত যারা অবনীমণ্ডল ?
বল বীৰ্য পরাক্রমে ভবে অবলীলাক্রমে
ছড়াইত মহিমার কিরণ উজ্জল—
কোথা সে প্রাচীন জাতি মানবের দল ?
বাঁধিয়ে পাষণ্ড স্তম্ভ, অবনীতে অপক্লম,
দেখাইলা মানবের কি কৌশল বল—
প্রাচীন মিসরবাসী কোথা সে সকল ?
পড়িয়া রয়েছে স্তম্ভ অবনীতে অপক্লম,
কোথা তারা, এবে কারা হয়েছে প্রবল
শাসন করিতে এই অবনীমণ্ডল ।

৪

জগতের অলঙ্কার আছিল যে জাতি ;
জালিল উন্নতি-দীপ অক্লমের ভাতি ;
অতুল্য অবনীতলে এখনো মহিমা জলে;
কে আছে সে নরধন্য কুলে দিতে বাতি ?—
এই কি কালের গতি এই কি নিয়তি !
ম্যারাথন, ধার্মপলি হয়েছে শ্মশানস্থলী,
গিরীস আধারে আজ পোহাইছে রাতি,—
এই কি কালের গতি, এই কি নিয়তি !
যার পদচিহ্ন ধরে অগ্ন জাতি দস্ত করে,
আকাশ পরোধি নীরে ছড়াইছে ভাতি—
জগতের অলঙ্কার কোথায় সে জাতি !

৫

দোর্দণ্ড প্রতাপ যার কোথায় সে রোম ?
কাপিত বাহার তেজে মহী, সিদ্ধ, ব্যোম !
ধরণীর সীমা যার, ছিল রাজ্য অধিকার ;
সহস্র বৎসরাবধি একাধি নিয়ম—

হেমচন্দ্রের নির্বাচিত রচনাবলী

দোর্দণ্ড-প্রতাপ আজি কোথায় সে রোম !
 সাহস ঐশ্বর্যে যার, ত্রিভুবন চমৎকার—
 সে জাতি কোথায় আজি, কোথা সে বিক্রম ?
 এমনি অব্যর্থ কি রে কালের নিয়ম !
 কি চিহ্ন আছে রে তার, রাজপথ দুর্গে যার,
 পৃথিবী বন্ধন ছিল, কোথায় সে রোম ?—
 নিয়তির কাছে নর এত কি অক্ষম !

আরবের পারশ্বের কি দশা এখন ?
 সে তেজ নাহিক আর, নাহি সে তর্জন !
 সৌভাগ্য-কিরণজালে, উহারাই কোন কালে
 করেছিল মহাতেজে পৃথিবী শাসন ।—
 আরবের পারশ্বের কি দশা এখন !
 পশ্চিমে হিম্মানীশেষ, পূবে সিন্ধু হিন্দুদেশ,
 কাফর যবনবৃন্দে করিয়া দমন—
 উল্কা-সম অকস্মাৎ হইল পতন ।
 'দীন' ব'লে মহীতলে, 'যে কাণ্ড করিলা বলে,
 সে দিনের কথা এবে হয়েছে স্বপন—
 আরবের উপগ্রাস অদ্ভুত যেমন !

আজি এ ভারতে, হায়, কেন হাহাধ্বনি !
 কলঙ্ক লিখিতে যার কাঁদিছে লেখনী ।
 তরঙ্গে তরঙ্গে নত পদ্মমৃগালের মত,
 পড়িয়া পরের পায় লুটায় ধরণী !
 আজি এ ভারতে কেন হাহাকার-ধ্বনি !
 জগতের চক্ষু ছিল, কত রশ্মি ছড়াইল,
 সে দেশে নিবিড় আজ আধার রজনী—
 পূর্ণগ্রাসে প্রভাকর নিস্তেজ যেমনি ।
 বুদ্ধি বীৰ্য্য বাহুবলে, সূধন্ত জগতী-তলে,
 ছিল যারা আজি তারা অসার তেমনি ।
 আজি এ ভারতে কেন হাহাকার-ধ্বনি ?

৮

কোথা বা সে ইজ্রায়েল, কোথা সে কৈলাস,
কোথা সে উন্নতি-আশা, কোথা সে উল্লাস !
দস্তে বহুধার 'পরে, বেড়াইত তেজোভরে,
আজি তারা ভয়ে ভীত হয়েছে হতাশ—
কোথা বা সে ইজ্রায়েল, কোথা সে কৈলাস !
কত যত্নে কত যুগে, বনবাসে কষ্ট ভুগে,
কালজয়ী হলো ব'লে করিত বিশ্বাস—
হায় রে সে ঋষিদের কোথা অভিলাষ !
সে শাস্ত্র, সে দর্শন, সে বেদ কোথা এখন ?
পড়ে আছে ইজ্রায়েল, ভাবিয়া হতাশ ;—
কোথা বা সে হিমালয়, কোথা সে কৈলাস !

৯

নিয়তির গতি রোধ হবে নাকি আর ?
উঠিবে না কেহ কি রে উজলি আবার ?
মিসর পারশ্ব ভাতি, গিরীক রোমীয় জাতি,
ভারত থাকিবে কি রে চির অন্ধকার ?
জাপান জিলং নিশি পোহাবে এবার !
যত্ন, আশা, পরিশ্রমে খণ্ডিয়া নিয়তি-ক্রমে,
উঠিয়া প্রবল হতে পাবে না কি আর ;—
অই যুগালের মত সহিবে প্রহার ?
না জানি কি আছে ভালে, তাই গো মা এ কাল্লে
মিশাইছে অশ্রুধারা ভস্মেতে তোমার ;—
ভারত কিরণময় হবে কি আবার ?

১০

তোরো তরে কাঁদি আয় ফরাসী-জননী,
কোমল কুমুম-আভা প্রফুল্লবদনী ।
এতদিনে বুঝি সতি, ফিরিল কালের গতি,
হ'লে বুঝি দশাহীন ভারত যেমনি !
সভ্য জাতি মাঝে তুমি সভ্যতার খনি ।
হলো যবে মহীতলে রোম দন্ধ কালানলে,
তুমিই উজ্জল ক'রে আছিলে ধরণী,
বীরমাতা প্রভাময়ী স্মৃতিরঘোবনী ।

ঐশ্বর্যভাণ্ডার ছিলে, কতই যে প্রসবিলে
 শিল্প নীতি নৃত্য গীত চকিত অবনী—
 তোরো তবে কাঁদি আর ফরাসী-জননী ।
 বুঝি বা পড়িলে এবে কালের হিল্লোলে,
 পদ্মের মৃগাল ষথা তরঙ্গের কোলে ।

লঙ্কাবতী লতা

১

ছুঁইও না ছুঁইও না, উটি লঙ্কাবতী লতা ।
 একান্ত সঙ্কোচ ক'রে, এক ধারে আছে স'রে,
 ছুঁইও না উহার দেহ, রাখ মোর কথা ।
 তরু লতা যত আর, চেয়ে দেখ চারিধার
 ঘেরে আছে অহঙ্কারে—উটি আছে কোথা !
 আহা ওইখানে থাক, দিও না ক ব্যথা ।
 ছুঁইলে নখের কোণে, বিষম বাজিবে প্রাণে,
 যেও না উহার কাছে থাও মোর মাথা ।
 ছুঁইও না ছুঁইও না, ওটি লঙ্কাবতী লতা !

২

লঙ্কাবতী লতা উটি অতি মনোহর ।
 যদিও সুন্দর শোভা, নাহি তত মনোলোভা,
 তবুও মলিন বেশ মরি কি সুন্দর ।
 যায় না কাহার পাশে, মান মর্যাদার আশে,
 থাকে কাঙ্কালির বেশে একা নিরস্তর ।—
 লঙ্কাবতী লতা উটি মরি কি সুন্দর !
 নিখাস লাগিলে গায়, অমনি শুকায়ে যায়,
 না জানি কতই ওর কোমল অস্তর ।—
 এ হেন লতার হয়, কে জানে আদর !

হায় এই ভূমণ্ডলে, কত শত জন,
 দণ্ডে দণ্ডে ফুটে উঠে অবনীমণ্ডল লুটে,

সুনায় কতই রূপ বশের কীর্তন ।
 কিন্তু হেন ত্রিয়মাণ, সদা সঙ্কচিত-প্রাণ,
 রমণী, পুরুষগণে কে করে যতন ?
 স্বভাব মৃদুল ধীর, প্রকৃতিটি সুগম্ভীর,
 বিরলে মধুরভাষী মানসরঞ্জন ;—
 কে জিজ্ঞাসি তাহাদের করে সন্তাষণ ?
 সমাজের প্রাস্তভাগে, তাপিত অন্তরে জাগে,
 মেঘে ঢাকা আভাহীন নক্ষত্র যেমন !—
 ছুঁইও না উহার দেহ করি নিবারণ,
 লজ্জাবতী লতা উটি মানসরঞ্জন ।

জীবনের লীলা ফুরালো

শিশির জড়িত	যথা লুতা-জাল,	দিবস রজনী	যত যায় আসে
কণ শোভাময়	চারু শিশুকাল	জগতের চিত্র	তত প্রাণে ভাসে,
কোলে কোলে স্থখে কাটিল !		নব রসে প্রাণ তিতিল ।	
জগতের স্নেহে	ভব-রাজ্য ভরি	এই বন্ধুভাব,	এই ভালবাসা,
বাজিতে লাগিল	মোহন বাঁশরী,	আবার কলহ—	ফিরে মিষ্ট ভাষা,
শিশুর পরাণ ভুলিল !		বিষাদ বিরাগ ঘুচিল !	
বর্ষ চারি পাঁচ	হেরি স্বপ্নবৎ	যা দেখি নয়নে	করি তারি মত,
জীবনয় এই	অপূর্ব জগৎ,	রঙ্কন খেলন	পূজা বার ব্রত—
শৈশবের ঘোর ভাঙিল ।—		ধূলাঘরে ভরি নিখিল !	
জীবনের উষা ফুরালো ।		ভবরাজ্য যেন	কত মনোহর !
স্থখ দুঃখ ময়	বাল্যকাল যায় ।	অভ্রময় এই	জগত সুন্দর
হেসে খেলে কেঁদে—	আশার শাখায়	নয়ন পরাণ ধাঁধিল !	
তরুণ-মুকুল ফুটিল ।		জননী সহায়—	প্রাণে নাহি ভয় !
ভব অঙ্গে ঢালি	কল্পনা-কুহেলি	অঞ্চলে লুকায়ে	যমে করি জয়
সঙ্গীগণে মেলি	কত খেলা খেলি	অভয়ে নেহারি অখিল !	
কাঁচে মণি-শোভা ধরিল !		এ স্থখের কাল	ক'দিনের তরে
খেলি কত রঙ্গে	যার তার সঙ্গে,	কিশোর জীবনে	মেঘ রৌদ্র ক'রে
ভাবি সম ভাব	শার্দূল কুরঙ্গে,	শরতের মত ফুরালো !	
বিশ্বাসে হৃদয় ভরিল ।		জীবন-প্রবাহ বহিল ।	

কখন(ও) তটিনীনায়ে,
 ধৌত করি কলেবরে,
 তরঙ্গে মিশিয়া কিরে সঙ্গীত ধরিতা ।
 কভু মরুভূমি গায়,
 ফুলোচ্ছান রচি তায়,
 শুনিয়া পাখীর গান করয়ে ভ্রমণ ।
 কভু কি ভাবিয়া মনে,
 একাকী প্রবেশি বনে,
 হাসে কাঁদে নিজ মনে উন্মাদ যেমন ।
 কখন(ও) মন্দিরে ধায়,
 পূজা করে দেবতায়,
 জগৎমাতানো গীত প্রেমামান্দে গায় ।
 কখন(ও) নন্দন-বনে,
 অপরী অমরী সনে,
 গেলা করি কত রঙ্গে তাদের ভুলায় ।
 কখন(ও) অদৃশ্য হয়ে,
 ছায়াপথে লুকাইয়ে,
 দেখায় কতই ছলা কত রূপ ধরি ।
 সদাই আনন্দ মন,
 সর্বত্র করে গমন,
 বেড়ায় ব্রহ্মাণ্ডময় প্রাণি-দুঃখ হরি ।
 স্বর্গ মর্ত্য রসাতল,
 সব(ই) তার লীলাস্থল,
 কোথাও গমন তার নিষেধ না মানে,
 তিন লোকে আসে যায়,
 সর্বত্র আদর পায়,
 সে মনোমোহিনী মূর্ত্তি সকলেই জানে
 কভু ছায়াপথ ছাড়ি,
 আর(ও) শূন্তে দিয়া পাড়ি,
 দেখায় অপূর্ব কত ত্রিলোক মোহিয়া,
 উঠিতে উঠিতে বালা,
 দেখাইছে কত ছলা,
 কত রূপে কত মতে নাচিয়া গাইয়া ।

নিখিল ব্রহ্মাণ্ড প্রাণী,
 হেরিয়া আশ্চর্য্য মানি,
 বিস্ফারিত নেত্রে সবে বামা পানে চায় ।
 ধরা উলটিয়া ফেলে,
 স্বর্গ আনে ধরাতলে,
 অমরাবতীর শোভা ধরাতে দেখায় ।
 চলে রামা বায়ুপথে,
 পুরাইয়া মনোরথে,
 যখনি যেখানে সাধ সেখানে উদয় ।
 কখন(ও) পাতালপুরি,
 আলোকে উজ্জল করি,
 ঘোর অন্ধকার হরি করে সূর্য্যোদয়,
 মরুতে উচ্ছান রচে,
 ম'রে প্রাণী পুনঃ বাঁচে,
 উত্তপ্ত কিরণ চাঁদে, ভানু স্নিগ্ধকায় ।
 চপলা চাপিয়া রাখে,
 ব্রহ্মাণ্ড ভ্রমে পলকে,
 অপরূপ কত হেন ভুবনে দেখায় ।
 কতই বিশ্বয়কর
 কার্য্য হেন হেরি তার,
 সূচতুর বাজীকর জাহ্নব সমান ।
 হেলায় পুরায় সাধ,
 সাগরে বাঁধিয়া বাঁধ,
 অগাধ জলধিজলে ভাসিয়ে পাষণ ।
 পশু পক্ষী কথা কয়,
 “বানরে সঙ্গীত গায়,”
 গিরি-অঙ্গে পাখা দিয়া আকাশে উড়ায় ।
 কখন(ও) নাবিকদলে
 ছলিবারে কুতূহলে,
 অতল সাগরজলে কমল ফুটায় ।
 ক্ষণ নিমেষের মাঝে,
 মহানগরীর সাজে,
 সাজায় কখনো বন গহন কাননে ।

কখন(ও) বা মহারঙ্গে,
 ভাঙ্কিয়া ধরনী-অঙ্গে,
 সৌধমালা অট্টালিকা, মথয়ে চরণে ।
 কত মহাশূন্য পারে,
 সৌর জগতের ধারে,
 দেখায় নূতন সূর্য্য নূতন আকাশ ;
 নবীন মেঘের মালা,
 নবীন বিজুলী-খেলা,
 নব কলাধর-শশি-কিরণ প্রকাশ ।
 স্বর্গ শূন্য ধরা'পর,
 কত হেন কল্পনার,
 অলোকসামান্য কাণ্ড দেখিতে দেখিতে,
 বিচরি ব্রহ্মাণ্ডময়,
 হর্ষ-পুলকিত কায়,
 হেরি কত অন্তোদয় হয় ধরনীতে ।
 ভাষি কত দূর যাই,
 যেন তার অন্ত নাই,
 শেষে না দেখিতে পাই
 কোথা যাই চলে ,
 সূদূর গগনগায়,

শেষে মিলাইয়া যায়,
 চপলা চমকে যেন মেঘের মণ্ডলে ।
 সহসা চৌদিকে চাই,
 তখন দেখিতে পাই,
 সেই আমি সেই ধরা সেই তরু জল,
 যাই নি, নিমেষ পল,
 ছাড়িয়া এ ধরাতল,
 তবুও ভ্রমিছে স্বর্গ মর্ত্য রসাতল ।
 এ হেন প্রভাব যার,
 প্রসাদ লভিলে তার,
 কি দুঃখ এ জগতের ভুলিতে না পারি ।
 প্রতি দিন কল্পনারে,
 পাই যদি পূজিবারে,
 নিরানন্দ মাতৃভূমি চিরানন্দ করি ।
 এ চির মনের সাধ
 মিটল না, অপরাধ
 লয়ো না দুঃখিনী মা গো, দৈব প্রতিকূল,
 কমলা ঠেলিলা পায়,
 রোষ কৈলা সারদায়,
 শুক আশা-তরু ময় বিনা ফল ফুল ।

অতৃপ্তি

বিধাতা হে, নাহি জানি,
 প্রাণে কেন হেন গ্লানি,
 মাঝে মাঝে বিরক্তি উদয় ।
 থাকিতে এ ভবনিধি,
 পরাণে কেন এ ব্যাধি,
 বল বিধি, বল হে আমায় ॥
 আজ নয় নহে কাল,
 এই ভাব চিরকাল,
 কেন মন হেন তিক্ত হয় ।

ই না ধরে মনে,
 অসাধ সদাই প্রাণে,
 কিছুতেই সাধ নাহি রয় ॥
 আমোদ প্রমোদে হাসি,
 সব(ই) যেন যায় ভাসি,
 কিছুতেই মন নাহি বসে ॥
 নিকটে প্রাণের মিতা,
 শুনায় রসের গীতা,
 তাহাতেও চিন্ত নাহি রসে

স্তম্ভ স্তম্ভা স্নেহভরে,
 চিবুক তুলিয়া ধরে,
 কণ্ঠ ধর কোলে বসি হাসে ।
 তাতেও চেতনা নাই,
 সে দিকে ফিরে না চাই,
 যেন কোন অমঙ্গল-ত্রাসে ॥
 এ অতৃপ্তি কেন সদা,
 ধন যশ কি প্রেমদা,
 কিছুই সন্তোষকর নহে ।
 নাহিক আকাঙ্ক্ষা আশা,
 নাহিক কোন(ও) লালসা,
 প্রাণ যেন সদা শূন্য রহে ॥
 মুখে ব্যঙ্গ পরিহাস,
 হৃদে খেদ বার মাস,
 ফল্গু সম লুকাইয়া চলে ।
 বাহিরে আলোক পূর্ণ,
 হৃদয়ে অন্ধারচূর্ণ,
 প্রাণে সনা বহিঃশিখা জলে ॥
 কেন হেন তিক্ত প্রাণ,
 দিলে মোরে ভগবান,
 এত স্মখ জগতে তোমার ।
 নাহি কি কিছুই তায়,
 মম সাধ মিটে যায়,
 কোন(ও) হেন সুন্দর স্ততার ॥
 ফুলতরু কত জাতি,
 কত বর্ণ কত ভাতি,
 আছে এই জগতমণ্ডলে ।
 ধরা শূন্য শোভাকর,
 কত পশু পক্ষী নর,
 শৈবাল মৃগাল মীন জলে ॥
 আকাশে চাঁদের শোভা,
 জগতের মনোলোভা,
 মনোহর তারকা ঝলকে ।

যেটি মনে ধরে যার,
 সেটি আদরের তার,
 চিরকাল এই ধারা লোকে ॥
 উজানে কাহার(ও) সাধ,
 কুসুমের কার(ও) আহ্লাদ,
 কার(ও) সাধ প্রাসাদ ভবনে ।
 কেহ বা পাখীর গান,
 স্তনিয়া জুড়ায় প্রাণ,
 কেহ মুগ্ধ সঙ্গীত-শ্রবণে ॥
 কেহ ভুলে চিত্রপটে,
 কেহ বা কবিতা-পাঠে,
 কার(ও) মন সৌন্দর্য্যে মগন ।
 কেহ স্থখী ধনার্জ্জনে,
 কেহ সুখী ধন-দানে,
 কার(ও) সাধ সমৃদ্ধি-সাধন ॥
 কেহ রত বিছাভ্যাসে,
 কেহ বা বেশ-বিছাসে,
 বিলাস বাসনা করে কেহ ।
 ভোগ সুখ কেহ চায়,
 কেহ অনাদরে তায়,
 বনে যায় তেয়াগিয়া গেহ ॥
 হেন রূপে সর্ব জন,
 কোন না কোন বন্ধন,
 হৃদয়ে বেঁধেছে সুখ আশে ।
 পূর্ণ করি সেই আশা,
 জুড়ায় হৃদি-পিপাসা,
 অকুল সাগরে নাহি ভাসে ॥
 আমারি হৃদি কেবল,
 মায়াশূন্য মরুতল,
 কোন(ও) বাসনায় বন্ধ নয় ।
 এত শোভা ধরনীতে,
 কিছুই না ধরে চিতে,
 শূন্য প্রাণে দেখি সমুদয় ॥

কি হেতু হে ভগবান্,
দিয়াছ এমন প্রাণ,
স্বখের সাগরে সবে মজে ।
হলে জলে ভুমণ্ডলে,
স্বখের লহরী চলে,
কিসে স্বখ আমি মরি খুঁজে ।

সহেছি অনেক দিন,
সব আর কত দিন,
দিনে দিনে ডুবি হে পাথারে ।
স্বপ্নে এ প্রাণ হরি,
এ দুঃখ ঘুচাও হরি,
এ ষাতনা দিও না'ক কারে ।

॥ প্রকৃতি ও প্রেম ॥

চাতক পক্ষীর প্রতি*

১

কে তুমি রে বল পাখি,
সোনার বরণ মাখি,
গগনে উধাও হয়ে
মেঘেতে মিশায়ে রয়ে,
এত স্বখে স্বধামাখা সঙ্গীত শুনাও ।

৪

আকাশের তারা সহ
মধ্যাহ্নে লুকায়ে রহ,
কিন্তু শুনি উচ্চ স্বরে
শূণ্ণেতে সঙ্গীত ঝরে ;
আনন্দ-প্রবাহ ঢেলে পৃথিবী জুড়াও ।

২

বিহঙ্গ নহ ত তুমি ;
তুচ্ছ করি মর্ত্যভূমি
জলন্ত অনল-প্রায়
উঠিয়া মেঘের গায়,
ছুটিয়া অনিল-পথে স্বস্বর ছড়াও ।

৫

একাকী তোমার স্বরে
জগত প্রাবিত করে,
শরতের পূর্ণ শশী
বিমল আকাশে বসি
কৌমুদী ঢালিয়া যথা ব্রহ্মাণ্ড ভাসায় ।

৩

অরুণ উদয়কালে
সঙ্ক্যার কিরণ-জালে
দূর গগনেতে উঠি,
গাও স্বখে ছুটি ছুটি,
স্বখের তরঙ্গ যেন ভাসিয়া বেড়াও

৬

কবি যথা লুকাইয়ে,
হৃদয়ে কিরণ লয়ে,
উন্নত হইয়ে গায়,
পৃথিবী মাতিয়ে তায়
আশা মোহ মায়া ভয় অস্তরে জড়ায় ।

৭

রাজার কুমারী যথা
পেয়ে প্রণয়ের ব্যথা,
গোপনে প্রাসাদ 'পরে
বিরহ সাধনা করে
মধুর প্রেমের মত মধুর গাথায় !

৮

যেমন খণ্ডোত জলে
বিরলে বিপিনতলে,
কুসুম তুণের মাঝে
আতোষী আলোক সাজে
ভিজিয়া শিশির-নীরে আঁধার নিশায়

৯

পাতায় নিকুঞ্জ গাঁথা
গোলাপ অদৃশ্য যথা
সৌরভ লুকায়ে রয়,
যখনি পবন বয়,
সুগন্ধি উখলি উঠি বায়ুরে খেপায় ।

১০

সেইরূপ তুমি, পাখি,
অদৃশ্য গগনে থাকি,
কর সুখে বরিষণ,
সুধাস্বর অমুকণ,
ভাসাইতে ভূমণ্ডল সুধার ধারায় ।

১১

কেবা তুমি জানি নাই,
তুলনা কোথায় পাই ;
জলধনু চূর্ণ হয়ে
পড়ে যদি শূন্য বয়ে,
তাঁহাও অপূৰ্ণ হেন নাহিক দেখায় ।

১২

যত কিছু ভূমণ্ডলে
সুন্দর মধুর বলে—
নবীন মেঘের জল
মুক্তা মাথা তুণদল—
তোমার মধুর স্বরে পরাজিত হয়

১৩

পাখী কিম্বা হও পরী
বল রে প্রকাশ করি
কি সুখ চিন্তায় তোর
আনন্দ হয়েছে ভোর ?
এমন আহ্লাদ আহা স্বরে দেখি নাই

১৪

সুধা প্রণয়ের গীত
প্রাণ করে পুলকিত—
তারো সুললিত স্বর
নহে এত মনোহর,
এত সুধাময় কিছু না হেরি কোথাই ।

১৫

বিবাহ-উৎসব-রব
বিজয়ীর জয়-সুভব,
তোর স্বর তুলনায়
অসার দেখি রে তায়—
মেটে না মনের সাধ, পূর্ণ নাহি হয়

১৬

তোর এ আনন্দময়
সুখ-উৎস কোথা রয়,
বন কিম্বা মাঠ গিরি
গগন হিলোল হেরি—
কারে ভালবেশে এত তুল সমুদয় ।

১৭

তুমিই থাক রে সুখে
জ্ঞান না শুদাস্য দুখে,
বিরক্তি কাহারে বলে
জ্ঞান না রে কোন কালে
প্রেমের অকুচি ভোগে হ্লাহল কত।

১৮

আমরা এ মর্ত্যবাসী
কভু কাঁদি কভু হাসি,
আগে পাছে দেখে যাই
যদি কিছু নাহি পাই
অমনি হতাশ হয়ে ভাবি অবিরত।

১৯

যত হাসি প্রাণ ভরে
যাতনা থাকে ভিতরে,
এ দুঃখের ভূমণ্ডলে
শোকে পরিপূর্ণ হ'লে
মধুর সঙ্গীত হয় কতই মধুর !

২০

স্বপ্না ভয় অহঙ্কার
দূরে করি পরিহার,
পাখি রে তোমার মত
যদি না কাঁদিত হ'ত—
না জানি পেতেম কত আনন্দ প্রচুর !

২১

গগনবিহারী পাখী
জগতে নাহি রে দেখি,
গীত বাণ্ড মধুস্বর
হেন কিছু মনোহর
তুলনা হইতে পারে তোমার বাহায় !

২২

যে আনন্দে আছ ভোরে
তাহার তিলেক মোরে
পাখি তুমি কর দান,
তা হ'লে উন্নত প্রাণ
কবিতাতরঙ্গে ঢালি দেখাই ধরায় !

যত বার হেরি তোরে কেন ভুলি বল
ওরে শতদল পদ্য ?
কি আছে ও খেত বর্ণে,
কি আছে ও নীল পর্ণে,
যখন নিরখি—আখি তখন শীতল !
যত বার হেরি তোরে কেন ভুলি বল
ওরে প্রস্ফুটিত পদ্য ?

যখন সূর্যের রশ্মি মাখিয়া শরীরে,
হাসিটি ছড়ায় মুখে
ভাসো নীল বারি বুকে,
ঢল-ঢল তমুখানি কতই সুখী রে—
হেরিলে তখন কেন আমিও হাসি রে
ওরে মোহকর পদ্য ?

আমারও অধরে হাসি অমনি মধুর
ফোটে রে আপনি আসি,
তোমারি হাসির হাসি
পরকাশে হৃদিতলে—আহা কি মধুর !
কেন, বল, হেরে তোরে হৃদয় বিধুর
ওরে সর-শোভা পদ্য ?

আবার যখন, আহা, শিশিরের জলে
ভিজিয়া মনের খেদে,
গোট করি কেঁদে কেঁদে
দলগুলি মোদ, ফুল গুণ্ডনের তলে—
তখন হেরিলে কেন মম হৃদি গলে
ওরে রে মুদিত পদ্য ?

দেখিলে তখন তোরে আমিও হৃদয়ে
পাই রে কতই ব্যথা!

মনে পড়ে কত কথা
ফুঠিত হৃদয়ে যাহা জীবন-উদয়ে—
খেলাত চঞ্চল মনে উন্মাদিত হয়ে!
ওরে আচ্ছাদিত পদ্য?

কি যে কোমলতা তোর থরে থরে থরে
পত্রদলে, শতদল!
হৃদি তোর কি কোমল!
সেই জানে কোমলতা হৃদে যার ঝরে!—
আমি ভিন্ন কেহ আর জানে কি অপরে
কে কমলবাসী পদ্য?

ফোটে ত রে এত ফুল তড়াগের কোলে
শুভ্র নীল লাল আভা,
কাহারও শরীর প্রভা
কই ত আমার মনে ঙ্গরুপে না খোলে?
এত স্থখে চিত্ত কই দেখি না ত দোলে
রে চিত্ত-মাদক পদ্য?

দেখেছি ত পুষ্প তোরে আগেতে কতই
সেকালে খেলিছি যবে,
সখারা মিলিয়া সবে,
ভ্রগময় হৃদতীরে বিহ্বলিত হই—
তখন এ গাঢ়ভাবে ডুবি নি ত কই
ওরে ভাবময় পদ্য?

এত যে লুকানো তোতে আগে ত জানি নে!
ষৌবনেতে সুখোদয়
হায় রে সকলে কয়—
প্রৌঢ়-সুখ কাছে আমি সে সুখ মানি নে!
পরিণত সুখ বিনা সুখ কি জানি নে
ওরে মনোহর পদ্য?

যে বাস তোমাতে, হায়,
সে বাস কি আর
আছে অন্য কোন ফুলে?
অমন সুবাস তুলে
ছোট্টে কি সুরভি গন্ধ জুঁই মল্লিকার?
তোরি বাসে কেন হৃদি মুগ্ধ রে আমার
রে কুন্দলাঞ্জন পদ্য?

গোলাপ, কেতকী, চাঁপা, কামিনীর থরে
এত কি শোভে রে বন?
এত কি মোহে রে মন?
হেরে যবে তোরে ফুল হৃদের লহরে
কি যেন খেলে রে রঞ্জে হৃদয়-নিব্বারে
হে সর-রঞ্জন পদ্য!

কথাটি ত নাহি মুখে—জান না ত বাণী—
তবু, ওরে শতদল,
কেমনে প্রকাশ, বল,
যে কথা হৃদয়ে তোর—কেমনে বা জানি,
ওরে গুপ্তভাষী পদ্য?

কেও কি দেখে না আর এ তোর সরল
মাধুরী-প্রতিমাখানি!
কেও কি শোনে না বাণী
তোর ও কোমল মুখে?—আমিই পাগল!
আমিই একা কি মত্ত পিয়ে ও গরল
ওরে উন্মাদক পদ্য?

কেন, বল, এইরূপে ঘুরি নিরন্তর
ষেখানে তোমার দল
ফুটিয়া সাজায় জল?
না দেখিলে কেন হয় এরূপ অস্তর—
কেন দেখি শূন্য মহী যেন বা গহ্বর
বল হৃদিগ্রাহী পদ্য?

যুরি ত কতই স্থানে—কত দেখি, হায়,
 রাজগৃহ, বন্ধু-গেহ,
 পাই ত কতই স্নেহ,
 তবু কেন, বল্, চিত্ত তোরি দিকে ধায়
 বল্ রে নিকটে তোর ধায় কি আশায়
 ওরে চিত্তচোর পদ্য ?

ধন, মান, বিভবের সৌরভ শোভায়
 এত ত মোহে না হৃদি,
 থাকে না ত প্রাণে বিঁধি
 এমন স্বরভি-শোভা সংসার-লীলায় !
 ভ্রমেছি ত এত কাল খেলায়ে সেখায়
 হে ক্রীড়াকুশল পদ্য !

কত বার করি মনে ভুলিব রে তোরে,
 ধরিব সংসারী-সাজ
 ভাঁজিয়া হৃদয়-ভাঁজ,
 অস্ত্র সাধে হৃদে ধরি যুরি মর্ত্য-ঘোরে—
 ভুলে যাই শুক্লবর্ণ—ভুলে যাই তোরে !
 হায়, মোহকর পদ্য !

না পশিতে চিত্ততলে সে কল্পনা-মূল
 শুখায় সে সাধ-লতা !
 ভুলি রে সে সব কথা !
 ভুলিতে পারি না কিন্তু একমাত্র ভুল—
 কি মাধুরী-ভোর তোর, হায় রে, অতুল
 ওরে মধুময় পদ্য !

সত্য কিরে তোরি দেহে
 এত শোভা বাস ?

কিষ্ণা সে আমারি মন,
 প্রমাদে হয়ে মগন,
 ভাবে আপনার প্রভা তোতে পরকাশ—
 চেতন ভাবিয়া তোরে শোনে নিজ ভাষ
 ওরে জড়দেহ পদ্য ?

যাই হোক, যে বিধানে আমার হৃদয়
 মিশুক মাধুর্যে তোর,
 হ'লে জীবনের ভোর,
 তবুও স্বপনে তুই হবি রে উদয়—
 ভুলিব না তবু তোরে, রে সুষমাময়
 সুগন্ধ-নিবাস পদ্য !

ভাবি শুধু কেন বিধি করিলা এমন—
 এত শোভা বাস যার
 পঙ্কতে জনম তার,
 পঙ্কজ বলিয়া তারে ডাকে সাধুজন !
 জানি না বিধির, হায়, রহস্য কেমন
 ওরে শুদ্ধচেতা পদ্য !

হায়, বিধি, এ মনও কি তেমতি বিধানে
 বাঁধিলা এ দেহপুটে ?
 কলুষ-পঙ্কতে ফুটে,
 তাই এত ক্ষিপ্ত মন ভোবে ভাসে বানে ?
 বুঝেছি, রে শতদল, অচ্ছেদ্য বন্ধনে
 তাই তুই আমি বাঁধা,
 এক সঙ্গে হাসা কাঁদা,
 তাই, ওরে পদ্যফুল, এ মিল দু'জনে !
 ভুলিব না তোরে, পদ্য,
 ভুলিব না—ভুলিব না—জীবনে মরণে !

গজা

কোথায় চলেছ তুমি গজে ?

— — —
শাল, পিয়াল, তাল,

— — —
তমাল, তরু রমাল,
ব্রততী-বল্লরী-জট,—
স্নোল-ঝালর-ঘটা,—
ছায়া করি স্নানীতল

ঢেকেছে তোমার জল
চলেছে অচলরাজি ধারা-নীর-অঙ্গে
কোথায় চলেছ তুমি গজে ?

কল-কল-কলস্বর
ধারা-জলে নিরস্তর—
বিশাল বিস্তৃত ধারা,
সমতল তৃণহারা
ধরণী চলেছে সঙ্গে,
ছ'ধারে নিবিড় রঙ্গে
বট, বেল, নারিকেল,
শালি-শ্রামা-ইক্ষু-মেল,
অরণ্য, নগর, মাঠ,
গবাদি-রাখাল-নাট

প্রফুল্ল করেছে কুল নীরধারা সঙ্গে—
কোথায় চলেছ তুমি হেন রূপে গজে ?

মন্দির দেউল মঠ
পাটিকলে হর্ষ্যপট
কুলধারে সারি সারি,
ধারা-জলে নর নারী
ঢেকেছে সোপানকুল—
ঘাটে ঘাটে ফুটে ফুল !
কল-কল-নর-ভাষা
হৃদিকোষ-পরকাশ

হাস্তরব স্তুতিগানে

তুলেছে তোমার কাণে—
নগর পল্লীর স্মৃথ, বিমল-তরঙ্গে ;—
কোথায় চলেছ তুমি হেন রূপে গজে ?

বাণিজ্য-বেসতি-পোত
ভাসায়ে চলেছে শ্রোত,
তরি ডিঙা ডোঙা ভেলা
বুকে করি, করি খেলা,
নাচায়ে চলেছ অঙ্গ—
ধবল ধীর তরঙ্গ

ছলিয়া ছলিয়া স্মৃথে
নর-নারী-গ্রীবা-মুখে
ছড়ায়ে চিকুর-জাল অমিতেছে রঙ্গে ;—
কোথায় চলেছ তুমি হেন রূপে গজে ?

ফুলদাম, ফুলথর,
দীপরাজি হৃদি'পর—
আকাশ-অলক-মালা
হৃদয়-মুকুরে ঢালা,
অক্ষয়-কিরণ-ভাতি,
শশধর-জ্যো'ম্মা-পাতি,
বায়ুগন্ধ, পরিমল,
পানিবক, মীনদল,
শব্দ, স্তুতি, কোলে করি

কোথা যাও রঙ্গে ?
কোথায় চলেছ তুমি বেগবতী গজে ?
বাক্যলায় প্রাণী নাই,
প্রাণী-দেহে প্রাণ নাই,
অস্থি নাই, শিরা নাই,
মেদ নাই, মজ্জা নাই,
অস্তঃহীন-চিস্তাহীন,
সাদাহ্লাদ—দার্দ্য-হীন—

জীবন-সঙ্গীত-হীন নর নারী বঙ্গে !
 সেখানে চলেছ কোথা এ আহ্লাদে গঙ্গে ?
 কে বুঝিবে বিষ্ণুপদী
 পুণ্যতোয়া তুমি নদী
 কেন ছাড়ি নিজ স্থল
 নামিলে এ ধরাতল ?
 বিস্তারি গভীর জল
 কেন কর কল কল ?
 কি পাপে তারিতে এলে
 কি পাপ তারিয়া গেলে,
 কে বুঝিবে, দ্রবময়ি. সে মহিমা-রঙ্গে !—
 কোথায় চলেছ তুমি বিষ্ণুপদী গঙ্গে ?
 ভগীরথে দিয়ে কুল
 উদ্ধারিলে পিতৃকুল—
 এই কি শিখালে গতি
 ভবে এসে ভাগীরথি ?—
 দিয়ে তিল তব জলে
 ঢালিলে অমৃত ব'লে ।
 দেহাঙ্গন নাহি রয়
 সর্বপাপে মুক্ত হয়
 পতি পুত্র পিতা মাতা—তিলোদক সঙ্গে !
 এই কি শিখালে তুমি ভবে এসে গঙ্গে ?
 পরহিতে ব্রত করি
 দ্রব হ'লে দেহ হরি,
 বারিরূপে, স্মরণে,
 শিখাইলে ধরাতলে—
 শিখাইছ প্রতিপল—
 ত্যাগ-শিক্ষা-পুণ্যফল,
 দয়া করুণার রেখা
 তোমার শরীরে লেখা,

পরহিত-চিন্তা-ব্রত
 তরঙ্গিণি, তোমাগত,
 তাই পুণ্যময় ধারা
 হে গঙ্গে, পাতকহরা !
 পতিতপাবনী তোমা সবে বলে রঙ্গে !
 কোথায় চলেছ তুমি হেন রূপে গঙ্গে ?
 পবিত্র তোমার জল,
 পবিত্র ভারত-তল ;
 সর্ব দুঃখবিনাশিনী,
 সর্ব পাপসংহারিণী,
 সর্ব শোক-তাপ-হরা,
 মুক্তিগতি নীরধারা,
 নিস্তারিণী—ভাগীরথী
 সুখদা মোক্ষদা সতী
 “গঙ্গৈব পরমাগতি”—উদ্ধার গো বঙ্গে ?
 কোথায় চলেছ তুমি হেন রূপে গঙ্গে ?
 উদ্ধার বন্ধেরে মাতা
 শিখাইয়া এই কথা—
 ত্যজে স্বার্থ-আরাধনা
 সাধুক নিজ-সাধনা ;
 ত্যজে ফুল তিল ফল,
 তুলুক তোমার জল
 হৃদয়ে ব্রহ্মণ করি—
 তোমার দীক্ষা-সহরী,
 চলুক তোমারি গতি—
 ষোড়শতী—বেগবতী
 বন্ধের চিন্তার ধারা,
 ঘুচুক চিন্তের কাঁরা ;
 উদ্ধার, উদ্ধার, ওগো, জীব দিয়া বঙ্গে !
 কোথায় চলেছ, তুমি, হে পাবনী গঙ্গে ?

যমুনাতটে*

১

আহা কি সুন্দর নিশি, চন্দ্রমা উদয়,
কৌমুদীরাশিতে যেন ধৌত ধরাতল
সমীরণ মৃহ মৃহ ফুলমধু বয়,
কল কল করে ধীরে তরঙ্গিণী-জল !
কুম্ভ, পল্লব, লতা নিশার তুঘারে
শীতল করিয়া প্রাণ শরীর জুড়ায়,
জোনাকির পাতি শোভে তরু শাখা'পরে
নিরিবিলি ঝাঁঝি ডাকে, জগত ঘুমায় ;
হেন নিশি একা আসি, যমুনার তটে বসি
হেরি শশী ছলে ছলে জলে ভাসি যায় ।

২

কে আছে এ ভূমণ্ডলে, যখন পরাণ
জীবন-পিঞ্জরে কাঁদে যমের তাড়নে,
যখন পাগল-মন ত্যজে এ শ্মশান
ধায় শূন্যে দিবানিশি প্রাণ-অশেষণে,
তখন বিজন বন, শাস্ত বিভাবরী,
শাস্ত নিশানাথ জ্যোতি বিমল আকাশে,
প্রশস্ত নদীর তট, পর্বত-উপরি,
কার না তাপিত মন জুড়ায় বাতাসে ।
কি সুখ যে হেনকালে, গৃহ ছাড়ি বনে গেলে,
সেই জানে প্রাণ যার পুড়েছে হতাশে ।

৩

ভাসারে অকুল নীরে ভবের সাগরে
জীবনের ক্রবতারা ডুবেছে যাহার,
নিবেছে সুখের দীপ ঘোর অন্ধকারে,
হুহ করে দিবানিশি প্রাণ কাঁদে যার,
সেই জানে প্রকৃতির প্রাণল মুরতি,

হেরিলে বিরলে বসি গভীর নিশিতে
শুনিলে গভীর ধ্বনি পবনের গতি,
কি সাস্তনা হয় মনে মধুর ভাবেতে ।
না জানি মানব-মন, হয় হেন কি কারণ,
অনন্ত চিন্তার গামী বিজন ভূমিতে ।

৪

হায় রে প্রকৃতি সনে মানবের মন,
বাধা আছে কি বন্ধনে বৃষ্টিতে না পারি,
নতুবা যামিনী দিবা প্রভেদে এমন,
কেন হেন উঠে মনে চিন্তার লহরী ?
কেন দিবসেতে ভুলি থাকি সে সকলে
শমন করিয়া চুরি নিয়াছে যাহার ?
কেন রজনীতে পুনঃ প্রাণ উঠে জলে,
প্রাণের দোসর ভাই প্রিয়ার ব্যথায় ?
কেন বা উৎসবে মাতি

থাকি কভু দিবারাতি
আবার নির্জনে কেন কাঁদি পুনরায় ?

৫

বসিয়া যমুনাতটে হেরিয়া গগন,
ক্ষণে ক্ষণে হ'লো মনে কত যে ভাবনা,
দাসত্ব, রাজত্ব, ধর্ম, আত্মবন্ধুজন,
জরা, মৃত্যু, পরকাল, যমের তাড়না !
কত আশা, কত ভয়, কতই আহ্লাদ,
কতই বিষাদ আসি হৃদয় পুরিল,
কত ভাঙি, কত গড়ি, কত করি সাধ,
কত হাসি, কত কাঁদি, প্রাণ জুড়াইল !
রজনীতে কি আহ্লাদ, কি মধুর রসাস্বাদ,
বৃন্তভাঙা মন যার সেই সে বৃষ্টি !

* মূলে জোড় পংক্তিগুলি ডান দিকে সরিয়ে মুদ্রিত ছিল। সম্ভবত বিকল্প চরণের অন্ত্যাহুপ্রাস দেখিয়ে দেবার জন্ত।—সম্পাদক

অশোকতরু

১

কে তোমারে তরুবর, করে এত মনোহর,
রাখিল এ ধরাতলে, ধরা ধন্য করে ?
এত শোভা আছে কি এ পৃথিবী-ভিতরে !
দেখ দেখ কি সুন্দর, পুষ্পগুচ্ছ ধরে ধর,
বিরাজে শাখীর'পর সদা হাস্তভরে—
দিন্দুরের ঝারা যেন বিটপী উপরে !
মরি কিবা মনোলোভা, ছড়ায় রয়েছে শোভা,
আভা যেন উথলিয়া পড়িছে অধরে ।—
কে আনিল হেন তরু পৃথিবী-ভিতরে ?

২

বল বল তরুবর, তুমি যে এত সুন্দর,
অস্তরও তোমার, কি হে, ইহারি মতন ?
কিন্মা শুধু নেত্রশোভা মানব যেমন ?
আমি দুঃখী তরুবর, তাপিত মম অস্তর,
না জানি মনের সুখ, সন্তোষ কেমন ;
তরুবর, তুমি বুঝি না হবে তেমন ?
অরে তরু; খুলে বল, শুনে হই সুশীতল
ধরণীতে সদানন্দ আছে এক জন,—
না হয় সস্তাপে যারে করিতে ক্রন্দন ।

৩

জানিতাম, তরুবর, যদি হে তব অস্তর,
দেখাতাম একবার পৃথিবী তোমায়—
মানবের মানচিত্রে কি আছে কোথায় !
কত মরু, বালুস্তপ, কত কাঁটা, শুষ্ক কূপ,
ধূ ধূ করে নিবরধি অন্ধ ঝটিকায়—
সরসী, নিঝর, নদী, কিছু নাহি জায় ।
তা হলে বুঝিতে তুমি, কেন ত্যজি বাসভূমি,
নিত্য আমি কাঁদি বসি তোমার তলায় ;
ত্যজে নর; ধরি কেন তোমার গলায় ।

তুমি তরু নিরস্তর, আনন্দে অবনী'পর,
 বিরাজ বন্ধুর মাঝে, স্বজন-সোহাগে ;
 তরুবর, কেহ নাহি তোমাতে বিরাগে ।
 ধরণী করান পান, সুরস সূধা-সমান,
 দিবা নিশি বার মাস সম অনুরাগে,—
 পবন তোমার তরে যামিনীতে জাগে ।
 শ্রোতোধারা ধরি পায়, কুলুকুলু করি ধায়,
 আপনি বরষা নীর ঢালে শিরোভাগে ;
 তরু রে, বসন্ত তোর স্নেহ করে আগে ।

কলকণ্ঠ মধুমাসে, তোমারি নিকটে আসে,
 শুনাতে আনন্দে বসে কুছ কুছ রব ;
 তরুবর, তোমার কি স্নেহের বিভব ।
 তলদেশে মগমল, ভূণ করে ঢল ঢল,
 পতঙ্গ তাহাতে স্নেহে কেলি করে সব,
 কতই স্নেহেতে তরু, শুন ঝিল্লীরব !
 আসি স্নেহে পাঁতি পাঁতি, ছড়ায় বিমল ভাতি,
 গাছোত যখন তব সাজায় পল্লব—
 কি আনন্দ তরু তোর হয় অনুভব !

তরু রে, আমার মন তাপদগ্ধ অনুক্ষণ,
 কেহ নাই শোকানলে ঢালে বারিধারা ;
 আমি, তরু, জগতের স্নেহ-সুখ-হারী !
 জায়া, বন্ধু, পরিবার সকলি আছে আমার,
 তবু এ সংসার যেন বিষতুল্য কারী ;—
 মনে ভাল, কেহ মোরে, বাসে না তাহারী !
 এ দোষ কাহারো নয়, আমিই কলঙ্কময়,
 আমারি অস্তর হায়, কলঙ্কেতে ভরা—
 আমি, তরু, বড় পাপী, তাই ঠেলে তারা ।

বড় দুঃখী তরু আমি, জানেন অন্তরযামী,
 তোমার তলায় আমি ভাসি অশ্রুণীরে,
 দেখিয়া জীবের সুখ ভবের মন্দিরে ।
 এই ভিন্ন সুখ নাই, তরু, তাই ভিক্ষা চাই,
 পাই যেন এইরূপে কাঁদিতে গভীরে,
 যত দিন নাহি যাই বৈতরণী-তীরে ।
 এক ভিক্ষা আছে আর, অশ্রু যদি কেহ আর,
 আমার মতন দুঃখী আসে এই স্থানে,
 তরু, তারে দয়া ক'রে তুষিও পরাণে !

কোন একটি পাখীর প্রতি

ডাক রে আবার, পাখি, ডাক রে মধুর !
 শুনিবে জুড়াক প্রাণ,
 তোমার সুললিত গান
 অমৃতের ধারা সম পড়িছে প্রচুর ।
 আবার ডাক রে পাখি, ডাক রে মধুর !
 বলিয়ে বদন তুলে,
 বসিয়ে রসালমূলে,
 দেখিহু উপরে চেয়ে আশায় আতুর ।
 ডাক রে আবার ডাক সুমধুর হুর ।

অমনি কোমল স্বরে সেও রে ডাকিত,
 কণনও আদর করে,
 কতু অভিমান ভরে,
 অমনি ঝঙ্কার করে লুকায় থাকিত ।
 কি জানিবি পাখী তুই, কত সে জানিত !
 নব অমুরাগে যবে,
 ডাকিত প্রাণবল্লভে,
 কেড়ে নিত প্রাণ মন পাগল করিত ;
 কি জানিবি পাখী তুই, কত সে জানিত ।

কোথায় লুকায় ছিল নিবিড় পাতায় ;
 চকিত চঞ্চল ঝাঁপি,
 না পাই দেখিতে পাখী,
 আবার শুনিতে পাই সঙ্গীত শুনাফ,
 মনের আনন্দে বসে তরুর শাখায় ।
 কে তোরে শিখালে বল,
 এ সঙ্গীত নিরমল ?
 আমার মনের কথা জানিলি কোথায় ?
 ডাক রে আবার ডাক পরাণ জুড়ায় !

ধিক মোরে ভাবি তারে আবার এখন !
 ভুলিয়ে সে নব রাগ,
 ভুলে গিয়ে প্রেমবাগ,
 আমারে ফকীর করে আছে সে যখন ;
 ধিক মোরে ভাবি তারে আবার এখন ।
 ভুলিব ভুলিব করি,
 তবু কি ভুলিতে পারি,
 না জানি নারীর প্রেম মধুর কেমন,
 তবে কেন সে আমারে ভাবে না এখন ?

ডাক্ রে বিহগ তুই ডাক্ রে চতুর ;
 ত্যজে শুধু সেই নাম,
 পুরা তোর মনস্কাম,
 শিখেছিঁস্ আঁর ষত বল স্মধুর !

ডাক্ রে আবার ডাক্ মনোহর স্বর !
 না শুনে আমার কথা,
 ত্যজে কুসুমিত লতা,
 উড়িল গগন-পথে বিহগ চতুর ;—
 কে আঁর শুনাবে মোরে সে নাম মধুর

প্রিয়তমার প্রতি

১

প্রেয়সি রে, অধীনেরে জনমে কি ত্যজিলে !
 এত আশা ভালবাসা সকলি কি ভুলিলে !
 অই দেখে নব ঘন, গগনে আসিয়ে পুনঃ,
 মৃদু মৃদু গরজন গুরু গুরু ডাকিছে ।
 দেখ পুনঃ চাঁদ আঁকা, ময়ূর খুলিয়ে পাখা,
 কদম্বের ডালে ডালে কুতূহলে নাচিছে ।
 পুনঃ সেই ধরাতল, পেয়ে জল স্নানীতল,
 স্নেহ করে তৃণদল বুকে করে রাখিছে ।
 হের প্রিয়ে পুনরায়, পেয়ে প্রিয় বরষায়,
 ষমুনা-জাহ্নবী-কায়া উখলিয়া উঠিছে ।
 চাতক ভাপিত প্রাণ, পুলকে করিয়ে গান,
 দেখ রে জলদ কাছে পুনরায় ছুটিছে !
 প্রেয়সী রে সুপোদয়, অখিল ব্রহ্মাণ্ডময়,
 কেবলি মনের দুখে এ পরাণ কাঁদিছে ।

২

অই পুনঃ জলধরে বারিধারা বারিল !
 লতায় কুসুমদলে, পাতায় সরসীজলে,
 নবীন তৃণের কোলে নেচে নেচে পড়িল ।
 শ্রামল সুন্দর ধরা, শোভা দিল মনোহরা,
 শীতল সৌরভভরা বাসে বায়ু ভরিল,
 মরাল আনন্দ মনে, ছুটিল কমল বনে,
 চঞ্চল মৃগালদল ধীরে ধীরে হুলিল ।

বক হংস জলচর, ধৌত করি কলেবর,
 কেলি হেতু কলরবে জলাশয়ে নামিল ।
 দামিনী মেঘের কোলে, বিলাসে বসন খোলে,
 ঝলকে ঝলকে রূপ আনো করে উঠিল ।
 এ শোভা দেখাব কারে, দেখায়ে সন্তোষ যারে,
 হয় সেই প্রিয়তমা অভাগারে ত্যজিল !

৩

ত্যজিবে কি প্রাণসখি ? ত্যজিতে কি পারিবে ?
 কেমনে সে স্নেহলতা এ জনমে ছিঁড়িবে ?
 সে যে স্নেহ স্বধাময়, ঘেরিয়াছে সমুদয়,
 প্রকৃতি পরাণ মন, কিসে তাহা ভুলিবে ?
 আবার শরত এলে, তেমনি কিরণ ঢেলে,
 হিমাংশু গগনে কি রে আর নাহি উঠিবে ?
 বসন্তের আগমনে, গেরূপে সঙ্ক্যার সনে
 আর কি দক্ষিণ হতে বায়ু নাহি বহিবে ?
 আর কি রজনীভাগে, সেইরূপ অমুরাগে,
 কামিনী, রজনীগন্ধ, বেল নাহি ফুটিবে ?
 প্রাণেশ্বর ! পুনর্বার, নিশীথে নিস্তরু আর
 ধরাতল সেই রূপে নাহি কি রে থাকিবে ?
 জীব জন্তু কেহ কবে, কখন কি কোন রবে,
 ভুলে অভাগার নাম কণ্ঠেতে না আনিবে ?
 প্রেমসি রে স্বধাময়, স্নেহ ভুলিবার নয়,
 কাঁদালি কাঁদিলি শুধু পরিণামে জানিবে !

অই দেখ প্রিয়তমে বারিধারা ধরিল ।
 শরতে সুন্দর মহী স্বধা মাখি বসিল ।
 হরিত শশুর কোলে, দেখ রে মঞ্জরী দোলে,
 ভানুছটা তাহে কিবা শোভা দিয়া পড়েছে !
 বহিলে মৃদুল বায়, চলিয়া চলিয়া তায়,
 তটিনী-তরঙ্গলীলা অবনীতে খেলিছে ।
 গোষ্ঠে গাভী বৃষ সনে, চরিছে আনন্দ মনে,
 হরষিত তরুলতা ফলে ফুলে সেজেছে ।

সরোবরে সরোরুহ, কুমুদ কহলার সহ,
 শরতে সুন্দর হয়ে শোভা দিয়ে ফুটেছে ।
 আচম্বিতে দরশন, ঘন ঘন গরজন,
 উড়িয়ে অশ্বরে মেঘ ডেকে ডেকে চলেছে ।
 প্রেয়সি রে মনোহরা, এমন সুখের ধরা,
 বিহনে তোমার আজি অন্ধকার হয়েছে !

আহা কি সুন্দর বেশ সন্ধ্যা অই আইল !
 ভাঙা ভাঙা ঘনগুলি, ভানুর কিরণ তুলি,
 পশ্চিম গগনে আসি ধীরে ধীরে বসিল ।
 অস্তগিরি আলো করি, বিচিত্র বরণ ধরি,
 বিমল আকাশে ছটা উখলিয়া পড়িল ।
 গোধূলিকিরণমাখা, গৃহচূড়া তরুশাখা,
 প্রেয়সি রে, মনোহর মাধুরীতে পুঙ্লি ।
 কাদম্বিনী ধীরি ধীরি, হয়, তরু, গজ, গিরি,
 আঁকিয়ে সুন্দর করি ছড়াইতে লাগিল !
 দেখ প্রিয়ে সূর্য্য-আভা গঙ্গাজলে কিবা শোভা,
 স্তবর্ণের পাতা খেন ছড়াইয়া পড়িল ।
 কৃষক মঞ্চের 'পরে, উঠিল আনন্দ ভরে,
 চঞ্চুপুটে শস্ত ধরে নভশ্চর ফিরিল ।
 এ সুখ-সন্ধ্যায় প্রিয়ে, সাধে জলাঞ্জলি দিয়ে,
 শূণ্ণমনে নিরাসনে এ অভাগা রহিল ।

আজি এ পুণিমা নিশি প্রিয়ে কারে দেখাবে !
 কার সনে প্রিয়ভাষে দেহ মন জুড়াবে !
 এখনি যে সুধাকর, পূর্ণবিশ্ব মনোহর,
 পূর্বদিকে পরকাশি সুধারামি ছড়াবে ।
 এখনি যে নীলাশ্বরে, শ্বেতবর্ণ থরে থরে,
 আসিয়ে মেঘের মালা সুধাকরে সাজাবে ।
 তরু গিরি মহীতল, শিশির আকাশ জল,
 টাদের কৌমুদী মাখা কারে আজি দেখাবে !

প্রেমসি অঙ্গুলি তুলি, কুমুম-কলিকাগুলি,
 শিশিরে ফুটিছে দেখি কারে আজি সুধাবে—
 “অই দেখ চক্রবাক, ডাকে অমঙ্গল ডাক,”
 ব’লে সুধাইবে কারে, কে বাসনা পুরাবে !
 তনু মন সমর্পণ, করেছিল যেই জন,
 তারে কাঁদাইলে, হায়, প্রণয় কি জুড়াবে !

দূর কাননের কোলে পাখী এক ডাকিছে

সুধাংশু গগনবুকে শীতাংশু ঢাকিছে সুখে,
 জগৎ শীতল হ’য়ে সে আলোকে ভিজিছে,
 সুধীর সমীর বয়, ছলিছে পল্লবচয়,
 উড়ানে রজনীগন্ধা নিশিমুখে ফুটিছে ;—
 দূর কাননের কোলে পাখী এক ডাকিছে !

স্বভাবের ভাবে ভোর, স্বপনে ছুটেছে জো’র,
 পরাণ হৃদয় মন কত স্রোতে ডুবিছে ;
 আসাড় ইন্দ্রিয়-জ্ঞান, বিশ্ব-প্রাণে যুড়ে প্রাণ
 মধুর মুরলীগান, যেন শুধু শুনিছে !—
 দূর কাননের কোলে পাখী এক ডাকিছে ।

সে স্বপ্ন মুরলীধ্বনি সহসা ভুলি তখনি,
 রমণী-কণ্ঠের স্বর কানে যেন পশিল—
 “শেষ দেখা এইবার, এবে সে ব্রত উদ্ধার,
 এখন বৈরাগ্যপথে সখী তব চলিল ।”—
 রমণীর ছায়া এক তরুতলে পড়িল ।

নয়নে ঝরিল বিন্দু—কোথা বা কিরণ ইন্দু !—
 যৌবনলীলার সিদ্ধু স্মৃতিপথে খেলিল,
 মনে হল সমুদয়—এইরূপে চন্দ্রোদয়,
 যবে এই তরুতলে আমারে সে বলিল—
 দূর কাননের কোলে পাখী এক ডাকিল !

বলিল “কপালে লেখা হবে পুনঃ হবে দেখা,
 আজি হ’তে শেষ এই” বলে ফিরে চলিল ।
 ফুরিয়েছে যত বর্ষ যত খেদ যত হর্ষ
 সে দিন—সে সব(ই) আজ স্মৃতিপটে জ্বলিল ।
 দূর কাননের কোলে পাখী এক ডাকিল ।

যে ছবি হৃদয়ে ধ’রে ফিরেছি ভুবন পরে,
 এসেছি—বসেছি ঘরে, ক’টা তার জাগিছে ?
 আশার মোহের ছল বাহুতে দিয়াছে বল—
 এবে তার আছে ক’টা—ক’টা তার কুটিছে ?
 দূর কাননের কোলে পাখী এক ডাকিছে !

উদাসে দেখিছ তায়, সে কাস্তি কোথা রে, হায়,
 যে কাস্তি কল্পনা-পথ আলো ক’রে শোভিছে !
 এষ্ট কি সে নিরুপমা প্রতিমা জিনিয়া রমা—
 কিম্বা এ তরুর(ই) ছায়া—প্রতিবিন্দু ছলিছে ?
 সে যে এই—দ্বিধা হৃদে কিছুতে না ঘুচিছে !

চেয়ে দেখি যত বার হিয়া কাঁদে তত বার—
 সে মুখের সনে যেন কত যুগ(ই) ফিরিছে !
 “যাও”—বলিবারে তারে রসনা জুয়াতে নারে,
 কি যেন কোথায় থে ক কণ্ঠ আসি রোধিছে !
 দূর কাননের কোলে পাখী এক ডাকিছে ।

স্বপ্নপ্রাণীর প্রায় “যাও”—শেষে দিগ্ন সায়,
 অমনি নয়ন-তটে বারিধারা বাহিল,
 ক্ষণেক না থাকে আর “এই শেষ—শেষ বার”
 বলে অপাঙ্গের কোণে একবার চাহিল—
 ধীরে ধীরে রজনীর ছায়া সনে মিশিল !

পুরুষ রমণী ছাঁচে প্রভেদ কি এত আছে ?
 একি সাধ ছ’জনার হৃদিতল মধিছে,
 এক বাচে মরে আর, একি লীলা বিধাতার—

পাষণে কুম্ভমহার কেন বিধি গাঁথিছে,
দূর কাননের কোলে পাখী এক ডাকিছে ।

যার মস্ত্রে দীক্ষা নিয়ে জগতের সুধা পিয়ে,
জেগেছি জগতীতলে—সে কোথায় কাঁদিছে ?
আমি সেই তরুতলে ভ্রমি সেই ভ্রমছলে,—
হিয়া মাঝে তার ছায়া কতবার বসিছে ?
দূর কাননের কোলে পাখী এক ডাকিছে ।

আবার গগন-বুকে সুধাংশু উঠিছে সুখে,
জগৎ শীতল হ'য়ে সে আলোকে ভিজিছে,
সুধীর সমীর বয়, ছলিছে পল্লবচয়,
উজ্জানে রজনীগন্ধা নিশিমুখে ফুটিছে,
কঠিন পুরুষ-প্রাণ সকলি ত সহিছে !—
দূর কাননের কোলে পাখী এক ডাকিছে ।

॥ নানা-প্রসঙ্গ ॥

রেলগাড়ী

এসো কে বেড়াতে যাবে—শীঘ্র কর সাজ্ ;
ধরাতে পুষ্পকরথ এনেছে ইংরাজ !

শীঘ্র উঠ—ভরা করি,
বাক্স, ব্যাগ, তল্লি ধরি ;
এখনি বাজিবে বাঁশী,
ঠং-ঠং-ঠং কাঁসী
বাজিবে ইম্পাং-বোলে,
ছাড়িবে নিশান-দোলে,

শীঘ্র উঠ—পড়ে থাক ছড়ি, ঘড়ি, তাজ্ ;—
ধরাতে পুষ্পকরথ এনেছে ইংরাজ !

টকস্ টকস্ নাদে
বাবুরা টিকিট ছাদে,
ইপায়ে ইপায়ে ছোটে,
শাডী, ধুতি, ছাট্, কোটে
ঠেকাঠেকি—ছুটে যায়
কেহ করে না সুধায়,
গ্যালো গ্যালো মুখে বোল্,
আয়, নে রে, গোল্, তোল্ ;
হের চল কাণাকাণি
কিবা লাট্, রাজা, রাণী !
অই ফুকারণি বাঁশী,
ঠং-ঠং শেষ কাঁসী,

ওই শুন টিকিটের ঘরে কিবা গোল !—
মাণ্ডলের গাঁদি ঘেন—ঠেকাঠেকি কোল !

গাড়ীতে পড়িল চাবি—আর নাহি গোল,
ছলিল সবুজ-রঙা পতাকার দোল ।

চলিল পুষ্পকরথ ফুকারে ফুকারে,
 এখনি নিশ্বাস ছাড়ি দেখ হে ছ'ধারে—
 হরিতবরণ মাঠ,
 ধাত্ত, নীল, ইক্ষু, পাট,
 আকাশ ঠেকেছে যেথা
 দিগন্তে বিস্তৃত মেখা !
 দেখ হে ছ'ধারে চেয়ে
 পশ্চাতে চলেছে ধেয়ে
 সারি সারি না'রিকেল,
 তাল, বট আম, বেল,
 জাঙ্গাল, পগার, নাধ,
 বেড়, বাড়ী, নানা ছাঁদ,
 সোদামিনী-বাধা-হার
 ছুটেছে তামার তার,
 উড়িয়া চলেছে রথ
 বেগেতে কাঁপিছে পথ—
 পক্ষী যুগ দূরে পড়ি মানিতেছে লাজ্—
 ধরাতে পুষ্পকরথ এনেছে ইংরাজ !

চলুক চলুক রথ—যে যার ভাবনা
 ভাবো বসে নিরুদ্বেগে ছুটায় কল্পনা ;
 স্বভাবের প্রিয় যারা
 হের গিরি বারিধারা,
 নিবিড় ভূধর-গায়
 হের খেলা কুয়াসায়,
 নিশিতে নক্ষত্র পাতি
 হের চন্দ্রমার ভাতি,
 দেখ হে অনন্ত দৃশ্য ছড়ান মাথায়—
 দেখ দিগন্তের কোলে কি শোভা খেলায় !

হের হের তীর্থ-মনে চলেছ যাহারা
 পথের ছ'ধারে তীর্থ—শীঘ্র নামো তারা,
 গেলো চলে—গেলো রথ,
 অই বৈষ্ণনাথ-পথ,

গুছাতে সবে না দেরি,
 কাজ নাই সঙ্গী হেরি,
 দেখিতে দেখিতে যাবে
 সীতাকুণ্ড আগে পাবে,
 কিছু দূর আগে তার
 ঠাকিপুর—গয়া-দ্বার,
 দণ্ড কত যাক যান
 পাবে কাশী তীর্থস্থান,
 প্রয়াগ, অযোধ্যা ছাড়ি পাবে অগ্রবন—
 মথুরা তাহার পরে হের বৃন্দাবন !

মানবজনম, হায়, সার্থক হে আজ—
 সাবাস বাম্পীয় রথ—সাবাস ইংরাজ !

আরো দূরে যাবে যারা
 শীঘ্র রথে উঠ তারা,
 হরিদ্বার, গঙ্গাবারি,
 পুষ্কর, দ্বারকাপুরী,
 নর্মদা, কাবেরী নদ,
 কৃষ্ণা-গোদাবরী-পদ,
 ঈলোরা বৌদ্ধ-গহ্বর,
 সেতুবন্ধ-রামেশ্বর,
 ভ্রমিবে নক্ষত্র-গতি,
 পরিতর্কিতে পথি
 হেরিবে বিমানে চড়ি—ত্রেতার যেমন
 সীতারামে উজ্জরথে সিন্ধু-দরশন !

এসো হে কে যাবে, চল ভারত-ভ্রমণে
 দুয়ারে পুষ্পকরথ ছাড়িছে নিশ্বনে !—
 আর কেন বঙ্গবাসী
 পায়ে বেঁধে রাখ ফাঁসী,—
 বাঙ্গালীর যে দুর্নাম
 ঘুচায়, সাধ হে কাম,
 আর যেন ত্রৈলোক্য বলে
 বাঙ্গালীরে নাহি বলে,

হেমচন্দ্রের নির্বাচিত রচনাবলী

এবে পরিষ্কার পথ
যাও যথা মনোরথ,
বোম্বাই কিম্বা কলিক্ত,
সিলং, দুর্জয়লিক্ত,
সিমিলা-পাহাড়-পাট,
কাশ্মীর, মারহাট্টা-ঘাট,
যেখানে ক'রে গমন
সাধিতে পার হে পণ
পুষ্পকবিমানে চ'ড়ে সেইখানে যাও-
বাক্সালীর লঙ্কাকর দুর্নাম ঘুচাও !
ভারতভ্রমণে চলো শীঘ্র কর সাজ
দুয়ারে পুষ্পকরথ
বেঁধেছে ইংরাজ !

ধন্য রে বিমান ধন্য !
ধন্য হে ইংরাজ ধন্য !—
কলে জিনিয়াছ কাল,
অন্ধারে জালায়ে জাল,
বহিরে বেঁধেছ রথে,
পবনের মনোরথে
তুচ্ছ করি, কর খেলা
কি নিশি মধ্যাহ্ন-বেলা,
বেঁধেছ ভারত-অঙ্গ
লৌহজালে করি রঙ্গ,
অসুর-অসাধ্য কাজ সাধিতেছ জগতে !—
জড়ে প্রাণ দিতে পার দেবের দর্পেতে,
পারো না কি বাঁচাইতে নিজ্জীব ভারতে ?

শিশুর হাসি

কি মধু-মাখানো, বিধি, হাসিটি অমন
দিয়াছ শিশুর মুখে !
স্বর্গেতে আছে কি ফুল
মর্ত্যে যার নাহি তুল,
তারি মধু দিয়ে, কি হে,
করিলে সৃজন ?

সৃজিলে কি নিজ-স্বখে ?
কিম্বা, বিধি, নরদুখে
মনে ক'রে—ও হাসিটি করেছ অমন !

জানি না তুমিই কিনা আপনি ভুলিলে
সৃজনের কালে, বিধি ?
গড়েছ ত এত নিধি,
উহার মতন, বল, কি আর গড়িলে ?

নবনীর সর ছাঁকা
সুন্দর শরত-রাকা,
তরুণ প্রভাত কি হে কোমল অমন ?

কারে গড়েছিলে আগে,
কারে বেশি অনুরাগে

সৃজন করিলে, বিধি, সৃজিলে যখন ?

ফুলের লাবণ্য বাস
অথবা শিশুর হাসি,
কারে, বিধি, আগে ধ্যানে করিলে দারণ !

ছিল কি হে নরজাতি-সৃজনের আগে
এ কল্পনা তব মনে ?
অথবা শিশি-কিরণে
গড়িলে যখন—এরে গড় সেই রাগে ?

দেখায়ে ছিলে কি উটি সৃজিলে যখন
অমৃত-পিপাসু দেবে ?
কি বলিল তারা সবে,
দেখিল যখন এই হাসিটি মোহন ?

অমৃত কি, অহে বিধি, ভাল ওর চেয়ে ?
তবে কেন ছাড়ে তারা
সুধা-অঙ্ক দেবতারা—
অমৃত অধিক মধু ও হাসিটি পেয়ে ?

কিম্বা চেয়েছিল তারা, তুমিই না দিলে ;

দিয়াছ এতই, হায়,
চিরস্থখী দেবতায়,
হুঃখী মানবের তরে ওটুকু রাখিলে ?

দেখিলে শিশুর হাসি জীবিত যে জন
কে না ভোলে, কে না চায়
আবার দেখিতে তায় ?
একমাত্র আছে অই অখিল-মোহন—

জাতি দেশ বর্ণভেদ, ধর্মভেদ নাই
শিশুর হাসির কাছে,
সবি প'ড়ে থাকে পাছে,
যেখানে যখন দেখি তখনি জুড়াই ।

নাহি পর, আপনার, নাহি তুঃখ মুখ,
দেখিলে তখনি মন
মাধুরীতে নিমগন,
কি যেন উখলি উঠে পূর্ণ ক'রে বুক !

আয় আয় আয়, শিশু, অধরে ফুটায়ে
অই স্বরগের উষা,
অই অমরের তমা
তুলিয়া হৃদয়ে—দে রে মানবে ভুলায়ে !

হে বিধি, নিয়াছ সব, করেছ উদাসী,

এক হৃদয়ের আলো
উহারে ক'রো না কালো
অতুলনা দীপ উটি— নিও না ও হাসি !

চাহি না শীতল বায়ু, মুকুল-অমিয়,
চন্দ্রকর বারি-কোলে
নাচিয়া নাচিয়া দোলে,
তাও না'হ চাই, বিধি,— ও হাসিটি দিয় !

ভাস রে চাঁদের কর—হাস রে প্রভাত,
ডাক পাখী প্রিয় স্বরে
দোল পাতা বুঝে বুঝে
পিঠে করি প্রভাকর-কিরণ-প্রপাত ;

উঠুক মানব-কণ্ঠে ললিত সঙ্গীত,
বাজুক “অর্গান”, বাঁশী,
তরল তালের রাশি
ছটুক নর্তকী-পায় করিয়া মোহিত ;—

কিছুই কিছুই নয়
ও হাসির তুলনায় ;
জগতে কিছুই নাই উহার মতন ।
কি মধু মাখানো বিধি,
হাসিটি অমন

দিয়াছ শিশুর মুখে ?

টীকা ও মন্তব্য

বৃত্তসংহার

✓ 'বৃত্তসংহার' মহাকাব্যের কাহিনী মহাভারত থেকে গৃহীত হয়েছে। মহাভারতের বনপর্বাস্তর্গত শততম এবং একাদিকশততম অধ্যায় দুটি থেকে হেমচন্দ্র আখ্যান সংকলন করেছেন। এখানে সে অংশের বঙ্গানুবাদ উদ্ধৃত হল।

...সত্যযুগে কালকেয় নামে কতকগুলি যুদ্ধদুর্মদ দানব বৃত্তাসুরকে অধিপতি করিয়া বিবিধ আয়ুধ গ্রহণপূর্বক মহেন্দ্র প্রভৃতি সুরগণকে চতুর্দিক হইতে আক্রমণ করিয়াছিল। অমরগণ তখন বৃত্তাসুর বধে উৎসুক হইয়া পুরন্দরকে পুরঃসর করিয়া কৃতাজলিপুটে ব্রহ্মার আরাধনা করিলেন। অনন্তর ভগবান কমলাসন দেবগণকে কহিলেন, "হে দেবগণ! আমি তোমাদিগের অভিলষিত কাৰ্য্য অবগত হইয়াছি, এক্ষণে যে উপায়ে বৃত্তাসুরকে বধ করিতে সমর্থ হইবে, তাহা কহিতেছি। দধীচ বলিয়া বিখ্যাত এক উদারধী মহর্ষি আছেন, তোমরা সকলে একত্র হইয়া তাঁহার নিকট গমনপূর্বক বর প্রার্থনা করিবে; সেই ধর্ম্মাত্মা যখন প্রীতিপ্রফুল্লচিত্তে বরপ্রদান করিতে উত্তত হইবেন, তখন তোমরা তাঁহাকে কহিবে, 'আপনি ত্রৈলোক্যের হিতের নিমিত্ত স্বীয় অস্থিসকল প্রদান করুন।' অনন্তর তিনি স্বীয় শরীর পরিত্যাগ করিয়া অস্থি প্রদান করিবেন; তদ্বারা বড়শ ভীমনিশ্বন স্মৃঢ় বজ্র বিনির্মিত হইলে পুরন্দর সেই বজ্রে বৃত্তাসুরকে বধ করিবেন। আমি যাহা কহিলাম, তোমরা অনতিবিলম্বে সেই রূপ অনুষ্ঠান কর।"

অনন্তর দেবগণ পিতামহের অহুজ্জাগ্রহণপূর্বক সরস্বতী নদীর পরপারে দধীচ মুনির আশ্রমে উপনীত হইলেন। নানাবিধ তরুরাজি ও লতাবিতানে যাহার সুসমা সম্পাদন করিতেছে, যাহাতে সামগানসদৃশ ষট্‌পদসমূহের সঙ্গীতধ্বনি জীবজীবক ও পুংস্কোকিলকুলের কলরবসহকারে উথিত হইতেছে, যাহাতে মহিষ, বরাহ, স্মর ও চমরগণ শাদ্দুল-ভয় পরিত্যাগ করিয়া ইতস্ততঃসঞ্চরণ করিতেছে, যাহাতে মদশাবী করিগণ সরোবরে অবগাহনপূর্বক করেণুকার সহিত ক্রীড়া করিতেছে, যাহাতে গুহাকন্দরশায়ী সিংহ, ব্যাঘ্র ও অন্যান্য বনচরগণ ঘনঘটার গায় ঘোরতর গর্জন করিতেছে, দেবগণ সেই স্বর্গসদৃশ শোভমান আশ্রমে প্রবিষ্ট হইয়া দেখিলেন, প্রভাকরপ্রভ দধীচ ঋষি পিতামহের গায় দীপ্যমান কলেবরে

বিরাজ করিতেছেন। অনন্তর সুরগণ তাঁহার চরণ গ্রহণপূর্বক অভিবাদন করিয়া ব্রহ্মানির্দিষ্ট বর প্রার্থনা করিলেন।

দধীচ-মুনি অমরগণের প্রার্থনা শ্রবণপূর্বক সাতিশয় আনন্দিত হইয়া কহিলেন, 'হে দেবগণ! আমি প্রাণ পরিত্যাগ করিয়াও আপনাদিগের উপকার করিব; কোনক্রমেই অভিলষিত বরপ্রদানে পরাভ্যুথ হইব না।' হিতৈষী মহর্ষি এই কথা কহিয়া মহসী প্রাণ পরিত্যাগ করিলে সুরগণ তাঁহার অস্থিসকল গ্রহণ করিয়া জয়লাভের নিমিত্ত হৃষ্ট চিত্তে বিশ্বকর্মার সমীপে আগমনপূর্বক আপনাদিগের প্রয়োজন কহিলেন। বিশ্বকর্মা তাহা শ্রবণমাত্র অতিমাত্র হৃষ্টচিত্তে প্রেষত্বসহকারে দধীচ-মুনির অস্থিদ্বারা সাতিশয় উগ্রকান্তি ভীষণদর্শন বজ্র নির্মাণ করিয়া পুরন্দরকে কহিলেন, 'হে দেবরাজ ইন্দ্র! এই বজ্র দ্বারা ভীষণ সুরারিগণকে নিধন করিয়া স্বগণ স্মৃতিবাহারে সমুদয় স্বর্গরাজ্য নির্বিবাদে শাসন করুন।' বিশ্বকর্মার বাক্যাবসান হইলে পুরন্দর আনন্দিত হইয়া বজ্রগ্রহণ করিলেন।

অনন্তর পুরন্দর বজ্রগ্রহণপূর্বক বৃত্রাসুরকে আক্রমণ করিবার নিমিত্ত ষাট্রা করিলেন ও বলবান্ বলবান্ দেবগণ দেবরাজের রক্ষাকার্য্যে নিযুক্ত হইলেন। এদিকে বৃত্রাসুর স্বর্গ-মর্ত্য আবৃত করিয়া রহিয়াছে; মহাকায কালকেয়গণ শৃঙ্গশালী শৈলরাজের গায় উচ্চতায়ুধ হইয়া তাহার তেজস্বী রক্ষা করিতেছে।

অনন্তর দানবগণের সহিত দেবগণের ভয়ানক যুদ্ধ আরম্ভ হইল। বীরগণ গড়েগাতুলন করিয়া আঘাত করিলামাত্র সেই গড়া বিপক্ষ শরীরে নিপতিত হইয়া ভীষণ শব্দ উৎপাদন করিল এবং বীরগণের সমস্ত মস্তক বৃন্তশ্লথ তালফলের গায় ধরাভলে পতিত হইতে লাগিল।

এইরূপ তুমুল সংগ্রামসময়ে কালকেয়-দানবগণ হেমকবচ পরিধান-পূর্বক পরিঘাস্ত্র গ্রহণ করিয়া দাবদধ পর্বতরাজির গায় দেবগণকে আক্রমণ করিল। বেগবান্ অসুরেরা সাতিশয় দর্পভরে ধাবমান হইলে দেবগণ তাহাদিগের বেগ সহ্য করিতে অসমর্থ হইয়া ভয়ে ইতস্ততঃ পলায়ন করিতে লাগিলেন। সহস্রলোচন দেবগণকে ভয়ে পলায়ন করিতে ও বৃত্রাসুরকে বিবর্দ্ধমান হইতে অবলোকন করিয়া মুচ্ছাপন্ন হইলেন। অনন্তর দেবরাজ ইন্দ্র সুরারি-ভয়ে ভীত হইয়া নারায়ণের শরণাপন্ন হইলে সনাতন দেব বিষ্ণু তাঁহাকে মোহাবিষ্ট দৃষ্টিগোচর করিয়া স্বীয় তেজ প্রদানপূর্বক তাঁহার বলবর্দ্ধন করিলেন। নারায়ণ সুররাজ ইন্দ্রকে রক্ষা করিলেন দেখিয়া দেবগণ ও ব্রহ্মর্ষিগণ তখন স্বীয় স্বীয় তেজধারণ করিলেন। এইরূপে

ত্রিংশাধিপতি ইন্দ্র বিষ্ণু কর্তৃক আপ্যায়িত এবং দেব ও ঋষিগণের সহিত একত্র মিলিত হইয়া সমধিক বলবান্ হইয়া উঠিলেন ।

বৃত্রাসুর সুরপতিকে এইরূপ অবলোকন করিয়া ক্রোধভরে অতি ভীষণ সিংহনাদ পরিত্যাগ করিলে মহীতল, দিকসকল, অস্তরীক্ষ ও দেবলোক কম্পমান হইতে লাগিল । দেবরাজ তাহার ভীষণ নিনাদ শ্রবণে সমভিতপ্ত ও ভয়ে অভিভূত হইয়া তাহাকে বধ করিবার নিমিত্ত সঙ্ঘে কুলিশ পরিত্যাগ করিলেন । কাঞ্চনমাল্যধারী মহাসুর বৃত্র ইন্দ্রপ্রযুক্ত কুলিশ-পাতাভিত্ত হইয়া বিষ্ণুকরমুক্ত মহাগিরি মন্দেরের গায় নিপাতিত হইল । সুররাজ ইন্দ্র বৃত্রভয়ে এরূপ ভীত হইয়াছিলেন যে, তিনি স্বয়ং বজ্রাঘাত করিয়া তাহার প্রাণসংহার করিয়াছিলেন, ইহা একবারে বোধ করিতে অসমর্থ হইয়া সরোবরে প্রবেশপূর্বক প্রাণরক্ষা করিবার নিমিত্ত পলায়ন করিলেন । তখন দেবগণ বৃত্রাসুরকে নিহত নিরীক্ষণ করিয়া আনন্দভরে দেবরাজকে স্তব ও বৃত্রবধব্যাকুল অবশিষ্ট দৈত্যকুলকে নিশ্চূল করিতে আরম্ভ করিলেন !

[কালীপ্রসন্ন সিংহের মহাভারতের অনুবাদ]

প্রথম খণ্ড : প্রথম সর্গ

[প্রথম সর্গের পরিকল্পনা মধুসূদনের “তিলোত্তমাসম্ভব কাব্য”-এর দ্বিতীয় সর্গের দ্বারা বিশেষভাবে প্রভাবিত। সেখানে সূন্দ-উপসূন্দাসুরের হাতে পরাজিত হয়ে দেবতারা ব্রহ্মলোকের দ্বারদেশে সমবেত হয়ে পরামর্শ করছিলেন। এখানে তারা পাতালে পলায়িত।]

পৃষ্ঠা

- ১ বিধ্বনিত—কম্পিত। আদিত্যগণ—অদिति এবং কশ্যপের দ্বাদশপুত্র : ইন্দ্র, বিষ্ণু, সূর্য, অশ্বিনী, বক্রণ, অংশ, অর্ষমা, রবি, পুষ, মিত্র, বরদমত্ন ও পর্জন্য। এখানে দেবগণ বোঝাতে গিয়ে শব্দটি প্রযুক্ত। ত্রিষাম্পতি—তেজোময় (সূর্য)। শব্দটি যোগাক্রম; তবে এখানে সূর্যের বিশেষণরূপে ব্যবহৃত। আরাব—শব্দ। জ্যৈষ্ঠবৃন্দ—মেঘগণ। সুর—দেবতা। দম্বজ—কশ্যপ ও দম্বজ পুত্র। বিপ্রচিহ্ন, নরক, বৃষপর্বা, নিকুন্ত, প্রলম্ব, বনায়ু, কেতুমান, বিরূপাক্ষ, কেশী, নমুচি, পুলোমা প্রভৃতি ৪০ জন দম্ব-পুত্র দানব বা দম্বজ নামে পরিচিত। অজর—জরা বা বার্ধক্যজয়ী। শূর—বীর। স্বরভ্রষ্ট—স্বর্গচ্যুত। স্কন্দ—কার্তিক।
- ২ অমরা—স্বর্গপুরী। দম্বগিরি—আগ্নেয়গিরি। স্পৃষ্টে—পিঠে। মধুসূদনের অনুসরণে অকারণে স্ বিশেষণের প্রয়োগ হেমচন্দ্র ও বহুব্যাকরণ করেছেন। নিরয়—নরক। মার—কামদেবকে বুদ্ধিশাস্ত্রে ‘মার’ নামে অভিহিত করা হয়। রজঃ—ধূলি।
- ৩ অদৃষ্টের বশতায় ইত্যাদি—প্রত্যক্ষত মধুসূদনের এবং পরোক্ষত যুরোপীয় ক্লাসিক কবিদের প্রভাবে হেমচন্দ্র ও অদৃষ্ট, নিয়তি প্রভৃতির প্রসঙ্গ তুলেছেন, কিন্তু খুবই সূত্র এবং অস্পষ্টভাবে। কোদণ্ড—ধনু।
- ৪ আহব—যুদ্ধ।

দ্বিতীয় সর্গ

- ৫ রতি—কাম এবং কামবধু রতি উভয়কেই হেমচন্দ্র বৃহৎ একাঙ্গ অঙ্গুগত সেবকরূপে চিত্রিত করেছেন। ব্রীড়া—লজ্জা। বসনবন্ধন ইত্যাদি—ভারত-চন্দ্রের বর্ণনার প্রভাব। পৌষ—অমৃত। সরিং—নদী।
- ৬ আলা—অবহেলিত। কোম্বভ—বিষ্ণুর বক্ষশোভাকারী পুরাণ-কথিত মণি।
- ৭ স্ফারিত—বিস্ফারিত। উরস—বক্ষ। কভু বীররস ইত্যাদি—বৃহৎ-ঐন্দ্রিলার মিলনের পটভূমিতে একরূপ বীররসের পটভূমি রচনা রসাস্বাদে বিষয় ঘটিয়েছে।
- ৮ উৎসর্গ—ক্রোধ।

তৃতীয় সর্গ

৮ কুবের—যক্ষপতি কুবেরকে বৃত্তসেবকরূপে অঙ্কিত করা হয়েছে। মন্দার—পারিজাত। কিন্নরগণ—দেবযোনি বিশেষ। ব্রহ্মার ছায়া থেকে এদের জন্ম। এরা গীতবিদ্যায় পারদর্শী। উর্ধ্বশী ইত্যাদি—স্বর্গের বারঙ্গনা, অঙ্গরা নামে পরিচিত। অঙ্গরা—সমুদ্রমন্থনের সময়ে এরা উৎখিত হয়, কিন্তু দেব-দানব কেউ এদের গ্রহণ না করায় এরা স্বর্গ-বারঙ্গনারূপে গণ্য হয়। এদের যৌন-আবেদন মূলক সৌন্দর্য এবং নৃত্যগীতে পারদর্শিতার কথা প্রায় সব পুরাণেই বলা হয়েছে। যক্ষ—কুবেরের অনুচর, দেবযোনি বিশেষ। এদের বিরূতাজ এবং বিকৃতস্বভাব বলে বর্ণনা করা হয়েছে। সিদ্ধ—যে সব মানব সাধনাবলে সিদ্ধিলাভ করে স্বর্গবাসী হয়েছে। বিদ্যধর—নৃত্যগীত-পটু দেবযোনি বিশেষ।

৯ স্বতন্তরা—স্বাধীনা।

১০-১১ অশ্ব—কিরণ। সূর্যেরে রাখিব করি ইত্যাদি—রামায়ণের কাহিনীতে পাই, রাবণ স্বর্গাধিপতি ইন্দ্রকে পরাভূত করেন এবং প্রধান দেবতাদের নিজের সেবায় নিয়োজিত করেন। বৃত্তের বাক্যে সে ঘটনার প্রতীকনি শোনা যাচ্ছে। ললামভূষিত—তিলক-সজ্জিত। হর্ষক—সিংহ। এখানে জৈনিক দানবসেনাপতি। হর্ষক বিপুলবক্ষ ইত্যাদি—তুলনীয় :

ওই যে দেখিছ রথী স্বর্গ-চূড়-রথে,
ভীমমূর্তি বিরূপাক্ষ রক্ষঃ দল-পতি,
প্রক্ষেড়ন ধারী-বীর, দুবার সমরে।
গজপৃষ্ঠে দেখ ওই কালনেমি, বলে
রিপুকুল-কাল বলী, ভিন্দিপাল পাণি !
অশ্বারোহী দেখ ওই তালবৃক্ষাকৃতি
তালজঙ্ঘা, হাতে গদা, গদাধর যথা
মুরারি ! সমর-মদে মত্ত, ওই দেখ
প্রমত্ত ভীষণ রক্ষঃ, বক্ষঃ শিলাসম
কঠিন !

[মেঘনাদবধকাব্য]

হর্ষক, ঐরাবণী, শঙ্খধ্বজ, সিংহজটা—বৃত্তের সেনাপতিদের নাম। দাপ—দর্প।

চতুর্থ সর্গ

১২ অন্তযৌবন—ইন্দ্রপত্নী শচী অনন্ত-যৌবনা, এরূপ পৌরাণিক প্রসিদ্ধি। আধগুন—ইন্দ্র। কার্মুক—ধনু। তুই সে মেঘের সঙ্গে ইত্যাদি—চপলা বা বিদ্যুতকে

ইচ্ছাশীল সহচরী রূপে কল্পনা করা হয়েছে। নীরদ-আসন—মেঘের আসন। ইচ্ছের মেঘবাহন উপাধির কথা মনে করা যেতে পারে।

- ১৩ মন্দাকিনী—স্বর্গগঙ্গা। হায় লজ্জা চপলারে ইত্যাদি—বাঙালির পারিবারিক ভাবনার প্রকাশ। সপ্তকী—কটিতে ব্যবহৃত সাতনলা হার জাতীয় অলঙ্কার বিশেষ। স্খাসদ্য—অমৃতের আনয়।
- ১৫ প্রহ্ময়—শিবরোষে ভস্মীভূত কাম মর্তে কৃষ্ণপুত্র প্রহ্ময়রূপে জন্মগ্রহণ করেছিল। এখানে সে নামে সম্বোধন সঙ্গত হয় নি। আশীবিষ—সর্প।
- ১৭ অপাক—কটাক। সারসন—কটিবন্ধ।

পঞ্চম সর্গ

- ১৮ স্ববশে স্বাধীন চিত্ত ইত্যাদি—নব্য যুগের স্বাধীন-চিত্ততার উল্লাস এখানে প্রকাশ পেয়েছে। ছদ্মবেশে কদাচ না ইত্যাদি—আপন ব্যক্তি স্বাতন্ত্র্যের গৌরব ঘোষণা। উনবিংশ শতাব্দীর নব্য ভাবনার প্রকাশ। আশ্র—মুগ। সেহ—সেও। মধ্যযুগের বাংলা ভাষায় এরূপ ব্যবহার প্রচলিত ছিল। জমরাজি—বৃক্ষসকল। ধাবিল—ধাবিত হল। মধুসূদনের অনুসরণে হেমচন্দ্রও তাঁর কাব্যে নামধাতুর ব্যবহার করেছেন। মোদিত—আমোদিত। সরোজিনী-পুঞ্জ—পদ্মফুলগুলি।
- ১৯ হ্রাদিনী—বিদ্যা, শচীসখী চপলা। পল্লব—বিল। কবচ—বর্ম। অকত্রাণ—বর্ম।
- ২১ আমায় সন্দেশবহ ইত্যাদি—ভীষণাদির সঙ্গে চপলার কথোপকথনের বক্রোজ্জল লঘুচটুল ভাষায় ভারতচন্দ্রের ভঙ্গির প্রভাব পড়েছে। চন্দ্রক—ময়ূর পুচ্ছের চন্দ্রাকার চিহ্ন। ব্রততী—লতা। মধুলিহ—ভ্রমর।
- ২২ কঙ্কর মূল—গ্রীবামূল। অস্তরে—ব্যবধানে।

ষষ্ঠ সর্গ

- ২২ অনীকিনী—সৈন্ত দল। সাগর-সিকতা—সাগরের বালুকা। উরস্বান—বক্ষবিশিষ্ট। বৈজয়ন্ত—ইন্দ্রপুরী।
- ২৩ ত্রিদশ-আলয়—স্বর্গ। অর্ণব—সমুদ্র। ত্রিদশ—দেবতা। দৈবত—দেবসমূহ। স্ত্রিজিষ্ণু—জিষ্ণু অর্থে বিজয়ী। স্ত্র বিশেষণের প্রয়োগ মধুসূদনের প্রভাবে। মাতঙ্গযুধ—হাতির দল।
- ২৪ অঙ্গজগণ—পুত্রগণ। স্বনামে যদি না ধন্য ইত্যাদি—নব্যযুগস্থলভ ব্যক্তিস্বাতন্ত্র্যের ভাবনা প্রকাশিত। ফেরুবন্দ—শৃগালপাল। শিরস—মস্তক। তোমা অণু করি অভিষেক ইত্যাদি—‘মেঘনাদবধ কাব্য’-এর প্রথম সর্গের শেষভাগে যুদ্ধ-

যাত্রার জন্ত যখন প্রস্তুত হচ্ছিলেন রাবণ, তখন মেঘনাদ এসে সৈন্যপতা প্রার্থনা করেছিল। সেখান থেকে বর্তমান পরিস্থিতিটি ঋণস্বরূপ গ্রহণ করেছেন হেমচন্দ্র।

- ২৫ ভারতী—বাক্য। সন্দেশবহ—দূত। প্রবেশ—প্রবেশ কর। ক্রিয়াপদ রূপে ব্যবহৃত।
- ২৬ কুমার-কল্প—রাজপুত্র রুদ্রপীড়ের বাসনা। আয়ুধ—অস্ত্র। সন্নিধি—নৈকট্য।
- ২৭ পাশী—বক্রণের বিশেষণ। পাশ বক্রণের বিশেষ অস্ত্র। প্রচেতা—বক্রণ। নিবসতি—সংস্কৃত ক্রিয়াপদের এ-জাতীয় প্রয়োগ বাংলাভাষার স্বাভাবিকতাকে আঘাত করেছে।

সপ্তম সর্গ

- ২৮ বিটপ—শাখা। সৌগী—পৃথিবী। তুমি, সুরপতি উদ্ভু ইত্যাদি—নিয়তির চরিত্রে একটু আগে যে নৈব্যক্তিকতা দেখানো হয়েছিল এখানে তা নির্মমভাবে খণ্ডিত হয়েছে।
- ২৯ স্বপ্নদেব—নিদ্রা, স্বপ্ন প্রভৃতিকে দেবদেবীরূপে কল্পনা প্রাচীন গ্রীক ভাবনার বৈশিষ্ট্য। মধুসূদন 'তিলোত্তমাসম্ভব' এবং 'মেঘনাদবধ'-এ এই কল্পনার অনুগামী হয়েছেন। হেমচন্দ্র একরূপ ভাবনা গ্রহণ করেছেন মধুসূদন থেকে। পিনাকী—পিনাক নামক ধনু যার অস্ত্র অর্থাৎ মহাদেব।
- ৩০ ধূর্জটি—মহাদেব।

অষ্টম সর্গ

- ৩০ তেঁহ—তিনি। মধ্যযুগের -বাংলা কাব্যে, বিশেষ করে ব্রজবুলি রীতিতে প্রচলিত। আয়তি—সধবার লক্ষণ।
- ৩১ নেহালে—দেখে।
- ৩২ মীনকেতু—কামদেব। স্মর—কামদেব।
- ৩৩ মন্থথ—কামদেব।
- ৩৪ মৃগেন্দ্রী—সিংহী। স্রজ—পুষ্পমালা। মৃগয়ী—শিকারী।

নবম সর্গ

- ৩৪ রোধ—বাধা। উরয়ে—অবতীর্ণ হয়। মধ্যযুগে বাংলা কবিতায় একরূপ প্রয়োগ প্রচলিত ছিল। মৃগেন্দ্র-শ্রুতি-আতঙ্ক—সেই শব্দ শুনে সিংহও ভীত হয়। অচলচয়—পর্বতকূল।

- ৩৫ স্বনন—শব্দ। উঠেঃশ্রবা—ইন্দ্রের অশ্ব। সমুদ্রমস্থন কালে জলতল থেকে যে সব সামগ্রী উঠেছিল তার অন্ততম। এই অশ্ব অমৃত পান করত এবং অশ্ব শ্রেণীর মধ্যে ছিল সর্বশ্রেষ্ঠ। সংরাব—ভীষণ শব্দ। ক্রীড়ন—ক্রীড়া বা খেলা। এখানে রণক্রীড়ায় যোগ্য প্রতিদ্বন্দ্বী।
- ৩৬ হ্রাদ—ধ্বনি। কোদণ্ড—ধনুক। দ্রঘণ—প্রাচীন অস্ত্রবিশেষ। মূষল—গদা। শল্য—শেল। প্রক্ষেড়ন—নারাচ বা লৌহ-বাণ। ভল্ল—বর্শা বিশেষ। করকা—শিলা। বিশ্বস্তরা—পৃথিবী—নভস্বৎ—বায়ু।
- ৩৭ ষাদঃপতি—সমুদ্র। তুলনীয়, মধুসূদনের ‘ষাদঃপতি রোধঃ যথা চলোশ্চি আঘাতে।’ রাব—শব্দ।
- ৩৮ কৌমুদী—জ্যোৎস্না।
- ৩৯ বিবশা—বিহ্বলা। মিহির—সূর্য।
- ৪০ বিনতা-তনয় গরুত্মান ইত্যাদি—বিনতাপুত্র গরুড়ের সহিত কক্রপুত্র সর্পদের বিবাদ-বিষয়ক পুরাণ কাহিনীর প্রতি ইঙ্গিত।
- ৪১ কিম্বা যেন রাশীকৃত ইত্যাদি—তুলনীয়, মধুসূদনকৃত মৃত মেঘনাদের চিত্রাকন—
‘শাস্তরশ্মি মহাবল রত্নিলা ভূতলে।’
ছিলাশূণ্য ইত্যাদি—গুণশূণ্য ধনুর ত্রায় প্রাণহীন দেহ। উপমাটি সুপ্রযুক্ত এবং ভাবের স্বাদবাহী। কন্বনাদ—শঙ্খের ধ্বনি। পুরাণে শঙ্খধ্বনির দ্বারা যুদ্ধজয় ঘোষণা এবং উৎসাহ-বর্ধনের কথা বলা হয়েছে।
- ৪৩ ত্রিপথগা—গঙ্গানদী স্বর্গে মন্দাকিনী, মর্তে ভাগীরথী এবং পাতালে ভোগবতী নামে তিন ধারায় প্রবাহিত এবং এ-কারণেই ত্রিপথগা নামে খ্যাত। অনন্ত—অসীম ভগবান, এখানে বিষ্ণুকে বোঝানো হয়েছে। স্বেদি—স্বেদন অর্থে ঘর্মশ্রাব। এই শব্দটিকে নাম ধাতুতে পরিণত করা হয়েছে। বহিলা অনন্ত স্বেদি ইত্যাদি—মহাদেবের গান শুনে বিষ্ণু এত ভাবাকুল হলেন যে তাঁর চরণ দ্রবীভূত হল। সেই দ্রবীভূত বিষ্ণুধারা ব্রহ্মা কমণ্ডলুতে রক্ষা করলেন, তাই-ই হল গঙ্গা। ব্যোমকেশ-জটা ভেদি ইত্যাদি—হিমালয় থেকে গঙ্গা যখন সমতলে নেমে আসেন শিব সেই ধারা মস্তকে ধারণ করে পৃথিবী রক্ষা করেন। অবশেষে আপনার জটাজালে আবদ্ধ গঙ্গাকে শিব জটা ছিঁড়ে বের করে দেন। বিপুল তরঙ্গে ইত্যাদি—পুরাণ কাহিনীতে আছে ঐরাবত গঙ্গাধারাকে প্রস্তর বাধা মুক্ত করার পরিবর্তে সন্তোষ করতে চেয়েছিল। গঙ্গার তরঙ্গাঘাতে ভেসে গিয়ে তাকে এই কামনার প্রায়শ্চিত্ত করতে হয়। হাতির নাম ঐরাবত নয়, ঐরাবত।

দশম সর্গ

- ৪৪ ইন্দ্রায়ুধ—শব্দটি বিশেষ করে রামধনুকে বোঝায়। এখানে ইন্দ্রের নানারূপ বিশিষ্ট অস্ত্রশস্ত্র বোঝাতে শব্দটি প্রযুক্ত হয়েছে। বিটপমণ্ডলী—বিটপীমণ্ডলী হওয়া উচিত ছিল। ইন্দ্র শাখা শ্রেণী দেখে নি, নিশ্চয় দেখেছিল বৃক্ষশ্রেণী। চন্দ্রমা বেষ্টিত চারি ইত্যাদি—উনবিংশ শতাব্দীর কবিরা কাব্যে জ্ঞানচর্চার পরিচয় দিতে উৎসুক ছিলেন। গ্রহ শনৈশ্চর ইত্যাদি—শনিগ্রহ সম্বন্ধে মধুসূদনের লেখা সনেটটির কথা এই প্রসঙ্গে স্মরণ করা যেতে পারে। কলানিধি—চন্দ্র।
- ৪৫ অয়ন—পথ। শব্দশূন্য, বর্ণশূন্য ইত্যাদি—তুলনীয় কবির নিজের লেখা ‘দশমহা বিদ্যা’য় মহাদেবের অনন্তরূপের সঙ্গে। ঐশ্বর্য-ভূষিত অষ্ট—যোগলক্ষ অষ্টবিধ অলৌকিক শক্তি, যেমন—অগ্নিমা, লঘিমা, ব্যাপ্তি, প্রাকামা, মহিমা, ঈশিত্ব, বশিত্ব, কামবসায়িতা। বক্তৃ—মুখ। সুখ হইতে মানবের দুঃখ ইত্যাদি—হেমচন্দ্র একাধিক কাব্যে এই দুঃখ-তত্ত্বের প্রচার করেছেন। ‘দশমহাবিদ্যা’ দ্রষ্টব্য।
- ৪৬ ষড়ানন—কার্তিক। ভুঞ্জিলা—ভোগ করলে।
- ৪৭ ত্র্যম্বক—মহাদেব। অরাতি—শত্রু। হুতি—আহ্বান। যজ্ঞে যে অগ্নিকে আহ্বান করে প্রজ্বলিত করা হয় এই অর্থে।
- ৪৮ পুলোমজা—কণ্ঠপুত্র পুলোমা বা পুলোমজের কণ্ঠা শচী। বিষণ—শিঙা। তুণ্ড—মুখ। রজত-গিরি-সন্নিভ—রৌপ্যবর্ণ পর্বতের গায়। দধীচি—অর্থবা ঋষির পুত্র! অলম্বুবা নাম্নী অঙ্গরা পাঠিয়ে একবার ইন্দ্র তাঁর বিরাগভাজন হন। কিন্তু বৃত্তকে বধ করার জন্তু ইন্দ্র তাঁর অস্থি চাইলে পূর্বের অপকার ভুলে গিয়ে তিনি আপন প্রাণ বিসর্জন দিলেন।

একাদশ সর্গ

- ৪৯ চতুস্পথ—চৌমাথা। ছুটিছে দেখিতে শচী ইত্যাদি—মঙ্গলকাব্যে বর্ণিত নূতন জামাই দেখবার জন্তু নারীদের আগ্রহের সঙ্গে এই বর্ণনা তুলনীয়। কঞ্চুলিকা স্তনাবরক বস্ত্র। রসনা—মেথলা বা কটি ভূষণ। শ্রোনি—নিতম্ব। দুটি শব্দের একই অর্থ। কবির ভাষা এখানে লক্ষ্যভ্রষ্ট। ভুজশির—বাহু। একাবলী—হার। কুণ্ডল—কর্ণভূষণ। মঞ্জীর—নূপুর। অলক্ত—আলতা। পৃক্ত—লগ্ন।
- ৫০ দুর্ধর—সহ করা যায় না এরূপ। বিত্রস্ত—অতিশয় ত্রস্ত। সম্প্রহার—সম্যক প্রহার। ব্যাল—সর্প। ব্যালগ্রাহী—সাপুড়ে। ভাগে—ভাগ্যে। আঁচ—বাক্যটিতে প্রথম দুবার আঁচ শব্দটি ইঙ্গিত অর্থে এবং শেষ বারে আঁচের কাঁচ অর্থে প্রযুক্ত।

দ্বিতীয় খণ্ড : দ্বাদশ সর্গ

৫৩ কহ মাতঃ শ্বেতভূজে ইত্যাদি — তুলনীয়, মধুসূদনের—

‘ডাকি আবার তোমায় শ্বেতভূজে ভারতি ।’

মধুসূদন হোমর থেকে ‘শ্বেতভূজা’ বিশেষণটি গ্রহণ করেছিলেন ‘হোয়াইট-আর্মড আথেনী’-র অনুসরণে। হেমচন্দ্র অনুসরণ করেছেন মধুসূদনকে।

৫৫ তো—তোমা। খগেন্দ্র—গরুড়।

৫৬ স্তন্দন—রথ। পূর্ণেন্দুমুখ—পূর্ণচন্দ্রসদৃশ সুন্দর মুখশ্রী। শশাক—চন্দ্র। উঠিল প্রাচীরে—প্রাচীরের উপর থেকে যুদ্ধ ক্ষেত্রের এই বর্ণনায় মেঘনাদবধ কাব্যের প্রথম সর্গের প্রভাব পড়েছে। হে কাশি—এ জাতীয় রচনাভঙ্গি মধুসূদনের প্রভাবজাত। পরশু—কুঠার। ফলক—ঢাল। তোমর—শাবলতুল্য যুদ্ধাস্ত্র। মহিষের ঘোরশব্দ—যুদ্ধক্ষেত্রে ঘোড়া হাতি ব্যবহৃত হত, কিন্তু মহিষ কোন্ প্রয়োজন সাধন করত ?

ত্রয়োদশ সর্গ

৫৭ নগেন্দ্র—হিমালয়। অটবী—অরণ্য। সুরেশ—ইন্দ্র। খণ্ডোত-দ্যুতি—জোনাকির আলো। দাম—মালা। পোলোমীবল্লভ—শচীর স্বামী অর্থাৎ ইন্দ্র। শিখণ্ডী—ময়ূর। কুঙ্কর্ণ-রূপ—কোকিলের মূর্তি।

৫৮ হা কতকাল অদৃষ্ট ইত্যাদি—রাবণের ভয়ে ইন্দ্রাদি দেবতারা পক্ষীদের ছদ্মবেশ ধারণ করেছিলেন। রামায়ণ কাহিনীর আদর্শে এই প্রসঙ্গটি কবি গঠন করেছেন। জম্বুকী—শৃগালী। কেশরী—সিংহ। অজিন—মৃগচর্ম। বিশদ—স্পষ্ট।

৫৯ বাগীশ্বরী—সরস্বতী। জলধি-মন্তব্য—সমুদ্র থেকে উথিতা লক্ষ্মী। পৌরাণিক সমুদ্রমস্থন কাহিনী স্মর্তব্য। বিরিকি—ব্রহ্মা। অনন্ত যৌবন ফল ইত্যাদি—এই কলহ-ফলের কল্পনামূলে গ্রীক পুরাণের ‘অ্যাপ্ল অব ডিসকর্ড’-এর কাহিনীর প্রভাব আছে। কুটিল, কুট-কটাক্ষী, হত্যা ভয়ঙ্করী—মৃত্যুর এই ব্যক্তিরূপের সঙ্গে তুলনীয় ইলিয়াড মহাকাব্যে হোমরের বর্ণনা “And so was strife, the war-god’s sister, who helps him in his bloody work. Once she begins, she cannot stop. At first she seems a little thing, but before long, though her feet are still on the ground, she has struck high heaven with her head. She swept in now among the Trojans and Achaeans, filling them with hatred of each other. It was the groans of dying men she wished to hear.” [ই. ভি. রিউ কর্তৃক অনূদিত]

সুন্দর কামূর্ক কাদম্বিনী কোলে ইত্যাদি—মেঘের কোলে ইন্দ্রধনুর শোভা।
সহস্র অক্ষি—পুরাণ বর্ণনায় ইন্দ্রের হাজার চোখের কথা বলা হয়েছে।
কোনো কোনো কাহিনী অশুভাচারী সন্তুষ্ট তিলোত্তমার রূপমাধুর্য দর্শনে
অতৃপ্ত ইন্দ্রের বাসনার ফলে তিনি সহস্রলোচন হয়েছিলেন। অপর কাহিনী
অনুসারে অহল্যা হরণের পাপে ইন্দ্রের সর্বদেহে হাজার যোনিচিহ্ন প্রকাশ
পায়। পাপ-মুক্তিতে এগুলি সহস্র চোখে রূপান্তরিত হয়। পুণ্ডরীক—
শ্বেতপদ্ম।

চতুর্দশ সর্গ

- ৬১ দ্বৈপায়ন—কৃষ্ণ দ্বৈপায়ন বেদব্যাস, মহাভারত রচয়িতা। স্বীপের মধ্যে জন্ম
বলে দ্বৈপায়ন খ্যাতি। আরঞ্জিলা তারস্বরে ইত্যাদি—প্রাচীন বৈদিক গানের
সঙ্গে বৈষ্ণব রসপুষ্ট বঙ্গদেশের হরিসঙ্কীর্তনকে এক আসনে বসিয়েছেন কবি।
- ৬২ বন্দী হবে ইন্দ্রজায়া ইত্যাদি—মেঘনাদবধ কাব্যের সীতার বন্দীদশার প্রভাবে
কল্পিত। কে আছে ত্রিলোকমাঝে ইত্যাদি—নবযুগের স্বদেশপ্রেমের বাণী।
কে না ভোগে নরকের যন্ত্রণা ইত্যাদি—সমকালীন পরাধীন ভারতের বেদনার
স্বর এখানে বেজেছে। নমুচি, পাকদৈত্য, বলাসুর—ইন্দ্র কর্তৃক নিহত দৈত্য-
বীরদের নাম। এদের মধ্যে একমাত্র নমুচি হত্যার প্রসঙ্গটিই প্রসিদ্ধ।
- ৬৩ আবর্ত, পুঙ্কর—মেঘেদের নাম। রথচক্র নেমি—রথের চাকার পরিধি।
ভ্রাতিতে—উজ্জল করতে। স্বক্লে—অর্থাৎ স্বক্লেগীতে, ষষ্ঠপ্রান্তে। হেরম্ব—
গণেশ। অনঙ্গ মহিলা—কামপত্নী রতি।

পঞ্চদশ সর্গ

- ৬৫ অম্বুনিধি-নাদ—সমুদ্রগর্জন। চমুখে—সেনাবাহিনীর সামনে। অমরঠাট—
দেবসৈন্য। ঘুরাই—ঘুরিয়ে। মার্তণ্ড—সূর্য। বাড়বাগ্নি—সমুদ্রগর্ভে প্রাকৃতিক
কারণে জাত অগ্নি।
- ৬৬ রড়—দৌড়। অহিরাজ—বাসুকি। সমুদ্র-মন্থনের প্রসঙ্গ। বিশাই—
বিশ্বকর্মা। মঙ্গলকাব্যে লৌকিক গ্রাম্য পরিবেশে দেবশিল্পী বিশ্বকর্মা
হয়েছে বিশাই। এখানে এই শব্দের ব্যবহারে মহাকাব্যিক রসগাষ্ঠীর্ষে চ্যুতি
ঘটেছে। শ্বেত স্বচ্ছ অমরশোণিত—দেবরক্ত সম্বন্ধে হেমচন্দ্রের কল্পনা।
তুলনীয়, 'Out came the goddess's immortal blood, the
ichor that runs in the veins of the happy gods, who eat no
bread nor drink our sparkling wine and so are bloodless and
are called immortals.' (হোমরের ইলিয়াড।) ইরম্মদ গতি—বিদ্যাভ্যাসের

ত্রায় গতি বিশিষ্ট। দীঘল—শব্দটির ধ্বনি গাভীর্য নষ্ট করেছে। শিঞ্জিনী—
ধনুকের ছিল।

৬৮ মৈনাক—সমুদ্রনিমজ্জিত মৈনাক পর্বত।

ষোড়শ সর্গ

[কবি যুদ্ধ-বর্ণনার গাভীর্যকে কিছুটা তরল ও সহনক্ষম করে তুলবার জন্তু
এখানে লঘু ছন্দের আমদানি করেছেন।]

৬৮ নিশিগন্ধা—রজনীগন্ধা ফুল। পীন-পয়োধর—উন্নত স্তনযুগ্ম। শিরোপা—
পুরস্কার।

৭১ রদন—দাঁত।

সপ্তদশ সর্গ

[এ সর্গে রুদ্রপীড়ের প্রতি বৃত্তের উক্তি 'মেঘনাদবধ কাব্য'-এর প্রথম সর্গের
মেঘনাদ-রাবণের কথোপকথন স্মরণ করিয়ে দেয়। রুদ্রপীড়-ঐন্দ্রিলা সংবাদ
এবং রুদ্রপীড়ের সঙ্গে ইন্দুবালার সাক্ষাৎ-প্রসঙ্গ 'মেঘনাদবধ কাব্য'-এর পঞ্চম
সর্গে বর্ণিত মেঘনাদ-মন্দোদরী এবং মেঘনাদ-প্রমীলা প্রসঙ্গ থেকে গৃহীত।]

৭৩ অরবিন্দ—পদ্ম অরিন্দম—শক্রজয়ী। করিবে শিবের পূজা—'মেঘনাদবধ
কাব্য'-এ পুত্রের মঙ্গলের জন্তু মন্দোদরী দেবার্চনা করেছিল। হেমচন্দ্র সেই
আদর্শে এখানে ইন্দুবালাকে দিয়ে শিবপূজা করিয়েছেন পতির কল্যাণ-
কামনায়।

অষ্টাদশ সর্গ

৭৮ তুঙ্গবন—লাউয়ের খোলের দ্বারা নির্মিত বীণা।

৮১ বীরভদ্র—মহাদেবের আদেশে বীরভদ্র দৌত্যকার্যে নিযুক্ত হয়েছিল 'মেঘনাদবধ
কাব্য'-এ মেঘনাদের মৃত্যুসংবাদ রাবণকে দেবার জন্তু। হেমচন্দ্রের উপরে
সেই কল্পনার প্রভাব পড়েছে। মহোরগ—মহাসর্প।

উনবিংশ সর্গ

[মধুসূদন 'তিলোত্তমাসম্ভব কাব্য'-এর তৃতীয় সর্গে দেবশিল্পী বিশ্বকর্মা-কে দিয়ে
সুন্দর উপস্থানের নিধন-অঙ্গ 'তিলোত্তমা' গঠন করিয়েছিলেন। হেমচন্দ্র
বিশ্বকর্মা-কে দিয়ে বজ্র তৈরি করিয়েছেন। মধুসূদন বিশ্বকর্মার পুরীর যে বর্ণনা
দিয়েছেন তার অংশবিশেষ এখানে উদ্ধৃত হল।

ঘন ঘনাকারে ধূম উড়ে হর্ষোপরি,
তাহার মাঝারে হৈম গৃহাগ্র অযুত

শোতে বিদ্যুতের রেখা অচঞ্চল যথা
মেঘাবৃত আকাশে.....

.....ধাতু রাশি রাশি
শৈলাকার। মৃত্তিমান দেব বৈশ্বানরে
পাই, সোহাগায় সোনা গলিছে সোহাগে
প্রেমরসে ; বাহিরিছে রজত জলিয়া
পুটে,.....

... . লৌহ যার তনু
অক্ষয়, তাপিলে অগ্নি মহারাগে ধাতু
জলে, অগ্নিসম তেজ, অগ্নিকুণ্ডে পড়ি
জলিছে।

হেমচন্দ্র অবশ্য এই সূত্রটিকে যথাসাধ্য ফেনিয়ে বড় করেছেন। মধুসূদন হোমর-কল্পিত হেফাএসটাস-এর আদর্শটি গ্রহণ করেছিলেন। হেমচন্দ্র মধুসূদনকে বিস্তারিত করে তুলেছেন। তবে হোমরের কিছুটা প্রত্যক্ষ প্রভাবও লক্ষ্য করা যায়।]

৮১ শূর্যী—নেহাই।

৮২ শর্বলা—শাবল।

৮৩ বলনি—সুগোল বা সুডৌল।

৮৪ রজতকুঞ্চিকা—রূপার তৈরি চাবি। ভোগবতী—পাতাল গঙ্গা। দিল ঘুরাইয়া চক্র—হোমরের ইলিয়াডে হেফাএসটাস কর্তৃক আকিলিসের বর্ম প্রস্তুত করবার যে বর্ণনা আছে তার সঙ্গে হেমচন্দ্রের কল্পনার সাদৃশ্য লক্ষ্য করা যায়।

“...Hephaestus left her and went back to his forge, where he turned the bellows on the fire and bade them get to work. The bellows—there were twenty of them—blew on the crucibles and gave a satisfactory blast of varying force, which increased at critical moments and subsided at others, according to Hephaestus' requirements and the stage that the work had reached. He cast imperishable bronze on the fire, and some tin and precious gold and silver. Then he put a great anvil on the stand and gripped a strong hammer in one hand and a pair of tongs in the other.”

কটাহ—কড়াই। তুড়িত্তাপ যন্ত্র—বৈদ্যুতিক তাপযন্ত্র। হরিচন্দনত্বক—হরি চন্দন নামক গাছের বাকলে বজ্র ধরবার স্থানটি নির্মিত হল। বিবিধ বিচিত্র

চিত্র ইত্যাদি—হোমরও দেবশিল্পীকে দিয়ে আকিলিসের ঢালে নানাবিধ চিত্র আঁকিয়েছেন—“and he decorated the face of it with a number of designs.” মধ্যযুগের বাংলা মঙ্গলকাব্যে দেখা যায় দেবশিল্পী দেবী চণ্ডী বা মনসার কাঁচুলি তৈরী করতে এসে তাতে বিচিত্র চিত্র আঁকছেন। ভীষণ নরককুণ্ড পার্শ্বে যমদূত—‘মেঘনাদবধ কাব্য’-এর অষ্টম সর্গের আদর্শ অনুসরণ করেছেন হেমচন্দ্র। নরক বর্ণনার অল্প কেনোরূপ স্ফুট এ কাব্যে তিনি করে নিতে পারেন নি।

৮৫ দণ্ড হাতে দাঁড়াইয়া ইত্যাদি—তুলনীয়,

...ভীষণ-মূর্তি

যমদূত হানে দণ্ড মস্তকপ্রদেশে :
কাটে ক্রমি ; বজ্রনখা, মাংসাহারী পাখী
উড়ি পড়ি ছায়াদেহে ছিঁড়ে নাড়ি ভুঁড়ি
হুক্বারে ! আর্তনাদে পুরে দেশ পাপী ।
[মেঘনাদবধ কাব্য]

কুস্তীপাক ঘোর হৃদ ইত্যাদি—তুলনীয়,

চল. রথি, চল, দেখাইব
কুস্তীপাকে ; তপ্ত তৈলে যমদূত ভাজে
পাপীবৃন্দে যে নরকে !
[মেঘনাদবধ কাব্য]

দস্তোলি—বজ্র,

বিংশ সর্গ

৮৬ চাপ—ধনুক । পড়ে সৈন্যগণ সংখ্যা অগণন ইত্যাদি—অলঙ্কারটি মধুসূদন থেকে প্রায় হুবহু গ্রহণ করেছেন কবি । ‘মেঘনাদবধ কাব্য’-এর প্রথম সর্গে আছে,
হায় রে, যেমতি
স্বর্ণ-চুড় শস্য ক্ষত কৃষিদলবলে,
পড়ে ক্ষেত্রে, পড়িয়াছে রাক্ষসনিকর,
রবিকুলরবি শূর রাঘবের শরে !

মধুসূদন এজাতীয় উপমা গ্রহণ করেছিলেন হোমর-থেকে । “And now, like reapers who start from opposite side of a rich man’s field and bring the wheat or barley tumbling down in armful till their swathes unite, the Trojans and Achaeans fell upon each other to destroy.” [ইলিয়াড]

- ৮৭ বিশিখ—বাণ। কর্তরী—কাটারি।
- ৮৮ নেমি—চক্রের পরিধি। নাভি—চক্রের কেন্দ্র। ধুর—শকটের অগ্রভাগ, যা ঘোড়া প্রভৃতির দেহে সংলগ্ন থাকে। অথবা চাকার মধ্যের দণ্ড। সূত—সারথি।
- ৮৯ যাও শীঘ্রগতি নিবার স্ততে ইত্যাদি—তুলনায় ‘মেঘনাদবধ কাব্য’-এর সপ্তম সর্গের বর্ণনা—

বিজয়ারে সস্তাষি অভয়া
কহিলা, “দেখ্‌লো, সখি, চাহি লক্ষ্যপানে,
ত্রীক্ল শরে রক্ষেশ্বর বিধিছে কুমারে
নির্দয় !...
নিবার্ কুমারে, সহি ।

- ৯০ নিষঙ্গ—তুণ।
- ৯১ ধব—স্বামী। প্রলয়ের মূর্তি যেরূপ যার ইত্যাদি—‘তিলোত্তমাসম্ভব কাব্য’-এর প্রথম সর্গে যম এবং বায়ু বিশ্ব নাশের প্রস্তাব করেছিল। যমের উক্তি—

এই দণ্ডে দণ্ডাঘাতে
নাশি এ জগৎ, চূর্ণ করি বিশ্ব, ফেলি
স্বর্গ, মর্ত্য, পাতাল, অতল জলতলে ।

বায়ুর উক্তি—

দেহ আঞ্জা, দেবেশ্বর, দাঁড়াইয়া হেথা
এ ব্রহ্ম মণ্ডলে, দেখ সবে, মুহূর্ত্তেকে,
নিমেষে নাশি এ সৃষ্টি, বিপুল সুন্দর,
বাহুবলে ত্রিজগৎ লণ্ডভণ্ড করি ।

সিন্ধুপতি তারে করিলা বিরত ইত্যাদি—‘তিলোত্তমাসম্ভব কাব্য’-এ অপর দেবতাদের সৃষ্টিনাশ থেকে বিরত করেছিল বরুণ এবং কুবের ।

একবিংশ সর্গ

- ৯৫ মুরহর—মুর দৈত্য বিনাশ করায় বিষ্ণুর নাম হয় মুরারি বা মুরহর। স্তনিত্তে স্তনিত্তে জটা ইত্যাদি—এই কাব্যে পূর্বে একবার শিবের ক্রোধের চিত্র এঁকেছেন কবি। পুনরুক্তির ফলে এর রসাবেদন জীর্ণ হয়ে পড়েছে। কৈটভহারি—মধু এবং কৈটভ দৈত্যকে বধ করেছিলেন বিষ্ণু।
- ৯৬ ভাগ্যদেব—নিয়তি দেবী এবং ভাগ্যদেব এরূপ দ্বিবিধ কল্পনার কারণ অসুমান করা যায় না।

ছাবিংশ সর্গ

- ৯৭ ভামিনী—রমণী । শিবা—শৃগাল ।
- ৯৮ পরুষ বাণী—কঠিন কথা । ভাস্ক—ছলনাপূর্ণ ।
- ১০০ শীর্ণালস—ক্ষীণ এবং জড়তুল্য । পটহ—ঢাক । ভেরী—ঢাক । দামা—
দামামা, ঢাক জাতীয় বাতাস । শুধুই ঢাকের কথা বলেছেন কবি বিভিন্ন
প্রতিশব্দ চয়ন করে । কেতু—পতাকা । তরস—ক্রতগতি । রতনসম্বা
বিভা ইত্যাদি—ঠিক এই শব্দবাহু ব্যবহার করেছেন কবি 'মেঘনাদবধ
কাব্য'-এ ।
- ১০১ মহেষাস—বীর ।
- ১০২ অঙ্গারক—কার্বন । কুজ—মঙ্গলগ্রহ । ভীম...কুজ—মহাশক্তিধর কার্বন পূর্ণ
মঙ্গলগ্রহ । সৌরি—সূর্যপুত্র । বৈনতেয়—বিনতা । খগেশ্বর—গরুড় ।
নৈঋত—নৈঋত কোণকে দেবরূপে কল্পনা করা হয়েছে । পরাজিব—পরাজিত
করব । সবাসাচী—ছহাতে যিনি সমান ভাবে তাঁর ছুঁতে পারেন । কলস্ব
—তীর ।
- ১০৩ কুরঙ্গ—বায়ুদেবের বাহন হরিণ । তাঁর রথের বাহনরূপে হরিণকে কল্পনা
করেছেন কবি । প্রভঞ্জন—বায়ুদেব । ধটিনী—কটিবস্ত্র । প্রসৃত—বিস্তৃত ।
চর্ম—ঢাল ।
- ১০৪ গোকর্ণ, শালিবাহন, গাধি, ঘটোৎকচ, সোমধৃতি, ভ্রুগতি—বৃত্তের সেনাপতি-
বৃন্দ ।
- ১০৫ সূধম্বি—সার্থক ধনুর্বিদ ।
- ১০৭ কর্কুরপতি—রাবণ । এখানে রামায়ণে বর্ণিত ছটায়র মৃত্যুর কথা বলা
হয়েছে ।

ত্রয়োবিংশ সর্গ

- ১০৯ দৈত্যকুলোজ্জল রবি ইত্যাদি—তুলনীয়, মেঘনাদের মৃত্যু-বর্ণনা—
লঙ্কার পঙ্কজ রবি গেলা অস্তাচলে ।
নির্বাণ পাবক যথা, কিম্বা ত্রিষাম্পতি
শাস্তরশ্মি, মহাবল রহিলা ভূতলে ।

[মেঘনাদবধ কাব্য]

কহিলা দানবী ঘোরস্বরে ইত্যাদি—তুলনীয়, মধুসূদনের বীরাজনা কাব্যের
অন্তর্গত "নীলধ্বজের প্রতি জনা"র পত্র । বিলাপের বহুদিন ইত্যাদি—এ

অংশটি মেঘনাদের মৃত্যুতে মন্দোদরীর প্রতি রাবণের উক্তির দুর্বল অনুকরণ মাত্র। 'মেঘনাদবধ কাব্য'-এর সপ্তম সর্গে রাবণ মন্দোদরীকে বলেছিল—

...বাম এবে, রক্ষঃ-কুলেজ্ঞানি,
আমা দৌহা প্রতি বিধি ! তবে যে বাঁচিছি
এখনও, সে কেবল প্রতিবিধিৎসিতে
মৃত্যু তার ! যাও ফিরি শূন্য ঘরে তুমি ;—
রণক্ষেত্রযাত্রী আমি, কেন রোধ মোরে ?
বিলাপের কাল, দেবি. চিরকাল পাব !
বথা রাজ্যসুখে, সতি, জলাঞ্জলি দিয়া,
বিরলে বসিয়া দৌহে স্মরিব তাহারে
অহরহঃ। যাও ফিরি ; কেন নিবাইবে
এ রোষাগ্নি অশ্রমীরে, রানি মন্দোদরি ?

১১১ তনুত্র—বর্ম।

চতুর্বিংশ সর্গ

১১৪ ধ্বাস্তবিনাশী—অঙ্ককার দূর করেন যিনি।

১১৫ অয়স—লৌহ। নিগাল—অশ্বের গলদেশ। তনুকুহ—লোম।

বৈনতেয়—এখানে বিনতাপুত্র অরণের (গরুড়ের জ্যেষ্ঠ) কথা বলা হয়েছে।
সে সূর্যরথের সারথি।

১১৬ ক্ষীরোদসমুদ্র-জাত ইত্যাদি—উচ্চৈঃশ্রবা ঘোড়া দেবদানব মিলে সমুদ্রমস্থান-
কালে তুলেছিল।

১১৭ স্মাভুং—বিশ্বপতি। পার্শ্বী—মৈত্রের পশ্চাৎভাগ।

১১৯ পরেত পতি—প্রেতলোকের অধিশ্বর যম।

১২১ ক্ষণপ্রভা—বিদ্যুৎ।

দশমহাবিভা

[দেবী আত্মপ্রকৃতি দৈত্যবধের জন্ম নানারূপে আবির্ভূত হয়েছেন পুরাণাদিতে
এরূপ কথিত আছে। সাধকেরাও নানা মূর্তিতে দেবীকে কল্পনা করেছেন। তন্ত্র-
গ্রন্থগুলিতে তার বিচিত্র বর্ণনা স্থান পেয়েছে। এরূপ “দশলক্ষ মহাবিভা স্ত্রীদৌ
কথিতা প্রিয়ে”। সাধক-ভক্তরা এইসব রূপের মধ্যে বিশেষ করে দশমহাবিভার
উপাসনা করেন। তাঁরা হলেন—

কালী তারা মহাবিद्या ষোড়শী ভুবনেশ্বরী ।

ভৈরবী ছিন্নমস্তা চ বিद्या ধূমাবতী তথা ॥

বগলা সিদ্ধবিद्या চ মাতঙ্গী কমলাত্রিকা ।

এতা দশ মহাবিद्याঃ সিদ্ধবিद्याঃ প্রকীর্তিতাঃ ॥

অবশ্য দেবীর দশমহাবিয়ার রূপ ও নাম সম্বন্ধে সব তন্ত্র এবং শাক্ত-পুরাণগুলি একমত নয়। মধ্যযুগে বাংলা কাব্যে দশমহাবিয়ার প্রসঙ্গ একটি উল্লেখযোগ্য বিষয় ছিল। ভারতচন্দ্রের এবং শাক্ত পদের কোনো কোনো লেখক দশমহাবিয়ার রূপবর্ণনা করে কবিতা লিখেছেন।]

১২২ ছিন্ন হৈল সতীদেহ—শিবপত্নী সতী ছিলেন দক্ষের কন্যা। দক্ষ এক যজ্ঞানুষ্ঠানে শিবকে নিমন্ত্রণ করেন না। সতী যজ্ঞস্থলে উপস্থিত হয়ে পিতাকে ভৎসনা করেন। দক্ষ শিবের প্রচুর নিন্দা করেন। সতী দক্ষপ্রদত্ত দেহ ত্যাগ করলেন। শিব সতীর মৃত্যুসংবাদ শুনে দক্ষযজ্ঞ ধ্বংস করলেন। অবশেষে সতীর দেহ নিয়ে তিনি প্রলয় নৃত্যে পৃথিবী পরিক্রমা করতে লাগলেন। তাতে সৃষ্টি বিনষ্ট হবার উপক্রম হল। বিষ্ণু তখন স্মদর্শন চক্র দিয়ে সতীর দেহ গুণ্ড গুণ্ড করে ফেললেন। নন্দী—শিবের অমুচর। মহষি শিলাদ শিবের বরে যজ্ঞভূমি কর্ষণ করে পুত্রলাভ করেছিলেন। সে-ই নন্দী। ত্রিপুরহর—শিব। ত্রিপুর দানবকে বধ করেছিলেন। প্রমথ—শিবের অমুচরবর্গ। কালিকা-পুরাণের মতে শিবমুগনির্গত ফেনা থেকে এদের জন্ম।

১২৩ শবহাদি আসন—আত্মশক্তি শবরূপে কারণ সলিলে ভেসে যাচ্ছিলেন। সেখানে ব্রহ্মা, বিষ্ণু ও শিব তপস্যা করছিলেন। ব্রহ্মা ও বিষ্ণু ঘৃণাভরে মুখ ফেরালেন। শিব পরম যত্নভরে শবটি তুলে তার উপরে আসন করে ধ্যান করতে লাগলেন। জলনিধি—সমুদ্র। জলনিধি মন্বনে ইত্যাদি—ক্ষীরোদ সাগর মন্বন করেছিল দেব-দানবে মিলে। ঐরাবত, উচ্চৈশ্রবা, লক্ষ্মী, অমৃত দেবতারা পেয়েছিলেন। শিব কণ্ঠে ধারণ করেছিলেন মন্বনজাত বিষ, পৃথিবীকে ধ্বংস থেকে রক্ষা করবার জন্ত। পৌরাণিক কাহিনী।

১২৪ নরভাল—কঙ্কাল-করোটির পাত্র। আগম—তন্ত্রশাস্ত্র। বিধি হৃষিকেশ—ব্রহ্মা এবং বিষ্ণু।

১২৫ নটন—নটের কাজ অর্থাৎ নৃত্যাভিনয় প্রভৃতি।

১২৬ মোক্ষদ—যে বাণী মোক্ষদান করে।

১২৭ আমারি এ ভ্রম ইত্যাদি—নব্যযুগের মর্ত্যাপ্রীতিরস এখানে প্রকাশ পেয়েছে। বিভাকর—সূর্য।

পরমাপ্রকৃতি পরমাণুমূল ইত্যাদি—হেমচন্দ্র শাক্ততন্ত্রের বিশ্বাসকেই এখানে ব্যক্ত করেছেন। তুলনীয়,—‘পঞ্চদশী’তে কথিত—

শক্তিরস্ত্রেশ্বরী কাচিং সর্ববস্ত্র নিয়ামকা ।

আনন্দময়মারভ্যা গৃঢ়া সর্বেষু ভূতেষু ॥

‘প্রপঞ্চসার তন্ত্র’-এ আছে—

অণোরনীয়সী স্থলাং স্থব্যাপ্তচরাচর ।

আদিত্যেন্দ্রি তেজোময় যদ্ যত্তন্নরী বিভূঃ ॥

এই ব্রহ্মময়ীই আবার জীবকে আসক্ত ও আমোদযুক্ত করে তোলেন—

আমোদযুক্তং বাসনাসক্তং জন্তুং করোতি ষা ।

মহামায়েতি সংপ্রোক্তা তেন সা জগদীশ্বরী ॥ [কালিকাপুরাণ ।

না পশি কখনো জঠরে—নারদ অযোনিসম্ভূত, ব্রহ্মার মানসপুত্র ।

১২৮ ব্যোমকেশ—মহাদেব । মৌলি—মন্তক । গীতায় শ্রীকৃষ্ণের বিশ্বরূপগ্রহণের
যে বর্ণনা আছে তার প্রভাব এই চিত্রাঙ্কনের পেছনে কার্যকর ছিল ।

১৩৫ জ্ঞানময় যত জীব ইত্যাদি—পুরাণ কাহিনীকে মানবজীবনের সঙ্গে সম্পর্কিত
করবার চেষ্টা ।

১৩৮ বীচি—তরঙ্গ । পরগ—সাপ ।

১৪০ স্কন্ধী—ওষ্ঠপ্রান্ত, কম্বু । রুধির বদনা নামা ইত্যাদি—তুলনীয়,

‘তন্ত্রসার’ : করালবদনাং ঘোরাং মুক্তকেশীং চতুর্ভুজাম্ ।

কালিকাং দক্ষিণাং দিব্যাং মুণ্ডমালাবিভূষিতাম্ ॥

সত্ত্বশিৱশিরঃখড়্গাবামাধোর্ধ্বকরাস্বজাম্ ।

অভয়ং বরদকৈব দক্ষিণাধোর্ধ্বপাণিকাম্ ॥

মহামেষপ্রভাং শ্যামাং তথা চৈব দিগম্বরীম্ ।

কর্ণাবসক্তমুণ্ডালী গলজ্জ্বরচচ্চিতাম্ ॥

কর্ণাবতংসতানীতশবযুগ্মভয়ানকাম্ ।

ঘোরদংষ্ট্রাং করালাস্ত্রাং পীনোরতপয়োধরাম্ ॥

শবানাং করসংঘাতৈঃ ক্লতকাঞ্চীং হসনুগীম্ ।

স্কন্ধয়গলবাঋক্তধারাবিশ্ফুরিতাননাম্ ॥

ঘোররাবাং মহারৌদ্রীং শ্মশানালায়বাসিনীম্ ।

বালার্কমণ্ডলাকারলোচনত্রিতয়াষিতাম্ ॥

দস্তুরাং দক্ষিণব্যাপিমুক্তালম্বিকচোচ্চয়াম্ ।

শবরূপমহাদেবহৃদয়োপরি সংস্থিতাম্ ॥

শিবাভির্ঘোররাবাভিশ্চতুর্দিকু সমন্বিতাম্ ।

মহাকালেন চ সমং বিপরীতরতাতুরাম্ ॥

সুখপ্রসন্নবদনাং স্মেরাননসরোরুহাম্ ।

এবং সংচিন্তয়েৎ কালীং সর্বকামসমৃদ্ধিদাম্ ॥

ভারতচন্দ্রের 'অন্নদামঙ্গল' :

মুক্তকেশী মহামেঘবরণা দন্তুরা ।
শবারুঢ়া করকাঞ্চী শব কর্ণপুরা ॥
গলিত রুধির ধারা মুণ্ডমালা গলে ।
গলিত রুধির মুণ্ড বাম করতলে ॥
আর বাম করেতে রূপাণ খরশান ।
দুই ভুজে দক্ষিণে অভয় বরদান ॥
লোলজিহ্বা রক্তধারা মুখের দুপাশে ।
ত্রিনয়ন অর্ধচন্দ্র ললাটে বিলাসে ॥

১৪০ ভূতেশ—শিব ।

১৪১ ক্ষেমকর—মঙ্গলদায়ক । তারামৃতি—তুলনীয়,

'তন্ত্রসার' : প্রত্যালীঢ়পদাং ঘোরাং মুণ্ডমালাবিভূষিতাম্ ।
খর্কাং লম্বোদরাং ভীমাং ত্র্যাম্রচর্ম্মাবৃত্তাং কটৌ ।
নবযৌবনসম্পন্নং পঞ্চমুদ্রাবিভূষিতাম্ ।
চতুর্ভুজাং লোলজিহ্বাং মহাভীমাং বরপ্রদাম্ ॥
খড়্গকর্তৃসমায়ুক্ত-সব্যোতরভুজদয়াম্ ।
কপালোংপল-সংযুক্ত-সব্যপাণি-যুগাংগিতাম্ ॥
পিঙ্গোঐগ্রকর্জটাং ধ্যায়েন্নোলাবক্ষোভ্যভূষিতাম্ ।
বালার্কমণ্ডলাকার-লোচনত্রয়-ভূষিতাম্ ॥
জলচ্চিত্তামধ্যগতাং ঘোরজংষ্ট্রাং করালিনীম্ ।
সাবেশম্ভেরবদনাং স্ত্যালঙ্কারবিভূষিতাম্ ॥
বিশ্বব্যাপকতোয়ান্তঃশ্বেতপদ্মোপরি স্থিতাম্ ।
অক্ষোভ্যোদেবী মূর্ধ্ণস্ত্রিমূর্ত্তিনাগরূপধ্বক্ ॥

ভারতচন্দ্র : নীলবরণা লোলজিহ্বা করাল-বদনা ।
সর্পবান্ধা উর্ধ্ব এক জটা-বিভূষণা ॥
অর্ধচন্দ্র পাঁচখানি শোভিত কপাল ।
ত্রিনয়ন লম্বোদর পরা বাঘছাল ॥
নীলপদ্ম খড়্গ কাতি সগুণ্ড খর্পর ।
চারিহাতে শোভে আরোহণ শিবোপর ॥

উৎপল—নীলপদ্ম ।

ষোড়শী—তুলনীয়,

'তন্ত্রসার' : ততঃ পদ্মনিভাং দেবীং বালার্ককিরণোজ্জল্যাম্ ।

জ্বাকুসুমসঙ্কাশাং দাড়িমীকুসুমোপমাম্ ॥

পদ্মরাগপ্রতীকশাং কুঙ্কুমারুণসন্নিভাম্ ।
 ক্ষুরমুকুটমাণিক্যকিঙ্কিনীজালমণ্ডিতাম্ ॥
 কালালিকুলসঙ্কাশকুটিলালকপল্লবাম্ ।
 প্রত্যগ্রাৰুণসঙ্কাশবদনাস্তোজমণ্ডলাম্ ॥

...

...

সৰ্বশৃঙ্গারবেশাঢ্যাং সৰ্বাভরণভূষিতাম্ ।
 জগদাহ্লাদজননীং জগদ্রঞ্জনকারিণীম্ ॥

ভারতচন্দ্র এঁকে বলেছেন রাজরাজেশ্বরী :

রক্তবর্ণা ত্রিনয়না ভালে সূধাকর ।
 চারিহাতে শোভে পাশাক্ষুশ ধনুঃশর ॥
 বিধি বিষ্ণু ঈশ্বর মহেশ ক্রন্দ পঞ্চ ।
 পঞ্চপ্রেত নিয়মিত বসিবার মঞ্চ ॥

১৪২ ভুবনেশ্বরী—তুলনীয়,

‘তদ্বসার’ : জ্বাকুসুমসঙ্কাশাং দাড়িমীকুসুমোপমাম্ ।
 চন্দ্রেখাং জটাজুটাং ত্রিনেত্রাং রক্তবাসসীম্ ॥
 নানালঙ্কারসুভগাং পীনোন্নতঘনস্তনীম্ ।
 পাশাক্ষুশ বরাভীতীধারয়ন্তীং শিবাংশ্রয়ো ॥

ভারতচন্দ্র : রক্তবর্ণা সূভূষণা আসন অশুভ্র ।
 পাশাক্ষুশ-বরাভয়ে শোভে চারি ভুজ ॥
 ত্রিনয়ন অর্ধচন্দ্র ললাটে উজ্জল ।
 মণিময় নানা অলঙ্কার ঝলমল ॥

ভৈরবীমূর্তি—তুলনীয়,

‘তদ্বসার’ : (ত্রিপুর ভৈরবীর মস্তুরূপে বর্ণিত)
 উদ্যম্ভাসহস্রকাস্তিমরুণকৌমাং শিরোমালিকাং,
 রক্তালিপ্তপয়োধরাং জপবটীং বিজামভীতিং বরম্ ।
 হস্তাভৈর্দধতীং ত্রিনেত্রবিলসদ্রক্তারবিন্দশ্রিয়ং,
 দেবীং বদ্ধহিমাংশুরত্মুকুটাং বন্দেসমন্দস্মিতাম্ ॥

ভারতচন্দ্র : রক্তবর্ণা চতুভূজা কমল-আসনা ।
 মুণ্ডমালা গলে নানা ভূষণ-ভূষণা ॥
 অক্ষমালা পুথি বরাভয় চারিকর ।
 ত্রিনয়ন অর্ধচন্দ্র ললাট-উপর ॥

বৃত্তা—আবৃত্তা । মিহির—সূর্য ।

মাতঙ্গীমূর্তি—তুলনীয়,

‘তন্ত্রসার’ : শ্রামাকীং শশিশেখরাং ত্রিনয়নাং
 রত্নসিংহাসনস্থিতাম্ ।
 বেদৈর্বাহুদটৈ গুরসিখেটকপাশাক্ষুশধরাম্ ॥

ভারতচন্দ্র : রক্তপদ্মাসনা শ্রামা রক্তবস্ত্র পরি ।
 চতুর্ভুজা খড়্গ চক্ষু পাশাক্ষুশ ধরি ॥
 ত্রিলোচনা অর্দ্ধচন্দ্র কপাল-ফলকে ।

ধূমাবতী—তুলনীয়,

‘তন্ত্রসার’ : বিবর্ণা চঞ্চলা রুপ্তা দীর্ঘা চ মলিনাস্বরা ।
 বিবর্ণকুঙ্কলা রুক্ষা বিধবা বিরলদ্বিজা ॥
 কাকধ্বজরথারুঢ়া বিলম্বিত পয়োধরা ।
 সূৰ্পহস্তাতিরুক্ষাক্ষী ধূতহস্তা বরাষিতা ॥
 প্রবৃদ্ধঘোণা তু ভৃগুং কুটিলেক্ষণা ।
 ক্ষুংপিপাসাদিতা নিত্যং ভয়দা কলহপ্রিয়া ॥

ভারতচন্দ্র : অতি বৃদ্ধা বিধবা বাতাসে দোলে স্তন ।
 কাকধ্বজ রথারুঢ় ধূত্রেণ বরণ ।
 বিস্তার বদনা রুশা ক্ষুধায় আকুলা ।
 এক হস্ত কম্পমান আর হস্তে কুলা ॥

বগলা—তুলনীয়,

‘তন্ত্রসার’ : মধ্যে সূধাক্ষিমণিমগুপরত্নবেদীসিংহাসনোপরি
 গতাং পরিপীতবর্ণাম্ ।
 পীতাস্বরাভরণম্ ল্যবিভূষিতাক্ষীং দেবীং স্মরামি
 ধূত মৃদগরবৈরিজিহ্বাম্ ॥
 জিহ্বাগ্রমাদায় করেণ দেবীং বামেণ শক্রন্
 পরিপীড়য়ন্তীম্ ।
 গদাভিঘাতেন চ দক্ষিণেন পীতাস্বরাঢ্যাং
 দ্বিভুজাং নমামি ॥

ভারতচন্দ্র : রত্নগৃহে রত্নসিংহাসনমধ্যস্থিতা ।
 পীতবর্ণা পীতবস্ত্রাভরণভূষিতা ॥
 এক হস্তে এক অস্ত্রের জিহ্বা ধরি ।
 আর হস্তে মৃদগর ধরিয়া উর্ধ্ব করি ॥
 চন্দ্রসূর্য. অনল উজ্জ্বল ত্রিনয়ন ।
 ললাটমণ্ডলে চন্দ্রখণ্ড স্তশোভন ॥

ছিন্নমস্তা—তুলনীয়,

‘তন্ত্রসার’ : তংপদ্য কোষমধ্যে তু মণ্ডলং চণ্ডরোচিষঃ ।
 জবাকুসুমসঙ্কাশং রক্তবন্ধু কসন্নিতম্ ॥
 রক্তঃসত্ত্ব তমোরোথাযোনিমণ্ডলমণ্ডিতম্ ।
 মধ্যে তু তাং মহাদেবীং সূর্য্যকোটীসমপ্রভাম্ ॥
 ছিন্নমস্তাং করে বামে ধারয়ন্তীং স্বমস্তকম্ ।
 প্রসারিত-মুখীং ভীমাং লেলিহানাংগ্রহিষ্ণিকাম্ ॥
 পিবন্তীং রোধিরীং ধারাং নিজ কণ্ঠং-বিনির্গতাম্ ।
 বিকীর্ণ কেশপাশাঞ্চ নানা পুষ্পসমাধিতাম্ ॥
 দক্ষিণে চ করে কত্রী মৃগমালাবিভূষিতাম্ ।
 দিগম্বরীং মহাঘোরাং প্রত্যানীতপদে স্থিতাম্ ॥
 অস্থিমালাধরাং দেবীং নাগযজ্ঞোপবীতিনীম্ ।
 রতি কামোপবিষ্টাঞ্চ সদা ধ্যয়ন্তি মস্ত্রিণঃ ॥
 সদা ষোড়শবর্ষীয়াং পীনোরত পয়োধরাম্ ।
 বিপরীত রতাসক্তৌ ধ্যায়েদ্ভক্তিমনোভরৌ ॥

ভারতচন্দ্র : বিকশিত পুণ্ডরীক কণিকার-মাঝে ।
 তিনগুণে ত্রিকোণমণ্ডল ভাল মাজে ॥
 বিপরীত রতে রত র ত কামোপরি ।
 কোকনদবরণা দ্বিভূজা দিগম্বরী ॥
 নাগযজ্ঞোপবীত মৃগাস্থিমালা গলে ।
 খড়্গ কাটি নিজমুণ্ড ধরি করতলে ॥
 কণ্ঠ হৈতে রুধির উঠিছে তিনধার ।
 একধারা নিজমুখে করেন আহার ॥
 দুই দিকে দুই মখী ডাকিনী বণিনী ।
 দুই ধারা পিয়ে তারা শব আরোহিনী ॥
 চন্দ্রসূর্য্য অনল শোভিত ত্রিনয়ন ।
 অর্দ্ধচন্দ্র কপালফলকে স্মশোভন ॥

মহালক্ষ্মী—তুলনীয়,

‘তন্ত্রসার’ : (লক্ষ্মীমন্ত্র বলে উল্লিখিত)
 কাস্ত্যা কাঞ্চনসন্নিভাং হিমগিরিগ্রন্থৈশ্চভূর্ভির্গৈর্জৈর্হস্তোং-
 ক্ষিপ্তহিরণ্যামৃতঘটৈর্গাসিচ্যমানাং শ্রিয়ম্ ।
 বিভ্রাণাং বরমজ্জয়ুগ্মমভয়ং হস্তৈঃ কিরীটোজ্জ্বলাং,
 কৌমাবন্ধনিতম্ববিম্বললিতাং বন্দেহরবিন্দস্থিতাম্ ॥

ভারতচন্দ্র : স্তবর্ণ স্তবর্ণ-বর্ণ আসন অম্বুজ ।
 দুই পদ্য বরাভয়ে শোভে চারি ভুজ ।
 চতুর্দশ চারি শ্বেত বারণ হরিষে ।
 রত্ন-ঘটে অভিষেকে অমৃত বরিষে ॥

কোম—রেশমী বস্ত্র । করী—হস্তী ।

১৪৪ ত্রিগুণা—স্ব, রজঃ তমঃ এই ত্রিগুণাত্মিকা আদি প্রকৃতি । কৈলা—কহিলা ।
 পুত্র—পুনরায় । উমারূপ ধরিল—সতীর যত্নের পরে হিমালয়-মেনকার
 কন্যারূপে আত্মশক্তি জন্মগ্রহণ করলেন, এই পুরাণ প্রসঙ্গের উল্লেখ করেছেন
 কবি ।

কবিতাবলী

ভারত-সঙ্গীত

১৪৫ সুনামীমণ্ডলী - গ্রীসদেশ । অসভ্য জাপান—জাপানী-সভ্যতা সুপ্রাচীন । কাজেই
 এই বিশেষণটি ঐতিহাসিক নয় । আয়ত—দীর্ঘ । ঠাট—ভঙ্গি ।
 ১৪৬ ছাদে—ওই । তৈলঙ্গ—তেলেগুভাষাভাষী দেশ, বর্তমান অন্ধ্রপ্রদেশ । গাফার
 —বর্তমানে পাকিস্তানের অন্তর্ভুক্ত উত্তর-পশ্চিম সীমান্তপ্রদেশ ।

ভারত-বিলাপ

১৪৭ রাজধানী এক--কলিকাতা মহানগরী । দুর্গ গড়খাই—ফোর্ট উইলিয়াম ।
 ১৪৮ প্রদোষ—সঙ্কট । রুল ব্রিটানিয়া—‘রুল ব্রিটানিয়া রুল দি ওয়েভ্‌স’—বৃটেনের
 সাম্রাজ্যবাদী গৌরবমণ্ডল অগ্রতম জাতীয় সঙ্গীত । গৌরঙ্গ—শ্বেতকায় ;
 সাহেব । গৌয়ালে—কাটালে । রূপে অল্পম নিখিল ধরায় ইত্যাদি—তুলনীয়,
 মধুসূদনের—

কে না লোভে ফণিনীর কুস্তলে যে মণি
 ভূপতিত তারারূপে নিশাকালে ঝলে ?
 কিন্তু ক্রতাস্তের দূত বিষমস্তে গণি,
 কে করে সাহস তারে কেড়ে নিতে বলে ?—
 হায় লো ভারতভূমি ! বৃথা স্বর্ণ-জলে
 ধুইলা বরাক তোর, কুরঙ্গ নয়নি,
 বিধাতা ? রতনসিঁথি গড়ায়ে কৌশলে,
 সাজাইলা পোড়া ভাল তোর লো, যতনি !

[চতুর্দশপদী কবিতাবলী]

১৪২ তোমারো ত বুকে ইত্যাদি—প্রাচীনকালে বিভিন্ন বিদেশি শক্তির কাছে
বৃটেনের পরাভবের প্রতি ইঙ্গিত করা হয়েছে।

বিধবা-রমণী

১৪২ ভারতের পতিহীনা ইত্যাদি—কবিতার প্রারম্ভিক দুই চরণ এবং প্রতি স্তবকের
শেষ চরণে ছন্দ-ব্যবহারের এই রীতি ভারতচন্দ্রের প্রভাবজাত। এ-রীতি
যেমন লঘু তেমনি বিষয়ানুগ নয়। চিকুর—কেশ।

ভারত-কামিনী

১৫১ অবনীর সার—পৃথিবীর সেরা। বাঁধিয়া রেখেছ ইত্যাদি—এই স্তবকে
বৈধব্যাক্লেশের বর্ণনা স্থান পেয়েছে। কুলীন সধবা ইত্যাদি—কৌলীণ প্রথার
সমালোচনা করেছেন কবি এই স্তবকে।

১৫২ না দেখিতে দাও ইত্যাদি—অবরোধপ্রথার প্রতি দিক্কার জানানো হয়েছে এই
স্তবকে। আত্রেয়ী—প্রাচীন ভারতের অদ্বিতীয় বিদূষী মহিলা। প্রথম
জীবনে বান্ধীকির এবং পরবর্তীকালে অগস্ত্যের শিষ্যরূপে তিনি বেদ-বেদান্ত
প্রভৃতি শাস্ত্রে অতুলনীয় পাণ্ডিত্যলাভ করেছিলেন। খনা—জ্যোতিষশাস্ত্রে
এই মহিলার খ্যাতি সম্ভবত কিম্বদন্তীমূলক। খনার বচন নামে কৃষি ও
আবহাওয়া-বিষয়ক অনেকগুলি লৌকিক ছড়া প্রচলিত আছে। লীলাবতী—
ভাস্করাচার্যরূত গণিত-বিষয়ক গ্রন্থ। প্রবাদ, তাঁর কণ্ঠার ঐ নাম ছিল।
রাজোয়ারা—রাজস্থান।

১৫৩ ঘুনানী—গ্রীক। এখানে সমস্ত পাশ্চাত্যদেশমাত্রকে বোঝানো হয়েছে। পুরুষ-
সেবিতা—পুরুষেরাও যাদের সম্মান দেয়।

ভারতে কালের ভেরী

১৫৪ ঈশ্বরচন্দ্র গুপ্ত 'দুর্ভিক্ষ'-বিষয়ে একটি কবিতা লিখেছিলেন। সেখানে কিন্তু
ব্যঙ্গের স্বর মুখ্য—

হয় দুনিয়া ওলট পালট,
আর কিসে ভাই! রক্ষা হবে?
আর কিসে ভাই! রক্ষা হবে?
পোড়া আকালেতে নাকাল করে,
ডামাডোল পেড়েছে ভবে।
আমরা হাটের নেড়া, শিক্কে ধোরে,
ভিক্কে করে বেড়াই সবে।

১৫৫ নাশিতে সে ছুরাচার ইত্যাদি— দুর্ভিক্ষ দূর করবার জন্য বৃটিশ সরকারের চেষ্টার প্রতি কৃতজ্ঞতা জানিয়েছেন কবি।

ইউরোপ এবং আসিয়া

১৫৬ হিন্দুকুশ-চুড়ে ইত্যাদি—আফগান যুদ্ধে বৃটিশের বিজয় উপলক্ষে কবিতাটি রচিত। বালাহিসার, সূত্রগর্দান—আফগান অঞ্চলসমূহ। হাইলগুর—বৃটিশ বাহিনীর অন্তর্ভুক্ত হাইলগুর দল। প্যানেমাচল—পানামা যোজক। অতলাস্ত—আটলান্টিক মহাসাগর। শাস্ত সাগর—প্রশান্ত মহাসাগর।

বাঙালীর মেয়ে

১৬০ কবিতাটিতে “ভারত-কামিনী”-র বিপরীত চিত্র প্রকাশ পেয়েছে। ধারাপাতে মূর্তিমান ইত্যাদি—স্বল্পশিক্ষার প্রতি কটাক্ষ। কলাপাতা না এগুতে ইত্যাদি—নারী গ্রন্থকারদের শিক্ষার প্রতি ব্যঙ্গ।

১৬১ র্যাফেল-বধা—বিগ্যাত যুরোপীয় চিত্রকর র্যাফেলকে হার মানায় এমন ছবি। ব্যঙ্গাত্মক মন্তব্য।

১৬২ ঘাটে—ঘাট করে। দোষে—দোষ দেয়।

সাবাস ছজুক আজব সহর

১৬২ কলকাতার প্রথম পৌর নির্বাচন উপলক্ষে এই ব্যঙ্গ কবিতাটি রচিত। সেতঘর—সেপ্টেম্বর।

১৬৩ ফ্রানচাইস—ভোটাধিকার। ভোরের কামানে—সেকালে কলকাতায় ভোরে, দ্বিপ্রহরে, সন্ধ্যায় ও মধ্যরাত্রে তোপ পড়ত।

নেতার-নেতার

১০ এই প্রসঙ্গে বঙ্কিমচন্দ্রের লেখা ব্যঙ্গনকশা Bransonism (‘লোকরহস্য’ গ্রন্থের অন্তর্ভুক্ত)-এর কথা স্মরণ করা চলে। ইংলিশম্যান-বর্তমান স্টেটসম্যান পত্রিকার পূর্বসূরী ইংরেজি দৈনিক।

১২ রিপনলাট—বড়লাট রিপনের আমলে ইলবার্ট বিল প্রবর্তিত হয়। এন্ড্রিবিয়স—উভচর। আন্দ্রু পিঙ্গু—অ্যাংলো ইণ্ডিয়ানদের প্রতি ব্যঙ্গ।

হায় কি হলো ?

১৫ সফেদ—সাদা। স্বরেন—রাষ্ট্রগুরু স্বরেন্দ্রনাথ বন্দ্যোপাধ্যায়।

১৭ ইংলিশম্যান, পাইওনিয়ার—শাসকদের সমর্থক দুটি ইংরেজি দৈনিক।

দেশলাইএর স্তর

- ১৭৪ গৌরান্দ—এখানে খেতবর্ণ হংরেজ। টীকা—তামাক সাজবার জন্তু কয়লার ঝড়োর জমানো চাকতি। দিয়া কাটি—দেশলাইএর কাঠি।

ব্যক্তিমাৎ

- ১৭৮ [এই কবিতা রচনার পেছনে একটু ইতিহাস আছে। কবির জীবনীকার মন্থনাথ ঘোষের ভাষায় তা বিবৃত করা হল। “১৮৭৫ খ্রীষ্টাব্দে ২৩শে ডিসেম্বর দিবসে যুবরাজ (পরে সম্রাট সপ্তম এডওয়ার্ড) কলিকাতায় আগমন করেন ১৮৭৬ খ্রীষ্টাব্দের ৩রা জানুয়ারী রাত্রিকালে তিনি কলিকাতা হইতে প্রস্থান করেন। কলিকাতায় অবস্থানকালে সম্রাট বাঙ্গালীর ‘জেনানা’ দেখিতে বোধ হয় যুবরাজের ইচ্ছা হয়। হাইকোর্টের জুনিয়র গভর্নমেন্ট প্লীডার রায় জগদানন্দ মুখোপাধ্যায় বাহাদুর তখন বাঙ্গলার ব্যবস্থাপক সভার অগ্রতম সদস্য ছিলেন। তিনি যুবরাজের অভিপ্রায় অবগত হইয়া, ৩রা জানুয়ারি সন্ধ্যাকালে যুবরাজকে ভবানীপুরে নিজ গৃহে নিমন্ত্রণ করেন এবং যুবরাজও এই নিমন্ত্রণ গ্রহণ করেন। যুবরাজকে জগদানন্দ মুখোপাধ্যায়ের পরিবারস্থ মহিলাগণ অভ্যর্থনা ও বরণ করেন। এই ব্যাপার লইয়া সে সময়ে হিন্দুসমাজে মহা আন্দোলন হয়।”]

কৈশবী—কেশব সেনের অন্তগামী।

- ১৮১ পোনা, পুঁটি, খয়রা, চেলা গিন্নি—সাধারণ পরিবারের গৃহিণীরা।
- ১৮২ কেহ বলে আমার কর্তাটি ইত্যাদি—মঙ্গলকাব্যের “নারীগণের পতিনিন্দা” প্রসঙ্গটির বহিরঙ্গরূপরীতি গৃহীত হয়েছে। কুঠেল যবন—কুঠিয়াল সাহেব।
- ১৮৩ আমি উকিলের ইত্যাদি—ব্যক্তি এখানে কবির নিজের পেশাকেও স্পর্শ করেছে। খাটি ব্যক্তিগণী নিজের প্রতি শরৎকোষেও সঙ্কচিত নন।

জীবনমরীচিকা

- ১৮৪ ললাম—ভূষণ, শ্রেষ্ঠবস্ত্র, মঞ্জু-সুন্দর।
- ১৮৫ পীচে—পান করবে।
- ১৮৬ আনায়—জাল। কেলিচর—খেলার সঙ্গী। আগে ছিল কত সাধ ইত্যাদি—তুলনীয়, বঙ্কিমচন্দ্রের কমলাকান্তের উক্তি, “যৌবনে যখন পৃথিবী সুন্দরী ছিল, যখন প্রতি পুষ্পে সুগন্ধ পাইতাম, প্রতি পত্রমর্মে মধুর শব্দ শুনিতাম, প্রতি নন্দ্রে চিত্রারোহিণীর শোভা দেখিতাম, প্রতি মনুষ্যমুখে সরলতা দেখিতাম তখন আনন্দ ছিল।...এখন জানিয়াছি এ অরণ্যে পথ নাই, এ প্রান্তরে

জলাশয় নাই, এ নদীর পার নাই, এ সাগরে দ্বীপ নাই, এ অন্ধকারে নক্ষত্র নাই। এখন জানিয়াছি যে, কুসুমের কীট আছে, কোমল পল্লবে কণ্টক আছে, আকাশে মেঘ আছে, নির্মলা নদীতে আবর্ত আছে; ফলে বিষ আছে, উগানে সর্প আছে; মনুষ্যহৃদয়ে কেবল আত্মাদর আছে।”

পরশমণি

১৮৭ [এই কবিতাটি রচনার বেশ কয়েক বছর পরে জীবনের শেষপ্রান্তে হেমচন্দ্র দৃষ্টিশক্তি হারিয়ে ছিলেন। এ কবিতায় নয়নরূপ পরশমণির বস্তুনিষ্ঠ মূল্যায়ন করেছেন কবি। রূপদৃষ্টা ও ভোক্তা কবির কাছে অন্ধত্বের ব্যক্তিগত বেদনা তাঁর চিত্তবিকাশের কোনো কোনো রচনায় প্রকাশ পেয়েছে।]

শিখিপুচ্ছে শশাক আকিয়া—ময়ূরের পুচ্ছের চক্রাকার বহুবর্ণমণ্ডিত চিহ্নগুলিকে চন্দ্রের সঙ্গে উপমিত করেছেন কবি।

১৮৮ চিকণী—চাকচিক্য। স্বপা—বোন।

জীবন-সঙ্গীত

১৮৯ বলা না কতর স্বরে ইত্যাদি—নবায়ুগলভ মানবপ্রেম ও মর্তমমতা এখানে প্রকাশ পেয়েছে। দারাপুত্র পরিবার ইত্যাদি—শঙ্করাচার্য প্রমুখ মায়াবাদীদের মতবাদের প্রতি ইঙ্গিত। শৈবালের নীর—শৈবালের উপরে জলবিন্দুর গায় ক্ষণস্থায়ী জীবন। মায়াবাদীরা পদ্যের পাপড়িতে পতিত জল বিন্দুর সঙ্গে জীবনকে উপমিত করেছেন।

পদ্যের মূগাল

১৯১ পড়িয়া রয়েছে স্তূপ—কবি মিশরের পিরামিডের কথা বলেছেন। ম্যারাথন, ধার্মপলি—প্রাচীন গ্রীক-ইরানীয় যুদ্ধে খ্যাত দুটি রণক্ষেত্র। গ্রীক স্বাধীনতার পাদপীঠরূপে কীর্তিত। গিরীস—গ্রীস দেশ। যার পদচিহ্ন ধরে ইত্যাদি—প্রাচীন গ্রীক সভ্যতার অনুসরণে যুরোপীয় জাতিসমূহের উন্নতি।

১৯২ দীন—(আরবী শব্দ) ধর্ম।

১৯৩ জিলগু—নিউজিলগু। ফরাসী-জননী—ফরাসী দেশের সমকালীন দুর্দশার কথা চিন্তা করে কবি সহানুভূতি প্রকাশ করেছেন। স্চির যৌবনী—অনন্ত যৌবনা।

জীবনের লীলা ফুরালো

১৯৫ লুতাজাল—মাকড়সার জাল। তিতিল—ভিজিল। অভ্রময়—অভ্রের গায়

১৯৬ পুট—পাত্র।

কল্পনা

- ১৯৭ বানরে সঙ্গীত গায়—ভারতচন্দ্রের বিজ্ঞানসুন্দরের অন্তর্গত পংক্তি। এখানে এটি সুপ্রযুক্ত হয় নি। কবিতার ভাবগাভীর বিনষ্ট করেছে।
- ১৯৮ কমলা ঠেলিলা পায় ইত্যাদি—বিহারীলালের কবিতার সঙ্গে কিছু ভাষাগত সাদৃশ্য লক্ষ্য করা যায়।

চাতক পক্ষীর প্রতি

- ২০১ বিপিন—বন।

গল্প

- ২০৬ অক্ষয়—লেপন।

অশোকভরু

- ২০৮ বিটপী—বৃক্ষ।
- ২১০ বৈতরণী—জীবন ও মৃত্যালোকের মাঝে প্রবাহিত কল্লিত নদী।

কোন একটি পাখীর প্রতি

- ২১৩ সরোরুহ—পদ্ম। কল্লার - শেত পদ্ম। নভশ্চর—পাখি।

দূরে কাননের কোলে পাখী এক ডাকিছে

- ২১৪ সুধাংশু, শীতাংশু—দুটি শব্দের অর্থই চন্দ্র। দ্বিতীয় শব্দটিকে কবি চন্দ্র-কিরণ অর্থে প্রয়োগ করেছেন।

রেলগাড়ী

- ২১৭ জাঙাল—বাঁধ। পগার—ডোবা। মৌদামিনী ইত্যাদি—বৈছাতিক তার। ত্রেতায়—ত্রেতাযুগে। সীতারামে ইত্যাদি—রামায়ণের প্রসঙ্গ। সীতা উদ্ধারের পরে রামসীতা পুষ্পক রথে চড়ে সমুদ্র অতিক্রম করেছিলেন।

শিশুর হাসি

- ২১৯ মুকুল-অমিয়—অমৃত ফলের মুকুল।

পরিশিষ্ট

[হেমচন্দ্রের ছুটি গুরুত্বপূর্ণ গীতিকবিতা প্রমাদবশত বাদ পড়েছে। প্রথমটি “কবিতাবলী” (১ম) এবং দ্বিতীয়টি “চিত্তবিকাশ” গ্রন্থ থেকে সংকলিত। সম্পাদক।]

॥ প্রেম ও প্রকৃতি ॥

হতাশের আকরূপ

১

আবার গগনে কেন সূধাংশু উদয় রে !
কাদাইতে অভাগা রে, কেন হেন বারে বারে,
গগন মাঝারে শশী আসি দেগা দেয় রে !
তারে যে পাবার নয়, তবু কেন মনে হয়,
জ্বলিল যে শোণানল, কেমনে নিবাই রে।
আবার গগনে কেন সূধাংশু উদয় রে !

২

অই শশী অইখানে, এই স্থানে দুই জনে,
কত আশা মনে মনে কত দিন করেছি !
কত বার প্রমদার মুখচন্দ্র হেরেছি !
পরে সে হইল কার, এখনি কি দশা তার,
আমারি কি দশা হবে, কি আশ্বাসে রয়েছি !

৩

কৌমার যখন তার, বলিত সে বারম্বার,
সে আমার আমি তার, অশ্রু কারো হবো না।
ওরে দুষ্ট দেশাচার . কি করিলি অবলার,
কার ধন করে দিলি, আমার সে হলো না।

৪

লোক লজ্জা মান ভয়ে, মা বাপ নিদয় হয়ে,
আমার হৃদয়-নিধি অশ্রু করে সঁপিল।
অভাগার যত আশা জন্মশোধ ঘুচিল।

৫

হারাইলু প্রমদায়, তুষিত চাতকপ্রায়,
 ধাইতে অমৃত-আশে বুকে বজ্র বাজিল ;—
 সুধাপান-অভিলাষ অভিলাষ(ই) থাকিল ।
 চিন্তা হলো প্রাণাধার, প্রাণতুল্য প্রতিমার,
 প্রতিবিম্ব চিত্রপটে চিত্তাক্তিত বহিল,
 হায়, কি বিচ্ছেদবাণ হৃদয়েতে বিঁধিল ।

৬

হায়, মরমের কথা, আমার স্নেহের লতা,
 পতিভাবে অশ্রুজনে প্রাণনাথ বলিল ;
 মরমের ব্যথা মম মরমেই রহিল ।

৭

তদবধি ধরাসনে, এই স্থানে শূন্যমনে,
 থাকি প'ড়ে, ভাবি সেই হৃদয়ের ভাবনা,
 কি যে ভাবি দিবানিশি তাও কিছু জানি না ।
 সেই ধ্যান, সেই জ্ঞান, সেই মান, অপমান—
 অরে বিধি, তারে কিরে জন্মান্তরে পাব না ?

৮

এ যন্ত্রণা ছিল ভালো, কেন পুনঃ দেখা হলো,
 দেখে বুক বিদারিল, কেন তারে দেখিলাম !
 ভাবিতাম আমি দুখে, প্রেয়সী থাকিত সুখে,
 সে ভ্রম ঘুচিল, হায়, কেন চখে দেখিলাম !

৯

এইরূপে চন্দ্রোদয়, গগন তারকাময়,
 নীরব মলিনমুখী অই তরুতলে রে ;
 একদৃষ্টে মুখপানে, চেয়ে দেখে চন্দ্রাননে
 অবিরল বর্ষরিধারা নয়নেতে ঝরে রে,
 কেন সে দিনের কথা পুনঃ মনে পড়ে রে

১০

সে দেখে আমার পানে, আমি দেখি তার পানে,
চিতহারা দুই জনে বাক্য নাহি সরে রে ;
কতক্ৰমে অকস্মাৎ, “বিধবা হয়েছি, নাথ” !
ব'লে প্রিয়তমা ভূমে লুটাইয়ে পড়ে রে ।

১১

বদন চূষন ক'রে, রাখিলাম ক্রোড়ে ধরে,
শুনিলাম মুহু স্বরে ধীরে ধীরে বলে রে—
“ছিলাম তোমারি আমি. তুমিই আমার স্বামী,
ফিরে জন্মে, প্রাণনাথ, পাঠি যেন তোমারে ।”—
কেন শশী পুনরায় গগনে উঠিল রে !

॥ জীবন ভাবনা ॥

বিভু, কি দশা হবে আমার ?

বিভু ! কি দশা হবে আমার ?
একটি কুঠারাঘাত, শিরে হানি অকস্মাৎ,
ঘুচাইলে ভবের স্বপন,—
সব আশা চূর্ণ ক'রে রাগিলে অবনী 'পরে,
চিরদিন করিতে ক্রন্দন ॥

আমার সম্বল মাত্র, ছিল হস্ত পদ নেত্র,
অন্য ধন ছিল না এ ভবে,
সে নেত্র করে হরণ, হরিলে সর্বস্ব ধন,
ভাসাইয়া দিলে ভবান্নবে ॥

চৌদিকে নিরাশা ঢেউ, রাখিতে নাহিক কেউ,
সদা ভয়ে পরাণ শিহরে ।
যখন আগের কথা মনে পড়ে, পাই ব্যথা,
দিবানিশি চক্ষে জল ঝরে ॥

হেমচন্দ্রের নির্বাচিত রচনাবলী

কোথা পুত্র কণ্ঠা দারা, সকলই হয়েছি হারা,
 গৃহ এবে হয়েছে শ্মশান ।
 ভাবিতে সে সব কথা, হৃদয়ে দারুণ ব্যথা,
 নিরাশাই হেরি মূর্ত্তিমান ॥

সব ঘুচাইল বিধি, হরে নিয়া চক্ষুনিধি,
 মানবের অধম করিলে ।
 বল বিত্ত সব হীন, পর-প্রতিপাল্য দীন,
 ক'রে ভবে বাঁধিয়া রাখিলে ॥

জীবের বাসনা যত, সকলই করিলে হত,
 অন্ধকারে ডুবায়ে অবনী ;
 না পাব দেখিতে আর, ভবের শোভা-ভাঙার,
 চির-অস্তমিত দিনমণি ॥

ধরা শূন্য স্থল জল, অরণ্য ভূমি অচল,
 না থাকিবে কিছুর(ই) বিচার,
 না রবে নয়নে দৃষ্টি, তমোময় সব সৃষ্টি,
 দশ দিক ঘোর অন্ধকার—
 বিভূ ! কি দশা হবে আমার ॥

প্রতি দিন অংশুমালী, সহস্র কিরণ ঢালি,
 পুলকিত করিবে সকলে,
 আমারি রজনী শেষ, হবে না কি ? হে ভবেশ !
 জানিব না দিবা কারে বলে ॥

আর না সুধার সিক্ত, আকাশে দেখিব ইন্দু,
 প্রভাতে শিশির বিন্দু জলে,
 শিশির বসন্ত কাল, আসে যাবে চিরকাল,
 আমি না দেখিব কোন কালে ॥

বিহঙ্গ পতঙ্গ নর, জগতের সুখকর,
 তাও আর হবে না দর্শন,
 থাকিয়া সংসার-ক্ষেত্রে পাব না দেখিতে নেত্রে,
 দেবতুল্য মানব-বদন ॥

নিজ পুত্র-কন্যা-মুখ পৃথিবীর সার স্মৃতি,
 তাও আর দেখিতে পাব না,
 অপূর্ব ভবের চিত্র, থাকিবে স্মরণে মাত্র,
 স্বপ্নবৎ মনের কল্পনা ॥

কি নিয়ে থাকিব তবে, কি সাধনা সিদ্ধ হবে,
 ভবলীলা ঘুচেছে আমার,
 বৃথা এবে এ জীবন, হব না কেন এখন,
 বৃথা রাখা ধরণীর ভার ॥

ধন নাই বন্ধু নাই, কোথায় আশ্রয় পাই,
 তুমিই হে আশ্রয়ের সার,
 জীবনের শেষ কালে, সকলি হরিয়া নিলে,
 প্রাণ নিয়া ছুঃখে কর পার --
 বিভূ ! কি দশা হবে আমার ॥

গ্রন্থপঞ্জী : [এক]

। স্বতন্ত্র গ্রন্থ ।

হেমচন্দ্র । প্রথম খণ্ড । মন্নথনাথ ঘোষ । ১৩২৬ বঙ্গাব্দ
হেমচন্দ্র । দ্বিতীয় খণ্ড । মন্নথনাথ ঘোষ । ১৩২৭ বঙ্গাব্দ
হেমচন্দ্র । তৃতীয় খণ্ড । মন্নথনাথ ঘোষ । ১৩৩০ বঙ্গাব্দ
কবি হেমচন্দ্র । অক্ষয়চন্দ্র সরকার । ১৩১৮ বঙ্গাব্দ
হেমচন্দ্র বন্দ্যোপাধ্যায় । সাহিত্য সাধক চরিত্রমালার তৃতীয় খণ্ডে গ্রথিত ।
ব্রজেননাথ বন্দ্যোপাধ্যায় । ১৩৫০ বঙ্গাব্দ
হেমচন্দ্র । রাজকুমার চক্রবর্তী । ১৩২৮ বঙ্গাব্দ
হেমচন্দ্র গ্রন্থাবলী । ভূমিকা । সজনীকান্ত দাস-সম্পাদিত ।
মাইকেল ও হেমচন্দ্রের জীবনবৃত্তান্ত । কালীপ্রসন্ন কাব্যবিশারদ । ১৯০০

। গ্রন্থের অন্তর্ভুক্ত আলোচনা । গ্রন্থবন্ধ স্বতন্ত্র প্রবন্ধ ॥

The Literature of Bengal. । Ramesh Chandra Dutta । 1877,
বাঙ্গালাভাষা ও সাহিত্য বিষয়ক বক্তৃতা । রাজনারায়ণ বসু । ১৮৭৮
বাঙ্গালা ভাষা ও বাঙ্গালা সাহিত্য বিষয়ক প্রস্তাব । ২য় সংস্করণ ।
রামগতি ঞ্চায়রত্ন । ১৮৭৮
বঙ্গভাষার লেখক । ১ম ভাগ । হরিশ্চন্দ্র মুখোপাধ্যায়-সম্পাদিত । ১৩১১ বঙ্গাব্দ
The English influence on Bengali literature । Baroda charan
Mitra.

ভিক্টোরিয় যুগের বাংলা সাহিত্য । হারাণচন্দ্র রক্ষিত ।
পুরাতন প্রসঙ্গ । কৃষ্ণকমল গোস্বামী ।
রামতনু লাহিড়ী ও তৎকালীন বঙ্গসমাজ । শিবনাথ শাস্ত্রী ।
আত্মচরিত । রাজনারায়ণ বসু ।
আমার জীবন । নবীনচন্দ্র সেন ।

বঙ্গবাণী । ২য় খণ্ড । শশাঙ্কমোহন সেন । ১৯১৫
আধুনিক বাংলা সাহিত্য । মোহিতলাল মজুমদার ।

Western influence on Bengali literature । Priyaranjan Sen.

বাঙ্গালা সাহিত্যের বিকাশের ধারা । শ্রীকুমার বন্দ্যোপাধ্যায় ।

- বাঙ্গালা সাহিত্যের ইতিহাস । ২য় খণ্ড । সুকুমার সেন ।
বঙ্গ সাহিত্যে নবযুগ । শশিভূষণ দাশগুপ্ত ।
বঙ্গসাহিত্য পরিচয় । ১ম খণ্ড । কালিদাস রায় ।
বাংলা সাহিত্যের ইতিকথা । ২য় ভাগ । ভূদেব চৌধুরী ।

সাহিত্য-বিচিত্রা । রথীন্দ্রনাথ রায়
 আধুনিক বাংলা কাব্য । তারাপদ মুখোপাধ্যায় ।
 শাক্তপদাবলী ও শক্তিসাধনা । জাহ্নবীকুমার চক্রবর্তী ।
 প্রভাত মুখোপাধ্যায়ের স্মৃতিকথা । মন্মথনাথ ঘোষের গ্রন্থের
 তৃতীয় খণ্ডের পরিশিষ্টে মুদ্রিত ।
 জ্যোতিরিন্দ্রনাথ ঠাকুর কর্তৃক মেঘনাদবধের সঙ্গে বৃত্রসংহারের তুলনা ।
 “প্রবন্ধমঞ্জরী” ১৯০৫ ।

। সাময়িক-পত্রে প্রকাশিত প্রবন্ধ ।

[হেমচন্দ্র-প্রসঙ্গে বৃত্রসংহার প্রকাশের পরবর্তীকালে, বিংশশতকের প্রথম দুই দশক পর্যন্ত বহুসংখ্যক প্রবন্ধ সাময়িক পত্রে প্রকাশিত হয়েছে । বিশেষভাবে যেগুলি উল্লেখযোগ্য তাদের নির্দেশ এখানে দেওয়া হল ।]

“বৃত্রসংহার ১ম খণ্ড” । “বঙ্গদর্শন” ১২৮১ । বঙ্কিমচন্দ্র চট্টোপাধ্যায় ।

“বৃত্রসংহার ২য় খণ্ড” । “বঙ্গদর্শন” ১২৮৪ । সঞ্জীবচন্দ্র চট্টোপাধ্যায় ।

“কবিতাবলী” বিষয়ে “ক্যালকাটা রিভিউ” পত্রিকার আলোচনা ।

“মেঘনাদবধ কাব্য” আলোচনা প্রসঙ্গে হেমচন্দ্রের শ্রেষ্ঠত্ব প্রচার । “ভারতী”
 ১২৮৪ । রথীন্দ্রনাথ ঠাকুর ।

“কাব্যকথা” । “সাহিত্য” ১৩০৫ । নিতাকৃষ্ণ বসু ।

“কবি হেমচন্দ্র” । “সাহিত্য” ১৩১২ । পাঁচকড়ি বন্দ্যোপাধ্যায় ।

হেমচন্দ্রের স্বদেশ চিন্তা । “দেশ” পত্রিকা । জাহ্নবীকুমার চক্রবর্তী ।

“আর্ষদর্শনে” যোগেন্দ্রনাথ বিদ্যাভূষণের প্রবন্ধ ।

“হিতবাদী”তে কালীপ্রসন্ন কাব্যবিশারদের প্রবন্ধ ।

“বান্ধবে” কালীপ্রসন্ন ঘোষের প্রবন্ধ ।

“মানসী” ১৩০৭ । হেমেন্দ্রপ্রসাদ ঘোষ ।

বরদাচরণ মিত্র । চন্দ্রনাথ বসু । দীনেশচন্দ্র সেন । ক্ষীরোদচন্দ্র রায় । অমৃতলাল
 বসুর রচনা ও প্রাসঙ্গিক মন্তব্যও উল্লেখ্য ।

“হেমচন্দ্র বন্দ্যোপাধ্যায়” । “সাহিত্য পরিষৎ পত্রিকা” ১৩১০ । রামেন্দ্রসুন্দর
 ত্রিবেদী ।

“দশমহাবিছা” বিষয়ে প্রবন্ধ—

“বঙ্গদর্শন” ১২৮৯ । চন্দ্রশেখর মুখোপাধ্যায় ।

“বঙ্গদর্শন” ১২৮৯ । সঞ্জীবচন্দ্র চট্টোপাধ্যায় ।

“নবপ্রভা” ১২৮৯ । অজ্ঞাত ।

“বান্ধব” ১২৮৯ । নীলকণ্ঠ মজুমদার (সস্তবত) ।

“এডুকেশন গেজেট” । ভূদেব মুখোপাধ্যায় ।

“বেঙ্গল লাইব্রেরীর রিপোর্ট” (ইংরেজি) ১৮৮৩ । চন্দ্রনাথ বসু ।

“ক্যালকাটা গেজেট” (ইংরেজি) ১৮৮৩।

ভূদেব মুখোপাধ্যায় এবং হেমচন্দ্রের মধ্যে কয়েকট চিঠি লেখালেখি হয়েছিল এই বিষয় নিয়ে। মন্থনাথ ঘোষ-কৃত হেমচন্দ্রের জীবনীতে চিঠিগুলি সংকলিত হয়েছে।

বঙ্কিমচন্দ্র চট্টোপাধ্যায়ের লেখা চিঠি; কালীপ্রসন্ন ঘোষের কাছে। ১২৮৯ বঙ্গাব্দ।
মন্থনাথ ঘোষের গ্রন্থে উদ্ধৃত।

“চিত্তবিকাশ”। “প্রদীপ” ১৩০৫। প্রভাতকুমার মুখোপাধ্যায়।

“চিত্তবিকাশ”। “সাহিত্য” ১৩০৬। হেমেন্দ্রপ্রসাদ ঘোষ।

“দুই রকম কবি হেমচন্দ্র ও রবীন্দ্রনাথ”। যত্ননাথ সরকার।

“মদনতন্ত্র। স্মৃতিকথা : হেমচন্দ্র”। “প্রবাহিনী” ১৩২০।

পাঁচকড়ি বন্দ্যোপাধ্যায়।

[দুই]

From Virgil to Milton—C. M. Bowra.

The Epic—Abercombic.

Epic and Romance—W. P. Ker.

এরিস্টটলের পোয়েটিক্স ও সাহিত্যতত্ত্ব—ডঃ সাধনকুমার ভট্টাচার্য।

মহাকাব্যজিজ্ঞাসা—ডঃ সাধনকুমার ভট্টাচার্য।

মধুসূদন : কবি ও নাট্যকার—ডঃ শুবোধচন্দ্র সেনগুপ্ত।

[মহাকাব্যবিষয়ক আলোচনা]

মধুসূদনের কবিআত্মা ও কাব্যশিল্প—ডঃ ক্ষেত্র গুপ্ত।

মধুসূদন রচনাবলী—ডঃ ক্ষেত্র গুপ্ত-সম্পাদিত। [সাহিত্য সংসদ]

অন্নদামঙ্গল—ভারতচন্দ্র রায়।

বৃহৎ তন্ত্রসার—আগমবাগীশ-সম্পাদিত।

The Iliad—Homer.

মহাভারত—কালীপ্রসন্ন সিংহ-সম্পাদিত।

ঈশ্বরচন্দ্র গুপ্তের গ্রন্থাবলী [বহুমতী]

রত্নলাল বন্দ্যোপাধ্যায়ের গ্রন্থাবলী [বহুমতী]

নবীনচন্দ্র সেনের গ্রন্থাবলী

বিহারীলাল চক্রবর্তীর গ্রন্থাবলী [কলিকাতা বিশ্ববিদ্যালয়]

● Encyclopaedia of Literature Vol. I.—Ed. by Steinberg.

সাধককবি রামপ্রসাদ [রচনাবলী সংকলন]—যোগেন্দ্রনাথ গুপ্ত।

